

HE 2535

UNIVERSITEITSBIBLIOTHEEK GENT



34743







NOVA
ACTA
ERUDITORUM,
ANNO
MDCCLXI
publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

L I P S I Æ,

Prostant apud MAURIT. GEORG. WEIDEMAN-
NUM, JO. FRID. GLEDITSCHUM, &
B. LANCKSIÏ hæredes.

Venduntur etiam Romæ apud PAGLIARINOS, Venetiis apud
JO. BAPT. ALBRIZZUM & SEBAST. COLETUM, Parisiis
apud BRIASSONUM, Ultrajeeti apud JO. BROEDELE-
TUM, & Amstelodami in WAESBERGIORUM
& WETSTENII officinis.

MDCCXLI





Lectori Salutem!



*Quam inde a tot annis & da-
 re nobis, & tibi accipe-
 re, jucundum fuit, qua
 nec postulare tu soles,
 nec promittere nobis,
 per facultates nostras,
 illustriorem licet, cujus
 denique, si ex animo donantis æstimetur,
 pretium esse non omnino nullum debet, nunc
 etiam literariam banc, in Musæ nostræ pa-
 ratam officina, strenam accipe. Tradimus
 enim in manus tuas ejus Operis, quo ita de-
 lectatum omni tempore te scimus, ut nulla
 nobis prosequendi ejus major certiorque,
 quam quod tibi gratam videremur rem præ-
 stare, causa fuerit, ejus, inquam, Operis, cu-
 jus,*

*jus, nemo nunc est exterorum, qui aut no-
men ignoret, aut laudibus incideat, cui de-
nique plurimum debere se honoris sui grata
dudum Lipsia agnoscit, sexagesimum, &
cum eo Supplementorum novum, quod est
quartum decimum, Volumen. Confeci-
mus jam, quæ potentissimi Dei est benigni-
tas, integris animi corporisque viribus, lon-
gum annorum sexaginta cursum, gaudentes-
que imminentem jam nobis, ac ipso pæne in
limine constitutam, senectutem salutamus,
quippe cum dulcissima recte a nobis actorum
recordatione conjunctam. Ut enim in omni
rerum humanarum genere, quo longior no-
bis a Superis fortunæ melioris usus conce-
ditur, hoc majorem lætandi causam habe-
mus, & nobilissimi quique conatus, cum diu-
turni & constantes sunt, tum maxime pro-
bantur; ita in literario hoc ludo, a quo, non
dicam molles ac delicati homines, sed eorum,
quibus ad durissimos labores latera & hume-
ri sufficiunt, plurimi, abhorrent, stipendia
merentibus hoc gloriosior esse ætas tam pro-
vecta ac pæne decursa videtur, quo minor est
eorum numerus, qui, tantum sibi aut robo-
ris, ut continuas tot annorum vigilias mole-
stiasque sustinere fortiter potuerint, aut ani-
morum fuisse, ut, objectis sibi undecunque, ma-
xime*

xime autem a pessimo invidorum genere, difficultatibus succumbere, turpe ac inonestum judicaverint, gloriari vere possint. Ponendum igitur hoc nobis in felicitatis nostræ parte haud postrema judicamus, quod salvis nobis superesse plurimorum, quibus ad æmulanda nostra studia plus audaciæ, quam facultatis, olim fuerat, funeribus licuit, & ad eam viximus ætatem, qua si tandem illa nos fatalis dies opprimat, satis diu vixisse & literis, & nostræ gloriæ, putemur. Neque vero expectari hæc felicitas, nisi natis in Saxonia, omnibus naturæ artisque bonis florentissima, potuit, quæ, quot extulit ad hunc diem & genere augustos, & illustres omni decore virtutum, Principes, tot Apollines bonis literis dedit, quorum maximo præsidio, & vere regia munificentia, ut magis in dies nobiliorum honor artium efflorescit, sic nostris etiam Musis clementissime prospectum est. Horum nutu benignissimo ita sensimus nos omni tempore in proposito, pro virili nostra parte literarum commoda juvandi, confirmatos, ut, quæcunque nobis hinc & illinc pulchra satis specie objectæ sunt honorum & divitiarum formæ, magnam in animis eorum etiam, qui dediti sunt literarum studiis, alioqui vim habentes, nihil nos abstrahere a frugali

*frugali hac & ingloria Musæ nostræ consue-
tutine potuerint. Atque, hanc nobis mentem
in futurum etiam tempus integram & incor-
ruptam servant Superi, precamur, ne,
quod olim a majoribus nostris hæreditate
nobis traditum, posteaque, recte gerendo
munus nostrum, si non auctum a nobis, at
conservatum & custoditum fuit, nunc de-
mum, aut prorsus destituendo, aut negli-
genter tractando opus nostrum, nobili illo
famæ & existimationis bono excidamus.
Nobis sane, quid in literario hoc otio a na-
bis postulari jure possit, optime intelligen-
tibus, adeo, de veteri & noto omnibus hoc
nostro studio tantulum remittere, non est a-
nimus, ut, si bonis consiliis successus re-
spondeat, senectus nostra incitator, & pa-
tientior vigiliarum, feraciorque evigilato-
rum operum, quam ipsa olim juvenus no-
stra, sit futura. Quæ ut proxime appare-
ant promissa, nunc, age, sexti Actorum
Decennii generalem Indicem, & Miscella-
neorum Lipsiensium instauratorum novum,
&, quod auguramur, æmulaturum ipsam
Actorum gloriam, Opus, parantibus, ut
hæc fauste ac feliciter eveniant, nobiscum
Deos immortales, auctores horum etiam
consiliorum & adiutores maxi-
mos, precare.*

NOVA ACTA ERUDITORUM,

publicata Lipsiæ

Calendis Januarii Anno MDCCXLI.

ANTIQUITATES ITALICÆ MEDII ÆVI,
sive Dissertationes de moribus, ritibus, religione, regimine,
magistratibus, legibus, studiis literarum, artibus, lin-
gua, militia, nummis, principibus, libertate, servitute,
foederibus, aliisque, faciem & mores Italici populi refe-
rentibus, post declinationem imperii Romani ad annum
usque MD. Omnia illustrantur & confirmantur ingenti
copia Diplomatum & Chartarum veterum, nunc primum
ex Archivis Italiæ depromptarum, additis etiam nummis,
Chronicis, aliisque monumentis, nunquam antea editis,
Autore LUDOVICO ANTONIO MURATORIO,
*Seren. Ducis Mutinæ Bibliothecæ præfecto, Palatinis
Mediol. Sociis editionem curantibus.*

Tomus I.

Mediolani, ex typographia Societatis Palatinæ, 1737, fol.

Alph. 7 plag. 9.

Bonum igitur factum. Qui tot tantisque ingenii felicissimi
summæque omnis generis doctrinæ monumentis æternam
nominis gloriam dudum sibi peperit Ludov. Antonius Mu-
ratorius, novos nunc rerum præclarissimarum thesauros reclusit,
& Italicas ævi medii antiquitates tanto eruditionis plane incom-
parabilis apparatu exornavit, ut non tam ipsimet de Opere
absolutissimo, quam civitati literariæ nostroque potius seculo de

A

acqui-

Præfat.
pag. 3 seq.

acquisitione nulli secunda, comparanda paucis, impense & ex animo gratulemur. Etenim sumus persuasissimi, maximos quosque orbis eruditi viros Opus perfectum summa cum lætitia excepturos, de quo promisso jam tantopere in Diariis suis exultaverant. Neglecta superioribus seculis habitaque despiciatui fuere tempora, quæ declinationem imperii Romani subsequuta sunt. His primus *Carolus Sigonius*, bono omine Mutinensis, compositis *de regno Italiae*, & *de imperio occidentali*, voluminibus, lucem aliquam, quamvis dubiam & exiguam pro seculi genio ac tenebris, accendit. Vestigiis institerunt non pauci, suasque contulere symbolas, *Jac. Sirmondus*, *Phil. Labbeus*, *Jac. Gretserus*, *Jo. Bollandus*, *Guido Pancirollus*, Cardinalis *Baronius*, *Nic. Alemannus*, *Odor. Raynaldus*, *Laur. Pignorius*, *Ostæv. Ferrarius*, *Henricus Canisius*, *Herm. Conringius*, *Gab. Wolsius*, *Hier. Bignonius*, *Casp. Barthius*, *Car. Chesneus*, *Melch. Goldastus*, *Henr. Meibomius*, *Jo. Mabillonius*, *Theodor. Ruinartus*, *Hadr. Valesius*, *Frid. Lindenbrogius*, *Steph. Baluzius*, *Lucas d' Achery*, *Bern. Montefalconius*, *Edm. Martenc*, *Pet. Lambacius*, *Ant. Pagius*, *G. G. Leibnitius*, *Jo. Georg. Eccardus*, *Jo. Burch. Menckenius*, & qui hodieque, veluti *Helenæ fratres*, lucida agunt orbis eruditi sidera, *Josephus Ant. Saxius*, *Joseph. Blancbinus*, *Scipio Maffæus*, & *Guido Grandus*, Abbas Camaldulensis. His nostra demum ætate successit primo nunc loco censendus *Muratorius*, quem & spectata argumenti dignitas, & voluptas, quæ conjuncta esse cum scribendo solet, ad perficiendum Opus æternum excitarunt. Neque enim nullius existimanda sunt numeri, quæ istud studiorum genus præ ceteris commendant, argumenta. Quodsi quem honoris studium ducit, is sane palmam hic sibi, eamque lemniscatam, paratam habet, quippe quæ & Viros illos, modo nominatos, olim vivos ornavit, & vel ideo jure optimo debetur, quod a majoribus nostris non tam abundantissimum spicilegium, quam ipsa messis, nepotibus relicta est, cum in aliis disciplinis, præcipue autem in rei Romanæ antiquitatibus, post tot referta iisdem volumina, hodierni scriptores centies dicta de charta in papyrum transcribere ut plurimum cogantur. Præterea & miram suavitatem creat, & utilitatem non contemnendam affert, investigatio rituum in sacris

sacris pariter & alibi solennium, qui suos huic ætati natales debent. Ergo igitur hunc sibi finem *Muratorius* proposuit, ut faciem Italiæ a Seculo inde quinto ad undecimum usque medium repræsentaret, eoque consilio varios Italici gentis ac provinciæ quasi prospectus poneret ob oculos, atque ita, delineato ædificii universi æstypo, singulas sigillatim partes percurreret. Ducens nempe lectorem ad dignoscendam regionis post barbarorum irruptiones per plura Secula conditionem, potiora selegit capita, quæ ad Italiam ævi medii intelligendam faciunt, junctaque specimen status illorum temporum exhibere possunt. Hinc primum de Regibus, Ducibus, Marchionibus, Comitibus, aliisque Italici regni magistratibus, commentatur; tum varios politici regiminis ritus, & civium privatorum mores, exponit; deinde diversos liberorum ac servorum ordines, judicia, militiam, leges, nummos, artes, studia, linguam, mercaturam, & id genus alia, persequitur; denique mutationi, quæ post annum A. C. N. 1000 contigit, ubi autocratica imperii forma in Principum Regulorumve locum per civitates plerasque successit, Dissertationum aliquot auctarium destinat. Ex his nemo est, qui non intelligat, non obvia ubivis esse rerum ejusmodi perscrutandarum, & petita ex libris typorum ope pluries descriptis, subsidia. Sane vel eam ob rationem omni eruditorum sodalitis gratiosissimus erit *Muratorius*, quod, itinere per universam Italiam instituto, chartarum atque Diplomatum ingentem contulit acervum, eumque juris publici reddidit: quo quidem in loco nec illorum silenda sunt merita, qui sua lubentes *Muratorio* aperuere scrinia, & Sociorum Palatinorum Mediolanensium, quorum ipse mentionem non sine honoris præfamine injecit, exemplo profecerunt. Tandem, ne quid Operi deesset, de ipso rite dedicando sollicitus etiam fuit *Muratorius*. Consecravit autem *Augusto III*, Sarmatarum Regi, Electori Saxonix, Principi ad bonas literas in dies promovendas nato, qui in peregrinatione Italica in id quoque sedulus incubuit, ut justus rerum ejusmodi æstimator evaderet ac tutelaris. His præmissis, quæ, ni fallimur, totius Operis accuratiorem repræsentare formam ac notionem poterunt, singulas Dissertationes *prioris Voluminis*, quod reliquorum grande desiderium in animis lectorum excitat, ita lu-

Præf.
 pag. 5.

strabimus, ut & *Astorum* nostrorum Lectoribus de præstantia laboris, & *Cel. Muratorio* de diligenti Operis lectione, fidem faciamus.

Diff. I. Inscribitur autem *Dissertatio prima de exteris gentibus, quæ post declinationem imperii Romani Italiam aut afflicere, aut sibi subjecerunt.*

Causas invasionum binas indicat *Muratorius*, quarum una in sterilitate sedium avitarum, altera in Italici soli fertilitate, latet. Cu-

Pag. 21

seq.

25 seq.

riaosa inprimis sunt, quæ de Saracenorum seu Arabum in Italia gestis a Seculo inde VII disserit, & quam ad historiam Nortmannorum confert, symbola. Horum originem *Dudo de S. Quincino*, qui, jussu *Richardi I, Rollonis N.* circa A. C. 990 gentis adornavit historiam, ex Scandinavia, e Gothis *Guilielmus Gemmiticensis*, repetunt. Gothos dum nominat, *Chronicon Anonymi Barenfis*, Ordini Benediclinorum addicte, inserit, a *Nic. Aloysia* e Codice MSto. Vaticanæ Bibliothecæ Urbinatæ descriptum, & perpetuo Commentario illustratum, ab alio parum diversum, quod primus evulgavit *Peregrinus*, posteaque *Muratorius* ipse in *Script. rer. Ital. T. V pag. 147. seq.* denuo typis describendum curavit. Adest & breve

41 seq.

Chronicon Andrea Presbyteri, Seculo IX conditum, atque res gestas inde ab A. C. 568 recensens, cujus editionem nostro olim *Jo. Burch. Menckenio* deberi, *Muratorius* proficitur. *Differ-*

Diff. II. *tatio secunda de regno Italia, & ejus finibus*, tractat, ac Longobar-

dorum, Gothorum, aliarumque ex familia illa gentium, origines tradit, quippe de quibus, utpote in nocte multa jacentibus, post

pag. 55. *Casp. Berrettum*, bene mereri, & lucubrationes suas, ante editum

Tomum X Script. rer. Ital. apparatus, publici iuris facere, nullus dubitat *Muratorius*. Inter alia lectu dignissima evincit, limitem regni

Longobardici ante *Caroli M.* tempora intra Pannoniam fuisse, postea autem per pactum *Otonis M.* cum Tribuno Duce Vene-

tiarum ad *Plavim amnem* A. C. 983 constitutum, quo quidem loco tam illos, qui *Anassum* flumen *Plavis* nomine putant intelligi,

quam *Fresneum*, qui, planitiem indicari, ex loco *Andrea Danduli* suspicatur, carpit, & utrumque probationibus suis exuit. Et ha-

bet omnino causas reprehendendi non exiguas, cum amnis, qui nunc *la Piave* dicitur, in chartis antiquis non sit incognitus, e

quibus unam *Adelberti & Berengarii* Regum de A. 959 e tabulario

Diff. III. *Collatino* primus producit. *Dissertatio tertia est de Imperatorum*

Roma-

Romanorum ac Regum Italicorum electione, quæ inprimis acta Synodi Ticinenſis de A. 885 continet, vel ob electionem *Guidonis*, Pag. 83
Spoleſtani Ducis, Berengario I., Regi legitimo, oppoſiti, magni facienda. Egregia eſt coronationis Romanæ illuſtratio. Solennia, quæ ſeq.
jam Edm. Martene de unt. Eccl. rit. Tomo III explicaverat, e *Libro pontificali* MSto, ante annos ferme 400 exarato, & Luccæ in ſcriniis *Frid. Lucbeſinii* exſtante, novam clariſſimamque lucem ſortiuntur. 97 ſeq.
Differtatio quarta recenſionem officiorum *regiæ domus* inſtituit. Diff. IV
 Eo pertinent *maiores domus*, qui nonnunquam inter Episcopos litigantes jus dixere, (vid. Diploma de A. 715, apud *Ughellum in Ital. ſacrâ Tomo I.*) *Aratores*, quos *Marpabes* Langobardi vocant, *Pincerna*, *Veſtiarii*, *Buticularii*, *Stabuli Comites*, *Reſerendarii*, quorum pag. 116 ſeq.
 in charta *Aiſtulpbi*, Regis, mentio occurrit, ſed non ſatis perſpicua, ut, utrum de ſupplicum precationibus ad Regem reſulerint, an ſcripſerint Principis Diplomata, annuloque ſignarint, queamus diſcernere, *Mariscalchi*, *Senescalchi*, *Silentiarii*, *Oſtarii*, *Venatores*, *Falconarii*, &, qui minorem domus familiam designant, *Gaſindii*. pag. 124.
Differtatio quinta Ducēs ac Principes Italiæ antiquæ repræſentat. Diff. V
 Et initio quidem deſinire non audet *Muratorius*, quod ex lege pag. 149-
Theodoſii Junioris de A. 407, quæ eſt 13 *Th. C. Lib. VI Tit. 26*, probant alii, fuiſſe nonnullos, poſt militiam diuturnam ad illuſtrem & pacificam Ducum dignitatem evectos, immo alios ſubinde, qui nulla meruerant ſtipendia, in ſanctiori Conſiſtorio Imperatorum aſſediſſe. Inter Langobardos, nullum eſt dubium, quin militaris fuerit Ducum dignitas, & ad limites provinciarum propter cuſtodiam frequens. Diviſi ſunt in *maiores* atque *minores*, prout vel provinciæ univerſæ, vel regendæ defendendæque civitati, præerant. In illis clarum eſt Ducum *Spoleti* ac *Beneventi* no- 167.
 men, quos dum memorat *Muratorius*, ſingularia quædam de Ducatibus ipſis, quibus poſtea *Salernitanus*, *Capuanus*, & *Neapolitanus*, acceſſerunt, tradit, & ex monumentis idoneis confirmat. Habuit etiam *Amalphytana* civitas Præſidem, qui Conſul 20.
 primo, deinde Comes, denique Dux, appellatus eſt, cujus poteſtas tam ex *Paraliſipontis* *hſtoricis Anonymi Salernitani* in T. II
P. II Scr. Rer. Ital. quam ex *Chronico antiquo, res geſtas ab A. C. 339 ad A. C. 1294 percuſſente*, & Langobardicis literis in charta pergamena

- gamenta conscripto, illustrari potest. Primus ex eo *Marinus Freccia*, Jctus, profecit, tum plenior usus *Joh. Bapt. Bolvito*, Equiti Neapolitano, contigit, cujus excerpta, ad adornandam patrii regni historiam congesta, *P. Eustachius Caracciolus* cum *Muratorio*, *Muratorius* cum orbe erudito, communicavit. Præterea de Ducibus
- Pag. 216. 246. Cajetæ, Fundæ, Tusciæ, Venetiæ, itemque de antiquis Sardinie Regibus, disseruit, & *Chronicon Beneventanum*, ex perantiquo Codice Vaticano descriptum, subjunxit, quod & transmisit, & notis
- Diff. VI pag. 267. illuminavit, *Nic. Aloysia*. *Dissertatio sexta est de Marchionibus Italia*. Dignitatis initia Seculo A. C. N. IX debentur, quo prima ejus in Edicto *Ludovici Pii* de A. 815 pro Hispanis, ob infestationes Saracenorum in Franciam fugientibus, mentio occurrit, & Præfidem provincie limitaneæ significat. Idem in Italia notavit primum, dein soli inter Comites civitatum potentiori, ceteris exclusis, datum, atque ita factum est, ut Principes iidem, mutato nomine, nunc Duces, nunc Comites, nunc Marchiones, dicti sint, cujus rei exempla occurrunt in dominis Fori Julii & Spoleti. Nonnunquam Marchionis titulus prævaluit, ut in Hetruria; sequenti vero ætate dignior Ducum conditio evasit, relictumque illis hoc nomen, qui plures Comites ac civitates sibi subiectas habebant; reliquis, tali imperio destitutis, Marchionum cedebat appellatio.
269. 271. 272. Seculo X aliquot in Italia Marchiæ effloruerunt, ut sunt Mediolanensis, littoris Italici, Montisferrati, &c. quamvis nec hoc diffiteatur *Muratorius* veri esse simillimum, verbum *Marcha* in Diplomatis non semper provinciam limitaneam, sed aliquando, quod
277. 320. intra fines, in agro seu territorio, situm est, significare. Frequens in Diplomatis Seculo XII Italiæ Marchionum mentio inijcitur, quo nomine Marchiones per Italiani omnes nonnunquam generatim compellari, conjicit. Marcarum, a parentibus ad filios & nepotes jure hæreditario transeuntium, jam aliqua occurrunt in regno *Friderici I* vestigia, quippe qui in charta de A. 1167, 9 Cal. Maji, de Marchia *Guidonis Henricum*, ejusque hæredes masculos, & in casum sobolis deficientis fratrem *Henrici*, investivisse legitur.
- Diff. VII. *Dissertatio septima Comitibus palatinis* sacra est; quod munus, a Langobardis penitus ignoratum, inter Francos, *Hincmaro* teste, ad causas legales dirimendas institutum videtur. A Francis

eis autem regno etiam Italico, cum ipsorum subesset ditioni, Comes Palatii datus est; qui in civitate Ticinensi jus dixit, tantaque autoritate polluit, ut esset ad ipsum ab universis Italiæ populis provocatio. Contextuit *Muratorius* Comitum Palatii Italiæ præ- Pag. 355.
fectorum seriem, eo majori encomio condecorandam, quod frustra olim eadem sparta fungi voluit *Fresneus*. Obiere munus sub *Carolo M. Eherigus*, *Hebroardus*, *Suppo*; sub *Ludovico Pio Adalbardus*; sub *Lothario Maurinus*, quem historiarum scriptores frustra forsitan a *Mauringo*, Comite Brixienfi apud *Eginhardum*, distinguunt; sub *Ludovico II Hucpoldus*, quem male aliquoties *Tuchaldum* nominant, *Joannes*, *Heribaldus*; sub *Carolo Crasso Bodradus*, & circa idem tempus, ceu ex charta Papiensi de A. 880, 6 Id. Januarii, patet, *Bertoldus*, ex quo non infirma emergit divinatio, aut in Diplomare nominato oscitantiam scribæ *Bodradum* cum *Bertoldo* commiscuisse, aut geminos isthac ætate Palatii Comites electos. Sequuntur sub *Guidone Maimfredus*, *Amedeus*, *Sigefredus*, *Odehricus*, Marchio; sub *Hugone Giselbertus*, *Sarilo*, *Enesarichus*, *Hubertus*; sub *Ottone M. Orbertus*, qui male aliquando *Obsertus* effertur, eoque adhuc superstitie *Ezeca*, quæ res iterum conjecturam facit, vel geminos Palatii Comites tum fuisse, vel Duces Beneventanos Regum exemplo potestate eligendi Comitum Palatini gavisos, aulamque ipsorum sacri Palatii elogio venisse; sub *Ottone II Gregorius*, *Giselbertus*, *Lanfrancus*, *Sergius*; sub *Ottone III Ardoinus*, qui, extincto Cæsare, regni Italici coronam ad se transferre laboravit. Ultimo in Palatii Comitibus loco *Osttonem* statuit. Ex quo etiam post annum A. C. 388.
N. 1000 pleraque per Italiam urbes in libertatem sese vindicarunt, dignitas hæc primum depressa est, dein, brevi tempore interjecto, penitus exspiravit. *Dissertatio octava agit de Comitibus & Vice-* Diff. VIII
Comitibus. Comites alii rexere militiam, alii justitiam admini- pag. 399.
strarunt, qui inde Judices dicti, & autoritate summa, imo jure aggratiandi, instructi sunt. Vid. *Gregorius Turonensis* in *Vita S. Nicatii* Cap. 8. Dein nomen præfæctis urbium commune evasit. Sed horum majestati decessit plurimum, ex quo sacri antistites in 418.
sedibus suis regimen dominatumque sibi vindicarunt, hinc castella, vici, & allodia, seu feuda procerum, a ditione civitatum, re-
gio

- gio jussu, constitutis ruralibus Comitibus, divulgata sunt. *Dissertatio nona* inscribitur *de Missis regis, sive Judicibus extraordinariis*. Inventionis gloriam Carolus M. habet; sed nec a Langobardis ignorata fuit dignitas, siquidem *Missus excellentissimus domini Liutprandi Regis* in placito Thusco de A. 715 occurrit, quamquam in eo utriusque gentis Missi distulisse videantur, quod Franci ad quasvis causas dirimendas eo inprimis consilio dari consueverint, ut miseris contra injurias judicum improborum subveniretur, Langobardici de controversiis & pisciporum inter se unice judicarent. Illi, a folio Regis in regionem, quæ *missaticum* 455 seq. vocabatur, ablegati, literis regis expositis, quemvis ad litigandum invitabant. Sic enim *Berengarius*, Augusti cognominis nepos, in Diplomate de A. 918 produxisse legitur chartam, ab annulo dni. Imperatoris sigillatam, in qua continebatur, ut idem *Berengarius* nepos ipsius domini Imperatoris Missus esset constitutus. Similes literas, ab *Ottone III* A.C. 1000, *Benzoni* datas primus edit *Muratorius*. Quodsi per plura loca jus dicerent, *Missi discurrentes* sunt appellati. Missi Episcopi sæpius assederunt, &, cum essent legum plerumque rudes & ignari, Juris periti, sive Judices. Alimenta, 470. *conjectum* dicta, provinciales suppeditarunt. Dignitas Seculo XI rarior evasit, Seculo XII sensim exspiravit, imperante *Friderico I* Diff. X. prorsus evanuit. *Dissertatio decima* est *de minoribus justitiæ ministris, id est, Judicibus, Scabinis, Sculdasciis, Gastaldis, loci servatoribus, Decanis, Sylvanis, Saltuariis; undecima de Allodiis, Vassis, Vassallis, Beneficiis, Feudis, Castellanis, &c.* in qua, inter ceteras observationes elegantissimas, quibus, veluti gemmis, distincta luceat, commendari meretur una, quæ divisionem bonorum in *feudalia* & *allodialia* ex Diplomate *Caroli Crassi* de A. 880 & 887 repetit. In illo Imperator *Angilberga* Augustæ possessiones suas ita confirmat, *ut retineat quasdam, quoad vixerit, usufruendo & potestative ordinando, quasdam vero perpetualiter possidendo, & cui voluerit, 639 seq. dimittendo.* In hoc jus *beneficiarium* a *propriario* distinguitur, quale discrimen & charta *Lotharii I* de A. 839, quamvis perobscurè, tradit. In fine *Dissertationis* libellus incerti Autoris *de Feudis per Patriarcham Aquilejensem concedi solitis* accessit, qui adhuc Diff. XII. in Bibliotheca Estensi latuerat. *Dissertatio duodecima de Notariis* pag. 659. quædam

quædam explicat. Creandorum Notariorum potestas ad Reges regaliumve jurium participes proprie pertinuit; Episcopis tamen, itemque Comitibus, per Capitulare *Caroli M.*, apud *Balazium Tomo I pag. 421*, communicata, quamvis non sine expresso legum privilegio, ceu ex Diplomate *Hugonis & Lotbarii*, Italiæ Regum, de A. 942, colligere licet. Peculiarem constituendi formam Codex *Mstus Cencii Camerarii* notavit. Obiter peccatum illorum *Muratorius* carpit, qui, quos nunc Notarios dicimus, *Scriniarios* a Romanis cognominatos statuunt, quique vel inde confutantur, quod iis etiam temporibus, quibus frequens *Scriniariorum* memoria occurrit, *S. Romana Ecclesiæ Notarii* subinde nominentur; quam in rem clara est charta transactionis, inter *Gezonem a Damiano & Adrianum IV Pont. Rom. A. 1158* initæ. His ita explanatis, ad statum familiarem sese convertit *Muratorius*, & in *Dissertatione* Diff. XIII *tertia decima de hominibus liberis & arimannis* disserit. Sane, pag. 715. hos in servorum numero fuisse nunquam, contra *Cungium & Fontaninum*, gravissimis commotus arguementis, arbitratur, etiamsi pro certo adstruere non audeat, utrum liberis omnibus, an iis solum, qui rura exercebant, & beneficiis a Principe fuerant ornati, adhæserit *Arimannorum* appellatio. Vocem ab *Ebre & Mann* derivat, honoratosque homines scribit ita vocatos, liberos videlicet & aliquo nobilitatis gradu conspicuos, militiæ præterea addictos, maximamque partem vel Regis ipsius, vel Vassi cujusdam senioris, vassallos. Sequitur *Dissertatio quarta decima de Servis & hominibus de Masnada*. Servi secundum Italicorum instituta vel nascuntur, vel fiunt, idque sive ob debitum, sive ob crimen, contingit. Vid. Formulæ veteres ad *l. 1 & 87 Lotbarii I in Script. rer. Ital. Tom. I Part. II.* Frequens inprimis, quando de servis Sermo est, in Diplomatis ævi medii *condumarum* nomen. Hoc domum significari, sonitu vocis decepti statuere *Papias Grammaticus, Cangius, la Cerda, Macri fratres in Hieroglyphico*, cum nihil certius sit, quam hoc, quod viros ac fœminas conditionis servilis, aliquando etiam integræ domus famulitium, *condomam* seu *condumam* vocarint Itali. Ipse locus *Gregorii M. Lib. XI Ep. 20*, quo hæresin suam stabiliunt, quemque & Monachi *S. Benedicti* in nova *Gregorii* editione male interpretati sunt, si recte ponderetur,

- pro vera militat sententia. In verbis enim: *conduma vineolam parvam juris ejusdem Ecclesie nostre tenere dicitur, rō tenere non completi, sed possidere, indicat: id quod ex sequenti com-
mate apparet: & ipsam sibi pariter vineolam petit debere locari.* Conf. *Chronicon Cænobii Vultur. ad A. 778 in Script. rer. Ital Tom. I Part. II pag. 363.* Dum ad homines de Masnada Muratorius progre-
Pag. 798. ditur, pleraque a *Justo Fontanino*, Archiepiscopo Ancyrano, in
peculiari Dissertatione fuisse occupata notat, in multis tamen, & cir-
800. ca originem inprimis, ab ipso discessionem facit. Cum enim *Fontaninus* pro gente in mansis nata homines de Masnada dictos ac-
cipiat; hic gentem mansis additam, & ad mansum excolendum
Diff. XV. constitutam, interpretatur. *Dissertatio quinta decima* indicem
habet de *Manumissionibus servorum, & de Libertis, Aldiis, & Al-*
dianis. Duplex præ ceteris manumittendi ritus *Cel. Muratorio*
dignus notatu visus est, alter *per quartam manum, in lege 225*
Pag. 847. *Rotharis Regis* commemoratus, quando videlicet herus homini
libero servum tradebat, a quo rursus alter ipsum accipiebat,
sicut tertius ab altero & a tertio quartus, qui ad quadrivium
ducens servulum, in conspectu giselim, hoc est, testium, so-
lenni formula: *de quatuor viis ubi volueris ambulare, li-*
beram habeas potestatem, herili imperio penitus eximebat:
per impans alter, sive *in voto Regis*, quando quis servum tra-
debat Regi, quo libertatem consequeretur. Id *amundum*
pronuntiare dicebant, & per excussionem denarii ut plurimum
fiebat, unde *liberti denariales*, quasi aliquod libertatis pretium
exsolvisent. Vid. *Diploma Ottonis III apud Martens Thes.*
862. *Anecd. Tom. I pag. 104.* Nec par erat libertorum omnium con-
ditio, immo fuere, qui, ut olim inter Romanos, perpetuo servi-
864. tutis iugo manumissoribus obligati erant. Medium liberos in-
ter & servos locum *Aldii*, seu *Aldiones*, tenuerunt, quos male *du*
Fresne & Baluzius ad servorum miseras detrudunt. Contra-
rium l. 218 & 219 *Rotharis Regis* evincunt, quæ aldiam aut li-
beram, si in casa aliena intraverit ad maritum, & servum ad ma-
ritum tulerit, libertate privandam censet. De *litis* sejunctionem
866. a viris doctissimis opinionem fovet, libertosque definit, quibus
Diff. XVI. contra æquitatem patroni onera imposuerunt. *Dissertatio sexta*
deci-

decima est de Feneratoribus, Judæis, Societatibus militum & pradonum, Leprosis, &c.; decima septima de Fisco & Camera Regum, Episcoporum, Ducum ac Marchionum Regni Italici. Curtem regiam Langobardi aliquando Palatium dixerunt, Francos pag. 917. nati hac ex parte imitatores, quamvis & his Fisci nomen non fuerit inauditum, ceu charta Ludovici II de A. 854, & Carolomanni de A. 878, declarant. Vox Camera occurrit in testamento Caroli M. apud Eginhardum, & in Diplomate Desiderii, Regis Langobardorum, apud Margarinum, quamvis huic fidem adhibere dubitet Muratorius, qui & observat, multa esse apud Margarinum conficta, eoque inprimis Diploma Caroli M. pertinere, in cujus inscriptione Imperator ipse Magnum se vocat, quod aequè *ἀλτο* est atque nota chronica: Anno ab incarnatione Domini nostri Jesu Christi octingentesimo secundo, Indictione secunda, ad ævum Caroli Crassi meliori jure referenda. Jus fisci seu camerae proprie est regium, Episcopis tamen atque Abbatibus, inprimis si Comitatu urbis fuissent donati, ut Episcopi Parmenses & Abbates Casinenses, maxime vero Romanis Præfulibus, Regum indulgentia communicatum. Rara tamen & vix deprehendenda in vetustioribus Pontificum monumentis fisci mentio, nisi forsitan, sub nomine *Vestiarii* latuisse, dicere & suspicari cum Muratorio velimus. De Principibus, Ducibus, atque Marchionibus, una res explicari nequit regula, quamvis non exigua sit veri species, excisis Langobardorum Regibus, Principes Beneventanos, Salernitanos, & Capuanos, fisci jus sibi vindicasse. Agmen claudit *Dissertatio octava decima de re publica, parte publica, & ministris Reipublicæ antiquis temporibus, & an civium communitates, uti nunc, ita & vetustis Seculis, fuerint in civitatibus Italiciis*. Accedunt Appendicis loco *Excerpta historica ex Commentariis MStis Benevenuti de Imola in Comadiam Dantis Aligherii, ab eo circiter A. C. 1376 compositis, & in Estensis Bibliothecæ thesauro asservatis*. Nihil ad illustrandam Italiæ mediæ historiam tam apprise facit, quam Poema Dantis Aligherii; sed occurrunt tot in eo difficultates, ut absque locupleti Commentario vix queat vel ab Oedipo intelligi. Istum tam prolixum laborem non sine laude devoravit Beneventus de Imola, cujus

Diff.
XVII.

931.

939.

950.

939.

Diff.
XVIII.

Commentarium MStum integrum præter opinionem in Bibliotheca Ducis Mutinensis invenit Cel. *Muratorius*, atque statim in suos, vel potius orbis literati, usus ita vertit, ut, quæ ad ipsius institutum facerent, excerpta daret. Etenim, universum Opus publici juris facere, supervacaneum & inconcinnum videbatur, quandoquidem fabularum scrutari explicationes, & Græciæ pariter ac Romæ veteris antiquitates examinare, & ab instituto scribentis opere procul aberat, & legentium curiositatem non poterat non iusto diutius morari.

*DE SERVORUM DEI BEATIFICATIONE,
& Beatorum Canonizatione, Liber secundus, Autore
PROSPERO DE LAMBERTINIS, S. R. E.*

*Cardinali, titulo S. Crucis in Jerusalem, Anconæ
primum Episcopo, postea Archiepiscopo
Bononiæ.*

Bononiæ, formis Longhi, excusoris Archiepiscopalis, 1735, fol.
Alph. 10.

Librum hunc secundum, particularibus doctrinis destinatum, *Clementi XI*, dudum demortuo, inscribendum dicandumque Maximus Auctor judicavit, extincto benefactore memoriam beneficiorum, ab illo acceptorum, haud penes se intercidisse, declaraturus. *Clementis* enim *XI* favore adjutus ipse Eminentiss. Cardinalis, nunc Pontifex Summus, primum in Advocatorum Consistorialium Collegium relatus, post Promotor fidei constitutus; tum Prælati domesticus, Basilicæ S. Petri Canonicus, S. Officii Consultor, & Sacræ Concilii Congregationis a Secretis, electus fuit. Atque eam ob causam in merita *Clementis* illius honorificentissime prædicanda excurrit. Ex libro ipso summa decerpemus capita, atque in unum alterumque eorum longius recensendum operam nostram infumemus. Tractationis ipsius decursus ad *Caput* usque 54 pertinet. Exorditur Maximus Curie Romanæ Præsul scriptum hoc suum ab *Ordinariorum* facultate, eorundemque in consuecendis causis Beatificationum ac Canonizationum autoritate. Exponitur *Capite secundo* de iis, qui veniunt appellatione *Ordinariorum*.

Pag. 20. Sub-

Subjungitur consuetudo Sedis Apostolicæ antiquior in causis *Ordinariorum*. Ordinarius autem vocatur ille iudex, in cujus diocesi est corpus canonizandi, nec non ille, in cujus diocesi miracula contigisse perhibentur, aut degunt homines, qui de sanctitate & miraculis illius, quem concilio cœlitum esse adscribendum distitant, sunt examinandi. Sede Episcopali vacante, Capitulum Ecclesiæ Cathedralis, sive Vicarius Capitularis, locum Ordinarii explet. Vicarius quoque Apostolicus, qui a Sede mittitur Romana ad gubernandam aliquam diocesin, sive Sede plena, sive vacante, ordinaria potitur jurisdictione, ita tamen, ut a sententiis ejus non provocetur ad Papam, sed ad Metropolitanum. Ordinarius ipse porro inferit Max. Autor *Præsules inferiores*, qui, licet characterem non habeant Episcopalem, jurisdictionem tamen obtinent quasi-episcopalem, habentque territorium separatum cum exclusione cujuscunque Episcopi, ita, ut in eo omnia peragant, quæ perageret Episcopus, exceptis his, quæ spectant ad Ordinis Ecclesiastici seu sacerdotalis conferendi potestatem. Et, licet in *Concilio Trid. Sess. 25* decretum legitur, nemini licere insolitam ponere ullo in loco imaginem, nisi ab Episcopo ea fuerit approbata, nec ulla nova admittenda esse miracula, nisi eodem recognoscente & approbante Episcopo; tamen Autor Summus credit, quasi-Episcopos per ea verba haud excludi. Nomine autem Ordinariorum non veniunt Vicarii Episcoporum generales, nuntii Apostolici, religiosi. Prima processus ordinarii mentio referenda videtur ad petitam Canonizationem *S. Raymundi de Pennaforti* sub *Nicolao III* A. 1279. At juridica testium examinatio ea ætate adhuc absuit. Recentiora sunt tempora, quibus ipsæ Canonizationum causæ ad normam veritatis & quodammodo contentiosi judicii redactæ fuerunt. *Caput quartum* inscriptum est de viribus Processuum, qui sunt ab Ordinariis. *Quinto* sciscitur de conformitate inter Processum ordinarium & Apostolicum. *Sexto* agitur de *Ordinariorum Processuum singularitate*, hoc est, an aliquando eorum ope tantum & citra Apostolicum processum veniri possit ad Beatificationes & Canonizationes. *Septimum* edisserit argumentum de non-cultu, ac de rebus nonnullis ad ornatum materiæ de

14.

21.

26.

41.

49.

- non-cultu præmittendis. Ante *Alexandri III* tempora coli cœperunt Christiani nonnulli defuncti ex consensione ecclesiarum & consuetudine diuturna. Hic vero Papa edixit, ut, etiamsi per Sanctum miracula plurima fierent, non liceret tamen ulli aliquem pro Sancto sine autoritate Romanæ Ecclesiæ habere vel colere veneratione publica, quauquam nemini non liceat Sanctis privatum impendere cultum citra illam autoritatem. Repetit denuo Summus Autor argumentum illud: *Si circumstantia loci publici illicitum non efficit cultum, qui viro pietate conspicuo adhuc viventi exhibetur, cum ad ejus genua in foro & in Ecclesia pro-
volvi possimus, ejusque precibus nos commendare; multo minus illicitum poterit efficere cultum, qui eidem post obitum impenditur.*
52. *Capite octavo* exponit diligentiam, quæ solet adhiberi, postquam causæ Beatificationis & Canonizationis Sedi Apostolicæ fuerunt reservatæ, ne iis cultus præstetur, qui eum minime merentur. *Bonifacius* enim *VIII* iussit, ut *Hermanni* cujusdam corpus, apud Ferrarienses jam viginti annis pro Sancto culti, e sepulchro erueretur atque combureretur, quæstione prius habita de ejus hæresi. *Urbanus* quoque *VIII* in literis Apostolicis ad Archiepiscopum Ravennatensem & Episcopos ejus suffraganeos præcepit abrogari cultum, qui a Fratribus Prædicatoribus cuidam Fratri *Jacobo*
61. publice impensus fuerat. *Capite nono* exponitur de moderatione cultus erga non-Beatificatos, nec a Sede Apostolica cœlitibus adscriptos. In horum enim memoriam nequeunt templa statui, altaria erigi, sacrificia celebrari, festa publica fieri, reliquæ constitui publice honorandæ; licet possit non - canonizatus appellari Sanctus, ejus imago pingi ac honorari, reliquæque coli, at extra templum & cultum publicum. Cum vero quidam Sanctis ejusmodi quoque cultum publicum impertirent, *Clemens VIII* A. 1602 d. 25 Nov. peculiarem instituit Congregationem super titulis & honoribus conferendis in pios vivos, a Sede Apostolica nondum approbatis, eamque ad d. 20 Dec. coram sese coire iussit. *Paulus V* disputationem refumsit, cui a *Clemente VIII* impositum fuerat silentium, atque nonnihil de ea re sancivit decretorum A. 1615. Jussit hic, ne per urbem fierent aut collocarentur in templis picturæ, neve quid pingeretur super muros viarum publicarum, nisi prævio Cardinalis Vicarii per-
70. missu.
- 72.

missu, atque adeo non nisi re communicata cum ipso, vel cum Præfule, ejus vicem gerente. Ferunt, plebeculam Venetam tabellas votivas appendere cœpisse ad sepulcrum Fratris *Pauli Sarpii, quem cucullatum Lutheranum* (sunt verba Autoris Maximi,) plerique appellant. Tum vero *Urbanum VIII* iussisse *Zacchiam*, Faliscorum Episcopum, suum Venetiis Nuntium, ut Senatum moneret, ne indebitus ille cultus continuaretur; Senatumque Venetum in eo morem Pontifici gessisse. Ad-
dunt alii, ea re *Urbanum VIII* motum fuisse ad edenda ea generalia Decreta, quæ hic proferuntur, quæ tamen coniectura infirmo stat talo. Id est certum, *Urbanum A. 1625 d. 2 Oct.* cultum prohibuisse atque venerationem, illis præstari solitam, qui a *Sede Apostolica* nec *Beati* pronuntiati, nec cœlitibus adscripti fue-
re. Vetuit ipse, ne quis servorum Dei ante illas Beatificationis vel Canonizationis cerimonias depingeret imagines cum laureolis, radiis, seu splendoribus, neque ipsæ retinerentur sive in sacellis, sive aliis in locis publicis cujuscunque ordinis, instituti, societatis, neque lumina ad sepulcra ipsorum incenderentur. Adjunxit Summus Autor *Caput duodecesimum* de nonnullis expositionibus ad prædicta *Urbani VIII* decreta, ac de nonnullis quæstionibus, quæ ad eorum funus & sepulcra, qui servorum Dei appellatione veniunt, pertinent. Quæstiones alias, quæ ad anniversariam obitus servorum Dei memoriam, eorundemque reliquias, faciunt, enodat *Capite XIII.* Negat Max. Autor, quod *Papebrochius* in *Conatu Chronico-historico ad Catalogum Romanorum Pontificum*, & *Pagius* in *Critica Baroniana* ad *A. 67 n. 18*, falsi fuerunt, scilicet veteres fere omnes Sanctos Pontifices alio die coli, quam quo obierunt, ratus, in casu dubio Deum manifestasse diem; cujus rei exemplum ex *Gregorio Turonensi Lib. II de Miraculis Martyrum Cap. 29* depromit. Nos non possumus, rei veritate commoti, quin a *Papebrochio* stemus. Disseruit Pontifex Maximus *Capite 14* de quibusdam aliis controversiis respectu imaginum, quibus servi Dei solent coli, nec non actuum sine ulla dubitatione ad cultum publicum referendorum, ideoque vetitorum. Exemplis, decretis, & expositionibus, omnia hic nitefcunt. Illustrat eadem ratione ea omnia, quæ capitulatim breviusque in *Libro primo* edisseruerat. Excipit tractationem Appendix, quæ monu-
menta

75.

77.

79.

87.

101.

109.

- Pag. 571. menta complectitur, ad hunc *Tonum secundum* referenda. Primo loco apparent *Decreta Sanctissime Inquisitionis*, edita A. 1625 d. 13 Martii & 2 Oct. ab *Urbano VIII*, nec non alia ejusdem decreta, per Breve promulgata d. 5 Julii A. 1634, quibus cultus publici determinatio fuit exposita. Disci exinde potest recentior methodus Beatificationis ac Canonizationis. Succedunt Decreta novissima sacre Rituum Congregationis, servanda in causis Beatificationum & Canonizationum Sanctorum, edita jussu *Innocentii XI*. Tertio loco exhibetur antiqua Vita B. *Archangeli Canneti*, Canonici regularis Congregationis Salvatoris, inserta in Processum, autoritate ordinaria confectum die 2 Maji A. 1617 a Vicario generali Episcopi Eugubini. Tum sese offert Vita Sancti *Bolonii* seu *Bononii*, producta ex Archivo Capituli Cathedralis S. *Eusebii Vercellensis*, & ad Autorem missa ab Eminentissimo Cardinali *Ferrerio*, Episcopo Vercellensi. Succedit Officium proprium S. *Bononii*, quod olim in Ecclesia Vercellensi recitabatur. Sequuntur *proprie lectiones*, quæ recitantur in Officio S. *Petri*, Episcopi Vercellensis, & in quibus plura habentur de S. *Bononio*.
- 598.
603. Additur loco septimo *Relatio Rotæ Auditorum in causa B. Petri Regalati*, in qua ante judicium latum de casu excepto a Decretis *Urbani VIII* jam fuerunt discussæ & approbatæ virtutes. Editâ fuerat hæc Relatio ipsa a *Bollandianis* ad diem 30 Martii, at minus integra. Hic vero datur integra ex typis Romanis anni 1630. Additur *Relatio Rotæ Auditorum in causa B. Gregorii Papæ X*, in qua approbatis virtutibus ante Decreta *Urbani VIII* post eadem decreta pronuntiatur fuit super casu ab iisdem excepto. Relatio ipsa MSta existat apud Autorem, & edita etiam fuit post Vitam ejusdem Beati, compositam ab *Antonio Maria Bonuccio*, Presbytero Societatis Jesu. Agmen claudit *Exemplar tabellæ testium*, quæ scilicet Sacrorum rituum Congregationi exhibetur, cum agitur de validitate Processuum, autoritate Apostolica & ordinaria confectorum, ubi testium nomen, cognomen, ætas, inductio, citatio, jusjurandum, & examen, indicantur.
- 613.
- 625.
- 627.
- 629.
- 673.
- 726.

HISTOIRE ROMAINE DE LA FONDATION
de Rome jusqu'à la Bataille d'Actium.

id est,

id est,

HISTORIA ROMANA AB URBE CONDITA
usque ad prælium Actiacum, id est, ad Reipublicæ finem,
Autore ROLLINO, Universitatis Parisiensis antiquo
Rectore, Eloquentiæ in Collegio Regio Professore, &
Societati Regiæ Inscriptionum atque elegantio-
rum literarum adscripto.

Tomus I.

Amstelædami, ex officina Wetsteniana, 1739, 12 maj.

Alph. 1 plag. 4, cum Mappis Geogr. 2.

Non tritum aliquid aut vulgare, sed eximia quæque, ipsum
 Cel. Autoris nomen promittit. Neque fallitur spes nostra.
 Viâ enim scias, utrum elegantissimum stilum, an prudentissi-
 mum selectum, aut accuratissimam rerum compositionem, magis
 admireris.* Ipsa statim Præfatio nos docet, quanta historiarum
 peritia, quanta rerum civilium, ac sigillatim Romanarum,
 cognitione, polleat *Rollinus*. Ideam hic Operis sui generalem
 sistit, atque de fortuna Romanorum sapientissimum omnino judi-
 cium interponit. Scilicet tria sibi potissimum hic tractanda sum-
 sit: primo characterem populi Quiritum, deinde regulas, quibus
 imperium nitebatur, denique vias, quibus ad tantam magnitudi-
 nem perventum est. Deorum timor atque sacrorum cultus inde a
 primis Reip. incunabulis merito ad præcipua imperii fundamenta
 referuntur, neque infimum sibi locum amor patriæ ac libertatis
 vindicavit, quocum honoris & gloriæ studium arctissimo nexu con-
 junctum fuit. Immo vero eo ipso nomine appellari merentur
 divisio inter Senatum atque Populum, quæque hos inter ali so-
 lebant dissensiones, quarum quidem utilitatem, una cum admiran-
 da Populi moderatione, Patrum vero sapientia, prudentia, & gra-
 vitate, luculenter satis exponit Autor. Appellari porro merentur
 civium numerum multiplicandi cupiditas, juventutem in armis
 exercendi, & bellorum gerendorum, ratio, quam juvabant æmu-
 latio inter milites laudibus ac præmiis fuscitata, disciplina mili-
 taris severitas, inque maximis periculis & calamitatibus Roma-

norum constantia, una cum augmentorum tarditate, vincendo a Republica captorum, quæ quidem moribus antiquis stetit atque crevit, mutatis vero labefactata fuit. Neque tamen in mirabilibus istiusmodi incrementis ac fatis singularis tacenda erit divini Numinis providentia, quippe quæ virtutes Romanorum quantumvis falsas hac ratione compensasse videtur. Non sine causa longiorem istam Præfationem pluribus verbis persecuti sumus. Ne tamen in limine tantum hæere videamur, agedum, summa ipsius tractationis, quatenus hoc *Tomo* continetur, capita strictim breviterque percontemur. In *tres* autem iste *Libros* dividitur, quorum *primus duo Capita* complectitur. *Priori* harum gentium ante urbem conditam historiarum paucis enarrantur; *posteriori* autem res gestæ septem Regum comprehenduntur. Quod adeo *septem* pariter *Sectionibus* absolvitur, quarum singulas singulorum Regum vitis dicatas videmus. Ita, exempli causa, *Tarquinius Superbum* sistens Autor, ejus tyrannidem, cum Latinis amicitiam, *Turni Herdonii* eadem, cum Latinis fœdus, templi Jovi Latiali sacri constructionem, cum Sabinis bellum, Gabios dolo captos, exædificationem Capitolii, libros Sibyllinos ad *Tarquinium* laetos, *Junium Brutum*, ejusque indolem, & cum principibus juventutis Delphos profectionem, Ardeæ obsidionem, lucretiam *Lucretiæ* mortem, atque inde enatam Regum expulsionem, ut & alia plura, luculenter satis describit. Postea *Libro secundo* imperii consularis vitia, & diversas Romanorum expeditiones, considerat. Ubi res præsertim primorum Consulum, *Collatini* atque *L. Bruti*, narrantur, quorum posterior præsertim collegam suum, *Lucretiæ* maritum, quia propter affinitatem *Tarquiniarum* suspectus erat, Consulatu se abdicare, atque urbe cedere coegit, & in suam ipse familiam crudeliter animadvertit, tandem vero, cum adversus Reges exercitum duxisset, in acie occubuit. Post ejus obitum, cum *Porfena*, Rex Clusinarum, bellum pro *Tarquiniis* suscepisset, *Coclitis Horatii*, ex Romanorum parte, virtus incluta fuit, cujus atque aliorum exemplo *Porfena* motus, pacem cum Romanis fecit, quo ipso spes *Tarquiniis* imperium recuperandi magis in dies atque magis evanuit. Fuere deinde Romanorum alia bella, cum Sabinis
 impri-

inprimis ac Volscis, quæ Celeb. Autor pari ratione fusius enarrat. Atque etiam *Libro postremo* fata Quiritum & gesta ad annum usque Urbis conditæ 290, vel ante Servatoris nativitatem 462, περιγραφήs perceruset, ita scilicet, ut observationes politicas & morales haudquaquam intermittat. De *altero, tertio, & quarto*, hujus Operis, omni laude dignissimi, *Tomis*, quos intra anni spatium ferrea Autoris octogenarii industria excudit, & quorum nullus est, qui argumentorum delectu, aut narrandi suavitatem, huic *priori* cedat, alio tempore ex instituto diligenterque dicemus.

A COMPLETE SYSTEM OF OPTICKS,
in four Books, &c.

hoc est,

OPTICES SYSTEMA COMPLETUM,
in Libros quatuor digestum, in Tractatus scilicet Popularem, Mathematicum, Mechanicum, & Philosophicum; quibus subjunguntur Annotationes in univ-
ersum Opus, Autore ROBERTO SMITH, Astronomiæ & Philosophiæ Experimentalis Professore Cantabrigiensi, nec non Artium Mechanicarum
Magistro Regio.

Cantabrigiæ, impensis Autoris impressum, & venale apud
Cornelium Crownfield, & Londini apud Stephanum Austen
& Robertum Dodsley, 1738, 4 maj.

Opus ipsum continet Alph. 2 plag. 11, cum Tabb. æn. 63,
& Annotationes Alph. 1, cum Tabb. æn. 20.

Operis hujus perquam eximii, quod non tam Systema, quam
Bibliothecam & Thesaurum, Opticum jure dixeris,
recensionem confecturi, id præcipue agemus, ut de iis, quæ
nova in eo esse, & ad incrementum scientiæ Opticæ facere de-
prehendimus, dicamus paulo plenius, reliqua autem, ex aliis
Autoribus multo cum labore congesta digestaque, strictim dun-

taxat attingamus. Javat quoque monuisse, nos recensionem Annotationum, quas toti Operi subnectere Cel. Autori placuit, una eademque opera ipsis materiis intertexturos, ut novo labori, fastidiosive repetitionibus, ubi ad calcem libri perventum fuerit, possimus supersedere. Cur autem a reliquo opere divulsæ fuerint Annotationes, ratio est, quoniam ad caput rei, nexumque ratiociniorum, necessario non spectant, nihilo tamen minus lectu sunt dignissimæ, uberrima quippe experimentorum, observationum, problematumque, copia refertæ, & cumprimis inventorum Opticorum historiam exhibentes. Quæ cum ita sint, non est, cur in limine Lectorem diutius moremur; quin potius ad rem ipsam continuo accedimus. *Præmissa* itaque egregii Operis *Tractatus* inscribitur *Popularis*, eo scilicet fine conscriptus, iis ut inservire possit, qui, dum Matheoseos profundioris præfidiis destituuntur, rerum tamen opticarum non contemnendam sibi notitiam comparere gestiunt. Ex quo facile intelligitur, in eo præcipue Autori hic laborandum fuisse, ut circumspeditionem in materiis seligendis cum summa proponendi facilitate & perspicuitate conjungeret. Quam ob causam demonstrationes geometricas omnes exulare hic jussit, earumque in locum tales suffecit, quales quidem ferre homines possunt tantum non prorsus ἀγεωμέτρητοι, ab experimentis unice scilicet deductas, iisque intellectu facilioribus, & levi, si placuerit, instrumentorum apparatu instituendis. Ab eo igitur orditur, ut præcipuas luminis proprietates, nec non leges reflexionis & refractionis, exponat; transit deinde ad lentes omnis generis, tam planas, quam sphericas, & varias, quæ in iis fiunt, radiorum tam parallelorum, quam divergentium, reflexiones & refractiones luculenter & copiose ostendit, nec non de imaginibus objectorum, quas radii reflexi aut refracti effingunt, scitu maxime necessaria & facilia proponit, subjuncta quoque linearum causticarum genesi, quas nimirum radii a superficie plana vel spherica reflexi aut refracti depingunt. Experimenta quoque varia addidit, absque magno labore instituenda, quibus veritas eorum, quæ circa eam rem tradidit, pro arbitrio explorari & confirmari potest. Sequitur descriptio oculi, tam artificialis, quam naturalis, ex

Hugenio

Hugenio præcipue defumta, ipsaque visionis ratio accuratius declaratur, quæ veteribus prorsus fuit incognita, donec eam detegeret *Keplerus*. Multa hanc in rem leguntur in Notis, digna omnino, quæ expendantur, illa præcipue, quæ ad visionem distinctam in variis objectorum distantis spectant. De eo enim valde laborant Optici, ut variationes, quas oculum necesse est eum in finem subire, ut ad diversa intervalla distincte videat, exquirant & determinent. Quare Autor Cl. præcipuas eruditum sententias, *Hugenii* præcipue, *Pembertonii*, & *Hirtii*, enarrat, quidque in iis desiderari videatur, exponit. Notabile omnino est, quod mox ab initio demonstrat: positis nimirum tribus ab oculo distantis, quarum prima sit earum minima, ad quas objectum distincte cernat, secunda dupla primæ, tertia vero prorsus infinita; distantias primam & secundam easdem in oculo variationes requirere, ut distincte videat, ac secunda & tertia, quamvis infinite a se invicem differant. Luculenter deinceps agit de visus defectibus, & medela ope conspiciolorum ipsis adhibenda, quorum historiam quoque perquam copiose enarrat. Quibus ita expeditis, ad visionem, quæ fit per lentes, provehitur, ubi præcipue de Telescopiis & Microscopiis agit, quorum historiam ex *Hugenio* depromsit; factis tamen accessionibus haud contemnendis. Cumque sint inter Anglos, qui *Baconem* Telescopii inventorem existiment; eorum argumenta, ex ipsis *Baconis* scriptis defumta, ad examen revocat, tandemque conficit, neque theoriæ, neque experimentorum, ope eo usque pervenire potuisse Philosophum istum, ut rem adeo egregiam inveniret. De Telescopiis catoptricis, seu reflectentibus, refert, primum eorum inventorem non fuisse *Newtonum*, sed *Jacobum Gregorium*, quamvis ejus constructio a *Newtoniana* differat, eaque longe sit inferior, ceu *Newtonus* ipse monstravit. Quæ sequuntur, de ideis agunt, quas ope visionis acquirimus. Inter alia quæstio illa, inter *Molyneuxium* & *Lockium* olim agitata, excutitur, an homo aliquis inde a sua nativitate oculis captus, si qua arte visum ipsi restitui contigerit, globum a cubo discernere solo intuitu valeat, quorum differentiam tactu antea solum cognoverat. Cujus Problematis solutionem a Cl. *Jurino* accepit

Noster, Notisque suis inferuit, qua probatur contra *Molineuxium*, hominem, restituto visu, globum a cubo utique distinctum, nullo interveniente tactu, sed ratiocinando eum in modum, quem fufius describit. Narratur quoque, *Nicolaum Sanderfonum*, (insignem Philosophum & Mathematicum, licet a sua inde infantia cœcum, de quo plura legas in Præfatione ad Opera *Cotesiana*,) eandem de hac quæstione sententiam fovere. In id non minus inquiritur, cur duobus oculis utentes, objecta tamen ordinarie simplicia videamus, & quibus casibus duplicata; eamque in rem *Jurini* aliorumque observationes adducuntur. Præcipue vero id curæ fuit Autori, ut ideam distantie apparentis objecti alicujus, ejusque genesis, rimaretur quam diligentissime, cum exinde magna nobilisque scientiæ Opticæ pars dependeat, hætenus parum accurate, ne dicamus vitiose, ab Autoribus tradita. Plurimum igitur studii in eo collocat, ut ratiociniis non minus, quam experimentis, cum lentibus omnis generis institutis, quam firmissime adstruat, ideas distantiarum in mente nostra excitari per ideas magnitudinis objectorum apparentis. Reperit enim, oculo ad lentem appresso, omnium objectorum magnitudines & distantias easdem apparere, quales nudo oculo appareant, oculo autem & lente a se invicem separatis, distantiam apparentem in ea ratione semper augeri, qua diminuatur magnitudo visa, & vicissim. Conficit, distantiam apparentem objecti cujusvis, per lentem aut speculum visi, esse reciproce ut magnitudo apparens. Exinde prono fluit alveo, objectum, per radios reflexos refractosve conspectum, ad eandem ab oculo distantiam removeri censendum esse, ad quam judicatur nudo oculo, sed eadem, qua per specula aut lentes, magnitudine visum. Hoc igitur Viri doctissimi principium non est, quo utitur ad illam Opticæ partem, quæ circa distantias objectorum apparentes versatur, fundamento latissimo superstruendam, de quo frustra hætenus laborarunt Optici scriptores præstantissimi. Sane magnus ille *Barrovi*us in *Lecti*onibus suis *Opticis* dudum impugnavit antiquum istud principium, quod amplexati sunt *Euclides*, *Alhazen*us, *Arabs*, *Tacquet*us, tantumque non omnes ceteri Auctores, illudque minus esse sufficiens, quin imo falsum, pronuntiavit;

tiavit; quo nimirum statuitur, quodlibet punctum per reflexos refractosve radios visum ibi apparere, ubi radii reflexi aut refracti continuatio interfecat rectam ex puncto radiante ad superficiem reflectentem aut refringentem perpendiculariter ductam. Aliud igitur, idque tutius, principium adstruere annisus est, quod eo redit, cujuslibet puncti radiantis imaginem per reflexionem aut refractionem in eo puncto apparere, ex quo divergunt radii, pupillam oculi ingredientes. Vid. inprimis *Leß. Optic. pag. 45, 46.* Hoc principium in facilioribus quibusdam casibus cum experientia quidem conspirat, in plurimis autem quammaxime ab ea dissidet, illo præsertim, cuius difficultate contritus hæsit ipse *Barrovius*, uti sub finem *Lectionum Opticarum* candide ipsemet agnoscit. Etenim non difficile perspicitur, tale punctum, quale *Barrovius* insinuat, semper in curva aliqua situm esse, quam causticam per reflexionem aut per refractionem appellant; igitur valde differt a loco imaginis, si angulus incidentiæ magnus est, vel, quod eodem recidit, oculus ab axe Causticæ valde remotus; proxime autem cum eo coincidit, oculo prope axem, ut in experimentis vulgaribus, constituto. Unde consequitur, insignem istum Virum, cum mathematicam Opticæ partem accessionibus egregiis auxerit, in physica tamen a vero defecisse. Cel. autem *Smithius* principii hujusce erronei fontes non solum aperit, sed in eo quoque præcipuam operam ponit, ut difficiliorum ejusmodi casuum, *Barroviani* inprimis, solutionem ex suis notionibus exhibeat, ac distinctissime demonstret, distantiam objecti apparentem a convergentia vel divergentia radiorum versus oculum e loco imaginis (vel absolutæ, vel relatæ, uti *Barrovius* eam distinguit in *Leß. Optic. pag. III.*) nullo pacto dependere. Ea de re vero plura dicemus paulo infra in recensione *Tractatus mathematici.* Quæ in hoc Capite memoratu digna adhuc occurrunt, ad ideam, quam de cælo æthereo habemus, præcipue spectant, in cujus figuram apparentem diligentius inquiritur, eamque segmentum superficiæ sphericæ concavæ, sed hemisphærio minus, esse ostenditur, utpote cujus altitudo sit ad radium basis ut 1 ad $3\frac{1}{2}$, vel ut 3 ad 10 proxime, uti ex variis observationibus inter se collatis

collatis colligere licuit. Exinde fluit. solutio quæstionis, cur Sol, Luna, ceteraque sidera, in horizonte multo appareant majora, quam ubi vertici propinquiora sunt, & qua id proportionem fiat. Quem in finem exhibetur laterculus sequens:

Grad. altid. ☉ vel ☽ supra horiz.	Diam. appar.
00	100
15	68
30	50
45	40
60	34
75	31
90	30

Nec minus de aliis visionis fallaciis, imprimis de refractione, disseritur, adjectis eam in rem observationibus plurimis, quas ab amicis accepit Autor. Tandem vero de origine colorum, de transparentia & opacitate corporum, deque causa reflexionis & refractionis, agitur, de quibus, cum ex *Newtono* prorsus desumpta sint, plura dicere superfedemus, id unice annotantes, Autorem *Leibnitii* nostri sententiam de causa reflexionis & refractionis, quæ *Actis* nostris *Anni 1682* inserta legitur, impugnare. Et hæc quidem de *Tractatu Popolari* dixisse sufficiat.

Ad *Mathematicum* itaque continuo accedimus, in quo quid præstiterit Vir doctissimus, paulo attentius circumspicendum. Et primo quidem in eo est totus, ut propositiones Catoptricæ Dioptricæque elementares tradat, quæ versantur circa focos speculorum lentiumque determinandos, nec non circa imagines a radiis tam reflexis, quam refractis, efficias. Omnia olim sua methodo jam demonstravit *Hugenius* in Dioptrica, idque rigorosissime quidem, sed prolixissime, ne dicamus intricate, ob tot rationum compositiones & resolutiones. Utilem itaque rem fecisse dicendus est Noster, breviorē, eamque longe faciliorem, demonstrandi rationem sequendo, methodo nimirum rationum primarum & ultimarum innixam. Ne vero desiderari quidpiam possit, in Notis formulas algebraicas, quibus, ceu liliæ nuci, universa hæcce

hæc doctrina includitur, exhibuit, quales olim condiderunt *Hallejus* in *Transact. Angl. m. 205*, & *Guisneus* quoque in *Comment. Acad. Paris. A. 1704*, idque adhuc universalius. Quibus ita expositis, ad alia, eaque minus trita, provehitur, Problematis nimirum sequentis solutionem plenam exhibiturus: Datis distantis focalibus, (respectu nimirum ad radios parallelos habito,) & aperturis tot lentium, quot libuerit, ad datâs inter se distantias ab oculo objectoque dispositarum, invenire distantiam apparentem, magnitudinem, situm, gradumque claritatis & distinctionis objecti, per omnes hæc lentes conspecti, nec non maximum visionis angulum, areamque objecti visibilem, denique aperturam particularem, quæ utrique limites figit. Facile igitur patet, hac propositione prænobilem illam difficilemque scientiæ Opticæ partem contineri, de qua, ut multa fuere scripta, ita certi parum constitit. Ope autem principii supra expositi, quod de distantis objectorum apparentibus adstruxit Autor, rem Geometriæ subjecit, eique tantum lucis affudisse videtur, ut extra omnem dubitationis aleam posita jure existimari queat. Solutio autem Problematis præsentis pendet & nobili theoremate dioptrico, quod paulo ante fata sua invenit *Cotesius*, quanta licet brevitate huc transferendum. Sit PL TAB. I
 objectum, per lentes quotlibet visum, collocatas ad A, B, C, Fig. 1.
 quarum distantie focales (ad radios parallelos) sint rectæ a, b, c ; sitque communis earum axis recta OP, quæ distantiam quoque objecti ab oculo exponit; cumque in nostro schematismo tres lentes designatæ sint, concipiatur OP divisa in quatuor partes, scilicet OA, AB, BC, CP; semper enim, numero lentium existente $= n$, distantia OP dividetur in partes, quarum numerus est $= n + 1$. Jam ducantur in se singulæ binæ harum linearum, OA & AP; OB & BP; OC & CP; factique ad a, b, c , applicentur respective, sitque $\frac{OA \times AP}{a} + \frac{OB \times BP}{b} + \frac{OC \times CP}{c}$
 $= X$. Deinde ducantur in se singulæ ternæ, nimirum OA, AB, BP; OA, AC, CP; OB, BC, CP; & facti applicentur ad ab, ac, bc , respective; sitque $\frac{OA \times AB \times BP}{ab} + \frac{OA \times AC \times CP}{ac} + \frac{OB \times BC \times CP}{bc} = Y$. Pariter sumantur facti ex singulis quaternis, appli-

applicenturque ad factos ex singulis ternis focalibus distantis respectivè: uti in nostro casu, sit $OA \times AB \times BC \times CP = Z$, & sic

porro, prout numerus lentium exegerit. His ita constitutis, erit distantia objecti apparens, sive $O\Pi = OP + X + Y + Z$. *Demonstratio.* Sit enim $O r$ radius post singulas refractiones per lentes ad A, B, C , positas, in oculum illabens; igitur punctum L videbitur per radium $O r \Delta$. Per punctum L agatur LA parallela rectæ $O\Pi$, radio $O r$ protracto occurrens in Δ , unde ad $O\Pi$ demittatur perpendicularis $\Lambda\Pi$, quæ erit $= LP$. Per axioma igitur supra stabilitum $O\Pi$ erit distantia apparens objecti PL , per lentes conspecti. Etenim, ut oculus nudus objectum PL sub angulo LAO vel ΛOP spectet, illud ad distantiam $O\Pi$ removendum est. Supponatur, methodi causa, lentes ad A, B, C , esse concavas; cumque triangula OAr , $O\Pi\Pi$, similia sint, erit $OA : O\Pi = Ar : \Pi A$ seu PL , hoc est, $OA : O\Pi = Ar \times BS \times Ct : PL \times BS \times Ct$, cumque sit $Ar : BS = fA : fA + AB$, $BS : Ct = gB : gB + BC$, $Ct : PL = hC : hC + CP$, erit quoque $OA : O\Pi = fA \times gB \times hC : (fA + AB) \times (gB + BC) \times (hC + CP)$, unde $O\Pi = OA \times \frac{(fA + AB)}{fA} \times \frac{(gB + BC)}{gB} \times \frac{(hC + CP)}{hC}$. Habebitur

ergo $O\Pi$, statim ac innotuerint fA, gB, hC . Quodsi autem ab oculo O radii versus objectum emanare intelligantur, erunt f, g, h , foci refractorum respectivè, adeoque inveniri poterunt per regulas passim traditas; nimirum $fA = OA \times a$; $gB = fB \times b$
 $= \frac{(fA + AB) b}{fA + AB + b}$; nec non $hC = \frac{gC \times c}{gC + c} = \frac{(gB + BC) \times c}{gB + BC + c}$. Exin-

de non difficulter invenitur, oculo per unam solum lentem ad A objectum ad B positum conspiciente, ejus distantiam apparentem $O\beta$ fore $= OB + \frac{OA \times AB}{a}$; si per duas autem lentes ad

A, B , positas, objectum ad C situm adspiciatur, fore $O\gamma = OC + \frac{OA \times AC}{a} + \frac{OB \times BC}{b} + \frac{OA \times AB \times BC}{ab}$; si per tres, ut in nostro Schemate exprimitur, fore $O\Pi = OP + \frac{OA \times AP}{a} + \frac{OB \times BP}{b} + \frac{OC \times CP}{c} + \frac{OA \times AB \times BP}{ab} + \frac{OA \times AC \times CP}{ac} +$

$OB \times C$

$$OB \times BC \times CP + OA \times AB \times BC \times CP = OP + X + Y + Z; \text{ id}$$

quod erat demonstrandum. Quodsi autem lentes convexæ sint, pro a, b, c, scribendum —a, —b, —c; ergo termini, in quibus —a—b—c &c. impari numero in se ducuntur, negative accipiendæ sunt. Inventæ jam distantia apparente OΠ, reliqua non difficile eruuntur. Ita magnitudo apparens objecti per lentes ad ΠA visi erit ad ejus magnitudinem nudo oculo ad PL visi, ut OP ad OΠ. Quodsi punctum L, & radius OrA, per quem videtur, ad eandem axis OP partem jaceant, objectum per lentes situ videbitur erecto; contra, everso. Quæ ad claritatem, angulum visionis maximum, &c. spectant, apud Autorem legi, aut ex dictis facile deduci, possunt. Ex hujus autem Problematis solutione ingentem Corollariorum numerum obtinuit Vir Clarissimus, in quibus Telescopiorum & Engyscopiorum Proprietates quam simplicissime & generalissime demonstrat, qua quidem in re dudum valde defudavit *Hugenius*, plures quippe propositionis hujusce casus particulares totidem theorematibus in Dioptrica sua complexus. Quæ de lentibus, & objectis per eas visis, hactenus dicta sunt, ad specula quoque, sive superficies reflectentes, mutatis mutandis, transferri queunt, ceu distinctis quibusdam propositionibus ostenditur. Quo facto, ad determinandam radiorum a foco geometrico aberrationem acceditur, ex sphaerica superficiæ reflectentis vel refringentis figura, præcipue vero ex inæquali radiorum refrangibilitate, oriundam; ubi demonstratur, aberrationem, a sphaericitate profectam, adeo exiguam esse, ut respectu alterius tuto contemni possit. Ex *Newtono* maximam partem hæc desumpta sunt. Unde consequitur, radiorum heterogeneitatem (vel, quod idem est, diversam refrangibilitatem;) summæ Telescopiorum perfectioni præcipue obesse. Quid autem ulterius in hac aberrationis theoria ab Autore præstitum sit, dicemus paulo inferius. De Telescopiorum, tam dioptricarum, quam catoptricarum, aperturis, & vi objecta amplificandi, jam disscritur, & præcipue demonstratur regula *Newtoni*, *Optic. Prop. VIII* sine demonstratione tradita; scilicet, aperturas Telescopiorum reflectentium esse in longitudinum ratione subsequeutriplicata, sive ut radices biquadrata ex cubis longitudinum;

unde sequitur, distantias focales lentium ocularium esse in subquadruplicata longitudinum ratione. Subditur Tabula *Hugenii* pro Telescopiis dioptricis, aliaque pro catoptricis, quam hic describere operæ pretium duximus:

Longitudo Telescopii, seu distant. focalis speculi cavi. Ped. Angl.	Distant. focal. lentis ocularis. Millef. pollic. Angl.	Amplificatio objecti linearis.	Apertura linearis speculi concavi metallici. Millef. pollic. Angl.
2	o. 167	36	o. 864
1	o. 199	60	1. 440
2	o. 236	102	2. 448
3	o. 261	138	3. 312
4	o. 281	171	4. 104
5	o. 297	202	4. 848
6	o. 311	232	5. 568
7	o. 323	260	6. 240
8	o. 334	287	6. 888
9	o. 344	314	7. 536
10	o. 353	340	8. 160
11	o. 362	365	8. 760
12	o. 367	390	9. 360
13	o. 377	414	9. 936
14	o. 384	437	10. 488
15	o. 391	460	11. 040
16	o. 397	483	11. 592
17	o. 403	506	12. 143

Cumque per Tabulam *Hugenianam* Telescopium dioptricum 600 pedum diametrum objecti 488 vicibus amplificet; evidens est, eidem aequiparandum fere esse Telescopium reflectens, cujus longitudo est 16 pedum. Quæ sequuntur, iterum demonstrant focorum & imaginum proprietates generales, idque in extensione maxima. Cum enim focum lentis alicujus singulatim spectatz determinare supra docuerit Autor, in eo jam est, ut, dato foco radiorum incidentium, inveniat focum refractorum post eorum transitum per lentes quocunque, vel, si mavis, per media quocunque interposita, sibi que invicem contigua; qua quidem

dem in re dignum notatu est, unica solum analogia relationem focorum conjugatorum, (hoc est, foci radiorum incidentium, & refractorum,) semper exprimi posse, quantumvis augeatur mediorum numerus. Regulæ deinceps dantur faciles & elegantes, cum pro inveniendâ semidiametro imaginis, post refractionem in ultimo medio efformatæ, tum pro exhibenda ratione, quam habent inter se anguli a radio quodam incidente, & post ultimam refractionem egrediente, cum axe mediorum communi constituti. Tandem vero, ne desiderari quidquam possit, tota res per construtiones geometricas ante oculos ponitur, solutione nimirum Problematis sequentis facta: Invenire distantiam apparentem objecti, per systema mediorum quotcunque conspecti, & demonstrare, quas variationes subeat, oculo, objecto, vel systemate, prorsum aut retrorsum motis. Construtionem per locum vel lineam Problemati propriam, quam *Parabolam Apolloniam* esse ostenditur, exhibuit Vir eximius oppido concinnam. Eum autem in finem ea omnia egit, ut, factis experimentis, innotescere posset, quam probe determinaciones suæ cum ideis conspirent, quas de magnitudine & distantia objectorum apparente fovemus. Quamobrem pariter subdidit construtionem pro demonstrandis variationibus, quæ accidunt distantie oculum inter & imaginem objecti ultimam, oculo nimirum, objecto, aut systemate, quomodo locunque motis. Locum autem geometricum, ad solutionem hujus Problematis accommodatum, ostenditur esse *Hyperbolam intra Asymptotos*. Ea autem ratione in oculos incurrit, distantiam ultimam imaginis ab oculo ab ejus distantia apparente in plerisque casibus longissime discrepare, contra quam visum *Barrovio*. Quæcunque autem hæcenus fuere demonstrata, ad eorum solum radiorum penicilla pertinent, qui ad angulos fere rectos in superficiem reflectentem aut refringentem incidunt. Ampliori autem penicillo assumpto, evidens est, radios inde provenientes post reflexionem aut refractionem ad focos diversos, quin infinitos, in plerisque casibus dirigi, idque ex variata radiorum ad perpendicularum inclinatione. Inde origo curvarum nobilium, quas nomine *causticarum* insigniunt, quarum ideam dedit, & affectiones præcipuas primus dedit,

Illustris olim *Tyſchirnhusius* noster, ab Autore tamen, cum in opticorum inventorum historia diligenter ceteroquin versatus sit, non nominatus. Quæ cum ita sint, in eo operam suam nunc ponit Vir Clarissimus, ut focus radiorum, qui sub angulo inclinationis quolibet in superficies quocunque vel qualescunque reflectentes aut refringentes illabuntur, geometrica ratione determinet. Et, quamvis rem proponat generalissime, eam tamen ad circulum vel sphaeram præcipue applicat, cum reliquarum figurarum usus in Opticis rarus & perexiguus existat, si a theoria nimirum disceſſeris. Dato igitur radiorum incidentium foco, invenire docet focum, ad quem tendunt radii post datum quemlibet reflexionum successivarum numerum, in interiori parte circuli alicujus dati factum. Nec minus Problematis hujus solutionem exhibet: Dato penicillo satis tenui radiorum, ad circulum sphaeræ alicujus maximum utlibet oblique allabentium, invenire focum, ad quem tendunt radii, post datum reflexionum successivarum numerum e sphaera iterum per refractionem emergentes; unde corollarii instar deduxit regulam, a *Newtono* pro determinanda iridis diametro apparente traditam in *Opticæ Lib. I Part. II Prop. 9*. Circa Causticas ita versatur, ut generales earum proprietates sua methodo (hoc est, absque calculo fluxionum, vel differentiali,) proponat, deinceps cumprimis Causticas circuli diligentius contempletur, earumque icones designet. Inter alia tradidit regulas pro determinanda radiorum densitate in singulis lineæ causticæ partibus, eamque prope axem (id est, eo in loco, ubi focus, qui vulgo appellatur, existit,) infinities majorem demonstrat, quam in alia quavis finita ab eo distantia. Quibus ita confectis, peculiarem de iride, ejusque phænomenis, tractationem instruit, ubi, præmissis quibusdam propositionibus, ad computandam iridis diametrum & latitudinem necessariis, tota *Newtoni* explicatio ex ejus *Optica* huc transfertur, subnexis tamen observationibus aliis, a *Lanwightio* præsertim in *Transact. Philos. n. 375* exhibitis. Interim tamen ad iridis theoriâ alia quoque notatu satis digna adjecit Autor, & hujus præsertim Problematis solutionem: Data semidiametro apparente iridis, vel angulo maxi-

maximo, quem facit radius incidens cum eo, qui post datum reflexionum numerum rursus emergit, invenire rationem refractionis. Ponatur radius, seu tangens anguli semirecti $= r$, tangens anguli dati $= t$, numerus reflexionum unitate auctus $= m$, tangens anguli refracti quaesita $= a$, habebitur pro iride primaria, ubi $m = 2$, æquatio sequens: $a^3 - \frac{3}{2}taa - \frac{1}{2}trr = 0$, cujus resolutione dabitur a sive tangens refractionis, quo facto, per tabulas habebitur ejusdem sinus. Pro iride secundaria, ubi $m = 3$, habetur, $a^4 + \frac{8}{3}r^2a^3 - 2r^2a^2 * - \frac{1}{3}r^4 = 0$, per quam








denuo dabitur a . Hisce similia quoque dedit *Hallejus* in *Transact. Philos. n. 267*. Misit jam iridis consideratione, de *Coronis & Parheliis* agitur. Eum in sinem integrum *Hugenii* ea de re *Schediasma*, quod inter Opera ejus posthuma legitur, Anglice reddidit, hicque inseruit, Autor, atque Appendice auxit. Quod vero est præcipuum, propositiones quasdam subjunxit, quibus id, quod in theoria *Hugenii* est mathematicum, includitur, constructio Tabularum *Hugenianarum* demonstratur, & quam ob causam coronæ sive halones figura potius elliptica, quam circulari, appareant, ostenditur. Provehitur deinceps *Vir Cel.* ad materiam pertractandam, quæ a præstantissimis quidem scriptoribus Opticis tentata, at, cum genuina ejus rei principia deficerent, ad umbilicum prospero successu perducta haud fuit; provehitur, inquam, ad determinandas figuras apparentes, nec non positiones, magnitudines, distantias, objectorum, per reflexiones vel refractiones valde obliquas in speculis mediisve sphericis distortorum. En propositionem fundamentalem: Sit TAB. I OABP axis superficierum reflectentium refringentiumve AR, BS, Fig. 2 & 3. O locus oculi, ORSQ radius quilibet reflexus vel refractus, QP ad axem normalis. Videatur punctum Q post reflexionem aut refractionem per radium OR, qui producat, donec in k occurrat rectæ Qk per punctum Q axi parallele ductæ; sit kΠ linea curva descripta ab intersectione k, dum angulus opticus AOR continuo diminuitur, donec prorsus evanescit. Intelligatur jam tota figura circa axem ONP revolvi, qua quidem ratione a recta PQ planum circulare, a curva kΠ autem superficies


cies conoidica, generabitur. Plano circulari porro inscripta sit effigies qualibet; circaque ejus perimetrum vehatur recta indefinita, axi autem PII semper æquidistans, qua quidem ratione in superficie conoidica perimetrum effigiei deformatam designabit. Qualis autem nudo oculo apud O constituto appareret hæc deformatio, talis ad amissum, & ad eandem plane distantiam, apparebit effigies in plano circulari designata post reflexionem aut refractionem, per superficies AR , BS , factam. Quodsi itaque contigerit, lineam a puncto k descriptam esse rectam, effigies in propria sua forma videbitur, sed ad distantiam OPI . Si curvæ reflectentes vel refringentes axem suum orthogonallyter secant, curva quoque PIk pariter sese habebit. Quodsi f & g sint foci, invenietur vertex PI curvæ PIk , capiendò $OPI = OA \times Bf \times Pg$. Quibus in casibus objectum concavum con-

xumve appareat, diligenter inquisivit Autor. Singula vero minutatim persequi cum non liceat, id solum annotamus, plurimum interesse, an objectum unico duntaxat, an utroque, oculo adspiciatur. Mirum utique dictu, hanc circumstantiam apparentias in casibus quibusdam mirifice variare, adeo quidem, ut objectum, quod duobus simul oculis concavum videtur, convexitatem illico mentiat, ac uno solum oculo utaris. Talium phaenomenorum ex sua theoria solutionem, planam non minus, quam plenam, exhibuit Vir doctissimus, qui hac certe in re plura præstitit, quam quisquam ante ipsum alius. Coronidem huic contemplationi imponit regulas demonstrando de anamorphosis imaginum, a speculo cylindrico reformandarum. Non possumus, quin ex iis paucula decerpamus, quæ in Notis circa figuras apparentes objectorum conspectorum in speculis, juxta

TAB. I
Fig. 4 & 5. sectiones conicas formati, habet. Sint O & f foci speculi elliptici vel hyperbolici AR , & PQ recta ad axem OPA perpendicularis; capiantur $OPI = \frac{AO \times fP}{Af}$, & $PIQ = \frac{Af \times fP}{AO}$, su-

manturque in ellipti ad easdem partes, ad quas punctum P a puncto f removetur, sed ad contrarias in hyperbola; deinceps foci O , Ω , & vertice PI , designetur nova hyperbola PIk , ductaque quavis recta fQ ad punctum Q objecti PQ , agatur Qk parallela





parallela axi $OPA\Omega$, hyperbolæ Πk occurrēns in k , jungaturque kO . Jam, oculo ad O collocato, objectum PQ per speculum eadem ratione, ad eandemque distantiam, apparebit, ac arcus hyperbolicus Πk , nudo oculo conspectus. Quodsi oculus sit in O foco speculi parabolici AR , ducatur QR axi parallela; objectum igitur PQ apparebit ceu ipse arcus parabolicus AR . Tandem constituatur oculus O in centro speculi spherici AR ; eo casu intervallum focorum nullum erit, & hyperbola Πk in lineam rectam PQ mutabitur; unde consequitur, objectum PQ eadem plane ratione per speculum, ac nudo oculo, videri, nihilque deformationis jam contingere. Verum hac vice manum de tabula. De reliquis, ad *Traſſatum* huncce *Mathematicum* spectantibus, pariter ac de *Mechanico Philosophico*que, proxima opportunitate dicemus.

TAB. I
Fig. 6.
Fig. 7.

THEOREMATIS COTESIANI DEMONSTRATIO
brevis, Autore SAMUELE KOENIGIO, Bernate.

Cum nuper Parisiis agerem, occasione data ab Amicis, incidi in novam demonstrationem inclyti Theorematis *Cotesiani*, quæ cum & brevis, & simplex, & luculenta, videatur, ejus communicationem Geometris non ingratam fore putavi. Ecce illam: In vulgus notum est, posito radio r & cosinu arcus A, a ,

fore cosinum	{	zero $A = r$	Vide Wolffii Anal. finit. §. 325.
		$1 A = a$	
		$2 A = \frac{2^1 a^2}{r} - r$	
		$3 A = \frac{2^2 a^3}{rr} - 3 a$	
		$4 A = \frac{2^3 a^4}{r^3} - \frac{8 a^2}{r} - 3 a$	
		$5 A = \frac{2^4 a^5}{r^4} - \frac{20 a^3}{rr} + 5 a \&c.$	

At hæ quantitates, præponendo r tanquam cosinum arcus infinite parvi seu zero A , ut hic factum fuit, constituunt seriem recurrentem, cujus index est $\frac{2a}{r} - 1$. Introducatur, loco ipsius

$CP = a$, alia $OB = y$, dicatur proinde $CO = x$, $CP = z$,
E OB = y,

OB = y, CB = r, quo posito, reperietur $a = \frac{-yy}{2x} + \frac{rr + xx}{2x}$

At manifestum est, si substituatur hic valor loco ipsius a, in serie superiori, fore, ut potentia ultimi membri $\frac{(rr + xx)}{2x}$, affe-

ctæ coefficientibus, quæ adsunt potentiis ipsius a, constituent cum ipsis r seriem plane similem, consequenter quoque recur-

rentem, cujus index erit $\frac{(rr + xx)}{rx} - 1$. Ecce formam pro tri-

bus membris: $r, \frac{rr + xx}{2x}, \frac{1}{r} \left(\frac{rr + xx}{2x} \right)^2 - r, \frac{1}{r} \left(\frac{rr + xx}{2x} \right)^3 -$

$3 \left(\frac{rr + xx}{2x} \right), \&c.$ Reperitur autem per regulas communes ter-

minus generalis hujus seriei, $\frac{1}{2r^{n-1}} \times \frac{r^{2n} + x^{2n}}{x^n}$, qui proinde

omnium ultimorum terminorum æquationis, arcum nA exprimentis, summa est. Erit itaque ipsa æquatio transformata pro

cosinu arcus nA ejusmodi: $\frac{2^{n-1}}{r^{n-1}} \left(\frac{yy}{2x} \right)^n + \&c.$ omittendo omnes

terminos intermedios: y affectos, utpote inutiles

$+ \frac{1}{2r^{n-1}} \cdot \frac{r^{2n} + x^{2n}}{x^n} = \pm r$, (cum scilicet arcus nA semicircum-

ferentiam aut circumferentiam integram exhaurire debet). Nempe $-r$, si semicircumferentia in partes n secanda, utpote cujus

cosinus est $-r$. Contra ea $+r$, si circulus integer in partes n dividendus, cujus cosinus est $+r$. Ordinando itaque æqua-

tionem, ut fieri solet, prodibit pro secanda semicircumferentia aut circumferentia integra in partes n, incognita existente y, hæc æquatio:

$(yy)^n + \&c. + r^{2n} \mp 2r^n x^n + x^{2n} = 0$. Sed norunt omnes, ultimum terminum æquationis esse productum ex omnibus radicibus. Hic autem in specie productum est ex quadratis omnium radicum propter dimensiones pares y^2 in singulis membris. Unde sequitur, ejus radicem: $r^n x^n$ designare productum omnium radicum y. Notandum autem est, productum BO. DO. FO. HO. designari per $r^n x^n$. Nam, dividendo

semi-

femicircumferentiam in partes n , primus arcus, cui prima radix y respondet, erit $\frac{C}{n} = AB$ (C semicircumferentiam designat). Secun-

dus arcus, cui secunda radix y respondet, æqualis est semicircumferentiæ cum circumferentia integra semel, consequenter

$\frac{C+2C}{n} = \frac{3C}{n} = AD$. Tertius arcus per eandem rationem erit

$\frac{C+4C}{n} = \frac{5C}{n} = AF$. Quartus $\frac{7C}{n} = AH$ &c. Pari modo produ-

ctum omnium OC . OE . OG . &c. designatur per $r^n - x^n$. Divi-

dendo enim circumferentiam integram in partes n , primus arcus,

cui prima radix y respondet, erit $\frac{2C}{n} = AC$. Secundus $\frac{4C}{n} = AE$

&c. Ducendo itaque hæc facta in se invicem, manifestum fit, productum $r^{2n} x^{2n}$ designare productum omnium OB , OC , OD , OE , &c. circuli in partes $2n$ divisi; quod erat demonstrandum.

CAJETANI TACCONI, PHILOSOPHIÆ,
Medicinæ, & Anatomies, Doctoris, atque in patria Bononiensi Universitate Lectoris publici, nec non in Archinosocomio Sanctæ Mariæ de morte Chirurgiæ Professoris, de raris quibusdam hepatis aliorumque viscerum affectibus Observationes.

Bononiæ, typis Ferdinandi Pisarri, 1740, 4.

Plag. 4, Tab. æn. 1.

Disponuntur in doctissimo hoc libello diversæ morborum historiarum, in quorum decursu singulare opus natura molita fuit. Mulier ex apostemate, quod prope lineam albam dextri lateris, juxta umbilicum esset, præter saniem plurimos projecit calculos, diversæ magnitudinis. Præterea ex abscessu bilis uberissima, (cysticam autem fuisse, ex amore cognoverunt eruditissimi viri,) quod mireris, effluxit. Intellectum istud fuit plenius, cum splenia etiam viridiusculo colore tingerentur. Hujus materiæ quatuor aliquando prodierunt uncix, tandemque cum bile calculus emerfit. Postquam bilis ad intestinum conversa denuo fuit, curato abscessu convaluit mulier, fistula remanente, quam

denique perfecte curatam obtinuit. Usus hac opportunitate dexterrimus Autor, de quantitate bilis cysticæ experimentum instituit, deprehenditque, viginti quatuor horarum spatio quatuor effluxisse uncias, sicut etiam de calculis ipsis dissolvendis cogitavit. Intellexit autem, eosdem, quos ex abscessu acceperat, quosque cysticos esse nullum superfuit dubium, admodum fuisse refractarios, quos nec spiritus vini, nec aceti spiritus, sed Nitri acidum, solutos dederit. Quanta a calculis in hepate ludantur tragœdiæ, aliis exemplis docetur. Mulier calculos numerosissimos intra ductus hepaticos circumtulit, hepatisque substantiam tophis farctam habuit, in qua glandulæ cysteos felleæ, a *Malpighio* & *Galeazzo* descriptæ uberius, utpote naturali forma majores, conspici potuerunt. Aliis, calculos in cysti vel hepate gerentibus, lapilli per anum rejei fuerunt, id quod post *Fernelium*, *Riolanum*, aliosque, Autor expertus est in scœmina nobili, lapillis quadraginta supra centum ex cysti fellea post mortem extractis. Experimenta solutionum facta sunt. Quos nec aqueum, nec acidum, menstruum solvere potuit, oleum solvit, flamma liquefecit; quo intellectum denique fuit, resinosa prorsus compagis eosdem fuisse. Multa exin erudite de via calculorum cysteos felleæ aut hepatis per choledochum communem ad duodenum adducuntur, deque signis, quæ calculum in cysti præsentem subinnuere possint; inde de ortis a calculo, intra choledochum hærente, symptomatibus. Cartilaginis xiphoideæ locus potissimum dolet istis; id quod qua ratione evenire soleat possitque, docetur ex anatomicæ, qua novimus, ligamentum, quod lobum hepatis sinistrum sustinet, & versus hypochondrium sinistrum dirigitur, juxta isthanc cartilaginem figi. Multis vomitus superveniunt a dolore intra choledochum oborto, & immensi intra ventriculum cruciatus. Fæces iis, quibus calculus viam bilis præstruxit, solent esse albicantes, alvus adstricta & contumax vel turbulenta; multi ab eodem vitio, turbata chylosi, ascitici sunt. Tandem eruditus Autor haud levem operam præstitit demonstrationi de via bilis ad vesiculam felleam, quam alii a glandulis secerni dixerant. Communis aliorum nunc opinio est, eandem ex poro biliario per cysticum ductum depluere in cystim, cui opinioni & situs hominis perpendicularis ductuum & directio favent. Verum Autor,

ex quo in scœmina primi exempli intellexit, obstructo per calculos ductu cystico, non minus magnam veræ bilis cysticæ copiam effluxisse, non potuit non in *Bergeri & Fantoni* abire sententiam, qui radices felleas ductusque hepatico-cysticos statuunt. Additur singularis herniæ, quæ bubonem vel abscessum mentiebatur, historia, qua vulnerata, ichor, sæculenta materies, & lumbricus, exiit. Excusatur modeste chirurgicus error, quem magni in arte viri, herniam pro abscessu incidentes, commiserint, aliaque scitu jucunda & perquam utilia brevi quidem, sed concinna, oratione proponuntur.

FRIDERICI HOFFMANNI, *CONSILIA-
rii Regis intimi, Archiatri, Academiæ Fridericianæ
Senioris, Opuscula Theologico-Physico-Medica, seu Scri-
pta selectiora, antea diversis temporibus edita,
nunc revisa, correctâ, & aucta.*

Haleæ, prostat in officina Rengeriana, 1740, 4.

Alph. 1 plag 19.

Quam nuper admodum in his Annalibus nostris commenda-
vimus, Dissertationum *Hoffmannianarum* præstantia mo-
vit librarium, ut de emittendo novo earum fasciculo cogita-
ret. Quemadmodum vero Illustris Autor jam pridem inter
principes Medicinæ nostræ ætate vindices & statores eminuit; ita
his Opusculis declaratur, quantum in rerum etiam theologicarum
philosophicarumque cognitione excellat. Cum ea omnia ante
plures jam annos edita in lucem lectaque permultis fuerint;
vix attinet, eorum argumenta curatius enarrare. Id potius age-
mus, ut cum occasionem cujuslibet scribendi, & alia eorum mo-
menta, quamvis in hac ipsa collectione non indicentur, ubi fieri
licet, aliunde commemoremus, tum & summam singulorum stri-
ctim breviterque exponamus. Primum locum tenet *Summa
religionis Christianæ*, quæ constat ex brevioribus, idoneo tamen
ordine inter se connexis, positionibus, quibus fundamentum
æque ac ordo salutis per Christum instauratæ, atque adeo
omnis doctrina Christiana, velut in nuce continetur. Medita-
tiones has Ill. Autor, morbo aliquamdiu detentus, secum agi-
tavit animo, & postea, in chartam conjecit, typis in privatum

Opusc. I.

Opusc. II. usum exscribendas tradidit. Jussu Potentiss. Prussorum Regis, *Friderici Wilhelmi*, qui aliquid de hac opella inaudiverat, easdem Germanice convertit, quas ipsis etiam Theologis nonnullis admodum placuisse compertum habemus. Has excipit Oratio *de Atheo convincendo ex artificiosissima machina humana structura*, habita, cum publicum Autor docendi munus in Academia Fridericiana recens condita auspicaretur. Meruit hac Noster, ut non solum a *Paulini* aliisque in numerum Medicorum Theologorum referretur, sed a præstantissimo etiam Theologo *Caspare Neumanno* in Trutina Religionum inter præcipuos, qui Atheos confutarunt, scriptores numeraretur. Quæ sequitur Oratio *de Officio boni Theologi ex officio boni Medici*, ipso natali Serenissimi Regii Principis recitata, ex medicina & incedendi regulis methodum sanandi animam derivat, ostenditque, amice naturam & gratiam conspirare; hinc ordinem, rationem, & methodum, qua peritus Medicus in tollendis morboſis affectionibus utatur, non aliam, sed unam eandemque esse cum ea, cui animæ medicus insistere debeat.

III. Subjuncta huic Oratio *de rationis instructæ excellentia in rebus divinis & humanis*, itidem in Promotione quadam solenni habita, mediam ingreditur viam inter eos, qui, penitus rationem post lapsum corruptam, vitiosamque, & non nisi ad errores, tenebras, vitia, pravasque cupiditates, ex se generandas aptam, hinc homini in rebus sacrosanctis perniciosissimam, atque propterea fide penitus coercendam esse, omni contendunt asseveratione, & inter illos, qui ex adverso humanam rationem adeo extollunt, ut eam non modo pro criterio & norma omnis veritatis habeant, sed ad felicitatem etiam hujus seculi & futuri obtinendam sufficere opinentur.

IV. Quare liberrime proficitur, naturam humanam ita esse corruptam, ut sibi relicta & naturalis, sine adminiculo, sine institutione & doctrina, sine lumine alieno, in rebus humanis id, quod verum est, & ad veram suam felicitatem pertinet, nesciat; multo autem magis plane eam depravatam, ineptam, atque corruptam esse in rebus divinis, mysteriis fidei ac religionis, in cultu divino, in judicio de sacris ferendo; longe tamen aliter comparatum esse cum ratione humana probe instructa, & per bonam fidelemque institutionem in-pristinum statum restituta, sive

hæc emendatio in rebus humanis a lumine naturæ, five in rebus sacris a lumine gratiæ, proficiscatur. Monet inter alia, evidentem & veram cognitionem rerum ad religionem pietatemque spectantium, in profano æque ac emendato animo non differre luminis ratione, neque profani & pii cognitionem diversum constituere cognitionis genus, sed summum Deum accendere lumen in intellectu, rationemque tam per verbi revelati claritatem, quam per λογισμὸν humanum, non alio fine instituere, erudire, ac perficere, quam ut exinde ad voluntatem penetret, ibique operationem habeat summe salutarem. Legitur jam Dissertatio *de diætetica Scripturæ sacræ medicina*, in qua ea omnia repetit, quæ in divinis literis circa rerum non naturalium usum & abusum observanda præclare annotantur, eademque cum præceptionibus diæteticis, quas Medici inculcant, prorsus convenire ostendit, eoque modo, ut hæc ipsa majorem obligationis vim in animis hominum nanciscantur, illam ex sacro revelationis fonte deponit. Excipit hanc Dissertatio *de potentia diaboli in corpora*, ubi mediæ itidem via incedens Autor, tum eos refellit, qui nimium diabolo atque incantationibus sagarum tribuunt, atque ea, quæ ex mere necessariis & physicis causis consequuntur, hisce adscribunt, tum & illos, qui contra nihil plane potentia diaboli concedunt, imo operationes ejus in corpora pernégant, id rationis principiis non esse consentaneum causati. Jam locus datus est Dissertationi *de Fato physico & medico*, eo tempore, quo controversiæ *Wolfianæ* magna animorum contentione agitabantur, primum editæ, in qua multa subtilioris disquisitionis argumenta de fato Stoicorum, *Spinozæ*, medicò & physico, de fortuna, providentia divina, harmonia præstabilita, miraculis, item de fati declinatione, curatius paulo pertractantur. Ingenue & aperte profitetur Illustris Autor, per fatum nihil aliud esse intelligendum, quam necessitatem, aut, si mavis, certitudinem quandam eventuum & effectuum, qui fuerunt, sunt, & erunt, in universo, a certo rerum & causarum ordine, nexu, ac serie, pendente, atque adeo ejusmodi fatum, sano sensu acceptum, cum in rebus physicis ac medicis, tum etiam in moralibus & politicis, quin in ipsa Theologia, admittendum esse. Omnia enim ex sapientissimo, a Deo tamen libere pendente, rerum & causarum ordine, serie, ac nexu, evenire,

Opusc. V.

VI.

VII.

evenire, nihilque effici, nihil mutari, sine præcedentibus causis efficientibus, omnemque effectum necessitari, ut vocant, a sua causa, imo proportionatum esse ejusdem viribus, & proinde effectus ex causarum suarum potentia & viribus non modo certos, sed & necessarios, esse, necessitate scilicet non absoluta, sed sic dicta hypothetica, sive ad conditionem causæ relata.

Opusc.

VIII.

Harmoniam vero præstabilitam terminorum ignorantiae classis adscribendam esse, tantumque abesse, pronuntiat, ut, supposita hac harmonia, commercium animæ cum corpore explanate tradatur, ut eadem hujus nexus ignorantia re vera non nisi ingeniose tegatur, & speciose incrustetur. Dissertatione, quæ sequitur, *de Ventorum generatione, ortu, causis, ac effectu in corpora humana*, argumentum hoc tum ratione ventorum generatim, tum cujuslibet venti cardinalis speciatim, docte explanatur.

IX.

Accedimus ad Dissertationem *de Siderum influxu in corpus humanum*, ubi negatur omnino, hominum sortem, mores, fortunam, ab astris solum esse deducendam; contra vero, insigni atque mirifica

X.

potentia astra in corpora influere, asseveratur. Quæ huic addita est Oratio, *de Studiis per regulas diæteticas facilitandis, & prolonganda literatorum vita*, ab Autore, primum fascies Academicos deponente, dicta est, postea, ob argumenti utilitatem notis passim illustrata, in publicam lucem prodit. Abundat præceptionibus eximiis, eo potissimum comparatis, ut, qui bonas literas amant, dum assidua contentione in illarum studium incumbunt, nihil tamen inde detrimendi in corpore capiant, sed valetudinem sartam tectamque tueantur.

XI.

Lectu inprimis digna est Disquisitio *de fumo carbonum noxio quandoque & lethali*, quæ scripta ab Autore & publicata, sine præposito tamen nomine, fuit, cum feralis ille lamentabilisque casus nonnullorum hominum, qui exeunte anno 1715 in vinea quadam Jenensi, ipsis vigiliis natalitiorum Christi, ad artes magicas exercendas, convocandosque malos spiritus, convenerant, & ex grege suo unum & alterum subito fato enectum viderunt, evenisset. Plerique, imo omnes propemodum cujuscunque ordinis homines, Medici etiam, atque inprimis Sacerdotes, in ea erant sententia, mortem hanc supernaturalem, & ab ipso diabolo proxime illatam esse. Nostro autem alia omnia videbantur, qui proinde hoc ipso libello, Germanice edito, noxam lethiferam sumi a carbonibus,

bonibus, præcipue in conclavi clauso, excitati, rationibus exemplisque egregiis comprobabat, hancque necis tam repentinae causam esse naturalem & proximam propugnans, alios de præpostero carbonum usu caute monebat. In Dissertatione ultima, *de Medico sui ipsius*, cum miseros eos esse putet Ill. Autor, qui, in negotio sanitatis soli Medico confisi, ea, quæ corpori vel prosunt, vel nocent, ipsi non attendunt, vel cognoscunt, neque suæ naturæ scientiam habent, diætæ regulas custodiunt, sed pessime valetudini suæ consulunt, neglectis vitæ sanæ auxiliis, hos in viam reducit, ostenditque, qua ratione quisque sui corporis debeat & possit esse medicus, adeo, ut medico alio queat ferme carere, & sine eo vitam sanam longamque servare & tueri. Ceterum argumenta, quæ in Opusculis his existant, philosophica revocant nobis in memoriam novum Illustris Autoris laborem, eumque philosophicum quem nunc senex admodum, α Φιλοσοφῆ-ματι tamen nondum alienus, magno animo molitur, Commentationem quippe de optima philosophandi ratione ex cognitione Dei, admirabilium ejus operum, ipsiusque hominis, petenda, argumento tanti Autoris cura dignissimo, proxime editurus.

Opusc.
XII.

PAULI CORTESII, V. C. DE HOMINI-
bus doctis *Dialogus*, nunc primum in lucem editus, cum
Annotationibus. Accedit Autoris Vita.

Florentiæ, apud Bernardum Paperinum, 1734, 4.

Plag. II.

In felicissimas *Alexandri Politi* manus incidit hic vere nitidus atque elegans *Pauli Cortesii de hominibus doctis Dialogus*. Hic enim, liberali beneficaque natura præditus, libellum hunc, quem ex Sangeminiensis membranarum jam dudum describendum curaverat, *Bernardino Paperino*, nobili apud Florentinos typographo, concessit, in magnum eruditorum hominum commodum edendum. Eo magis singularibus laudibus celebrandum esse *Politum* judicamus, cujus propenso erga literas amorī debemus hoc rarissimum prisce ævi monumentum, quo majorē reprehensione digni sunt nostri homines, qui suppellectili suæ literariæ tanquam dracones insident, eam literatis hominibus superbe

denegant, & præclarum turpissimi facinoris fructum pernobile invidorum atque malorum hominum nomen reportant. Et enim *Paperinus* non solum nitidissimis typis hunc pulcherrimum librum exscripsit, verum etiam perutilibus notis, & vita Autoris, ornatum in dias luminis auras exire jussit. Natus est *Paulus Cortesius* e nobili *Cortesiorum* familia, primaria Sancti Geminiani, Etruriæ oppidi, gente, Romæ anno P. C. N. 1465, patre *Antonio*, Institutionibus moralibus conscriptis claro. A juventute vividam indolem circumtulit per universi Latii scriptores, & tam mirificos in literis progressus fecit, ut brevi tempore in intimam *Philippi Callimachi*, *Pomponii Lati*, *Angeli Politiani*, *Hermolai Barbari*, *Pici Mirandulani*, *Raphaelis Volaterrani*, *Marfilii Ficini*, ac *Bartholomæi Lampriidii*, familiaritatem amicitianque perveniret. Ipsum summorum Principum favorem morum suavitate sibi conciliavit, sæpe mensæ eorum adhibitus. Singularem etiam duorum Maximorum Pontificum, *Pii III* ac *Julii II*, gratiam obtinuit. Amplissima gessit munia, siquidem in Pontificatu *Alexandri VI* & *Pii III* Secretarii Apostolici, & mox Protonotarii Apostolici, officia sapienter administravit, & postea ad splendidissimum Urbinatis oppidi Episcopatum ascendit. Atque ad ipsam purpuram pervenisset, nisi præmatura mors eum A. 1510 ætatis suæ quadragesimo quinto in castro suo Cortesiano rebus humanis eripuisset. Funus ejus acerbissimi mœroris sensu profecuti sunt viri doctissimi, & præstabilem illam, quam in rebus historicis, philosophicis, ac theologicis, sibi comparaverat, doctrinam justissimis celebrarunt elogiis. Vir fuit ab omni dolo alienus, neque studiis ad desidiam, voluptatem, aut augendam rem familiarem, abusus est, sed jucundissimum cum omnis ætatis viris præstantissimis colloquiū instituit, eoque sine Cortesianum castrum splendidissimo ædificio circumstruxit, atque huc, rerum aulicarum urbanarumque pertæsus, secessit, & familiaribus sermonibus *Herculis II*, Ferrariæ Ducis, *Guidi Ubaldi*, Urbinatensium Ducis, *Alexandri Farnesii*, qui postea sub *Pauli III* nomine Ecclesiæ Romanæ præfuit, & *Francisci Soderini*, Patris purpurati, qui sæpe ad eum de rebus gravissimis consulendum accedebant,

usus

usus est. Inter ingenii ejus monumenta eminent Liber de viri principis in unaquaque ætate studiis dirigendis, quem postea, non paucis immutatis, de *Cardinalatu* inscripsit, Disputationes in quatuor Libros sententiarum de sacrarum literarum omniumque disciplinarum scientia, quæ bina Opera *Cavei* fide adducit vitæ *Cortesianæ* Autor; & denique hic, quem sub manibus habemus, de *doctis hominibus* Dialogus. Hunc primo ætatis suæ flore, & quidem circa annum 1490, elucubravit; quam conjecturam Autor variis argumentis comprobati dedit. Primo mentionem in eo injicit *Cortesius Antonii Geraldini Amerini* tanquam vita functi, quem A. 1488 naturæ reddidisse debitum scimus; tum *Politianus* in Epistola, quam huic Operi inferendam curavit Autor, fatetur, *in esse operi quandam super istius ætatis captum quasi maturitatem*; denique venerabili *Laurentii Medicis*, qui ineunte anno 1492 vitam cum morte commutavit, nomini dicatus est hic liber. In hoc Dialogo censuram Autor instituit plurimorum scriptorum a repurgatis melioribus literis ad sua tempora. Sed de solis mortuis judicium suum interponit, de illis, qui tunc in nominis celebritate vivebant, & animam adhuc agebant, prudenter silens. Occasionem huic Dialogo conscribendo præbuit ejus in insula, quæ est in lacu Volturnensi, Farnesiæ domus fundo, secessus, ubi cum præter *Cortesium* nostrum essent *Alexander Farnesius*, & *Antonius* quidam, vir grandævus & doctus, & sermo institutus esset, quinam essent hi, quorum vigiliis restituta essent tenebris sepulta studia, cœperunt omnes rogare *Antonium*, ut, quæ de unoquoque cognita haberet, proferret. Atque, cum id ille egregie præstitisset, & uno sermone complexus esset electissimos hos viros, visum est *Corteso* totum hunc sermonem literis mandare, & ad seram conservare posteritatem. Hunc Dialogum plerique ignorant. Laudatur tamen a *Jo. Vincentio Coppi*, qui autographum possedit, in *Chronicis Geminianensibus*, atque a *Cel. Apostolo Zeno* in *Additionibus ad Vossium*, editis inter *Ephemerides Litterarum Italiæ*. Honorificentissima de hoc Dialogo judicia tulerunt *Lucius Fazinus*, *Mapheus*, Episcopus Signinus, & *Angelus Politianus*, quorum literas, nulli antea visas, Præfationi suæ attenuit

- Editor. Nos quædam speciminis loco ex ipso Dialogo apponemus. De *Dante* ait Autor: *Utinam tam bene cogitationes suas literis mandare potuisset; quam bene patrium sermonem illustravit!* De *Petrarcha* ita: *Hujus sermo nec est Latinus, & aliquanto horridior, sententiæ autem multe sunt, sed concise, verba abjecta, res composita diligentius, quam elegantius.* Occasione *Leonardi Arctini* de imitatione oratoria graviter, copiose, atque eleganter, disserit. De *Nicolao Saguntino*, seu, uti eum paulo post vocat, *Euboico*, affirmat, eum in dicendo satis copiosum fuisse, sed parum vehementem, & in affectibus viro molliorem. *Pallade Strozza* nemo domi comior fuit, nemo jucundior; nemo foris constantior, nec gravior, nec fortior. Dum *Poggii Florentini* mentionem injicit, quomodo scribenda sit historia, scite atque nerveose exponit. Verissimum est, quod de *Laurentio Valla* fert judicium, eum fuisse scriptorem egregie doctum, sed acrem & maledicum, & toto genere paulo asperiores, diligentissimum tamen Romanarum rerum atque verborum investigatorem. *Franciscum Philelphum* habuisse, ait, a natura ingenium vagum, multiplex, volubile, fuisseque vendibilem scriptorem, qui opum, quam scribendi, laudem consequi maluerit. *Theodorum Gazam* admirabili cum summi Philosophi, tum gravissimi scribendi magistri, nomine condecorat. *Paulum Marsum*, cum laudavisset *Andream Brentium*, & fuisset in ea laudatione a multitudine quasi explosus, propterea quod nimia contentione vocis pronuntiasset, tantum animo dolorem concepisse, observat, ut, paucis interpositis diebus, satis concederet. *Paulus Lampridius*, quem Autor literis Græcis doctum, sed in dicendo parum exercitatum, vocat, vix trium dierum spatium meditandæ componendæque orationi dicavit. Inde, cum sæpe inter dicendum, quæ celerime & interrupte memoriæ mandaverat, oblivisceretur, suavem risum audientibus excitavit. Sed hæc non solâ unicaque libri ornamenta sunt. Comparent sub unaquaque pagina perdoctæ atque perutiles animadversiones, quibus ea, quæ in Dialogo monuerat *Cortesium*, mirifice illustrantur, & varia, ad literatissimorum hominum, quorum in Dialogo memoria renovatur, vitam facientia, afferuntur. Dignum Opusculum, quod integrum, sive

sive ob admirabilem dictionis vere *Ciceroniana* elegantiam, sive ob præclaram gravissimarum rerum copiam, ab omnibus, quibus literarum salus curæ cordique est, integrum perlegatur.

ALMANACH DE DIEU POUR L'ANNEE 1738, &c.

id est,

FASTI DIVINI PRO ANNO MDCCXXXVIII,
dedicati Domino CARRÆO DE MONTGERON,

Consiliario Parlamenti Parisiensis.

In Cœlo, 12.

Plag. 9.

Libellus, qui a Jansenista quodam in honorem sectæ suæ, & ad Jesuitas opprobriis excipiendos, compositus est, complectitur vitas eorum hominum, qui ex utroque sexu in Hispania, Galliis, & Belgio, vel scripta, vel vitæ professionem seu institutionem, opposuerunt ei sententiæ, quam Jesuitæ de gratia Dei fovere & præcipere consueverunt. Vitæ illæ secundum menses duodecim digestæ, & diebus emortualibus nonnunquam affixæ fuerunt. Si scriptor sibi temperasset a contemtionem, qua Jesuitas oneravit, liber potuisset elogiis quibusdam videri dignus. At, quoniam veritati sese haud satis consulturum credidit, nisi adversarios suos pungeret & laceraret, id tulit calamitatis, ut scriptum hoc Parisiis fuerit in publico combustum. De reliquo vitarum expositiones sunt jucunde, luculente, plane, terseque, ac compendiose, intra Vestæ penetralia elaboratæ. Inchoavit

Autor Opusculum a *Thoma Lemos*, Hispano, A. 1550 in lucem edito, Dominicano, *Molina*, Jesuitæ, adversario, defuncto A. 1629 d. 23 Augusti. Succedit ei *Edmundus Richerius*, Gallus, Doctor Theologiæ Parisiensis. Metu mortis, quam a duobus sicariis *Richelius* ei dicis causa intentari iussit in conclavi suo secretiori, sententiam suam retractasse hic perhibetur. *Cornelii Jansenii*, Episcopi Iprensis, vitæ describendæ Autor eum indidit spiritum heroisque sui admirationem, ut parum absit, quin illum ordini cœlitum adscripserit. *Angelici Arnaldi*, qui *Portum regalem* reformavit, virtutes hic plena luce effulgent. *Blasius Pascalis* niter hic veluti luna inter ignes minores. Veneratione Autor prosequitur præcipue *Annam Genevievam Bourboniam*, Ducem Lon-

Pag. 5.

11.

17.

26.

42.

50.

- gevillensem, quæ ad Portum regalem veluti anchoram sacram
 Pag. 52. confugit, ibique vitæ divinæ est operata. Addidit ei filium,
 65. *Carolus*, Ducem Longevillensem, Principem Neocomensem.
 Intrepidum animi miratur robur, quod fuerit in *Isaaco Ludovico*,
 74. *Sacyi* præceptore, quippe qui in carcere Bastiliensi Biblia Galli-
 80. cum in sermonem convertit. Monumentum ære perennius exi-
 gere *Antonio Arnaldo*, viro sane magno, tentavit. Nec omisit
Nanum Tillemontium, cujus *Commentarios Historiæ ecclesiasticæ &*
civilis, sex priora Secula a Christo nato complexos, orbis eru-
 86. ditus suspicit & dilaudat. universus. *Petrus Nicolium*, Portus
 regalis apologetam, ita delineavit, ut cineres ejus videantur vene-
 100. randi. Eadem approbatione affecit famosissimum *Paschierium*
Quesnellium, cujus *Meditationes ad Novum Testamentum*, adjunctæ
Stricturis Constitutionis Unigenitus, fuerunt depressæ. Biblio-
 thecam parvam Scriptorum & Confessorum Jansenianorum si Ca-
 lendarium hocce appellaverimus, suffragiis aliorum nos confi-
 dimus haud iri destitutum. Erit tempus, quo hic libellus rari-
 tate sua sese commendabit, per totum quidem regnum Gallia
 publice proscriptus.

NOVA LITERARIA.

Si qui sunt, qui bene cupiunt doctissimi olim & de elegantio-
 ribus studiis meritissimi Viri, *Gisberti Cuperi*, Consulis Dâ-
 ventriensis, memoriæ, simulque non ignorant, quam is limati ho-
 mo ingenii, quam versatus in omni genere humanioris eruditionis,
 quanta antiquitatum inprimis & rei numismaticæ pericia instrū-
 ctus ac perpolitus fuerit; gaudebunt hi sine dubio, ac lætos no-
 biscum plausus tollent, cum, in eo nunc esse unum ex cognatis &
 amicis Viri optimi, cognoverint, ut doctissimas ejus & luce pu-
 blica dignissimas Epistolas, ab anni inde 1708 mense Martio ad
 finem usque anni 1716 ad Clarissimum *la Croze*, Berolini nuper
 defunctum, sermone Gallico perscriptas, in volumen integrum,
 eleganti satis forma conspiciuum, colligat, & abire gratum hoc
 munusculum in manus eorum, qui suavitatibus ejusmodi dele-
 ctantur, jubeat. Quandoquidem vero, hominis in re tam bona
 occupati nomen publicari, insignis ejus modestia non patitur;
 id tantum, quod nobis per alios compertum est, significamus;
 Virum

Virum esse in dignitate constitutum, literis mirifice excultum, & quod præcipuum est, consilio huic, literis tam salutari, exequendo satis idoneum. Sed, quod liceat ei hoc thesauro rem literariam ditare, acceptum id refert humanitati Viri alicujus doctrina meritisque maximi, & Amicorum *Crozii* Berolinensis, qui omnem illam Epistolarum suppellectilem liberaliter ei in hos usus concesserunt. Dolet autem, nec immerito, Vir bonus, abesse ab hoc volumine, quantumvis diligenter servato, Epistolas *Crozii* ad *Cuperum* mutuas, in quibus & ipsis doctrinæ elegantiaque plurimum inesse, facile omnes existiment. Has olim, sat certo constat, ab ipso *Crozio* dono datas incomparabili Academiæ Helmstadiensis Theologo, *Jo. Laurentio Mosheimio*, cujus qui animum ad officia paratissimum, & de literis bene merendi studium, norunt, hi, lubenter id & commodis doctorum hominum, & Editoris precibus, daturum, ut conjuncta cum *Cuperianis* prodire *Croziana* illa patiatur, nobiscum confident prorsus. Quodsi tamen aliter, ac ferunt vota nostra, & ipsum Viri summi ferre ingenium videtur, res ceciderit; constitutum est Editori, in locum *Crozianarum* alias, a *Cupero* ad nobiles quosque Amicos, *Basnagium*, *Jurium*, *Clericum*, *Martinum*, Sacerdotem *Ultrajectinum*, *Dalenium*, *Montefalconium*, & his plures, ex Gallorum inprimis gente, Viros doctos, exaratas, substituere, ut sic Epistolarum *Cuperi* Volumen, quam licet, plenissimum ornatissimumque ad posteros perveniat. Titulum Operi hunc præfiget Editor: *Lettres de Critique, d'Histoire, & de Littérature, &c. écrites à divers Savans de l'Europe, par feu Monsieur Gisbert Cuper, Bourguemaitre de la ville de Deventer, Député des Etats de la Province d'Over-Yssel à l'Assemblée des Etats Généraux des Provinces Unies des Pays-Bas, ensuite Conseiller-Député de la même Province, & enfin Député de Leurs Hautes Puissances à l'Armée des Alliés en Brabant & en Flandres, en 1706; recueillies par Monsieur de B**.* Discas inde, quicquid harum sit Epistolarum, in argumento critico & literario versari. Sed aliunde etiam satis nobis est cognitum, plurima in his Epistolis ad Theologiam, Philosophiam, & doctrinam naturalem, spectare; quas Autor sublimioris eruditionis partes æque felici ac ceteras, quæ ad humanitatem pertinent, fuerat ingenio comple-

xus. Sed principem utique locum sibi vindicant rei numismatice & omnis generis antiquitatum studia; in quibus ita regnasse scimus *Cuperum*, ut pauci cum eo hac laude comparandi videantur. Inprimis vero hic Tartariæ, Siberiæ, & aliarum regionum, quæ sunt disjunctæ a nostris terris, antiquior historia e tenebris eruitur, & ex numis ii maxime, qui sunt rarissimi, & parum adhuc cogniti, a studio Autoris & doctrina non vulgari lucem acceperunt. Nec deest his Epistolis sermonis elegantia, quæ tanta est, ut etiam delicatissimi palati Gallis satis se probare possit, inprimis si ita æquos lectores inveniat, ut peregrinum aliquid in homine nec gente Gallo, nec educato inter Gallos, ferendum putent. Habemus igitur, cur gratulemur literis, & harum amatoribus, novum hoc doctrinæ excellentis, cum suavitate admirabili conjunctæ, monumentum; nec Lectorum unus est futurus, qui edendi has Epistolas consilium omni laude dignum non existimet, nec præstitum hoc literis officium grato animo agnoscat. Sunt hæc quasi specimina laborum, quos *Cuperus* perfectos partim, partim affectos, ad hæredes transmisit. Jam, si cetera, quæ existant passim, Epistolarum *Cuperi* ad Viros quaque terrarum parte doctissimos volumina, multa item alia, his, quæ ipse vivus olim edidit, prorsus similia, ab æque benigna manu tenebris eripiantur, duplex nobis beneficium exhibuisse is, qui primum nunc Volumen editurus est, videbitur, alterum, quod re ipsa, alterum, quod exemplo, profuit. Excudendo centum & quod excedit plagularum Operi sumtus impendet nobilis Amstelodamentium typographus, *Henricus Sanzetus*, id operam daturus, ut externa libri elegantia internæ ejus dignitati omni ex parte respondeat, prodeatque Opus numis rarioribus, aliisque figuris, arte non vulgari expressis, ornatissimum. Pretium florenorum Belgicorum sex, denariorum decem, definitum est; quorum pars ante Calendas Apriles præsentis anni, pars absoluto Opere, aut ipsi *Sanzeto*, aut nobilissimis quibusque per terras Belgicas typographis, solvenda est. Exemplaria non ultra quingenta excudentur, nisi majorem numerum ipse emtorum numerosius concenserit poposcerit. Nos, ut bonum consilium bonus eventus sequatur, & quæ suscepta sunt in magnum literarum commodum, ipsi typographo in lucrum cedant, serio & amice optamus.



NOVA ACTA ERUDITORUM.

publicata Lipsiæ

Calendis Februarii Anno MDCCXLI.

MONUMENTA INEDITA RERUM GER-
manicarum, præcipue Cimbricarum & Megapolensium,
quibus varia Antiquitatum, Historiarum, Legum, Ju-
riumque Germaniæ, speciatim Holsatiæ & Megapoleos,
vicinarumque regionum, argumenta illustrantur, supplen-
tur, & stabiliuntur. E Codicibus MStis, membranis,
& chartis authenticis, erui studuit, Notulasque adjecit,
& cum Præfatione instruxit, ERNESTUS JOACHI-
MUS DE WESTPHALEN, Aurati Ord. Slesvic.
Holsat. Eques, Reg. Celsitud. Ducis Slesvici & Holsatiæ
regnantis Cancellarius Aulæ & Senatus intimi, hujusque
Consiliarius, Supremi Consistorii militaris & Ecclesia-
stici Præses, Academiæ Chiloniensis Curator.

Tomus II.

Lipsiæ, impensis Jo. Christiani Martini, 1740, fol.

Alph. 12 plag. 22, Tabb. æn. 14.

Cum non ita pridem in his *Actis de Tomo I* præstantissimi
hujus Operis copiose diceremus; de instituto Illustrissimi
Editoris tum quidem, quantum videbatur sufficere,
a nobis prolatum est. Ad alterum igitur jam *Tomum* deve-
nientibus satis sit monuisse hoc unum, nihil hic a tramite, quem
fuerat olim ingressus, deflectere Illustriss. Editorem, sed eandem
ubique de Historia Germaniæ optime merendi rationem, eandem-
que in recognoscendis & expoliendis vetustioris ævi scriptis dili-
gentiam, apparere. Monumenta, hoc *Volumine* publicata, quo-

rum *quinque & viginti* sunt, æque copiosa ac illa, quæ *Volumine priori* continentur, Præfatione instruxit Illustriss. Editor, quæ non in describenda tantum Scriptorum singulorum indole & conditione versatur, sed multa etiam doctissime observata & cogitata Illustriss. Viri continet. Horum summa argumenta si, quod fieri commodè potest, cum ipsa Monumentorum recensione conjunxerimus, videbimur partim id, quod concinnus rerum ordo postulat, facturi, partim legentium commoditati prospecturi. Primo loco exhibetur *Diplomatarium Neomonsasteriense & Bordisholmense*, e membranis & chartis authenticis erutum, ab A. 1136 ad 1570. Ad præclarum hunc antiquitatum thesaurum, qui ultra quinquaginta supra quadringenta, temporibus suis coæva, documenta complectitur, nos haud admittit Illustriss. Editor, nisi abunde monitos de pretio monumentorum hujusmodi, a sacri ordinis viris quondam servatorum, & illorum cura ad posteros transmissorum. Inde occasio nata est Illustriss. Editori, sub Præfationis initium de monachorum meritis in rem historicam & præcipue diplomaticam generatim commemorandi, & præcipuos Autores nominandi, qui, protractis in lucem monasteriorum & cœnobiorum hisce cimeliis, nostra & paulo superiori memoria antiquiorum temporum rebus gestis egregiam lucem accenderunt; porro copiose differendi de lectione Diplomatum fida, eorundemque explicatione & interpretatione genuina, & quæ eam in rem profert, variis exemplis illustrandi; denique notitiam nobis suppeditandi complurium & præcipuorum artis diplomaticæ scriptorum, qui præsidiorum, adjumentorum, & regularum, variam rationem huc usque tradiderunt: quam notitiam suis etiam præceptionibus augere, & artem nondum ad fastigium deductam emendare, vindicare, ac magis perficere, Illustriss. Autor laborat, ipse hoc majori jure in numerum Scriptorum artis diplomaticæ referendus, quo feliciter *Mabilloniorum, Massæorum, Bessetiorum*, gloriam æmulatur. Præmissis monitis his generalioribus, ad considerationem demum specialem Diplomatarii Neomonsasterio-Bordisholmensis progreditur Illustriss. Editor, authenticam ejus e duobus Codicibus membranaceis, qui partim ex ipsis Diplomatum autographis plena fide consignati, & a Cœnobii præpositis recogniti, partim etiam nostra ætate cum ipsis membra-

branis & chartis avtographis denuo collati sunt, comprobans;
 inde insignem ejus non modo in patriæ Cimbricæ, sed & totius
 Germaniæ, rebus sacris & civilibus illustrandis usum designans; tum
 singularia de Cœnobii ipsius fundatione, ejusque conditore *Vice-*
lino, translatione, accessionibus, privilegiis, decrementis, ac re-
 formatione, expromens, denique e formulis diversis, quæ in
 Diplomatis passim occurrunt, & quarum in annotationibus, ipsi
 Diplomatario subjectis, complures jam explicatas dederat, adhuc
 illam de *Sellandia*, seu *Selandia*, seorsim illustrans. De hac autem
 primum ostendit, eam cum sic dicta *Warandia* in locis pluribus
 junctam occurrere, nondum autem interpretem esse nascentem, qui
 vim vocis, ejusque originem genuinam, declararit, ac *Petrum*
Lambecium in *Orig. Hamburg. Lib. II pag. 80* in ea explicanda
 vel maxime dubium & ancipitem hæsisse. Hinc autem
 ad significatum formulæ hujus accedens, ex variis inter se col-
 latis locis id comprobat, per eam nihil aliud denotari, quam
 actum & solennitatem traditionis rei venditæ, qualis in emtio-
 nibus & venditionibus rerum allodialium, immobilium ac urba-
 narum præcipue, fieri soleat, quam & solennitatem hodie re-
 signationem judicalem, *die gerichtliche Verlassung*, dicamus, quem-
 admodum *warandia*, seu *guarandia*, *die Gewehrscasse*, evictioni
 hodie respondeat. Comparato autem hoc ritu cum pluribus pro-
 vinciarum & urbium Germaniæ juribus & moribus, in hujus for-
 mulæ originem & etymon porro inquit, eamque omnium opti-
 me invenisse sibi videtur in antiquo *fellen*, quod est vendere, trade-
 re; unde apud Anglō-Saxones descendat vox *Selle*, *Selde*, seu *Selda*,
 tabernam, sive locum vendendis rebus aptum, apud Saxones infe-
 riores autem vox *Seller*, scrutarium, vestium venditorem, & *ver-*
fellen, minutatim vendere, significans. E quibus omnibus tandem
 concludit, vocem *Sellandia*, jure etymni a *fellen*, in possessionem
 dare, & a *Land*, seu terra, deductam, connotare *traditionem terræ*,
allodii, *possessionis*, rei que *immobilis generatim*. Dum totus est
 Illustris. Interpres in eruenda vocis origine, passim delabitur ad
 aliam sic dictæ *scorationis* formulam, quæ, in Danorum potissi-
 mum monumentis obvia, ac inde in Juris Canonici *Cap. 2 X. de*
Consuetud. translata, mire torfit interpretes, atque in sensus, nescio

quos, haudquaquam admittendos, nec unquam inter se conciliandos, abire coegit. Nostro tamen in proclivi est, ex collatis inter se variis documentorum locis commonstrare, hanc formulam eundem resignationis judicialis actum solennem denotare, quem ritu utplurimum symbolico absolvi, cum in variorum populorum, Danorum inprimis, penes quos traditio rei emtæ & venditæ per glebæ vel cespitis jactum in gremium seu sinum novi possessoris, symbolica velut ratione, peragi consuevit, moribus deprehendere liceat, facilem etiam viam pandit ad scotationis illius etymon & genuinam originem investigandam. Namque, cum Danorum Suecorumque vocabulum *Skiot*, *Skiade*, seu *Skiate*, gremium vel sinum denotet, cui & Germanorum *Schoot* seu *Schoß* respondeat, haud aliunde illam *scotationis* formulam repetendam ducit, sed symbolicum illum traditionis actum, conjectione portionis rei alienandæ in sinum emtoris celebratum, per eandem designari statuit. Plura ex iis, quæ ab Illustriss. Editore erudite in hanc rem differuntur, hic addere haud vacat, sed ad alterum, quod huic proxime jungitur, Monumentum nobis deveniendum est. Exhibet illud *Martini Krey*, seu *Coronai*, apud Flintbecenses quondam Verbi divini Ministri, *Antiquitates Bordisholmenfes*, quæ lingua vernacula scriptæ, varietate interpolatæ, huc usque circumferri consueverunt. Has luce publica haud indignas quondam judicavit *Jo. Mollerus*, sed tenuem tamen scriptionem esse, rebus ad historiam Cœnobii & patriæ pertinentibus parum instructam, fatetur Illustriss. Editor. Addidit autem passim supplementa, præcipue e *M. Jani Vicoftadii*, Lectoris olim Bordisholmenfis, *Miscellaneis* MStis desumpta; quin & operæ pretium duxit, ad lacunas hujus Opusculi explendas, ut ipsum argumentum hoc retexeret, unde in justum Annalium ordinem & seriem redactæ prodierunt *Origines Neomonafteriensfes & Bordisholmenfes*, ex chartis, Diplommatibus, & Codicibus MStis, tum & *Alberti Stadenfis*, *Helmoldi*, *Crummedykii*, *Lerbeckii*, *Cranzii*, *Jo. Petersenii*, *Cypræi*, *Lindenbrogii*, Annalibus & Chronicis, nec non e *Vicoftadii*, *Ulr. Petersenii*, & *Henr. Mublii*, scriniis, collectæ; quæ, cum Cœnobii hujus utriusque fata & vicissitudines prosequantur usque ad A. 1665, quo Academia Kiloniensis e reliquiis & pulvere

Cœnobii & scholæ Bordisholmenſis feliciter exorta eſt, infra demum in hoc *Volumine* a pag. 2337 ad 2394 ſubjectæ leguntur. Illuſtriſſ. Editor, cum de his omnibus doctiſſima quæque in Præſatione profert, ibidem ex antiquo quodam Codice Bordisholmenſi, qui una cum reliquis in Bibliotheca Academiæ Kilonienſis ſervatur, adhuc in lucem protrahit Monumentum quoddam hucusque ineditum, continens *Narrationem veridicam de translatione corporis Venerabilis Vicelini a Novo-monasterio in Bardesholm circa A. 1332*; additque eruditas ſuas conjecturas etymologicas de *Wippendorpio & Faldera*, quibus nominibus Neomonasterium quondam inſignitum legitur; itemque de *Bardesholmia*, cujus originem alii a *Bargis*, pugnatoribus, alii a *Bardis*, ſacrorum apud Germanos boreales quondam antiſtitibus, alii a *Bardô* ſeu *Bardone* quodam, loci hujus olim poſſeſſore & domino, alii a *percis* vel *urſis* etiam, ipſe vero a Saxonico *Bard*, ſeu *Bord*, loco ubere & plano, atque *Holm*, loco inſulari, rejeſtis ceteris, repetit. In ordine Monumentorum loco tertio comparent *Ottonis Sperlingii* Notæ, quibus *M. Adami Bremeniſis Hiſtoria Eccleſiaſtica Libri I Capita priora XXXII* illuſtrantur. De *Sperlingii* hujus vita & ſcriptis attuliſſe nonnulla *Raupachium* in libro *de ſtatu rei ſacræ & literariæ in Dania* pag. 77 ſeq. Illuſtriſſ. Editor monet; atque *J. Alb. Fabricium* enixe quidem, ſed fruſtra, id egiſſe docet, ut has *Sperlingii* annotationes *Scriptoribus ſeptentrionalibus Lindenbrogianis*, abs ſe publicatis, ſubjungere poſſet. Jam, cum in ipſius manus inciderint, præclare ab Ill. Editore factum, quod ab interitu eas vindicavit. Doler autem de eo, quod Autori per fata haud licuerit telam hanc bene cœptam perſequi & perſicere; & alio plane habitu Annotationes hæc, ſi ultimam Autoris manum expertæ eſſent, in lucem prodituras fuiſſe exiſtimat. Interim, cum multa ad illuſtrandos ritus priſtinos ſpectantia complectantur, id operæ eis impendendum duxit, ut ex ſchedis diverſis eaſdem in concinniore ordinem redigeret, quo facto ipſius *Adami* textui, qui, quod ad priora *Libri I Capita XXXII* hoc loco exhibetur, hæ Notæ cumprimis inſervire poſſunt. Jam id agit Illuſtriſſ. Editor, ut Cimbricis rebus e præclaris Danorum Scripto-ribus ſuppætiæ ferat. Exhibentur enim poſt *Sperlingium Claudii*

Christoph. Lyschandri, Regis Daniæ *Christiani IV* quondam Historiographi, *Origines & Antiquitates Cimbricæ*, in quibus agitur de *Japheto*, ejus liberis & posteris, horumque regionibus & regnis, quæ occupantes possederunt, una cum populo & propagine, quam constituerunt & reliquerunt; inprimis de *Gomero*, atque hujus potente ac numerosa sobole, Cimmeriis, Cimbris, & Vittis, seu Danicis Jutis, illorumque prima origine atque introitu in has ipsas regiones, porro de majoribus eorum, præfectis, judiciis, stirpe, familiis, & rebus præclare gestis, a diluvio ad Regem usque *Dan*, & Danorum regni initium. Prolixior hæc Opusculi inscriptio præcipua in eodem pertractata argumenta satis declarat, ut de iisdem nihil nobis adjiciendum sit. Partem hanc esse *Synopses historiarum Danicarum*, a *Lyschandro* Hafniæ A. 1622 in fol. sermone Danico vulgatæ, Illustriss. Editor significat, qui ex *Parte I & II* potiores *Libros* sermone Latino vestitos nactus, hoc loco ex *Parte I Librum III* de rebus Cimbricis, sicuti infra, ubi & integrum titulum subjiciemus, ex *Parte II Librum IX* de rebus Mecklenburgicis, proferre non dubitavit, licet fidei Autoris non adeo multum tribuat, atque judicio *Cel. Grammii*, in Præfatione ad *Nicolai Cragii* Annales prolato, lubens subscribat. Proximo hinc Monumento *Jo. Isaaci Pontani*, Regis Daniæ itidem Historiographi, *Tomo* huc usque inedito *Historiarum Danicarum*, quæ res post excessum *Christophori Bavarici*, vetustissima Regum Daniæ prosapia Regem ultimum, sub Regibus e Domo Oldenburgica, *Christiano I*, *Joanne I*, *Christiano II*, *Friderico I*, *Christiano III*, & *Friderico II*, gesta continentur, majus omnino pretium statuit Illustriss. Editor: quem & mirari subit, qui factum sit, ut Opus luce adeo dignum, & continuationem *Tomi I* hujus Historiæ, cum chorographica Daniæ regni descriptione Amstelodami A. 1631 in fol. vulgati, complexum, de quo vere dici possit, quod cupressi instar inter virburna emineat, ultra integri Seculi spatium intra privatorum carceres pressum delituerit. Sibi, cum exemplar illud, quod *Ill. Frid. Rostgaard* e Codice, in Bibliotheca Academica Hafnienſi servato, A. 1689 describi curavit, sumptibus suis acquirere datum fuerit, id operæ pretium esse visum, docet, ut tam insignis historiæ

storiarum monumentum e tenebris in lucem publicam protraheretur. Ut vero in Præfatione etiam afferret, quod tanto Scriptore dignum esset, recensum primum instituit scriptorum & monumentorum, eorundemque tum editorum, tum adhuc ineditorum, in quibus de iisdem Regibus, quos *Pontanus* hoc Opere exhibuit, vel in universum, vel seorsim, & ex parte opera haud perfunctoria, traditum est; quod argumentum, licet jam olim a *Mollero Sibberno* quæ in suis *Bibliothecis* pertractatum sit, ex hoc tamen spicilegio accessiones haud contemnendas lucratur. Cum vero in enarranda *Pontani* vita plurimorum huc usque solertia intra conatus fere subsisterit, eam diligentius copiosiusque descriptam a *Jo. Adolpho Reinbotho*, harum rerum periculis, nos expectare jubet Illustriss. Editor, qui tamen & ipse potiora vitæ *Pontani* momenta subjungit, ac denique catalogum addit scriptorum ejusdem longe pleniorum, quam alibi usquam offendere liceat; de quibus omnibus cum plura nobis afferre haud sit integrum, ipsum Præfationis locum, huc facientem, cupidus harum rerum lectoribus inspiciendum commendamus. Accedimus ad novum, quod in *Volumine* occurrit, Monumentum, quo exhibentur *Petri Saxii*, ab *Eydora Frisii*, *Exercitationes historice*, in quibus errores nonnulli *Jo. Adolph. Cypræi*, *Matthiæ Boethii*, *Nic. Hellduaderi*, *Jo. Pomarii*, *Casp. Hoyerii*, *Laur. Adzenii*, *Matth. Pampi*, *Iven Cnufenii*, *Adami Trazigeri*, *Henr. Büntingii*, *Jo. Ranxovii*, *Jo. Peterseii*, *Carionis*, aliorumque Scriptorum *Eydorastadiensis*, notantur & corriguntur; cumque de iisdem, earumque Autore, nihil seorsim addat Illustriss. Editor, sed saltem de exemplis, e quibus hujus opellæ editionem parare sibi licuerit, certiores nos faciat, reliqua autem ad ea, quæ in Præfatione ad *Tomum I* horum Monumentorum ab ipso dicta sunt, referat; nobis & in illis acquiescere licebit, quæ ex iisdem in *prioris Voluminis* recensione a nobis repetita sunt. In *Adami Trazigeri Chronico Hamburgensi*, quod proxime jungitur, major Illustriss. Editori cura posita fuisse intelligitur, ut de eodem afferret, quæ scire maxime interesset. Primum autem de illo docet, innumeris vicibus descriptum, depravatum etiam atque adauctum, per integra fere

fere Secula in publicis ac privatis Museis delituisse; ipsius *Trazigeri* laborem circa annum 1557 subsistere, & quæ ad recentius nostrumque ævum perducta, vel exemplis, quæ passim exstant, assuta, reperiantur, studio & arbitrio deberi literatorum aliorum, quorum accessionibus etiam ipsum *Trazigeri Chronicon* passim interpolatum fuisse, facile ostendant copiosa, quæ circumferantur, exempla, ipsa haud parum discrepantia. Porro de curatioribus, qui in Hamburgensium Bibliothecis servantur, Codicibus MStis apographis iudicium suum interponit; nec tamen authenticæ vel antiquitatis præcipuam quandam laudem illis exemplis, quæ idiomate Saxoniz inferioris descripta circumferantur, vindicare sustinet, cum Saxoniz superioris, quippe patriæ, dialectus *Trazigero*, Franco, familiarior omnino fuerit, eademque imprimis usum fuisse, alia ipsius scripta facile probent. Hinc elogiorum sat magnam seriem adduxit, quibus *Trazigeri* hoc *Chronicon* eruditi viri passim mastrant alii, atque in his moderatiorem B. Jo. Alb. Fabricii sententiam, in *Lambecio* pruritus carpendi *Trazigerum*, ejusque fidem temere sollicitandi, notantis, suo etiam calculo probare videtur, quamvis pro sua epicrisi id demum addat, *Trazigerum* ab erroribus plane immunem nemini eorum dicendum, qui *Chronicon* illud attentius perlegerint, & præcipue temporum rationes & opiniones a *Cranzio* adoptatas examinaverint. De vita *Trazigeri* licet peculiaris exstet Commentatio vernacula, a B. *Nicolao Wilckens*, J. U. D. & Archivi Hamburgensis præfeto, ἀνωρύμως A. 1722 in 8 vulgata; non una tamen habuit Noster, quæ libello illo adderet, & quibus incerta firmaret. Quare ab ovo hanc vitam retexere, plenioresque adeo ac certiores vitæ rationes, quas *Trazigerus*, apud Noribergenses natus, in variis muneribus publicis tum apud Rostochienfes & Hamburgenses, tum quoque in aula Holsato - Gottorpiensi, ubi Cancellarii partibus functus est, exegit, constituere, atque hæc omnia testium idoneorum fide munire, studuit; quibus denique subjunxit notitiam Scriptorum, eorumque tum editorum, tum adhuc ineditorum, in quibus *Trazigeri* industriam elaborasse, ex haud obscuro & minime discrepante

pante aliorum indicio colligere licuit. *Trazigerum* in *Volumine* hoc sequuntur *Jani Hinrici Schræteri de Gustrów*, Megapolitani Equitis & Poetæ Cæsarei, *de originum & rerum gestarum Hassiæ Principum Landgraviorum Commentarii tres*; quos dum exhibet Illustriss. Editor, rationem simul reddit duorum MStorum Codicum, qui ipsi in procuranda hac editione ad manum fuerunt, quorum alter eorundem Principum, horumque conjugum, imaginibus & arboribus genealogicis ornatu est, sed quas soli ingenio inventoris vel ipsius pictoris deberi, verisimile videtur Illustriss. Editori, eo quod in arce Kiloniensi existent simulacra singulorum Thuringiæ & Hassiæ Landgraviorum, horumque conjugum, graphice & affabre delineata, ad quorum similitudinem minime accedant imagines in Codice illo representatæ. Inde in pretium hujus laboris *Schræteriani* inquit, quem haud infimo loco & numero inter cetera Hassiæ monumenta, quorum editores hic, laudatis accessionibus, quas Historia Hassiaca a recentiorum cultura obtinuit, nominantur, habendum judicat, licet in vasto hoc & suis tenebris involuto argumento tale quid, quod a mendis ac lapsibus prorsus immune esset, vix præstari potuerit. Ad res & antiquitates Mecklenburgenses hinc accedit Illustriss. Editor, quibus reliquam majorem partem Monumentorum in hoc *Volumine* tribuit, exhibens primum *Nicol. Mareſchalci Thuriî Vitas Obetritarum*, sive rerum ab Obetritis gestarum *Libros V*, quibus juncti leguntur ejusdem *Mareſchalci* ad Virum insignem *Casparum* de nobili *belle quercus* familia, Ducalem Archigrammateum, (designatur Cancellarius *Caspar de Schæneich*), *Commentarii in libros gestorum Obetritarum*. De ipso Autore *Mareſcalco* jam olim in Præfatione ad *Tomum I* satis ab Ill. Editore dictum est; hic autem de hisce Obotritarum Vitis monetur, easdem nec scriptis nunquam existentibus annumerandas, nec, quod a plerisque fiat, cum *Annalibus Herulorum*, vel cum *Chronico rhythmico*, esse confundendas; deinde notitia Codicum MStorum utriusque opusculi suppeditatur, ubi indicium sit duorum avtographorum, quorum alterum in Bibliotheca regia Holmiensi, alterum, in Lusatiam translatum, apud *Vitzthumios* huc usque servatum, utrumque autem ex *Wallensteinii* direptione

ne seriniorum Ducalium Mecklenburgensium ad subeundas has vices redactum sit; cumque desumptis ex utroque Codice apographis, iisque inter se collatis, ad editionem hanc parandam se usum restatur Illustriss. Editor, de Lusatico illo id denique addit, quod imagines & insignia Regum & Principum Megapolensium miro artificio & deauratis coloribus depicta, quibus careat Holmientis alter Codex, in singulari, quem adjunctum habeat, libro membranaceo exhibeat; de quorum, & aliorum quorundam, Megapolensium monumentorum iconicorum indole & satis adhuc singularia nonnulla subjunguntur. Antequam in Mecklenburgicis hisce pergit Illustriss. Editor, interferit de novo e Cimbricis *Adolphi IV, ex Comite Holsatiæ Monachi Ordinis S. Francisci, Memoriam*, eamque renovat tum ex antiquis rhythmis Germanis, e Codice membranaceo, cujus inscriptio est: *Denckelboeck S. Marien Kerkken tom Kyl*, depromtis, & suis quibusdam observationibus illustratis, tum ex alio quodam documento antiquo, e Codice MSto Bibliothecæ Academiæ Kiloniensis descripto, quod, cum errore typothecæ in ipso Volumine omisum esse deprehendit, adhuc in Præfatione pag. 63 subjunxit, integrumque exhibuit, ibidem erudite excurrens in usum campanularum sive nolarum, quæ illustrium quondam hominum vestimentis adhærere consueverunt, quas etiam spectandas præbet *Adolphi* hujus Comitis simulacrum, e monumento templi, Mariæ Magdalænæ apud Ham-burgenses dicati, hic æri incisum, quod ejusmodi tintinnabulis quibusdam pone cingulum conspicuum est. Hujus ornatus originem Seculo XII, quod visum aliquibus, antiquiorem esse, contendit Illustriss. Editor, & exempla in promptu habet, quibus, harum nolarum usum apud Germanos a Seculo VIII usque ad Seculum XVI frequentatum fuisse, comprobari potest. Post *Adolphi, Holsati Comitis*, memoriam ita renovatam, Illustriss. Editor reuertitur ad *Stemmata Regum & Principum Herulorum, Vandalarum, & Megapolensium*, quorum brevem recensioem fide Historico-rum, præcipue vero tabularii ducalis & curæ ejus præfectorum, congestam e libris MStis exhibet. Dum autem in eo est, ut genealogiæ hujus, ab aliis ordinatæ, in Præfatione rationes reddat, sensum in partem venit litis, quam ævo recentissimo nonnulli inter Meck-

Mecklenburgenses movere cœperunt de *Nicoloto*, penultimo illo Obetritarum & Venedorum Rege, qui Seculo XII ineunte floruit, & a quo, qui ex illo tempore Megapoli præfuerunt, Principes & Duces in recta, quod ajunt, linea descendere, facilis omnium consensus est. Hunc autem *Nicolotum*, in numero filiorum Regis *Butlwi* huc usque creditum & collocatum, ex illo Regum stemmate, in quo cognationis jure locum tenuit, nunc deturbare, & in ordinem Nobilium Slavicorum, seu provincialium Megapolensium, rejicere non dubitarunt illi recentioris ætatis Scriptores, ingenio suo & assentationis forte studio, quod Viro Illustrissimo putatur, ideo innixi, ut, ab hoc *Nicoloto*, viro nobili & Landsassiaci, Principes Megapolitanos originem trahere, eo confidentius gloriari possint. Sed hanc opinionem, si ullam aliam, repugnare scriptoribus cœvis, & ab omni ætate collectis fide dignis monumentis, rerumque historicarum & genealogicarum patriæ non minus, quam vicinarum Cimbricæ & Suevicæ, rationibus, Noster contendit, qui & unicum illud præsidium & fundamentum, ex *Helmoldo* peticum, qui in *Chronico Slavorum Lib. I Cap. 49 Nicolotum* majorem terræ *Obotritorum* dixit, prorsus labefactat, tum, hujusmodi interpretationem ipsi *Helmoldo* nunquam in mentem venisse, ex aliis ejusdem locis ostendens, tum ex chartis aliis, partim Megapolensium Seculi XII & XIII, partim Francorum & Saxonum istius ævi, luculentissime comprobans, obviam illam majorum terræ appellationem nunquam de militibus & nobilibus Landsassiacis, sed de ipsis Regibus & Ducibus, eorumque filiis atque proximis agnatis, fuisse intellectam. Inter hæc, cum denominatio majorum terræ comparatur cum *Wojizoda* Slavorum, quæ vox ex illorum idiomate eisdem terræ majores designat, & ejus derivatum *Wojizowinska* censum Ducis denotat, in aliam questionem incidit Vir summus, id inquirendum sibi sumens, an Slavi quondam prædia tam propria, quam feudalia, ab omni censu libera in Megapoli possederint, nec tributâ vel alios ejusmodi census terrarum dominis præstiterint; id quod nuper demum Generosiss. *Joach. Diet. de Preen* in Dissertatione de Origine jurium nobilitatis Mecklenburgicæ, Gœttingæ sub Præsidio *Jo. Dav. Kaleri*

habita, vel maxime in dubium vocavit. Sed & hic tota aberrari via ostendit Vir Illustrissimus, qui & vocabulum *Bede*, unde sunt derivata *Urbede*, *Landbede*, itemque *Bedagium*, cujus originem *Preenius* cum monachis a *petendo* seu *rogando* deduxit, a *bieten*, seu *gebieten*, id est, jubendo, derivandum statuit, præferendam judicans hanc etymologiam aperto illi monachorum errori, qui petitiones & precarias hasce pensitationes finxerint invitis originibus, rationibus, qualitate, essentia, jure, obligatione, & usu præstationum, censuum antiquorum, seu *bedagiorum*; licet & derivationem ejusdem vocis ab Anglo-Saxonico & Gothico *Bat*, quod fundum denotat, satis recte admitti posse existimet. Plura sunt, quæ hanc in rem disputantur, & a Viro Illustriss. ex infinitis documentis, huc facientibus, pro stabilienda munienteque hac causa adducuntur, quæ nobis, ad reliqua prope rantibus, attingere haud licet. Occurrit proximo loco *Jo. Frid. Chemnitii Genealogia Regum, Dominorum, & Ducum Megapolensium, ejusque brevis explicatio*; quæ quidem tractatio cum in eodem cum priori argumento versetur, atque iisdem vestigiis insistat, brevioribus a nobis dimitti poterit. Illustriss. Editor, in Præfatione vitam Autoris *Chemnitii* describens, simul memoriam parentis, *Martini Chemnitii*, quæ, e magno hujus nominis Theologo natus, in aula Holstætica Cancellarius, ante hos centum, & quod excurrit, annos obiit, simul renovat, fratrisque *Bogislai Philippi* mentionem injicit, hujus adscititium *Hippoliti a Lapide* nomen ex significato Slavonico vocis *Kamen*, unde *Kemnitz*, facile eruendum docens. Ipsum *Joannem Fridericum* in officiis publicis apud Mecklenburgenses gestis consensuisse memorat, ex quorum ratione cum tabula.ii Gustroviensis ducalis usus ipsi patuerit, aliis tamen simul præsidii usus est, quibus fretus ad consignandum vastum aliquod Chronicon Mecklenburgense animum adjecit, quod ejus absolutum deinde cura, & hinc ære redemptum, in tabularium Suerinense transit. Cum autem majori hoc Opere nobis carendum sit, divisionem tamen ejus, & summa tractationis capita, recenset Noster, de avo suo materno, *Jo. Christ. Beselino*, qui Duci quondam Megapolensi, *Friderico Wilhelmo*, a sanctioribus consiliis fuit, id docens, eum specia-

liora

lora quædam argumenta rerum Megapolensium inde in suos usus descripsisse; dumque hæc Genealogia majoris illius Operis velut epitome sit, notularum, eidem subiectarum, farraginem ejusdem *Beselini* industriæ præcipue deberi. Tribus hinc, ad res Megapolensium pertinentibus, Monumentis, adhuc locus conceditur: nimirum *Joannis Casselii*, seu *Casellii*, de *Ducum Mecklenburgensium originibus & gloria Libello*, scripto in obitum Ducis *Jo. Alberti*; porro *Claudii Christoph. Lyschandri Originum & Antiquitatum Megapolensium libro*, continenti antiquorum Herulorum, & qui ex iis descenderunt, celebrem Obotriticam & Megapolitanam stirpem, ab *Hadenbugio*, & postea ulterius a *Canuto* magno, Danorum, Anglorum, Norvagorum, Vandalorum, Rege, usque ad Serenissimam Reginam *Sophiam*, Potentiss. Danorum Regis *Christiani IV* charissimam matrem; denique *Bernardi Hederici Megapoli divisæ & reunite*, seu de ditionis Megapolensis inter *Henrici Burewini II* filios in tetrarchiam divisione, & ejusdem rursus sub *Henrico Crasso*, & *Magno*, ejus filio, in unum corpus coalitione, libello, memoriæ *D. Udalrici*, Ducis Megapolensis, dicato, & loco parentationis scripto A. 1605. Ad horum primum de vita & scriptis *Casellii* luculentam post alios, qui in eodem argumento versati sunt, Commentationem in Præfatione exhibet Illustriss. Editor; de *Lyschandro* nihil monet, quod de eo jam supra abunde commemoraverat; de *Hederico* autem materiam dicendi servat *Tomo III*, ubi *Chronico* ejusdem *Suerinensi* Latino locus destinatus est. Quod sequitur Monumentum, ad res Pomeraniæ spectat, exhibetque *Conr. Friedliebii a Fridensberg*, Regis Sueciæ olim Consilarii Justitiæ in Pomerania, *Jus Feudale Pomeranicum vetus & novum*, quod, in Præfatione *Tomi I* a se laudatum, nunc dignum judicavit Illustriss. Editor, cui hic locum concederet. Utilitatem hujus Opusculi ex eo commendat, quod illud non modo apud Pomeranos, sed & Megapolenses, ob parem fere feudorum indolem usum peregrinum præstare possit. Quamvis vero omnibus numeris absolutum haud sit, sed suis utique navis laboret, hi tamen & alii defectus plures cumulatus notantur in *Sam. Stryckii*, & *Dav. Mevii*, aliorumque de feudis Pomeranicis Scriptorum, Commentariis, quos & industria, & amplitu-

dine, & rerum ordine, superavit *Fridensbergius*. Inde ad Megapolitanos suos reversus Illustriss. Editor, *Episcopi Friderici Constitutiones Ecclesie Suerinensis, Clericorum officium maxime concernentes, A. 1238 publicatas*, profert, hisque jungit *Chronicon Episcopatus Ratzeburgensis a principiis Christiane religionis, percensens ejus foundationem, atque Episcoporum ibi vitas*, de binis his Monumentis in Præfatione nihil monens, nec suarum observationum & animadversionum illis quidquam adjungens, sed, ut eadem ex antiquis chartis accepit, ita reddens, posteriori tamen id unice addens, ejusmodi Episcoporum Ratzeburgensium catalogum, cui datus hoc loco fere geminus sit, reperiri apud *Christ. Schlapkenium* in *Historia sacrorum Leoburg. Cap. III*, sed qui lingua vernacula editus sit, cum hic idioma Latinum, quod sine dubio authenticum sit, retineat. Quæ his proxime succedunt *Diplomataria Raceburgensia* bina, quorum primum, ex membranarum authenticis collectum ab *A. 1154* usque ad *A. 1388*, curante præcipue *Hinrico a Wittorp*, Episcopo Raceburgensi, & *Friderico*, Priore, alterum e *Georgii de Blumenthal, J. U. D. & Episcopi Raceburgensis*, collectione *A. 1389* usque ad *A. 1524* depromptum est, cum majoris omnino ponderis sint, insignem in his describendis & elucidandis curam ab Illustriss. Editore positam videmus. Post authenticam enim chartarum singularum, quæ CLXV documenta exhibent, satis comprobata, non modo, quæ ipsis Diplomatis larga manu passim substrata sunt, notulae & animadversiones, sed & allatae in Præfatione selectae observationes, argumenta historiarum, antiquitatum, & originum sacro-civilium, in his & vicinis regionibus haud pauca egregie illustrant, & aliorum opiniones, multum a tramite deviantes, in viam revocant. Sic, ut exemplo res constet, in nota ad *Documentum II pag. 2005 seq.* iterum depugnandos sumit novaturientes illos Mecklenburgensium Historicos, qui origines plurium nobilium inter Mecklenburgenses familiarum, argumento a nominibus Slavicis ducto, a Slavicis populis reperunt; id quod Noster contra Diplomatum antiquorum fidem & auctoritatem fieri contendit, e quibus id potius patescat, villas & pagos veterum Slavorum gentilitia hæc nomina

fuis dedisse possessoribus. Quibus erudite pertractatis, hoc tandem utitur epiphonemate: *De libertate illa Slavica, quam nescio in quem finem, & quo jure studioque, Kœlerus (cum Preenio aliisque) urget & exagitat, magnifice adeo sentiendum non est, utpote innumeris exemplis, Annaliumque patriorum fide & documentis, manifesto reprobata. Nec indiget gloria nobilitatis Mecklenburgicæ pigmento quodam Sarmatico, vet libertate illa, a Sarmatis, Slavis, seu Venedis devictis, Smurdisque & servis denique populis, conducta. Constat nobilitati ipsi avita sua, ingenua, & gentilitia, prærogativa, militaris olim & ministerialis, publica & equestris, dignitas, proedria, decus nobile omne, vassallicus & provincialis honos; constat ipsi libertas Germanica, multis modis Slavica nobilior; constant origines ipsius & laudes, jura, immunitates, & prærogativæ, justissimo titulo partæ, & tot rerum gestarum annalibus, factis, monumentis, chartis, privilegiis, juriumque & historiarum rationibus, suffulta, ut facile carere possit sublevis argutiis Slavizantibus, hujusque generis de Baronibus regni commentitiis aliis adjumentis. Ex una hac observatione Lectores nostri de ceteris, quæ ex parte haud minoris momenti sunt, existimabunt; qui & meminerint, de proximo, quod hic legitur, Monumento, ad Origines Neomonastrienfes & Bordesbulmenfes spectante, jam ea nos supra attulisse, quæ notitiæ ejusdem inserviunt. Quod tria, quæ restant, Monumenta attinet, Henr. Dav. Kæpkenii, D. & P. Rostochiensis, Solennia Martinalia Suerinensia, Abrab. Frencelii, V. D. M. Schœnaviensis, Etymologica Vandalica & Slavica Megapolitana, ex literis, ad B. Georg. Westphalum, Pastorem primum & Seniorem Ecclesiæ Suerinensis, scriptis, eruta, denique Recensionem Statutorum, foundationum, negotiorum, privilegiorum, jurium, bonorum, reddituum, beneficiorum, onerumque Ecclesiarum Lubecensium, & quatuor Codicibus chartarum membranarumque authenticarum in summam contractam, ad hæc quidem quominus suas explicationes dilucidationesque afferret Illustriss. Editor, tempore se exclusum faterur, qui & integram de hujusmodi argumentis conjectionum suarum heptadem, quam in destinatis habuit, differt & rejicit ad Tomum III horum*

horum *Monumentorum*, quem Indicibus nominum rerumque instructissimum nos propediem expectare juber; in quam erecti spem, recensionem nostram læti gaudentesque finimus, atque Viro summo, inter Scriptores illustriores facile primas tenenti, ad obeunda utrinque in civili & literata republica ardua illa maximeque præclara munia, integras semper animi corporisque vires ardentissimis votis comprecamur.

**HENRICI VALESII, MILITIS, DOMINI
D'ORCE', Consilarii & Historiographi Regii, Emenda-
tionum Libri quinque, & de Critica Libri duo, &c.
edente PETRO BURMANNO, FR. Nepote, qui
Præfationem, Notas, & Indices, adjecit.**

Amstelodami, apud Salomonem Schouten, 1740, 4

Alph. 2 plag. 3.

Si maximam vim in regendis literarum finibus habet bonorum virorum honesta laudatio; haud profecto scimus, an ingeniorum nobilitati vel luculentior tribui honor, vel efficacior via ad ornandas literas, augendaque hominum studia, excogitari possit, quam felix & auspicata memoriæ instauratio, quæ libris eorum vel promulgandis, vel recudendis, fieri solet. Hoc enim pacto providemus, ne, quorum vita literis saluberrima fuit, eorum interitus tristis & acerbus esse videatur. Fuit sane, ut hoc tantum exemplo utamur, *Henrici Valesii*, dum viveret, nomen tam sanctum apud literarum amatores, ut nemo esset tum, quin mortem tanti Viri ægre ferendam esse arbitraretur; præsertim cum inter omnes eo tempore constaret, neminem in Gallia vel ingenio, vel doctrinæ abundantia, cum Viro comparari potuisse. Dolorem auxit sollicitudo horum, qui haud inepte verebantur, ne, quæ ipsius ingenio inchoata ex veterum libris exciderunt, oblivione delerentur. Igitur, quo propius interitum scripta ejus fuerunt, eo impensius gratulamur nunc tanti Viri manibus, quod talem laudis suæ præconem nacti sint, qui in eam nos adducere dubitationem possit, utrum *Valesio Burmannus*, an *Burmanno Valesius*, plus ornamentis & dignitatis concilia-

ciliaverit. Non enim tam nitide politeque prodissent *Valesii* reliquæ, nisi *Petrus Burmannius*, nepos ex fratre venerandi Senis nostri, cui tantum Græcas Latinasque literas debuisse Annales nostri abunde docent, facem iis accendisset; neque ipse Clariss. Editor exteris peritiam suam artis criticæ, feliciterque depositum sub haud pœnitendo magistro tirocinium, commendare vehementius, quam tali comite stipatus, potuisset. Quanquam, ut verum fateamur, per se tam clarum, tamque præstans, est nomen *Burmannieum*, ut suo decore, & domesticis laudibus, non aliena celebritate, illustretur. Id enim Celeberrimus nostri *Burmanni* patruus ab aliquot annis sibi sumsit, non tam ut gloriam suam variis doctrinæ monumentis stabiliret, & contra Pseudo-Criticos tueretur, quam ut doctissimi cujusque Scriptoris memoriam, calumniis semibarbarorum hominum obscuratam fere & neglectam, opera sua recoleret. Quibus de causis quis miretur, tot ingeniorum monumenta ab ipso excussa, tot antiquos & recentiores libros protrahos in lucem, & ornatos novis observationibus fuisse? Quodsi vero nullum aliud studii ejus in literas humanitatis exstaret documentum, quam id, de quo dicere jam in animum induximus, nullum dubium est, quin hoc solum ad lauream suffecturum videatur. Nam, qui bene novit *Henrici Valesii* acre ingenium, is lubentissime *Burmannieo* capiti coronam ob civem servatum imponet. Cum enim diu *Emendationum* Libri in Gallia latuissent, neglecti fere & sprete ab elegantiarum comicarum studiosis, tandem post varios errores stabilem certamque sedem in Bibliotheca Celeb. *Burmanni* invenerunt, unde etiam depromptos Vir eruditissimus dudum orbi literato impertiisset, fidemque promissionis, in *Sylloges Epistolicae Tomo IV pag. 434*, & *Tomo V pag. 695*, factæ, exsolvisset, nisi cupiditas edendi *Valesiana* κειμήλια aliis laboribus paululam refrigerata & compressa fuisset. Bene tamén se res habet, quod negotium illud, a se occupatum, nepoti ex fratre perficiendum dedit. Qua in re certa verendum non erat, ne *Valesii* liber sordida & maculosa veste indutus prodiret in lucem. Nulli enim tutius credebatur, quam ei Viro, qui non modo patris patruisque *Burmannieorum* vestigia summa contentione animi premebat, sed lætissimam quoque ingenii sui & eruditionis

tionis mensem spondere videbatur. Neque, putamus, expectationem Cel. *Burmanni* fefellit eventus. Ab horum enim consuetudine longissime recessit, qui nunquam peccatis singularum vocum, dictionum, testimoniorumve, e medio sublatis, virorum doctorum monumenta librariis excudenda tradunt, parum gnari illius artis, qua sine intellectus rerum constare nequit. Sed, cum videret Doctissi. *Burmannus*, librorum edendorum curam majus quidquam esse, quam vulgo arbitrantur homines, &, qui huic muneri præesse digne cupiat, pluribus eum artibus studiisque debere instructum esse, operam navavit, ut primo diligenter recognosceret *Valesianos* libellos, deinde, ut, mendis scripturæ sedulo expunctis, quas ab amanuensi aut anagnosta quodam profectas esse putat, testimonia inprimis Autorum, in partes vocatorum, perscrutaretur, *Capitaque* suis indicibus & titulis ornaret. In quibus omnibus nihil est, quod non laude dignissimum judicemus. Licet enim nullus obscurior sit sensibus nostris labor, quam qui castigandis Autoribus impenditur, omnesque credamus, casu id accidisse, quod arte & industria paratur; quilibet tamen vel mediocriter doctus intelligit, multo faciliorem quandoque esse philosophicarum quæstionum de mundo, sideribus, calore, frigore, disquisitionem, quam *ἑρμηνείαν* & divinandi facultatem, & plerumque doctissimos viros hoc non posse, qui illud possunt. Verum enim vero non emendationibus solum orationem *Valesii* perpolivit, sed in Notis etiam subjectis Viri eruditi opiniones aut corroboravit, aut, quod rarius esse factum novimus, refellere studuit. Ut vero de universi hujus libri partibus constet Lectori, eo ordine singulas describemus, quo una alteram excipit. Primo loco collocandum censuit Vir cultissimus *Hadriani Valesii* librum *de vita Henrici Valesii*, ex quo didicimus lepidam hanc de moribus *Valesii* narratiunculam. Scilicet prodidit *Hadr. Valesius*, fratrem suum tam studiose in literas incubuisse, ut ne lectum quidem verri, aut supellectilem suam mundari, passus sit, nisi unico die Sabbathi, ne a studiis avocaretur. Hinc, cum semper eodem die & tempore amicos suos, *Sirmondum* & *Petavium*, salutavisset, accidisse fertur, ut *Sirmondo*, *Valesium* interroganti aliquando,

cur

cur statò tempore ad se veniret, responderit, se prius eum convenire non posse, quam cubiculum purgaretur, quod non nisi septimo quoque die fieri juberet, ne mundities studiis obesset. Præterea docemur, *Valesium*, jam plus quam sexagenarium, puella in matrimonium ducta, procreasse intra annos undecim septem liberos. Quid vero elucubraverit Vir doctissimus, quæ in scriniis suis volumina moriens reliquerit, partim absoluta, partim imperfecta, ibidem exponitur. Notas ad *Ammianum Marcellinum* & *Historiam Ecclesiasticam* uberiores conscripsisse, certum est. De *Legibus* vero *Atticis* commentatus esset, nisi *Petrus Petitus* cogitationes *Valesii* Opere suo disturbasset. Ipso mortuo, Græcas Orationes *Libanii* quatuor aut quinque in Latinum sermonem translatas se vidisse testatur frater; ubi præcipue memoratu digna est ejus peroratio, quæ ἀνίσταται Henrici sui condecorat. *Ista omnia*, queritur, magno reipublicæ literariæ damno haud dubie sunt peritura, aut fraude intercipienda, vel supprimenda, nisi a viro aliquo non minus probo, quam docto, secernantur, quæ jam sunt edita, & quæ supervacanea ac inutilia videbuntur; reliqua autem, quæ sunt inedita, diligenter emendentur, digeranturque, ac bene ordinata Autoris nomine vulgentur. Alioquin scripta *Valesii* in manus indoctorum hominum venient; qui nec, etiamsi maxime voluerint, eis uti ipsi poterunt, nec alios etiam uti patientur. Sed, quæ via, & per quem bonorum ingeniorum vindicem, calamitas illa schedis *Valesianis* felicissime depulsa fuerit, supra ostendimus. Nunc vero, quod fieri jucunde potest, ipsam Operis formam intuebimur, cujus pulchritudo, tantum abest, ut Musarum cultoribus displicere possit, ut potius vel barbaros humanitatis olores ad se invitet, vehementerque alliciat. In delectu tamen rerum agendo nobis aliquid indulgemus. Multa enim studio prætereuntur, non quod illustriora Emendationum specimina huic libro desint, sed ne oratio nostra vel modum excedat, vel suffèni nobis videamur, cum, quæ tantopere nobis commendarentur, aliis quoque placitura esse, taciti profiteremur. *Emendationum* igitur sylloge *Libris* V absolvitur, quorum primus aliquot Patrum, quemadmodum vocantur, loca pristino nitore restituta exhibet. Or-

Pag. 2.

6.

7.

9.

12.

13.

14.

15.

diamur cum *Valesio* ab *Origenis* dicto, quod in ejus *Libro contra Celsum* pag. 341 ed. *Spenc.* legitur, & sine controversia laborat vitio. Argumenta nimirum *Celsi* convellere studet *Origenes*, & ut erat Dialecticæ artis peritissimus, ita subtiliter respondet *Celso*, in ejus argumentatione occurrere duo connexa, quorum consecutiones sibi repugnent. Inde hanc legem conficit *Origenes*: Quotiescunque in duobus connexis idem est antecedens, sed consecutiones ἐκ διαμέτρως oppositæ, toties antecedens, quod commune est in duobus connexis, refelli solet argumento illo, quod Stoici διὰ δύο ἰσχυρισμῶν vocant. Explodenda igitur est vulgaris lectio διὰ δύο περὶ ἑκαστῶν, quæ sensum nullum præbet. Post *Eusebium*, cui lucem *Cap. III* affundit, delabitur *Cap. IV* ad *Gregorii Nazianzeni* Epistolam, in qua de *Hierocle*, Scholiaste doctissimo, *Pythagoreorum Carminum* interprete, luculenter disputatur. Quis vero ille *Hierocles* fuerit, qui in aureos *Pythagoræ* versus aureum Commentarium scripsit, non omnibus esse perspectum judicat *Valesius*. Ideoque sollicite duos *Hierocles*, alterum Philosophum, adversus quem *Eusebius Pamphilus* scripsit, alterum Scholiasten, discernit, quos, haud diffitetur, se alias uno eodemque loco & numero habuisse. Qui controversiam hanc plenius cognoscere velint, adeant, ipso *Burmanno* monente, *Jo. Pearsonium* in doctis ad *Hieroclem* Prolegomenis, & nuperum Editorem hujus libri, *P. Needhamum*, in Præfatione. *Valesius* autem existimat, *Hieroclem* Philosophum, (nam de hoc ipse tantum loquitur,) *Theodosii* junioris temporibus floruisse, primo, quia *Eunapius* nullam ejus mentionem faciat, deinde, quod ipse *Hierocles Plutarchi Atheniensis*, quem *Arcadii* Augusti temporibus e vita abiisse constat, testimonio utatur. *Caput VI* in *Augustini Libri IV Caput 11 de Baptismo* observationes continet. In *Capite VII Marci Evangelistæ* locus *Cap. III v. 21* valde difficilis & obscurus expenditur. *Capite VIII Athanasii* librum de *Synodis Arimini & Seleucia* mendo liberat Autor. *Capite IX* disquirat nomina *Attici* & *Critobuli* apud *Hieronymum* in *Dialogis adversus hæresin Pelagianorum*. Per *Atticum* intelligit doctissimus quondam *Valesius* hominem malæ fidei & integritatis, quæ forte opinio

nio ex proverbio illo ἑλληνικὴ πίστις, hoc est, ἐδεμία, enata esse videtur. *Critobuli* vero nomen difficilius intellectu esse putat. Interim tamen sibi persuadet, *Critobulum* rectissime in *Cryptobulum*, hoc est, hominem astutum & occultantem sua consilia, posse commutari, quod vocabulum hic propterea locum invenire debet, quoniam & hominibus, quibuscum disceptabat *Hieronymus*, & argumento rei, aptissime congruit. *Capite X & XII* Pag. 17. *Hieronymi* Præfationem ad *Ezechielem*, & ejusdem *Epistolam* ad *Paulinum* de *Institutione Monachi*, explicat. In *Capite XII, XIII, 18. 19. 20. XIV, XV, & XVI, Julii Pollucis Onomasticon* nova luce collustrat. 21. Primo mutandum esse censet titulum libri, pro ὀνομαστικὸν pluralem numerum ὀνομαστικὰ substituens, postea errorem *Polluci* exprobrat, quod κέρην sumserit pro numismate, cum tamen ex ipsis historiarum monumentis constet, παίγνια, hoc est, crepundia, fuisse, puero oblata, non numum. Non morabitur nos reliquorum hujus *Libri Capitum* perveſtigatio, quæ, etsi splendidissimis antiquitatum & Græcæ literaturæ opibus referta sint, tamen, quia numerus eorum ad XXXIV excreſcit, copioſa utique oratione opus eſſet, ſi pro dignitate rerum argumentis omnibus excutiendis vellemus operam navare. Quamobrem ad *Librum II* tranſeamus, quem fere totum *Dio Chryſoſtomus* ſibi vindicat. Diviſus eſt in *Capita XXVII*, quorum cohortem ducit *Capite I* elegans *Commentatio de vita & ſcriptis Dionis Chryſoſtomi*. Qui labor tanto majorem nobis voluptatem creavit, quò propius ad fidem fuit, neminem adhuc præter *Philoftratum* ex inſtituto hujus clariffimi inter antiquos Sophiſtæ vitam deſcripſiſſe. *Capite II* diſcrimen probabiliter rejicitur inter *Pruſam* & *Prufidem*, urbes *Bithyniæ*, atque hunc errorem in primis fuiſſe *Ortelii* moner, qui, hæc duo nomina inter ſe eſſe diverſa, ſine idoneo *Scriptoris* alicujus præſci teſtimonio conjecerat. Ceterum, quiſnam illius *Pruſæ* ad *Olympum* conditor fuerit, diſſiculter ſane demonſtrabitur, quoniam hic *Scriptores* in alia omnia diſcedunt. *Capite VI* ex *Dionis Oratione XVIII*, ejusque verbis, huc uſque male intellexiſtis: καὶ τέτοις, μὴ αὐτὸς ἀναγνώσκοντα, ἑτέρων ἐπιſταμένων, μάλιſτα μὲν

43.

47.

48.

54.

- μὲν καὶ ἡδῶς εἰδὲν ἀλύτως ὑπεκρίνασθαι, non vero, ut *Casaubonus* existimat, corruptis, planum facit, Comœdias *Menandri* olim in scholis declamari & acitari solitas esse, propterea quod mirifice composita esset oratio ad gestum & actionem, utpote quæ soluta esset absque particulis & conjunctionibus, ut notat *Dionysius Halicarnassensis* in libro περὶ ἑρμηνείας, in *Capite* περὶ ἰσχυρῶ. *Capite VII* rursus aliquot *Dionisii* loca emendat *Valesius*, in quibus explicatio verborum μετὰ τῶν παίδων ἐν τοῖς ὁδοῖς καὶ θήνται eminet. Scilicet, pergulas magistrales hic indicari, probat, in quibus non doctores solum triviales, secundum *Casauboni* opinionem, docebant, sed celeberrimi etiam liberalium artium magistri, Rhetores videlicet, Grammatici, & Mathematici, quive stipendia publica accipiebant, artem suam profitebantur, ut egregie post *Salmasium* ostendit *Burmannus* in Notis. In *Libro III*, qui *Capitibus XX* distinguitur, operam inprimis dedit *Valesius*, ut *Philostrato*, multis in locis corrupto, opitularetur. Idem enim contigisse dicit *Vitis Sophistarum*, quod plerisque veteris Græciæ monumentis, ut in pessimos interpretes inciderint, nec doctiores nactæ sint antiquarios. Nollemus, *Valesii* verba hic a *Burmanno* sollicitata fuisse. Quovis pignore certaremus, scripsisse *Valesium* antiquarios. Is enim non minore antiquitatum Græcarum Latinarumve noticia, quam Criticæ artis præsidio, instructus esse debet, qui *Philostrati* sensus enodare apud animum constituit. Inter reliquas vero hujus ordinis emendationes, quæ tanto majorem veri speciem habent, quominus e longinquo petita, ut sit plerumque ab acutissimis Criticorum ingeniis, videntur esse, unica impedit, quominus librum hunc intactum relinquamus. In *Aspasio* quippe *Philostrati* sub finem locus est asterisco notatus: Καὶ περὶ Νικαγόρης τῆ Ἀθηναίης, ὅς καὶ τῆ Ἐλευσινίης ἱερῶ κήρυξ ἐστὶ τε καὶ εἰ, ubi scribere jubet *Valesius*: τῆ Ἐλευσινίης ἱεροκλήρυξ ἐστὶ τε καὶ ἔην, id est, qui *Eleusinii* templi præco nunc est, denique ut sit, precor. Sic enim Græcos eleganter locutos esse ait, quemadmodum Latini eadem formula utuntur: Est tibi sitque, quod apud *Ovidium* legitur, & multis aliorum Poetarum testimoniis, quod præstitit *Burmannus*, confirmari potest. Liber IV in quindecim

decim Capita distribuitur, ex quorum numero illud potissimum deligemus, quod ultimo proximum est. Disserit ibi Autor doctissimus de *Fragmenti*, quod *Censorino* adjungi ad calcem solet, loco. Legitur enim *Cap. 9* vulgo hunc in modum: *Prior est musica inventio metrica. Cum sint enim antiquissimi Poetarum Homerus, Hesiodus, Pisander, & hos secuti Elegiarii, Callimachus, Mimnermus, Eubemerus, &c.* Non dubitat *Valesius*, quin scribi oporteat pro *Callimachus*, *Callinus*. Is enim primus Pen- Pag. 118.
tametrum invenisse dicitur teste *Terentiano Mauro*. Pluribus verbis hanc sententiam *Burmamnus* in *Notis* commendat, non dissimulans tamen, eandem conjecturam *Jac. Nic. Loensi Lib. X Miscellan. Cap. 1* in mentem venisse, indeque *Bentlejum*, sagacissimum in re critica virum, ad *Callimachum* suum transtulisse. *Callinum* vero Elegiographum Poetam fuisse, patet inprimis ex *Strabone Lib. XIII pag. 624 & 627: καλλῖνος τῆς ἐλεγεῖας ποιητής. Liber quintus* integer fere *Ælianis* duobus, alteri *Sophistæ*, qui *Historiam animalium & Varias* conscripsit, alteri, qui *de instruenda acie*, seu *Tactica*, elucubravit, dicatus est. Primo suum esse 121.
duxit, inquirere, quonam tempore vixerit *Ælianus Sophista*, ex cujus rei ignorance error *Gesneri* & aliorum manavit, qui *varias historias & Tactica* uni tribuerunt Autori. Quod tamen falsissimum est, & *Perizonii* doctrina ad *Ælianum*, invidtisque argumentis, demonstratum fuit, Autorem *Tacticorum*, natione Græcum, plus minusve integro prope Seculo antiquiorem illo 136.
videri. Sub finem hujus libri quosdam ex *Lege Salica* decerpit flores, neque minus *Theophylacti* famam, interpretum oscitantia paululum obfuscatam, opera sua illustrat. *Metaphrastes* enim, *Jac. Pontanus*, verba *Capitis I Φαεῖδην γὰρ ἀρχαῖς &c.* in linguam Latinam translaturus, perplexa verborum circumductione locum abstrusorem reddidit, ex quibus apparet, non cepisse eum *πολυτεβῶδα οἰκείαν*. Existimat vero *Henn. Valesius*, 141.
eam a *Theophylacto* dici domum, quæ Græce *δεκαεννέα ἀκκῆβιλα* dicebatur, propterea, quod in ea novendecim accubita seu stibadia essent, in quibus Imperator, cum proceribus decumbens, epulabatur in natali Domini & solennioribus festis. Sed de *Emendationum Libris* dixisse sufficiat. Sequitur in eadem Sylloge
Opus

Opus *Valesii de Critica*, jam dudum ab eruditis desideratum; at dolebunt nobiscum nobilissimæ artis fautores, meximam illius partem aut intercidiſſe, aut omnino ad finem perduſſam haud fuiſſe. Nullum enim eſt dubium, quin, ſi integra exſtaret *Valesii* de hoc argumento diſputatio, plurium aliorum ſcriptis carere poſſemus. Si enim a *Scioppio*, *Robertello*, *Wourwerio*, *Mauffaco*, *Dan. Heinfio*, *Burmanno*, & alijs quibusdam veræ eruditionis ſeſtatoribus, quos omnes in doctiſſima Præſatione laudat *Burmannus*, diſceſſeris, neminem vidimus, qui rem, ſæpiuſcule tentatam, ex voto tractaverit. Laudibus quidem plerique noſtrorum hominum ornant *Jo. Clerici* de arte Critica librum, ſed, utrum bonus, an malus, dici poſſit, noſtrum non eſt judicare. In eo certe injuriam manibus *Clerici* non faciemus, ſi dixerimus, tam difficulter ex ſcholis ejus proditurum eſſe bonum Criticum, quam difficile eſt, ſine idoneis artis logicæ præceptionibus ſubtilem fieri Dialeclicum. Quod probare in proclivi eſſet, ſi id nunc ageremus. Verum ex diverticulo in orbitam redeamus. *Henr. Valesius* in libro de arte Critica, quem primus producit & ab interitu vindicat *Petrus Burmannus*, duo ſibi exponenda ſumſit, primum, ut oſtenderet, per quos inprimis viros illa ars, quibusque in locis, culta, & per quos quaſi gradus producta ad illud faſtigium pervenerit, poſtea, ut naturam hujus artis quibusdam legum vinculis conſtringeret, in qua conſtitutione Grammaticos veteres, *Varronem*, *Cratem Mallotem*, *Ariſtarchum*, *Ariſtophanem*, recte ſequitur. Tribus enim commodiſſime partibus deſcribi ſolet, quarum prima, quæ in noſtris grammaticis libellis reperiuntur, item de vi & poteſtate verborum, & quæ ex his confequuntur, docet, eam ob cauſam a Græcis ἀναγνώσκειν appellata, altera perſonas, loca, fabulas, & cetera, quorum in Scriptore mentio fit, enarrat, atque Græcis ἐξηγητική, ſeu ἱστορίκη, audit; tertia denique obſcura exponit, quid rectum pravumque ſit, quid genuinum, quid ſpurium, indicat, inde a Græcis διερθεωτικής, aut κριτικής, nomen adepta. Quilibet videt, multo præſtantiori, quam vulgo homines, ab his ſacris alieni, credunt, doctrina, diffuſioribusque præceptis, ali atque ſuſtentari debere Criticam. Cur vero hanc a reliquis Grammaticæ partibus

partibus sejunxerint ejus artis magistri, eadem fortassis ratio subest, quæ, cur eloquentiam a philosophia segregarent, præcipere videbatur. Facilius enim erat, res abditas multis & acutis rationculis colligere, quam probabiliter loqui. Antiquis vero Pag. 149. temporibus Grammatici scholæ suæ successores ac sectam quandam, perinde ut Philosophi, relinquebant, quemadmodum non modo noster *Valesius* hoc loco ostendit, sed alii quoque, verbi causa *Wouwerius* in *Polymath. Cap. 18 pag. 156*, & *Cel. Heumannus* in *Dissertatione de Sectis Grammaticorum*, pluribus verbis exposuerunt. Inter omnes vero caput extulerunt *Aristoteles*, *Demetrius Phalereus*, *Cicero*, *Dionysius Halicarnassæus*, *Longinus*, & *Phavorinus*. *Aristoteli* hanc laudem jure suo vindicat elegantissima *Homerorum* Poëmatum *ἔνδοξος*, quæ vulgo *e Narthecio* cognominabatur. Summis Criticorum ingeniis *Demetrium Phalereum* associant scripta ejus περὶ ἑρμηνείας. De *Cicerone* vel unicus saltem liber *Bruti* nomine inscriptus testis esse potest, quam acute virtutes & vitia orationis cognoverit. Reliquis forte hujus scientiæ laudem nemo denegabit, nisi qui primis saltem, ut ajunt, labris literas degustavit. Ne quid nunc dicamus de *Plutarchi*, *Porphirii*, *Procli*, *Galleni*, *Origenis*, *Basilii Magni*, *Photii*, *Julii Caesaris*, & *Germanici*, scriptis criticis; omnia hæc more suo tam sedulo conquirat *Valesius*, ut nobis jam, *Librum II* salutantibus, Operis hujus jactura ægerrime molestissimeque ferenda esse videatur. Sed ea est fati durities, ut nullius mortalium aut precibus, aut votis, mitigetur. Lucro tamen id apponamus, quod fors dedit parca manu. Traditur autem in his velut pulcherrimi ædificii parietinis & ruinis cum artis Criticæ finitio, tum distributio. Criticam nempe definit Autor, quod ars sit judicandi de scriptis tam veterum, quam recentiorum. Partes vero illius quatuor ponit. Prima est, *Valesii* opinione, expositio, seu enarratio, quæ Græcè ἐξηγητική dicitur, secunda emendatio, Græcè διορθωτική, tertia observatio, quarta judicium seu censure, quarum nulla non digna esset, quæ *Valesii* ingenio & uberrimo orationis flumine irrigaretur. Priori tantum membro hæc felicitas ex parte obigit, ideoque, cum plura persequi non liceat, paucissimis ὀκνοπέπαις rationem Lectoribus humanissimis reddemus. Per expositionem nihil aliud in-

telligit *Valesius*, quam obscuriorum dictionum & sententiarum explanationem, & cum libri veteres duobus modis explicari soleant, fuso nempe & tenui genere interpretandi, nasci inde duplicem expositionis formam putat, quarum alteram Græci *σχολία*, alteram *ἐξηγητικόν*, vocant, nos vero illam annotationum, hanc commentarii, nomine complectimur. Qua virtute bonus Commentator eminere debeat, concipere animo & nos plenius, & alii, possent, nisi *Valesius* invitos nos & reluctantes defereret.

Fig. 190. Dissertationem de *Critica* excipiunt *Valesii* nostri, ut & *Nicolai Rigaltii* atque *Ismaelis Bullialdi*, Clarissimorum Virorum, eruditissimæ de *populis fundis*, seu de statu & conditione populorum, qui *fundi* facti sunt *lege Julia de civitate Romanorum*, Exercitationes, quas, licet *Antiquitatum Romanarum Thesaurus Tomo II pag. 1952 seq.* insertas esse novimus, nostra tamen qualicunque oratione rursus commendare fas & æquum erit. Memoratu dignus est apud *Ciceronem* locus de *populis fundis* in *Oratione pro Balbo*, quem perperam *Manutius*, *Sigonius*, & *Hottomannus*, interpretati sunt. Qui vero factum sit, ut uno tempore triumviri in explicationem hujus formulæ summo studio incubuerint, ex Præfatione harum Commentationum apparet. Scilicet hujus controversiæ de populis fundis perhibetur fundus esse *Petrus Pitheus*, qui *Capiti VIII Libertatum Ecclesiæ Gallicanæ* inseruerat hæc verba: *Reges Christianissimos sanctitatem Apostolicæ sedis sic comiter conservare, quemadmodum Principes liberos decet, si non æquo jure, certe non ut dedititios aut fundos.* Aperte hic *Pitheus* dedititios & fundos, tanquam similia nomina, conjungit, quod ægre fert *Nic. Rigaltius*. Hanc ob causam in literis, ad *Puteanos* missis, *fundorum* appellatione significari contendit non dedititios, sed homines liberos, *cives sui juris*, suæque spontis, cum in plerisque hujuscemodi conditionis civitatibus magna pars sui juris libertatem civitati *Romanæ* anteferreret. Respondet ei *Ismael Bullialdus*, ita tamen, ut verbis, non re, a *Rigaltio* discrepet. Verba ejus palmaria hæc sunt: *Vel de conditione populorum fundorum breviter dicamus, certissimum est, liberos eos fuisse, neque vi adactos, ut legibus Romanis, jure patrio abdicato, uterentur. Penes ipsos enim erat, proprio connatoque jure uti, vel, si elegissent, Romano.* *Henricus Valesius*

Valesius utriusque sententiam in duplici Epistola expendit, & quamvis a *Rigaltii* stare partibus nolit, tamen ne *Bullialdo* quidem per omnia assentitur. Sententia ejus haud dubie præstantissima videtur, quam suo etiam calculo probavit Vir olim celeberrimus, *Jo. Georg. Grævius*, ad *Ciceronis Orat. pro Balbo Cap. 8 pag. 534 seq.* Scilicet *Valesius* primo observavit, fundum, si de populis accipiat, non significare statum quandam aut conditionem populorum, quemadmodum interpretati sunt *Rigaltius* & *Bullialdus*, sed populum esse autorem subscriptoremque, ideoque fundus fieri poterat populus legi cuidam, quam sciunt Romani, verbi causa legi Juliae. Is enim fundus rei, donationi, legi, dicitur, qui promittit, se recepturum esse donationem, se sponte culturum esse leges, & in aliis rebus similiter. Poterant igitur socii Latini repudiare hanc legem Juliam, verum, qui semel ei subscripserant, tenebantur illius formula. Tandem Vir eruditissimus, *Burmamnus*, his de populis fundis Dissertationibus Orationes *Henrici Valesii*, junctim editas, subjecit, quæ, licet antea jam typis descriptæ essent, in unum tamen & fasciculum colligi debebant, ne tanquam flores dissoluti invidia temporis hominumque perirent. In his autem exhibendis ordinem temporis, quo scriptæ & habitæ sunt, observavit. Primum locum obtinet Oratio de *Christina, Suecorum Regina, coronatione*, A. 1650 celebrata. Hanc comitantur funebres in obitum doctissimorum Virorum, *Jacobi Sirmondi*, *Petri Puteani*, *Dionysii Petavii*, quibuscum omnibus noster *Valesius* perquam familiariter vixit; deinde eximia gratulatoria, seu potius panegyrica, Oratio de pace post diuturnum & gravissimum 24 annorum bellum, inter Hispanos & Gallos gestum, per Cardinalem Julium Mazarinum stabilita. Eidem loco fratris ejus, *Hadriani Valesii*, disertissimam Orationem de laudibus *Ludovici XIV*, A. 1661 in grati animi testimonium habitam, asseruit *Cl. Burmannus*; quam denique comitantur ejusdem *Hadr. Valesii* Carmina nonnulla inedita, quæ in ceteris illius Poematibus, ad calcem *Valesianorum* A. 1694 excusis, desiderantur. Debet ea *Cl. Autor* beneficio humanissimi *d'Orville*, cui hoc nomine & quamplurimis aliis meritis obstrictissimum se esse, gratus proficitur. En igitur speciem totius

Operis, levi quidem penicillo adumbratam, id tamen, speramus, in animis Lectorum effecturam, ut picturæ hujus elegantia invitati, exemplum ipsum flagrantiori quadam cupiditate intueantur. Ceterum de novo criticæ artis vindice nobis & mansuetioribus literis vehementer gratulamur, summum precati Numen, ut non solum Patruī senectutem vegetam reddere, sed etiam Nepotis conatus prospero successu secundare beareque, velit. Insigne præterea in rem literariam conferet beneficium Doctiss. *Burmānus*, si propediem *Nic. Heinsii Adversaria*, diu desiderata, & *Anthologiam Epigrammatum*, *Poematumque Latinorum*, quam minatur post *Pithæum* & *Scaligerum*, ingenti ineditorum numero locupletatam, animadversionibusque illustratam, carceribus suis exire jubebit.

JACOBI ODE, PROFESSORIS TRAJE-
ctini, *Commentarius de Angelis.*

Trajecti ad Rhenum, apud Matthæum Visch, Bibliopolam, 1739, 4.

Alph. 6 plag. 5.

Monumentum ære perennius exegisse Cel. Autorem Commentario hoc *de Angelis* elaboratissimo, facile omnes, qui norunt rerum pretia æstimare, intelligent. Certant enim in eo veneres stili, planumque & ornatum dicendi genus, cum soliditate, tractationis concinnitate, & multijugæ lectionis apparatu, immo cum lenitate, mansuetudine, ac moderatione, virtutibus approbatione omnium longe dignissimis. In Præfatione enumerantur rationes, quibus sese Autor ad laborem hunc suscipiendum commotum sensit. Recenset simul in ea summam *Angelolatritæ Stephani Clotzii*, Theologi quondam Rostochienis, *Baronio*, *Justiniano*, & aliis Romanæ Ecclesiæ primipilis, oppositæ, ac per Disputationum seriem elaboratæ. *Bellarminus* enim & *Costerus* contenderant, errorem de colendis Angelis ad hæresin *Simonis Magi*, ejusque sectatorum, referendum esse. Addit vero Autor, *Baronium* & *Justinianum* hisce contradixisse. Rem omnem controversam ipse sic expedit & extricat: *Ea ipsa facili*

facili negotio secum conciliabis, si modo, Simonianos non coluisse Angelos ob dignitatem & naturæ præstantiam, atque ex sincero erga eos affectu, sed ex magiæ imprimis studio, & Philosophiæ Platonice amor: ad id compulsos, juxta nobiscum observaveris. Ex scriptis Pontificiorum Klotzius *Disp. II §. 9* luculenta adduxit documenta, quibus inter omnes constare potest, eos religioso cultu prosequi & supplice prece invocare Angelos. Omittimus reliqua. Deinde recenset Autor Disquisitionem Academicam, ex *Col. II, 18, de Cultu Angelorum* institutam A. 1708 a Daniele Pfessingero, Theologo Argentoratensi, quinque Disputationibus comprehensam. Juste tandem conqueritur de infelicitate & iniquitate nostrorum temporum, quibus veri nominis eruditio nihili æstimetur, imo etiam probro habeatur aut vitio etiam vertatur, ab iis quoque, qui aliquod in Ecclesia munus obeunt. Verum aggredi decet rem ipsam, rei que tractationem, quæ in *Sectiones decem* fuit distributa. *Sectio prima* inscripta est de nominibus Angelorum; *secunda* de existentia & origine Angelorum; *tertia* de Angelorum natura; *quarta* de Angelis malis; *quinta* de loco Angelorum; *sexta* de numero Angelorum; *septima* de ordine Angelorum; *octava* de ministerio Angelorum; *nona* de cultu Angelorum; ac tandem *decima* de Angelo Johovæ, filio Dei, quem alias *Angelum increatum* solemus appellare. Primo quidem in limine de originatione vocis *ἄγγελος* & ἄγγελος Pag. 5. *les* est sollicitus. Priorem deducit ex sermone Abassinorum, quibus *ἄγγελος* est, *legavit, misit*, siquidem Malachim sunt nuntii seu legati. Posteriorem, origine Græcam, distinguendam existimat ab *Angaris Persarum*, de quibus disserit copiose. Nomina *Michaelis & Gabrielis* credit esse symbolica, Angelis data increa- 28 seq. tis, intelligens indubie filium Dei ac Spiritum Sanctum. Filius 9. Dei quando vocatur Angelus, id facile patescit ex epithetis, ei ex consilio pacis & œconomia salutis propriis, ex nominibus divinis, perfectionibus Deo propriis, *Gen. XVIII, 10 seq.* operibus divinis, *Gen. XLVIII, 16*, cultuque divino, *Gen. XXXI, 11, 13.* Angelorum nomen aliter aliterque olim fuit adhibitum. Plato, alii- que scriptores Græci, per ἄγγελον intellexerunt *ministerium, admi- nistrum, distributorem.* A Christo nato cœperunt Græci notio- 11.

- Pag. 13. nem Biblicam fuscipere. Librum *de Mundo* videtur Autor *Aristoteli* abjudicare, *Arnoldi Bootii* iudicio adductus. Liceat tamen credere, satis gravia esse B. *Joannis Alberti Fabricii* argumenta in *Bibliotheca Gr. Lib. III Cap. 6 §. 13 pag. 128*, quibus liber ille
34. *Aristoteli* vindicatur. Vocibus porro רוח & πνεύμα Caput integrum fuit assignatum. Prior denotat id, quod est actuosum, & vim insitam exserendo aptissimum, e. g. halitum, animam hominis rationalem, ventum, tertiam Trinitatis personam, & Angelum. Posterior æque patet late, immo latius, siquidem doctores Ecclesiæ etiam πνεύματα vocantur 1 Jo. IV, 1, 2. Voces
42. אלהים & בני אלהים illustravit Cel. Autor diligentia
45. perquam singulari, approbata originatione, ex sermone Arabum depromi solita. Refellit *Joannem Clericum*, qui vocem *Elohim*
53. a populis Palæstinæ polytheis adscitam credidit. Per *filios Dei*,
59. quorum apud *Jobum* fit mentio 1, 6, 11, 1, Angelos designari, ostendit, munitus consensu Chaldæi interpretis ac Alexandrini.
61. Descendit deinde ad nomina צבאות & δυνάμεις. Vox prior notat 1) multitudinem rerum creatarum, convenientissimo ordine ac mirifica pulchritudine dispositarum, & divinarum perfectiorum, gloriæ inservientium; 2) multitudinem hominum, certo ordine dispositorum; 3) multitudinem Angelorum, Deo ministrantium. Negat Autor inter hæc, Sabios seu Sabæos Arabas dici ex צבא. Per δυνάμεις ἁγίας, vim altissimi, Luc. 1, 35, intelligendum arbitratur *Spiritum Sanctum*, eodem trahens loca Act. 1, 4, 5, Luc. XXIV, 49, Act. VI, 5, 8. De *Crubhim*, seu Cherubim, exponit copiose, productis in medium sententiis aliorum bene multis. Vox כרוב designat *validum, fortem, robustum*, ac speciatim *taurum* Ezech. X, 14, ob Ezech. I, 10. *Crubim* itaque sunt animantia ceteris robustiora, symbola Angelorum robustissimorum. Hactenus quidem bene. At, cum quæritur, quid visio *Ezechielis*, seu opus currus, sibi velit, atque cur Deus dicatur *sedere על כרובים*, tot responsa fere nobis impertiantur, quot existunt interrogatorum personæ. Numerus eorum quoque haud est exiguus, quibus probatur illud *non liquet*. Si meminerimus, quatuor Israelidarum fuisse vexilla, more antiquissimo in modum columnæ quadratæ facta, in quorum parte summa

summa circumquaque animal quoddam robustissimum prominebat delineatum, facile animadvertemus, quatuor in vexillis illis quatuor diversos existisse typos. Si vero posuerimus ob oculos schema Israelidarum, castra metatorum in desertis; non possunt figuræ quatuor currum, (conf. *Jo. Schefferus de re vehiculari veterum pag. 53,*) rotarum, & oculorum in rotis, imo spiritus & animæ, in eis occurrentes, nos præterire. Lucem inde affundi existimamus locis *Zach. VI, 1 seq. & Ps. LXVIII, 17.* In adyto intimo templi juxta arcam vexilla illa tandem fuerunt deposita utrinque, & utrinque obvelata, figuram fulcrorum sedilis, quibus throni olim sustentari solebant, præferentia. Symbola Angelorum fuisse *Crubhim*, haud licet inficiari, siquidem hoc satis superque elucet ex *Apoc. IV, 8 seq. VI, 1, 3, 5, 7, XV, 7, V, 6—9.* At id difficilius est comprehensu, qua ratione Cherubini, seu animalia, *Joanni* visa, siquidem de Angelis ibi est sermo, dicere potuerint, sese a Christo ex gentibus fuisse redemptos, *Apoc. V, 9.* Verum difficultas exspirat omnis, simul atque vocem *אֲדָמַי, canunt*, retulerimus ad personas subaudiendas, *Levitarum V. T.* exempla scilicet. Per rotas currus *Ezechielis* denotari Ministros Ecclesiæ, Autor arbitratur. Cherubinos existisse Angelorum symbola, Autor ex Judæis commentatoribus æque, ac ex Patribus Græcis, eorumque testimoniis, comprobavit luculente. De curru *Ezechielis* variantes attulit præterea tot sententias, quot fere capita. At nobis haud licet eis immorari per censendis. Obiter notamus, de Angelo *Metatron* seu *Metatore* egregium existare *B. Jaannis Andreae Danzii Programma*, quo fufius indicatur, *Metatron* illum esse Angelum increatum, filiumque Dei. De nomine *שרפים Seraphim* deinde Autor copiose commentatur, rarus, voci subesse significatum certæ serpentum valde urentium speciei, Angelosque, qui ab *Esaia* visi sunt in igneis ac veluti urentibus corporibus, sic dici; Apostolos adumbrari in visione Prophetica, aliosque Jesu Christi, in gloriam evecti, Ministros sub N. T.; hymnum *Sanctus* compositum esse Seculo quarto, ac fortasse secundo, ob locum *Tertulliani de Orat. Cap. 3 Operum pag. 130 edit. Rigaltii*; *Platonem* multa e fontibus populorum orientalium ac imprimis Hebræorum seu Chaldæorum in scripta

Pag. 80.

85.

92.

106.

120.

122.

- scripta sua derivasse. De *Teraphim*, quos nonnulli pro *Seraphim* habent, profert satis multa. Inquirat deinde, an *Serapidis*, Ægyptiorum Dei, hic ratio sit habenda. Ostendit verò,
132. *Serapim* idem esse ac *cistam* (σαρ) Regis cujusdam Ægyptiorum, *Apis*, qui in bove præsertim vivo, vel etiam sub forma bovis,
137. ab Ægyptiis fuerit cultus. Hinc descendit ad nomina שֵׁרִים & שֵׁטָן, שֵׁטָן. *Seirim* ipsi sunt *birce sylvestres* aut *dæmones*, qui sub specie hircorum in silvis locisque desertis apparuerint, atque videntibus incusserint horrorem. Multis argumentis conficit, legem *Lev. XVII, 7*, non *Zabiis*, sed Ægyptiis, eorumque cultui supersticioso & idololatriæ, esse oppositam.
143. שֵׁרִים ex שֵׁר, *vastavit, destruxit*, dici, ratus, addit, intelligi ea voce *dæmonas*, qui sub qualicumque forma, imprimis hircorum, spectatoribus horrorem incusserint in locis vastis, crediti-que sint animos hominum perdere. De *Satyris* plena lance differit. Tum ad nomina διάβολος, δαίμων, & δαιμόνιον, gradum promoveret. *Δαίμων* ex veterum opinione erat animus hominis, dum vivit hanc vitam; fortuna & fatum; genius intermedius; anima defuncti, oberrans circa sepulcra. *Δαιμόνιον* Græcis antiquis est *Numen*, speciatim *fortuna*, e. g. *Ef. LXV, 11*, in Alexandrinorum interpretatione, genius Deum inter hominesque medius, homo bonus & prudens, tum vivus, tum vita functus, porro etiam spiritus malus ac generi pestifer humano. De iis, qui *δαιμονιζόμενοι* vocantur in Evangelio, accurate exponit, ostendens tum ex momentis adjunctis, tum ex *Plutarcho* in *Sympos. Lib. VII Quest. 5*, designari homines, quorum mentes & sensus, imprimis auditus & visus, maligni spiritus ita occupaverint, ut neque ratione sua, neque sensu communi, recte uterentur, & non illi, sed hi, in corpora illorum dominium exercerent. Homines a vera religione averſi ipsi etiam credidere, *dæmonas* immittere hominibus mala, morbosque indere ac auferre. Testatur *Thucydides II, 64*, & *Julium Pollucem* in *Onomast. V, 27*. Plura congeſſit testimonia *Lambertus Bos* in *Exerc. Philolog. in Nov. Fæd. pag. 62 seq.* Omnino itaque subit mirari, qui *Beckerus* in Anglia, veterum Scriptorum peritissima, suffragatores possit invenire. Vox *δαιμόνιος* a *Josepho* adhibetur sensu bono,
201. δαιμό-

δαίμονια idem dixit sensu malo, qui alias quoque credidit, dari homines, a spiritibus malis oblectos. Tandem Autor demonstrat, Angelos existere, & copiosum ad *Act. XXIII, 8*, commentarium suppeditat, ratus, Sadducæos negasse permanentem Angelorum existentiam. *Ἀμφότερα* non semper esse *ambo* & *utraque*, sed plura generis ejusdem, erudite ita comprobatum. Quomodo autem Sadducæi, dari Angelos, negaverint, variis disputationibus implicatum magis, quam expeditum, est. Tres potissimas opiniones produxit Cel. Autor, *Joannis* nempe *Calvini*, *Hugonis Grotii*, & *Joannis Cameronis*, cujus sententiam censet probabilissimam, licet eam paulisper mutaverit & amplificaverit. Summa sententiæ huc redit, Sadducæos non negasse eorum, qui in historia V. T. vocantur Angeli, apparitiones & operationes, sed credidisse, eos non esse veri nominis, quo sensu id a Phariseis usurpabatur, Angelos atque substantias permanentes, quin potius illos a Deo ad illud tempus, quo apparebant atque operabantur, fuisse productos, & postea ab eodem destructos, atque ita Angelos re ipsa non esse, ut tradit *Lucas*; eoque sine id omne, quod de Angelis tradebatur, improprio sensu intellexisse, ut negarent, eos, qui eo nomine appellabantur, re ipsa esse Angelos, atque in rerum natura existere. Liceat vero quartam addere sententiam. Putamus enim probabile, Jesum ex doctrinis communibus Sadducæos convicisse *Matth. XXII, 23 seq.* ac nihilo minus mentionem fecisse Angelorum, qui sunt in cœlis, quibuscum confert statum piorum redivivorum. Ad doctrinas communes hæc quoque sunt referenda. Sadducæi enim alias statim disputationis exordium turbassent, perhibentes, nullius momenti esse hanc vel comparisonem, vel comparationis rationem. *Lucæ* ita verba *Act. XXIII, 8*, intelligenda sunt respectu systematis Phariseorum. Hi credidere, dari præmia hominum post mortem, & idem corpus reviviscere. Utrumque negarunt Sadducæi, rati potius, animas defunctorum per varia ire corpora, non reviviscere corpus defunctum, præmia apud Superos inferosque haud dari, siquidem animæ una cum corpore defuncto speciem & virtutem, qua spectabilia corporis officia peraguntur, deponant. Pharisei credidere, Angelos subinde apparuisse, ac

208.

211.

243.

- cum hominibus loqui; Sadducei id negarunt, rati, phantasmata illa, quæ apparuere, fuisse substantias per miraculum novum productas, & munere finito, in nihilum redactas. Pharisei spiritus corporis expertes admiserunt; Sadduceis contra substantiæ spirituales omnes visæ fuerunt subtilissimo & igneo corpusculo præditæ, in oculos tamen haud incurrentes. Eadem sentire Philosophi Persarum & Orientales ejus ætatis, quæ Sadduceis probata esse existimamus; quippe carnem, corpus, & materiam spectabilem, malis annumerarunt, ideoque resurrectionem carnis piis indignam esse crediderunt. Quanta vero tunc Philosophiæ orientalis fuerit fama & ostentatio, neminem fugit. Autor docet, Angelos existere, ex Cherubinis *Gen. III, 24*, ex duobus *Abrahami* convivis *Gen. XVIII, 2*, nec non ex *Gen. XXI, 17, 18, XXIV, 7, 40, XXVIII, 12, 13, XXXII, 1, 2, XLVIII, 16, Exod. III, 2 seq. XIV, 19, XXIII, 20, 23, XXXII, 34, XXXIII, 2, Num. XXII, 22-28, Jud. II, 1-4, XIII, 3-21, 1 Sam. XXIX, 9, 2 Sam. XIV, 20, XIX, 27, XXIV, 16, 17, 1 Chron. XXI, 15 seq. 2 Chron. XXXII, 20, 21, Ps. XXXIV, 8, &c. Hobbesium* refellit, qui credidit, Angelos non esse substantias ab hominibus diversas, sed esse apparitiones quasdam in organis sensuum nostrorum, eorumque accidentia. Operose disquirat, an ex lumine rationis doceri queat,
213. Angelos existere. Argumentis vero omnibus, quæ conquirere potuit, ad cynosuram rationis rectæ revocatis, colligit, existentiam Angelorum lumini rationis videri possibilem, aut ad summum probabilem, nisi testimonia in medium producantur, in quibus
219. tamen illud haud est perspicuum, animas humanas, a vinculis corporum suorum solutas, non posse id operari, quod sensibus est subiectum. Hæc certe sententia ab ipso *Justino Martyre Apol. II pro Christianis pag. 65* fuit approbata, ac a *Philostato in Vita Apollonii Lib. III Cap. 38* exornata, nec repudiata ab ipso *Josepho de Bello Jud. Lib. VII Cap. 6. Oracula Apollinis, Æsculapii,*
231. & alia, ex meris constitisse sacerdotum fraudibus, ingenue fatetur Autor. Spectra esse animas defunctorum, improbabilem haud censet opinionem. Inquirat deinde, qua via, & quo modo, gentes qualemcunque Angelorum notitiam fuerint adeptæ. Id vero satis credibile, doctrinam de Angelis, eorumque discrimine,
235. a pri-

a primis parentibus & gente Hebræa, ejusque vicinis gentibus, esse derivandam, ac per manus traditam, varieque propagatam fuisse. *Plato* quidem, ejusque sectatores, docuerunt, Angelos esse animas hominum post mortem corporis in statum & conditionem illam mutatas & evectas, atque hunc errorem in Ecclesiam Christianam invexerunt. At veteres Chaldæi & Ægyptii videntur Ebræis assensisse. Sententiam de Archangelis *Porphyrius* alique videntur formasse ex exemplo duorum Angelorum primariorum atque principum, qui a *Daniele* visi leguntur. Gen-Pag. 267. res vero a vera religione averfas largitas fuisse, dari a dæmonibus obsessos, curate demonstratur. Testimoniis ubique probatissimis omnia pronuntiata sua præmunivit Autor, ita, ut Opus hoc sit plane eximium & excellens. De creatione Angelorum disseritur præclare, licet de die, quo creati sunt, haud confet. Causæ adduntur, cur *Moses* de creatione Angelorum distincte 273. exposuerit nihil. Autor Celeb. haud a proposito alienum judicavit, ostendere, *Sanchoniatbonem* non Angelos, sed homines, per *ἄγγελοι* 282. *υερεα* intellexisse. Tum excitat eos, qui, Angelos ex substantia Dei & ex igne creatos esse, contenderunt, docens, eos ad imaginem Dei esse conditos, negans tamen, eos creasse mundum, quæ primorum Christianæ Ecclesiæ fuit hæreticorum opinio, *Simonianorum*, *Menandrianorum*, *Saturnini*, *Carpocratis*, *Sethianorum*, aliorumque. De tempore & fine, quo creati sunt Angeli, solide exponit, notans *Origenem*, *Basilium Casarensensem*, 284. *Gregorium Nazianzenum*, *Chrysostomum*, aliosque, opinatos, Angelos ante omnes res creatas fuisse productos, quibus Soci-niani accedunt. Firmat sententiam Theologorum Lutherano- 291. rum & Reformatorum, qui, Angelos primo die creatos esse, docuere. Platonici, *Aristoteles*, Chaldæi, alique, Angelis tribuerunt corpora tenuissima, quibus consentanea tradiderunt Patres Ecclesiæ permulti, *Conradus Vorstius* & Cl. *Loersius*, cujus argumenta 304. ex professo indicantur, examinantur, & refelluntur. Refutatur etiam *Joannis Clerici* in hoc momento scepticismus. Angelo- 334. rum essentia constituitur in cogitanti actuositate. Facultates 337. eorum naturales eruuntur & exponuntur, videlicet cognitio, 391. judicium, voluntas, affectus, libertas, potentia limitata. Autor 405.

- ostendit, Deum in patrandis miraculis usum fuisse opera Angelorum; malos vero Angelos mirabilia, non miracula, effectui dare posse. Angelos fuisse in creandis hominibus Dei socios, Judei quidem decernunt, at a Muhamedanis Christianisque merito repudiati. Edisserit inde Autor facultates Angelorum morales, bonitatem, liberi arbitrii usum, atque penes diabolos abusum, bonorum in veritate & sanctitate confirmationem, gloriam, & beatitudinem. Confirmationem illam præcipue & egregie contra dissidentes sentientes tuetur, *Origenem* & Remonstrantes. *Cornelium Jansenium*, qui, ex sua natura Angelis illam confirmationem inesse, decrevit, longe lateque confutat. Quo facto, disputat de mutabili Angelorum statu & conditione, eamque cum Dei bonitate ac sapientia conciliat. Angelos existere, docet ex nominibus eorum, ex regno diaboli, ex pravis eorum qualitatibus, ex ingressu eorum in homines, ex variis eorum operationibus, ex potestate eorum, tam naturali, quam morali, ex victoria a diabolo per Christum & fideles reportanda, & ex pœna malis Angelis infligenda & infligenda. Notat simul *Balthasarem Beckerum*, loca *Jude* ac *Petri* ad legatos Israelitarum detorquentem, ac Cabbalistarum errorem, qui, nullos dari Angelos malos, fingunt. Primum Angelorum peccatum fuse exponit, nempe abusum liberi arbitrii prorsus tetrum. Varias hic sententias examinat & explodit. Disputationem *de Serpente deceptore* inscriptam methodo mathematica elaboravit. Propositionem primam ita formavit: נחש proprie est serpens naturalis. Ratio demonstrandi defumitur ex *Gen. III, 1*, hunc in modum: *quia נחש cum ceteris animalibus agri comparatur, ideo ejusdem generis esse debet.* Propositio secunda sic habet: *Nomen נחש est a radice נחש, cujus significatio est, & quidem formalis videtur esse, curiose observavit vel scrutatus fuit, ingeniose exploravit.* Rejicit originationem, a *Sam. Bocharto* allatam ex נחש, infaustum & mali ominis esse. Propositio tertia est hæc: הנחש ערום non est nudus diabolus. Propositio quarta ita fuit formata: הנחש ערום non fuit nudum vel apparens quoddam serpentis phantasma. Quinta potius ita fuit adornata: *Hannachasch arom est serpens prudens & callidus vel astutus.* Serpenti enim tribuitur circumspectio
- Matth.*

Matth. X, 16, & astutia 2 Cor. XI, 3. Inde porro colligit, serpentem naturalem huic actui interfuisse, ac *Vitringæ*, filii, de solo Pag. 512. diabolo verba fieri, credentis, sententia improbat. Si vero quis *omne vivum agri per terricolam quemcunque* exposuerit, *Vitringæ* sententia adhuc est salva. Mirum est sane, serpenti soli pœnas definiri, de diabolo distincte nihil convictionis pœnæque ingeri, &, quod adhuc majus est, protevangelio innecti serpentem naturalem, cuius, non diaboli, ex opinione Cel. Viri paulo ante facta erat mentio. Hæc impedimenta ut evitet ipse, propositionem hanc adjungit: *Serpens ille non fuit solus, aut naturalis tantummodo bestia.* Obstat omnino hypothesi de solitario serpente colloquium, cum muliere institutum, de Deo divinoque præcepto, *Gen. III, 1-5.* At, si hieroglyphicon serpentis designat Satanam, reliqua omnia fluunt sua sponte, nec superest difficultas de modo, quo Satanæ per serpentem verba fecerit, & de Deo, sermonem cum serpente hic sociante. At pergit 539. Noster, existimans, *sermonem, qui per serpentem a spiritu rationali formatus est, fuisse sensibilem.* Voculas *וְהָיָה*, exordii loco 541. a Satana positas, vertendas putat: *quanto magis*, ratus, spiritum, a quo *Eva* decerpta, exstitisse malum & principem dæmoniorum, usum serpente tanquam organo, qui videatur pedibus fuisse instructus. Pedatos dari dracones, ostendit. Pœnam hinc 561. distribuendam existimat & serpenti naturali & diabolo, licet in protevangelio diaboli duntaxat rationem haberi existimet. *Ortobii* autem, *Rusii*, & *Joachimi Langii*, sententiam de serpente illo, *Eva* deceptore, solo diabolo, testimoniis Patrum consentientium egregie præmunitam esse, adeo non inficiatur, ut potius eam 576 seq. plenius edisserendam duxerit. Transit hinc ad illustrandas facultates Angelorum depravatas, ad describendum dominium & regnum diaboli in pravos homines & in hunc mundum, ad magiam dæmoniacam, hujus regni instrumentum, ad magos *Jannem* & *Jambrem*, ad *Bileamum*, & diaboli artes, 620. quibus effinxerit, oculisque Regis *Sauli* objecerit, speciem habitumque veri *Samuelis*, atque in tali specie habituque ultimam impio *Saulo* perniciem & miseriam prænuntiaverit. Dari spe- 622. tra, quo minus dubitemus, argumenta cumulat, & fuse perorat.

- Pag. 630.** Exponit de dæmonio meridiano, quod Alexandrini in *Pf. XCI, 5*, commemorarunt, docte satis, nec tacet de *Angelo mortis*, quem in eodem loco Paraphraſtes Chaldaicus ſibi viſus fuit deprehendiſſe. Commentatur porro de duobus exploratoribus Angelis, quos Judæi ac Muhammedani hominibus ſepulcro mandatis accedere exiſtimant, de dæmone, qui occuſu ſuo homines interimat, *Euripidem* illuſtrans, nec non de *Principe bujus mundi*, quem Jeſus ac Apoſtoli commemorarunt. Arma, quibus pravi ſpiritus fugantur, recenset ita, ut ea, quæ ſinxerunt varii, ſolide explo-dat. **648.** Non potuit, quin ſimul de exorcismis ediſſeretur potiora, ac de *ſigno crucis*, in ſuperſtitioſos converſo uſus, exponeret.
- 659.** Simul ac de judicio in Angelos malos, eorumque pœnis, dicere aggreditur, eruditionis multijugæ illuſtre ſpecimen depromit. Singularis videri poteſt illa ſententia, quam ita expreſſam legimus *pag. 664*: *Olim diabolis quidem facultas ſubinde fuit data, & conceſſa poteſtas, redeundi in cælum, ſive ut juſtos pioſque homines coram Deo accuſarent, Job. I, 6, II, 1, ſive, ut ſuam operam Deo offerrent ad pelliciendum in fraudem falſos Prophetas, 1 Reg. XXII, 19, 21, 22. Sed, poſtquam Chriſtus obedientia ſua activa legi, & paſſiva juſtitia divina, ſatiſfecit pleniffime, & ſic per mortem abolevit robur mortis, quod haſtenus fuerat penes diabolum, plenamque ab eo reportavit victoriam, ei ademitt facultatem accuſandi fideles homines, & adverſandi populo Dei coram throno gratiæ divina, & e cælo detrufus lapſusque fuit in terram. Provo-cat eo nomine ad loca Luc. X, 18, Ap. XII, 7, 8, 9, 10, Ebr. II, 666 ſeq. 14, Zach. III, 1.* Librum *Enocho* ſuppoſitum de *Egrevovis* Seculo ſecundo demum fuiſſe ſcriptum, adverſus *Joannem Albertum Fabricium* oſtendere laborat. Diabolorum pœnas infernales nunquam ceſſaturas, egregie ſolideque defendit. Diſquirit præterea quæſtionem, an Angeli ſint in loco; quam propoſitionem ita aſſirmando exornat, ut Angelos perhibeat ibi eſſe, ubi operantur, adeoque dici poſſe credat modo ſpiritibus conveniente, eos eſſe in loco, ubi operantur. Deinde agit de loco bonorum Angelorum, nec non malorum, de utrorumque numero, de ordine bonorum ac malorum Angelorum, & de illorum miniſterio, quod præſtant Deo, Chriſto, Eccleſiaque.

לחם אכירי, *panis robustorum*, Pf. LXXVIII, 25. Inter-Pag. 802.
 cedit vero Autor, quo minus *panem Angelorum* intelligamus,
 propendens potius in eam opinionem, quæ *panem Dei* subesse
 diſtat. De Angelo illo, ad piſcinam Siloa descendente, Jo. V,
 4, fuſe commentatur. In loco 1 Cor. XI, 10, exponendo eſt ad-
 modum longus. Per *Angelos* ibi designari credit *bonos*, haud ma-
 lignos, ſiquidem non hi, ſed illi, interſunt fidelium cœtibus; per
 ἑξῆς intelligit *velamen*, *ſignum alienæ poteſtatis ac propriæ ſub-*
jectionis, quam ſententiam jam olim ſecuti fuerunt *Tertullianus*,
Irenæus, *Origenes*, *Chryſoſtomus*, *Hieronymus*, *Theophylaſtus*, alii-
 que. Eorum, qui ſingulis hominibus Angelos ſingulos tribue-
 runt, catalogum texit Autor non mediocrem. Ipſe autem opi-
 nionem illam jure meritoque reſellit. *ſeſſione nona* copioſe re-
 cenſet varias variorum de cultu Angelorum opiniones, eundo per
 gentes varias, luſtrando Judæos, ac ſalutando Arabas & Perſas.
 Quid ſacris literis perſcriptum ſit de Angelolatria prohibita, Col.
 II, 18, &c. ſollicite expendit. Convertit ſeſe tandem ad hæreti-
 cos, qui Angelis cultum exhibuere religioſum. Patres Eccleſiæ
 Chriſtianæ olim cultum ejusmodi improbaſſe, docet. Exami-
 nat & dijudicat ſententiam Pontificiorum. Reſellit Socinianos,
 qui credunt, Angelos ſub Veteri Fœdere jure adorari potuiſſe, ut
 elidant argumenta, quibus divinitas Jeſu Chriſti ſolet ſtabiliri.
 Diſſerit de cultu Angelorum civili & morali, ac de Angelo Jeho-
 væ, filio Dei, quem tempore V. T. ſæpius apparuiſſe, exquisitis
 conficit argumentis. De origine cupiditatum, in animo homi-
 nis exoriri ſolitarum, pravarum ſcilicet, ſic ſentit pag. 820: *Eas*
ſane non tam a malis Angelis, quam a corruptæ carnis reliquiis, &
perverſis mentis, peccatis inquinatæ, cum carni obſequitur, deſi-
deriis, oriri, cenſuero. Archangelum *Michaelem* eſſe ipſum Dei
 filium, longa argumentorum ſerie exponitur, ac exceptionum eli-
 ſione confirmatur. Tota autem tractatio ita fuit inſtituta, ut in
 ea eluceant ſingula egregii Scriptoris documenta, moderatio &
 humanitas, nitor ſtili, ordo, diligentia, peritia linguarum orien-
 talium, argumentorum pondera, animusque a novitatibus doctri-
 næ ſupervacuis alienus, a ſuperſtitione remotus, ab indiſſerentis-
 mo & liberiori literarum ſacrarum expoſitione diſjunctus, glo-
 ria

805 ſeq.

820.

856 ſeq.

928.

951.

975.

985.

1052.

riæ Christi vindicandæ atque tuendæ addidus. Quibus deliciis adeo fuimus retenti, ut longior nostra exierit recensio, ægreque jam librum dimittamus. In Indice haud simplici quin solita emineat industria, nobis ne quidem monentibus, nemo dubitabit.

ABRAHAM I WIELING, JCTI ET ANTECESSORIS, Lectionum Juris Civilis Libri II, in quibus vulgata quorundam capitum scriptura defenditur.

Amstelodami, apud Janssonio-Waesbergios, 1736, 8.

Alph. 1.

Cum sit antiqua, & ex quo Jurisprudentiæ cultus suus ac minor redditus est, audita, querela, in tanto eorum grege, qui Critices laudem affectant, multos thyrsiferos, paucos Bacchos, esse, plerosque vero loca Juris nostri male affecta, quibus medicinam facere voluerant, imperite secuisse, interdum etiam, quod pejus est, sana & integra corrupisse; bono artis præclaræ factum est, ut ab omni tempore aliqui audaciæ ingruenti sese objicerent, & effrænem emendandi licentiam vindicandi severitate coercerent. Atque hoc laudabili consilio Clarissimus apud Frisios Antecessor animum ad conscribendos *Lectionum Juris* libros convertit, brevius, vel certe tutius, ad famam iter esse ratus, si rectam & probam scripturam ab atrocitate Criticorum vindicemus, quam si, librarios increpando, conjecturas substituamus, quæ sæpenumero, quantumvis ingeniosæ, præcipitio tamen proximæ sunt, & fallaciarum periculum circumfuso elegantix nitore abscondunt. Itaque in Opusculo vindicandarum lectionum causa conscripto facile de ipsius vestibuli structura & ornamentis conjici potest. Et, cum Præfationis orationem Cl. Autor ad cupidam legum juventutem, suosque præsertim auditores, convertat, opportunum erat, salutaria, & multum quidem jactata, sed nunquam satis inculcanda, de genuino & moderato Critices usu monita disserendo repetere, & conjecturarum fallaces blanditias, & siglarum furorem, et, qui se acriter vindicat, Basilicorum, Glossarum, & veterum Codicum ac editionum, neglectum exagitare. De Florentino autem cimelio ita judicat, maximi illud quidem faciendum; sed
non

non tantæ autoritatis esse, ut ubivis vulgatorum librorum lectiones vincat; loca potius designari posse bene multa, in quibus eorum scriptura Hetruscæ superstitioni præferenda sit. Quod cum singulari Diatriba se ostensurum esse polliceatur, veluti promulsidis loco l. 7 §. 1 D. de Captiv. & postlim. reversis proponit, & lectionem, quam Stephani Auredani Codex exhibet, Florentinæ, sine dubio corruptæ, præfert. In ipsius libri limine primos, quos refelleret, adversarios *Christ. Thomasi* & *Bacovium* sibi elegit, quorum uterque verba *Pauli* in l. 82 de Furtis refinxit, ita tamen, ut ille, quæ communiter leguntur: *Qui ancillam non meretricem libidinis causa surripuit*, extrusa negatione, quod est periculosissimum emendandi genus, scribenda esse censeat, hic vero negationem transponat, hoc modo: *Qui ancillam meretricem non libidinis* &c. neuter jure, ut Cl. *Wielingio* videtur, qui tamen non adeo prolixa & e longinquo petita juris disputatione, sed productis tantum Basilicis testibus, cum recepta lectione consentientibus, causam tuetur. Illam quoque *Thomasi* crisin, qua verba *Ulpiani*, in l. 39 de Furtis eandem fere speciem de suppressa meretrice tractantis, immutat, et pro communi lectione, *sed secum facti ignominiam compensat*, conjecturas varias et supervacuas attulit, simili dictionis exemplo ex l. 39 D. de jure dot. refellit. *Caput Libri I secundum* præsertim in explicanda vocis ceterum vi & potestate versatur, quam cum *Cujacius* & *Noodtius*, ut sæpe alias, ita & in l. pen. D. de Tritico, vino, oleo, &c. & in l. 4 §. ult. D. de dolo malo & metus causa except. ita explicuerint, ut idem, quod *aliquin*, significaret, Noster, naturam causalem habere, idemque, quod *enim*, valere contendit; cuius interpretationis beneficio negationem, a *Noodtio* ex l. pen. D. de Tritic. vin. &c. extrusam, in locum suum restituit. *Tertium Caput* interpretationem notissimæ, sed nihilo minus obscuræ, dictionis *dicis causa* continet, quam Noster, rejectis aliorum sententiis, ἀπὸ τῆς διουξ Cap. II. derivat, ratis, eam ex rituali Jurisprudencia repetendam esse, & in Jure publico, privato, & sacro, alicujus usus fuisse, quorsum etiam pertineret illud apud Græcos frequentissimum *δολὴς ἐνέκτα*. Capite quarto, quid sint *vivaria* in l. 3 §. 14 D. de Acquir. vel amitt. possess. & quam male in his *Pauli* verbis a quibusdam pro *stivis circumseptis* legatur *non circumseptis*, ostendit. Similiter *Caput quintum* præ-

contra *Gerardum Noodtium* directum est, qui, ut *Paulum* in *l. 17 §. 1 D. de Manum. vind. & Marcianum l. 2 de Offic. Proc.* quos de quæstione, an apud Legatum Proconsulis manumitti possit, discrepare existimabat, conciliaret, in illius verbis emendationem tentavit, & pro *apud Legatum ejus manumittere possumus*, siglarum ope *ejus mandatis manumittere possumus*, substituit.

Cap. VI. Neque ferendum esse *Capite VI* contendit, quod idem *Noodtius* in *l. ult. D. de Flumin.* verba *Sævola: pontem privati juris facere potest*, detorqueat in supervacuum emendationem *privato jure*. Immo adeo religiosus est, ut celeberrimam illam, & a multis utroque pollice probatam, emendationem *Noodtii* (quanquam Noster ante *Noodtium* idem *Jo. Niellio* in mentem venisse ostendit,) in *l. 13 §. 1 D. de Pign. act.* ubi pro *ut in commodato rescribitur at in commodato*, argumentis non in speciem fallacibus rejiciat. His & similibus observationibus *Libri primi Capita XXV, & Libri II Capita XXXII*, plena sunt, quas singulas recenseri instituti brevitatis non patitur, præsertim cum in quibusdam *Capitibus*, ut in *IX, X, & XI, Libri secundi*, receptarum lectionum defensiones adeo cumulet, ut singula *Capita* ejusmodi observationum dodecada contineant. Hoc omittendum non est, postremas *XVI Sectiones Libri II* ad illustrationem Legum testamentariorum, tum illius, quæ in XII Tabulis exstat, tum & *Furiæ, Voconis, ac Falcidis*, compositas esse, in quibus, ut in ceteris hujus Opusculi tractationibus omnibus, nemo non elegantem doctrinam, laudabilemque modestiam, & assiduum eorum præfidiorum usum, deprehendet, quæ in addiscenda & tradenda Jurisprudencia nemo sine magna fraude sua neglexit.

A TREATISE ON DISSOLVENTS

of the Stone, &c.

TRACTATUS DE LITHONTRIPTICIS, deque methodo curandi podagram & calculum per alimenta, ratione & experimentis sussultus, sistens probabilitatem dissolvendi lapidem renum & vesicæ, ac præcavendi podagræ redditum alimentorum conveniente usu, regulisque dieteticis. Intermiscuntur observationes, quæ sistunt modum, quo diversa constitutionis diversique corporis homines, macilentii

cilenti vel pingues, dietam, pro sanitate conservanda, ordinare debeant. Cui additur dietæ regimen pro ægris, qui febribus frigidis, cynanche, tussibus, asthmatibus, colicis, cardialgiis, constipationibus, affectibus nerveis, cachexiis, hydropibus, tumoribus scorbuticis, laborant. Autore THEOPHILO LOBB, M. D. Reg. Societ. Lond.

Socio.

Londini, sumptibus Jac. Buchland, 1739, 8.

Alph. i. plag. 8.

Postquam de calculorum in corporibus animatis origine actum est a Cl. Autore, omnique ex parte comprobatum, animalibus cibus eorundem originem majorem partem deberi: postquam & aquarum indoles, quæ plus minusve ad lithogeniam facere possunt, exposita fuit uberius; qui cibi succique plantarum ad exturbandos lapillos sint aptiores, enarratur. Præstant ceteris, qui acidum in sinu vehunt, succus limonum, citrorum, fructuum horzorum, acore pollentium, mororum, ribis, berberum, aliorumque. Nihil habent, quod metuant, qui acidum oderunt; nihil enim ejus per vasa lactea tenerimæ capacitatis ad sanguinem transire valet. Est aliquid in acido, quod dici nequit, refrigerium facientis, etiam sudorifici, postquam illud digestionis leges, quibus etiam medicamenta immutantur, passum fuit. Quare mirum non est, subtilissimos acidi halitus in urinariis etiam viis potentius agere. Habent id vegetabiles cibi, quod in aliis haud invenias, quo succis suis maxime obsequiosis sanguini & lymphæ interfint familiariter, nullas moveant luctas, durissimis, si quæ in cavis corporum sunt, rebus sese insinuent, & medicam cum nutriendi virtute potentiam habeant quam conjunctissimam. Quare in morbis chronicis illa, quæ regimine fit, medicandi ratio, censetur ceteris præstantior. Sunt præterea cibi vegetabiles dulcedine commendabiles, mel, uvæ solem passæ, ficus, poma, pyraque dulcia, radices dulces, sîlera, apia, hæmata oru, pastinacæ; his calculi moventur haud obscure, &, ne succrescant in corporibus, impediuntur. Habent in hac re, de quo gloriari possint, radices carotæ, apii, lactucæ, asparagi. Proximum utilitatis gradum obtinent acriora vegetabilia, quibus tamen hoc non minus oblectamur, radices porri, cepæ, radicu-

læ, raphani, sinapia. His omnibus vera inest virtus medica, nec mediocriter istis sanguis & urina, hinc cum urina fabulosa propellitur materies. Habent etiam, quo calculos pellere possint, spirituosa, & alia, quæ fermentationem passa sunt, vina, cerevisiæ lupulo amaricantes, succique vegetabiles alii; nec tam usus, quam abusus, vini, maxime acidiusculi, accusatur, a quo varia beneficia in viscera, quæ chylum præstant, inque ipsum nervorum genus, proficiscuntur. Nec est, quod metuant de terreis, quæ vino insunt, particulis, quas in renibus calculo apponi, omni fide majus est; quandoquidem ne thermarum quidem terra, quæ illis uberrima inesse solet, unquam calculos procreasse aut auxisse observata fuit. Instituuntur luculenta cum calculis, quos vel cystis fellea, vel vesica urinaria, dare potuit, experimenta, claresque describitur, cui solventi fluido, acido, balsamico, aromatico, aqueo, calculus hic aliusve restiterit magis vel minus, quove temporis spatio tandem unus alterve absumtus fuerit. Sicut autem, quæ ipsi in semet ipsis fecerunt medici, experimenta fide uberiore gaudent; ita habuit, de quo & in hoc morbo sibi gratulari, aliis autem utilis esse, potuerit Auctor felicissimus.

JO. CHRISTOPHORI PESLERI, D. IN
Academia Viadrina Institut. Prof. designati, Series Du-
rum Carinthiæ Seculi IX, X, XI, XII, XIII, & XIV,
e documentis prisca ævi concinnata.

Vitebergæ, apud Carolum Sigismundum Henningium, 1740, 4-
 Plag. 20¹.

Si quis liber venuste, ordine, fideliter, & modeste, scriptus unquam laudibus suis haud caruit, næ hic profecto omnium plausu & approbatione dignissimus videtur. Formula Dedicationis, ex titulo de fidejussione ac satisfactione deprompta ingeniose, spectat ad Illustrissimum, atque Excellentissimum Dominum *Christianum de Brand*, omnium Academiarum Regis Prussorum Potentissimi Curatorem supremum, Musarum decus incomparabile ac sempiternum. In Præfatione Cl. Auctor significat modeste, quid merito in hac historica sua Commentatione desideretur. Nomina sese Ducum Carinthiæ, non historiam ipsius Ducatus, aut pleniorẽ quandam rerum, a Ducibus Carentanis gestarum, recen-

recensionem, offerre Lectori, pramonet, siquidem nec otium ipsi suppetat, nec præsidia, ad rem tantam moliendam necessaria, a Scriptoribus medii ævi nobis sint relicta. Nullus enim est ex omnibus, quotquot enumeravit, Ducibus, cujus natalem, Scriptoris veteris auctoritate munitus, potuerit indicare. Pauci sunt, quorum emortualem certò licuit definire. Nec raro ipsi anni, quibus Duces obiere, vel ignorantur omnino, vel saltem non sine varietate Historicorum referuntur. Dederunt, quantum potuerre, *Lazius, Fuggerus, Vatvasser, & Reichartus*, summam, *Megiserus* autem copiose. At ad fidem scriptorum probatæ auctoritatis pronuntiata hi sua raro exegerunt, vel a præsidiis vacui, vel laboris catenati impatientes. Annales Austriaci *Bernhardi & Hieronymi Peziorum* Autorem, res Carinthias conquiescentem, præsertim in Seculis remotioribus, destituerunt. Exstant indubie in terris Austriacis multa Diplomatum monumenta, id quod Opera summorum Virorum, *Gottfridi, & Marquardi Herrgotti*, ostendunt. Nec minus historia *Alberti II*, Austriæ Ducis, a S. Rev. *Alberto Steyrero* admirabili studio adornata, demonstrat, thesauros Diplomatum ac Chronicorum ineditorum in terris Austriacis confinibusque exstare bene multos. Ex hujus Viri libro Cel. Autor potissima, quæ ad *Henricum*, Ducem Tyrolensis prosapiæ novissimum, ejusque conjuges ac liberos, pertinent, depromsit, ac in usus suos convertit. Ab enumeratione Ducum antiquissimorum, quorum facta sunt incerta universa, merito calamum ipse abstinuit. Immerito autem ab aliis Marchiones cum Ducibus Carinthiæ esse confusos, docet. Marchiones hi haud videntur Duci Bavarorum subsuiffe, nisi ipsi sub Marchionibus Istriæ latuerint, vel potius Stiriz, siquidem *Lupaldus*, Marchio de Steyre, A. 1129 a *Dodechino* pag. 672 Tomi I *Pistorii* obisse refertur, qui in Chronico Australi ad eundem annum nominatur *Leupoldus*, Carentanus Marchio. Ætate *Caroli M.* ac *Ludovici Pii* Carinthia paruit Ducibus Forojulensibus, nominatim *Rotgauto, Erico, Cadolao, Baldrico*. A. 861 *Carolomannus* Carinthiam procuravit, quæ, ipso demortuo, filio ejus naturali, *Arnulpho*, una cum Mosburgo, castro munitissimo, data fuit. *Arnulphum Malum* patri in Ducatu Baviaræ A. 907 successisse, *Annalista Saxo* significat. Ille *Arnulphus* Carentanam quoque regionem curavit. *Henricus,*

- Pag. 8. *Bartholdi* Comititis filius, A. 983 exilio solutus, Bojoariis & Carantanis præesse cœpit. An *Bartholdus* ille exstiterit *Arnulphi* frater, ignoratur. *Ottonem* exstitisse Carinthiæ Ducem, in du-
 15. bium vocare haud licet. Ipsum enim ad A. 987 memorat *Anonymus Leobienſis Chron. Lib. I* apud *Pezium Script. Austr. Tom. I pag. 760*. Memorant eundem *Adelboldus*, *Ditmarus*, *Annaliſta Saxo*, quorum posteriores duo illi patrem tribuunt *Conradum*, Lotharingiæ Ducem, ab Hungaris A. 955 occiſum, matrem vero
 16. *Luitgardam*, *Ottonis Magni* Imperatoris filiã. *Ottoni* Duci filius tertius *Conradus* ſucceſſit, cui obvenerat uxor *Mechtildis*, *Hermanni*, Ducis Suecorum ſenioris, filia, teſte Autore *Vitæ Adalberonis II, Metenſis Episcopi*, in *Labbei Bibliotheca Mſtorum Tomo I Seſſ. V pag. 674*. Genus *Ottonis* ita eſt delineandum:

Conradus, Dux Lotharingiæ.

Ux. *Luitgarda*.

Otto, Dux Carinthiæ.

<i>Henricus</i> .	<i>Bruno</i> , Papa.	<i>Conradus</i> , Dux Carinthiæ, † 1012. Ux. <i>Mat- hildis</i> , filia <i>Her- manni</i> , Ducis Suevorum.	<i>Wilhelmus</i> .
-------------------	-------------------------	--	--------------------

Conradus ſucceſſit A. 1036, *Bruno* † 1045,
 † 1039, d. 13 Cal. Aug. d. 7 Cal. Jun.

- Conrado* A. 1012 defuncto, *Conradus*, ejus filius, erat admodum puer, eamque ob rationem Carinthiæ Ducatum *Henricus II*, Impe-
 20. rator, *Adalberoni* impertivit. Suſcepit tamen eum tandem A. 1036. Ampliſſimus *Jo. Dav. Kalerus* ei attribuit filium *Brunonem*, Wir-
 ciburgenſem Episcopum; matrem vero *Matbildem*. Noſter
 22. autem *Brunonem* hunc pro *Conradi* fratre habendum arbitratur,
 in Pannonia A. 1045 d. 7 Cal. Junii defunctum. *Welfoni* A. 1047
 Carinthiæ provinciã demandavit *Henricus III*, Imperator, una
 24. cum Marchia Veronenſi. Mortem *Welfonis* alii ad A. 1054, alii
 26. ad A. 1055, referunt. *Conradus*, cognatus Regis, A. 1057 ei ſuc-
 ceſſit, quem *Car. Lud. Tollnerus* minus ſolide ex *Ludolfo*, *Exonſis*,

Co-

Comitis Palatini ad Rhenum, filio, deduxit, quemadmodum Conf. *Peslerus* ostendit. Exploferat jam *Tollneri* opinionem Ill. Jo. Jac. *Masceovius* noster in *Diff. de Nexu Regni Lotharingæ cum Imperio Rom. Germ.* §. 7 pag. 10. *Conrado* succellit *Bertboldus*, ex gente *Zaringenfi*, nobilissima pariter ac antiquissima, ortus, ad A. 1059 aut 1060. Autor eum quam proxime ex do-
 cumentis antiquis peculiari Commentatione illustrare constituit, quod ipsius consilium Deus ut benigne provehat, ex animo precamur. Obiit *Bertboldus* A. 1077, implicatus turbis, ac odio Cæsaris obnoxius. Filius A. 1090 fato concessit, æque *Bertholdus*. *Marquardo* Imperator Carinthiam A. 1073 concessit. Pater ipsi Duci recenti fuit *Adalbero*, *Marquardus* avus. *Adalberoni* jam
 antea procuratio Carinthiæ obtigerat, quam A. 1035 amisit, læsæ majestatis reus postulatus, unaque cum filiis in exilium pulsus. Ipse genuerat tres filios, *Marquardum*, *Adalberonem*, Episcopum
Bambergensensem, & *Liutpoldum*. *Marquardo* liberi fuere *Luitoldus*, *Henricus*, *Udalricus*, & *Hermannus*. *Luitoldus* Ducatum Carinthiæ gessit inde ab A. 1077 usque ad obitum, qui incidit in annum 1090. *Henricus*, æque Dux Carinthiæ, obiit A. 1127. *Udalricus*, Abbas S. Galli & Patriarcha Aquilejensis, rebus humanis valedixit A. 1123. *Hermannus*, Episcopus Pataviensis inde
 ab A. 1085, diem supremum obiit A. 1087. *Henricus*, Dux Carinthiæ, *Lothario* imperante, claruit, A. 1130 defunctus, cui succellit frater *Engelbertus*, A. 1142 demortuus, antequam in Cœnobium sese abdiderat, & huic porro surrogatus fuit alter fratrum
Bernhardus, cujus hæreditas ad Stiria Marchionem pervenit. Trium horum fratrum parentes solent a recentioribus vocari Comites Sponheimenses, varieque effingi consueverunt. In-
 certis vero hisce narratiunculis Autor haud immoratur. *Engelbertus*, Dux, ex uxore *Uta* susceperat *Udalricum* & *Henricum*, A. 1157 Ducem Carinthiæ, nec non *Hermannum*, tandem Marchionem Veronæ, Ducemque Carentanum, defunctum A. 1181. *Hermannus* fuisse filios *Utricum* ac *Bernbardum*, autor est *Anonymus Leobienfis*. *Utricus* lepra laboravit; quare A. 1190 fratri *Bernbardo* provinciam Carinthiæ tradidit regendam, & vitam cum morte commutavit A. 1202. *Bernbardus* genti *Augustæ Staufensi* fidem suam approbavisse dicitur, defunctus
 A. 1256.

Pag. 34.

37.

42.

48.

55.

57.

60.

63.

66.

67.

- Pag. 69. A. 1256. Ex *Jeuta* uxore tres filios sustulit, *Ulricum*, *Bernhardum*, & *Philippum*. *Ulricus* patri in Ducatu successit. *Bernhardus* ante patrem decessit. *Philippo* obtigit Archiepiscopatus Salisburgensis ex suffragiis nonnullorum. *Ulricus*, vir turbulentus ingenii, obiit A. 1269 aut 1270, ex *Agnete* uxore, filia *Ottonis*, Meraniae Ducis, genitis filio filiaque, & prae mature extinctis. Ex uxore altera, *Agnete*, *Hermani*, Marchionis Badensis, ac *Gertrudis*, Austriae Principis, filia, haeredem vidit nullum. Quare sanxit, ut *Ottocarus*, Rex Bohemiae, sibi succederet improli. Filius vero *Bernbardi* natu minor, *Philippus*, Sacerdotio antea consecratus, & A. 1247 ad Archiepiscopatum Salisburgensem evectus, haud tulit eam mutationem, & ut Carinthiam sibi vindicaret fratre defuncto, nulli opera pepercit. *Ottocari* tamen armis consiliisque praesto fuit aura serenior. Obiit tandem *Philippus* A. 1279, Chremisii sepultus.
81. *Ottocaro* devicto, *Rudolphus Habsburgicus* filiis suis concessit Austriam, Stiriam, & Carinthiam. *Meinhardus* vero Tirolensis A. 1286, viginti millibus marcarum argenti *Rudolpho*, ejusque filio, in mutuum datis, Carniolam, in securitatem crediti, pignoris jure, Carinthiam vero clientelari titulo, a Caesare accepit. Obiit ipse A. 1295, d. 30 Oct.; secutus in deponendis mortalitatis exuviis *Elisabetham*, uxorem, A. 1273 defunctam. *Agnescam*, *Ulrici III*, Ducis Carentanorum, viduam, qui tribuunt *Meinhardo* in conjugii secundi loco, ii a janua sane aberrant. *Meinbardi* uxor, *Elisabetha* Bavara, & liberi, in primis *Henricus*, qui ad tempus in Bohemia regnavit, hujusque uxores tres, filius exponuntur. *Margaretam Maultaschiam*, ex *Henrico*, Duce, & *Adelbeide*, Brunsvico-Luneburgicae originis, natam fuisse, solide Autor ostendit, ipso Imperatore *Carolo IV* usus teste. Ipsa rexit Comitatum Tirolensem, Carinthiae Ducatum in Sigillo usurpavit, quod in fronte libri exhibetur. At, *Henrico*, patre ejus, defuncto, Carinthia Austriacis dominis accessit, ob feudi leges, quondam a *Rudolpho Habsburgico* propositas, & a *Meinhardo*, *Henrici* patre, susceptas. Plura nunc quidem addi, supervacuum videtur. Id liceat monere, Autores ubique aequalis aetatis optimaeque notae ad testimonium fuisse citatos; Tabulis duabus genealogicis, Commentationi suffixis, expressum esse, quicquid ad generis sobolisque nexum quodammodo facere potest; in calce suppeditari Indicem geminum, unum, qui Autores significet in usum adhibitos, alterum, qui rerum notabiliorum indicium faciat.

NOVA ACTA ERUDITORUM,

publicata Lipsiæ

Calendis Martii Anno MDCCXLI.

Pars I.

MUSEI THEUPOLI ANTIQUA NUMISMATA, olim collecta a JOANNE DOMINICO THEUPOLO, aucta & edita a LAURENTIO, Equite, & D. Marci Procuratore, & FEDERICO, Senatore, fratribus THEUPOLIS.

Veneriis, 1736, 4 maj.

Alph. 7.

Quicumque velit hujus libri cupedias degustare, non bene pastus aut satur aliarum rerum ferculis accedat, sed famem ad copiosissimas numorum dapes, & uberrimam doctræ antiquitatis farraginem, afferat. Licet enim cibi huc appositî oculos adventantium non fascinent & alliciant; bene tamen saporati, ni fallimur, cuivis videbuntur, simul ac eos judex, videndis artibus idoneus, pretio, non commentitia quadam pulchritudine, metietur. Est sane talis veterum Numismatum copia ante oculos nostros posita, ut, si condita foret ingeniosis aliqujus viri docti salibus & interpretatione, non dubitemus, plures flagrantiori cupiditate lauticias illas arrepturos esse, quam *Begeri, Vaillantii, Harduini*, aliorumque in his studiis Heroum, Numismata adhuc diligi, & summis ob præstantiam usumque commendabilem, quem in Historia, Geographia, ceteris bonis artibus, præstant, laudibus in cœlum ferri, scimus. Is enim morbus, si boni appetitio morbus dici potest, animos exercet mortalium,

talium, ut corpus formosum, decora facie, succi plenum, malint, quam deformem, macilentum, exsangue, cui lumen ademptum. Interea cave, existimes, id propterea a nobis disputari, ut libro, qui vastæ molis, ac diligenter, notisque temporum fatis accommodate, digestus est, invidiam crearem, quod si negotium dari nobis arbitraremur, ne acerbissimam illustribus *Musci* possessoribus injuriam faceremus, maximopere verendum esset. Sed eo nostra tendit præcipue oratio, ut ostenderemus, quantam dulcedinem iis quoque siccitas & macies scripti patiat, qui severa lege interiores literas colunt. Nam, quibus cordi est seriem omnium civitatum, Regum, Imperatorum, animo imbibere, non exigua afficientur læticia, quod multæ, licet nomine tenus, tamen e numis nondum erutæ, urbes resurrexerint, & in memoriam quasi revocentur. Male nobis sit, si falsum dixerimus. Evolve nobiscum, Lector candidè, librum; nullum est dubium, quin, si argumentorum lene tormentum sentis, convictus hac de re abiturus sis. Numorum apparatus, quem vides, novem ordinibus distinguitur, quorum septem Romanorum Rempublicam illustrent, duo autem reliqui ad Populos, Reges, & Urbes liberales, referuntur. Quemadmodum vero urbem Romanam principio Reges habuerunt, libertatem & Consulatam *L. Brutus* instituit, omne postmodum Consulare jus in *Augustum* translatum est, qui cuncta discordiis civilibus fessa nomine Principis, teste *Tacito*, sub imperium accepit; ita etiam commode duo genera numorum constitui possunt, alterum, quod libera, alterum, quod serva, Roma sub Imperatoribus cunctum fuit. Nam, quod Reges attinet, multis quidem rationibus constat, jam *Numa* imperante monetarios elegantissimas numorum species fluxisse, sed, quoniam horum typi vel rarius obveniunt, vel, si qui dentur, ob summam antiquitatem falsitatis suspicionem præbent, singulari horum ordine merito superse-demus. Interea nostrum esse ducimus, optimos cujuscunque generis numos brevi indicare, ut in promtu veteris doctrinæ & antiquorum rituum studiosus indagator habeat, si quid forte suis observationibus dignum putet. Inter familiares novam me-

Fig. 2. rentur lucem numi gentis *Afranie*, ubi caput *Herculis* pelle leonina

leonina revinctum, pone quod tres notæ; item gentis *Antonia*, ubi quidem vulgares multi, sed reliquis antecedunt illi, in quibus capita *M. Antonii* Triumviri & *M. Antonii*, ejus filii, jugata, ex adverso caput *Cleopatrar*, item *L. Atratinus*, Augur Cos. design. & navis cum velo expanso, in imo triquetra, & nota F, conspicitur. Præterea typus *Bellie* gentis præteriri non debet, ob nomen familiæ nunc primum, ut videtur, e numo detectum. Tandem non usquequaque obvius est gentis *Sixia* (ita enim scribi debet secundum numi autoritatem, non *Sextia*,) numus, cujus altera facies caput *Jani* bifrontis, altera nomen SIX. cum navi, in imo vocem ROMA. offert. Reliqui aut parum notabiles, aut, si qui rariores in *Vaillantii* scriptis non appareant, per-vestigandi tamen amplius in recentioribus numorum Autoribus sunt, ne vulgatos pro ineditis ambitiose vendites. Altera series numos Imperatorum aureos & argenteos usque ad *Gallienum*, & post *Gallienum* ex omni metallo, profert. Ad *Antonium* refertur sequens numus: ANTONIVS AVGV R. P. C. navis cum remis; in altera parte ANTONINVS ET VERVVS AVG. REST. LEG. VI. qui, si recte descriptus fuit, potius numis *Antoninorum*, quam *Antonii* Triumviri titulis, inserendus erat. Nam, quemadmodum hic typus nos docet, *Antoninus*, Imperator, genus suum ad *Antoniam* sobolem retulisse videtur, quod, si veterum testimoniis fulciretur, haud parum historiam illorum temporum conduceret. Memorabiles præterea, qui *Augusti* nomine insigniuntur, tres numi, quorum in priori legitur CAESAR. Caput *Augusti*. AVGVSTVS. Bos gradiens; in secundo apparet CAESAR IIIVIR R. P. C. Caput *Augusti*, L. REGVLVS IIII.VIR A. P. F. Vir nudus, portans mulierem supra humeros, ex auro; in tertio cognoscitur CAESAR AVGVSTVS. Caput *Augusti*. S. P. Q. R. Clypeus in columna, in quo C. L. V. supra quem Victoria volans, coronam tenens, ex auro. *Vespasiano* multum decoris conciliat sequens typus: DIVO VESPASIANO. Caput *Vespasiani* radiatum. *Consecratio*. Ara ignita. Ad *Titum* ille pertinet: T. CAESAR. IMP. VESPASIANVS. Caput *Titi*. COS VI. Roma, augurium captans, clypeis insidet inter duas aquilas, aut vultures, cum lupa, & puerulis. Ejusdem pretii sunt

Pag. 5.

18.

15.

95.

III.

113.

117.

122.

124.

141.

143.

Pag. 153. *Domitiani* aliquot, verbi causa: DOMITIANVS. CAESAR AVG. F. Caput *Domitiani* nudum. PACI ORB. TERR. AVG. EPE. Caput muliebre turritum. Neque a priorum elegantia recedunt, non tacendi a nobis ob reconditum, quod spirant, symbolorum genus, numi: pag. 202 sine epigraphæ ΘΠΤ anno CCCCLXXXIX. Caput *Commodi* laureatum. ΒΑΣΙΛΕΩΣ ΣΑΥΡΟΜΑΤΟΥ. Regis *Sauromati*. Caput *Sauromati*, Regis Sarmatarum, diadematum. Pag. 211 sine Epigraphæ ΕϚΤ anno CCCXCXV. Capita adversa *Septimii* & *Caracallæ* laureata. ΒΑΣΙΛΕΩΣ ΣΑΥΡΟΜΑΤΟΥ. Regis *Sauromati*. Caput *Sauromati*, Regis Sarmatarum, diadematum. Pag. 220 ANTONINVS PIVS AVG. Caput *Caracallæ*. INDVLGENTIA AVGG. IN CARTH. Cybele turrita, leoni inequitans, dextra fulmen, sinistra hastam, gerens. Pag. 224 ANTONINVS PIVS AVG. GERM. Caput *Caracallæ* radiatum. Pag. 255 IMP. C. C. VIB. VOLVSIANVS AVG. Caput *Volusiani*. IVNO MARTIALIS. Mulier sedens, dextra spicas, sinistra hastam, gerens. Pag. 264 IMP. C. P. LIC. GALLIENVS AVG. Caput *Gallieni* laureatum. MARTI PACIFERO. Mars galeatus stans, dextra ramum, sinistra hastam, & scutum, gerens, in area A. Pag. 275 IMP. C. POSTVMVS P. F. AVG. Caput *Postumi* radiatum. MINER. FAVTR. *Minerva* galeata gradiens, dextra ramum, sinistra hastam, & clypeum, tenens. Pag. 284 DIVO CLAVDIO OPTIMO IMP. Caput *Claudii* velatum. REQVIES OPTIMOR. MERIT. Mulier sedens in sella curuli, dextra elata. Pag. 289 IMP. C. AVRELIANVS AVG. Caput *Aureliani* radiatum VABALATHVS VCRIMOR. Caput *Vabalathi* diadematum. Pag. 291 IMP. CL. DOMITIVS DOMITIANVS AVG. Caput *Domitii Domitiani* laureatum. GENIO POPVLI ROMANI. Vir tutulatus, nudus, stans, dextra gerens pateram, sinistra cornu copiae, ad pedes aquila, in area B. in imo ALE. In eundem censum veniunt omnes *Taciti* pag. 291, *Floriani* pag. 294, *Probi* pag. 295, *Bonofii* pag. 304, *Cari* ibidem, *Carrini* pag. 306, *M. Aur. Juliani* pag. 309, *Numeriani*, & *Diocletiani*, pag. 310, *Carausii* pag. 314, *Allecti* pag. 314, *Gal. Val. Maximiani* pag. 323, *Maxentii* pag. 328, *Helena* pag. 322, *Gal. Valeria*, *Nigrini* & *Maximiani* pag. 324, *Licinii Junioris* pag. 333, *Constantini M.* ibidem, non tantum ob formas, in

in numis obvenientes, sed etiam ob Monogrammata, & literarum initia, modo in area, modo in ima numi parte, posita. Delabimur jam ad seriem tertiam typorum, nota SC. signatorum, quæ utrum Historiæ & aliis scientiarum partibus lucem affundere possit, acutiores nobis judicent. Nam, qui causas norunt, quare ordini certo assignentur numi, facile nobiscum consentient, Historiæ cum ἀρχῶν, tum certæ illius, & commentis Poetarum destitutæ, rationes insigniter adjuvari, si spirantes Deorum, Imperatorum, & Regum, effigies, cum Civitatum nominibus, uno velut obtutu & summa delectatione cognoscimus. At, quem ordinem vox SC. poscat, quæ similis sibi & constans per omnia tempora fuit, nec unquam aliud, nisi unanimia patrum suffragia omni tempore eodem pacto lata, exprimit, cum ignarissimis nos scire, oppido fatemur. Interea optaremus, ut oculis nostris subiecti fuissent novem & sexaginta numi, qui *Spintrias*, a *Suetonio* & aliis memoratas, incorrupta fœdæ libidinis *Tiberianæ* testimonia, referre dicuntur. Series quarta, rarioribus typis locupletissima, Colonis & Municipiis, licet diuturnitate temporum pæne obscuratis, pristinam velut dignitatem & vitam redonat. Nam quomodo potissimum censes sepultas diu Civitates resurgere posse, nisi monumenta æternum duratura, vel conditionem cuiuslibet urbis, vel memoriam rei gestæ, ad posteros transmitteret? Egregie hanc rem confirmant Coloniarum numi, quorum nisi maxima pars superesset, plurima Asiaticarum, Græcarum, & Ægypti, urbium nomina situsque ignorarem. Enimvero nulla civitas tam ingrata fuit, tamque immemor beneficiorum, quin sæpiuscule Imperatoris Romani prolixam in se voluntatem publico quodam pignore remunerari studeret. Hinc nata est eruditorum commoda distributio, ut, quibus Imperatoribus olim sacri fuerint, illis quoque nunc demum addicerentur. Indequemvis Imperatorem in nostro etiam Museo sua comitatur Numorum cohors. Palmam reliquis dubiam reddere videntur numi Coloniarum *Valentiæ pag. 646 & 654*, *Romulæ pag. 665*, *Dienensis pag. 678*, *Antiochiæ Pisidiæ pag. 684*, *Beryti pag. 685*, *Ptolemaidis pag. 690*, *Patrarum pag. 691*, *Æliæ Capitoline pag. 696*, *Hipponensis ibidem*, *Tyri pag. 702*, *Edeßæ & Æliæ Capitoline pag. 706*, *Antiochia Pisidiæ pag. 711*,

Pag. 392.

645.

- Beryti pag. 715, Sinopes pag. 716, Cassandriae pag. 718, Damasci pag. 719, Deulti pag. 727, 730, 731, Nesibis pag. 736 & 739, Neapolis Samariae pag. 749, Apameae Bithyniae pag. 750, Arnae pag. 758, Hipponis pag. 763, Iconii pag. 767. Pag. 771 sequitur ordo quintus, numis maximi moduli (Medaglioni vulgo dictis,) refertus, in quibus & Coloniarum numi continentur ab Augusto usque ad Valentinianum. Eum series sexta, numos Graecorum sub Imperatoribus a Julio Cesare ad Claudium Gothicum referens, excipit. Mira quidem horum copia, sed memorabiles praeter ceteros videntur typi ΒΟΣΤΡΩΝ, Bostrorum, pag. 831, Cojorum pag. 832, Hypapenorum & Lappaeorum pag. 833, Azanitorum pag. 840, Jerapitniorum pag. 841, Cotyensium pag. 842, Meliorum pag. 846, Pessinuntiorum pag. 849, Orthosiensium pag. 850, Sebastenorum in Syria pag. 929, Caphyatarum pag. 950, Cyparissiorum pag. 951, Sagalasseorum & Thelphusorum pag. 993, Rabathmomensium pag. 999, Germentorum pag. 1046, Mesembrianorum pag. 1063, Zeugmatum pag. 1068, Cumaeorum pag. 1078. Scrinii forulos*
- Pag. 1097. numi *Alexandriae Aegypti sub Imperatoribus, ab Augusto ad Maximianum, occupant. Seriem nonam numi Regum omnium constituunt. In Vaillantio frustra quaeres numismata Antigoni, Arvernae Regis Biturii, Bithiniae Regum Nicomedis & Prusiae, Bosporanorum Regum Rometalcis & Sauromati, Cappadocum Ariaratis Pii, Ariaratis Illustris, Ariobarzanis, Cariae Regum Maussoli, Idriei, Pixodari, Ciliciae Regis Philopatoris, Commagene Regum Antiochi, Antiochi Epiphanis, Jotapae, Reginae, Dyrrachii Regis Mounii, Aegypti Regum Ptolemaei IV, vulgo Philopatoris, & Arsinoes Philopatoris, Ptolemaei VI, seu Philometoris, Ptolemaei VII, vulgo Evergetis II & Pbisconis, Ptolemaei IX, vulgo Alexandri, Ptolemaei XII, vulgo Dionysii. In Italiae Regibus eminent numi*
1213. *Baduile, Aghalarici, Theodabati. Inter Macedoniarum Reges celebrantur nomina Amyntae III, Perdicae III, Philippi II, Alexandri III, seu Magni, Philippi Aridei III, Cassandri, Lysimachi, Antigoni Gonatae, Philippi IV, Persae, Pseudophilippi, qui*
1219. *bus velut succenturiati accedunt Mauritaniae, Palmyrenorum, Parthorum, Pergami, Ponti, Siciliae, Syracusae, & Syriae, Reges.*
1236. *In Seleucidis Seleucum V videmus, quem a Vaillantio praetermissum*

sum esse, miramur. Series nona numos populorum & urbium liberarum complectitur, in quibus sive raritatem typi, sive nomina civitatum, species, signa urbis *Adana pag. 1244, Alontii pag. 1245, Anisi pag. 1246, Callatia & Camarina pag. 1256, Carbule seu Cubule pag. 1257, Centuripa ibidem, Cossyra pag. 1264, Eleuthernarum pag. 1266, Gnidi pag. 1271, Istiaotidis pag. 1273, Malli pag. 1281, Maronia pag. 1282, Nuceria & Olbia pag. 1285, Polyrrenia pag. 1289, Prasi pag. 1290, Synnada pag. 1295, Soluntinorum pag. 1301, Termessi pag. 1305, Volcorum pag. 1308*, principatum tenent. Egregio tandem Operi duplex affuitur Index. Alter est Geographicus Urbium & Populorum, quorum Numi in Museo *Tbcupolo* aservantur. Alter Imperatorum & Regum nomina digerit. Qui vero urbium situs & regionum quasi formas, intervalla, & magnitudines, curiosius indagare cupiat, ei autores sumus, ut sitim suam Mapparum inspectione restinguat, quarum altera Geographiæ numismatiæ urbium & populorum partem orienti, altera partem occidenti, soli conterminam opportune suggerit.

LUCII COELII, SIVE CÆCILII, LACTANTII FIRMIANI Opera omnia, quæ exstant, cum Notis integris **CHRIST. CELLARII**, & selectis aut excerptis **ERASMI, BETULEJI, MICH. THOMASII, ISÆI, BUCHNERI, GALLÆI, SPARKII, WALCHII, HEUMANNI, BALUZII, NURRI, N. HEINSII, GRÆVII, MIEGII, MASTRICHTII**. Accedunt nunc primum ad epitomen integram, denuo cum **MSto Taurinensi a Viro Cel. CHR. MATTH. PFAFFIO** collatam, ejusdem auctiores variæ Lectiones & Notæ, item variæ Lectiones Libri de Moribus persecutorum. Omnia ex maximo **MStorum & Editionum apparatu recensuit, & Notis criticis, uberimoque novo Indice Latinitatis, instruxit JO.**

LUDOLPH. BÜNEMANN.

Lipsiæ, impensis Sam. Benjam. Waltheri, 1739, 8 maj.

Alph. 4 plag. 12.

Non

Non nomini solum *Bünemanniano*, sed universæ profectio patriæ, gloriam conciliat limatissimum hoc Opus, quod vel solum testatur, neutiquam nos habere, cur sedulos Belgis Criticos invidemus. Tarditatem Vir Clarissimus accuratione ac perfectione compensavit. Plures habuit, easdemque gravissimas, morandi causas, quas in ipsa Præfatione ordine omnes exponit. Multi sunt, qui magni *Laſſantium* fecerunt. *Stollius* literatissimum, *Falſterus* theologum magni nominis, nominavit, alii aliis honorum titulis ornaverunt. Neque pauci inveniantur, qui varia *Laſſantii* argumenta seorsim considerant. Ita, ut celeberrimi *Moshemii* propositum taceamus, *Jo. Ge. Geret* Dissertationem, qua variorum judicia de *Laſſantio*, ejusque theologia, expendit, & specimen examinis theologiæ *Laſſantiana* de Deo absolute considerato, filio, & Spiritu sancto, publicavit. *Joachimus Fuſſus Rau* de Philosophia *Laſſantii* scripsit; *Jo. Aug. Krebsius* ejusdem de stilo disputavit; *Matth. Nic. Kortboltus* de eloquentia *Laſſantii Ciceroniana* verba fecit. Et quando ad finem deducermur, si omnia, quæ huc spectant, quæque ad illos potissimum attinent, qui hunc in deliciis scriptorem habuerunt, excuteremus? Ex dictis jam patet, quanta sit apud eruditos *Laſſantii* veneratio, quamque gratum iisdem fecerit *Bünemanni* cura. Ista vero quanta fuerit, vel ex sola Codicum, ab ipso vel sociis consultorum, percensione patebit. Pertinent huc Bononiensis antiquissimus omnium, qui ex *Laſſantii* MSis supersunt, Codex; Bononiensis secundus, a *Thomasio* alterum optimum exemplar, quod cum illo antiquiori in plerisque locis concordat, nuncupatus; Vaticanus duodecim; eruditissimi viri *Michaelis Thomæ Taxaquetii* Codex; *Franc. Penia*, Hispani, Romanæ Rotæ Auditoris, Codex, cum Bononiensi antiquissimo frequenter conspirans; duo Regiæ Bibliothecæ Parisiensis vetustissimi Codices; *Jo. Cauci* scriptus antiquus; Ultrajectinus Codex; *Adr. Junii* papyraceus, ac plurimi alii; namque numerus eorum ad duo & quinquaginta exsurgit. Accedunt præterea editiones sexaginta duæ, quarum omnium prima ita finitur: sub anno Domini MCCCCLXIV. Pontificatus Pauli Papæ II anno ejus secunda Indictione, XIII die vero antepenultima mensis Octobris in venerabili monasterio Sublacensi. Tot tantisque

subsidiiis fultum, quis dubitaverit, egregium quidquam esse facile præstiturum, præsertim ubi partium omne studium, omnis amor, omne odium, abfit, ac soli, non sine accurato iudicio, veritati literetur. Fundamenti quidem loco positum reperimus contextum *Cellarianum*, sed eum ex MStis atque editionibus, ubique indicatis, sapissime emendatum, ita tamen, ut ab omni conjectandi studio caveatur. Quid vero in animadversionibus a Noſtro sit actum, per partes eundo, ac varia specimina exhibendo, sumus demonstraturi. Titulum *divinarum institutionum* non satis Latinum esse, iudicavit Cel. Heumannus; Noster autem ex ipſo Cicerone, Vitruvio, Suetonio, Hilario, Quintiliani æmulatore, atque aliis, pluralem istum confirmat. Sub initium *Libri ſecundi divinarum institutionum*, præeunte Bangio *Lib. II Obſ. philol. pag. 1258*, Laur. Vallam refutavit, qui *etsi & quanquam ſemper adſciſcere indicativum duntaxat in principio arbitratus*, hunc Cæſii locum notarat. Ad *Libri III Cap. 17* loquendi rationem *circulum cogit*, pro *cætum congregat*, bene revocavit in uſum, & contra *Cellarium* præſertim, erudite defendit. Idem factum eſt contra Cel. Heumannum, sub initium *Libri quarti*, ad formulam quod attinet, & *mirum pariter & indignum videri*; ut & contra Laurentium Vallam in ellipſi vocabuli *magis* in verbis, quanto *frequenter*, tanto *firmiter*, *Lib. V Cap. 7*; item contra plures in vocabulo *poſuit* pro *propoſuit* *Lib. VI Cap. 4 §. 3*. Porro contra *Sparkium* vocabulum *ſiccaverint* in ſignificatione paſſiva defenditur *Lib. VII Cap. 3 §. 8*, & contra varios phraſis, *non eſſe nos cum multis pecudibus æquales*, quam quidem conſtructionem ex Salluſtio, Plinio, Petronio, Spartiano, atque aliis, confirmat Bünemannus. Sub initium *Libri de opificio Dei*, vel formatione hominis, contra Cel. Heumannum aſſeritur, *Lactantium* etiam verbo *creare* uſum fuiſſe pro *condere*, *formare*, quem in ſinem exempla proferuntur *Lib. II D. I. 8, 40*, *Lib. IV 6, 2*, *Lib. VII, 3, 14, it. 4, 1*. Eadem occasione inſcriptio pariter huius *Libri* confirmatur. In *Epitome ad Pentadum* a Dionyſii Voſſii accuſatione locutio, *non modo philoſophi, ſed &c.* & in *Libro de moribus perſecutorum Cap. 2 §. 4* phraſis, *fundamenta mittere*, a Nurrii conjecturis, vindicatur. Ut alias multo plures

ejusmodi vindicias ac Latinitatis expositiones taceamus. Non autem in Grammatica solum inque verbis versatur Cl. Editoris diligentia, quin omnem facile literarum ambitum potius attingit. Ita, exempli gratia, ad historiam literariam ipsarum commentationum *Laclantii* pertinet, quando sub initium *Epitomes* illud potissimum animadvertit, quod hanc *Epitomen*, jam *Hieronymi* tempore maxima parte truncatam, ex antiquissimo Bibliothecæ Regiæ Taurinensis Codice eruerit & recensuerit S. Rev. *Christoph. Matthæus Pfaffius*, ac deinde pluribus verbis, ex ejusdem Dissertatione præliminari, præcipua, quæ ad Codicis descriptionem pertinent, delibavit. Inprimis autem sub initium Libri *de mortibus persecutorum* ista observat: „Doctissimus N. *Nurrius*, qui „ex MSto hunc Librum denuo edidit, *Laclantio* plane abjudicat, „quem S. Rev. *Pfaffius* quoque in sua ad *Epitomen Laclantii* Dissertatione sequitur; sed aliis, & in his *Jo. Alb. Fabricio* & *Cel. Heumanno* in *Actis Erud. Lips. A. 1711 pag. 470 seq. Baluzii* rationes videntur multo probabiliores; a quibus nec ego dissentio; „vitia vero & hiatus in hoc libro frequentes, non auctori *Laclantio*, „sed imperito librario, recte imputantur, &c. Ad Historiam sacram spectat observatio, quæ *pag. 1374* legitur, ubi *Nurrium* refutans, qui duplicem *Petri* Romam adventum statuit, cum *Cauco* accurate docuit *Bänemannus*, repugnare historiam Apostolicam, repugnare *Epistolas Paulinas*, totiusque vitæ *S. Petri* cursum, repugnare mille, quæ ex antiquitate oriuntur, difficultates, nullis sophismatum fucis solvendas, repugnare denique quamplurima veterum testimonia. Et profecto ex antiquitate res tam clare constat, ut, vi veritatis adacti, causam cœtus sui palam deseruerint *Valesii*, *Henschenii*, *Papebrochii*, *Baluzii*, *Norissii*, *Pagii*, *Tournardi*, atque alii, harum in rerum cognitione prorsus excellentes. Conferri potissimum hic meretur atque expendi, quod *Caucus* habet *Scriptor. Eccles. Histor. liter. Sec. I P. I & II pag. 3-8*. Civilem Historiam tangit, ubi *pag. 1230* de duobus *Erychthoniis* agit, quorum alter *Dardani* filius, Rex Trojæ, alter Athenarum Rex, *Vulcano* fuerit genitus. Hic *Erychthonius Erechtheus* etiam, sive *Erechtheus*, vocatus est. Sunt tamen, qui diversos volunt exstitisse, quia *Erechtheus Pandionis* filius fuerit. Sic &

pag. 1412, *Diocletianum* invitum deposuisse imperium, contra *Tol-
tium*, quem & *Bauldrius* refutavit, defenditur, eo potissimum
ex capite, quod scriptori Christiano, & maxime æquali, & in ea-
dem urbe degenti, maxime etiam credendum sit, præsertim cum
& *Aurelius Victor* in *Cesaribus* Cap. 39 non ausus sit pro certo
tradere, *Diocletianum* sponte se abdicasse imperio. Neque mi-
nus Antiquitates accipient lucem, quas præ ceteris tangunt ob-
servationes, quæ copiosissimæ ad *Librum de mortibus persecuto-
rum* afferuntur, e. g. ad Cap. 22 pag. 1428; ubi domestici
fuisse dicuntur, qui, varias in scholas divisi, intra palatium
familiarius militabant, ita tamen, ut aliqui nonnunquam mit-
terentur in provincias. Agunt de iis variæ *Codicis Theodo-
siani* leges, in quas, non pauca sunt, quæ *Gothofredus* observat.
Istam Editoris nostri annotationem proxime excipit alia, ubi de
supplicio per transfixionem lanceæ fufius disputavit, ut & ad
Cap. 32 pag. 1448 de *Equiriis festis*, ubi *Marti* a *Romulo* instituti
& dicari ludi in campo Martio celebrantur, notatu quædam
haud indigna protulit. Sed, præter Historicum atque Antiqui-
tatis studiosum, Philosophi pariter ac Theologi invenient, quod
in rem suam convertant. Philosophi nominatim ex eo, quod
pag. 332 dicitur, notabit, minime *Lactantium* eorum additum
esse opinioni, qui tres hominum partes statuunt, ejusdemque
verba, quibus, quod *anima, societate corporis liberata, in solo
spiritu vivat*, asseritur, clarioribus commode locis explicari
Lib. VII D. I. 12, 19, & 21, 2. Idem ille justitiam atque innocen-
tiam *Aristidis* ac *Cimonis* inveniet prædicatam pag. 1092. Theo-
logum denique, ut alia plura taceamus, legere juvabit, quæ
pag. 1392 adversus *Nurrium*, atque alios forte Pontificios, profe-
runtur, signum scilicet crucis neutiquam ideo immortale vocari,
quia saluti sit omnibus, qui illud in sua fronte conscripserint, cum
salus ab optimo maximo Servatore unice pendeat. Quid pluri-
bus? vel ex ungue leonem, vel ex istis paucis, quid pretii sit sta-
tuendum huic libro, cognoscemus. Neque est, cur verbosius
agamus, illud saltem præterea notaturi, quod duo scripturæ spe-
cimina, æri incisa, Cl. Autor simul exhibuerit veterum Codi-
cum manuscriptorum, Taurinensis scilicet ac Colbertini.

JO. ALPHONSI TURRETINI, IN EC-
clesia & Academia Genevensi Pastoris, S. Theologiæ &
Historiæ Ecclesiasticæ Professoris, Cogitationes & Dis-
sertationes Theologicæ, quibus principia religionis, cum
naturalis, tum revelatæ, adstruuntur & defenduntur,
animique ad veritatis, pietatis, & pacis, studium exci-
tantur. Accedunt Orationes Academicæ, quibus mul-
ta, ad scientiarum incrementum, Christianæ veritatis
illustrationem, pietatis commendationem, pacemque
Christianorum, pertinentia,
continentur.

Genevæ, typis Barrillotti & filii, 1737, 4-

Alph. 6 plag. 20.

Non solum Venerandi *Samuelis Werenfelsii*, sed etiam orbis
 terrarum, qua patet, universi, elogio dignum exstitisse
Joannem Alphonsum Turretinum, quippe & doctrina, & pietate,
 & pacis studio, eximium, norunt omnes, qui literas a limine sa-
 lutarunt. Quanta Viri fuerint merita in omnes Theologiæ par-
 tes, opera ejus loquuntur, & ubi tacent, clamant. *Volumine*
primo comprehenduntur tractationes Viri quondam summi,
 ex Theologia tum revelata, tum naturali, depromptæ. Ad
 illas referendæ sunt Commentationes de variis Theologiæ ca-
 pitibus, de Theologia, de ratione & fide, de existentia Dei, de
 justo & injusto, de revelationis necessitate, de religionis Chri-
 stiianæ veritate, de Scriptura sacra, de oraculis veteribus, de
 attributis Dei, de sanctissima Trinitate, Christi divinitate, in-
 carnatione, & sacrificio, de decretis Dei, de creatione, de pro-
 videntia, de peccato, libertate, & gratia, de justificatione, fide,
 & bonis operibus, de cultu Dei publico, de Sacramentis, de
 disciplina ecclesiastica, de Ecclesia Romana, de Articulis funda-
 mentalibus, de animorum immortalitate & vita futura, de re-
 ligione, de Theologia, de controversiis, de sensu communi, de
 tradi-

traditionibus, de superstitionibus, de Pontifice Romano, de Conciliis, de jure examinis, de Christo audiendo, ac solutione quaestionis, utrum *ἀνύστα* seu contradictoria proprie loquendo credi possint. Hæc olim capitulatim ac sparsim per disputationum formas in lucem publicam fuerant emissæ, haud secus ac ea, quæ porro sumus significaturi. Meliorem in ordinem illa colligi ab Editore potuisse, nemo unus dubitabit. *Volumine primo* continentur præterea Cogitationes, ad illustrandam Theologiam naturalem referendæ, nominatim de Theologia naturali in genere, de existentia Dei, de attributis Dei, de providentia Dei, de vindictis ejusdem, de modo providentiæ divinæ, de libertate humana contra *Spinozam* & alios ejusdem furfuris homines, de legibus naturalibus, quas Dissertationibus quatuor explanavit, ac de animorum immortalitate & vita futura. Id imprimis ubique agit, ut neget, aliquid philosophice posse verum esse, quod theologice deprehendatur falsum; ut neget, ea, quæ evidentibus rationis principiis repugnant, credi posse, vel credi debere; ut neget, in atheorum doctrinæ complexu ullam inesse lucem. Vim obligationum, moralium & politicarum, a superiori, qui jus obligandi & vires habet, deducit. Utilitatem justitiam esse normam, negat. Justitiam definit per amorem ordinis. Officia juris naturalis non ideo justa esse, docet, quia Deus ita voluit, sed, ideo Deum illa velle, tradit, quia justa sunt. Quid de demonstrationibus religionis Christianæ sentiat, ita exponit: *Ad Dei officiorumque cognitionem per ratiociniam & Philosophiam pervenire, longa nimis via erat, neque ab hominibus eo, quo sunt, statu calcanda. Decebat Dei bonitatem ac sapientiam, faciliiori quadam ratione sese hominibus manifestare.* Pontificii prohibuerunt, ne quis S. Scripturam interpretetur, nisi secundum Ecclesiæ sensum. Autor monet, id interdicti ipsis Pontificiis videri iniquum, cum tradant, id non contra sese, sed in novatores, esse latum, teste *Pinio Diff. prælim. Lib. I Cap. 10 §. 5.* Nonnullis illud videbitur singulare, quando sic pronuntiat *Turretinus: Multa Vet. Test. loca non nisi per accommodationem in Nov. Test. laudantur, ut Matth. II, 15, quemadmodum a*

Vol. I.
pag. 51.

63-

4-

6-

7-

10-

11-

- Pag. 12. *peritis omnibus Interpretibus agnoscitur. Unicum dari Deum,*
13. *inde probat, quod nulla detur sufficiens ratio, quæ, plures esse Deos, suadeat. De decretis Dei ita sentit: Cum Deus omnia uno simplicissimoque actu decreverit, cur Theologi tanto aestu, tantæque fiducia, de decretorum divinarum ordine inter se digladiantur? Nulli tam inefficaces voluntates Deo tribuunt, quam Supralapsarii, dum docent, Deum iis mediis justitiam suam ac bonitatem demonstrare potuisse, quæ justitiam ac bonitatem omnem tolerant. Illi circa Dei consilia optime se gerunt, qui, occultis Deo relictis, de revelatis opere implendis unice sunt solliciti. Haud facile alii ex illo ordine tam sapienter rationes suas subducunt. Mirabuntur multi, Cel. Virum scita Illustris quondam G. G. Leib-*
15. *nicii tam egregie in usus suos vertisse. Ipse profecto sic sentit: Ex omnibus mundis possibilibus optimum, pulcherrimum, sapientissimum, elegit Deus; in quo si quædam videantur incommoda, incommoda proprie non sunt, siquidem pulchra illa series, ille mundorum omnium optimus, sine iis stare non posset. Quæ notio est illustrissimi acutissimique Philosophi, edito nuperrime libro, cui titulus: Essais de Theodicée. Addit præterea hoc: Nisi peccatum fuisset possibile, plurima Dei hominumque virtutes in æternum se-pulta mansissent. Peccato non permissio, Deus mundi iudex non esset; nam nullus explorationi, nec judicio, daretur locus. Quæ sententia posterior nobis videtur merito duriuscula. Pœnitentiam, fidei præmissam ac præmittendam, Autor vocat opus bo-*
17. *num sensu admodum lato, & ni limitatio addatur, erroneo. Transsubstantiationis dogma & principiis rationis, & scopo Christi, sacram cœnam sancientis, repugnare, copiose exponit & demon-*
- 19 seq. *strat. En argumentum ejus potissimum: Ut credatur transsubstantiatio, Christianæ religionis veritas supponenda est. Sed, si creditur transsubstantiatio, Christianæ religionis fundamenta subruuntur. Etenim Apostolorum testimonio, de Christi miraculis & resurrectione, tuto amplius credi non poterit. Itaque, si creditur transsubstantiatio, transsubstantiatio credi non potest? Ne splendidissimum quidem miraculum transsubstantiationi fidem potest conciliare. Nam, ut miraculo credatur, fides sensibus habenda est. Si vero sensibus fides habeatur, actum est de transsub-*
stant-

stantiatione. Contra Arnaldi librum de Perpetuitate fidei ita dis-
 feritur: Nos longe certius dicimus, mutatio facta est, ergo fieri
 potuit. Primi Christiani ethnicis non exprobrassent eum erro-
 rem, quo irretiti adorent illud, quod comedant, si transubstan-
 tiatio tum in Ecclesia Christiana fuisset in dogmatum classem re-
 cepta. Sic iudicat differitque Noster. Consilia henotica hæc
 profert succincte: *Quorum dissensus non est fundamentalis, ut*
inter Lutheranos & Reformatas, nec non inter Episcopales & Pres-
byterianos Anglos, illi eandem communionem ecclesiasticam consti-
tuere non modo possunt, sed etiam debent. Ad Maji, senioris,
 sententiam accedit, pronuntians: *Maxima heresis est vita im-*
proba. Hæc quoque sunt singularia, nec ubivis trita: *Partem fe-*
licitatis futura fore augmentum perpetuum cognitionis, plus quam
probabile nobis videtur. Plures peccant, quod de salute sua ni-
 mium certi sunt, quam quod non satis certi. Ipse sanctitatem
 Dei esse existimat intensissimum & constantissimum ordinis au-
 tem. Sed ita haud satis apparet, quid sanctitatem inter & ju-
 stitiam intersit. Si sanctitatem definiamus per perfectionum
 moralium consensionem, ac justitiam per ejus sapientem decla-
 rationem, res videretur & in vado esse & expedita. Per novam
 creaturam Gal. VI, 15, intellexit mandatorum divinatorum observa-
 tionem, ob 1 Cor. VII, 19. Et, cum controversiæ, haud secus ac
 bella, sint malum necessarium, de controversiis ita exposuit, ut
 meliorem reddere cupiat quemlibet, neminem vero rixosum.
 De traditionibus sic habet: *Traditio, vox commoda ad excusan-*
da atque retinenda, quæ temporum ignorantia hominumque ty-
rannide, præter Scripturæ auctoritatem, in religionem investita sunt.
 Quid de igne purgatorio, & confessione auriculari, judicaverit,
 sic edisseruit: *Ignis Pontificiorum purgatorius purgandis marsu-*
piis, quam animabus, aptior est; miraque est virtutis, si non ad
eluenda peccata, certe ad faciendum, ut culina ferveat. Locus
 Jacobi V, 16, quo uno fere auricularis Pontificiorum confessio ad-
 struitur, aque probare debet, sacerdotes confiteri peccata sua lai-
 cis, ac laicos sacerdotibus. De Bellarmino ita statuit: *Quem*
non commovebunt ista Bellarmini de Rom. Pontif. Lib. IV Cap. 5:
Si Papa erraret præcipiendo vitia, vel prohibendo virtutes, te-
 neretur

Pag. 25.

26.

32.

35.

39.

44.

46.

- neretur Ecclesia credere, vitia esse bona, & virtutes malas; *cum oportet mire phlegmaticum esse. Quid est, ideas omnes iustitiæ & religionis evertere, hominemque in loco Dei, imo & supra Deum collocare, si hoc non sit?* Ipse in Diss. de Sensu communi, eos falli, dixerat, qui se credant *advēta* credere. Adversus quod pronuntiatum Ven. *Christ. Matth. Pfaffius* in Diss. de Consecratione veterum eucharistica pag. 468 objecit nonnulla. Ut igitur, sententiam suam stare invictam, ostenderet *Turretinus*, in lucem emisit *Solutionem questionis de contradictoriis*, qua it comprobatum, sese argumentis *Cel. Pfaffii* a sententia sua nondum
- Pag. 56. abductum fuisse. Fidem, de qua *Ebr. XI* agitur, exposuit per vividam persuasionem rerum non visarum, quomocunque
67. earum noticia ad nos pervenerit. Supralapsariorum opinionem
71. cum Theologia naturali pugnare, ostendit, ratus, in sacris literis sapissime homines ad notiones Theologiæ naturalis ac Philosophiæ remitti. Locum *1 Cor. I, 21*, ita exponit, ut doceat, *mundum*, hoc est, homines in sapientia Dei, id est, cum Deus præclara sui indicia in operibus animæ nostræ exhibuisset, *non cognovisse Deum per sapientiam*, id est, per philosophiam. Dum vero credit, non opus fuisse revelata Theologia, si humanum genus Theologiam naturalem servasset puram, assensum nostrum ei denegamus. Argumenta, quæ pro supremi Numinis existentia profert, sunt satis pulchra & certa, sed roboris multum
- 24 seq. eis deest, eo quod oratoria arte fuerunt deducta. De origine mundi commentatur copiose, mundi que æternitatem, ac fortuitum atomorum concursum, refellit, omnemque movet lapidem, ut atheorum nugas subvertat. De providentia Dei disseruit eleganter solideque, & strophas adversariorum occupavit in
222. Vindiciis ac elisit. Libertas, ipso iudice, est *facultas agendi, ut libet*. Mentem vero ad utrumque oppositorum æqualiter propendere, ac indifferentem esse, negat. De libertate humana tractationem adversus *Spinozam* tam egregie tamque digne executus fuit, ut *Spinoza*, si revivisceret, sibi satisfactum existimare posset. Nam objectiones acutissimorum Philosophorum simul invasit, feliciterque debellavit, ac evertit. In eo autem singularis ejus est opinio, quod de legibus positivis in tractatione de

de legibus naturalibus exposuerit. Quid enim est lex positiva, Pag. 252.
nisi legis naturæ ad mutabilia rerum momenta per seriem actio-
num mutabilem applicatio, quæ certo factæ legislationis externæ
ninitur? Existere vero leges naturales, tanta firmitate edislerit
adversus atheorum nugas, ut nihil sit supra.

Volumine secundo continentur Dissertationes de veritate reli-
gionis Judaicæ & Christianæ, nominatim prima adversus Indiffe-
rentistas, secunda de revelationis necessitate, tertia de revela-
tionis examine & characteribus. Reliquæ inscribuntur de veritate Vol. II
religionis Judaicæ, de veritate religionis Christianæ ex doctrinæ pag. 68.

præstantia, ex characterē magistri primorumque præconum, ex
miraculis, ex prophetiis, ex Evangelii propagatione, ex efficacia
Christianismi. Sequuntur Apologetica sex, quarum prima,
præcipua omnium, incredulorum difficultates expugnat.

Adjunguntur Dissertationes Theologicæ de Christo audien- 399.

do, de Articulis fundamentalibus, de Pyrrhonismo Ponti- 513.

ficio, & commodis temporalibus pietatis. Largitur quidem, 469.

Christum re vera in sacra Cœna adesse, imo corpus & sanguinem
Christi in Sacramento vere exhiberi, & tantum præsentia esse,
quantum Sacramenti ratio postulat. Ubi ad determinandum

præsentia modum accedit, eum putat sese habere ad modum

spirituum, seu modo spirituali. Controversia de prædestinatione 471.

in dissidiis Zanchii & Marbachii circa annum 1561 ipsi erupisse

primum videtur. Lutheranos habet pro fratribus, ac consensum,

communioneque ecclesiasticæ redintegrationem, admodum præ-

dicat & commendat, consiliis quibusdam, ad concordiam & tole-

rantiam referendis, adjectis. 476 seq.

Volumen tertium comprehendit XII Orationes, duas inau- Vol. III

gurales, ac decem Rectorales. Prima exponitur de sacrarum pag. 8 seq.

antiquitatum usu multiplici atque præstantia, secunda de Theo-

logo veritatis & pacis studio, tertia Panegyrica in obitum

Guilielmi III, Magnæ Britannicæ Regis, quarta de Seculo XVII

erudito, & hodiernis literarum periculis, quinta de studiis emen-

dandis & promovendis, sexta de scientiarum vanitate & præ-

stantia, septima de eruditionis & pietatis nexu, octava de com-

ponendis Protestantium dissidiis. Accedunt de pace Protestan-

214 seq.

tium ecclesiastica 1) Epistola Pastorum & Professorum Genevensium ad Serenissimum Borussia Regem, 2) Serenissimi Borussia Regis ad Epistolam illam responsum, 3) Viri Illustrissimi, Comitibus a Metternich, Serenissimi Borussia Regis Ministri Status, ejusque ad Helvetios Legati extraordinarii & Plenipotentarii, Epistola ad Pastores & Professores Geneveses, cum responsum Regium ad ipsos transmitteret. Succedit Oratio nona de variis Christianæ doctrinæ fatibus, decima de affectibus, a veri studio abducentibus, undecima, quæ exhibet votum pro pace Europæ, ac duodecima de adulterati Christianismi causis & remediis. Adjunguntur & innectuntur ei elogia, in Joannem de Normandie, primarium Reipublicæ Genevensis Consulem, & Ezechielem Spanhemium, defunctum A. 1710, 25 Nov. merito collata & adornata. Vita Ludovici Tronchini collocata & exposita fuit in loco, quo 47 seq. eam vix quævisisses. Et quis sigillatim ea commemorare his poterit angustiis coercitus, quæ exstare in scriptis suis voluit eximia, & ad omnem posteritatem prædicanda, historiæ, eloquentiæ, lectionis veterum, philosophiæ, theologiæ, candoris, probitatis, & eruditionis saluberrimæ, monumenta Turretinus?

JO. GOTTL. HEINECCII, JCTI, POTENT.
Prussor. Regi a Consil. Sanctior. & Jur. ac Philosoph.
in illustri Fridericiana Profess. Publ. Ordin. Opus-
cula minora varii argumenti. Accedit Index
scriptorum Heineccianorum.

Amstelodami, apud Janssonio-Waesbergios, 1738, 8 maj.
Alph. 1.

Ita vero & hac Opusculorum editione satisfactum iis abunde est, qui avidè semper legunt, & in deliciis habent, quicquid Heineccii nomine, illustri profecto, Musisque apprime auspato, superbit. Cum enim molestum plerisque sit, solius Præfationis causa, a Viro illo Celeberrimo præmissæ, novam sibi comparare libri, quem jam possident, vel usui sibi parum fore credunt, editionem; applausum sane merentur nobiles Batavorum Bibliopolæ, quod minora hæc, at politissima, quæ nunquam innumera-

numerabilis annorum series, & fuga temporum, possit diruere, ingenii *Heinecciani* monumenta in unum cogenda fasciculum, suisque recudenda sumtibus, curaverint. Non tamen omnes hic comparent, quæ a tantæ famæ Jcto unquam sunt conscriptæ, Præfationes, quod, si conjecturæ locus, ideo factum est, ut reliquæ, elegantia & eruditione non minus commendabiles, alteram aliquando Opusculorum illorum *Partem* conficiant. Sumus interim contenti hoc Catone, & jucunde utemur limatissimis his scriptis, ex quorum lectione quales sibi promittere fructus queant lectores, humaniorum literarum dulcedini assueti, ex recensione nostra luculenter patefcet. Opusculum *primum* ad l. 2 §. 2 & 36 D. de O. J. de Jure Papiriano inscribitur, quod insertum olim *Bibliotheca novissima* fuerat. Obscuro isti ac perplexo *Pomponii* loco lucis nonnihil affundere studuit laudatissimus Autor. Collectionem illam *Papirianam* post regifugium, libera jam republica, vulgatam demum fuisse, existimat. Fuisse autem *Papirio*, hujus juris collectori, neque *Sexti*, neque *Publii*, sed *Caji*, prænomen, autoritati *Dionysii* innixus, suspicatur, illamque *Papiriani* juris compilationem præcipue ad jus pertinuisse Pontificium, & reliquas leges *Libro sexto*, tanquam mantissæ loco, accessisse, commonstrat. Tum specimen *Papiriani* juris ex *Macrobio* profert, observationibus quibusdam illustratum. Alterum Opusculum, de utilitate studii Antiquitatum in Jurisprudentia, *Perizonii Dissertationum Triadi*, a se editæ, præmisit Illustris *Heineccius*. Invehitur hic merito in eos, qui nil nisi observationes prædicas, & magna Decisionum volumina, amant, eosque infelici in foro successu versari arbitrantur, qui in theoria Juris paulo diutius inutilem, uti ipsis lepide videtur, operam collocarunt. Neutiquam contemnit prædicum Juris studium Vir humanissimus, hoc tamen eleganter non minus, quam vere, asserit, praxi sine accurata theoriæ & antiquitatum notitia inhiare, ad eamque aliis præire viam, idem esse, ac dare operam, ut Jurisprudentia pereat. Elegantissimum est Opusculum *tertium*, *Bynckershæckii Observationum Juris Romani* editioni novæ præmissum, de artis critica utilitate in Jurisprudentia, deque boni Critici officio. Duo hominum genera maxime periculosa esse monet Jurisprudentiæ Illustris Autor, al-

terum *ὑπερκριτικῶν*, qui in antiquis Juris libris nihil agunt, quam ut secent, ac leges suo fingant refingantque arbitrio, nunc syllabam, præter necessitatem, ejicientes, nunc temere admittentes; alterum vero eorum, quibus omnis sordet Critica, & qui ægerime ferunt, si quis vel unicam literam in Corpore Juris sollicitet, locoque mōvere studeat. In utroque medium est tenendum. Tribus autem capitibus omnis absolvitur Criticæ ambitus. Aut enim interpretatur obscura; aut vitiosa emendat; aut genuina a falsis atque supposititiis sejungit. Ad interpretationem refert Celeberrimus Vir Antiquitatum notitiam; rei Romanæ statum, ex quo legum derivandæ sunt rationes; sectarum, cum philosophicarum, tum juridicarum, principia; singularum legum chronologiam accuratorem, autores, originem, causas, mutationes; fragmenta, hinc inde obvia, horumque, ut *Jac. Guthofredus* ait, coassationem. In emendandis, quod alterum Critici munus est, legibus caute procedendum ac moderate, ne conjecturas suas, licet ingeniosissimas, in textum statim admittat; ne falcem adhibeat criticam, ubi legum sensus commodus satis atque perspicuus, si etiam aliquando paulo rarius, parumque usitatum, occurrat vocabulum; ne medicas ad leges manus afferens, verisimilitudinem temere negligat; ne Codices optimæ notæ MStos unquam deponat, quorum nonnunquam vice funguntur editiones, sub ipsa artis typographicæ incunabula ex Codicibus MStis excusæ. Ingenio tamen confidere nonnihil posse Criticum, dummodo analogia juris non repugnet, arbitratur Illustri Autor. Denique ad versiones & metaphrases veteres Græcas attendere jubet in emendandis legibus Criticum, eam potissimum ob causam, quod tunc temporis Juris Codices corruptiores fuerint hodiernis. In ultimo boni Critici officio maxima opus cautione esse, contendit. Cui enim ignotum, Jctos emblemata sæpenumero & *Tribonianismos* clamare, ubi omnia recte se habent? Qua in re si dubium forte nonnemini subnascat, eum præstantissimus *Heineccius* ad *Ger. Noodt* & *Corn. a Bynckershoek*, Viros doctrina summos, remittit, quippe quos exemplis id luculentissimis docuisse affirmat. *Quartum*, quod sequitur, Opusculum *Epistolas* complectitur *amabeas*
inter

inter E. O. A. C. Pagenstecherum, nostrumque Autorem, quibus de sensu l. 1 D. de Curat. furios. & genuina lectione l. 28 D. de Probat. disceptatur. Pagenstecheri Epistola ex ejus Opusculis, A. 1734 recufis, defumta sunt. Nobis, priorem Epistola primæ editionem inspicientibus, observare licuit, multum Epistolam illam in Opusculis Pagenstecheri hinc inde fuisse immutatam, ideo fortasse, ne Autor obscurissimo dicendi genere, quo usus antea fuerat, quamplurimis porro displiceret lectoribus. Evincere in hoc scripto Pagenstecherus studuit, minus felicem esse Heineccii nostri conjecturam ex l. 1 D. de Curat. furios., quod bonorum interdictio jam ante XII Tabulas sub Romanorum Regibus fuerit recepta. In Epistola ejusdem altera hæc nobis pag. 135 obvenerunt: Non explico, quod alii habent, consilium, ut hodie rem concipiam, die crastina in chartam conjiciam, die sequenti relegam, tum deponam iterum, postea recognoscam semel. Quid est tempus perdere, si non hoc est? &c. Sed quid est, Vir optime, immaturis delectari ingenii fortibus, si hoc non est? Opusculum quintum, ad Ezech. Spanhemii Orbem Romanum, de Spanhemii in re literariam meritis agit, atque nonnulla, perperam dicta, emendat. Sic v. g. pag. 172 ostendit Cel. Heineccius, in legis Junia Norbanæ natalibus errasse Spanhemium, eamque non Augusti, sed Tiberii, tempore latam docet. Acutam Spanhemii divinationem, quod Cajus Instit. Lib. 1 Tit. 1 §. 1, & Tit. 2 §. 1, verbis: servos manumitti aut testamento, aut in Ecclesia, aut ante Consulem, significare concionem civium Romanorum voluerit, vel in consilio ante Consulem, solido niti fundamento, negat Autor, & rationibus, certe non contemnendis, sese tuetur. Opusculum sextum, Jo. Seldeni de Synedriis Ebræorum Operi adjectum, literarum orientalium in Jurisprudentia usum commendat. Ita enim, ut præclare docet Illustri Heineccius, veteris sapientiæ reliquiæ ab eo peti possunt populo, qui ab ipso Deo immortalis eas acceperat; ita rerum investigari queunt origines, & perspiciet unusquisque hujus studii gnarus, pleraque ab Ebræis esse profecta, quæ sine idonea causâ moribus receperant gentes reliquæ; ita Jurisprudentiam rei publicæ, ab ipso Deo condita, legislatorem

riam in succum & sanguinem convertere possumus; ita legum origo & causæ se exferent, ad Jus Canonicum rectius intelligendum; ita incredibilem institutorum apud Ebræos, aliasque gentes, similitudinem deprehendemus. *Septimum* succedit Opusculum, quo *defensionem Justiniani, Triboniani, & Corporis Juris*, in se suscepit, eoque ad ipsum illud Juris Corpus præfatus est, Autor longe eruditissimus; quod vero scriptum cum Anno jam 1738 in *Actis* his nostris *Mense Febr. pag. 66* fuerit recensitum, de eo plura hic loci commemorare, nihil attinet. Hoc tamen juvabit addidisse, Virum Illustrem maxima ex parte suam revocasse sententiam, quam in Proæmio *Antiquit. Roman.* §. 26, 27, nobiscum communicaverat. *Octavum* denique Opusculum, *Sam. Strykii* Cautelis contractuum præfixum, *de Jurisprudentia hebreumatica, seu cavente*, doctrinas complectitur. Isthoc vocabulo veteres JCti intelligebant facultatem, nimium Juris Civilis rigorem, inventis quibusdam effugiis, evitandi, vel jus illud subtilius inflectendi ad æquitatem, ac tandem in negotiis omnibus inveniendi cautiones, quibus cives ab ingeniosa aliorum improbitate atque calumniis tuti præstarentur. Ex quo deducit Amplissimus Autor, duas fuisse ejus disciplinæ positiones, ac summa veluti capita, quorum altero *remedia & consilia* adversus Juris Civilis rigorem & subtilitatem, altero *cautiones*, in explicandis negotiis civilibus observandæ, comprehenderentur. Quatuor potissimum erant remedia, quibus jus ad æquitatem inflectere solebant JCti. Vel enim id fiebat colore quodam, seu titulo honesto, invento, quem suæ prætexebant interpretationi, quo inofficiosi testamenti querela refertur; vel fictio excogitabatur, quæ ponit, aliquid factum esse, quod factum non est, quo ipso hæc a colore differt; vel novæ concipiebantur formulæ; vel quoddam suppeditabatur consilium. *Cautionum* tres erant modi apud JCtos antiquos. Cavere nimirum solebant, ne vel ex actu, quem quis susceperat, vitæ immineret periculum; vel, iis, unde res substantiam capit, imprudenter neglectis, actum tanquam inutilem impugnarent illi, quorum intererat, eum non subsistere; vel clientes circumscriberentur turpiter, perque fraudem caperentur ab iis, quibuscum iis aliquid negotii erat. Qui finem

Opuscu-

Opusculis, quavis laude dignis, imponit *scriptorum Heineccianorum Catalogus*, significat nobis, parare summum Jctum novam in forma, quam vulgo quartam vocant, *Antiquitatum Romanarum* pariter, ac *Juris Romani historia*, editionem; quod ut in literarum civitatis commodum propediem perficiat, faustos felicesque successus ei ex animo, & qua decet, observantia, precamur.

**SYSTEMATIS OPTICI, CUIUS AUTOR
est ROBERTUS SMITH, Recensio continuata
& finita.**

Conf. *Nova Acta* hujus *Anni Mens. Januar. pag. 19.*

Absoluta jam tractatione de figura & positione objectorum, per reflexiones aut refractiones nimis obliquas conspectorum, ad theoriā aberrationis radiorum redit Autor Clarissimus, eamque ulterius promovet. Id autem in animo præcipue habet, ut limites inveniatur, ad quos microscopiorum, tam reflectentium, quam refringentium, perfectio possit pertingere, & determinationes eam in rem necessarias exhibeat. Id igitur Problematis statim resolvit, ut, dato foco radiorum homogeneorum, in superficiem sphericam incidentium, invenire doceat radiorum, tam reflexorum, quam refractorum, aberrationes. Quodsi focus incidentium infinite distet, accommodabitur theoria ad radios parallēlos, de quo casu supra jamjam fuit actum; unde patet, theoriā, quæ pro unico solum casu particulari ibi proposita fuerat, amplificari hoc Problemate, & universalem reddi. Non abs re fuerit, paucis indicare, quasnam regulas pro his aberrationibus dederit Autor. Sit igitur Q focus radiorum incidentium, seu, quod idem est, punctum radians, q focus refractorum vel reflexorum, SO semidiameter superficiē sphericæ; IX sinus arcus IO. Ponatur ratio refractionis = m : n, ubi m > n, sitque m - n = b, OQ = Q, OS = S, OX = X; demonstratur,

$$\text{aberrationem qk fore} = \left\{ \frac{Q-S}{Q+\frac{n}{bS}} \right\}^2 \left(\frac{n n Q - n n S - m n S}{\theta m Q} \right) X,$$

quæ pertinet ad radium refractum; pro radii reflexi aberratione

tionem solum — in loco n, adeoque 2 in loco θ, ponendum, unde

qk in casu reflexionis erit = $\left\{ \frac{Q-S}{Q-\frac{1}{2}S} \right\}^2 \frac{1}{2}X$. Quo facto, hoc

ipsum Problema ad lentes etiam quascunque accommodatur.

TAB. II Sit lens data quæcunque OIEo, cujus axis ORP; sit

Fig. 2. ratio refractionis jam = 2:3; punctum radians statuatur in P, sitque focus geometricus radiorum refractorum in p. Radius superficiei interioris OR dicatur = R, exterioris or = r, & PO = P, & e punctis incidentiæ & emergentiæ I & E ad axem lentis demittantur perpendiculares IV, Ev, sitque Oo — Uv = D. Quibus ita positis, ostenditur, aberrationem pl fore =

$$\left. \begin{array}{l} -27RR \\ + 6Rr \\ - 7rr \end{array} \right\} \left. \begin{array}{l} PP + 66RRr \\ + 14Rrr \end{array} \right\} P - 52RRr$$


— $\frac{6PP(R-r)^2 - 24PRr(R-r) + 24Rrr}{6(R-r)^2}$ D. Hæc equi-

dem ita se habent, ubi lineæ P, R, r, ex uno eodemque lentis latere omnes jacent; quodsi contrarium evenerit, signa solum respectiva mutari oportet. In casu radiorum parallele incidentium linea P infinita erit, unde tunc aberratio sive pl =

$$-\frac{27RR + 6Rr - 7rr}{6(R-r)^2}, \text{ ceu primus invenit } \textit{Hugenius} \text{ in } \textit{Dio-}$$

ptrica *Prop. 27*, & exinde aberrationes in omni lentium genere & sphaerica nimirum figura oriundas inter se comparare potuit, nec non determinare semidiametros lentis, in quo aberrationes omnium minimæ existant, cum omnes plane evitari prorsus nequeant. Filum *Hugenii* hac in re sequitur Noster, tandemque probat, quodsi lens omni prorsus aberratione carens desideraretur, radium, quem diximus r, fore = $\pm \frac{3}{2} \pm \sqrt{\left(\frac{9}{4} - \frac{2}{3}\right)}$; quæ quantitas cum sit impossibilis, liquet, nullam dari sphaericam lentem ab aberrationis vitio liberam. Quæ autem hæcenus fuere demonstrata, ad aberrationes solum longitudinales pertinent; quamobrem de iis quoque aberrationibus, quæ sunt in latitudinem, præcipua determinantur, cum exinde dependeat magnitudo circelli, in cujus superficie disperguntur radii, a vero sive geometrico foco deviantes. Is autem casus conside-

ratur



ratur præ ceteris, ubi focus radiorum incidentium (vel punctum radians) non multum distat a foco lentis principali, ceu usu venit in microscopiis compositis. De distincta visione, quæ ope microscopiorum fit, acturus Autor, Theorema quoddam præmittit, inserviens computandis imaginum diametris, quæ in retina oculi formentur a collectis radiorum penicillis; cumque ostenderit, apparentem objecti, nudo oculo, vel per lentes, conspecti, obscuritatem esse ut aream circelli minimi, quem in retina formant radii singulorum penicillorum recolleti, non difficulter quoque evicit, in microscopiis simplicibus objecta in foco principali collocata æque distincte apparitura, quodsi diametri aperturarum sint ut distantia focales. In microscopiis autem, telescopiisque, tam refringentibus, quam reflectentibus, unica solum lente oculari instructis, apparens objecti obscuritas, a radiorum cujuslibet generis, sigillatim consideratorum, aberratione profecta, ostenditur vero quam proxime esse in ratione composita ex duplicata maximæ aberrationis lateralis, a lente vel speculo objectivo productæ, & reciproca duplicata distantia focalis lentis ocularis. Quæ sequuntur, de perficiendis microscopiis, tam simplicibus, quam compositis, ulterius agunt, ubi regulæ, ab *Hugenio* eam in rem datæ, explicantur, demonstrantur planius, provehunturque. Peculiari opera circa microscopiorum reflectentium theoriam versatur Vir Clarissimus, quorum primus inventor est insignis *Newtonus*. Igitur, quasnam rationes sequantur magnitudo apparens, claritas, & distinctio objecti, per ea spectati, curate definit; unde regulas aliquas per calculum analyticum eruit, in ulteriori eorum perfectione profuturas, subjunctis quoque experimentis quibusdam, eam in rem institutis. Ea autem microscopiorum, tam refringentium, quam reflectentium, indoles est, ut objectorum indefinitæ amplificationi obsit difficultas, non equidem theoretica, sed practica, eaque vix superanda, in constructione lentium vel speculorum adeo minutulorum, qualia ad id operis requiruntur, posita. Qua re adductus Autor, de nova microscopii reflectentis constructione cogitare cœpit, quæ tantam lentium speculorumque exilitatem haud efflagitet, amplificandi tamen virtute omnia microscopia,

qualia quidem fabricata sunt hactenus, antecellat. Facto tentamine ab Edimburgensi quodam artifice, (*Sbortii* nomen est,) rem utique successuram comperit, modo sufficiens constructioni afferatur dexteritas, & accurata mensurarum, quas ipse præscripsit, observatio. Quem in finem descriptionem satis amplam tradit, qua observationes, tam theoreticas, quam practicas, ad hancce microscopii fabricam spectantes, minutatim persequitur. Nobis autem, quibus esse prolixioribus non licet, ideam aliquam exinde formasse sufficiat. Sunt igitur in *Fig. 3* duo specula sphaerica *ABC* & *abc*, quorum respectiva centra sunt *E* & *e*, focique primarii (qui nempe ad radios parallelos spectant,) *T* & *t*. Eorum axis communis est recta *EQTC*, in utramque partem producta. Collocetur jam objectum *PQ* inter duo specula *C*, *c*, vel, quod præstat, inter verticem *c* & focum principem *t* speculi *abc*, quod in medio parvum habet foramen, radiis transitum concedens. Allabatur jam radius quilibet *QA* concavæ superficiei *ABC*, reflexusque *Aa* tendat ad *q* in axe; verum exceptus ab interposita speculi *abc* superficiei convexa, iterum reflectatur juxta *aBk*, donec axi occurrat in *k*, factio nimirum foramine in medio speculi *ABC*, quo via radiis pateat. Punctum *k* sit focus lentis ocularis convexo-convexæ *l*, per quam radii ultimo refracti oculum ingrediuntur. Habes itaque ideam constructionis; de virtute amplificandi sequentia accipe. Quoniam arcus *ABC*, *abc*, non statuuntur nimis magni, suntque *Q* & *q*, nec minus *q* & *k*, foci (secundarii) respectivi; erunt *TQ*, *TE*, *Tq*, continue proportionales in data quadam ratione, quæ sit ut 1 ad *n*; pariter $\pm tq, tc, tk$, in data ratione, quæ sit ut 1 ad *m*. Sit jam *d* distantia illa, ad quam objecta minutiora distincte videmus oculo inermi, & *kl* distantia focalis lentis ocularis minimæ, per quam objecta satis appareant clara & distincta; demonstrat Autor, ope hujus microscopii objectum *PQ* (diametraliter) amplificari in ratione $m \times n \times d$ ad *kl*. Statim igitur ac determinati recte fuerint numeri *n*, *m*, & focales distantie, adeoque & radii speculorum, sequentes tradit regulas pro computandis variis axis hujus microscopii partibus; positis nimirum $TC = TE = T$, $tc = te = t$, erit,

$$tk =$$

$$tk = mt$$

$$tq = \frac{t}{m}$$

$$qc = tc - tq = \frac{(m-1)t}{m}$$

$$ck = tk - te = (m-1)t$$

$$qk = tk - tq = \frac{(m^2-1)t}{m}$$

$$qT = nT$$

$$TQ = \frac{T}{n}$$

$$qQ = Tq - TQ = \frac{(n^2-1)T}{n}$$

$$QC - QT + TC = \frac{(n+1)T}{n}$$

$$qC = qT + TC = (n+1)T$$

$$Cc = qC - qC = (n+1)T - \frac{(m-1)t}{m}$$

$$Ck = qk - qC = \frac{(m^2-1)t}{m} - (n+1)T$$

Porro ostendit, ultimam objecti imaginem fore distinctissimam, quodsi relatio quantitatum m, n, T, t , hac æquatione exprimat:

$$(n^2-1)^2 T = \left(\frac{m^2-1}{m m}\right)^2 t; \text{ ceu deduxit ex theoria}$$

aberrationis radorum in speculis sphæricis, quam accurate exponit. Quodsi $T=t$ eo casu usus partium in quolibet speculo vertici propiorum, quæ scilicet lumen accuratius in focus co-
gunt, conservatur, quoad ejus quidem fieri potest. Quamob-

rem æquatio modo data transfit in hanc, $n^2-1 = \frac{m^2-1}{m m}$, un-

de $n = \sqrt{2 - \frac{1}{mm}}$ Angulus AQC penicilli radiofi totius

invenitur $= 18^\circ. 26'. 6''$, ex ratione CD ad CQ , quam Vir Clarissimus assumit ut 1 ad 3. Hunc angulum satis luminis sub-

ministraturum judicat pro diametro objecti 300 circiter vicibus

amplificanda. Deinceps quoque in illum aberrationis angulum, qui prope lentem ocularem est, curatius inquirat. Oritur autem exinde, quoniam radii omnes a speculis reflexi in uno præcise puncto k non colliguntur, obstante ipsa figura spherica. Quo facto, methodum ostendit, cujus ope hicce aberrationis angulus imminui, adeoque microscopii constructio perfici ulterius, possit. Quibus tandem subsidii instructus, Tabulam computavit, quæ quatuor microscopiorum, hac ratione conficiendorum, mensuras exhibet. Pro primo assumsit $m=5$, unde $n=1.4$. Pro secundo, $m=4$, unde $n=1.39194$. Pro tertio, cui methodum diminuendi aberrationis angulum adaptavit, est $m=3.7895$, & $n=1.39194$. Pro quarto, mensuras supputavit ex datis, loco objecti, & longitudine microscopii; in eo autem est $m=5$, & $n=1.39464$. Quodlibet diametrum objecti amplificat 300 vicibus. Angulus AQC semper unus idemque est, prout eum modo indicavimus. In primo, aberrationis angulus est $=2'.26''$; in secundo, $=2'.29''$; in tertio, $0'.39''$; in quarto, $6'.15''$. Distantiæ T , & t , quas æquari debere diximus, pro unitate accipiuntur, ceteræque dimensiones ope laterculi superioris eruuntur. Liquet igitur, tertium numero microscopium ceteris longe præstare, nec dubium est, illud majorem adhuc aberrationis angulum facile laturum, unde angulus penicilli radiosi AQC augeri tuto poterit, lucis tantum ut suppediret, quantum requiritur ad diametrum objecti longe plus 300 vicibus amplificandam; id quod a microscopiis ordinariis non obtineri, notius est, quam ut hic loci commemorari debeat. Nihil igitur superest aliud, quam ut periti opifices suam in construendo hocce Engyscopio industriam dexteritatemque exerceant, multum profecturi ex observationibus practicis, quas theoriæ huic subnectere Cel. *Smithio* placuit. Tandem vero coronidem Tractatui mathematico imponunt disquisitiones accuratissimæ circa telescopia reflectentia *Jac. Gregorii*, & *Cassegrainii*, (quæ multum a se invicem non differunt,) quibus ut operam suam impenderet Vir Clarissimus, effecerunt accessiones plane insignes, quæ *Gregoriano* non ita pridem sunt factæ, ultra fere, quam spondere theoria videbatur.

batur. Proposuerat olim *Gregorius* constructionem Telescopii catoptrico-dioptrici, una lentē oculari convexa, & duobus speculis, e metallo factis, perficiendam; unum figuræ requirebat parabolica, alterum elliptica. Eorum autem accurata elaboratio praxin omnem cum superet, in hoc quoque Telescopii genere sphaericorum usum ipsa necessitas invexit. Qua re factum est, ejus theoria ut multo complicatior redderetur, admixtis nimirum radorum aberrationibus a sphaericitate oriundis. Eas autem ope calculi analytici ad numeros revocare studuit Vir doctissimus, in explicanda Telescopii hujusce fabrica & effectibus diligenter admodum versatus, facta quoque Problematis sequentis solutione: Datis, distantia focali speculi majoris, angulo visionis, graduque claritatis & distinctionis, qua objectum apparere desideratur, Telescopium construere. Inde factum, ut Tabulas supputaverit, quæ tam *Gregoriani*, quam *Cassegrainiani*, mensuras & virtutem amplificandi ante oculos ponunt. Ast, qui satis multi in recensendo Tractatu *mathematico* fuimus, ad reliquos provehimur, quos minori licebit opera perlustrare.

Tertius itaque inscribitur *mechanicus*. In eo animus fuit Cl. Autori, tradere præcipua, quæ ad fabricam opticorum instrumentorum pertinent. Igitur statim ab eo orditur, ut de formandis poliendisque vitris agat, qua quidem in re nemo feliccius *Hugenio* est versatus. Multum quoque in perficiendis Telescopiis olim desudavit *Molyneuxius*, factaque tentamina cum Nostro communicavit. Ea igitur, prout ab Autore descripta sunt, hic exhibet, suppletis ex *Hugenio*, aliisque, quæ deficere videbantur. Idem quoque *Molyneuxius* in constructione Telescopiorum reflectentium, seu cata-dioptrorum, laboravit; cœpta continuare, felicique successu perficere, licuit *Jo. Hadlejo*, Societatis Regiæ Præsidi Vicario, qui totius rei descriptionem satis copiosam & accuratam dedit in *Transact. Angl. Mens. Mart. & Apr. 1723 n. 376*. Praxin hanc, specula Telescopiis reflectentibus idonea recte formandi, poliendique, plane hic descriptam videre est. Quæ sequuntur, ad corrigendas lentes objectivas, ad rectificandam visionis lineam, & quæ sunt alia, pertinent, quorum usus præcipue elucet in Quadrantibus vel Sextantibus

Tele-

Telescopio instructis. Ea excipit descriptio Telescopii in plano Meridiani fixi, cuius ope corrigendus horologiorum motus, observandæque adscensionum rectorum & declinationum differentiarum; nec minus instrumentorum aliorum, tempori inveniendæ intervientium, ex observatis solis stellarumque altitudinibus ab utroque Meridiani latere æqualibus. Commodissimum & accuratissimum est, quod ad eum finem excogitavit *Cotesius*. Præcipue vero lectu digna est descriptio Quadrantis Astronomici telescopici, muro affixi, in Regio observatorio, quod Grenovici est. Sumtus ei construendo impendit *Georgius I*, Rex; constructioni invigilavit, & subtilissima quæque manu propria perfecit, *Grahamus*, artifex Londinensis celeberrimus. Eo in peragendis observationibus subtilissimis summus utitur Astronomus, *Edm. Hallejus*. Sequitur descriptio & usus Micrometrorum, quibus non ita pridem novam accessionem fecit *Jac. Bradleyus*, Astronomiæ Professor Oxoniensis. Cum vero frequentissime accidat, Micrometri ut nulla sit opportunitas, planeta nimirum, cuius locus exquiratur, a stella, cuius locus in cœlo notus est, nimis remoto; in gratiam Astrophilorum novum organi genus excogitavit idem *Grahamus*, sectoris Astronomici nomine insignitum, cuius ope tales capi possunt adscensionum rectorum & declinationum differentiarum, quales Telescopium fixum, & Micrometro instructum, ob magnitudinem suam effugiunt, adeoque Quadrantibus aut Sextantibus telescopicis hæcenus obtinendæ fuerunt. Non abs re fuerit, sectoris huiusce Astronomici speciem quam-

TAB. II. dam hic exhibere. Igitur in Fig. 4 AB est arcus circularis, in 10 Fig. 4. vel 12 gradus optime divisus, cuius radius est lamina CD, centrum in C. Applicetur hic radius axi HFI, sitque circa F mobilis, ita quidem, ut planum sectoris semper parallelum existat axi HI, qui cum ipse axi telluris æquidistat, sectoris planum circulo cuidam horario semper parallelum erit. Sit denique Telescopium CE mobile circa C, ope cochleæ G, lineaque visionis plano sectoris parallela. Toto jam instrumento circa axem HI converso, donec ejus planum ad duas successive stellas dirigatur, sector circa F non difficile in eam positionem commovebitur, ut utramque stellam transeuntem per planum arcus

AB

AB (quod fixum debet manere) complectatur, modo differentia declinationis arcum AB haud superet. Quo facto, sector paululum a stellis occidentem versus dimoveatur, posteaque firmetur, & ope horologii oscillatorii notetur tempus transitus utriusque per Telescopium reticulo instructum, nec minus graduum numerus in utroque transitu ab indice in arcu AB signatus, quorum itaque differentia exhibebit differentiam declinationum; temporum vero differentia in arcum æquatoris mutata differentiam adscensionis rectæ prodet. Ceterum schematismus mechanismi organi totius exteriorem satis commonstrat. KLMN crux est orichalcea, cujus brachiis O & P affigitur lamina CD, & mobilis circa punctum F, super discum circulearem pariter ex orichalco solide confectum. Axis HI, quæ parallelepipediformam habet, transit per foramen cylindri I, disco pariter circulari QR præditi, circa quem libere sector moveatur, nec ei unquam occurrat, necesse est. Radius sectoris CD est $2\frac{1}{2}$ ped. Anglic. Ceterum Telescopio affigitur regula cum eo simul mobilis, in partes minutiores divisa, quam ab inventore *Nonium* dicunt, cujus ope quilibet sectoris gradus in singula minuta prima, & in subtiliores adhuc partes, æstimatione dividi potest. Sed pergamus. De Telescopiis dioptricis a tuborum molimine liberandis acturus Autor, *Hugenii* Astroscopiam compendiarum, Anglice redditam, inseruit. Quamvis enim opera *Hadleji* Telescopia reflectentia ad eum perfectionis gradum sunt evecta, ut 5 pedes longum æquipolleat *Hugeniano* illi 123 pedum, quod Societas Regia ex dono ipsius *Hugenii* possidet; est tamen aliquid, quo dioptrica præstant reflectentibus, accuratior nimirum Micrometri applicatio & usus. Etenim diametri picturarum vel imaginum in utroque Telescopiorum genere cum sint ut eorum longitudines, liquet, uno eodemque Micrometro ampliorem imaginem subtilius mensurari posse, & hoc quidem in ipsa longitudinum ratione. Sequitur descriptio & iconismus Telescopii *Newtoniani*, quale construxit *Molynæxius*, & *Joanni V*, *Portugallia* Regi, exhibuit; & quæ in construendo *Gregoriano* præcipit *Hadlejus*, subiunguntur. Ex *Trans-actionibus* n. 429 excerpitur descriptio instrumenti catoptrici, quod

quod præclare inservit angulis mari capiendis, eo casu, quo vel objectum, vel instrumenta vulgaria, fluctuationi sunt obnoxia. Ejus inventor idem est ingeniosissimus *Hadlejus*. Quæ sequuntur, agunt de libella telescopica, ejusque usibus, ubi libellandi ars breviter explicatur; de machinis opticis, quæ designandis inserviunt picturis; de Polemoscopio *Heveliano*; de Laterna magica, deque Telescopio binoculari, quod in *Visione sua perfecta* amplissime descripsit *P. Cherubinus*. Id fore commodissimum & perfectissimum, judicat *Cl. Smithius*, quod conficeretur e duobus Telescopiis reflectentibus formæ *Gregoriana*. Tandem compareret de mechanismo Microscopiorum optimi generis tractatio, & quæ eam in rem a viris in arte expertis fuerunt inventa, clare & copiose recensentur, additis quoque observationibus microscopicis celeberrimis, quas *Leuwenhoekius*, *Jurinus*, alique Viri præstantissimi, instituerunt. Et hæc quidem de Tractatu *mechanico* dixisse sufficiat.

Quartus denique, isque ultimus, *philosophici* titulo insignitus est. Ea autem uno quasi obtutu conspicienda præbet, quæ in cælis ope Telescopiorum, inde ab eorum inventionem, detecta fuerunt. Utilem igitur & pergratum plerisque laborem hic suscepisse dicendus est Vir doctissimus, contexendo inventorum telescopicorum historiam, alias ex Diariis literariis quamplurimis, scriptisque *Galilei*, *Hevelii*, *Hugenii*, &c. non sine sudore conquirendam. Cum vero de nobilissimis hisce inventis dudum satis constet inter eruditos, eis hic in compendio repetendis jure supersedemus. Ne tamen nihil de hocce Tractatu dixisse videamur, de iis pauca exinde asserre placet, quæ circa Parallaxin fixarum annuam, a motu terræ in sua orbita oriundam, novissimis tentaminibus invenit Vir diligentissimus, *Jacobus Bradley*, Astronomiæ Professor Oxoniensis, organo usus, quod jam A. 1725 eum in finem exstrui curaverat *Samuel Motlyneuxius*, ingenti Parallaxeos tandem aliquando definiendæ cupidine incensus. Ipse quidem *Motlyneuxius* operi manum primus admovit, sociumque adscivit *Bradlejum*, qui tentamina post ejus mortem repetiit, continuavit, & phænomenorum causas aperuit. Secuti autem sunt viri modo dicti aliqua ratione *Hookium*,

Hookium, selecta nimirum ad observationes stella, quæ in capite Draconis est lucidissima, (*Bayero* γ Draconis), factoque instrumento, quod parum abluat ab *Hookiano*, opera tamen *Grahami* maxime perfectum. Alias tamen stellas etiam observare, unam præcipue, quæ quoad adscensionem rectam γ Draconis fere opponitur, haud piguit *Bradlejum*; qua ratione utique varias comperit in motu fixarum apparenti proprietates inesse, antea haud cognitæ, nec a parallaxi tamen reali, hoc est, a sensibilitate anguli, sub quo e fixa videtur diameter orbis magni, nec a mutatione axis terrestris, repetendas, cum contraria prorsus ratione pleraque evenerint. Rejæctis itaque duabus tribusve, quibus phænomen solvere aggressus erat, hypothesibus, novam plane explicandi rationem condit Vir ingeniosus, quam cum observatis adeo conspirare probat, ut, eidem adversari, durum videatur. Parallaxin enim, quam *apparentem* vocat, quæque in γ Draconis ad 39'' adscendere deprehensa est, a motu luminis progressivo, terræque in sua orbita, combinatis, repetendam adstruit. Realem vero fixarum parallaxin sensum effugere omnem, aut vix uni duobusve minutis secundis adæquari, in omnibus, quas observavit, stellis, declarat; qua ratione earum distantia a Terra plus quam 400000 vicibus eam superaret, quæ inter Solem Terramque interest, adeoque tantum non pro infinita haberi deberet. Verum suffecerit, digitum in eam rem intendisse. Plura desideranti adeundus ipse *Smithius*, vel Transactiones philosophicæ, donec luculento scripto observata sua theoriamque exponere ingenioso *Bradlejo* placuerit. De præstantissima igitur Optica *Smithiana* nil habemus amplius, quod moneamus Lectores nostros, nisi quod coronidem ei & ornamentum singulare addat eruditissimi *Jurini* Disquisitio de Visione distincta & indistincta, in qua magnam experimentorum æque novorum ac curioforum segetem conspiciamus, quibus Opticæ scientiæ non contemnenda accessio facta esse videtur.

OBSERVATIONES ÆGRITUDINUM FERRE incurabilium, per JOANNEM CURVUM SEMER

*MEDUM, Christi Ordinis Equitem auratum,
Sancti Officii Familiarem, & Domus
Regiæ Medicum.*

Ulyssipone occidentali, ex prelo Paschoalis a Sylva, Regis
Typographi, 1740, fol.

Alph. 3.

Quo rariora sunt literarum monumenta, quæ nostris his terris ex præpotente, quam Autor fama sua illustrat, provincia accedunt, eo gratiora sunt, si qua mittuntur. Habet, quo placere possit, singularis eruditionis liber, rariorum morborum historias & curationes recensens. Quamvis enim novæ plerumque sint medicandi rationes; novitate tamen sua in artis regulas nihil offendunt. Longum esset, omnium morborum, quos feliciter sustulit Autor, referre decursus, omnemque haurire, qua usus est, medicamentorum suppellectilem. Sufficiat, therapiz, quibus ille usus est, principia delibare, & succincte enarrare. Emeticorum efficaciam mire prædicat, potissimum vero laudat aquam benedictam Rulandi, quam una cum aliis, quæ de Antimonio partes habent, vomitoriis, feliciter exercuit in lue Gallica, in hæmorrhoidum fluxu, in nephritide, ad pleurises abolendas, ad podagram præcavendam. In balneis magnam habet fiduciam, tum illis, quæ sponte fluunt, tum quæ arte parantur, quibus usus est in nephriticis doloribus, in melancholicis & hypochondriacis sanandis. Commendantur hinc balnea frigida illis, qui capite dolent. Deinde, quibus aquis soteriis utatur patrius ager, enarrat passim, nec tamen insuper habet exteras, quapropter Spadanam in variis morbis commendat. In clysteribus adornandis haud infrequens est, & enemata in morbis intestinorum colicis aut nephriticis feliciter applicavit, nec magno tamen apparatu ea conficit, sed ptisanis aquæ cum albumine ovorum multoties ardentissimas febres extinxit, prout in aliis gravissimis affectibus, doloribus stomachi, fluxibus alvi, duritiæ sæcum, urina præstrueta, hoc
me-

medicandi genere feliciter usus est. Antiquissima gymnasticae medicinae vestigia premit, & passim laudat exercitia corporis, quod jam alibi in Polyanthea sua fecerat; sicut & fortis varios haud semel ordinat ad menstrua provocanda, ad roborandum uterum, ad lumbricos profligandos. Lactis usum sua experientia celebratissimum reddidit, & pro clymate, in tenesmo, dysuria, renumque & vesicae morbis, in quibus plurimum conducatur, passim commendat. Lac potissimum asininum valde salutare ad abolendos humores acres & salios, attemperandaque viscera, si sit recentissime ex pecude extractum, observat. Lactis etiam caprini, equini, & humani, singularis in variis morbis est commoditas. Opiatis parce, at peropportune, uti novit in viarum urinae affectionibus dolorificis, in quibus narcotica etiam haud infeliciter exhibet, itidemque Mercurio crudo aut rite sublimato, quem Calomelanon appellat, seu Panaeam, recte uti novit, nec temerarius in re facili, nec in difficili timidus. Causas & signa morborum proinde excutit, Medicos parum sapientes acriter castigat. Legi merentur, quae in Operis Dedicatione habentur: *Non Theologis, quod careant mysteriis, non Jureconsultis, quod sint expertes litium, non Philosophis, quod Stoico indulgeant supercilio, non Politicis, ne decore ludar, non Magnatibus, quod omnia despiciant, non Medicis, quod officiose occidant, non Empiricis, quod impune jugulent, non Mundo, quod totus agat histrioniam, non Vulgo, quia desipit, non Seculo, quia pessimum.* Cui ergo? Deo cruci affixo.

LIBELLUS SINGULARIS DE PODAGRA
 Et dolore colico, scorbutico simili, Pictonico æmulo, per
 sex annos durante, subito in podagram mutato, victo
 Et curato, Autore THEODORO VAN
 ZELST, Medic. Doct. Et Practico
 Amstelædamsi.

Amstelædami, apud Janſſonio-Waesbergios, 1738. §.

Plag. 12.

R 2

Quam

Quam Colicæ quoddam genus, Scorbutus atque Podagra, inter se cognationem habeant, ex diuturniori usu, atque artis exercitatione, declarare, Cl. Autori haud dubie animus fuit. Præcipuam vero componendi hujus Opusculi occasionem dedisse ei videtur morbus gravis atque atrox, qui sex annos virginem quandam Amstelædamensem afflixit, primoque statim loco ratione indolis, decursus, & curationis, a Nostro descriptus fuit. Dolores ejus cruciatusque fuerunt sævissimi, ac propemodum intolerabiles, qui nunc totum mesenterium, nunc corporis peripheriam, obsederunt, nunc, mutato loco, aliam atque aliam partem peragrarunt, tandemque eo res devenit, ut corpus non solum extenuaretur & contabesceret, sed spasticæ etiam contractiones, multaque alia horrenda & inexpectata symptomata, accederent, &, præter summum virium lapsum, utriusque etiam brachii, manuum, & digitorum, motus, qui ad flexuram extensionemque requiritur, esset interceptus. Morbum hunc priores duo Medici acriter contenderunt colicam esse Pictonum, cum paralyssi utriusque brachii, manuum, & digitorum; Noster autem, tandem simul in consilium advocatus, colicam esse scorbuticam pronuntiavit, Pictonum similem, cum paralyssi spuria scorbutica, quæ brachii manuumque motum impediret. Ad curandum eum felicissime Noster usus est tinctura quadam mineræ Martis nativæ, singulari modo, qui inferius copiosius commemorabitur, parata, cujus ope viginti horarum spatio omnia tam horribilia & inexpectata symptomata adeo repente evanuerunt, ut nunquam ab illo tempore postea redierint. Accidit post alterum diem, ut podagra in pede dextro qualemcumque dolorem suscitaret, sicut ægrota doloribus arthriticis antea identidem fuit obnoxia, tandem autem penitus recrudesceret, magno cum se-vamine, a quo insultu, reliquiisque morbi ceteris, illa etiam brevi liberata, post exactos viginti duos dies iter in vicinas urbes instituit, neque postea iterum laboravit. Similis hinc argumenti observationes excussurus, dolorem colicum, quinque annos durantem, subito in podagram mutatum, atque præsentissimum, quod itidem tunc Tinctura mineræ Martis nativæ tulit, auxilium, diligenter

diligenter enarrat, tum vero alia ejusmodi morborum exempla, dolorem scilicet colicum, scorbuticum in atrophiam mutatum, dolorem colicum scorbutico similem, in hydropem anasarcam mutatum, podagram inveteratam, podagram pulmonum lobos obsidentem, copiose percenset, suas etiam & *Bronchorstii*, Medici Amstelædamensis, Epistolas de colica quadam scorbuticæ simili, cum succedente paralyfi spuria, mutuo exaratas, expromit. Præmissis itaque morborum historiis, singulari *Capite* de colica Pictonum scorbuticæ simili disquirat, ut scilicet hujus a scorbutica differentiam ostendat. Nomen vero exinde traxit, quod A. 1527 plures Pictonum in Galliis invasit, ut morbum huic provincie endemicum esse crediderint. Sed, male eam inter morbos endemios referri, potiusque ad morborum epidemiorum familiam pertinere, Noster exinde concludit, quod jam olim *Paulus Ægineta* ejus morbi imaginem expressit, &, postquam sexcentos vel septingentos annos extinctus nec visus esset, *Avicenna* colicæ epidemix mentionem injecit. Tunc rursus desit hoc malum per quingentos fere annos, & demum A. 1572 revixit apud Pictones, ut ex *Droeti* Consiliis de pestilentia colligere licet, qui in vina Pictonica recentia, quæ ab aliquot annis acerbata tunc & austera esse consueverunt, culpam rejecit. Enimvero non solis Pictonibus tum, sed toti ferme provincie Aquitanix, familiaris fuit, atque in Provinciam quoque, Picardiam, Moraviam, Silesiam, & maximam inferioris Germaniæ partem, jam pridem irrepsit. Re vera autem eam colicam esse scorbuticam pronuntiat, quam tamen *Paulus Ægineta* atque *Avicenna* non hoc, sed morbi biliosi colici, cognomine appellarunt, quia scorbuti vox tunc nondum fuit cognita. Ut adeo Noster non sine bile variis in locis stomachetur, adhuc colicam Pictonum cognominari, quæ huic provincie non fuerit propria, & reapse colica scorbutica dici mereatur. Quæ sane sententia, qua ipsius confessione omnis inter utramque diversitas tollitur, nescimus nos quidem, quomodo & cum iis verbis, quibus initio hujus disquisitionis differentiam utriusque ostensurum se pollicetur, & cum dissensu illo, quo in dijudicanda virginis Amstelædamensis historia, superius commemorata, se a duobus aliis Medicis dis-

junxit, conciliari queat. Ipsi vero morbi hujus historiam pluribus exponit, causamque ab humorum dyscrasia, sive labefactata concoctione, & materia biliosa, acri, atque caustica, repetit, curationisque cardinem in eo verti ait, ut humorum indigestioni, a caloris & spirituum naturalium defectu ortæ, & deinde eorundem humorum calori & exæstuationi, ubi jam a mora, propter inconcoctionem justo diuturniorem in corpore, abiit in putredinem, obviam eatur. Ad Scorbutum singulari *Capite* exponendum progressus, duas ejus symptomatum classes constituit & percenset, morbumque hunc cachexiæ esse speciem, & ab humoribus corruptis, solidisque vitiatis, attritu vasorum ac relaxatione, vel a nimia humorum indigestione aut crassitie, ob quam vel tarde, vel raro, ad coctionem perveniant, oriri, colicam autem scorbuticam emergere, autumat, quando in partes, eo morbo affectas, serum causticum biliosum acre lubricans delabitur. Quoniam autem huic colicæ sæpius paralytis spuria succedere solet, ejus causam redditurus, duplicem nervorum substantiam, alteram medullarem, per quam nervus vim motricem consequatur, & membranofam alteram, a qua sentiendi habeat potestatem, hic considerandam esse contendit. Illa enim quovis humore obstructa, perit motus. Hac præ nimia humiditate laxata, sensus perditur. Humore igitur utramque partem occupante, paralytis fit absoluta. Sin alterutrum tantum obsidet, tunc vel sensus perit integro motu, vel motus integro sensu, ut in hac ipsa paralyseos specie, in qua medullaris nervorum substantia bile infarcta est atque obstructa, adeoque motus potentiam amittit. In sanandis colicis ejusmodi doloribus eo semper respiciendum est, ut materia peccans, sive serum causticum biliosum, semper ad peripheriam corporis, tanquam propriam sedem, deducatur. Multa posthæc de ortu morborum acutorum æque ac chronicorum more suo disputat, atque differentiam colicæ scorbuticæ Pictonicæ similis a biliosa indicat. Denique & Podagram singulari sermone persequitur, quam Scorbuti esse sobolem asseverat, multaque affert, quæ ad ejus historiam, causas, & prognosin, morbos quoque ex recessione ipsius ortos, & in primis

primis colicam, pertinent, sed sine ordine & breviter; curationis indicationes easdem quoque constituit, ac in scorbuto, ut scilicet indigestioni humorum, eorumque calori & exastuationi, occurratur. Monet vero hic, remedia unius indicationis alteri vere esse adversa, & quæ sanguinem corroborant, vegetumque reddunt, ac ventriculi concoctionem adjuvant, præ ceteris prodesse, modo eorundem calor in spiritibus vinosis, aut aromaticis, stomachicis, aut aliis calidioribus, non consistat. Post multa experimenta longo demum usu atque experientia non præstantius inveniri remedium, quam mineram Martis nativam in suis cryptis subterraneis, ad maturitatem perductam, & ignem nondum perpessam, illam inprimis, quæ ex cryptis subterraneis Gelriæ & Zutphanæ prope Slangeburchum effodi solet, hujus aliorumque morborum, quorum una scilicet & communis origo est, indicationibus explendis maxime accommodatam. Ex hac Tincturam quandam parat, cujus conficiendæ modum ingenue hic ex libello referemus. Ita autem se habet: Recipe mineræ Martis nativæ, prope Slangenburghum in Gelria effossæ, libr. 16 Sal. Tartar. opt. calcin.; Spadan. ex fonte Pouhontio leniter in salem evaporati, ana **℥j.** cum semisse, Tartari Rhenan. electiss.; Ital. rubr. ana **℥ij.** misce, fiat omnium pulvis subtilissimus, qui in massam reducitur cum s. q. aquæ Spadanæ, ex eademque formentur globuli, libram unam ponderantes, qui aeri libero tempore sereno exponuntur, præcipue rori, (dummodo sub pluviali cælo tegantur,) donec ista minera penitus fuerit soluta, & in vitriolum conversa, & quo diutius aeri libero exponitur, eo melius convertetur. Nam sæpissime per annum integrum extrahere debet, antequam minera penitus fuerit soluta, cujus rei indicium est, si friabilis reperiatur, cum pinguedine farinacea circa tactum, ut nullum pulverem sentire liceat amplius. Materia ista decoquatur in s. q. aquæ Spadanæ per viginti quatuor horas continuas, materiam continuo agitando, donec Tincturam bene saturatam, ac cerevisiæ Brunsvicensis consistentiam referentem, omnis acrimoniæ expertem, receperis, quæ usui asservetur. Eximias hujus tincturæ virtutes longo ordine,

& copiosa commendatione, enumerat, tantas quippe; ut sensus nostros captumque superent, quoniam complures homines, qui vivorum potius cadaverum, quam hominum, faciem præ se tulerunt, brevi temporis spatio ejus usu carnosum ac bene habitum evaserunt. Postquam multa etiam alia, quæ ad podagræ curationem valent, disceptavit, adjectis *Bronchorstii* ad *Barbæarvium* literis, gravitatem colicæ scorbuticæ comprobatur, in qua ille subigenda multum operæ, sed in cassum, comprobatur. Hæc de libello præsentis referre habuimus, quæ pragmaticæ medicinæ fructum nonnullum haud dubie afferent. Utinam vero major in eo limando poliendoque a Cl. Autore cura esset adhibita atque diligentia, meliorique inter se omnia nexu cohererent, justusque & naturalis ordo teneretur, nec quadrata mixta essent rotundis, aut una eademque res bis, ter, quater, quinquies, aut amplius, diversis locis, & iisdem sæpenumero verbis, sine causa, non tamen sine lectoris nausea, repeterentur; denique non tanta barbarismorum & solæcismorum, profecto intolerabilium, colluvies singulas propemodum paginas fœdaret, ipsæque periodi structæ essent accuratius, nec in tot compositis, quas vocant, ἀπὸδοῖς adhuc expectanda esset, omnemque sensum suspenderet, quæ sane omnia lectorem etiam patientissimum facile a lectione libelli absterrent.

IL NEOSOFO &c.

id est,

NEOSOPHUS, DIALOGUS; IN QUO novum & speciosissimum Systema scientificum stabilitur, a P. D. JO. CHRYSOSTOMO SCARFO, Doct. Theol. Basil. & Acad. Cæs. Nat. Curiosorum Sodali.

Venetiis, sumptibus Autoris, impressum a Bonifacio Viezzerio, 1740, 4.

Plag. 10.

-LET-

id est,

P. D. JO. CHRYSOST. SCARFO EPI-
stolæ, cum duobus brevibus Sermonibus Acade-
micis.

Venetiis, sumptibus Autoris, 1740, 4.

Plag. 20, cum Tabb. æn. 2.

In priori horum libellorum, usui nobilis juventutis & elegantioris sexus maxime destinato, Pastorem cum Nympha colloquentem, artisque criticæ atque omnis Philosophiæ & Theologiæ fundamenta explicantem, doctissimus Autor introducit. Duo laudat principia: *activum* alterum, alterum *passivum*, *lucem* & *glebositatem*; quorum ope, nihil est, quod non expediri, cum admirabili perspicuitate, brevitate, & jucunditate, posse confidat. Quicquid est rerum naturalium, duobus istis (si eum audiamus,) principiis constat. Lux, tanquam substantia simplex incorporea, materiam obscuram, somnolentam, torpidam, & glebosam, pervadit, eique motum, formam, vitam, conciliat. Quo plus lucis corpus quodque recipit, hoc magis ac fortius movetur. Ut autem animatum corpus sit, non solum recipere lucem, sed etiam in sinibus suis, foraminibus, atque habitaculis opportunis, conservare debet. Vegetabilia non tot sinus ac foramina habent, quibus tantum servare luminis valeant, quantum servant animantia sensibus prædita, neque adeo lux vegetabilium tam actiuosa, & tam variarum operationum principium, esse potest, quam lux sensibilium, nec dubitandum videtur, quin vegetabilia, si plura haberent foramina, ad servandam lucem idonea, fieri etiam ipsa sensibilia deberent. Crescit & conservatur vegetabile, cum ad lumen ejus a majore solis luce, & ad id, quod in eo glebosum est, a magis glebosa terra, satis fomenti accedit; interit, cum fomentum illud, vel propter disruptos ductus, vel propter aliam quamcunque causam, cessat. Glebositas Ambra viscida est, ac lucem, quæ ambra circumfluit, subviscidam reddens, electri-

citatis causa existit. Cum lux ferri a luce magnetis aliquanto liberiore augetur & excitatur, eo tendit, ubi minimam resisten-
tiam reperit, hoc est, versus ipsum propinquum magnetem; quo fit, ut, conjuncta utraque luce, etiam substantiæ glebosæ magnetis & ferri coherescant. Ventus glebositas terræ est, quæ vulgo vaporosa exhalatio dicitur, a luminoso principio in motum acta; porroque generatio nubium, nivis, roris, grandinis, similiumque rerum, non alii causæ adscribenda videtur, quam elevationi obscuri, sive glebosi, a lucido. Tonitrua fiunt, cum ex una in aliam nubem intrat luminosa substantia. Cometa ex radiis duorum planetarum, sibi mutuo obviam factis, oritur. Cælum, rapidissime circumactum, interveniente lumine, aerem, & simul cum aere interiora terræ, movet; qui motus fermentatio vocatur, omniumque generationum causa existit. Deus est ipsa lux æterna & purissima, omnisque luminis parens. Angelus est lux spiritalis incorporea, res universas, cum in se ipsis, tum in Deo, uno obtutu videns, penetrans, & comprehendens. Anima humana est itidem substantia spiritalis, ad imaginem divinam condita, & per essentiam suam luminosa, quæ vividos suos radios per totum corpus spargit, quatenus ab obscuritate non impeditur. Deus solus regit angelos; angeli cum Deo regunt animas, & animæ, cum angelis & Deo, regunt corpora. Corpora desiderant animas; animæ angelos & Deum; angeli Deum. Omnis rerum perfectio vel interna est, vel externa. Interna bonitas vocatur; externa pulchritudo. Pulchritudo est radius divinæ bonitatis, rebus conditis impressus. Qui radius in mente angelica est multitudo & varietas seminum; in glebosa substantia, lux interior, varie modificata. Atque hæc ex priori doctissimi Autoris libello deprompta specimina sufficere posse arbitramur. Reliquum est, ut etiam alterum libellum paucis consideremus. Complectitur is *Epistolas XIV*, cum *duobus Sermonibus Academicis*. In *prima Epistola* causa dysentericæ explicatur, quæ Seminaræ, in ulteriore Calabria, A. 1714 multos oppressit. In *altera* docetur, quid ita sanguis, vi caloris, in tubulis rectis ascendat, cum descendere aqua in recurvis soleat. In *tertia* de palpitatione cordis rationem Autor red-

reddat, qua ipse non mediocriter afflictus fuit. In *quarta* variorum insectorum mentionem facit, a se primum observatorum, itemque morbi, qui vulgo vocatur *della Benedetta*. In *quinta* Tarantismum explicat. In *sexta* de calore hyberno, & frigore æstivo speluncarum subterranearum; in *septima* de catarrho quodam epidemico; in *octava* de verme in cortice mali citrei incluso & mortuo; in *nona* de oculis talpæ, itemque de bombyce Calabrico, verba facit. Sequitur *decima*, omnium longissima, in qua tentamen novum de ipsa creatione, & natura universi, continetur. Atque hic recentiori cuidam Philosopho Anonymo, amico suo intimo, assentiens Autor, terram ex infinitis salium generibus, & cælum ex infinitis globulis cuspidatis, sive dentatis, (quos etiam coronatos vocat,) circa proprios axiculos rotatis, & humore gravidis, constare suspicatur. Ex quibus ipsis, ceterisque suis principiis, cum descriptione *Mosaica* collatis, non solum ortum rerum terrestrium, sed etiam cœli crystallini & empyrei, ipsiusque inferni & purgatorii, validissimis mœniis distinctorum, explicare conatur. Ac de Planetis differens, Mercurium ex salibus soluti argenti vivi, in altum elevatis, & cum globulis coronatis conjunctis; Venerem ex salibus florum alcali; Martem ex salibus ferri; Jovem ex salibus stanni & sulfuris; & Saturnum ex salibus sulfuris & plumbi, conflatos, ac divinitus in certum & constantem motum actos, sibi persuadet. Sed ad reliqua pergendum est. In *Epistola undecima* de natura plantarum agitur; in *duodecima* de æquilibrio aeris, & de levitate ignis; in *tertia decima* de phænomeno cœli & aeris luminosi ac rutili, nocte post d. 16 Decemb. A. 1737 Venetiis observato; ac denique in *quarta decima* de methodo muniendi urbem, ut globi ignivomi nihil ei detrimenti asferre possint. Restant duo Sermones Academici; in quorum *altero* de zelotypia, in *altero* de sphaera armillari, disseritur.

VARIA GEOGRAPHICA; JOANNIS FREDERICI GRONOVII *Dissertatio de Gothorum sede originaria, adversus PHILIPPUM CLUVERIUM, eorundemque in Imperium Romanum irruptionibus; Libellus Provinciarum Romana-*

rum & Civitatum Provinciarum Gallicarum, cum Notis ANDREÆ SCHOTTI & LAURENTII THEODORI GRONOVII, ejusdemque Animadversiones in Vibium Sequestrem; JOANNIS CASPARI HAGENBUCHII Exercitatio geographico-critica, qua, Ostiones nec Germaniæ, nec Britannicæ, populum; sed Galliæ Celticæ Osismios, esse, conjicitur. Accedunt Animadversiones in STRABONIS Γεωγραφικῶν Libros novem, depromptæ e MSto Codice Mediceo.

Lugduni Batavorum, apud Cornelium Haak, 1739, 8 maj.
Plag. 24.

- F**ascem hunc *Variorum Geographicorum* debemus industria Viri Celeberrimi, *Abrab. Gronovii*, paternam avitamque gloriam propria doctrina ac virtute tuentis, propagantis, ad quem *Cl. Hagenbuchius*, Græcarum literarum in Gymnasio Tigurino Professor, Dissertationem suam, ut Lugduni typis excideretur, deferendam curavit. Hic igitur, quo sic etiam a mole se commendaret Opusculum, scripta reliqua tum avi, tum patrui, adjunxit, unoque volumine collecta
- Pag. 1-14. hic exhibuit. Primum locum occupat *Jo. Frid. Gronovii* Dissertatio de *Gothorum sede originaria*, in qua contra *Cluverium* ostendit, Gothos non demum in *Ostro- & Visti-Gothos*, extra patriam suam, pro ratione situs terrarum illarum, in quas se effuderint, dividi esse cœptos, sed utrumque nomen in patria sua jamdum obtinuisse, quæ non sit *Borussia*, ut contendat *Cluverius*, sed *Suecia*. Innotuisse ante Francos A. C. 215, *Caracalla* imperantē, variaque fortuna, dum res Romana steterit, fuisse jactatos, usque dum tandem firmas sedes passim invenerint. Subsequitur *Libellus Provinciarum Romanarum*, qui cum variis lectionibus & annotationibus *Simleri*, *Schotti*, *Hottomanni*, & *Laur. Theod. Gronovii*, exhibetur.
- 65-92. Hunc excipiunt ipsius *Gronovii* *Animadversiones in Vibium Sequestrem*, quæ constant maxime collatione Codicum MStorum, in sub-

subsidium devocatis melioris notæ libris, quorum beneficio vera lectio confirmatur & illustratur. Subjungitur Eruditissimi *Hagenbucii* Dissertatio, quam *Jo. Frisio*, Reipublicæ Tiguri-
 næ Senatori, nuncupavit. Directa illa est in locum *Stephani Byzantini* de *Ostionibus*, quos ad occidentalem oceanum lo-
 cat. Ita autem ille: Ὀστῖωνες, ἔθνος παρὰ τῷ δυτικῷ Ὠκεανῷ, ἔς Κόσσινας Ἀρτεμίδωρος φησι. Πυθέας δ' Ὀστιαίους. Τῶ-
 ρων δ' ἐξ ἑωυτῶν οἱ Κόσσινοι λεγόμενοι Ὀστῖωνες, ἔς Πυ-
 θέας Ὀστιαίους προσεαγορεύει. Locum hunc adeo corruptum
 esse judicat *Cluverius*, ut, Apolline Delphico, qui medelam affe-
 rat, opus esse, sibi persuadeat. Opinatur autem in *Germania*
Lib. III pag. 192, 210, 211, per *Ostiones*, qui & *Ostiai* dicantur,
 intelligendos esse populos Rheno proximos, quos *Tacitus*
 appellet *Istævones*. Quæritur igitur primo, an *Istævones* col-
 oni fuerint. Nomina quidem *Istævones* & *Æstii* ad se invi-
 cem proxime accedere, ac hoc ex illo enasci potuisse, con-
 cedit; arbitratur tamen, *Æstiorum* nomen rectius ex *Æst* re-
 peti, quod in plurali efferatur *Æste*, vel *Aiste*, cum *ai* per
ae Latinis fuerit pronuntiatum, ut sic denotentur homines,
 qui se *fustibus*, sive *arborum ramis*, armarint, quod de *Æstiiis*
 affirmat *Tacitus*. Secundo, num *Ostiones Istævones*, sive Germani
 Rheno proximi, sint. Hoc ipsum visum est *Cluverio*, qui
 illos ultra Rhenum locat, provocando ad locum aliquem ex
Strabone, quem autem ad stabiliendam ipsius opinionem ni-
 hil facere posse ostendit Noster, cum *Ostiones* a transrhena-
 nis *Strabo* segreget. Ipsum illum *Cluverium*, cum *Sicambros* pro
Cimbris apud *Plinium Hist. Nat. Lib. IV Cap. 14* legat, emen-
 dationem hanc surripuisse *Beato Rhenano*, quæ tamen ad-
 mitti non possit, sed in illorum locum *Gambriovios*, *Taci-
 to de Morib. German. Cap. 11* memoratos, sufficiendos esse
 contendit. Hinc ad *Ostiones* suos regreditur, quos *Camde-
 nus Britann. pag. 133* nihil disterre ab *Ostidanniis* & *Danmoniis*
 contendit, sed, ipsum a recto aberrasse tramite, copiose do-
 cet, cum in *Britannia* minus sint quærendi. Aliorum igitur
 sententiis examinatis, suam promit, *Ostiones* atque *Ostida-
 nios* esse *Galliæ Celticæ Ofismios*, quorum situm *Henr. Vau-
 lesius*

- tesus* in *Notit. Galliar. pag. 394 b* & *395 a* definit. Horum etiam meminit *Strabo Tomo I pag. 298*, hunc in modum loquens: ἐν δὲ νῦν οἱ Ὀσίμιοι δ' εἰσὶν, ἔς τιμῆς ὀνομάζει Πυθίας. Locum, neglectum adhuc, in mendo cubare, & pro ἔς τιμῆς legendum esse Ὀσίμιοις, demonstrat. *Osiddamnios* autem eosdem esse, qui *Osismi* dicuntur, probat ex *Strabone Tomo I pag. 112*, quem locum suis commentationibus illustrat, ostendens, pro Ὀσιδαμνίων legi debere Ὀσίμιων. Ὀυξισάμην ortum suum ducere ab *Osismi*, unde insula primitus dici *Osismia*, ac hinc facile *Osifama* & *Uxifama* enasci, potuerit, atque illam esse, quæ hodierno die dicatur *Ovessant*, alias
136. *Heyfant*, vel *Heissant*. Ab his etiam non differre Ὀσίμιοις,
137. quin fidei esse propius, vocem hanc ex Ὀσίμιοις, & pro μ incuria librarii posito, effictam esse. Hinc ad locum *Stephani*, quem tractandum sumserat, se recipit, ubi pro verbis ἔς καὶ κοσσίνης legendum esse suspicatur ἔς καὶ Ὀσίμιοις, vel Ὀσίμιοις.
148. Negandum non est, Cl. *Hagenbuchium* in hac exiguæ molis opella tantas præcæ eruditionis, literaturæ Græcæ, ac Criticæ, copias explicuisse, quantæ ad tam impeditum argumentum evolvendum requiri poterant; unde simul judicare licet, quid de ipsius *Geographia veteris Helvetiæ* erudito orbi expectari possit. Colophonem imponunt *Animadversiones* in *Strabonis Γεωγραφικῶν Libros IX*, adornatos maxime e Codice Mediceo, collatis melioris notæ Græcis scriptoribus, quæ ab *Abr. Gronovio* sunt profectæ.
- Pag. 151-205.

MISCELLANEA GRONINGANA.

TOMUS II.

Groningæ, apud Hajonem Spandaw, 1739, 8.

Alph. 2 plag. 4.

Cum primum Operis hujus Tomum in Actis Anni 1739 Mens. Oct. pag. 619 seq. recensuerimus, faciendum nunc putamus, ut, quas contineat secundus doctissimorum Virorum meditationes, paucis indicemus. Constat & hic Tomus quatuor Partibus, sive Fasciculis. Ac in primo quidem pag. 1-49 exhibetur *Elogium Scaligeri*,

geri, atque ejus in Nov. Test. Animadversiones; pag. 50-85 Nicolai Barkey *Conjectura de duobus viris, qui discipulis Christi adfuerunt*, Aët. I, 10; pag. 85-89 ejusdem *Observatio ad Lucæ II, 15*; pag. 89-111 Herm. Bruiningii *Commentatio ad Psalm. LXXXIV, 4*; pag. 112-122 *Vita Jo. Jacobi Hottingeri*, anno ætatis octogesimo secundo extincti A. 1735 d. 18. Decembris; pag. 122-129 *Vita Francisci Fabricii*, Theologi Leidenensis, mortui A. 1738 d. 27 Julii; pag. 129-140 *Vita Alberti Wilhelmi Melchioris*, Theologi Franequerani, vita hac defuncti A. 1738 d. 3 Idus Aug.; pag. 140-157 *Vita Jacobi Christophori Iselii*, Theologi Basileensis, A. 1737 ipsis Idibus Aprilis defuncti; pag. 158-173 *Vita Jo. Alphonfi Turretini*, mortui A. 1737 d. 1 Maji; pag. 174-194 Christiani Mundenii *Commentatio ad 1 Corinth. VIII, 1, 2, 3, de discrimine scientiæ, quæ caritatis expers est, & ejus, quæ cum caritate conjuncta*. Secundo in Fasciculo occurrit pag. 195-212 Petri Zornii *Dissertatio de Telesphoro, in nummis, gemmis, & inscriptionibus veterum, comite Æsculapii & Hygieiæ*; pag. 213-246 *Observationes sacræ, nunc primum editæ, Menſonis Altingii, Confulis Groningani*; pag. 246-294 *Epistola, nunc primum ex ipſo avtographo publicatæ, Valentini a Teteleben, Alberti, Electoris Moguntini, in aula Pontificis Legati, de morte Leonis X, & electione Hadriani VI*; pag. 294-334 Bernardi Sebastiani Cremeri *Dissertatio ad Levit. XXI, 21, 22, 23, de comestione rerum sacrarum duplici*; pag. 334-390 *Nova literaria, studium exegeticum & Historiæ ecclesiasticæ anni præcipue 1738 concernentia*. In tertio Fasciculo prodit pag. 391-415 Petri Zornii *Dissertatio de umbra S. Petri sananti*, Aët. V, 15; pag. 415-440 ejusdem *de veritate miraculi in martyribus elinguis & cognita & vindicata*; pag. 441-469 Nicolai Barkey *Disquisitio, quare Ezechiel sæpius nomine filii hominis compelletur*; pag. 470-481 Christoph. Aug. Heumannii *Observationes Criticæ ad Apologeticum Tertulliani*; pag. 481-485 ejusdem *Emendationes primi Capituli libri Tertulliani adversus Valentinianos*; pag. 485-497 H. Bruiningii *Observationes ad 2 Corinth. IV, 3, 4, & ad Matth. XXIII, 9, & ad 1 Theſſ. II, 17*; pag. 497-518 *Tetelebii illius, de quo supra*

pra dictum, *aliæ quinque Epistola*, nunc demum publicatæ, de Papa *Hadriano VI*, & aliis ejus ætatis rebus; pag. 519-558 Joach. Oporini *Meditationes exegeticae ad Jeremiæ XXX & XXXI*; pag. 559-562 Val. Ern. Lœscheri *Observatio*, *sphalma Geographicæ sacrae non minimi momenti concernens, cum explicatione vaticiniorum quorundam de tribu Gad, nondum satis intellectorum*. *Quartus* denique *Fasciculus* continet pag. 563-575 Petri Zornii *Dissertationem de capistris & frænis capite damnatorum apud veteres*; pag. 575-585 Casp. Christiani Bruiningii *Observationem exegeticam ad Matth. III, 9*; pag. 585-607 *Supplementa quædam ad Historiam Elisabethæ, Angliæ Reginæ*; in quibus describitur *Joannis Friderici, Saxonie Ducis, consilium ineundi cum illa Regina matrimonii*; pag. 607-614 quatuor ad *Coccejum* scriptas Epistolas; pag. 615-624 *Excerpta ex E. L. Vrimoet Thesibus ex omni Philologia sacra & orientali*; pag. 624-642 *Decerpta e Bruiningii Compendio Antiquitatum Græcarum*; pag. 643-706 *Spicilegium librorum quorundam rariorum, in Catalogo Vogtiano omisso*. Ut etiam hinc pauca proferamus specimen, pag. 52 seq. statuitur, duos illos viros, qui post adscensionem Christi apparuerunt discipulis, non fuisse angelos, sed *Mosem & Eliam*. Pag. 548 seq. verba *Jeremiæ XXXI, 22*: *Femina circumdabit virum*, explicantur de matre Christi, quæ infantem Jesum in itinere *Ægyptiaco* sollicite circumdederit, suoque gremio incluserit, eum ita subtrahens *Herodis* gladio. Pag. 661 seq. multa *Andree Caroloſtadii* scripta recensentur, observaturque, eum fuisse primum, qui publice rejiceret *Lutheri* sententiam de *Epistola Jacobi* e libris sacris & canonicis exterminanda. Pag. 699 seq. de *Marſilio ab Inghen* proferuntur plura memoratu digna. Sufficiant hæc pauca prorsus singularia ex Opere doctissimis reſerto animadversionibus. Illud tamen adjicere liceat, legendum nobis videri in *Epistolis Teteleſhii*, hic primum editis, pag. 265 lin. 20 *conclavis pro hominum*; pag. 269 lin. 2 & 13 *hujusmodi*; lin. 23 *vereturque ab optimis omnibus*, pag. 515 lin. 26 *Hallam*.



NOVA ACTA ERUDITORUM,

publicata Lipsiæ

Calendis Martii Anno MDCCXLI.

Pars II.

THURINGIA SACRA, SIVE HISTORIA
*Monasteriorum, quæ olim in Thuringia floruerunt,
in qua eorum fundatio, historia Abbatum, fata, an-
tiquitates, mutatio & interitus, & res notabiles, ha-
ctenus ignotæ, ex Codicibus MStis, membranis
authenticis, diplomatibus, monumentis, lapidibus,
sigillis, & numis, historico & chronologico ordine ex-
hibentur. Accedunt SAMUELIS REYHERI
Monumenta Landgraviorum Thuringiæ, & Marchio-
num Misniæ, aucta & emendata, innumerisque
Figuris æneis & Sigillis adornata.*

Frankofurti ad Mœnum, ex officina Weidmanniana, 1737, fol.

Alph. II plag. 17, cum Tabb. æn. 70.

Egregie de re medii ævi literaria, & historia patriæ, meritis,
fuit Vir ille laboris patientissimus, & auctoritate eximius,
qui hanc nobis Collectionem suppeditavit, & in publi-
câ lucem emisit. Fabulæ enim haud curatius ex Historiæ
Germanicæ latifundiis eliminantur & expurgantur, quam verita-
te, ex fontibus justis hausta, in locum earum surrogata & adscita.
Ita fabulam de *Joanna Papissa* vidimus tandem aliquando solide
profligatam, & stabulum Augiæ, quod Historiam medii ævi pene
occupaverat quæqua versus, purgatum esse, purgarique in dies,

T

latamur

letamur jure nostro meritoque. Archiva seu tabularia Monasteriorum hodie consulantur, & expenduntur. Ex eis Diplomata plena purgantur manu & disseminantur. In Cleri enim & monachorum pectoribus omnis olim bonarum artium doctrina latebat. Viri cœnobitæ & sacris addicti erant a secretis & libellis Principum. Consensu Episcoporum leges quondam colligebantur & roborabantur. Quare monasteria sunt perscrutanda, ut Diplomata in lucem possint erui. Prælucente Monasteriorum historia, multa dubia, quæ ingenia Doctorum Juris Publici mirifice exercent, felicissime solvuntur. Chronologia, Geographia, & Historia, tum ecclesiastica, tum civilis, ex Monasteriorum historiis diplomaticis solidatur & confirmatur. Debito itaque plausu Historiæ ejusmodi excipiuntur. *Prima* hujus Operis *Sectio* natales & originem debet industrie & ingenio Viri præstantissimi, *Henrici Friderici Ottonis*, Ill. Comitum Hohenloicorum Consiliario, cujus exstat *Epistola*, qua *Acta Ottonis XVI*, Episcopi Halberstadiensis, illustravit, Misenz A. 1722 edita. *Secunda Sectio* maximam partem debetur *Joanni Martino Schamelio*, Numburgi florentissimo decori. *Sectio* *prima* summam ita dabimus, ut ordinem editionis servemus. Comparent autem in ea: 1) monumenta Monasterii Gerbstadiensis, Ordinis S. Benedicti, diœceseos Halberstadiensis, in Comitatu Mansfeldensium positi, nunc destructi; 2) monumenta Monasterii S. Michaelis Archangeli Ordorffensis, Ordinis S. Benedicti, Moguntinæ diœceseos, sed jam pridem devastati; 3) monumenta Cœnobii Reinhardsbornensis, Ordinis S. Benedicti, diœceseos Moguntinæ, jam pridem desolati; 4) Excerpta Diplomatum Reinhardsbornensium chartarii primi; 5) Excerpta Diplomatum Reinhardsbornensium chartarii secundi; 6) Excerpta Diplomatum Reinhardsbornensium chartarii tertii; 7) *Wilhelmi Liffemanni* Registrum Reynersbornense, ex MSto primum editum; 8) Exordium Cœnobii Altenbergensis, & historia vitæ B. *Gertrudis* Altenbergensis; 9) monumenta Monasterii Kaltenbornensis, Ordinis S. Augustini, diœceseos Halberstadiensis, pridem diruti; monumenta Monasterii Heusdorffensis, Ordinis S. Benedicti, diœceseos Moguntinæ, prope Apoldam olim sita, nunc destructi; 11) Ex-

cerpta

cerpta Diplomatum Heusdorffensium; 12) monumenta Monasterii Wimmelburgensis, Ordinis S. Benedicti, dioeceseos Halberstadtensis, in Comitatu Mansfeldensi positi, nunc devastati; 13) monumenta Monasterii vallis S. Georgii, Ordinis Cisterciensis, dioeceseos Moguntinæ, pariter everfi; 14) Excerpta Diplomatum ex chartario Monasterii vallis S. Georgii; 15) monumenta Monasterii Frauenseensis, diu jam destructi; 16) monumenta Monasterii Colledensis, Ordinis Cisterciensis, dioeceseos Moguntinæ, in oppido quondam Colleda conditi, nunc desolati; 17) monumenta Monasterii Ilmenis monialium, Ordinis Cisterciensis, dioeceseos Moguntinæ, in Comitatu Thuringiæ Schwarzburgico quondam siti, hodie plane devastati; 18) monumenta Monasterii Marckfusserani, Ordinis Cisterciensis, Moguntinæ dioeceseos, in Comitatu Schwarzburgico positi, hodie desolati; 19) monumenta domus, seu Præposituræ, Uttebacensis; 20) monumenta Monasterii ad Heidam positi, Ordinis Cisterciensis, Moguntinæ dioeceseos, hodie penitus everfi. Morte tamen præventus Otto, conatibus ad finem producendis fuit impar; quæ elaboraverat, ne minima quidem facta immutatione, hic in publicum prodeunt. Superfunt Cœnobîa plura, quorum idem historias statuerat tradere. Sed, cum ea affecta reliquerit, Editor operam dabit, si quando hæc eruditis probari intellexerit, ut ea penitus absoluta & elaborata proximo, seu *secundo*, Tomo juris fiant publici. *Series secunda* complectitur labores *Schamelianos*, antea Teutonice conscriptos, nunc Latine redditos, magno olim judicio concinnatos. Nominatim hic exhibentur historiæ Monasteriorum 1) *Gottesceccensis*, seu *Gosecensis*; 2) *S. Mauricii, ad Numburgum*; 3) *Bosaviensis* prope Cizam, cujus descriptio prima, eaque minus accurata, accepta referenda est *Joanni Georgio Leuckfeldio*; 4) *S. Georgii*, itidem *ad Numburgum* positi; 5) *Salfeldensis*, cujus monumenta maximam partem *Schamelius* debet *Sitv. Liebigii Salfeldographiæ* mistæ, sed quibus multa tamen de suo addidit; 6) *Oldislebensis*, quam *Caspar Sagittarius* jam quondam adornavit, & MStam reliquit, a quo ea ad Ven. Abbatem Mariathalensem, *Joannem Andream Schmidium*, translata, eoque defuncto ad generum, *Polycarpum Leyserum*, ac, hoc ipso de-

nato, per auctionem ad varios. *Schameli* usus est Diplomati-
bus Oldislebenfibus, quæ ab eodem *Leyfero* accepta *Jo. Bur-*
chardus Menckenius Tomo I Scriptorum rerum Saxonicarum
edidit; 7) *Sittichenbacensis*; 8) *Roslebenfis*; 9) *Memlebenfis*;
10) *Burgelenfis*, cujus historiæ Autor fuit nobilis *J. B. de Glei-*
chenstein, Consiliarius Vinariensis, & summus provinciarum
præfectus, qui eam vernaculo sermone conscripsit; 11) *Porten-*
sis, tum ex *Pertuchii* Chronico, tum ex *Schameli* descriptione,
decerpta. Ultimò loco addita fuerunt *Samuelis Reyberi*, Pro-
fessoris quondam Kiloniensis, monumenta Landgraviorum
Thuringiæ, & Misniæ Marchionum, cum historico-genealogica
descriptione, olim edita, hic repõsita pag. 922--956. Miramur,
Fag. 923 *Reyberum* a Patriarchis ordiri, ac fabulosos Germanorum Reges
seq. *Reyberianam* descriptionem, quippe quæ passim erroribus
squalet, sed eam a B. *Menckenio*, *Ottone*, supra laudato, mul-
tisque aliis, probe emendatam. Imagines deinde fuerunt ad-
jectæ, æri incisæ, quas Editori Serenissimus Dux Saxo-Gotha-
nus, *Fridericus II*, piissimæ memoriæ, quam clementissime largitus
fuit. Reliqua vero Monumenta, quæ in illa *Reyberi* editione
adhuc desiderabantur, impendio multorum sumtuum Editor ex
sepulchris Serenissimæ domus Saxonæ Electoralis comparata
edidit. Præterea domiciliorum, præfecturarum, monasteriorum,
altariumque, imagines hinc inde sunt insertæ vel inferen-
dæ, quibus facies locorum præfens fuit delineata. Sunt
& ex *Habnii Tomo I Monumentorum ineditorum* Sigilla non-
nulla, ad *Reinhardsbornensis* Cœnobii res pertinentia, huc
cômmodè, & scopo sic exigente, translata. Addidit Edi-
tor 1) Sigillum *Caroli M.* ex fano *S. Dionysii a Mezerajo* deli-
neatum; 2) figuram mythologicam, quæ *Neptunum* videtur
referre; 3) Sigillum *Caroli M.*, *Osnabrugensi* privilegio affi-
xum, quod tamen ob *Jo. Ge. Eccardi* argumenta merito habemus
pro ficto; 4) effigies *Ludovici II*, Comitæ Thuringorum, A.
1123 defuncti, qualis in monumento ejus sepulchrali conspici-
tur; 5) monumentum sepulchrale *Adelheide*, A. 1125, 1 Dec.
defunctæ, *Ludovico* illi olim nuptæ; 6) effigies *Udonis*, Episcopi
Hil-

Hildeshemenfis, sed quæ ad ætatem ejus ac formam Sigilli, quod adhibuit *Udo*, plane non quadrat; 7) monumentum sepulchrale *Ludovici*, Thuringorum Landgravii primi; 8) cippus *Ludovici II*, Landgravii; 9) cippus sororis *Friderici*, Imperatoris; 10) cippus *Ludovici*, tertii Thuringorum Landgravii; 11) cippus *Hermann*i, sexti Landgravii; 12) cippus *Ludovici*, *Elisabethæ* sanctæ mariti; 13) effigies *S. Elisabethæ*, totum corpus exprimens; 14) urnus, *Elisabethæ* imaginem cubitalem in antica referens; 15) & 16) ornamenta, duobus monumentis sepulchralibus imposita; 17) cippus Beatæ *Gertrudis*, ex *S. Elisabethæ* natæ; 18) cippus *Sophiæ*; 19) monumentum *Wittekindi M.* sepulchrale, quod a fabuloso Autore diu post *Wittekindi* obitum fuit excogitatum & effectum; 20) monumentum *Wittekindi* ejusdem, in vico *Engern* conspicuum; 21) cippus *Ekbarti*, Marchionis, quem ad recentioris ætatem pariter referimus; 22) cippus *Conradi*, Misniæ Marchionis, defuncti A. 1156, sat recens; 23) cippus *Lucardis*, quæ *Conradi* uxor exstiterat; 24) cippus *Mechtildis*, quæ *Conradi* soror fuit, æque recens; 25) cippus *Diterici*, Marchionis Lusatiæ, A. 1184 mortui, quem perigraphæ ætatis recentioris coercent; 26) cippus *Conradi*, ex *Diterico* illo nati; 27) *Friderici*, Comitis Brenensis, ex *Conrado*, A. 1156 defuncto, nati; 28) *Henrici* senioris, Comitis Wettinensis; 29) *Henrici* junioris, Comitis Wettinensis; 30) *Ulrici*, Comitis Wettinensis; 31) *Henrici*, ex *Ulrico* geniti; 32) monumentum *Henrici Illustris*, cui deest perigraphæ; 33) *Henrici Illustris* sarcophagus lapideus; 34) *Ottonis Divitis*, Marchionis Misniæ, monumentum; 35) *Hedwigis*, quæ *Ottonis* fuerat uxor, monumentum; 36) *Alberti Superbi* monumentum; 37) *Friderici Afflicti* monumentum; 38) cippus *Friderici*, Marchionis & Landgravii, mortui A. 1320; 39) cippus *Elisabethæ*, quam ipse reliquerat viduam; 40) *Dicemanni*, *Wilhelmi*, Marchionis Misnensis, m. A. 1405; 41) *Elisabethæ*, uxoris illius *Wilhelmi*, defunctæ A. 1400; 42) *Friderici Bellicos*i, cum uxore; 43) *Wilhelmi*, Marchionis Misnensis; 44) ejusdemque inscriptio alia ex loco inhumationis desumpta; 45) cippus *Georgii*, Marchionis Misniæ; 46) *Ernesti*, Electoris; 47) *Alberti Animosi*; 48) *Friderici*

derici Bellicosi; 49) *Sigismundi*, Episcopi Wirceburgensis, nati ex Ducibus Saxoniae Electoribus; 50) *Wilhelmi*, m. 1485; 51) *Margarethæ*, Austriacæ, Saxonico Principi nuptæ, m. 1486; 52) *Amuleja*, natæ ex Principibus Saxoniae, viduæ *Ludovici*, Ducis Bavarorum, defunctæ A. 1502; 53) cippus *Hedewigis*, filiae Ducis *Friderici*, m. 1519, 3 Junii; 54) monumentum sepulchrale *Alberti*, Ducis Saxoniae, primi Frisiae gubernatoris, unum, 55) ac alterum, 56) immo tertium; 57) cippus *Idena*, m. 1510; 58) *Friderici*, Magistri Ordinis Equitum Teutonicorum, m. 1507; 59) *Georgii*, Marchionis, m. 1539; 60) *Barbara*, Electori nuptæ, ex Polonia prognatæ, m. 1534; 61) *Friderici*, Electoris, m. 1464; 62) *Joannis*, Saxoniae Ducis, m. 1537; 63) *Friderici*, Ducis, m. 1539; 64) *Ernesti*, Ducis, m. 1486, 26 Aug.; 65) *Elisabethæ*, m. 1484, natæ ex Bavaria; 66) *Alberti*, Administratoris Moguntini; 67) *Margarethæ*, natæ ex Duce Saxonico, *Ernesto*, m. 1528, 7 Dec. nuptæ *Henrico* juniore, Brunsvico-Luneburgensi; 68) monumentum sepulchrale, *Ottoni III*, Imperatori, a *Friderico III*, Duce Saxoniae, A. 1513 erecti; 69) cippus *Joannis Constantis*, Electoris, ac *Friderici Sapientis*; 70) cippus *Sophiæ*, Meclenburgicæ, m. 1503, geminus; 71) cippus *Margarethæ*, Anhaltinæ, m. 1521, nuptæ *Joanni Ernesto*; 72) cippus *Joannis Friderici*, Electoris, ac *Sibyllæ*, conjugis; 73) cippus sepulchralis *Friderici II*, mortui Stiriae in exilio A. 1595, 9 Maji; 74) & *Elisabethæ*, conjugis; 75) monumentum sepulchrale *Joannis Ernesti*, ex *Ernesto* nati, m. 1657; nec non 76) *Sophiæ* & *Joannæ*, virginum illustrissimarum, natarum ex *Ernesto* & *Elisabethæ Sophia*; item 77) *Joannis Philippi*, *Joannæ Elisabethæ*, *Joannis Philippi*, & *Sophiæ Elisabethæ*, liberorum *Ernesti* ac *Elisabethæ Sophia*. Sequitur 78) cippus *Henrici*, Ducis, m. 1546, 18 Aug.; 79) *Catharinæ*, *Henrico* nuptæ, m. 1561, 6 Jun.; 80) *Sidonie*, ex *Henrico* natæ, m. 1575, 4 Jan. Excipit eos 81) monumentum *Mauritii*, Electoris; 82) *Augusti*, Electoris, m. 1614, 26 Dec.; 83) eique nuptæ *Annæ*, m. 1585, 10 Octobr.; 84) ac *Christiani*, Electoris, m. 1561, 25 Septembr.; 85) nec non *Christiani II*, Electoris. Succedit 86) monumentum æcum *Joannis Georgii I*, Electoris; 87) & uxoris, *Sibyllæ Elisabethæ*,

bethe, m. 1696, 20 Jan. Nostrium est, pauca notare ex Opere Pag. 3.
 ipso memorabiliora. Beatus *Otto* ignoravit patrem *Ricdagi*,
 Misniæ Marchionis. At hic fuit probabilissime *Esico*. Confer
Gundlingiana P. XXXIV, & *Frid. Wideburgii Origines & An-*
tiquitates Margraviatus Misnici pag. 31 seq. Qui *Brunonem Ric-*
dagi patrem existisse credunt cum *Ottone* nostro ac *Albino*, a 4.
testimoniis veterum ac omni probabilitate destituuntur. Jo-
achimus Maderus pag. 606 dicendus haud erat Professor Helm-
 stadiensis, sed Rector Lycei Scheningæ, quæ uno milliari distat
 ab Helmstadio. Ludos equestres A. 968 Merseburgi habitos,
Ottoni approbatos, merito pro fide habemus. De reliquo
 Diplomata, & reliqua memoratu digna, quotquot inveniri po-
 tuerunt, *Otto* diligentissime collegit, nihilque eorum omisit, quæ
 ad Historiam solidè scribendam exigi solent. Commemorat ipse 17.
 suam *Commentationem de antiquissimo Ordorfii, oppidi Thuringiæ,*
statu. In eo vero halucinatur, quod sibi persuadet, *Wigmannum,*
Cunegunde maritum, autorem Cœnobii Kaltenbornensis, fuisse
 e Comitum Northeimensium sanguine procreatum. Tribuit 302.
 enim *Wigmanno* patrem *Geronem*, Comitem Bavarix, matrem-
 que *Mathildem*, *Thimonis*, Comititis, filiam. At hic *Wigmannus*
 existit Episcopus Citicensis, ac postea Archiepiscopus Magde-
 burgensis. De *Ludovicis I & II*, Comitibus Thuringiæ, me-
 morantur ea, quæ lectorem possunt retinere, inprimis cum ido-
 neis ei persuadeat argumentis, *Ludovici* Saltatoris captivitatem
 & saltum Gibichensteinensem ad aniles referri fabulas debere.
 Artem ac peritiam diplomaticam passim ostendit. Loca, quæ 55.
 in Diplomatis commemorantur, ex Geographia egregie illu-
 strat & determinat. Singulas propositiones, quas pro certis
 verisque reputat, aptis comprobat testimoniis, reliquas pro in-
 certis vel falsis habet, causas tamen asserens luculentas, si quid
 ei videatur fide & assensu indignum. Per incuriam omissum est
Sigillum Alberti, Marchionis Misniæ, ac Landgravii Thuringo-
 rum, pag. 122. Comites Landgraviosque Thuringiæ in tabulam
 redactos habes ad pag. 114. Mirum est, B. *Nicolai Hieronymi*
Gundlingii cogitata hic non fuisse ad *Ludovici I* parentes no-
 scendos allata, quæ exstant in ejus *Sammlung kleiner Teutscher*
Schriften

Schriften und Anmerkungen pag. 361 seq. Adelberto II, Archiepiscopo Moguntino, fuisse fratres Ditericum & Ekkebartum, Comites, ignoravit Cl. Joannis, quod ex Adelberti II Diplomate Pag. 327. ad A. 1140 discimus. Ex charta Alberti Ursi patescit, fratres ei existisse Hermannum & Adelbertum ad A. 1156, quos Ge-
330. nalogistæ plerumque in ejus filios converterunt. De Comitibus Kefernburgicis afferuntur haud tralatitia pag. 466 seq. & 507. Passim fit mentio antiquorum jurium ac familiarum illustrium; quam inde petere notitiam, jucundum erit Lectori. Tacemus usus alios, quibus suppeditandis hoc Opus est aptum & accom-
modatum.

Diplomatische Historie des Bisthums Hildesheim, 1c.
hoc est,

HISTORIA DIPLOMATICA EPISCOPATUS
*Hildesensis, in qua status civilis, militaris, & eccle-
siasticus, tam liberæ Imperialis Civitatis Hildesii, in
Saxonia inferiori sitæ, quam universi Episcopatus Hil-
desensis, copiose exponitur, simulque omnia bujus Ci-
vitatatis jura, prærogativæ, immunitates, consuetudines,
ratio civilis, &c. nec non, quæ ad eam pertinent, Ca-
pitula, Monasteria, Ædes sacræ, & Scholæ, præterea
etiam, quæ sub ipso Episcopatu comprehenduntur, terræ,
Comitatus, Urbes, Castella, Arces, Pagi, Cænobia pro-
vincialia, Ecclesie matres & filie, cum earum patro-
nis, Pastoribus, redditibus, &c. ex tabulariis publicis
succincte describuntur, opera JOACHIMI BARWAR-
DI LAUENSTEINII, Past. Sen. ad S. Michaelis
Ædem, quæ est Hildesie.*

Partes II.

Hildesie, in officina libraria Schrœderiana, 1740, 4.

Pars I Alph. 2 plag. 2, Pars II Alph. 2.

Autori Plur. Reverendo haud displicuit opera, Historiæ
patræ impendenda ab iis etiam, qui doctrinæ sacræ ope-
rantur

rantur cum aliis communicandæ. Historiam Episcoporum Hildeneshemensium jam ante aliquot annos in lucem emisit, nec non Historiam Ecclesiarum Hildeneshemensium, & reformationis sacræ, in illis terris olim susceptæ, diligentissime edidit elaboratam. Succedit jam liber tertius, spicilegium majus complectens, in quo quippe exposuit Autor de statu civili, militari, & ecclesiastico, tum urbis utriusque Hildeneshemii, tum Episcopatus ipsius. Recensuit in eo gnaviter jura & constitutiones civitatis, capitula, cœnobîa, ecclesias, & scholas. Edisseruit Comitatus extinctos, quorum tamen aliquos dimisit intactos, municipia, castella, sedes castrenses, ac villas. Præmonuit in indice, ex Diplomatis tabulariorum publicorum hæc esse desumpta. Quod quemadmodum haud plane veritati refragatur, ita id quoque certum est & perspicuum, ipsum plurima Diplomata vel sibi reservasse, vel, ut fieri plerumque solet, non obtinuisse. Cur vero magnam partem eorum ab hoc Opere voluerit disjunctam, rationem hanc affert, quod litibus ferendis ipse noluerit ansam suppeditare. Adhibuit, ut jura Hildesiæ, ejusque Constitutiones, recenseret, in usus suos *Beurmanni*, Hildesiatis, Senatorisque, *Commemorationem de urbe Hildesiæ*, eamque passim emendavit. *Partibus duabus* ipsum constat Opus. *Priori* prodidit statum Autor civilem & ecclesiasticum urbis Hildeneshemii, *Libris quatuor* enarratam; *posteriori* exponit eundem, Episcopatuî proprium. *Partis prioris Libro primo* disserit de origine & nomine Hildeneshemii, ejusque insignibus armatis, de situ ejus & fecunditate, ac indole incolarum, de fluvio Innerste & aquis Hildeneshematum, de divisione in oppidum vetus ac novum, & utriusque conjunctione, A. 1583 stabilita. *Libro secundo* commemorat jura & immunitates urbis patriæ, e. g. jus pangendi fœderis, præsidii proprii ac munitionis, excurrendi armata manu per terras alienæ jurisdictionis, jus indicendi ac colligendi tributa, ærarii constituendi, leges & statuta condendi ac promulgandi, comparendi in comitiis circuli Saxonie inferioris, eligendi & adsciscendi advocatum & protectorem, addita tutorum potentissimorum serie. Addit jus ac privilegium primæ instantiæ, de non evocando, de non arrestando, de non

P. I

pag. 35.

58.

60.

- comparando nisi in Judiciis Cæsaris ac Imperii, de non provocando ad tribunal externum vel aliud intra summam 50 florenorum, jus munimenti ac prohibendi castrî munitionem urbi damnosam, privilegium exemptionis a tributo Episcopis pendendo, cerevisiæ coquendæ, & per Episcopatus terram omnem transvehendæ. Subjungit jus cudendi numum, jus piscandi, venandi, ac occupandi, lignandi, compascuis utendi, vestigialium utriusque generis, gabellarum, nundinas celebrandi, liberi commeatu concedendi, ac per Episcopales terras exercendi, recipiendique Judæos. Liberi sunt ac immunes a vestigalibus, gabellis, tributo modiorum, tributis provincialibus anniverfariis & mensuris, nec non ab eundo militatum, per omnem Episcopatum cognominem. Omittimus Constitutiones, quas *III. Gothofredus Mascovius* attigit in *Notitia Juris & judiciorum Brunsvico-Luneburgensium pag. 394 seq.* Nec tamen alienum est ab instituto nostro, docere, maxima sedulitate & accuratione tractasse Autorem causam de magistratus oppidani electione, privilegiis, juribus, immunitatibus, ac consuetudinibus. Alibi nequicquam hæc exquiras. Munera enumerat diligentissime, quibus primarii oppidanorum præficiuntur, tum immutabilia, tum vaga, minusque fixa. Quin immo ad enumerationem reddituum & ædificiorum publicorum sese accingit. Producit album, quod continet nomina omnium Consulum patriæ, inde ab A. 1449 usque ad 1739 perducta. Nominatim deinde de Hildeneshemio novo exponit, de Judicio publico forensi, ibi constituto, de Judicio Præposituræ Hildeneshemensis, de Episcopalis regiminis forma, de Judicio aulico, Consistorio Episcopali ecclesiastico Augustanæ Confessionis, de Judicio officialis Pontificio, de Confessu causarum ecclesiasticarum oppidano, cui Syndicus nomine Senatus præsidet, de Ordinationibus judicialibus, &c. *Libro tertio* Musæ, quæ alias inter arma solent silere, transeunt ad commemorandum ac persequendum statum Hildeneshemii militarem. Affertur hic denuo catalogus Principum urbis protectorum ab A. 1440 ad 1728 *pag. 192 seq.* quem Autor jam attulerat *pag. 60 seq.* Fragilitatem memoriæ humanæ hinc apparere, quis dubitabit? Enumerantur præfeti milita-

militares oppidani, quibuscum nobis negotii est nihil. *Libro quarto* Autor progreditur ad delineandum oppidi sui ecclesiastici- Pag. 193.
cum statum. Recenset hic Pontificiorum indidem templa, ba-
silicam, Episcopos, quorum numerum adversus *Joannem Fride-* 203.
ricum Falkium cupit sartum rectumque conservare, Canonicos
cathedrales generatim, Præpositos, Decanos, Scholasticos, Can-
tores, Canonicos cathedrales speciatim, reliquias, Bibliothecam
cathedralem, Clerum minorem, Vicarios basilicæ, Capitulum
Collegiatum S. Crucis, S. Andreae, ubi *Sonnemannus* erat confe-
rendus, & S. Joannis. Enumerat porro Autor Cænobia Pontifi- 259.
ciorum, nempe S. Michaelis, S. Godehardi, Carthusianum, Ca-
pucinatorum, Jesuitarum, B. Mariæ Magdalenæ, & Annuntiatorum.
Hæc Cænobia sunt intra muros urbis Hildeneshemii visenda.
Referenda tamen huc etiam videntur templum Collegiatum
S. Mauritii in monte specioso, Cænobium Canonicis regularibus 295.
S. Augustini dicatum in Sultia prope portam urbis orientalem,
ædiculam cathedralem S. Cæciliæ, S. Nicolai in Bruilone, S. Anto-
nii, & S. Ursulæ. Nec omittit idem dicere de orphanotropheis
& xenodochiis patriæ suæ. Desceſcit inde ad exponendum de 313.
scholis Pontificiis, Hildeneshemii florentibus, quarum prin-
cipatum tenet Gymnasium Jesuiticum Mariano-Josephinum. De-
nuo quoque commemorat de templis Evangelicorum, intra Hil- 317.
deneshemium sese offerentibus. Recenset nomina Superinten-
dentum nuda & vacua omnibus ornamentis. Templo S. Andreae
primario Michaelitanum subneſcit, cui ipse operam navat do-
cendo. Ut L. *Justum Martinum Glasenerum* propius noscen-
dum commendat, Lectorem remittit ad *Joannis Letzneri Chroni-* 319.
con Hildesiense, viri centum annis ante *Glasenerum* viventis.
Fabſi, Pastoris ad S. Andreae, ne quidem prænomen adjunxit,
præter consuetudinem omnem. Videtur hic languis latuisse in
herba. Non est nostrum, cum Autore Evangelicorum perre-
pere xenodochia oppidana, siquidem ea in domum desinunt le-
proforum. De scholis Evangelicorum concise agit, & inania
Rectorum ludique moderatorum nomina loco dapatiliū ap- 332.
ponit. Bibliothecam S. Andream haud involvit silentio. *Pars*
nunc posterior nostram provocat attentionem. Præmittitur ei

- P. II
pag. 5. promulsis de antiquissimæ medixque ætatis statu per terras Episcopatus Hildeshemensis. Notabimus hic singularia Autoris pronuntiata. Septem filios *Japheti* jam terras Europæ anno mundi 1790 habitasse prædicat. Requirimus in hoc ipso testes. Fingi possunt migrationes gentium, *Noacho* succedentium ante *Abrahami* ætatem, demonstrari & exquiri recusant. *Tuiffonem* Germanorum credit autorem, a *Tacito* adductus, quem Germani olim prædicarunt, ut Franci quondam Francum, Sueci Suecum, Dani Danum, Britanni Brutum, &c. *Mannum* Germani norunt. At, hunc in Germaniam venisse, haud addidere. Carminibus celebrarunt *Arimiannum*, heroem antiquum, qui ejusmodi fuit tyrannus, ut ipse pro symbolo principii mali in Philolophia orientali sit existimatus. Ut, *Teutonem* seu *Tuiffonem* quarto *Nini* anno in Germaniam venisse, comprobet Autor, Lectorem remittit ad *Berosi* Librum primum Historiæ Chaldaeorum. Addimus nihil. Lectori enim subolet, quantum studium vetustissimæ historiæ impenderit Pl. Rev. Autor, qui primus pagum *Guddingon* detexit. Non miramur, Autorem esse tam expeditum & promptum in limitibus regni *Tuiffonis* definiendis. *Berosus* enim Autor est. *Manni* tres filios, *Ingævonem*, *Hermionem*, & *Istævonem*, esse spurios fictosque; dudum Critici monuere. *Tacitus* ea retulit, quæ per transennam audiverat. Cheruscorum primas sedes ad Albim existitisse, liceat dubitare. *Suevos* esse Hermunduros apud *Cæsarem Lib. VI*, indiget majori demonstratione. Quam vellemus, Autor *Speneri* consuluisse *Germaniam antiquam*! *Melibocus* & *Bloksberg* nostro judicio satis differunt, licet
6. Autor confuderit utrumque. Thuringos unquam ad Hildeshemium incoluisse, inficiabimur strenue, donec Autor id nobis persuaferit solidioribus argumentis. Ut Autor ostendat, Saxonas jam A. 429 ad Visurgim & Albim in terris, quas vocamus, Luneburgicis confedisse, suosque elegisse Comites, Lectorem remittit ad *Chronicon Saxonicum* apud *Leibnitium ad A. 429*. Suboluit nobis illico, indicari Chronographum Saxonem, quem *Leibnitius* A. 1700 Hannoveræ publici fecit juris. Arripimus itaque hunc, & dolentes animadvertimus, eum annum illic abesse, nec spem restare ferendi suppetias Autori.
- Anga-

Angariam Westfalís annumeratam fuisse, error est, inde enatus, Pag. 12.
 quod Saxonas Angarios Autor a Westvalis ac Ostvalis haud distin-
 gxit suo loco, eosque demum pag. 13, sui plane immemor,
 adduxit. Duces Saxonum, qui erant ortu nobiles, munere du-
 ces bellici, vocat *Prinzen*, *Princes*, *Principes*, pro índole signifi- 13.
 catus ævi nostri. Quid *Caroli Magni* progenitores in Saxonas
 refranandos moliti fuerint, dicere omittit, Hildesíensi Episco-
 patui quamvis accommodatior fuisset hæc tractatio, quam
 enumeratio rerum a *Tuiscone* gestarum. Singulare est,
 Saxonas promississe id inprimis, sese in *imperio Romano-* 14.
Germanico Carolo Magno principatum & primas attributuros.
 Saxonas, regnante *Henrico*, *Lupolfi* nepote, pristinam recuperasse
 libertatem, qua ante *Carolum Magnum* fuerint gavisi, existimat 15.
 Autor, nec præterea facile quisquam. *Bennopolin*, id est, Hil-
 deneshemium, & *Benneburgum*, id est, castellum inter montem 16.
 Creila & muros Hildeneshemii occidentales, ex parte bo-
 reales, confundit. Dum enim *Berwardus* sese vocavit *inthro-*
nizatam Bennopolitanæ Ecclesiæ, designatum ivit Ecclesiam Hil-
 deneshemensem. *Luteam villam* esse villam Gledingen, credi-
 bile non est. *Lemendorp*, nunc *Lehdorp*, prope Brunsvicum 17.
 sita villa, hic in censum venit. *Biscesproth* est *Rode* supra Det-
 furtum. Villam enim hanc quondam Episcopus eruendam cu-
 ravit. Autor per *Biscesprotham* designari credidit *Bisperode*,
 villam præfecturæ Principatus *Wolferbuttelaui*, quam appellant
Wickensên. *Drotte* villam Autor credit dici *Rethem*. Docuit
 autem Cel. *Christianus Ulricus Grupius* in *Originibus Hannovera-*
nis, villam *Trotte* esse everfam & diu desolatam, ejusque reliquias
 superesse in variis locis prope *Koldingam*. *Ommergau* tractum
 Autor distinguit ab *Ambergau*, ficto *Henrici II* Diplomate indu-
 ctus. Pagum *Ambergau* dictam fuisse *Hasalam*, seu *Hassalam*,
 haud admittendum. Res innititur hæc Diplomati *Ortonis III*,
 A. 1001 dato, in quo tamen legitur *Astfalu*. At hoc Diploma
 est suppositum, in *Brugthem*, ut daretur, constitutione imper-
 titum, cum Cæsar esset Romæ. *Pateleche* nunc dici *Bilderlah*,
 haud secus improbabile. *Pateleche* fuit *Bedel*, *Pedel*, *Bedilaba*,
 ad Orientem Sessæ oppidi, villa dudum desolata. Amnis Schlit-

- tau Sefam haud perfluit, quod Autori persuasum, sed Schildau. Pagus *Empnegau* ut fuerit partu novo exclusus, in causa est effusum illud Diploma, quod edidit Cel. *Harenbergius* in *Hist. Gandersh.* pag. 672. Mallemus, ut Autor hic ab affectando *Haren-*
- Pag. 21. *bergio* abstinuisset. Pagus *Eriggau* eidem debetur officina, cusus ex villa *Ericheshulën*, sicuti *Erimergawi* ex *Rimerode* fuit prognatus. Villulae hae in praedia abierunt, prope *Gandershemium* sita, qua *Northemium* itur. Huc spectant quoque larvæ pagorum *Grenigau* & *Frithenigau*. Pagum *Guddingau* Autor suo loco posuit, in eo tamen humani quid passus, quod villam *Swalenhufen* putat destructam, & olim juxta *Gronau* sitam. *Swalenhufen* enim haud differt a *Hemmendorpe*, *Salinis*
23. claro. Diplomata *Amelungesbornensia*, ne hic dubitemus, efficiunt. Nec possumus, quin Autori significemus, *Marcus*, quos a *Gandershemia*, *Lahtnadorpo*, *Lutherio*, & *Rudiera*, fuisse denominatos constat, propiori dignos esse consideratione, simul ac ipsa Diplomata, quibus illi innituntur, fuerint in tuto collocata. Sed hanc *Criticorum* rugis demandamus. Pergimus potius, Autorem comitaturi, qui situm *Episcopatus Hildeneshemensis*, originem inprimis, fecunditatem, flumina, divisionemque exponit.
40. Hinc pertractat *Comites Winceburgi*, *Peina*, *Dassela*, *Woldenborgæ*, & *Schlademii*; omittit vero *Comites Ohlsburgenses*, *Woldensteinenses*, *Benneburgi*, *Himstedenses*, *Bodenburgenses*, *Limmerburgenses*, &c. Illa de Comitibus expositio propemodum integra e fabulis *Joannis Lezneri* denuo prodiiit recocta. Si Diplomata & Scriptores coevos adhibueris, ac reliqua refeceris, pollicem nobis ita judicantibus premes, quisquis fidem sollicitas nostram. Et hanc ob causam obsecramus universos, qui *Historiæ mediæ ævi* elucubrandæ cuidam sese accingunt, ut
- 1) fontes suos ubique indicent,
 - 2) Diplomatum fidem explorent,
 - 3) certe ad ea sub conditione, si sint genuina, provocent,
 - 4) Chronica progenitorum nostrorum, nisi coeva aut ex coævis fideliter hausta sint, rejiciant in loculos Bibliothecarum,
 - 5) haud exscribant & compilent fide bona viros alios, licet historiarum satis peritos,
 - 6) & *Pyrhonomum* alant historicum, antequam propositionem quandam asserant, vel negent,
 - 7) licet paucissi-

ma sint, quæ literis produnt. Non enim quaeritur, quam multa, sed quam bene, scripserint Autores. Non lubet diffiteri, operam Autoris esse magni æstimandam in colligendis oppidis, castellis, sedibus generosissimarum familiarum, villis earundem, villis præfecturarum, in juris patronatus ecclesiarum, accuratissime delineati, rebus, in actis belli, ab A. 1519 a Ducibus Brunsvico-Luneburgicis gesti contra Episcopum *Joannem V*, cujus vitam tenemus manuscriptam, fideliterque elaboratam. Defunt tamen in actis hisce multæ chartæ publicæ. Exponit deinceps de Fœderatis Smalcaldicis, & eorum rebus in Episcopatu gesti. Potuisset Autor de *Agendis Ecclesiasticis Adolphi*, Comitis Holstætorum, nonnihil intextere, quæ videtur haud vidisse. Non minus ipsum præterit Ordinatio ecclesiastica Smalcaldicorum Fœderatorum, A. 1542 edita Vitebergæ. Acta *Joannis Bissendorffii*, supplicio publico obruncati, copiose & pulchre dedit descripta. Rarum hoc alias est ferculum. Subtexuntur fata Episcopatus, sub *Friderico Ulrico* & *Georgio*, Ducibus, in utramque partem spectata. Delineatur deinde facies rei ecclesiasticæ, per Episcopatum conformatæ ad compacta nova, A. 1643 inita, & deinde variis insultibus immutata. Querelæ, ab Evangelicis motæ, haud omittuntur, quæ in hunc usque continuantur diem. Pontificiis hæc expositio solidior non potuit non minus probari, quippe qui transactionem, A. 1711 stabilitam, vix ferunt. Excipiunt status ecclesiastici descriptionem Cœnobio, extra Hildeneshemium in provinciis sita, quinque scilicet Monachorum, & quatuor virginum Deo devotarum, nempe *Lammespringense*, *Ringelbeimense*, *Derenburgense*, *Georgiibergense*, & *Reißenbergense*, nec non *Heiningense*, *Dorfladense*, *Woltingerodanum*, *Escherdense*. Adjungitur series Ecclesiarum Pontificiarum. Quas excipit enumeratio Ecclesiarum Evangelicarum & Ecclesiastiarum, qui eis inde ab ætate Reformationis præfuerunt, nec non scholarum, passim obviarum. Hæc est libri summa, quo ægre carebunt viri honoratiores Episcopatus Hildeneshemensis & regionum circumvicinarum. Stilus ubique est planus, dilucidus, fuci oratorii ac inæqualitatis experts. Distributio partium sollicitè fuit inventa, effectuique data. Pleraque radiant fulgent-

Pag. 100
seq.

129.

159 seq.

191.

240.

267.

fulgentque sua luce. Expositio Comitum, veteris status diocesis, pagorum veterum, originis Alfeldani oppidi, & similium momentorum, ita est comparata, ut ei defuerit lima, siquidem *Joannem Leznerum* nimis hic Autor fuit affectatus, & re diplomatica destitutus. Dabimus seriem eorum, quæ sunt retractanda & emendanda, præter ea, quæ jam meminimus nos monere. En seriem: 1) Bennopolis fuit Benneburgum pag. 2, 3; 2) *Benn* Frisius est conditor Hildeneshemii pag. 1; 3) Hildeneshemium traxit nomen ex silva *Hils* pag. 7; 4) nova civitas Hildeneshemensis fuit A. 1090 exstructa; 5) *Walbertus*, qui fuit tantum *Wichberti* vicarius, *Wichbertum* excepit pag. 205; 6) *Walbertus* fuit ortus ex familia Albatorum pag. 207; 7) Canonici e Seculo XII modo tres possunt enumerari Cathedrales pag. 228; 8) Seculi XIII enumerare tantum licet Cathedrales 30 pag. 229; 9) Diploma *Henrici II*, A. 1013 datum, est genuinum pag. 247; 10) *Tangmarus* prodidit, primordia Ecclesiæ S. Crucis A. 1009 fuisse capta, pag. 251. Dedicatio certe incidit in annum 996, teste eodem *Tangmaro*. 11) *Hundisdure* legitur in Diplomate *Berwardi* pag. 263, ubi *Himdesdore*, nunc *Himmelsthür*, est rescribendum; 12) *Henrici II* Diploma, pag. 267 seq. allatum, nunquam antea fuit editum; 13) *Carolus Magnus* oppidum Benneburg nominavit *Hilsheim* pag. 16 P. II. Diplomata antiqua præferunt nunquam non *Hildeneshem*; 14) *Carolus M.* vicit *Witekindum* bello tricennali pag. 28; 15) ipse obiit, cum imperasset Saxonibus 14 annos, pag. 19; 16) 24 *Edelingi*, olim 12, dominati fuerunt Saxonibus universis pag. 37; 17) Comites Winceburgicos existisse jam *Pipini & Caroli M.* ætate, credit pag. 40 seq. 18) *Alfritidus*, Episcopus, A. 872 confirmavit Cœnobium Lammespringense pag. 41. Diploma id est supposititium. 19) *Bardo*, Comes Winceburgicus, fundavit Alfeldam pag. 66. Comes ille est *Lezneri* commentum. 20) Alfelda paruit Winceburgicis Comitibus 400 annos pag. 68; 21) *Rudolphus*, Comes Peinenlis, ab *Henrico Leone* fuit devictus pag. 70; 22) *Ricdagus*, fundator Cœnobii Lammespringensis, fuit Comes Winceburgicus pag. 81. Omittimus reliqua, Autorem Pl. Rev. obsecrantes, ut hæc fronte excipiat serena. Si enim præ-

præstantissimæ virgines pulchritudinis laudem non amittunt, si qui leviores in genis ipsarum navi apparent, multo minus labes una & altera pretium Operi optimi Autoris subducat.

J. C. HARENBERGII PARERGON DE Pagis antiquis Diœceseos Episcopalis Hildeneshemensis, ad supplenda & emendanda ea, quæ in Chronico Gottwicensi, ac JOACHIMI BERWARDI LAU-ENSTEINII Historia diplomatica Episcopatus Hildensis in Prolegomenis ad P. II pag. 15 - 25, leguntur.

I. Diœcesis sacra & ecclesiastica, cui Episcopus Hildeneshemensis, imperante *Ludovico Pio*, præesse cœpit, complexa est Ostfaliam pagum, atque præterea pagos nonnullos minores, ac aliquot minorum majorumque partes. Diœcesin hanc distinguo a complexu terrarum, quas Episcopus Hildeneshemensis inde a *Caroli IV* ætate, qua est *Princeps Imperii*, tenet atque moderatur, & quibus solemus imponere nomen Episcopatus Hildeneshemensis. Diœcesis enim illa, ad tempus Reformationis ecclesiasticæ continuata, hinc inde latius patuit, quam Episcopales terræ; & rursus Episcopales terræ jam exstiterunt Seculo XIII, ac sequenti ætate, extra diœcesin illam Episcopalem. Parochialis cura seu diœcesis Episcopi certe non patuit usque ad Comitatum Dasselensem. Quanta autem fuerit ubique diœcesis, haud facile est determinatu, si ad originem & fundationem Ecclesiæ Hildeneshemensis existimemus respiciendum. Episcopo enim Hildeneshemensi nulla initio data fuit diœcesis. Ipse præfuit Monasterio Benedictino, eamque ob causam nonnulli Monachi Corbejenses ad illud regendum fuerunt denominati. Episcopalis ipsius cura invigilabat religioni Christianæ inter homines, paulo ante superstitionibus immerfos, conservandæ, ac versus Septentriones propagandæ. Quam ob causam insignis extitit Hildeneshemii schola, inspectioni Episcoporum

X

deman-

demandata, in qua ipsi Imperatorum ac Ducum filii aliquot doctis egregiis fuerunt imbuti ac præmuniti. *Berwardus* benevolentia Imperatorum *Ottonis III* ac *Henrici II* admodum valuit. At ne tunc quidem existit determinatio dioceseos *Hildeneshemensis*, Regum sigillo munita. Quis enim, obsecro, animum inducere potest, ut credat, litem de Cœnobio *Gandershemensi* Moguntinum Archiepiscopum inter & Episcopum *Hildeneshemensem* tot extrahi continuarique potuisse Conciliis & disceptationibus, si perspicuis membranæ documentis *Berwardus*, ac ejus successor, *Godehardus*, comprobare potuissent terminos dioceseos suæ orientales? Determinatio dioceseos, quæ vulgo *Ludovico Pio* tribuitur, edita a *Leibnitio* Tomo II *Scriptorum Brunsvicensium* pag. 155, forma diplomatica caret, nec ejus ullum exstat monumentum, ad *Ludovici Pii* ætatem deducendum. In *Diplomate Henrici II*, A. 1013 Werlæ dato, quo diocesis definitur, licet res ipsa sic exigeret, nulla de *Ludovico Pio*, inicitur mentio, sed commemorantur *Arnulpbus*, Rex, & *Hlotbovicus*, qui parochiam Episcopi, suis limitibus designatam, sua muniverint tutela. Quamprimum vero Diploma illud, *Henrico II*, Regi, attribui solitum, propius intuemur, non possumus, quin notas suppositionis, undique elucescentes, citra laborem detegamus. Fit enim in eo de *incolumitate prolis regalis* mentio. Incolumitas est omnino viventibus propria. At quis unquam ostendet, *Henricum II* ex *Cunegunda* sua ullam suscepisse prolem? Præterea diocesis universa subjicitur *pago Astsalie*. Quæ significatio ne videatur frivola, additur voci *pagus* vox *provincia*, modo tum quidem satis inusitato. Quis unquam legit Diploma, in quo loca, *Vifurgi* prope *Kemnadam* adjecta, & montes, *Vogler* & *Ibdt*, in præfectura Ducali Brunsvico-Luneburgica *Wickensen* sita, ad *Ostsalie* pagum-referuntur? *Henricus II* fingitur in *Diplomate* fateri, se suosque parentes in gremio Ecclesiæ *Hildeneshemensis* fuisse oriundos, & hinc usque sublimatos. *Henrici II* avus, *Henricus*, cognomento *Rixofus*, *Northusæ* primam vidit lucem. Patri *Henrico* indubie *Bavaria* præbuit solum natale. *Henrici II* avia, *Juditha*, *Arnulpbi Mali* filia, *Bavarico* erat ortu; mater *Gisela*, filia *Conradi*, Regis *Burgundie superioris*, in gremio Ecclesiæ *Hilde-*

Hildeneshemensis haud potuit nasci. Quis igitur non videt, chartæ illius fidem laborare? Ut vero dicamus, quod res est, *Conradus II* definivit limites Episcopatus Hildeneshemensis, Mindenensis, ac Verdenensis, ac controversiam illam Gandershemensem sustulit. In præsens suffecerit, pingui Minerva indicasse terminos dioceseos Hildeneshemensis. Patuerunt vero illi inde ab eo loco, quo flumini Ockeræ Scuntera amnis sese insinuat, per medium Ockeræ alveum, urbem Gösariam, radices Herciniæ silvæ versus Sefam, inde Harrihusum ad amnem *Eterna* seu *Etrina*, qui Hachemehusum, Seboldshusum, Gandershemium, & Crainsen, præfluit, tandemque in Leinam evolvitur, ab origine amnis Eternan ad fontem, qui pagos Rittega & Flenithi divisit prope Wittewater, inde ad amnem Aue, ac inde per montem Erichshufensem (*Erisberg*), ubi Flenithi pagus ac Graem sese mutuo contingebant, per Kaminathanberg (nunc *Kemnabrin*, inter Gandershemium & villulam Oderichshusen,) in flumen Eternan (nunc *Gande*), donec ipsum Leinæ committitur, inde per Leinam usque ad rivum, decurrentem inter villulas Edingehusen (desolatam) & Ertishusen (præfecturæ *Grene*), inde per montem Selter usque ad Markeldissen; inde per silvam Hils usque ad Wikenzen; inde per montem Ohtberg ad villulam Holenberge prope Cœnobium Amelungesborne; porro per montem Vogler ad villam Wabeke, ad amnem seu rivum Lenne, quem Veteres *Linne* vocarunt, ubi influit Visurgim; inde ascendendo juxta amnem Lenne usque ad villam Halle; hinc ad pontem anni Lenne impositum prope villam Scherf-Altendorf; inde per medium montem *Ibat* (nunc *Ihtberg*) versus Halleræ fontem; inde per circuitiorem occidentalem ad Westerzellam, villulam Cellis propinquam; hinc ad Septentriones paululum iter flectendo, ac redeundo ad locum, ubi Scuntera Ovacræ sese immitit. Obiter moneo, *Leibnitium* legisse *Unabeki*, pro Wabeki, *Igat* & *Gigat* pro Ihat, *Lume* pro Linne, *Liuse* pro Linsa, villula ad ostium amnis Lenne, *Achingabusin* pro Adingahusen, &c. Cum successu temporis Diploma *Conradi II* perierit, designatio limitum, ex eo transcripta, cœpit tribui *Ludovico Pio*, & secundum eam Diploma recentiori arte fuit concinnatum,

cinnatum, *Henrici II* præferens nomen ac sigilli mentionem, eo quidem fine, ut intelligeretur, eligendum esse Episcopum a Basilicæ Canonicis, ac Monasterium, in quo Episcopus juxta templum habitabat, jurisdictioni *Advocatorum* regaliū esse exemptum.

II. Sequar ordinem alphabeticum, libere expromturus sententiam de pagis nonnullis fictis, nominatim *Algida*, *Eilvergawi*, *Erigawi*, *Erimergawi*, *Fritthenigawi*, *Empnegawi*, *Gandershemigawi*, &c. Cum *Otto Magnus*, ejusque successores, Episcopis indulgerent jura quædam regalia per tractus regionum determinatos, æmulatio incessit Abbates & Abbatissas ostentandi consimilia jura. Perierunt quoque sæpius Diplomata, quibus foundationis momenta, bonorum reddituumque recensiones, atque jura & privilegia, continebantur. Utraque hæc causa effecit, ut Diplomata fingerentur, ac in vicem genuinorum consarcinarentur. Quoties vero architectus Diplomatum veteratorius historiæ temporumque, moris pristini, in locis Sigillorum affigendorum recepti, atque Geographiæ & Chronologiæ, fuit imperitus, deridendos non potuit non admittere errores. Illustrabimus pronuntiata exemplis, ad rem præsentem spectantibus. *Pagus Algida* sese offert lectori in quodam *Arnolfi*, Regis, Diplomate, A. 892 dato, atque evulgato a *Jóanne Georgio Eccardo* in *Historia genealogica familie Saxonie superioris* pag. 296. Simul ac Diploma legeris, incidens in Episcopum Hildeneshemensem, *Engelmarum*, cujus precibus Rex *Arnolfus* fuerit adductus ad pagum illum Comiti *Egbrecht* dandum. Nec pagus ille, nec Episcopus *Engelmarus*, alibi commemorantur. In numero Episcoporum Hildeneshemensium nullus *Engelmaro* est locus. A. 892 *Wigbertus* Episcopatu Hildeneshemensi adhuc præerat, quippe qui A. 880 a Rege ad Episcopalem honorem est elevatus, & A. 894 Synodo Triburiensi interfuisse fertur tum ab Annalista Saxone, tum in *Tomo XXIV Conciliorum* editionis Regiæ Parisiensis pag. 675. Nemo itaque dubitabit, quin Diploma illud ex quadam *Archontii Severi* officina prodierit. Eiusdem fidei est Diploma illud Gandershemense, A. 1021, a *Aug. Noviomagi* datum, quod *Henrico II* attribuitur. In eo

eo transferre dicitur Imperator pagos nonnullos respectu *Comitiae*, seu *jurisdictionis inferioris*, ad Monasterium Gandershemense. Autor Diplomatis non satis recte meminit, Imperatorem tunc Noviomagi egisse, satius sibi consulturus, si locum Thuringiae, in qua tunc versabatur Imperator, nominasset. Dum vero fabricatus fuit pagos, puerilem imperitiam suam satis superque & turpiter traduxit. Erat in eo, ut Monasterio illi adscriberet jurisdictionem in Gandershemium urbem & praefecturam, in Rimigerode, villam propinquam, Erigshusum, praedium vicinum; in castrum & praefecturam Grene, in villam Freden & majorem & minorem, in oppidum Bokenum & villas adjectas, nec non in Sulbeke, Osdagesen, & Avanthusen. Eapropter finxit, Imperatorem donasse Monasterio Gandershemensi potestatem juris dicundi per pagum fictum *Gandershemigawi*, *Erimerigawi*, *Eriggawi*, *Grenigawi*, *Fritthenigawi*, *Ommeregawi*, & *Sulberigawi*. Et, cum Monasterio illi, tum Benedictini Ordinis, redditus aliquot quotannis afferrentur ex villis, ad annem Aue in Rittiga positis, architectus Diplomatis quoque addidit pagum *Auganagawi*. Ejusdem furfuris sublestæque fidei est Diploma *Henrici III*, A. 1039 datum, quo ficti illi pagi recensentur, ac commentitius pagus *Empnegawi* illis annumeratur. Edidi hoc Diploma in *Historia Gandershemensi* pag. 672 seq. ex schedula haud admodum antiqua; ac in *Scharffenii Annalibus Paderbornensibus* posthæc inveni Diploma genuinum, ad cuius formam Gandershemense illud supposititium accedit. Eidem *Henrico III* Gandershemenses olim supposuerunt aliud Diploma, ad A. 1043 relatum, quod notas fraudis usquequaque ostendit, quemadmodum demonstravi in *Historia Gandershemensi* pag. 673 seq. Aetatis subsecuturæ Critici Diplomata Seculorum priorum pleraque, Monasteriorum fercula, quondam deprehendent adulterina, nisi lucrum & metus eos a veritate retraxerint patefacienda. Insulsum sane est, ponere pagum Gandershemigau ad latus pagi Flenithigau, cum Gandershemium utrumque, & villa & urbs, in Flenithigau fuerit situm. Ridiculum omnino, Empnegawi pagum ibi locare, ubi pagus *Valen* seu *Valedungon* existit. Eandem impudentiam fingendi

fringendi crediderim pellucere ex pago *Frithenigawi*, siquidem locus uterque Freden, supra Alfeldam Leinæ adjacens, ad pagum *Aringam* spectavit. Et eam quidem ob causam animus est omittere pagos illos commentitios & confictos, *Algide, Augana-gawi, Eriggawi, Erimerigawi, Empnegawi, Frithenigawi, & Gandershemigawi.*

III. *Alaringe, Aringa, Arebinge*, pagus fuit ad Leinam, inde a Grene usque ad Elze seu Aulicam procurrens. *Aluringe* occurrit in quodam Diplomate, quod *Arnulfus*, Rex, A. 892 dicitur dedisse, atque exstat apud *Jo. Ge. Eccardum* in *Historia genealogica familia Saxonie Superioris* pag. 295. In *Summariis Traditionum Fuldensium* Cap. 5. §. 74 hæc leguntur: *Ego Hauger tradido Deo & S. Bonifacio hereditatem meam in terminis villæ Vuore-fete cum pratis, silvis, domibus.* *Henricus IV* A. 1068 Basilicæ Hildeneshemensi traditur donasse Comitatum in pagis Valedungon, Aringe, Guttingon, & in his publicis Ecclesiarum parochiis, Alicga, Redun, Fredenon, & Walenhuson, situm. Alicga, seu Aulica, Elze, pertinet ad pagum Valedungon. Redun ac Fredenon referenda sunt ad pagum Aringe. Wallenhusum, seu Wallensen, villa præfecturæ Lauensteinensis, ad pagum Guttingon est referendum. In charta *Berwardi*, Episcopi Hildeneshemensis, A. 1022, data, *Retben* villa annumeratur pago *Aringun*. Invenimus ad Leinam in tractu inter Graemi & Valen villas Vreden, Vorsäte seu Vørste, & Reden. Quare de situ Aringau non amplius est dubitandum, quamvis Ven. *Gorbesfridus* judicet, genuinum pagi Aringa situm reperiri nondum potuisse. Appellatio autem pago huic inhæsit ex amne *Ale*, qui urbi *Alvelde* dedit nomen. Veteres incolæ Aringenfis pagi Leinam vocarunt *Ale & Aler*. Alveus vetus, per quem olim Leina transit inde a Memerhufa usque Alveldam, hodie vocatur *Ale*. Comitatus castrum eminuit quondam ad Leinam in colle haud procul Alvelde, nomine *Limmerburgum*, cujus rudera & muri aggeresque aliquot restant. Locus Alevelde Seculo XII exeunte demum fuit exortus, ineunte Seculo XIII muris cinctus. Cum filii *Henrici Leonis*, Saxonie Ducis, A. 1203 patrimonii aviti ac paterni loca inter sese distribuerent, tractus ille, antea Arin-

Aringum dictus, adhuc in eorum perstitit ditione. Quæ *Joannes Leznerus* de Comitibus Winceburgicis, Alveldæ dominis, habet, ea fabulosa sunt, & conficta ab eis, qui Ducibus Brunſuico-Luneburgicis tegere voluerunt possessionum avitarum mentionem. Aringum nunc est pars præfecturæ Winceburgensis.

IV. *Ambergaw, Ambraga, Amberga, Ammerigawi, Ommergawi*, pagus inde ab oppido Sefen usque ad Woldenbergam procurrens, appellatus ex vicinitate montis Hercinici *am Berge*. Situm recte determinavit Vir Celeberrimus uterque. Loca nonnulla huc referenda sunt obscuriora. *Sehuson*, seu *Sefen*, est oppidulum satis notum, domicilium præfecturæ præbens Brunſuico-Luneburgensi. *Dalehem*, seu *Dalem*, villa prope Bokenum, satis est nota. *Badeliska, Patheleche, Pedilon*, est villa *Pedel*, quæ dudum fuit extincta, sita prope Sefam. Pro Wurothufon legendum est Murothufon. Locus *Morsbusen* in charta geographica, trecentis abhinc annis fere concinnata, legitur intra præfecturam Woldenstein situs, quæ nunc vocatur a recentiori domicilio Bidela seu Binderlah. *Hammingorod*, seu *Hammingi* novale, fuit villa inter Binderlah ac Sefam, ex qua nihil restat nisi appellatio campi *Hammingorodensis*, *Hammingero derkamp*, vulgo *Hungerkamp*, de cujus situ Hildeneshemenses ac Brunſuico-Luneburgenses A. 1643 in *Resessu* cur fuerint incerti, admodum sum ignarus. *Pilidon* mutandum est rursus in *Pidilon*. Pagus Ambergau universus ad Dioecesin Hildeneshemensem quondam fuit relatus.

V. De *Darlinga* autem secus est sentiendum. Hujus enim pagi pars minima intercipitur fluviis Fusa ac Obacra. Dicitur pagus alibi *Darlingow, Darlinga, Derningon*, ac *Gifhornium* inter & Helmstadium, Scaningam porro, Brunſuicum, ac *Garfenbuttelium*, longe lateque patuit. Villæ ex *Berwardi*, Episcopi Hildeneshemensis, charta, ad A. 1022 solita referri, addisci possunt complures. En omnes, quotquot adhuc e Diplomatis innotuerunt, villas. *Achem*, villa in præfectura Wolferbuttelana, intra Gogtraviatum Bivendenſem, prædio Steinbergorum commemorabili insignis. *Achem Sejnſtede*, nunc *Senſted*,
haud

haud procul inde sita, in chartis Cœnobii S. Crucis Brunsvicensis vulgo *Senslide* dicta. *Albordesteten*, id est, locus *Alberti*. Videtur *Alvese* fuisse nomini prisco, villa præfecturæ Nienbrücke. *Aldagesbutle*, nunc *Adenbüttel*, haud longe ab Ovacra flumine versus Septentriones in præfectura Gifhornensi. *Almstede*, villa haud procul urbe Scheppenstadio sita. *Arnaldeshem*, locus nondum exploratus. *Bernstedertorp*, *Bennestorp*, *Bensdorf*, nunc *Barensdorf*, villa præfecturæ Fallerslebenensis, ad Boream Helmstadii sita. *Biscopeshusen*. Probabile, locum nunc vocari *Wispershusen*, in præfectura Nienbrück. Episcopi Hildeneshemensis eo usque patuit omnino Diœcesis. *Bodenrod*, feu novale Bôdonis, nunc *Bevenrode*, in præfectura Gifhornensi, haud procul ab amne Schunter. *Burg*, castellum Comitum Brunsvici agentium, vulgo *Tanqwarderode*. *Culbelinge*, vulgo Cüblingen, villa Scheppenstadio vicina intra præfecturam Wolferbuttelensem. *Drongolevo*, nunc *Dreyleben*, villa præfecturæ Scheningensis. *Duringesrode*, locus Obacra juxta Brunsvicum finitimus, dudum desertus. *Flegthorp*, villa magna prope domicilium præfecturæ Campen. *Gemini*, nunc *Meine*, intra præfecturam Campen. *Grafaloh*, nunc *Grasleben*, ibidem. *Hebesheim*, nunc *Evesen*, inter Scheppenstadium atque Wolferbuttelam. *Hessenheim*, Hessen vicus ad aggerem, vicus & præfecturæ domicilium in confinio Principatus Halberstadenensis. *Jemmenslide* & *Kissunleve*, loca desolata præfecturæ Fallersleben. Ex posteriori villa cognomen adhæret familiæ generosissimæ cui-dam, a *Kisleben* denominatæ. *Mainum*, *Meine*, villa præfecturæ Gifhorn supra Papendik. *Mollenstede*, vocatur *Mullumstedi* in Diplomate *Arnulfi*, Regis, A. 888 Francofurti Corbejensibus dato. Haud licuit locum expiscari. *Musfchi*. An subest villa Maschenrode inter Wolferbuttelam & Riddageshusam? *Nettorp* adhuc latet. *Ramnige*, nunc *Remlingen* in Gograviatu Biwende ad Wolferbuttelam. *Roresheim*, nunc *Rœrsen*, versus Hessen. *Rumerstieda*, *Runstedt* intra præfecturam Scheningensem. *Sceninge*, urbs antiquissima Scheninga, jam *Caroli Magni* ævo cognita, Annalista Saxoni appellata *Scanigge*, vulgo dicta *Scheni*. *Sinslide*, nunc *Sonstede*, haud procul
Luckeln

Luckeln & Evesen. *Sinesrode*, qui locus adhuc latet. *Thidarezingaroth*, fortassis Diddense ad Obacram infra Nienbrücke. *Tnipensede*, locus desolatus. *Tiusfinga*, nunc Twiflingen, inter Scheningam & Vogtsdalem in præfectura Scheningensi. *Valareslebo*, Warfchleben, juxta villam Uplingen, ni potius Fallersleben, domicilium præfecturæ. *Wilradesbutle*, nunc Warxbüttel, intra præfecturam Nienbrücke, in Inventario Cœnobii S. Crucis A. 1222 *Wartisbutle* appellata. *Wilrungun* latet. *Witil-desbutle*, nunc Velbüttel, intra præfecturam Gifhornensem. *Veltbeim*, villa ad amnem Ohe intra præfecturam Wolferbüttelensem. *Uplingi*, nunc Uplingen, prope Scheningam. *Vurdorp*, nunc Vordorp, haud procul a Meine intra præfecturam Gifhornensem. *Zezingeroth*, nunc Essenrode, haud longe a villa Flechtorp intra præfecturam Kampen. Huc referenda sunt nonnulla ex *Traditionibus Corbejensibus* ineditis. Hæ enim significant, *Otronem Illustrem*, *Ludolfi* filium, tenuisse ex beneficio Regis Germaniæ res proprietatis imperii in *Godeleveshem* (Goddelsheim in Comitatu Waldeck) in pago *Nitherfi*, & ea permutasse A. 888 cum Abbate Corbejensi *Bovone* locis in Saxonia orientali ultra flumen Ovacceram sitis, atque recepisse in *Dalhem* (Salzdalem) litos 14, colonos 11, & 6 partem salinarum, in *Odõnhem* (Einem) litos 14, colonos 2, in *Kikthi* (Sikte) litos 2, in *Leri* (Lere ad Schunteram) litos - -, colonum 1, mansos 2½, in *Laubingi* (Lavingen ad Kœnigslutter) colonum unum, in *Scodersted* litos 2, in *Mullumsted* litos 3, in *Sepbing*, mansos 5, in *Vredu* (Uhrde) litos 7, mansos 12, in *Rodenesleva* litos 20, mansos 60, in *Dallangibutli* colonos & mansos 15, in *Beritwidi* (Barweke) colonos 16, totidemque mansos, in *Stadforde* colonos 7, & octavam partem totius marcæ, in beneficio *Advocati* mansos 8, in *Ailmundesrothe* mansos 12. Superest quoque in tabulario Corbejensi Diploma, quo hæc permutatio confirmata legitur ab *Arnulfo*, Rege, A. 888, Francofurti dato Indiæ. VI, 4 Id., Junii, anno regni primo.

VI. *Densfuga* pagus Goslarum inter & Bokenum interjacet. Sita fuit in ea villa *Jerstiti*, nunc *Jerstedt*, in præfectura Libenburchensi juxta Goslarum. Vide *Leuchfeldi Antiquit. Poeld.* pag. 275.

VII. *Flenchi*, alias *Fliechni*, *Flenitbi*, *Flentigawi*, *Flenide*, pagus inter silvam Hildeneshemensem ac pagum Rittega. Territorium Gandershemense in eo fuit situm, teste *Tangmaro* in *Vita Berwardi, Episcopi*, Cap. 13, ac *Eberhardo*, Monacho, in *Summariis traditionum Fuldensium* Cap. V §. 12. In charta *Henrici II*, qua A. 1022 bona Cœnobii S. Michaelis Hildeneshemensis creditur confirmasse, pago huic annumerantur villæ sequentes. *Holtbusen*, nunc Wrisbergholzen, a Wrisbergiis sic dicta intra præfecturam Wincenburgensem. *Segusti*, nunc Segeste, prope illam. In Traditionibus Corbejensibus ineditis locus vocatur Seguste, & pago Flenichi attribuitur. *Pezun*, nunc *Pezze*, in proximo, jurisdictioni Baronum *de Wrisbergen* obnoxia. Supra eam superest mons Wrisberg, a cuius castro antiquo *Wrisbergii* tenent nomen gentiliium. *Tzellenstede*, nunc *Sellenstede*, villæ Holthusen vicina, feudum Abbatissæ Gandershemensis quadam ex parte. *Grafsta*, nunc *Grafel*, inter Sellenstedium ac Holthusen ad silvam. *Aluzun*, locus Czele, seu Sele. *Nezzem*, nunc *Nezze*. Ita enim est legendum. *Esbike*, locus ignotus. *Remleveshem*, locus desolatus. *Hozingissen*, nunc *Hœnze*, versus Escherde & oppidum Gronau. *Alecfurdi*, *Salzdetfurt*, vicus salinis inclutus. *Thiederessen*, postea *Doteffen*, in *Steinberg* monte, haud procul a castro Marienburg. *Halacboldessum*, locus desertus. *Tuiguste* itidem. *Suthre*, nunc *Sottern*, in præfectura Woldenbergensi ad amnem Nette. *Harlissen*, villa deserta prope Hildeneshemium versus plagam meridianam. *Hetericheshem*, *Heersen* ad flumen Inneram, seu Indistriam, intra præfecturam Woldenbergensem. Diploma, e quo loca hæc sunt desumpta, edidit Vir Consultissimus *Grupe* in *Originibus ac Antiquitatibus Hannoveranis* pag. 105 seq. Ex recensione villarum facile patescit, Ostfaliam partem australem dictam fuisse *Flentigau*, seu *Valengau*, quemadmodum tractus ad *Poppenburgum* dictus fuit *Valen & Valendungan*.

VIII. *Floringa*, *Flurwide*, vulgo *Flotwita*, pagus juxta *Aleram* prope *Wienhusam*, sedem præfecturæ Principatus *Cellensis*, ac Cœnobium illustre. *Weinhusa* olim appellabatur *Huginhusen*, jam a *Godebarde*, Episcopo Hildeneshemensi, possessa. Ex *Conradi*,

Conradi, Episcopi Hildeneshemensis, charta, qua Cœnobium Wienhufanum confirmavit, dilucet, locum Wienhufum quondam dictum fuisse *Huginbusum*, quasi *domus Hugonis*. Huginhufum indubie in pago Flotwita fuit sita. Reliqua loca patefcunt ex charta *Berwardi ad A. 1022.* • *Adenbusen*, Adensen, prope Meinerfen. *Eddinckbusen*, Eitze ad amnem Erfche, intra Meinerfensem præfecturam. *Hardeshem*, Hardefe, villa præfecturæ Meinersem. *Scephusen*, nunc Swaghufen, vicus ad Alleram. *Sceplice*, nunc Schepelse, villa non procul inde disjuncta. *Siradeshem*, an Siverdam? *Waditlogon*, nunc Waltingen, unde cognomen inhæret locis paludosis *Waltingerbrook*. *Wendelingerode*, nunc Weienrode, villa præfecturæ Meinerfum. *Uttifan*, Utze, villa major & prædium equestre intra præfecturam Meinerfensem.

IX. *Guttingon*, *Guottinga*, *Gudinge*, pagus ab Aulica, seu Elerse, usque ad Hemmendorpium per præfecturam Lauenstein procurrens. Frustra quæsierunt plerique hunc locum prope Gottingam. In hoc pago memorantur sitæ sequentes villæ. *Amplidi*, seu Empelde, locus in dominorum Generosissimorum, *de Hake* dictorum, literis legi solitus, quibus feuda ipsorum describuntur. *Ledhi*, seu Lede, villa deserta, sita fuit prope Gronaviam ad Leinam haud secus ac Emne. *Midele*, villa præfecturæ Poppenburg, vulgo Mehle. *Ofithe*, villa desolata prope Aulicam. *Swalenhufen* dicitur nunc Salz-Hemmendorf a vico confini Hemmendorffio. Salinæ, in Swalenhufen obviæ, sæpius memorantur in chartis Cœnobii Amelungesbornensis. *Chronico Gottwicensi* primus hic emendationem attulit Ill. *Joannes Daniel Gruberus* in Præfatione ad *P. I Topographiæ Gotttingensis*.

X. *Hassala* pagus ntitur Diplomate *Otonis III*, A. 1001 in *Brugthem* dato. At legitur in eo *Hastfala*, & Diploma ipsum omni caret fide, id quod jam alibi ostendi.

XI. *Liergewe*, *Leron*, pagus ad Brunsvici plagam meridiana. En villas, ei solitas attribui in chartis antiquis. *Beddingen*, prope Brunsvicum & Wolferbuttelam. *Flotide*, nunc Flœhte, majus & minus, in præfectura Episcopatus Hildeneshemensis Li-

benburgensi. *Gledingen*, nunc Gleye, majus & minus, prope Brunswicum. *Gutstete*, nunc Gustadt, locus in præfectura Gembshagen. *Laminari*, nunc Lamme, haud procul Brunswico. *Linden* inter Brunswicum & Wolferbuttelam. *Schwilbere*, nunc Grossen-Schwülper, infra confluentem Obacrae & Schunteræ. *Sonnenberge*, Sonnenberg. *Stackem*, inter oppidum utrumque maximum Ducis Brunswico-Wolferbuttelani. *Titbe*, Tide, sedes Superintendentis, distans uno milliari ab oppidis Brunswico & Wolferbuttela. *Dinbarloha*, *Timberlo*, nunc Timmerla, inde haud procul remota.

XII. *Merstem*, *Marsem*, *Marstheim*, *Merstemen*, pagus in Ducatu Saxoniae circa Leinam atque locum, in quo Hanovera Seculo XII succrevit. Id ipsum patet ex locis, ei pago contributis. *Bavenstede*, locus desolatus. *Everdisfen*, an Evesdorp? *Gernhusen*, Gerden, prope Ronnebergam. *Haringebusen*, Herrenhausen, domus deliciofa Electorum, ad Hannoveram sita. *Limbere*, castrum & villa pone villam Linden ad Hannoveram. Locus est dudum everfus. *Herdere*, villa desolata prope Linden, dicta in chartis medii ævi *Erdere*. *Kobbinghusen*, an Coppenbrücke? Certe locus uterque a *Cobbone* fuit appellatus, probabiliter fratre *Ludolfi*, Ducis Saxoniae orientalis, ipso Saxoniae occidentalis Duce. *Nitelrede*, Nettelreder, prope silvam Deister, inter Munderam & Lauenau. *Visbeke*, Cœnobium illustrium virginum in Comitatu Schaumburgico, ab *Ottone III* fundatum, de quo exstat *Historia*, a *Paullinio* conscripta. *Trotbe*, villa desolata prope Koldingensem pontem, unde restant loca Drother-Busch, Lucksdrothe, Hanendrothe. Vid. Cel. *Christianus Ulricus Grupe* in *Originibus Hannoveranis* pag. 112. Annumeratur hic locus alibi pago Ostfalix. *Walesrode*, locus desolatus. *Runebereden*, Ronneberg, horæ itinere distans Hanovera, sedes Ephori ecclesiastici. *Lindard*, nunc Linderte, in præfectura Calenbergensi. *Pattenhusen*, nunc Pattenfen, oppidulum prope Coldingam, sedem præfecturæ Electoralis Hannoveranæ.

XIII. *Grindiriga*, pagus circa castrum Welpen, in quo Holthorpe, Hebbenni, & Stavoron, visebantur, teste charta *Odatrici*, Episcopi Mindensis, apud Cel. *Grupium* loco laudato pag. 121. Holthorp

Holtorp est villa præfecturæ Welpæ. In proximo est silva Grindau.

XIV. *Loigge* pagus, alias dictus *Laoginge*, *Lainga*, *La-vinga*, *Langunga*, *Loginga*, in quo recensentur villæ Nuibike juxta Hachen, Triburn-Stocken, Helmga, Burstalla, Holenbøcke. Næbeke & Hagen sitæ sunt in præfectura Welpæ, Stockendrover in præfectura Neustadt, Bostel prope Cœnobium Mariensee, &c. Confer Cel. *Grupium* pag. 121 seq. Pertinent uterque pagus ad confinia Diœceseos Hildeneshemensis Mindenfi.

XV. *Ostfalia*, *Ostfala*, *Ostfalaha*, circa Hildeneshemium, in quo memorantur villæ *Asheim*, nunc Ysen, ad Indistriam in præfectura Marienburg, *Niteloun*, nunc Netlingen, in præfectura Steinbrück, *Laffordi*, nunc Lafferde, utraque ibidem, *Sudenstide*, locus incognitus, *Smithenstide*, nunc Smedenstedt, in præfectura Peinenfi, *Wingon*, nunc Winnien, in præfectura Rute, *Hedilenthorp*, *Herideshem*, Harßum in Præpositura Basilicæ, *Dusunhem*, *Dennistorp*, Denstorp, prope Vechelte ad Brunsvicum, *Vorden*, Vœrum in præfectura Peine, ni Werte haud procul Denstorpio versus austrum, *Winithusen*, Wendhausen in præfectura Steuerwaldensi, *Edinhusen*, fortassis Heine ad Indistriam, *Alem*, Adelem in Præpositura, *Tiereshem*, *Linnitbe*, Lühnede in præfectura Rute, *Thornitbe*, Dorenten prope Hannoveram, *Egenheim*, *Oslevesen*, Oßelße in præfectura Rute, *Hortenem*, Hotteln in præfectura Steuerwaldensi, *Wiringe*, Wiringen in præfectura Rute, *Hesede*, Heiße ibidem media inter Hannoveram ac Hildeneshemium, *Lutea villa*, Lemendorf, seu Lehdorf, ad Brunsvicum, *Bischofesroth*, id est, Rode, villa desolata in montanis inter Marienburgum & vicum Salzdetfurt, cujus reditus capit Cœnobium S. Godehardi Hildeneshemense, *Trotbe*, villa desolata prope pontem Coldingensem, quam Ill. *Gruberus* minus recte in Lauenrodiò quæsit. Luteam villam Cel. *Grupius* l. c. pag. 104 exponit de villa desolata *Lucienvarde*, cujus exstat ædícula inter Hildeneshemium & villam Ochtersen.

XVI. *Osterwalde* pagus situs fuit A. 1022 in Comitatu *Bernhardi*, Marchionis, eique attribuitur villa *Latendorp*, sita in præfectura Cellenfi Bargfeld haud procul Cellis:

XVII. *Salga, Salzgerwe, Solga*, pagus ad salinas Gitterenses in præfectura Libenburgenfi. Villas ejus fuisse. has accepimus: *Lerun*, desolata, *Gutstede*, nunc Guhste, in præfectura Gelfershagen, *Hetilendorf*, desolata, *Geizheres*, Gitter, *Ringeln*, villa & Cœnobium Benedictinum. Comitiam hujus pagi *Otto*, Episcopus Hildeneshemensis, emisit A. 1270 a Comitibus Woldenbergicis perhibetur.

XVIII. *Scotelinghen* pagus in tractu, qui Hildeneshemium ac Poppenburgum interjacet, est collocandus. Sitæ fuerunt in eo villæ *Hemedesdore*, id est, Himmesthür, seu Himmelsthür, Episcopi *Jodoci Edmundi* deliciæ, atque *Hogereshem*, seu Heierfen, utraque in præfectura Rute.

XIX. *Suilbirge*, pagus, Suilbergawi, ponendus est in Comitatum Dasselensem, seu præfecturam Episcopalem Hundesrück, ejusque confinia. Ven. Abbas *Gothefredus* conjectavit, pagum hunc ad Ovacam prope villam *Kleinen-Swilper* esse figendum. At, quod pace Viri summi affirmamus, villæ, pago illi in Traditionibus Corbejensibus assignatæ, perimunt ejus conjecturam, nostramque potius firmant opinionem. Vocantur illæ: *Dassila*, *Duncunhusun*, *Odileveshusun*, *Mackanhusun*, & *Tbiadberteshusun*, quæ dudum vocantur *Dassel*, *Denckihusen*, in præfectura Wickenfen, *Ellensen*, *Mackensen*, & *Deiterfen*. In *Summariis Traditionum Fuldensium Cap. 5 §. 43, 53*, hujus pagi fit mentio, ac villæ in eo sitæ *Chusinhusen*. Hæc nunc vocatur Koenfen, haud procul Embecca ad occasum posita.

XX. *Valen, Valim, Valedungon*, pagus intra Ostfaliam ad Gronau urbem ac Poppenburgum. Vocis vestigia supersunt in villa *Valenstede*, seu Wallenstede. Recensentur hi pagi illius villæ: *Alicga*, *Aulica*, Eletse, dudum in urbem amplificata, *Berevelte*, vulgo Barvel, *Betenem*, vulgo Beteln, *Kemnum*, vel potius Hemnum, Empne, villa desolata, cujus incolæ novum oppidum Gronau habitarunt, *Redun*, Reden supra Gronaviam ad Leinam flumen, *Mengencingeroth Achem*, locus obscurus, *Wallenstide*, nunc Wallenstedt, prope Reden, *Poppenborg*, sedes quondam Comitum, nunc domicilium præfecturæ, inde cognominatæ. Comes *Tancmarus* ad A. 1025 memoratur, *Bruno* ad A. 1049, *Fride-*

Fridericus, ejusque filius, *Conradus*, ad A. 1068, a quibus Comites Poppenburgerfes sunt deducendi.

XXI. *Ventzga*, *Wentzgow*, *Wentsgoi*, *Winzigawi*, pagus, in quo Lutterum & Daleheim villæ occurrunt apud Autorem *Vite Meinwerici Cap. VI pag. 519*. *Leuckfeldium* scripſiſſe *Densga* pro *Ventzga*, vix dubitandum videtur. Cœpit vero hic pagus inde a confinio urbis Bokenum, ac prope Goslariam ad Hartgau pagum deſiit.

XXII. Tandem addemus pagos nonnullos Saxonix veteris minores ex Diplomate Corbejenſi, ad A. 1004, Indiët. II, 4 Non. Novembr. dato, quo ſorores *Frederuna* & *Imma* dicuntur prædia hæreditaria conſtruendo ac conſervando Cænobio Kemnade tradidiſſe, in Comitatu *Bernbardi*, Ducis, ſita, nominatim *Kemneta*, *Hegen*, *Barigi*, *Tundinun*, *Othere*, in *Tilithi*; *Varſtan* in *Auga*; *Rothe* in *Wikanavelde*; *Bardenwic*, *Hatmannesſun*, *Witborpp*, *Britlingi*, *Biangibudiburg*, *Addunesſthorp*, *Hoterbiki*, *Bodanhuſon*, *Sutherburg*, in *Bardanga*; *Clanicki* in *Drevani*; *Wigmannesburſtal*, *Bennedeſthorp*, in *Mofidi*; *Widila*, *Walderſidi*, *Kokerbiki*, in *Heilanga*; *Holana*, *Aun*, *Setila*, in *Hogtrunga*; *Hepſtidi*, *Sinigas*. Loca illa denuo recensentur in Diplomate alio, A. 1016 Goslaria 7 Aprilis dato, pagorum nominibus omiſſis inſigni. Pro *Hegen* legitur hic *Heigen*, qui locus nunc vocatur *Haen* in præfectura *Wickenſen* ad *Viſurgim*. Conveniunt reliqua. Nobis hic res eſt cum *Wickanavelde* pago, in confiniis Diœceſeos *Hildeneshemenſis* collocando, in quo reperiunda eſt villa *Harderode*, & altera *Bisperode*, illi vicina. Locus *Wickenſen*, ſedes præfecturæ, in Diœceſeos *Hildeneshemenſis* definitione vocatur *Wickinaveldiſton*, nec ullus dubito, pagum *Wikanavelde* circa eam eſſe ponendum. Quin porto Diœceſis illa aliquam partem pagi *Hartingau* ad radices *Hercinix occidentalis* complexa fuerit, nulli dubitamus.

DISCOURS HISTORIQUES, CRITIQUES,
Theologiques, & Moraux, &c.

id eſt,

EXPOSITIONES HISTORIÆ, CRITICÆ,
theolo-

theologica, & morales, factorum quam maxime commemorabilium Veteris & Novi Testamenti, opera SAURINI, olim Ecclesiastæ Hagensis Comitum.

Tomus II & III.

Amstelodami, impensis Petri de Hondt, 1720 & 1730, 8.

Tom. II Alph. I plag. 18, Tom. III Alph. I plag. 10,
cum Tab. æn. 10.

- T**omo secundo abfolvi historiam *Exodi, Levitici, Numerorum*, ac *Deuteronomii*, tertio autem libri *Josue & Judicum*, usque ad obitum *Jephthæ*, videtur præmonendum. Eruditio, antiquitatum peritia, stili nitor, notitia Theologiæ expolita, & pietatis cura singularis, hic denuo omnem complent paginam. Si qui aliis ex scriptis Autoris norunt virtutes, ii non fallentur, Opus ipsum attentius legentes. Ea momenta historica, quæ exteris Scriptoribus debemus, Autor quidem haud omittit; illam tamen ubique servat moderationem criticam, ut incerta pro veris non habeat, minusque verisimilia vel prætermittat, vel re-
 Tom. II
 pag. 19. fellat. Quare religioni sibi duxit, Regem Ægypti, qui Judæos duriter & crudeliter tractavit, designare, ejusque nomen dare declaratum. Angelum, qui ad *Mosén* ex rubo ardente fecit verba, filium Dei exstitisse, solide comprobatur ex *Deut. XXXIII*,
 27 seq. 16. De nomine Dei יהוה *ero, sum*, egregie commentatur. *Josephi Medi*, qui verba *Sephoræ*: *tu es mihi gener seu sponsus sanguinis*, *Exod. IV, 20*, ad *Eliezerem*, filium tunc circumcislam, directâ credit, sententiam recenset ita, ut nihil moneat in contrarium. Si quid judicamus, ipsa etiam sua sese commendat probabilitate. Autor haud sustinet dirimere litem eorum, qui partim existimant, *Jannem & Jambrem*, Magos Ægypti, artibus naturalibus prodigia *Mosis* fuisse imitatos, partim vero arbitrantur, eos ope diabolorum ea produxisse. Inficiatur tamen inter hæc, nullam in Codice sacro exstare vocem, ex qua, ipsos pacto cum dæmonibus inito ea edidisse, queat quodammodo elucere.
 48.
 49.
 53. Adjicit dubitationem hanc, quærens, quomodo valeamus distinguere divina miracula ab operationibus cacodæmonum, si hisce
 vis

vis & potestas insit edendi paria miraculis divinis prodigia?
 Sunt, qui credunt, diabolum valere potentia singulari oculos
 spectatorum præstringendi. At Christus tenuit oculos discipu-
 lorum Emmaunticorum, ne ipsum viderent talem, qualis erat.
 Quare Autor it in omnia alia, ratus, in eo etiam effectu prodi
 miraculum, si quis possit oculis spectatorum recte affectis vim
 naturalem auferre, eisque spectandum præbere id, quod ipsi lu-
 bet. Licet vero ipse quæstionem propositam haud extricet, id
 tamen solide ostendit, miracula Dei fuisse excellentissima, eo-
 rumque partem vix exiguum Magos valuisse imitari, quacunque
 tandem arte baculos suos in serpentes mutaverint. Filios Æ-
 gyptiorum primum genitos fuisse ab angelo enecatos, non prin-
 cipes familiarum, ostendit adversus Rev. P. Calmetum. Deos,
 in quos exercuit Deus iudicium funestum in Ægypto Num.
 XXXIII, 4, non existimat existisse proceres virosque ceteris
 excellentes, ratus, indicari idola, seu Numina efficta, externis
 signis spectabilia, provocans ad Jer. XLIII, 12, 13, L, 1, 1 Sam.
 V, 3, Gen. XXXI, 30. Ubi de Paschate primo disserit, inserit
 nonnihil de initio anni penes Ebræos. Spencerum eo notat
 nomine, quod hic ritus extraneos, quibus Mosaiscos putat
 fuisse oppositos, antiquiores crediderit Mosaiscis. Existimavit
 nihilo minus, leges Deum suas opposuisse ritibus alienigenarum
 & exterarum gentium, tam eis, qui tunc temporis vigerint,
 quam illis, quos hæc subsecutis temporibus excogitarint. Quæ
 fuerit Saurini Ebraicæ linguæ peritia, documento sunt ejus
 interpretationes vocum Pi-ha-chiroth & Baal-zephon, qua-
 rum illam vertit per os montium Hiroth, hanc vero per Deum
 vigilantem, cum potius vox prior notet ostium fossæ, seu ca-
 nalis, & posterior Jovis templum, seu opertum. Miraculum
 illud, quo Deus adduxit Israelidas per mare exsiccatum, vindi-
 cat Autor egregie, tum adversus Spinozam, tum adversus eos, 104 seq.
 qui fluxui ac refluxui maris illud assignant. Cum vero existi-
 mat, Israelidas per sinum Arabicum iter illud gloriosissimum
 fecisse, communiter videtur errasse. Sinus enim Arabicus ni-
 mis est spatiosus & diductus. Non apparet ratio, qui tanta
 multitudo nocte unica eum potuerit transire. Ut hunc nodum
 solvat Autor, miraculum miraculo addit, ratum, Deum indidisse

- Israelidis motum celerrimum, quem putat indicari *Exod. XX, 4*. Deus perhibetur mentem *Pharaonis* indurasse, postquam *Moses* de nutu Dei eum reddiderat certiore. De hac induratione fusius Autor disseruit, ad extremum significans, indurationem hanc esse pœnam ob gravia peccata libere admissa, consistentem in aggravatione corruptionis, qua illaqueatur peccator. De Manna late exposuit, ac miraculum, quod Deus, suppeditata Israelidis manna, edidit, satis superque vindicavit, *Mose* præeunte *Deut. VIII, 23*. Non est, quod quidquam repetamus de prælio in Amalekitas suscepto, ac de lege in monte Sinai promulgata. Tabernaculi sacri structuram, ordinem, & effigiem, copiose Autor illustravit. Ultima *Deuteronomii* esse calamo recentiori adjecta, existimat, adjuncta egregia Dissertatione de sepulchro *Mosis*. In calce accedit *Tomo secundo* elogium
- Tom. III. *Mosis* pag. 547, atque Index copiosissimus. *Tomo tertio* offeruntur Israelidæ, Jordanem transeuntes, occupatio Hierichuntis, *Achan* condemnatus, artificium Gibeonitarum, clades quinque Regum, *Josua* vincens Reges Cananæ, *Josua* Cananæam distribuens, redditus Rubenitarum ac Gaditarum, fœderis renovatio Deum inter & Israelidas, *Eglon*, Rex Moabitarum, ab *Ebude* occisus, clades *Jabini* ac *Sisseræ*, facta *Gideonis*, nex *Abimelecho*
- pag. 284. illata, vorum & victoria *Jephthæ*. *Rababam* adolescentem & juveniculam rei meretriciæ operam dedisse, conficit Autor solidis
413. argumentis, ratus tamen, eam postea male actorum pœnituisse, ac rediisse ad frugem. Cursum Jordanis describit accurate. De filicibus, quibus *Josua* præputiatos jussit circumcidi, non tralicia affert. Producit causas, cur Judæi, in Arabiæ desertis versantes, haud susceperint circumcisionem. Circumcisionem Judaicam pronuntiat Ægyptiaca antiquiorem, simulque *Spencerum* refellit. Illam credit dici opprobrium Ægyptiorum, eo quod Ægyptii olim fastidiverint, probrisque affecerint, circumcisos. *Joannis Clerici* & *Spenceri* opiniones contrarias elidit. Principem exercitus Jehovæ, qui apparuit *Josua*, pro filio Dei
52. habet. Sono buccinarum miraculoso muros Hierichuntis fuisse collapsos, ostendit. *Fluvium Ægypti* per Nilum exponit. Pacem, quam obtinuerunt Gibeonitæ interposito strategemate, copiose edisserit. Grandinem non credit fuisse miraculosam, quæ cecidit

dit ad devincendos Cananæ Reges, licet *Calmetus* secus statuerit. Exempla stragis hominum pecudumque, a grandine majori derivanda, addit haud una. Solem vero ac lunam stetitisse ad preces *Josue*, ipsi videtur res tanto miraculo plena, ut translationem eapropter instituerit satis longam. Quis crederet, ipsum hic divertisse ad *Theoriam telluris*; a *Guil. Whistone* in vulgus ire jussam? Non enim tantum cogitata *Whistoni* de creatione hexaëmera recenset, sed etiam ex parte judicat. Id tamen Philosophis largitur, in Codice sacro de systemate mundi ad amissum observationum Astronomicarum atque doctrinarum, inde decerptarum, haudquaquam disseri. *Elibu* certe cœlos cristallinos commemoravit *Job. XXXVII, 28*. Ne vero Autor sibi videretur judicium sumxisse mathematicum de systemate mundi nostro, eoque genuino, determinando, Epistolam, a *Cels' Gravesandio* sibi eo sine impertitam, hic inferendam curavit. Hic vero hypothesin *Copernicanam* doctrinæ de viribus stellarum mutuo gravitantibus superstruit, atque ex *Gen. I, 16, Ps. XIX, 7, &c.* indicat, in Codice sacro de phænomenis fieri verba cœlestibus, prouti illa oculis spectantium appareant. Addit summus Vir, ex ipso *Josue* loco *X, 12*, manifestum esse, inibi etiam eadem disseri ratione. Quomodo enim sol alia ratione referri potuit ad Gibeonem, & luna ad vallem Aialonis? Et quomodo dies tam extensus dici potest nec antea, nec postea, exstitisse, cum in terris polaribus dentur dies octo mensium? *Josua* omnino commemoravit phænomenon, quale id oculis spectantium in Palæstina apparuit. Amœna est designatio rationum, cur Judæis vetitum fuerit a Deo, quo minus equos alerent complures. De curribus falcatis, eorumque origine, Autor ea attulit, quæ juvat legisse. Imaginem ac figuram eorum ex *Joannis Schefferi* libro de *re vehiculari veterum*, ac numo *Julii Cesaris*, producit in lucem. Per *Zidonem* magnam intelligit Sidonem, non aulæ *minorem Sidonem* designare, quæ est pars Tripolis Syriacæ, *Sidoniorum* colonia, ab eisdem cognominata. *Misrephoth maim* ipsi est locus incognitus. Videtur subesse *Balanea* Phœnices, ex balneis dicta. Disserit deinde de distributione Cananæ inter Judæos, expendens rationes, cur Judæi septem nationes inimicas haud simul unicaque expeditione bellica deleverint.

- Pag. 222. Exponit pulchre de Rubenitis, Gaditis, ac tribu Manassitarum dimidia, in patriam transjordanicam remissis. De locis precum, ad flumina sitis, quibus *Proseucharum* fuit nomen, agit sollicite.
275. De *Judicum* munere commentatur curate. Molochi in honorem infantes ab Ammonitis fuisse combustos, contra R. *Josephum Karo* solide demonstrat. Deam *Astarten* & *Cybelen* fuisse unam eandemque, contendit. De *Dea Syria* amplissimum dicendi nactus campum, ostendit, Syros tempore *Jephthæ* jam consuevisse filiabus imponere cœlibatum, ad vacandum sacris *Astartes*. *Cybelen* Latini dixerunt *Vestam*, eamque ab *Aenea* ex Illo deductam suscepere cum Vestalium virginum religione, quemadmodum testis est *Ovidius Fast. V pag. 351*. De voto *Jephthæ* longe lateque differit, eique congruenter, filiam a *Jephthæ* fuisse perpetuo cœlibatui consecratam, arbitratur. Nisi
490. *Jacobi Saurini* aliunde satis innotuisset, amplissima doctrina, eam ex hisce Dissertationum *Tomis* ubique enitere atque diffundi, merito prædicarent universi. Tanta enim orationis suavitas & compositionis amœnitas, ubique dominatur, tanta sentiendi moderatio utramque facit paginam, tanta reconditarum & antiquissimarum rerum rarissima cognitio usquequaque patefcit, ut Lectorem, haud penitus rei sacræ & literariæ rudem, Volumina hæc debeant retinere & delinire.

DE REGIMINE MAGNORUM AUXILIORUM
in curationibus morborum Dissertationes quatuor; de
offensionibus Medici operosi Dissertatio singularis; Au-
tore HOMOBONO PISONE, Cremonensi, in Aca-
demia Patavina Medicinæ Practicæ
Professore.

Patavii, typis Joannis Baptistæ Conzatti, 1735, 4.

Alph. 2 plag. 17.

Magnorum auxiliorum, quæ & *δρακίνα*, Id est, efficacia, appellari solent, sicut insignis est nobilitas & generi humano exinde contingens salubritas, eo quod curationum compendia his ipsis institui, & morborum, ceteroquin male obsequioforum, pertinacia expugnari, ab artis suæ gnaro possint; ita plurimis hæc res exponitur difficultatibus. Eventuum lubricitas, Medici

fama

fama sinistro successu labefactata, ægri corium misere quandoque laceratum, experimenta per mortes facta, plures eo induxerant, ut expectationi plurimum largirentur, nollentque, ex monito *Celsi*, occidisse videri, quos servare haud poterant. Verum, sicut temeritas Medicorum Plutonia regna haud parum auxit, ita & timiditate, oscitantia, aut stertore, medicantium non inferior funerum numerus ducitur. Hæc res Autorem admonuit de explicanda magnorum auxiliorum indole, & legitima illis utendi methodo exponenda, id quod feliciter & perquam erudite executus est. De Venæsectionis administratione primum edisserit, quam male a quibusdam negligi, pejus & præter rationem institui, pessime quotidianam effici, declarat. *Teneo, ait, pro certo, me non longe a veritate aberraturum esse, si dixerò, ex centum venæsectionibus, de more imperatis, tertiam partem cum vera ratione vix fieri, & bene vertere.* Videas, quorum armata scalpello manus semper est, quibus sanguinem extrahendi libido ita familiaris est, ut nata cum iisdem videatur, nec quidpiam præter venæsectionem in ore sit. In genere, quid sanguis vena dimissus præstare in corpore humano possit, exponitur. Calorem nativum inde augeri, utut contrarium id videri quibusdam possit, restituta, quæ ob copiam impedita fuerat, circuitus libertate, contendit. Perspiratio hoc ipso sui juris fit, sanguisque omnis concitator, cum certa revulsionis fiducia, evadit, virium a sanguine, nervea principia, quandoquidem abundat, premente, prostratio restituitur, sed & refrigerium inde salutare obtinetur, ipso, quod sanguini inest, vitali caloris principio imminuto, & vasorum capillarium habitu ad debitam diametri plenitudinem, nec ultra, infarcto. Sed & hæc omnia contraria & insalubria evadunt, si præter institutum ob Hydraulicæ animalis neglectum, vulnerandi magis, quam sanandi, desiderio ferrum stringatur in perniciem. Verum ac genuinum venæsectionis necessarius indicans superfluum sanguinis copiam esse, innuit Autor. Quamvis enim illius ablatio inedia, exercitiis, aliisque evacuationibus, obtineri possit, celerior tamen in sanguine per venam missio salus est. Plurimum operosus est in dirimenda lite, quam *Fernelius, Horatius Augenius*, aliique, de differentia plethoræ ad vasa, & quæ ad vires dicitur, agitant. Plethoricus ad vasa,

quales athletas suos habuit *Hippocrates*, vasorum diametros, sanguine abundantes ultra capiendi potentiam, sanctas habet, quamvis & hic afferatur inter plethoram ad vasa puram & impuram, quæ & spuria dici suevit, scholastica diversitas. Ad vires plethoricus habetur, cujus utut mediocris visus sanguis, virtutem vitalem, qua circumagi debet, nihilo minus exsuperat, qualis est sanguis febribus intermittentibus correptorum. Omni autem, cur sic peragant, ratione destituuntur, si qui cacochymiam, qui terminus quamcunque humorum dyscrasiam & in qualitate existens vitium denotat, venæsectione curari posse, arbitrantur. Nempe, non qualis, sed quantus, sit sanguis, hic considerandum, neque, si tamen *Galenus* melancholicos pertusa vena curavit, causam materialem & formalem sublatam fuisse, reputandum. Revellendi & derivandi sanguinis alterum est indicans, qui termini ut legibus motuum respondeant, in rigore significatus accipiendi non sunt. Exinde uberius declarare suscipit Autor, quid venæsectionem indicet, quid omittendam suadeat; inde pro ingenio antiquorum, quorum placitis sententiisque mire delectatur, de habitu corporum, de fibrarum textura, quam venam secare deceat, quam minus, jucunde utiliterque differit. Taxatur *Sydenhamius*, qui infantibus, dentitione difficili laborantibus, sanguinem miserit, quamvis, quæ altera infantia est, senectus, pro roboris vitalis discrepantia, sanguinem impune ex vena dimittere possit. In prægnantibus sanguini plus justo parcit, inquiens: *in magna proclivitate mulierum ad abortum jure timetur, ne is accidere possit a venæ sectione, quæ omnes humores commovet, vasa laxat, multiplicique ratione officere potest futura.* Verum paulo post prudenter limitat, non omnem venam sectam esse abortivam, abstinendum tamen esse, a vena Tali. Nostræ ceterum optime sese habent, quando vulnus recens & vix obligatum secum puerperio afferunt. Reliqua venæ administrandæ impedimenta a causis non naturalibus, motu, quiete, somno, vigilia, tandemque morbis, quibus nefas est sanguinem effundere, desumuntur. Altera Dissertatio de purgatione & medicamento purgante inscribitur, quæ merito inter ardua & magna cautionibus subjecta remedia collocatur. Purgantium innocentiam primum contra *Helmontium*, qui inter venena eadem habuerat, defendit; inde anti-

antiquam illam, an cum selectu purgare quædam dicantur, an attrahant humores, controversiam docte movet. Inde quæstiones curiosæ: an venæsectionis vicem gerere, an eidem præmitti, an postliminio erogari, debeant, proponuntur. Nec minus apposite, quæ ætates, corporum conditiones, sexusque, quoad uterum, vel vacuum, vel plenum, diversitates, Medicum ad propinanda laxativa pocula determinare possint, exponitur. In explicando *Hippocrate*, & conciliandis interpretum ejus sententiis, an cruda, an cocta materia expurganda sit, plurimus est. Tertia de Sudore Commentatio est, ubi, qualis sit humor, an primæ, an proximæ post hanc, digestionis, prolixè Autor exponit, experimentis de redolente varios cibos sudore inductus, ut definiat, intestinale esse chyli succum, qui toto corpore dimanet. Sudorificorum virtutem, nec in alcalici remedii cum acido sanguinis juxta *Willisium* in corpore humano contingente pugna, nec in calore corporis aucto, semper consistere declarat, quin potius pro præstantissimis illa habet, quæ ab ambientibus corpora causis, stragulis, balneis, & sic porro, desumta, cutis spiracula ad stillicidium invitant. Quo tempore quale istud serum sit, quod evacuari debeat, merito consulendum est. Neque enim biliosi, scorbutici, cacoëchymici omnes, impune citra mali exacerbationem sudorifica ferunt, quin & loci opportunitas insuper haberi non debet; inde vitia cuti proxima aut articulorum morbi sudatione felicius, quam purgatione, curantur. Imo spontaneus quoque motus humoris versus cutim sudore inclinans, Medicum sæpe de perspiratione ægri augenda admonet. Interim plura, corporum habitus, humorum conditio, morborum indoles, causæque aliæ, naturales æque ac præternaturales, sudorificorum, tanquam magnorum auxiliorum, usum dissuadent. Denique de hydrargyri ad salivam movendam usu peroratur, magno præ reliquis & summe periculoso auxilio. Antiquis ignoratum hydrargyri usum, quem salivatione præstat, declaratur, ante tamen cognita luis venereæ tempora ejus hoc ipso aliquam famam existisse, declaratur. Postea *Berengarii Carpenfis* potissimum invento ad omnium notitiam ejus in sanandis putridis malis celebritas pervenit. Utut enim dira subinde mala, ex hydrargyrofi, a male seriatis præter rationem administrata, subsecuta fuerint, nihil tamen

tamen impedit, quo minus ejus magna virtus magnæ apud omnes, methodum usurpandi rite edoctos, existimationis esse possit. Neque vero saliva exinde, quocunque modo corpori immixtus fuerit, tantum, sed & reliqui humores, intestinalis potissimum, fluunt, crebrioribus subinde & salutaribus subsequenter alvi dejectionibus, quæ res ægros miro modo sublevat. *Bellostius* scilicet, in morbo Gallico sine salivatione curando gloriam quærens, addito stimulo laxante humorum decubitus ad cloacam corporis humani derivavit, liberasque hoc ipso fauces reddidit. Mos est per Angliam, docente *Dovero* in *Actis Academicis Edimburgensibus*, hydrargyrum ad uncias ebibere, cum plurium morborum solatio, sine noxa, nisi anguis, quod pertimescendum, in herba lateat. Sunt tamen, etsi promptitudo adjuvandi extra dubium versetur, plura, quæ ejus usum in variis corporibus dissuadent. In omnibus hisce Autor novitatem cum antiquitatis studio conjunctissimam effecit. Accedit elegans de Offensionibus Medici operosi Sermo, *septem Capitibus* absolutus, quorum *primum* internas errorum in Medicina occasiones recenset: nempe juvenilis animi impetum de omnibus experiri velle, hinc Autorum dissensus, ita quidem graves, ut nisi recte sentire penes se ipsum didicerit Medicus, actum de salute ægri videatur, quandoquidem & magnis in arte viris ob signorum obscuritatem errandi sit facilitas. *Altero*, quid *Sanctorius* in methodo vitandorum in Medicina errorum peregerit, & quantum sit, quod sensuum externorum judicio largiri quis debeat, declaratur. *Tertio* errorum a causa externa opportunitates variæ adducuntur, Medicorum scilicet, lecto ægri admotorum, tenacitas in sentiendo, in pronuntiando promptitudo, in faciendo præcepti consilium. *Quarto Capite*, qualem potissimum venæsectionum patroni stragem hominum edant, illustratur. *Capite quinto*, quandoquidem in nulla alia plus graviusve offendunt Medici, quam venæsectionum, administratione, expenduntur argumenta venæsecundæ in febribus, proposita a *Joanne Freindio* tanquam evidentia, & refelluntur. Curiosum istud potissimum historiæ *Hippocratis* momentum urgetur, quod seni huic praxis semper incruenta existerit, utpote penes quem nulla adornatæ in ægro venæsectionis vestigia essent. Ipsius venæsectionis in inflammationibus

bus externis frequentia æqui bonique haud consulitur *Capite sexto*. *Capite* denique *septimo* de purgantium usu & abusu ad mentem *Hippocratis* & antiquiorum ita differitur, ut maximam inde, imo ex totius libri attenta evolutione, utilitatem jucunditatemque habituri sint Lectores.

DE ORIGINE ET INCREMENTIS TYPOGRAPHIÆ Lipsiensis Liber singularis, ubi varia de literariis urbis studiis, & viris doctis, qui in ea claruerunt, inseruntur.

Accedit librorum, Seculo XV excusorum, ad MAITTAIRII Annales Supplementum.

Lipsiæ, in ædibus Bernh. Christoph. Breitkopfii, 1740, 4.

Plag. 21.

Annum Typographiæ secularem tertium Cl. Jo. Henricus Leibniz, Lipsiensis, scripto hoc solido æque ac nitido celebravit, atque merito illustravit. Inscripit Magnifico & Amplissimo urbis nostræ Senatui jure suo librium, cujus quippe partem haud contemnendam Bibliothecæ Senatoriæ debet. Summam libri *Capitibus sex* constare, libet monuisse. *Primo* exponitur de origine typographiæ Lipsiensis. *Secundo* recensentur libri philosophici & poetici, a primis typographis Lipsiensibus excusi. *Tertio* exhibetur ejusdem argumenti continuatio, inprimis de libris ad eloquentiæ studia pertinentibus. *Quarto* pertextitur typographiæ Lipsiensis progressus, usque ad tempora Reformationis. *Quinto* recensentur progressus typographiæ Lipsiensis ad libros Græcos. *Sexto* commemorantur progressus ejusdem ad libros orientales. Corollarii loco accessit decerptum ex *Conradi Wimpinæ* Oratione, de *Viris illustribus, qui ex Academia Lipsiensi ad Ecclesiam, aut Rempublicam, accesserunt*. Oratio illa A. 1503 in confessu Academicorum Lipsiensium fuit habita. Argumentum in eo versatur, ut, *Wimpinam Melchiori*, Episcopo Brixienfi, dignitatem Purpurati Romanæ Ecclesiæ gratulatum esse, appareat. Adjuncti sunt *Annales typographiæ Lipsiensis* ab ejus origine ad annum usque 1517, quibus accedit recensio librorum, sine anni indicio Lipsiæ impressorum, tum habentium typographi nomen, tum eo carentium. Jucunda est, quæ illam excipit, *Diatriba, de libris ligno incisis* inscripta, haud secus ac *Observatio de libris quibusdam Seculo XV impressis*. Agmen claudit *Librorum Seculo XV excusorum, ad Mich. Maittairei Annales, Supplementum*, ex

nec nobis, certi quidem de eo innotuit. Merito autem idem primos libros ligno insculptos principi in Germania typographo, *Joanni Fausto*, vindicavit, ac *Hadriani Junii & Josephi Scaligeri* suffragia, *Laurentii Costeri* studiosa, refellit. Nostrium omnino est, Clariss. Autoris operam, graviter feliciterque historię typographica infumtam, prædicare, eique de specimine eleganter edito congratulari. Librum ejus superstitem fore, quamdiu pretii erit nonnihil literis venustis, rei que literarię, nunquam non suspiciendę ac deamandę, certę prævidemus, ac gaudentes existimamus.

MEMOIRES POUR SERVIR A L' HISTOIRE &c.

hoc est,

COMMENTARII, HISTORIÆ CELEBERRIMORUM
in Republica literaria Virorum inservientes. Accedunt Catalogi librorum, a singulis scriptorum, de iisque judicia.

Autore Pl. Rev. NICERONIO, Barnabita.

Tomus XXXVII.

Lutetię, apud Briassonium, 1737, 12.

Plag. 18; & totidem plag. dimid.

Primus hic est *Tomus*, cui doctissimus olim Autor præscripsit suum nomen; eundem esse ultimum, inde suspicabamur, quod ei subjectum cernimus Indicem alphabeticum Virorum, quorum vitę in *triginta septem Tomis* descriptę sunt. Quę si etiam non fellisset nos suspicio, (fessellit enim utique, ut postea, editis *Tomis* novis, cognovimus,) non tam querendum fuisset eruditis, quod colophonem Operi suo imposuerit Autor, quam gratię ipsi agendę pro tamdiu navata reipublicę literarię in hoc genere opera. Doccebitur nunc Lectores, quorum vita hoc in *Tomis* reperiatur exposita, adjuncto cujusque librorum catalogo. Procedit igitur primo loco *Edmundus Merillus*, *Cujacii* discipulus, qui factus anno vitę vigesimo primo Professor Juris in Academia Cadurcensi, deinde eandem spartam ornavit in Bituricensi, mortuus A. 1647 d. 14 Julii. Omnia ejus Opera Neapoli sunt edita duobus Voluminibus A. 1720 in 4. Sequuntur *Rodolphus Boterejus*, Gallice *Boutbrays*, Historicus, m. 1630; *Joachimus Vadianus*, Professor primum Viennensis in Austria, decursisque ibi decem annis, in patria urbe, S. Galli sapo, primum Medicus publicus, deinde Senator,

tor, ac tandem Consul, m. 1551 d. 6 Aprilis; *Petrus Nannius*, m. 1557 d. 21 Julii; *Guilielmus de Lavour*, m. 1730 d. 8 Aprilis; *Joannes Heurnius*, m. 1601 d. 11 Aug.; *Geraldus de Cordemoy*, m. 1684 d. 8 Octobris; *Ludovicus Geraldus de Cordemoy*, prioris filius, m. 1722 d. 7 Febr.; *Placidus Puccinellius*, m. 1685; *Conradus Heresbachius*, m. 1576 d. 14 Octobris; *Jo. Baptista Dionysius*, Medicus, m. 1704 d. 3 Octobris; *Dionysius Petavius*, m. 1652 d. 11 Dec. septuagenarius. Undevigesimo ætatis anno Professor Philosophiæ creatus est in Bituricensi Academia. Postea Jesuitarum ordini se aggregavit, & multis, iisque eruditissimis, scriptis, quorum maxima pars est contentiosa, clarissimum adeptus nomen est. Est Vita hujus Viri, quæ a pag. 81 usque ad pag. 234 extenditur, non a *Niceronio* nostro scripta, sed ab alio quodam viro doctissimo, qui, ut hoc solum inde decerpamus, pag. 121 scribit, ita tractasse *Petavium* suis in scriptis hæreticos, (hoc est, Protestantes,) uti Equites sacri Melitenses tractare Turcos assoleant. Jam succedit vita *Gualteri de Costes*, m. 1663 mense Octobri; *Ludovici de Camoens*, Lusitani, tam felicitis patrio sermone Poetæ, ut *Virgilio* æquipararetur, m. 1579; *Joannis Grangerii*, m. 1643; *Jo. Baptiste Lauri*, m. 1629 d. 20 Septembris; *Guilielmi Amesii*, m. 1634; *Dionysii Ameloti*, m. 1678 d. 7 Octobris; *Eusebii de Lauriere*, m. 1728 d. 9 Januarii; *Jo. Jacobi Grynai*, m. 1617 d. 30 Aug.; *Davidis Rivalti a Flurantia*, editoris Operum *Archimedis*, m. 1616 mense Januario; *Ovidii Montalbani*, m. 1672; *Francisci Maurolyci*, m. 1575 d. 21 Julii; *Georgii Crittonii*, m. 1611 d. 6 Aprilis; *Guilielmi Amfrye de Chaulieu*, m. 1720 d. 27 Junii; *Alexandri Vareti*, m. 1676 d. 1 Augusti; *Euricii Cordi*, m. 1535 d. 24 Decembris; *Valerii Cordi*, qui prioris fuit filius, m. 1544 d. 25 Septembris; *Jacobi Corbini*, m. 1653; *Antonii de Larval*, m. 1630; *Jo. Francisci Blondi*, m. 1644; *Joannis Michel*, Medici primarii Regis *Caroli VIII*, m. 1495 d. 22 Augusti; *Joannis Opsopæi*, m. 1596 d. 23 Septembris.

Ex hoc literato grege segregare nunc liceat Theologum clarissimæ famæ, *Guilielmum Amesium*. Parum quippe nota sunt ejus fata, & ipsius *Batii* descriptio vitæ ejus, in *Dictionario historico-critico* occurrens, admodum jejuna est. Natus videlicet est

Amesius in Anglia anno fere 1577. Literis operam navans Cantabrigiæ, factus est Socius Collegii Christi. At, cum Puritanus esset, (ex quo nos quidem colligimus, patrem ipsi fuisse Pastorem Presbyterianum,) in periculo erat, ne rursus ejiceretur ex hac societate. Tolerabatur quidem aliquamdiu ob morum venustatem, quibus se reddebat amabilem; postea tamen excessit sponte, prævidens ac præveniens ejectionem ignominiosam. Ex eo tempore cum & Cantabrigiæ & in circumjacentis Ecclesiis frequenter concionaretur; accidit, ut Ecclesia Colchesteriensis eum vellet creare suum Pastorem. Intercessit autem Londinensis Episcopus, cujus in diocesi tum erat illa urbs; adeoque res non successit. Intelligens igitur *Amesius*, sacris muneribus se excludi in Anglia, patriam statuit deserere. Hic opportune fiebat, ut Angli quidam mercatores, qui & ipsi erant Presbyteriani, juberent cum suis sumptibus demigrare Lugdunum Batavorum, ibique scriptis oppugnare hierarchiam Anglicam. Ac venit quidem huc loci, sed haud ita multo post Hagam elegit sedem, accitus illuc a duce copiarum Anglicarum, stipendio Batavorum militantium, qui summus erat Presbyterianorum fautor & patronus. Duxit etiam hic loci in matrimonium filiam ejus sacerdotis, quem habebant copiarum illarum Anglicarum; cumque hic paulo post repeteret Angliam, successor ei dabatur *Amesius*. Verum non diuturnum fuit hoc gaudium. Quæsti enim in aula Regis nonnulli, copias suas, in Batavia hærentes, sacerdotem habere ab Anglicana Ecclesia alienum, facile efficiebant, ut præfectus illorum militum dimittere *Amesium* cogeretur. Tum vero a supremo Batavorum magistratu admovebatur Synodo Dordracenæ, quæ agebatur illo ipso tempore, accipiebatque pro stipendio singulis diebus florenos quatuor. Finita A. 1619 hac Synodo, creabatur Inspector Studioforum Theologiæ, sumtu mercatorum aliquot Amstelodamensium, Leidæ viventium, succedens ita *Festo Hommio*, qui tum factus fuerat Regens, quem vocant, Collegii Theologici eadem in urbe. Non ita multo post in eo erat, ut *Amesius* constitueretur in Academia Leidensi Professor Theologiæ; sed id consilium ideo non successit, quod Rex Angliæ gravissime obfisteret. Statim autem ei aperta est cathedra theologica Academiae Franqueranæ; quam stationem etiam arripuit cupidissimè, exor-

diens

diens hoc munus, suscepta prius dignitate Doctorali, d. 7 Maji A. 1622. Præfuerat huic spartæ duodecim ipsos annos, cum Angli, Roterodami habitantes, evocabant *Amesum* ad munus Professoris Theologiæ obeundum in nova schola, quam ibi constituerant consentiente magistratu. Quorum voluntati parebat eo facilius, quod Franequeræ non satis bene beateque agebat. Vix autem sedem suam hic fixerat, cum ei mors occurrit inopinato. Audis scilicet aliqua eluvione aquis, & noctu cubiculum ipsius ingressis, cum forte surgens de lecto pedes in aquam immitteret, tanta trepidatione affectus est, ut febris inde sibi nasceretur, quæ paucis diebus post exstinxit ipsum, quinquaginta septem natum annos, anno 1634 exeunte. Duas habuit uxores, quarum e priore nihil suscepit liberorum, e secunda filium reliquit ac filiam. Opera ejus Latina, nitido & pressio stilo exarata, in quinque Voluminibus formæ duodecimalis edita sunt Amstelodami A. 1658, præfato *Matthia Netheno*, in Academia Trajectina Theologiæ Doctore & Professore, qui & vitæ & scriptorum *Amesii* historiam enarrat. Ac in primo quidem Tomo insunt *Lectiones ejus in omnes Psalmos Davidis, Explicatio utriusque Epistola Petri, Christiana Catechesis illustratio*; in secundo *Medulla theologica, de conscientia casibus Libri quinque, Puritanismus Anglicanus, sive Dogmata eorum, qui inter vulgo dictos Puritanos in Anglia rigidiores habentur, Dissertatio de origine Sabbathi & die Dominico*; in tertio *Bellarminus enervatus*; in quarto *Coronis ad Collationem Hagensensem contra Remonstrantes, & Animadversiones in dogmata, a Remonstrantibus exhibita Synodo Dordracenæ*; in quinto denique *Disputatio contra Nic. Grevinchovium; de Arminii sententia, qua electionem inniti docet fidei prævisa, Rescriptio ad Grevinchovii Responsum, Disceptatio de circulo Pontificio, Philosophemata*, in quibus continetur 1) *Technometria, singularum artium fines adequate describens*, 2) *Disputatio adversus Metaphysicam*, 3) *Dissertatio de Esbica vulgaris imperfectione & inutilitate*, 4) *Demonstratio Logica vera*. Præter Latina hæc scripta, Anglico sermone scripsit *Amesius Refutationem Brownistarum, Introductionem ad vitam sanctam, & Refutationem triplicem Doct. Mortoni, tres Episcopaliū ceremonias defendentis*.

NOVA LITERARIA.

Vir eruditus, *Bourguet*us, Philosophiæ in urbe Neocastellana Professor, rerum fossilium doctrina clarus, consilium cepit, fossilium & petrefactorum systema condendi. Exhibebit in politissimo Opere Figuras quinquaginta, Tabulis æneis delineatas, easdem, quas Vir Celeberrimus, *Carolus Nicolaus Langius*, in Historia lapidum figuratorum Helvetiæ & vicinarum provinciarum, Ventiis A. 1708 Latino sermone edita, habet, quo quidem libro hæcenus nihil exstitit in hoc argumento præstantius. Erunt tamen novo hoc Opere mutata quædam. Quæ ad lapides corporum marinorum haud pertinent, figuræ, quales sunt crystallorum, hydrolythorum, foliorum topho expressorum, dentoideum, plantarum terrestrium, abesse jubebuntur. Supplebitur locus additis plantarum marinarum & conchyliorum petrefactorum speciebus. Selectiores ex *Scheuchzerianis* Figuræ, quas magnus ille Vir Meteorologiæ & Oryctographiæ suæ addidit, præferendæ erunt, non omissis, quas *Langius* ex Metallotheca Comitum *Trautmansdorff*, Legati Batavorum ad Status Helvetiæ, descripsit, plantis marinis & conchyliis. Cumque adeo octo Tabulis æneis *Langiana* Historia audius futurum sit hoc Opus, Tabulis ipsis doctissime exsculptis; habituri etiam sunt lectores Tractatum, quo classes, genera, & species, fossilium, seu elementa scientiæ, indicantur, & post variorum Philosophorum aut Physicorum de petrificatione sententias *Woodwardi* de diluvio præoptatur opinio. Recensentur Autores, qui de fossilibus egerunt; potissimum autem habentur ea, quæ a *Langio* de re istius argumenti proposita fuerunt. Quilibet exinde intelligit, eodem, quo *Langii* Opus divenditur, pretio hunc etiam librum stare posse; sed dimidio pretii, id est, tribus Francis monetæ Helveticæ, se contentum fore pollicetur Editor. Commendamus librum, quem omnium desiderii commodum fore prævidemus ex parva quidem ad nos transmissa schedula, sed qua totius systematis icon adumbratur. Quantæ enim non tantum voluptatis, sed & utilitatis, sit, petrefactorum & fossilium historiam nosse, ex nostris haud pauci jam sciunt, quorum industria instructissimas urbs Lipsiensis possidet Pinacothecas. Quare & nostris his provinciis acceptissimus erit liber, quem propediem adfore speramus.



NOVA ACTA ERUDITORUM,

publicata Lipsiæ

Calendis Aprilis Anno MDCCXLI.

T. LIVII PATAVINI HISTORIARUM AB U.C. LIBRI, qui supersunt, omnes, cum Notis integris LAUR. VALLÆ, SABELLICI, RHENANI, GELENII, GLAREANI, SIGONII, URSINI, SANCTII, JO. FRID. GRONOVII, TAN. FABRI, H. VALESII, PERIZONII, JAC. GRONOVII, excerptis NANNII, LIPSII, MODII, GRUTERI, nec non ineditis GEBHARDI, & DUKERI, & aliorum, curante ARN. DRAKENBORCH. Tomus tertius, Liber X - XXVI, cum Supplementis JO. FREINSEMI.

Amstelodami, apud Wetstenium & Smith, Lugduni Batavorum, apud Sam. Luchtman, 1740, 4 maj.

Alph. 6 plag. 8.

Respondet eventus nostris, omniumque intelligentium, & literis Latinis bene cupientium, optatis, citiusque, quam spes fuerat, prodit *tertius Livii Drakenborchiani Tomus*. Quæ res nobis est hoc gratior, quod ita in spem minime dubiam venimus, fore, ut eadem celeritate reliqui quoque consequantur. Ceterum in hoc *Tomo* eandem diligentiam, accuratam, eruditionemque, quam in superioribus *duobus* laudavimus, semperque laudabimus, Vir Clarissimus probavit nobis, omnibusque, qui de his rebus judicare possunt, facile probabit. Quod si vellemus, pro amplitudine operis, & rerum bonarum copia, demonstrare, non facile finem dicendi reperiremus. Itaque Lectores nostri paucis exemplis erunt contenti; in quibus, si quod fortasse erit, in quo nobis aut secus videatur, aut aliquid de nostro adjiciamus, tanto facilius feret Vir Clarissimus, quanto sæpius ipse a summis viris dissensum professus est, &

Bb

quanto

quanto dignius est humanitatis professore, in hoc genere humanitatem adhibere. Quamquam enim non ignoramus, male sæpenumero credi illis ethopœiis, quæ de hac re in Præfationibus poni solent; tamen aliter meliusque de *Drakenborchio* speramus.

Primus nobis occurrit locus *Livii*, qui est *Lib. X Cap. 2*, de *Cleonymi* Lacedæmonii in Italiam expeditione, ad quem multa erudite scripta reperimus. In iis etiam est, quod assertur ad verba hæc: *Hæc ubi Patavium sunt nuntiata, in duas partes juventutem dividunt. Altera in regionem, qua effusa populatio nuntiabatur; altera, ne cui prædonum obvia fieret, altero itinere ad stationem navium ducta.* Jam *Gronovio* suboluit corruptam esse vocem *altero*. Itaque is conjiciebat, legendum *alio*. Sane, *alter* & *alius* in *MStis* confundi, observatum est a doctis Viris, & a *Clariss. Drakenborchio* ad *Epit. Libri L* pluribus exemplis docebitur. Ea confusio hoc loco poterat eo facilius fieri, quod paulo ante eadem vox occurrit. Sed placet tamen *Drakenborchio* non magis, quam nobis, *Cel. Burmanni* conjectura, qui *avio* legendum putabat. Profecto præmissa ratio, *ne cui prædonum obvia fieret*, indicat, *itineris* verbo adjectum esse epitheton, cujus red-datur ratio. Sed, sive *altero* legas, sive *alio*, ratio non satis quadrabit. Si autem *avio* legas, omnia constabunt. Atque id eo facilius lectoribus persuasum fuisset, si Vir Clarissimus addidisset exemplum, quod haberet aliquam cum hoc loco similitudinem. Nunc nihil addidit præter illud *Suetonii* in *Aug. Cap. 96* autore *D. Casare*, cujus sibi species *itinere avio* occurrisset. Hic locus ostendit, Latine dici: *avium iter*. Atqui hoc nemo dubitat. Sed quaeritur, an in loco *Livii*, in hoc contextu, *avium iter* necessarium sit. Id ita esse ostendet, quem nos hic proferemus, locus, qui huic simillimus est, etiamsi *itineris* verbum absit. *Tacitus Annal. II, 151*, inducit *Arminium* Germanos cohortantem. In ea cohortatione etiam utitur *Arminius* hoc ad Romanorum pavorem demonstrandum: *avia Oceani quaesita, ne quis venientibus occurreres.* Ceterum, quod eodem loco in parenthesi: *millia autem quindecim ab oppido aberat*, ex antiquis editionibus & *MStis* repositum est *quatuordecim*, id recte atque ordine factum est. *Cap. VII* in verbis Orationis *Deciana*: *Si conspiciatur cum ca-*
pide,

pide, ac lituo, capite velato victimam cecat, auguriumve ex arce capiat, recte, rejectis aliorum conjecturis, ut lapide Perionii, apice Cuperi & Doujatii, item lectione *capside*, quæ est in nonnullis editionibus, defenditur *capide*, ostenditurque e *Cicerone* & *Prisciano*, fuisse vas Pontificale. Ejus quæ figura fuerit, e numis arbitramur disci posse, eorumque autoritate certius, quam *Prisciani*, confirmari, capidem vas Pontificis esse, & huc pertinere. Atque in universum hic locus e numis egregie illustrari potest. Nam v. c. in numo *M. Lepidi*, Pontificis Maximi, capidem, lituum, & caput velatum, conspiciamus apud *Gutherium de Jur. Pontif. I. 29*. Ceterum Vir Clarissimus putat ad *Cap. VI, Livium* secum pugnare ipsum, aut sui oblitum esse, quod, cum ibi scripserit, si quatuor tum Augures fuerint, ut duo mortui fuerint, necesse esse, quod aut tres, aut sex, Augures esse debuerint; postea tamen *Decium* inducat dicentem: *nec tum Patriciis ulla injuria facta est, cum Duumviris sacris faciundis adjectus est propter plebejos numerus: Et nunc tribunus, vir fortis ac strenuus, quinque Angurum loca, quatuor Pontificum adjecit, in quæ plebeji nominentur; non ut vos, Appi, vestro loco pellant, sed ut adjuvant vos homines plebeji divinis quoque rebus procurandis, sicut in ceteris humanis pro parte virili adjuvant*. Nam, dici vere non posse, Patricios non pelli loco, ubi pro senis fiant quaterni Patricii. Nisi fortasse locus ita explicandus sit, ut nullus Patricius cogatur sacerdotio se abdicare. Sed nobis neque pugnare secum *Livius*, neque sui oblitus, videtur, neque cuiquam, opinamur, ante *Drakenborchium* de ea re in mentem venit. Cum *Patricii* dicuntur loco pelli, vocabulum loci est capiendum de dignitate in universum, non de singulis locis. Si id *Decius* dicere voluisset, quod Viro Clarissimo videtur, dicere debuisset, aut: *non ut quinquam vestrum suo loco pellant, aut: non ut vos vestris locis pellant, aut: aliquot loca vobis eripiant*. Sic plebeji poterant in illa de Consulatu controversia dicere, *se Patricios non pelleret loco*, etiamsi uterque Consul plebejus esse poterat e *Sextia Licinia* lege; nam id fuisset iis plane adimere jus Consulatus petendi, aut obtinendi; non autem: *loco altero*. Sic *Appius* apud *Livium X, 15*, dicitur quæsisse, non ut Patricii recuperarent locum consularem, sed duo consularia loca; nam locum consularem, hoc est, jus petendi

Consulatum & gerendi adhuc tenebant. Itaque sensus illorum verborum est: quemadmodum in sacerdotio sacrorum faciendorum non vos loco pepulit plebs, sed vobis reliquit illum honorem, ut adeo plures, quam antea, e Patriciis isto honore utantur, sic hunc Pontificatus Auguratusque honorem vobis non adimit, sed tantum communem esse vult. Accedit, quod hæc non solum de Auguratu, sed etiam Pontificatu, dicuntur, in quo totidem Patricii ac plebeji, nullusque Patriciis ademptus locus. *Cap. XIII Livius* commemorat, quomodo *Fabius*, inclinata studia in comitiis Consularibus videns, ea, recitanda lege, restinguere instituerit, ne quis intra decimum annum eundem magistratum bis caperet. Ea res multis eruditorum disputationibus locum fecit, cum alii contenderent, *Fabio* tum delatum esse Consulatum alterum, intra decimum a superiori annum, alii autem post decimum, ut adeo e legibus Consulatum capere potuerit. Illa sententia *Sigonii* fuit, hæc *Glareani*, *Dukeri*, qui de hoc loco consulendum dicit *Dodwellum de Cyclis Diff. X Sect. 68*. Clariss. *Drakenborchius* ostendit, secundum *Fastorum Capitolinorum* Chronologiam decem annos tum elapsos fuisse, cum hunc Consulatum, qui quartus fuit, ceperit; sed in iis *Fastis* interponi annum, inter eum, quo *M. Livius Dent*, *M. Æmilius*, & quo *Q. Appulejus*, *M. Valerius*, Consules fuere, per Dictatores exactum, quem *Livius* non agnoscat. Ex eo patere, *Livium* e suis rationibus scribere potuisse, *Fabium* eam legem recitari jussisse, &c. Aliam autem quæstionem esse, utrum annus ille *Fastorum Capitolinorum* interponendus sit. Quod cum credat *Pighius*, etiam excusationem *Fabii* ad annum sequentem referendam censere, quo populus ei Consulatum continuare volebat. Vid. *Annales ad Annum 457*. Sed sine dubio *Livium* suos habuisse *Annales*, quos secutus sit, & ita potius accusandum fore, quod errantes duces probavit. In quo facile Viro Cel. assentimur. Eleganter etiam explicat locum, varie tentatum, *Cap. XIV: & tempore improvisa ex montibus signa, clamorque sublatus, non vero tantum metu terruere Samnitum animos. Num & Fabius Decium Collegam appropinquare exclamavit*, &c. Nempe ostendit, ante verba, nam & *Fabius*, omisum esse, per ellipsin aliquam, bonis scriptoribus usitatam, id, cujus ratio reddatur, hoc est, sed etiam vano, laudatque

in hanc rem præter locum ex *l. 31 ff. de rei vind. Cel. Burmanni ad Phædri Præfationem Lib. I v. 6, & ad Calpurn. Ecl. VII, 64. Cap. XXIX §. 7* sic legitur: *quibus (pilis) plerisque in scuta, verutis in corpora ipsa, fixis, &c.* quidam libri habent *plerisque*, etiam ante *verutis*, sed Codices MSi optimi & propemodum omnes primæque editiones id verbum non agnoscunt. Gronovius pater ita interpretatus est, partem hæsisse scutis, partem, quæ teretiore essent mucrone, & facilius penetrabant, veruta quippe, ipsa etiam corpora attingisse. Sed Cel. Drakenborchius e vestigiis Codicum optimorum, Florentini & Leidensis 1, qui exhibent: *verarisque ratis i. c. i. f.* Loveliani 4, qui habet: *verarisque ruptis*, eleganter colligit legendum: *rarisque verutis*. Sane hæc vox necessaria videtur. Nam, si omnia aut pleraque veruta in corpora ipsa fixa fuissent, non addere potuisset Livius: *magna pars integris corporibus*. Nec multum ab hac lectione abit locus Livii XXXIV, 39: *ex adverso missa tela, nulla in corporibus, rara in scutis, hærebant*. Ad Caput XXX jam legendo veneramus. Id Caput nos admonebat eorum, quæ, arrepta ex hoc ipso Capite occasione, contra nos inique dicta sunt in Bibliotheca, quæ Amstelodami impensis Westenianis ratiocinatur. Nempe Vir doctus, qui ea scripsit, impulsus a redemptoribus Livii Drakenborchiani, duplicem nobiscum injuriam scilicet exoptulat, alteram librariis, alteram Drakenborchio, factam. Id si modeste ab eo factum esset, aut non alter librariorum hic Lipsiæ in ea re tragœdias egisset, pro consuetudine & animis nostris ea omnia indicta putaremus. Nunc, quoniam invidiæ, malitiæ, temeritatis, inscitæque, accusamur, ea vero repellenda a nobis injuria videtur. Primo, neque animus fuit librariis, honestis & bene de republica literaria, tot bonos libros suo sumtu edendo, meritis viris, injuriam facere, neque fecimus, cum scriberemus, famam fuisse, autoribus bibliopolis Batavis, a Cel. Drakenborchio Livium depositum esse. Vere enim ista diximus. Nempe, cum ante hos quinque annos is, qui ista scripsit, hic Lipsiæ, in mercatu, venisset in tabernam Westenii, ab eoque aliquid librorum emisset, in variis sermonibus, ut fit, incidit etiam in Lucianum Liviumque, interrogatque, quæ de his libris spes sit. Ibi tum West-

stenius incipit conqueri, magnam se in his libris jacturam facere, quod, cum utriusque libri plurimæ plagulæ jam sint exscriptæ typis, destituatur a Viris doctissimis. Nunquam se in posterum commissurum, ut ante prelo subjiciatur liber, quam totus sit perfectus ab Autore & absolutus. Jam quis nescit, Cl. *Hemsterhusium* deposuisse *Lucianum*, neque eum proditūrum, nisi Cl. *Reitzius* cum Cel. *Gesnero* partes ab eo depositas suscepissent? Quidni igitur de *Livio* idem suspicaremur? Aut quæ injuria in ista supicione, inprimis cum ea ab ipso *Wetstenio* orta sit? Et tamen, si, eam rem ipsos tam ægre laturos, aut sibi noxiam arbitraturos, putassemus, facillime silentio prætermissemus, qui nemini molestiam creare, aut nocere, cupimus. *Drakenborchius* autem, etsi quidam, qui in Batavis fuere, eum hic valde iniquum omnibus Germanis tradiderunt, tamen eorum sermonibus minime creduli, uti semper favimus, ita etiam in posterum favebimus; neque facile quisquam est in hac urbe, qui ejus nomini plus fa-veat, eumque, vel communium literarum nomine, omnibus modis extollat ac defendat, si tulerit occasio, quam ille ipse, a quo ei jam invideri, Vir doctus in *Diario Amstelodamensi*, falso temereque scripsit; qui quippe etiam postea, quam de *Livio Drakenborchiano* in his *Actis* scripserat, nescius adhuc irarum, quas commoverat, cum de *Livio Creveriano* diceret, nihil esse *Creverium* ad *Drakenborchium*, scripsit. Hoc scilicet qui scribit, non potest *Drakenborchius* invidere, aut ejus *Livium* in contemptum adducere velle. Quodsi qua in re ille aliquando ab eo dissen-sit, aut aliquid sibi non satis placere ostendit, non debet Cel. *Drakenborchius* injuriam interpretari, (neque interpretabitur sane,) non debebat, inquam, Vir doctus, qui contra nos scripsit, injuriam in *Drakenborchium* aut invidiam interpretari, sed ex eo potius colligere, laudes, quæ ei tributæ sint, eo veriores & ad ceteros homines probabiliore esse. Jam velimus scire, qua fronte potuerit idem ille scribere, inter alias reprehensiones temerarias etiam hanc esse, quod, cum referremus, Cel. *Draken-*

Pag. 483. *borchium Lib. I, 43*, verba: *tela in hostem, hastaque & gladius*, in-
484. corrupta, neque aut *addita* cum Codice *Havercampiano* adjicien-
dum, neque que de suspicione *Perizonii* delendum arbitrari,
id-

idque referremus ita, ut ex ipsis verbis appareat, eam sententiam nobis probari, adjecimus, restare, ut ostendat Vir Geleberimus, hanc formam, *bastaque & gladius*, profaiciis scriptoribus, & *Livio* inprimis, usitatam esse, nosque non assequi, quare id potius ad *Lib. X Cap. 30* facere voluerit, quam ad hunc locum, quo primum hujus formæ exemplum occurrat. Nam nobis quidem jam accidere, quod *Perizonio*, atque fortè etiam aliis, accidit, ut nullum exemplum succurrat. Non igitur negavimus, hanc formam usitatam esse, sed, ut sit in hujusmodi minutiis, ad quas ferè moniti demum difficultate aliqua attendimus, nobis nunc nullum exemplum succurrere, diximus; & postea plura, præter ea, quæ nunc *Drakenborchius* commemoravit, & ante, quam commemorasset, invenimus, ut *I, 55, V, 48, &c. in Taciti Ann. IV. 3, &c.* Neque vero leges dare *Drakenborchio* volumus, aut volumus, sed ei libenter hoc concedimus, quoniam ei ita libet, ut nos quam sæpissime, ut etiam in hoc *Volume* fecit, ad notas nondum editas amandet. Nemo autem negabit, magis consentaneum & Lectoribus opportunius esse, prima quaque occasione rem unamquamque demonstrari, & ad eum locum in posterioribus lectores rejici, & ita caveri, ne dialecticis hodiernis sermones dentur, quam ad consequentia, & ea quidem nondum edita. Quod autem eum locum, ad quem eam formam se illustraturum ostenderat, etiam sic capi posse diximus, ut *que*, adjunctum verbo *Perusinarum*, ad antecedentia referatur, in eo nihil aliud nobis visum, quam superioribus Editoribus, qui propterea minori distinctione hic usi sunt, & nunc quoque plerisque, qui non *Drakenborchianam* notam legerunt, ita videbitur; neque absurde, etiamsi nunc, lectis iis, quæ pro sua interpunctione dixit, facile concedamus, *Drakenborchianam* interjectionem esse meliorem veteri. Ceterum, quæ hic temeritas a nobis adhibita sit, non videmus. Quanam autem sunt ceteræ temerariæ reprehensiones? Nullæ, opinamur. Nempe in toto illo de *Livio Drakenborchiano* loco nihil quidquam reprehendimus, nisi fortasse hæc duo. Primo diximus, nobis non necessarium videri, ut *Lib. I, 43*, pro *in his accensi* cum *Perizonio* deleatur *in*, quod *Drakenborchio* visum est, quod *in his accensi* ponatur recte pro

Pag. 489. pro *his accensi*, idque autoritate *Ciceronis* induci diximus. Quæ tandem hic est temeritas reprehendendi? Deinde diximus, non mirandum, si *Clericus* nesciverit, aliquid jam *Scheffero* in mentem venisse, neque ideo eum reprehendendum fuisse, cum idem aliis acciderit, nominatimque *Jo. Frid. Gronovio*; quem cum propterea non reprehenderit, non esse, quare *Clericus* reprehendatur. Num hic aliquid temeritatis est? Æquitatis amor ista nobis expressit. Num quid autem præterea reprehendimus? Nihil. Et tamen temerariæ reprehensiones nobis exprobrantur? Videat, qui ista scripsit, ne ipse magis temerarius in accusando, quam nos in reprehendendo, judicetur. Et hæc respondisse sufficiat. In posterum autem nihil amplius respondebimus, si vel maxime simili modo accusetur, semel iniquitate accusationis demonstrata; nisi forte, hac nostra propositione animi freti, nimis acerbi & iniqui fuerint. Verum hoc non putamus fore; sed nunc potius omnem illam litem compositam credimus. Nunc ad institutum, ex hoc minime jucundo deverticulo, revertamur. Cap. XLVII Censores *P. Cornelius Arvina* & *C. Marcius Rutilus* dicuntur *vigesimi sexti a primis censoribus* fuisse. In hunc numerum consentiunt omnes scripti typisque editi libri, nisi quod in Florentino est *vigesimus sexti*, & in *Hearnii Oxoniensis viginti sex*. Tamen *Dodwellus de Cyclis* pag. 632 putat liberos majoris numeri finem tantummodo conservasse, scriptumque fuisse a *Livio Censores LXXXVI*. Primos enim Censores institutos fuisse anno *Varroniano CCCXI*, inde duo Censuræ quinquennialium paria ad annum *Varronianum CCCXX* fuisse, quo censuræ tempus XVIII mensium spatio coercuit, *Mamercus*, ita, ut in singulis trienniis bina fuerint Censuræ Collegia. Ab eo tempore ad annum *Varronianum CCCCXL* fuisse annos CXX, & proinde eo spatio exstitisse Censuræ paria octoginta nempe octodecimestrium, a primis autem Censoribus paria octoginta duo. Tum rursus vetus Censuræ jus instaurasse *Appium Claudium*, Censuræ, atque effecisse, ut deinceps essent quinquennales. Itaque annis deinde viginti ad anni *Varroniani CCCCLX* exitum quatuor fuisse Censuræ quinquennialium paria, quæ superioribus addita efficerent *LXXXVI* paria Censuræ in universum, relictis tamen

tamen a *Livio* extra numerum primis Censoribus. Sed Clariss. *Drakenborchius* egregie ostendit, *Dodwellum* valde errare in eo, quod existimet, ex eo, quod Censura octodecimestris facta sit, consequi, ut singulis trienniis bina Censurum paria creata sint. Nam, etsi duratio magistratus mutata est, tamen non tempus creandi mutatum, sed singulis quinquenniis Censores creati sunt, &, ubi ii post 18 menses magistratu abierant, nulli Censores in Republica fuerunt, id quod pluribus certisque rationibus, quas huc transcribere nihil attinet, confirmat. Lectoribus nostris etiam relinquimus in ipso libro legenda, quæ erudite dixit Cel. *Dukerus de magistratibus, quibus viarum cura commissa fuit*, Pag. 92 & variorum observationes de *Corniculis*. In Observationibus ad *Librum XXI* inprimis multa dicta sunt ad illustrandum constitutumque *Livium*, inprimis multæ lectiones a *Jo. Fr. Gronovio* prolata, novis MStorum Codicum autoritatibus, quanquam hoc per totum Opus factum est, confirmata, & in contextum recepta. Vid. v. c. 1, 2, 4, 6, 9, 17, 18, 19, 26, &c. Sed nos hic inprimis commemorabimus exempli causa, quæ ad *Cap. 31* dicta sunt, si modo illud antea monuerimus, in hoc *Libro* coepisse Cl. *Drakenborchium* uti *Livio Crevieriano*, quem scilicet, cum superiores *Libros* illustraret, nondum viderat. In eo autem *Capite* narrat *Livius* iter *Hannibalis* a *Rhodano* usque ad *Druentiam*, & quid in eo itinere actum apud *Allobroges*. *Hannibal*, defugiens prælium cum *Scipione*, trajecto *Rhodano*, mediterranea Gallia petiit. Quartis castris ad Insulam pervenit: ibi *Arar Rhodanusque amnes*, diversis ex *Alpibus* decurrentes, agri aliquantulum amplexi, confluunt in unum. Sic habet *Gronoviana* editio. Jam primum docti viri hæserunt in illo: ibi *Arar Rhodanusque*, propterea, quod ea, quæ dicit *Livius*, in *Ararim* & *Rhodanum* non videntur convenire. Itaque *Jac. Gronovius*, cum in Codice *Cantabrigiensi* invenisset *Bisrarar*, reponi volebat: *Isara Rhodanusque*. Idem in mentem venerat *Cluverio*, eamque emendationem confirmare studuit Vir doctus in *Memoriis Academiæ Parisiensis Tomo II pag. 142 edit. Hag. A. 1724*. Assensus his nuper etiam est *Rollinus*, Vir Clarissimus. *Harduinus* contra ad *Plin. III, 4*, valde improbat hanc sententiam, vulgatamque lectionem veram contendit,

tendit, etsi nullis allatis rationibus. *Doujatius* autem Arari Druentiam substituendam existimabat. *Drakenborchius*, etsi nihil definit, quod, cum ipsi e Francia Viri docti dissentiant, temerarium foret, si extraneus iudicium suum interponere vellet, tamen *Doujatianam* sententiam manifeste falsam esse ostendit ex eo, quod *Livius* eodem hoc *Capite* dicit, *Annibalem* postea ad Druentiam venisse, & hunc fluvium transisse. Si autem *Gronovio* assentiendum, malle se, dicit, legere: *Ibi Isara & Rhodanus*. Porro, quod *Gronoviana* præfert: *diversi*, id non est ex antiquis exemplis *Livii*, sed ex emendatione *Rubenii*, commodumque sensum habet. Verum jam *Jac. Gronovius* vidit, *diversi* quoque rectum esse, & significare *e diversis Alpium partibus*. Sic *Drakenborchio* quoque placet. Nam, quod alter fluvius e Vogeso oriatur, eam quoque Alpium partem esse dicit, & *Strabonem IV, 186*, Arari ex Alpibus originem tribuere. Itaque, cum hæc lectio in duodecim Codicibus MStis ab ipso reperta sit, eam *Livio* restituendam putavit. Eodem modo restituit ei etiam e Codicibus pluribus *aliquantum* pro vulgato *aliquantulum*, & jam idem ille *Jac. Gronovius* monuerat, id in omnibus Codicibus MStis esse. Ejus etiam hæc conjectura non improbabilis *Drakenborchio* visa est, qua proxime legi volebat: *Inde mediis campis*, non, ut vulgo est: *mediis campis*. Nam in quibusdam Codicibus post eos, quos *Gronovius* consuluit, reperit *Drakenborchius*: *in mediis campis*. Satis autem constat, & ab ipso est ad *X, 20, 6*, demonstratum, *in* & *inde* sæpe in MStis Codicibus permutari, facili scribarum lapsu, cum pro *inde* per compendium *in* scriptum esset. Paulo post *Gronovius*, pater, in his verbis: *Brancus minore ab fratre & ætu juniorum, qui jure minus, vi plus, poterat, pellebatur*, invitis omnibus libris legendum censebat: *poterant*. Eam lectionem, cum *Drakenborchius* in Codice *Loveliano* reperisset, *Liviano* contextui reddidit. Mox in vulgatis *Livii* exemplis est, *quod Senatus Principumque sententia fuerat*. Ea forma loquendi non est probata bonis Latinæ linguæ Autoribus. Itaque jam *Jo. Fr. Gronovius* e quatuor Codicibus putabat reponendum *quod ea*. Id fecit nunc cum *Crevierio Drakenborchius*, inventa eadem lectione in novem Codicibus MStis.

MSis. Pari modo plurimorum Codicum confirmatur, & in contextum recepta, conspicitur lectio, a *Jo. Fr. Gronovio* e Codice *Gudian* producta: *ob id meritum commeatu, copiaque rerum omnium, maxime vestis, est adjutus, quam infames frigoribus Alpes præparari cogebant*; cum antea esset: *omnium, & vestis, est adjutus, quæ i. f. A. præparare cogebant*. Jam, cum Alpes peteret *Annibal*, autore *Livio*, non recto eos itinere petebat, sed in *Tricastinos* flexit, & quidem, ut est in vulgatis, *ad levam*. Hoc *Lipsius* in *Ep. ad Belgas Cent. I Ep. 93* monuit locorum rationi repugnare, quæ ejusmodi sit, ut *ad dextram* flexerit, non *ad levam*. Itaque emendavit: *a leva*. Eam emendationem vehementer probat *Drakenborchius*, sed in contextum recipere, repugnantibus omnibus Codicibus, non audet. Improbatur etiam cum *Gronovio*: *saxa glareosa*, quæ paulo post commemorantur, & *saxa glareasve* vel *glareasque* legendum censet. Nam & *Columella VI, 23, saxum & glaream, Lib. de Arb. Cap. 17 lapidem & glaream*, conjungit. Hujus generis observationes plurimæ occurrunt in illo itinere *Alpino Hannibalis* illustrando. In quo extremo etiam illud vulgatum de *saxis aceto ruptis* e *Plinio* & *Dione Cassio* illustrat; sed post alios quaerit, unde *Annibali* tanta aceti copia in *Alpibus*? Ad quam quaestionem fortasse aliquis ita putet se respondere posse, ut dicat, aliquam aceti copiam fuisse, ut eo pro potu uterentur, cum satis constet, aceti hunc usum militarem fuisse, idque, necessitate postulante, in *saxis* rumpendis consumtum esse. Addamus unum de *Penino*. Negat *Livius*, hoc nomen *Alpibus* a *Pœnis* indicum, sed ab eo, quem in summo sacratum vertice, *Peninum montani* appellant. *Gronovius* jam adduxit interpretationem *Lipsii*, qui *heroe*, vel *Deo*, intelligebat. Sed idem *Lipsius* post *Sigonium*, qui eam lectionem e priscis libris commemoravit, *verticem* legebat. Id recte negat probandum Noster, etsi ipse quoque in quibusdam Codicibus reperit. Neque enim *Alpes* hæ dictæ sunt ab ipso vertice sacro, ut *Lipsius* existimat, sed a *Deo*, qui in vertice sacratus erat. Hic *Deus Peninus* vocatur in lapide antiquo, in his ipsis *Alpibus* in monte magno *S. Bernbardi* invento, quem post *Sponium Misc. pag. 85* & in

*Aris ignot. Deor. pag. 243 Tomo VIII Thes. Græv. edidit Cupe-
rus Apotheos. Hom. pag. 16, qui ex eo hic legendum a Deo conje-
cit. Eam lectionem firmat Codex Lovelianus 5, qui habet sed ad eo.
Posses etiam ab Deo. Nam ita ea & Dea permutantur, ut suo
tempore docebitur. Eadem conjectura postea in mentem ve-
nit Leibnitio T. I Script. Brunsvic. pag. 45, ubi plura de hoc
Deo. Is adducit etiam peropportune locum e Servio ad Virgil.
Æn. X, 13, ubi Penina Dea commemoratur, quod Cluverius in Ital.
ant. I, 32, 340, emendabat: Penino Deo. Ex illo, quem dixi-
mus lapide refellitur etiam Cluverius, qui l. c. & in German.
ant. I, 26, 186, &c. Pennum vel Pinnum hunc Deum dicen-
dum putat. Lazii somnia de Alpibus Peninis rejecta sunt in his
Actis A. 1730 Mens. Aug. pag. 368. Inprimis frequens est in historia
belli Punici II commemoratio prodigiorum, in quibus sunt multa
non satis aut constituta, aut illustrata. In his quoque acutum se
& eruditum probavit Drakenborchius. Cujus rei aliquot exempla
attulisse sat erit. Libri XXII Caput 1 totum in his rebus est. Dicun-
tur inter alia Præneste lapides ardentis cælo cecidisse. Id prodigi-
um quale sit, negat se intelligere Vir Clariss. Itaque scribendum
putat lampades ardentis, quemadmodum etiam Lycosthenes, medio
Seculo XVI Julii Obsequentis Supplementa edens, hic legisse
videtur. Prodigia enim hujus anni referens Cap. 31, inter alia
scribit: Præneste ardentis lampades de cælo ceciderunt. Simile
prodigium est apud eundem Julium Obs. Cap. 70, 105. Nam,
etsi ille facem ardentem commemorat, tamen, quod illi Cap. 128, 131,
fax id Dioni Cassio XLV, 278, LIV, 534, λαμπράς dicitur, ut Sebesc-
ferus & Oudendorpius ad loca Obsequentis laudata ostenderunt.
Lampadum meminit etiam Plinius Hist. Nat. II, 261. Lampades au-
tem vel lapades facile in lapides ab indoctis librariis mutari po-
tuerunt. Porro commemoratur in prodigiis species lune inter
imbrem cadentis. Hujus illustrandi causa ex Obsequente Cap.
101 attulerat Gronovius, pater: nova luna decidit, & non nisi
postera die hora tertia comparuit. Sed Cl. Oudendorpius ad illum
notavit, Scaligerum oræ libri annotasse: nova lana decidit. Ve-
rum, etsi hæc conjectura nullo modo Obsequenti convenit, pro-
pter verba sequentia, tamen Viro Clarissimo videtur Livio con-
venire,*

venire, ut legatur: *species lana inter imbrem cadentis*, eoque pertinere exempla, quibus hoc prodigium *Oudendorpius* illustravit. Neque enim lunam videri posse inter imbrem, cum cœlum nubibus obductum est. Quodsi vera sit vulgata lectio, sensum hunc esse, ut instar stellæ cadentis visa sit luna cecidisse. *Cap. 36*, ubi similis prodigiorum commemoratio, etiam hoc refertur: *ex multo cruore signa in Sabinis cædis, aquas e fonte calidas manasse*. Non est necesse hic de *Lipsii Gronoviorumque* suspicionibus dicere, de quibus e superioribus editionibus constat. *Drakenborchius* autem e vestigiis *MStorum Codicum* hanc conjecturam proposuit: *multo cruore signa in Sabinis Cereris, aquas e fonte (vel & fontes) calidas manasse*. Primum jam in mentem venerat *Gronovio*, alterum probabile faciunt editiones, quæ habent *aquasque*. De *lacu septem aquis* in Sabinis nota res est vel e *Cluverii Ital. ant. II, 9*. Volebamus adhuc quædam asserere ad illam veris sacri-conficiendi formulam dicta *XXII, 10*; item ad *Carmina Marciana XXV, 10*, sed veremur, ne nimis longi simus. Nam, si vel maxime ea adhuc referremus, tamen hæc justo longiori oratione nihil aliud efficeremus, nisi ut aliquot specimina eruditionis *Drakenborchianæ*, ad *Livium* orandum collatæ, ex innumerabilibus attulisse videremur. Sed, quoniam id jam iis, quæ proposuimus, effectum speramus, hic dicendi finem facimus, & reliquis *Liviani* Operis Partibus parem cum editis fortunam, hoc est, lucem & ornatum ab *Cel. Drakenborchio*, optamus.

PERSEPOLIS ILLUSTRATA, OR THE

Royal Palace of Persepolis illustrated and described, &c.

hoc est,

RUDERA ET ANTIQUITATES PRISCÆ SEDIS

Regiæ apud Persas, ex antiquorum recentiorumque fide.

Londini, prostat apud S. Harding, 1739, fol.

Opus constat XXI Tabulis æri incisis.

Si recte quidem antiquitatum amatores laudant operam illam suam, quam in molitionibus, operibus, vestimentis, cultuque

omni veterum, curiosius pervestigandis ponunt; omnino illi mirari aut reprehendere non debent, si librum hunc, gratia Autoris, incogniti quippe, carentem, solo interno suo pretio impensius ipsis commendasse videbimur. Neque debet in volumine, parvo quidem, sed æri toto inciso, paulo majoris pretii suspicio cupiditatem ejus plane pernoscendi excutere his, qui vetustate fere annisque res omnes æstimant. Quodsi enim habet hoc antiquitas, ut rebus, etsi nullum magnum usum præbentibus, tamen pretium per se addere videatur; quanto majoris fieri rerum monumenta debent, quæ præterea non parva, tum ad Auctores bonos illustrandos, tum forte ad corrigendos malos, utilitate se probant. Quo in numero has Persicas antiquitates esse, qui neget, fore putamus neminem. Nobis autem, in exhibenda earum tanquam imagine, id cavendum est, ne aut totam Commentatiunculam exscripsisse, aut etiam superasse recensitionis magnitudine, dicamur. Itaque agemus brevissime, ac de descriptis reliquiarum istarum imaginibus, deque addita circa eas disputatione, perpaucis exponemus. Exhibetur autem primo universa ruinarum sumtuosissimi operis facies, rupesque cum ad cetera, tum ad regios tumulos, exsectæ. Tum, per singula eundo, Sphingum signa, partim alatarum, quæ ingenti magnitudine latera propylæorum tegunt, objiciuntur. Inde portæ, pilarumque, ac columnarum varii generis, sive fractæ, sive integræ formæ, atque insculptæ saxo hominum animaliumque imagines, imo scalarum in parietibus toti greges arma atque dona ferentium, denique, immenso labore, cæsis rupibus efficta Regum monumenta, gratum oculis spectaculum præbent. De quibus rebus quæ sunt aliquot paginis disputata ab eo, qui curam illarum edendarum habuit, eo pertinent, ut indiciis non dubiis planum faciat, quæ a recentioribus, vel Arabum, vel Persarum, Autoribus, urbis Estechar, palatiique Chilminar, ibi collocati, perhibentur reliquæ, has ipsius Persæpoleos, multis seculis ab ipso Estechar urbis conditore diversæ, ruinas esse. *Diodorum enim Siculum*, inprimis bonum ex antiquis Autorem, descriptionem palatii Persæpoleos, ab *Alexandro Macedone* destructi, dedisse eam, ut, fortunæ varietatem, quam subinde experta sit Persia,

Alexan-

Alexandri ducumque bella, Parthorum occupationem, recuperationem domestici imperii per *Artaxerxem*, Muhammedicorum Principum successionem, infestos solo terræ motus, totque Seculorum communem injuriam intuentibus, mirum esse debeat, *Garcia de Silva de Figueroa*, recentiori homini, qui, cum Hispanorum in Persis Legatus fuisset, rudera palatii Chilminar descripta exhibuit, illi ergo *Garcia* cum *Diodoro* tamen tantopere convenire. Neque enim dissentire eos videri ulla fere in re, præterquam in definiendo spatio, quod inter palatium, locumque montis eum, quo regia monumenta spectantur, intercedat; quippe passuum numerum mensuræ quatuor agri jugerum, quam *Diodorus* notavit, prima specie non respondere. Quod ipsum tamen non esse in difficultate tanta, ut vinci non possit; quando *πλεῖστα*, (ea enim Græce jugera esse volunt,) eo pedis genere, *Salmasio* autore, demetiri libeat, quod pollicum sedecim magnitudinem æquet. Quæ res si recte se habeat, reliqua omnia optime conspirare. Nam *Q.* quidem *Curtio*, & post eum *Salmasio*, videri funditus everfam ab *Alexandro* Persepolim; non autem solum *Ptolemeum Ammianumque Marcellinum* illius urbis, tanquam suo tempore superstitis, mentionem fecisse; sed *Josephum* etiam, *primique Maccabæorum libri* Autorem, quisquis ille fuerit, sic de Elimaide, id est, de Persepoli, locutos, ut eam, sive ab *Alexandro* non radicitus excisam, sive post ex parte reædificatam, certe stetisse *Antiochi Epiphanis* ætate, appareat. Quæ omnia si vel maxime imbecillia argumenta videantur; tamen id, quod rei sit caput, operum ipsorum præsentibus documentis nihilo magis fore incertum. Namque vestimenta quidem earum imaginum, quibus latera scalarum ornata sint, probat Autor partim Persicas, partim Medicas, antiquas vestes, togam simplicem terginam, simili collectam cingulo, stolam Persicam, tunicas manicatas, braccas, mitras, tiaras, cetera, specie referre, atque una cum armis esse talia, qualia, *Xerxe* Græciam invadente, in usu apud Persas fuisse constet; cujus rei testes se locupletissimos *Herodotum*, *Xenophontem*, ac *Cælium Rhodiginum*, habere. Ipsum autem virorum agmen, sic in parietibus graduum effigium, ut universo cultu, habitu, armisque, a more
recen-

recentiorum Persarum discrepet, non triumphum agentium esse, quod *Garcia* placeat, sed anniversario sacro natalem Regis celebrantium, præeuntibus, qui tiaras, coronarum similitudine, capite gestent, quem, *Cyro* regnante, morem principum Persarum (æquales vocabant) festis diebus fuisse, e *Xenophonte* disci. Simili ratione, nec majori fere negotio, ex antiquorum Persarum moribus explicantur cetera, quæ in pilis, fenestris, aliisque locis, signa cæata sunt; obiterque ac strictim de rebus variis, ad antiquam Persarum historiam pertinentibus, ut de prima umbellarum origine, de accepta ab Ægyptiis consuetudine per figuras animalium docendi, exponitur. Quo loco illa etiam redditur ratio, cur cornutum *Alexandrum* orientis incolæ fingant. In explicandis autem sepulchris Regum inprimis magna Autoris diligentia est. Quarum rerum ne plane in ignoratione Lector versetur, de his, tribus, quod ajunt, verbis, agemus; idque erit eo facilius, quod plurimis in rebus pleræque horum tumulorum formæ convenient. Tota autem, uti diximus, monumenta rupibus exsecta sunt, idque fere habent commune, ut pars inferior, qua aditus in ipsa sepulchrorum cava est, superiorem columnis sustentet. Quibus quæ superposita sunt, virorum bestiarumque, maxime cornutarum, simulacris suo ordine dispositis, distinguuntur. Inde autem altius exsurgens moles, plana superficie, & veluti libero aere, hominis principis imaginem exhibet. Is stans, procera forma, veste Medica, sive arcum, sive serpentem, manu continet; tiaram habet capitis ornamentum, atque versus aram sacro igne lucentem prospicit. Ceterum eodem in spatio, sed elevatiori parte, signum aliud, tanquam medio aere suspensum, aliquando distincte cognosci non potest, in eo autem monumento, quod, ut Autori videtur, *Darii Hystaspis* memoriæ sacrum est, viri præbet speciem, qui, nescio cui sive instrumento, sive machinæ, impositus, manibus orantium ritu compositis, ad solem, cujus adversum globum habet, dirigitur. De quibus rebus omnibus cum non minus scite, quam breviter, Autor disse-rat, atque inde, verum, quod quæsierat, esse, concludat; nos ad ipsum ablegamus Lectores, librumque antiquitatum venatoribus Anglice doctis tanquam utilem jucundumque denuo studiosius com-

commendamus. Ceterum vero non possumus non commemorare hoc loco rem per se non indignam, sed nescimus an observatam ab Autore, certe non notatam. Quodsi enim, ut videtur, obtineat Autoris de his vetustatis reliquiis sententia; profecto vacillare, & a nugatore amante conficta videri debebit eorum ratio, qui columnarum exornationes, generis præcipue Corinthii, a foliis flexibusque acanthi, quem pæderotam vocant, quique forte erat in Corinthiæ puellæ tumulo natus, repetunt. Hæc enim ruinosa Persæpolis columnas exhibet plurimas, sic exsculptas conformatasque, ut facile appareat, a Persis ceterisque, qui Orientem coluere, id ornamentorum genus, magnifice atque cumulate, sed confusim ac sine modo, adhibitum, ab his accepisse Græcos atque in ordinem redeigisse, probabilius statui, quam a Græcis traditam rationem apud istos denuo confusam corruptamque esse. Neque enim in Persæpolis columnis sive volutas in capitulis, sive plures in basibus toros, sive in utrisque folia, (quæ in altero quidem Græci sive neglexerunt, sive repudiarunt,) desideres. Quin etiam videas, non Græcam illam solum elegantiam ex his enasci potuisse, sed præterea etiamnunc ab homine, qui artem calleat, novum plane ordinem, nec inconditum absurdumque, indidem posse produci; nisi forte, & in scapis striarum strigiumque circuitus, & ipsas bases pluribus toris factas, inutuos Persas necesse est a virginali cultu Græcorum, penes quos solos mentem, consilium, sensumque pulchri, nata putamus.

RECHERCHE NOUVELLE DE L'ORIGINE ET
des fondemens du Droit de la Nature, &c.

est,

INVESTIGATIO NOVA ORIGINIS AC FUNDAMENTORUM *Juris Naturæ*, Autore FRIDERICO
HENRICO STRUBE DE PIERMONT.

Petroburgi, typis typographi Academix Scientiarum, 1740, 8.

Alph. 1.

Clarissimus Autor jam A. 1732. haud vulgarem eruditi orbis plausum tulit, cum Hildeneshemii formis publicis describendum

D d

dum suis curavit sumtibus libellum octo plagularum, cui inscriptionem præfixerat: *Recherche de l'origine & des fondemens du Droit de la Nature, traduite d'un Manuscrit Anglois, à Amsterdam, 1732, 8.* Quo quidem tempore Autor a Secretis erat Illustrissimi Administri Status primarii Wolferbuttelani, *Hieronymi de*

- Pag. 12. *Münchhausen.* Ex Præfatione nova omnino intelligitur dilucide satis, libellum illum haud esse translationem. Autor sincere fatetur, lineas primas systematis sui in eo exstare, quas, quia *Christianus Thomafius* ipsi haud fecerit satis, ab integro ducere existimaverit consultum. In præsentis libelli Præfatione repetit fundamenta, quibus superstruxerat Jus naturæ, ratus iterum, cupiditates universas, hominique innatus, quatenus sint
18. conformes naturæ, continere leges naturæ, quibus interpretandis ratio inserviat sana. Ex quo autem ab Academia Scientiarum Petropolitana fuit in societatem allectus, perspexit næ-
20. vos, quibus scriptum prius laborare fatetur. Emendavit itaque id, quod videbatur mancum & hiulcum, atque ex ea correctione & amplificatione novus hic doctrinarum complexus fuit sub-
23. natus. Usus genuinum substantiæ ponit in continuatione existendi id, quod essentialiter est. Exponit porro loca hujus libri, quæ lectori videri possunt subobscura. Opus ipsum divisit in tres Partes. Prima exponit de principiis generalibus, & de existentia juris naturæ; disserens de significato legum naturalium, de constitutione legum, de principiis legum naturalium, de autore legum naturæ, de objecto legum naturæ, de declaratione & summa earum, de earundem obligatione, de existentia legum illarum jurisque naturæ. Parte secunda edisserit utilitatem intelligentiæ ac regularum juris naturæ, officia nostra erga nosmet, officia nostra erga alios generatim, officia mariti ac uxoris, officia erga proximos, officia amicis præstanda, officia opulentis & indigis exhibenda, officia erga superiores & inferiores observanda, atque mutuam subordinationem officiorum nostrorum. Pars tertia repræsentat cognitionem virium nostrarum, rerum desideriiis nostris explendis propriarum, respectum rerum viriumque hominis mutuum, acquisitionem rerum, ea, quæ sequuntur acquisitionem, nempe possessionem, usum, dominium, & bono-

& bonorum communionem, rerum defensionem, damna rerum, & earum recuperationem. Leges naturæ, quatenus e naturæ contemplatione oriuntur in hominibus, esse duntaxat consilia, docuit *Hobbesius* in *Cive* Cap. 3 §. 33, *Thomasius* in *Fundamentis Juris naturæ & gentium* Lib. 1 Cap. 2 §. 34, ac Ill. *Christianus Wolfius* in *Ethica vernacula* P. 1 Cap. 1 §. 59. Lex quæcunque Pag. 5. complectitur 1) utilitatem communem, 2) ens, quod jure gaudet eas ferendi ac promulgandi, 3) homines ad eas recipiendas aptos & concordēs in eo momento, 4) vim, sufficientem producendæ obligationi. Leges hæc insistant 1) utilitati communi, 2) principiis certis ac immutabilibus, a natura rerum semper eadem pendentibus. Substantia creata quæcunque non potest non producta esse ad sui conservationem, continuationemve existentia, conformem rei, qualis est, vel qualis esse potest, vel in se, vel rebus aliis juncta. Inde sequi, docet Autor, hominis esse, conservationem generis conservare, nec propriæ conservationis oblivisci. Principium hoc vocat unicum & magnum ratione legum, aut juris, naturæ. Verum a justo esse distinguendum, monet, licet justum sit vero superstructum, præceptis ethice solito doceri. *Wollastonus* hæc duo momenta inter se confudit, quemadmodum Autor ostendit in libro *des Preuves morales & juridiques* Cap. 2 §. 12. Justum æstimamus convenientia actionum nostrarum liberarum cum lege; verum metimur convenientia cum rebus. *Naturam* Autor exponit per causam proximam & internam motuum primorum, aut virium substantiæ creatæ, tendentem ad illam reddendam talem, qualis esse debebat, aut ad illam conservandam talem, qualis est. Veteres sæpenumero naturam confuderunt cum ipso naturæ-auctore. Finge, haud dari naturam, hisce facultatibus præditam; & eo ipso non potes, quin jus naturæ evertas. Notandum hoc est iis, qui vocabulum naturæ fugiunt, vel sonum esse inanem existimant. *Natura* non produxit malum, sed hoc naturæ supervenit, nec tamen inde sic depravata, ut integritas ejus naturalis sit penitus destructa. Seculi aurei indoles statusque hominum integerrimus haud venditandus est pro larva vel fictione. Nobis integrum est, ad eum animo repræsentandum eniti, dum perfectionum partes, passim sese offerentium, coagmentamus in seriem & imaginem

- Pag. 24. ginem unam. Dantur tamen homines, qui eum fingunt integritatis statum, qualis nec existit, nec existere potest. Genus humanum ut fiat unum, efficiunt necessitates mutua ac virium
26. inæqualitas, quibus excellentior infirmiore juvare potest. Communicatio utilitatum subvenire sæpius indigentia debet. Hæ necessitates & subsidia mutua sunt priora cogitationibus hominum, certumque finem universalem respiciunt. Quare homines hujus rei haud sunt auctores. Qui naturam eorum condidit, is finem illum præstituit, eique conformavit ipsa adminicula.
30. Vires hominum consistunt in statu tum interno, tum externo. Si qua harum deest ad sui conservationem, ipsa exoritur indigentia; si qua abundat, nec a possessore ad statum suum tuendum & amplificandum adhibetur, tum illa inservire potest indigentia
31. aliorum avertendæ. Ratio humana est instrumentum juris naturæ, non principium, non auctor, non conservatrix. Quæ a ratione proficiuntur, ea sunt in nostra potestate. At jus naturæ a potestate nostra haud pendet. Ergo hoc ipsum a ratione humana haud fuit profectum. Multo minus lex naturæ originem suam voluntati humanæ debet, quippe quæ ab intellectu & ratione pendet. Anima humana, si jus naturæ produxisset, ipsa simul fuisset actuosa, ac simul vim illam actuosam repressisset.
36. Quod ipsum in manifestam contradictionem abit. Originem juris naturæ Auctor ponit in *passionibus*, quas Græci *πάθη* vocant.
42. *Aristoteles, Cicero, Grotius, Pufendorfius, & Cumberlandus*, si rem ad unguem refecit, & ad liquidum perducas, idem sentiunt. Auctor *passiones* distinguit in *principes* & *cooperantes*. Priores, ipso iudice, nituntur objecto ac scopo stabili & fixo, ac
44. citra interventum alterius rei eo ducunt. Amor & odium ipsæ possunt appellari. *Cooperantes* duobus illis affectibus vim conciliant & ardorem, vel etiam gradus inferiores, ni defectum omnem & privationem, designant. Amor est tam varius, quam multiplices dantur hominum status ac vincula mutua. In statu hominis solitario ac separato offert sese *amor sui, Φιλαντία*. Status, quo cum alio sumus quacunque ratione generatim conjuncti, gignit *amorem proximi*. Vinculum aliud efficit amorem conjugalem, propinquitati conformem, amicitiam, societatem doloris,

doloris, gratum animum, benignitatem seu indulgentiam, atque studium aliorum, seu actum, quo alios suspicimus & veneramur. Passiones principes homini esse innexas ac perpetuo infixas, nemo inficiatur. Nec casus externi, nec rationum vis, eas possunt tollere vel extirpare. Quis est hominum, qui se non amat ipse? qui id non odit, quod salutis suæ obsistit? Quis eos non amat, qui ipsi sunt similes? Nonne ipsam utilitatis contemplationem amor vel odium jam antecedit? *Passiones* scilicet profiscuntur a natura ipsa, natura autem a sapientissima Dei creatione. Ars & exercitium, naturam jam existere, & habilitatem naturalem adesse, indicant, non abnuunt, non eam tollunt. Corrigi potest naturæ modificatio artificialis vel extrinsecus adscita, non natura ipsa, non naturalis passio. Liceat nobis quoque hic illud adjungere, disputationem de principio juris naturæ esse *implicatam logomachiam*. Si enim quærimus, quodnam sit principium juris naturæ, tum varie respondere valemus, & quidem recte, idque vel magis vel minus congruenter principio ultimo. Respondes, principium illud esse salutem generis humani citra status arte introductos consideratam. Tum quærimus porro, quodnam sit principium illius salutis. Respondes, conservationem suimet, per alios simul promovendam. Quærimus deinde, cuinam principio insinat illa conservatio. Respondes, amori suimet. Quærimus tum, undenam hic amor effluit & manat? Respondes, ex passione naturali & innata. Quærimus tandem, quis voluerit, naturam humanam sic esse comparatam. Respondes, voluntatem Dei. Si socialitatem ponis pro principio, illa porro resolvitur in amorem conservationis suæ per alios acquirendæ. Tum recurrit amor suimet, passio naturalis, & tandem voluntas Dei, qui voluit, naturam hominis ita esse comparatam. Si ponis hominem, salutis suæ cum damno alterius inhiantem, ponis simul studium defendendi sese, amorem suimet, passionem naturalem, voluntatem Dei, naturam talem creantis ac foventis. Id vero addendum, hominem posse se & salutem suam amare citra bellum, ideoque principium *Hobbesianum* esse duntaxat hypotheticum, non universale. Et hac quidem ratione concertationes illæ de principio juris naturæ, si

Pag. 47.

eas dextre explicaveris, esse de nihilo, vanasque logomachias. Principium vero aliud est theoreticum, aliud practicum, & utrumque rursus vel absolutum, vel hypotheticum. Principium theoreticum est voluntas Dei. In eo enim ponitur, dari genus humanum. Idem affirmandum est de cupiditatibus dominabus. Principium vero practicum est: fac ea, quæ te & statum tuum, cum genere humano copulatum, perficiunt. Subest hypothesis de natura ita conformata. Principium vero *Hobbesii* prorsus est hypotheticum. Pone enim, existere genus humanum, societatibus diversis & unum cum collisione expetentibus temperatum. Similis hypothesis inest socialitati, quæ ponit scilicet, homini uni non satis esse virium solitariorum ad salutem sui acquirendam & tuendam. Sin vero quaeritur, quodnam horum principiorum sit maxime practicum & perspicuum; tum non possumus non respondere: eminet & excelsit illud, quod a conservatione suimet est desumptum. Autor respexit ad principium theoreticum, in quo principium illud practicum, cuicunque hominis statui congruens, fundatur & radices habet locatas atque infixas. Dum vero docet, naturæ humanæ inesse vim obligandi, non exponit, quid sit obligatio, & quo respectu vis ejus producendæ insit naturæ. Obligatio sumi potest vel metaphysice, prouti est phaenomenon certum, vel moraliter, prouti a legislatore dependet. Ni priori sensu eam obligationem sumserit, incidit certe in Scyllam. At amor cuicunque exhibendus suadet, ne ipsum perverse sensisse credamus. Quare nil restat, nisi ut ipse priori sensu vocem sumserit obligationis. Monenda hæc sunt, ne ipsi impingatur atheismi crimen, in ore eorum frequentissimum, qui pietatem & amorem præcipue videri volunt profiteri. Sub finem *Partis primæ* promittit translationem de jure gentium ac civili. Malletus, ipse addidisset obligationis illius metaphysicæ autorem Deum, stabilito prius Dei jure ac dominio in genus humanum. Obligatio enim hæc majori excellentia fulget, simul ac eam ostenderis esse divinam. Dantur enim homines, qui solis suis utilitatibus abrepti naturam advocant sautricem, & sese obligari putant per passionum intemperiem ad quævis absurda, quæ dissipantur per legislationem

Pag. 61
 seq.

76.

nem Dei benignissimi, sapientissimi, atque iustissimi. VocatPag. 79.
quidem leges naturales posthæc *divinas*; at non ostendit rationem, cur illæ leges naturales sint *divinæ*. Sumit igitur, eas esse *divinas*, non comprobatur. Unde exoritur demonstrationis hiatus. Putat præterea, cognitione adminiculorum ejus, quod 80.
est bonum, reparari quodammodo integritatem naturalem. At non demonstrat, eam dari, eam hac vel illa ratione esse comparatam, eam viribus naturæ quodammodo posse refarciri. Nisi fallimur, hic rursus sese offert hiatus non unus. De conscientia etiam differit, ubi de legislatore nondum exposuit, qui tractandi modus evadit metaphysicus, exiguumque spondet usum. Qui enim non metuit legislatorem, ejus tenuissima omnino est conscientia. Pœnas enim qui naturales metuit sine Dei sensu, is credere fortassis potest, errorem admissum haud carere sua utilitate in vita posthæc moderatius exigenda. At ea opinio est admodum ficulna & vitæ nimis securæ mater. Mallemus quoque, propositiones nonnullæ essent magis restrictæ, e.g. de conservatione vitæ pag. 84. Naturæ præterea tribuit, ut vires nostræ augeantur ad certam perfectionem. Vis nobis insita, ut ita agat, unice Deo fert in acceptis. Deum igitur nominare loco suo, haud a re fuerit alienum. Dari actiones, quæ a lege naturæ non satis sint determinatæ, nolumus credere cum Autore, licet eam ignoremus plerumque, in ambitu suo toto spectatam, 85.
ideoque legibus aliis divinis suppletam. Nescimus utique, qua ratione differi possit de perfectione honoris nostri quærenda, antequam demonstratum fuit, Deum super omnia esse honorandum, ejusque honorationem esse mensuram & excellentiam honoris cujuscunque humani. Qui sine honore Dei honorem suum querit, is abripitur in devia & Syrtes. Pæne etiam admonuissimus, officia aliis præstanda maximo pondere & elatere augeri, si ea ob Deum, ejusque voluntatem, alteri æque prospicientem ac nobis, noverimus esse exhibenda. Sed respondebit nobis Autor, se scripssisse principia iusti, non vero tranquillitatis. Id tamen, credimus, largietur, Deum a jure naturæ semoveri haud posse. Qui enim lex existet, ubi nullus existet legislator? Naturam certe nostram esse legislatricem, nemo facile 90.
cile 96.

cile affirmabit. Sed suffecerint hæc in præsens monita, animo ex candido profecta. Inæqualitas, quam inducit matrimonium, Autoris iudicio est ratio, cur filii haud debeant matres ducere uxores, & filia patribus nubere, vel eis, qui parentum sunt loco.

Pag. 109. Recte etiam horrorem & pudorem naturalem, qui est ex consuetudine & legibus civilibus ortus, pro causis vitandi incestus non habet. Admirationem exstinguit, ut ipse porro addit, familiaritas. Ut vero non inficiamur, Cl. Autorem satis egregie sese in tractatione universa gessisse; ita nobis persuademus, ipsi monita nostra haud esse displicitura. Mantissa loco subjuncta est tractationi *Dissertatio de Jure bellorum, quæ gerere decet*, jam Hagæ Comitum A. 1734 in lucem emissâ, quæ sua sese commendat elegantia & argumenti novitate.

ARCHITECTURE HYDRAULIQUE, &c.

hoc est,

*ARCHITECTURA HYDRAULICA, SIVE ARS
aquas ducendi, elevandi, iisdemque ad usus vitæ com-
mode utendi; Autore BELIDORO, Commissario
Provinciali Pyrotechniæ.*

Tomus II.

Parisiis, apud Car. Ant. Jombert, 1739, 4 maj.

Alph. 2 plag. 12, cum Tabb. æn. 55.

NE quem pœniteat moræ, quam Cel. Autor in edendo hoc *Tomo II* fecit, admonet ipse Lectores in Præfatione, id ipsorum accidisse commodo. Postquam enim hic liber prelo jam fuerat permissus; offerebat se Autori occasio, de iis, quæ scripserat, denuo cogitandi; & sicut plerique magis sapimus, quando ad ea, quæ satis bene meditati nobis videbamus, usus accessit & posterior cura, ita & Autor intelligebat, tum plura loca sibi esse emendanda, quæ principiis hydraulicis, vulgo quidem concessis, sed veritati adversis, innitebantur, tum novis se posse inventis Opus suum augere, quibus theoria motus aquarum & constructio machinarum, aquas elevantium, perfectior redderetur.

Duos

Duos Libros, tertium & quartum, hic Tomus complectitur. Uterque Liber in quinque Capita divisus est. *Caput primum Libri* Pag. 1. III est dissertatio physica de aere, in qua docetur, qua via recentioris ætatis Philosophi duas aeris proprietates nunc notissimas, gravitatem puta elateremque, detexerint, quo modo & atmosphæræ & cujusvis dati voluminis aeris pondus inveniatur, quæ sit gravitatis aeris ad siphonis & antliæ attractricis effectum vis, qua ratione aer per antliam pneumaticam datum dilatationis gradum obtineat, quid calor & frigus ad mutandum aeris elaterem valeant, & quod aeris elater in ratione ponderis comprimentis crescat. His varia addit Autor, quæ magis ad lectoris delectationem composita esse, quam ad scopum ejus facere, videntur, quælibet sunt, quæ de causâ mortis animalis, vasi recipienti antliæ pneumaticæ inclusi, de calore naturali corporis humani calori zonæ torridæ æquali, de errore tactus in temperie aeris subterranei dijudicanda, de modo, quo ignis fluida dilatat, disserit. *Caput secundum* theoriæ machinarum vento motarum, & calculum effectus earundem, tradit. Ventus quidem, perinde ac aqua, in superficies corporum, sibi objectas, impetum facit, tanto majorem, quo ipse rapidior est; sed, quæ ab aere fit percussio, minor est, ceteris paribus, ea, quæ fit ab aqua. Si planum ab aere & ab aqua æqualiter percutiendum est, necesse esse, ut velocitas aeris ad velocitatem aquæ sit in ratione 24 ad 1, *Mariottus & Hugenius* singulari experimento probarunt, quod hic ab Autore describitur. Hæc æstimatio paulum dissentit a Cel. Autoris calculo. Nam, cum aquæ massæ pondus ad pondus massæ aeris sub eodem volumine ut plurimum sit in ratione 640 ad 1; velocitates autem fluidorum, idem planum æqualiter percutientium, sint in ratione reciproca subduplicata densitatum; velocitas aquæ minimum 25.^{ta} sumi debet, ut prodeat velocitas venti, æqualem percussione in idem planum efficientis. Priorem tamen æstimationem Cel. Autor in Opere suo retinet, quoniam eadem in *Commentariis Academia Scientiarum Parisiensis* dudum adhibita fuit. His præmissis, docet percussione venti per pressionem alicujus ponderis exponere, & ostendit, si celeritas venti tanta sit, ut tempore minuti secundi spatium 24 pedum percur-

30.

32.

33.

- rat, percussionem, in planum unius pedis quadrati directe factam, fore 19 unciarum. Reliquum hujus *Capitis* descriptioni et examini machinarum vi venti motarum impenditur, inter quas primum locum hic tenent vulgares molæ frumentariæ, in
- Pag. 37. quibus alarum positionem respectu axis, figuramque, et venti, qua convertantur, vim, Autor omni studio examinat, multa in praxi vulgari emendanda annotat, & formulis generalibus ad usum commodissimis, quæcunque ad calculum effectus cujusvis machinæ vento motæ requiruntur, includit. Describuntur etiam sub finem hujus *Capitis* aliæ machinæ, venti vi motæ, quibus ad loca paludosa exsiccanda, vel ad loca arida irriganda, utuntur.
53. *Caput tertium* theoria Antliarum hydraulicarum inscriptum est. Tria dari eorum genera, satis notum est. Quædam enim aquam ex profundo sola suctione attrahunt, aliæ aquam sola propulsione attollunt, aliæ aquam suctione et pressione elevant. Postquam horum trium generum notiones distinctas Autor lectorum animis informavit, pergit ad descriptionem variarum specierum tertii generis, inter quas antliæ, quæ Parisiis in ponte, vulgo *Pont Notre-Dame* appellato, constructæ sunt, perfectissimas habet. Si hujusmodi antliæ aquam continuo propellere debent, solent eas duobus cylindris instruere; potest tamen & unus cylindrus iisdem sufficere. Nam *Cl. de la Hire* ejusmodi antliam, ope unius cylindri aquam non interruptis vicibus expellentem, excogitavit, atque in *Commentariis Academia Scientiarum Parisiensis A. 1716* descripsit; aliamque, ipse Autor invenit: verum illam ut nimis compositum, utramque ut variis incommodis subjectam, rejicit. Explicatis igitur variarum antliarum constructione & modo, quo aqua per eas elevatur, nunc id inprimis exigebat Autoris scopus, ut doceret, quo modo singularum antliæ partium dimensiones determinandæ sint, quo ea, quam admittit, perfectio ipsi concilietur.
70. Perfectio antliæ, ex mente Autoris, ab hisce sex capitibus pender, 1) a diametro emboli relata ad potentiam, qua movendus est; 2) a diametro cylindri aquæ immerfi, quæ per cylindri, in quo embolus movetur, diametrum, per velocitatem emboli, & per altitudinem, ad quam aqua elevanda est, deter-

determinari debet; 3) a maxima altitudine, ad quam aqua in antlia elevari potest, habito respectu ad pondus atmosphæ, ad spatium motus emboli, & ad talem internæ cavitatis antliæ dispositionem, ut aqua, usque ad embolum adscendens, nullum in via obstaculum offendat; 4) a crassitie cylindri, embolum continentis, & canalis, per quem aqua effunditur, idonea ad sustinendam vim, quæ illos disrumpere conatur; 5) ab emboli constructione, quæ talis esse debet, ut ipse cylindro, in quo movetur, perfecte adhæreat, & ut inter embolum atque cylindrum nec aquæ, nec aeri, ullus transitus concedatur; 6) a valvularum constructione & dispositione tali, ut aqua ubique libere permeet, neque majori in uno, quam in alio, loco celeritate fluere cogatur. Quæ singula capita dum Autor percenset, et uberius explicat, amplissimam tradit antliarum hydraulicarum theoriam. Sed, cum pressius sequi Cel. *Belidori* vestigia nobis non liceat, figamus pedem in *tertio* hujus tractationis *Capite*. Hic enim Pag. 82. ab Autore principium hydraulicum impugnatur, de cujus veritate huc usque dubitavisse credimus neminem. Scilicet intelligatur siphonis uniformiter ampli crus alterum verticale, altero longius, aquæ constanter plenum, et tubum communicationis horizontalem epistomio instructum esse. Aperto epistomio, aquam primo per tubum horizontalem fluere celeritate uniformi, ea quidem, quam grave lapsu per altitudinem cruri siphonis longiori æqualem acquirit, mox autem in crure verticali altero velocitate continuo retardata adscendere, res est extra omnem controversiam posita. Jam, quod ad legem hujus retardatæ velocitatis attinet, a Mathematicis quidem demonstratum est, velocitates aquæ, in crure verticali breviori adscendentis, decrescere in ratione subduplicata differentiarum altitudinum, ad quas aqua successive adscendit, ab altitudine constante aquæ in crure siphonis longiori; at nostro Autori alia omnia videntur. Affirmat enim, celeritatem superficiæ aquæ, per tubum breviorē adscendentis, in quolibet adscensus puncto æqualem esse differentię radicis quadratæ ex altitudine, ad quam superficies aquæ pervenit, a radice quadrata ex altitudine aquæ in longiori siphonis crure. Ad quod confirmandum, hoc fere, si mentem ejus recte percipimus, argumento utitur.

Nimirum, posita longitudine cruris longioris $= a$, cruris brevioris $= c$, si aquæ, per tubum communicationis horizontalem fluenti, opponatur embolus, juxta directionem contrariam sollicitatus a quacunque potentia, velut manu, celeritate $= \sqrt{c}$, hoc est, tanta, quantam grave cadendo per altitudinem c acquirit; velocitas respectiva, quacum embolus ille ab aqua propelleretur, erit $\sqrt{a} - \sqrt{c}$. Jam perinde esse putat, sive hic embolus, qui nunc ejusdem cum aqua specificæ gravitatis ponendus est, a manu sollicitetur, sive a columna aquea, quæ crus siphonis brevius repleat. Hinc, superficiem hujus columnæ aqueæ in orificio cruris brevioris etiam velocitatem $\sqrt{a} - \sqrt{c}$ habere, concludit. Reliqua, quæ in hoc *Capite* continentur, veluti solutionem Problematum octo de perfectis antliis hydraulicis, quæ olim Parentius in *Volumine III* libri: *Recherches de Physique et de Mathématique*, Mathematicis proposuit, determinationem juxta crassitie antliarum, theoriam valvularum, sicco pede transibimus, & ad reliqua *Capita* hujus *Voluminis* nos convertemus, quæ etiam leviter attigisse sufficiet, cum ex *priori* hujus Operis *Volumine* satis jam constare Lectoribus possit, quantum pretium industriæ acutissimi nostri Autoris sit statuendum. *Caput quartum* plures machinas describit, quæ aquam ope antliarum elevat. In hoc *Capite* dum Autor machinam describit, in qua emboli antliarum trium ellipsium ope moventur, elegantem & lectu dignam Dissertationem de Ellipsi, quæ, circa centrum revoluta, pondus peripheriæ impositum elevat, inferendi occasionem nactus est. Dignum etiam lectu est, quod in hoc *Capite* habetur, examen machinæ rota undulata instructæ, quam Cl. de la Hire in *Tractatu de Epicycloidibus* descripserat. *Caput quintum* completitur descriptionem & analyfin machinæ hydraulicæ, in ponte *Notre-Dame* Parisiensi exstructæ, & artificiorum, quibus eadem machina perfectior reddita est. *Alter* hujus *Voluminis Liber*, qui totius Operis *quartus* est, *quinque* etiam, ut diximus, *Capitibus* constat. Pergit Autor ad ductus, & distributionem, & conservationem, aquarum. Et in *primo* quidem *Capite* varios modos exponit, quibus uti possunt, qui aquam, ex certa altitudine delapsam, ad quamvis datam altitudinem iterum elevare debent. Deinde, cum scire opus sit, quantum aquæ tubi, per quos ipsa du-

Pag. 132.

153.

158.

204.

ducitur, & in fontes salientes aut aliorum distribuitur, dato tempore effundant, aut vice versa, quantæ debeant esse tuborum dimensiones, per quos dato tempore data quantitas aquæ effluere debet, huic argumento *Caput secundum* hujus *Libri* impenditur. Pag. 264

Maximam difficultatem in pertractando hoc argumento parit affricus aquæ ad latera tuborum, præsertim si tubi illi, per quos aqua ducitur, non figuram prismaticam servant, sed varie inflexi aut inæquali hinc inde amplitudine præditi sunt. Quas tamen difficultates superare laborat industrius Autor, adjutus potissimum experimentis *Coupletis*, in *Commentariis Academia Scientiarum Parisiensis A. 1732* exhibitis. In *Capite tertio* recensentur variae artes, ex valde profundis puteis aquam magna copia paucò labore evehendi. Quas inter artes cum illa emineat, quæ ignem, ceterorum elementorum levissimum, sibi in auxilium traxit, & virium animalium vices subire coegit; hæc ars dignissima visa est Autori, cui docendæ maximam hujus *Capitis* partem impenderet. Et, quemadmodum hoc inventum certe gloriosum humani ingenii monumentum existit, ita memoria dignum putamus, eodem fere tempore tres illos Europæ populos, quibus plurimum incrementi scientiæ debent, doctos Viros protulisse, qui huic arti inveniendæ operam navarent. Primum, qui consilium ceperit, ignem ad machinas hydraulicas applicandi, (nam, ante illud tempus etiam ad exiles & nullius fere momenti machinas movendas ignem a nonnullis adhibitum fuisse, dubium non est,) primum ergo illum fuisse Serenissimum Principem *Carolus*, Hassiæ Landgravium, perhibet *Dionysius Papinus* in Præfatione libelli, sub titulo: *Art nova ad aquam ignis adminiculo efficacissime elevandam*, in urbe nostra A. 1707 editi, qui & ejusdem Principis jussu jam ante annum 1698 machinam aliquam, licet imperfectiorem, construxit, quæ aquam ignis ope & fustione & pressione elevabat. Paulo ante illud tempus, quo *Papinus* novam hanc suam machinam elaboraverat, in Angliâ prodit *Thomas Saveryus*, qui cum Regia Societate Scientiarum inventam a se machinam, quæ aquam per ignem elevabat, communicavit. Et in *Historia Academia Regia Scientiarum Anni 1699* legitur *Amontonsii* Dissertatio, in qua singularis rotarum species, igne circumagendarum, describitur.

- Nullum dubium est, *Amontonsium* hoc inventum, & hanc igne utendi artem, ulterius promoturum fuisse, nisi morte abreptus fuisset. *Papinus* autem, qui novæ suæ machinæ per aliquot annos fere oblitus erat, excitatus *Saveryi* invento, quod Ill. *Leibnitius* A. 1705 cum ipso communicaverat, vitia, quibus nova sua machina adhuc laboraverat, corrigebat, & ad eum statum perducebat, qui in libello, quem citavimus, describitur. Sic quidem gloria inventionis id genus machinarum inter plures divisa esse videtur; at certum tamen est, *Thomam Saveryum* primum
- Pag. 310. fuisse, non eorum, qui ejusmodi omnino machinas construxerunt, sed eorum, qui machinam hujusmodi aliquam omni, qui optari poterat, successu exstruendam curarunt. Nam ante *Saveryum* jam *Dionysius Papinus* machinas, ignis adminiculo aquam elevantes, construxerat, sed nova sua machina imperfectiores, nec omnem, qui optari poterat, successum habentes, quippe quæ suctione agerent; & deinde novam machinam, in citato libro descriptam, excogitavit, quæ tam suctione, quam pressione, aquam protrudit. Machina *Saveryana*, variorum industria excolta & promota, cito in stupendæ artis opus excrevit, cujus exemplar intueri licet in machina illa, quæ ab Anglis nonnullis in Galliæ pago, *Fresnes* dicto, exstructa est, & aquæ ex profunda fodina carbonaria extrahendæ inservit, ac ab Autore perspicue & verbis & schematis depingitur. Quamvis autem hæc machina *Papinianam* novam longe antecellat, quoniam tanta arte est confecta, ut sibi ipsi omnis generis motus, quibus opus habet, sine ullius hominis adjumento conciliet; nullum tamen dubium est, & ipse Autor noster profitetur, fore, ut, si ad machinam *Papinianam* ingeniosa manus accesserit, eamque sic emendarit & perfecerit, ut varia auxilia, quibus indiget, ipsa sibi parare queat, hæc eadem machina *Saveryana* non solum non cedat, sed & utilitate fere anteposenda sit, propterea quod *Saveryana* non nisi ad aquam per antlias elevandam applicari posse videtur, *Papiniana* vero molendinis, rosariis, pistillis, antliis, &c. agitandis inservire ubique locorum potest, quæ aqua fluente carent, lignis autem vel carbonibus abundant. *Caput quartum* de investigatione, ductu, & distributione, aquarum inscriptum est. In hoc
- 312.
- 328.
- 339.
- Capite

Capite brevis & jucunda, de ficta virgulæ divinæ virtute, Dissertatio, nonnullorum aquæductuum descriptiones, & perutiles regulæ, quæ in distributione aquæ per urbem observandæ sunt, leguntur. Quomodo aquæ salientes in decus hortorum distribuendæ sint & dirigendæ, Cel. Autor in *Capite quinto* docet, Pag. 388. quod *Volumen* hocce claudit.

SCIAGRAPHIA LITHOLOGICA-CURIOSA, SEU
Lapidum figuratorum Nomenclator, olim a Celebris
JO. JAC. SCHEUCHZERO, Medicinæ Doctore,
Math. Professore Tigurino, Academiæ Leopoldinæ-Carolinæ,
Societatum Regiarum Anglicanæ & Borussicæ, Sodale,
in gratiam Amici conscriptus, postmodo auctus & illustratus a
JAC. THEOD. KLEIN. Præmissa est Epistola
Dn. MAUR. ANT. CAPPELLER, Medicinæ Doctoris,
& Centumviri Lucernensis, de studio Lithographico,
de Entrochis & Belemnitis. Cum Additionibus & Figuris.

Gedani, typis Thomæ Joannis Schreiberi, 1740, 4 maj.

Plag. 9.

Epistola, a Cel. *Cappellero* A. 1729 ad *Jo. Jac. Scheuchzerum* data, & postea cum Cel. *Kleinio* communicata, varia, quæ ad studium lithographicum pertinent, argumenta continet, eoque nomine digna visâ est Cl. *Kleinio*, quam huic libri Præfationis loco præmitteret. Autor Epistolæ ostendit, ex fossilium variorum disquisitione animalium marinorum historiam incrementa capere, nec negari posse, hoc vel illud fossile ex animali esse, cum ipsum animal ad hunc usque diem incognitum in profundo mari hæreat, & attentionem indagatorum subterfugiat. Conjectura vero, qua assumit, multas animalium & plantarum marinarum species hodie non amplius existere, ex rationibus suis expositis displicere videtur Cl. *Kleinio*. Ex hoc capite vero in Lithographia multa incerta sunt, & tam diu incerta manebunt, donec rerum prototypa detegantur. Imprimis
 vero

vero circa Entrochos & Belemnitas variæ ortæ sunt controversiæ, ut Autor, cum in re tam dubia libere cuilibet sentire liceat, suam quoque sententiam addere haud vereatur. Entrochos & Trochitas membra stellarum marinarum esse, cum aliis asserit, & ex horum fossilium varietatibus concludit, illa ex variis animalium speciebus provenire. Ad duas vero præcipue stellarum marinarum species respiciendum esse monet; alteram, quam caput Medusæ vocant, alteram, in prototypo nondum detectam, quam tamen, cum integre petrefacta occurrat, alii Lilium lapideum seu Encrinum, *Cl. Kleinus* vero Entrochum ramosum appellat. De priore specie explicat Autor, quomodo plura animalia inter se connectantur; quomodo escam plurimis brachiis sive pediculis ad se rapiant; quomodo, pediculo abrupto, ille alteri pediculo accrescat, & ita plurimi inter se nexi rete forment. Ex his porro declarat, quantus Trochitarum numerus ad unicum hujusmodi concrementum plurium stellarum concurrat, & cur tanta frequentia in quibusdam terræ stratis reperiantur. De altera specie monet, quod sit stella marina viginti radiorum, quæ ex basi pentagona quinque, ex his divisis decem, & ex his iterum divisis viginti, radios emittit. Falsam igitur sententiam refutat, quæ, ex vegetabili lapides hos figuratos oriri, nonnulli credunt. Belemnitas ad Holothuriorum genus spectare asserit, & hoc, rejectis aliorum sententiis, a figura diversa, a diaphaneitate aliquali, a Belemnitis igni admotis, quæ cornu vel alias animalium partes adustas nonnihil redolent, a motu Holothurii & vi ejaculatoria humoris falsi, comparata cum striis & perforatione Belemnitarum diversa, deducere annititur. *Cel. Kleinus* sententiam Autoris & perficit & illustrat, nec non in fine specimina quædam Encrinorum Gothlandensium addit, & uberiorem messem alia vice in publicum se expositurum esse, haud levem spem facit. In Nomenclatore vero Lithologico, quem *Cel. Scheuchzerus* olim delineaverat, augendo & perficiendo *Cl. Kleinus* insignem operam collocavit, ut ex augmentis asterisco notatis apparet. Observationum numerus circa lapides figuratos, in dies crescit, & in omnibus regionibus vel a fabulosa quadam origine, vel a re, cui similes sunt, vel a re ipsa, ex qua oriuntur

oriuntur lapides, vel ab aliis circumstantiis nomina defumuntur. Quapropter Index multilinguis quam maxime necessarius esse videtur illis, qui in disquirendis lapidibus figuratis occupati sunt, quo, dum aliquid novi ipsis offertur, aliorum observationes, de lapidibus institutas, conferre queant. *Scheuchzerus* forte ea tantum in gratiam amici conscripserat, quæ ipsi cognita erant; *Cel. Kleinus* vero in observationes aliorum sedulo inquisivit, nova annotavit, nomina apta a similitudine invenit, diversa nomina ex linguis maxime cognitis, & tandem ex Polonica quoque, adjecit. Quo vero aliqua Operis idea formetur, unum & alterum titulum speciminis loco addemus:

Ætites, dertins, Aquilinus, Aquilina, Aquileus lapis; Italis *Aquilina*, *Pietra d' Aquila*, *Pietra Aquilina*, *Erbite*, Gallis *Pierre de l' Aigle*, Hispanis *Pietra del Agla*, Suecis *Ornaer steen*, Danis *Hjornasteen*, Anglis *Eaglestone*, Belgis *Adlersteen*, *Arensteen*, Germanis *Adlerstein*, *Klapperstein*, Polonis *Orlicykamien*, *Kamien orli*. Lapis est inter nobiliores, imo gemmas ipsas, veteribus relatus, quod in nido aquilæ reperiri, & raras vires possidere, creditus fuit; ad figuratorum catalogum relegandus, quia figuræ est ut plurimum rotundæ vel oblongo-rotundæ. Singularis de hoc lapide exstat Tractatus *Laurebergii* & *Bauschii*. Conscripsit & *J. J. Scheuchzerus* Dissertationem de *Ætite*, quæ est in MStis. Conf. C. G. *Fischeri* Pars I lapidum in agro *Prussico*.

Ceraunia, fulminaris lapis, *Donnerkeil*, *Donneraxt*, *Strahlstein*, *Sciotta folgorante* Italis. Mentionem injicio hujus lapidis, quod, qui pro illo venditantur, sunt vel *Belemnites*, vel *Pyritæ* vel *Cryalli*, vel *Ombriæ*, aliive lapides figurati, ut *Mallei*, *Cunei*, similesque lapides, ad usum vel domesticos, vel pro belligerantibus, ab antiquis accommodati, apud veteres *Prussos* inprimis in usu. *Sinenſes* appellant *Luyck-by*, *Donnerzabne*, weil sie mit den *Indiänern* davor halten, daß der Donner ein lebendiges Thier sey, welches sich in den Wolcken aufhielte. Vid. *Petersb. Anmerkungen über die Zeitungen* 1731, LXXXI Stück. De *Cerauniis* conf. *Merc. Metall.* pag. 241, & *Assaltum* in notis ibidem. Vid. *Sicilex*.

Osteocolla-collus, *Ostiocolla*, *Osteolithos*, *Ossifragus* la-

pis, Orteita, offisraga petra, ab ὀστέον os, & κόλλα, gluten. Lapis fabulosus Erasti Anmosteus, Holoosteos, Stelechites, *Beinbruch, Bruchstein, Weinwoll, Wollstein, Sandstein, Steinbein*. Lapis est, ossis figuram referens, intus concavus, (*B. de Boot Lib. II Cap. 233*.) mollis, albo & cinereo colore, quandoque medullam habens friabilem, facile in liquore solubilem, nascitur in locis arenosis. *Wormius in Musf. pag. 53 v. Cappadox*. Stelechitis differentias vid. apud *Aldrov. pag. 502, 503*. Stelechites dictus a στελεχος, truncus. Sunt osteocolli *Assalto* in *Merc. Metall. pag. 278* ipsimet arborum trunci in lapidem conversi, *Polonis Kibykci, Lomignat, Lomikosc.*

A PRACTICAL TREATISE OF PAINFUL
distempers, &c.

hoc est,

TRACTATUS PRACTICUS DE MORBIS DOLOROSIS, cum efficacibus methodis eosdem sanandi, exemplis variarum, quæ conveniunt, historiarum declaratus,
Autore THEOPHILO LOBB, Medicinæ Doctore,
& Regiæ Societatis Socio.

Londini, sumtibus Jacobi Buckland, 1739, 8.

Alph. I.

Plurimum voluptatis percepimus ex præsentè Doctiss. Autoris, dudum aliis ingenii politi monumentis clarissimi, opella, quæ brevitatem dictorum gravitate & studio compensat. Dolorum omnium modus ad normam structuræ nervorum exponitur. Hi distinctis tubulis a cerebello, cerebro, eorundemque medulla, oblongata æque ac spinali, exoriuntur, dura, arachnoide, piaque matre, investiuntur, vasa arteriosa ubique locorum habent subtilissima, hinc totius corporis tractum emetiuntur, tandemque minimis vasis desinunt in cutem, musculos, ossa, viscera, in ipsa etiam vasa sanguifera, maxime autem arterias. Hinc omnium locorum sensus pro causa nervos vellicante solet esse exquisitior, nec fixam tantum doloris

Ioris aliquam causam habemus, sed eam etiam, quæ errabunda est in sanguine, cujus intra arterias pulsum graviter admodum sentire solent omnium locorum nervi, & abinde contextæ membranæ. Exponuntur dolores singuli. Capitis dolor aliquando est in membranis sub capillitio sitis, ipsoque pericranio aliquando, duram matrem affligit, sive primarius ille morbus sit, sive morbi symptoma, aut consensu cum remota ægritudine contingens. Subnequantur exempla, & efficaciore medicina illustrantur. Juverunt fixos capitis dolores purgantia, quæ Mercurii dulcis particulam habebant. Balsamica camphorata profuerunt pro ægri discrimine. Faciem aut fauces alii dolores invadunt, partim quod dentes vario modo molestas patiantur ægritudines, partim quod fauces inflammentur, id quod cum febre acuta accidere plerumque soleat. Laudantur remedia, quæ aceto & frigida sunt, & quæ vino rubro, aut aliis adstringendi virtutem habentibus remediis, componuntur. Mucilagines autem cum succis plantarum dulcibus & camphora Cynanche affectos juvant. Ophthalmiam curat Autor solutione sacchari Saturni, sale prunellæ, fœniculo. Thoracem colores acutissimi affligunt, pleuritis, pleuro-pnevmonia, pulmonum inflammatorius dolor, qui modo costis, modo pectori, modo dorso, subest. Laudantur diaphoretica, decoctum florum chamæmeli, & quæ ex succino sunt. Dolores abdominis colicos erudite explicat, & quæ ratione aeris imperus in cavo intestinorum tristes movere cruciatus possit, docet; hinc &, a materia tunicam villosam rodente acriore quosdam provenire, arguit. Ulcera etiam aliquando subsunt, & alia. Laudantur, pro causæ differentia, aromatica, anodyna, laxantia, balsama. Dolores nephritici habent, quo exercere medicum possint, sive a calculo oriantur, sive a spasmo, aut sanguinis motu anomalo. Commendantur oleosa, glutinosa, pinguis, anodyna, in pellentibus autem, & lapidem solventibus, non magna est fiducia. Anum invadunt dolores, ab hæmorrhoidalium vasorum tumore fluxuque impedito orti. Profunt succinum, camphora, myrrha, foru, linimento admota. Dolores tandem rheumatici, arthritici, vagi vel fixi, febre stipati aut nulla, exponuntur uberius; quorsum & podagra refertur. Quibus omnibus uberrima remedia præscribuntur, hæcque explicantur.

HISTOIRE ABREGÉE DE LA MAISON PALATINE,
par Mr. l'Abbé SCHANNAT, &c.

hoc est,

*HISTORIA COMPENDIOSA DOMUS SERENIS-
simæ Palatinæ, Autore Abbate SCHANNATO; cui
juncta est Dissertatio isagogica, de Comitibus Palatinis
ævi medii; per D. O. & Elogium historicum SCHAN-
NATI, Autore DE LA BARRE DE BEAU-
MARCHAIS.*

Francofurti, impensis Francisci Varrentrapp, 1740, 8-
Plag. 15.

Ven. *Schannatus* operam impendit laudabilem edifferendæ Hi-
storix Comitum Palatinorum Rheni, inde ab initio Seculi
XIII deductæ, ac quinquennio ante obitum præmaturum ab Au-
tore ad finem pertextæ: Amicus ipsius, qui, sub literis D. O. la-
tere, consultum duxit, sed quem scimus Virum esse prorsus egre-
gium, & omni scientiarum genere perpolitum, adjunxit, vel po-
tius præfixit, ei antiquiora. Ad hunc Cl. *de la Barre de Beau-
marchais* ad modum Epistolæ direxit elogium vitamque *Schanna-
ti*. Hæc est libri summa brevissima. *Joannes Fridericus Schanna-
tus*, ex familia Franconica procreatus, patre natus est Luxem-
burgi commorante, mediocris fortunæ, A. 1683, 23 Julii. Juris-
prudentiam coluit Lovanii, Licentiati honores nactus, natus vix
annos duos ac viginti. In foro esse cœpit in Parlamento Mech-
liniensi. Historiam Comitum Mansfeldici, Principis Imperii, Do-
mini Heldrungensis, scripsit quatuor & viginti annos natus, Lu-
xemburgi A. 1707 luci datam. Hæc ipsis occasio fuit in fa-
miliaritatem cum historicis voluminibus perveniendi. Inde
animum applicuit Ordini Ecclesiastico obtinendo, ut Historiæ
magis litaret. *Constantinus*, Princeps Abbas Fuldenfis, Histo-
riæ peritia vastissima cognitissimus, paulo post ejus operam ad-
hibuit ad Historiam Fuldensem conscribendam. Ex Gramma-
tophylacio igitur Fuldensi *Schannatus* adornavit Opera non una,
nominatim *Vindemiæ literariæ*, hoc est, *veterum monumentorum*,
ad Germaniam sacram præcipue spectantium, *Collectionem primam*,
Fuldæ & Lipsiæ editam in forma maxima A. 1723, nec non
Corpus

Corpus traditionum Fuldensum, Lipsiæ, 1724, *Sammlung alter historischer Schriften und Documenten, wobey das alte Landrecht, wie selbiges vor Zeiten in Teutschland gebräuchlich gewesen, I Theil*; *Fuldischer Lehnboff, sive de Clientela Fuldensi beneficiaria nobili & equestri*, Francofurti ad Mœnum, 1726, fol. *Diœcesin Fuldensen cum annexa Hierarchia*, Francofurti ad Mœnum, 1727, fol. Episcopus Wirceburgicus ac aulæ Hassiæ librum postremum animo haud eodem, quo Princeps Abbas, excipiebant. Joanni Georgio ab Eccard Episcopus commisit libri refellendi provinciam, qui eapropter in lucem emisit *Animadversiones historicas & criticas*. Respondit Schannatus, qui Eccardum in aulam Wirceburgensem commendatitiis suis deduxerat, opponendo *Vindicias quorundam Archivi Fuldensis Diplomatum, a Jo. Georg. ab Eckhart perperam impugnatorum*, Francofurti ad Mœnum, 1728, fol. Edisseruimus litem eam eodem anno in hisce *Actis*. Cel. Effor calamum mox arripuit pro tuendis Landgraviorum Hassiæ juribus, cui idem Schannatus respondit in libro: *Jo. Freder. Schannati Historia Fuldensis, in tres Partes divisa*, Francofurti ad Mœnum, 1729, fol. cum *Codice probationum annexo*. Post obitum Principis Abbatis Constantini Franciscus-Georgius, Elector Trevirensis, & Episcopus Wormatiensis, ex domo Comitum de Schœnborn natus, invitavit Schannatum, ut scriberet *Historiam Episcopatus Wormatiensis*, A. 1732 duobus Tomis Francofurti ad Mœnum editam. Eodem anno Archiepiscopus Pragensis, ortus ex Comitibus Manderscheid-Blanckenheymensium, expetivit ejus operam in historia antiqua Eisseliæ componenda. Arripuit opus impositum Schannatus, & 22 familias illustres ejusdem domus delineavit in *Eisselia illustrata*, quam edidisset A. 1739 vernante, nisi paulo ante immatura præcipitique morte obiisset. Constituerat secum edere nonnulla majoris formæ volumina sub titulo *Accessionum novarum ad Historiam antiquam & literariam Germaniæ*. In eis erant apparitura hæc Opera: *Codex novus Juris gentium diplomaticus*, *Codex Diplomatum ineditorum, ad Historiam Germaniæ spectans*, ex variis Archivis depromptus; *Accessiones novæ & inedite ad Historiam Palatinam*; *Anecdota varia, Reformationem Lutheranam illustrantia, & Romæ collecta*; *Notitiæ, Chartæ, & Monumenta*

numenta quamplurimorum Monasteriorum & Cœnobiorum Germania; Germania purpurata; Notitia pro historia Ordinis Teutonici; Coloniensia varii argumenti; Probationes genealogicæ peranti-
 quæ quamplurimarum familiarum nobilium Germania; Notitia familiarum provincie Lutzelburgensis & adjacentium; Observationes antiquariæ, cum in Italia, tum in Germania, collectæ. Cœperat quoque a multis inde annis colligere grandem Syllogen Conciliorum & Synodorum Germaniæ. Erat etiam in eo, ut scriberet jussu & hortatu Cardinalis Episcopi Eminentissimi Spirensis *Historiam Episcopatus Spirensis*. Laboribus vero continuis exhaustus, subito e vita discessit A. 1739, 6 Martii, Heidelbergæ. Gratissimus erat purpuratis patribus Albani, Quirini, & Passionei, quibus Romæ utebatur gaudebatque patronis, quorum indulgentia prorsus singulari in Bibliothecam Vaticanam admittus, varia decerpfit, laboriosæ instar apis thyma circumvolitans. Magni factus est a Cardinale de Malines, Episcopo Spirensi, Abbate Fuldeni Amando, Archiepiscopo Salisburgensi, Comite Illustrissimo de Wurmbrand, Præside Consilii Aulici imperialis Vin-
 dobonensis, Comite de Kuffstein, & Comite de Nostitz. Commercium literarium coluit cum Illustrissimo Comite de Wurmbrand, Collectoribus Actorum Sanctorum, inprimis Sollierio, cum Martenio ac Montefalconio, J. G. ab Eckhart ante conflictum, Bernardo Pezio, Joanne Barone de Crassier, Menckeniis, patre filioque, Lucio, Consule de Uffenbach, cum de Loon, Mascovio, Schæpfino, Senckenbergio, & Steinheilto. Schannati ingenium fuit vivax, hilare, apertum, & candore excellens. Sui erat haud præco, ventosæ arrogantiae aurem haud dabat. Aberat versutia & prudentia animum continuo tegendi. Fidelitate totus exardebat, irasci facilis, tamen ut placibilis esset. Religionis erat studiosus cum studio pacis, a fucata pietate alienus, erga Deum hominesque sincerus. Talis tantusque erat Schannatus. Cur Abbatem Biographus eum appellaverit, dicere omisit, causis literariis, ut videtur, abreptus. Nunc ad Dissertationem isagogicam progredi licebit, quæ haud minus ac Schannati historia testimoniis Autorum, satis large prolatis, instructa, & Autore suo, Viro, ut diximus, non vulgaris eruditionis, est dignissima. Comitum Palatinorum origines in *Missis Dominicis Cameraque nuntiis* quæ-

quærendæ. Comites Palatii causas regias in aula dirimere con-
fueverant. Imperante *Ludovico Infante*, Duces, Bavarix, Suevix,
Saxonix, & Thuringix, cœpere hæreditariam dignitatem circum-
spicere, ad potentiam progressi satis magnam. Beneficia Re-
gum clientelaria in hæredia abire cœperunt. Missi Dominici
tempore *Henrici Sancti* ad causam unam dirimendam solebant
delegari. Ut vero Ducum potentix Reges ponerent obices,
Comites constituerunt Palatinos, qui ex officio curix in offi-
cium regni transibant. Horum erat, jura Imperatorum in pro-
vinciis ne quid detrimenti caperent, providere. Quo ipso illi
erant Imperatorum vicarii. Hanc Doctiss. Autor sese invenisse
credit originem Imperii Vicariorum, in quo momento nec sese,
nec alios, sefellit. Comites hisce erant subjeeti, Comitibus seu tra-
ctibus locorum, in quibus jus dicerent, ita, ut provocare liceret
ad tribunal Comitum Palatinorum, præpositi. Duces ne inva-
lescerent nimium, Comites eis adjuncti fuerunt Palatini. Co-
mites vero Palatini ad Rhenum potentiam suam eo magis am-
plificare potuere, quod in terris submissis a Ducis nullius
autoritate fuerunt in ordinem redacti, ac ditissimi agrorum,
ditionis, ac territorii, exstiterent. *Ansfridum* Autor putat juris-
dictione terræ innexa in Francia Rhenana haud gavissim. *Con-
radum*, postea Regem, ejusque fratrem, *Eberhardum*, existimat
fuisse duces bellicos honorarios, de reliquo Ducatus haud pos-
sedisse, alterum exstitisse Cameræ Nuntium. *Luitprendus* certe
Lib. II Cap. 7 *Eberhardum* appellavit *Comitem potentissimum in
Francia*. Abbatis *Gorizii Joannis* in *Vita* apud *Mabilonium* in
Actis Sanctorum Ordinis Benedictini Sec. V pag. 401 seq. dicitur
*Eveardus Franciæ Austrasique & quorundam trans Rhenum lo-
corum Dux*. Comes Palatinus is vocatur a *Ditmaro*, *Sigeberto
Gemblacensi*, & *Alberico ad A. 938*. *Henricus Auceps A. 923* Lo-
tharingiam *Carolo Simplici* ademtam *A. 925* *Eberhardo* attribuit
regendam ad jura Aquisgrani dicenda, & Lotharingos in pace
continendos, *A. 939* in prælio Andernacensi vitam ponenti.
Ipso defuncto, *Conradum Sapientem* & *Hermannum Pusillum*
Otto Lotharingis præesse jussit, illum superioribus, hunc infe-
rioribus. Ille Wormatix sedit, hic Aquisgrani. Autor negat,
Herman-

Hermannum exsticisse filium *Arnolphi Mali*, *Tolnero* refragante. *Hermann*o successit *Ezo* jure sanguinis paterni. *Tolneri* argumenta refellit. *Hermannum* obiisse A. 959, sibi persuasit *Tolnerus*. At ipsius adhuc ad A. 993 fit mentio apud *Schannatum Hist. Wormat.* inter probat. n. 35, ac *Joannis* in Notis ad *Appendicem priorem Historiæ Bavarico-Palatinae Dan. Parei* pag. 417. Adde Diploma *Ottonis III* apud *J. G. Leuckfeldium* in *Antiqu. Halberstad.* pag. 664. Recenset deinde Autor reliquos Comites Palatinos, tresque Tabulas genealogicas subjungit. Succedit *Schannati* *Historia Palatina*, exoritur ab *Ostione*, Electore Palatino, *Agnesæ* marito, ex *Henrico Longo*, & *Agnesæ*, *Conradi* filia, quacum nuptias A. 1225 Monachii celebravit. Patre *Ottonis*, *Ludovico*, A. 1231 *Kelheimii* occiso, *Otto* etiam successit in Bavaria: Ducatu, ipsi vero A. 1250 demortuo *Ludovicus*, Elector, filius. Substitit vero *Schannatus* in Vita Serenissimi Electoris, *Caroli Philippippi*, cujus uxor tertia, *Maria Theresia Violenta*, A. 1734 decessit. Adjunxit tandem agnatorum prosapias, inde ab A. 1410 exortas, disserens de stirpe Neoburgica veteri ac nova. Ex hac supersistat Sereniss. *Carolus Philippus Theodorus*, A. 1724, d. 10 Nov. natus ex *Joanne Christiano*, Duce Sulzbacensi. Exponit deinde de stemmate Neoburgo-Hippolsteinensi, Simmerensi, Bippontino trium stirpium, *Lutzelsteinensi*, dicto alias *Veldenzenensi* ac *Lauterbeccensi*, nec non *Birkenfeldensi*. Qui in compendio historiam Serenissimæ domus Palatinæ ad Rhenum repetere, ac passim nova momenta genealogica addiscere, student, eis non possumus non hunc libellum enixe commendare.

JOANNIS VOGTII, PASTORIS ECCLESIAE Cathedralis Bremensis, Historia Fistulae Eucharisticae, cujus ope sugi solet e calice vinum benedictum, ex Antiquitate ecclesiastica, & Scriptoribus medii ævi.

Bremæ, apud Nathan. Saurmann, 1740, 4.

Plag. 7, cum Fig. æn. 1.

Licet a tempore aliquo viri doctrinæ copia & judicii vi pol-
lentes studium suum operamque eo contulerint, ut ri-
tus

tus atque instituta civitatis antiquæ Christianæ in clariore luce collocarentur, non omisiss etiam illis ceremoniis, quas male sedula hominum industria, superstitione subnixa, simplicitati Christianæ attexuit; supersunt tamen diversa antiquitatum sacrarum capita, quæ nondum debita satis diligentia sunt excussa. In illis non injuria nominat Venerandus Autor, qui aliis dudum scriptis famam ac nominis celebritatem sibi comparavit, argumentum de *Fistulis Eucharisticis*, quod sibi in præsentia explicandum fuisse. Qui enim externos Christianæ religionis ritus in certam aliquam compagem redegerunt, illi vel totam hanc rem silentio prætermittunt, vel, si quidem in illam incident, non copiose satis enucleant. Rei hujus ratio inde forte petenda, quod ritus hic superstitioni ortum suum vel maxime debeat, ejusque primordia in illam tempestatem incident, quæ valde tenuem meliorum Scriptorum proventum tulit. Quare Pl. Rev. Autor, qui tempus, quod a sacro munere vacuum habet, antiquitatibus Christianis investigandis impendit, argumentum hoc cura sua non indignum judicavit, quod qua ratione pertractarit, paucis declarabimus. Nominatis illis, qui vel de hoc argumento sunt commentati, vel commentari instituerunt olim, docet, inter vasa sacra apud Scriptores mediæ ævi mentionem fieri *fistula*; num vero per *καλός* quos memorat Nicephorus *Hist. Eccl. T. II, pag. 774*, ex sententia *Cassiani de prof. & sacr. vet. rit. pag. 420* hæ ipsæ sint intelligendæ, non sine ratione addubitat, de *columnis* potius, quibus altare sustentabatur, quasque supplices prensare solebant, sermonem esse conjectans. Germanis nominabantur *Rohrlein* & *Kalebrahr*. Pag. 1-4. *gen*, Latinis *calami* apud *Paschasium Radbertum* & *Guigonem*, distinguendi a *calamis scriptoriis*, quibus, in sacrum sanguinem intinctis, scribere solebant, si quid omnino firmum ratumque cupiebant, *pugillares* in Ordine Romano, *sumtorium* apud *Flodoardum Hist. Eccles. Rhem. Lib. III Cap. V*, quo tamen in loco *Georg. Cævenerius cochlear* vult intelligi, refutatus a *Dufresnio Thom. Reinesius in Epist. ad Daumium pag. 214* legendum censet *suctorium*, causatus, cochlearibus inter vasa sacra N. T. nullum esse locum, contrarium demonstrante doctissimo Autore; qua occasione, quale vasculum *colatorium* fuerit, edocet. Porro diceba-

- dicebatur *arundo, canna, canalis, canola, siphon, pipa*, & in antiquis monumentis Germanicis *pipe*, non autem Græcis *λαβίς*, quæ est sententia *Dufresnii*, cum ea vox potius *cochlear*, quo Græci in sacra cœna utebantur, designet. Inde ritum in Ecclesia Græca usitatum, panem consecratum, in minutissimas partes a sacerdote fractum, inque calicem sacrum immisum, populo distribuendi, quas particulas vulgo *μαργαρίτας, μερίδας*, euchologium, *Ἰϣυδὸς* *Cyrillus Hierosolymitanus*, *micas Paschasius Radbertus*, nominant,) exponit. Cujus moris mentionem jam Sec. IX injicit *Humfredus*, Sylvæ Candidæ Episcopus, imo *Latinus Latinus* & *Petrus Arcudius*, eum ab ætate *Innocentii*, Præfulis Romani, & *Chrysostomi*, arcēssentes, intercedente *Isaaco Haberto* & *Jo. Bona*, quos sequitur *Binghamus* in *Orig. Eccles. Tomo VI pag. 441 seq.* In medium prolatis variis fistularum harum nominibus, ad ipsam earum materiam progreditur, monstrans, ex auro plerumque, vel argento, vel orichalco, quin & vitro, fabricatas, calicibusque artificiose insertas fuisse, eo fine, ut plebs sacra inde vinum sacramentale hauriret; cujus generis calices *calices ministeriales* nuncupabantur, quod iis Christi sanguis populo ministraretur. Consuetudinem hanc ex Ordine Romano ac aliis Scriptoribus edisserit, quæ vel maxime in Ecclesia Latina viguit, apud Græcos autem non omnino exulavit, ut ex *Jac. Gretseri Annot. ad Jo. Cantacuzenum pag. 913* adstruitur. Illius
- 17-23. Ecclesia trium primorum Seculorum ignara prorsus fuit, quibus populus non fugebat, sed ore, calici admoto, vinum eucharisticum hauriebat, quod ex *Cypriano de Lapsis Opp. pag. 132 edit. Brem. Concil. Carthagin. IV Can. LXXXVI*, it probatum. Quod *Beda* ac alii de calice Christi, Hierosolymis olim & alibi locorum superflite, asseverant, id, quemadmodum Doctiss. *Jac. Basnagius* in *Proleg. ad Canisii Lektionen antiquus Cap. VII §. 11 & 13* demonstravit, fabulosum esse, ne ipsi quidem prudentiores ex Pontificiis
- 24-26. diffidentur. Licet autem natales ritus hujus non ita alte sint repetendi; est tamen ille satis antiquus, non demum Seculo XII vel XIII excogitatus, quod *Jo. Andr. Quenstedius* in *Antiq. eccles. pag. 392* & *Jo. Franc. Buddeus* in *Diff. de Synb. euchar. §. II* opinantur. Ejus enim vestigia jamdum in *Carmine Paschasii Radberti*, qui ex calculo

calculo *Aub. Mirai* circa A. 786 natus, & A. 851 denatus, *Eberhardi*, Comititis, *testamento*, A. 867 scripto, nec minus in *Ordine Romano*, qui Seculo VIII concinnatus, deprehenduntur. *Georgius* Pag. 26-
quidem *Cassander* in *Consultat. Artic. 22 pag. 98* in ea perstat sen- 28.
tentia, originem suam ab illo tempore traxisse, quo mos panem in
vinum intingendi invaluit; *Jo. Dalleus* autem de *Cult. Latin. relig.*
Lib. III Cap. 28 pag. 448 ab illo temporis articulo arcessit, quo
Urbanus II morem intingendi proscripsit; at Noster vero pro-
pius esse contendit, uno eodemque tempore utrumque ritum
initium suum habuisse. Mori huic gradum promovit superstitio,
quod vererentur homines, ne, vino consecrato in sanguinem Christi
converso, gutta aliqua in terram prolaberetur, sicque periret, quod
grande admodum piaculum habebatur. Ex quo fonte etiam Luth- 29-31.
eranis in Comitibus Augustanis A. 1530, & postea Ecclesiis Austriacis,
communicantibus sub utraque specie, usus fistularum fuit com-
mendatus, quod posterius testimoniis *Dav. Chytrai* in *Historia Au-*
gustanae Confessionis pag. 163, & *Bernh. Raupachii* in *erleuterten Ev-*
angelischen Oesterreich pag. 127 seq. confirmat. Remanet mos su- 31-36.
gendi in Ecclesia Pontificia, tum ratione laicorum, quoties ipsis
poculum ablutionis, quod appellant, porrigitur, tum ratione
ipsius Pontificis, qui, quoties sacra fruitur eucharistia, vinum ex
calice fugit, ad indicandam perpeffionem Christi communio-
nem, qui ita ex calamo sive canna acetosam potionem, sibi por-
rectam, hausit, quam mysticam hujus rei rationem assertit *Casalius*
de prof. & sacr. vet. ritibus P. III pag. 420. Solent adhuc in 36-39.
Monasterio S. Dionysii in Francia Ordinis Benedicti, nunc Con-
gregationis *S. Mauri*, ministri sub utraque specie communicare,
& quidem vinum e calice ope fistulae sorbere; cujus rei testes
Auctor citat *Jo. Bonam. rer. liturg. Lib. I pag. 477*, *Carolus Dufresne*
Glossar. med. & infim. Latin. Tomo II pag. 445, *Christ. Browe-*
rum Lib. XII Annal. Trevir. n. 114, alios. Quod privilegium A.
754 ex speciali gratia ipsis indultum a *Stephano III*, P. M. qui,
miraculosam opem Sancti hujus in restitutione valetudinis se ex-
pertum esse, gloriabatur. Superest pariter iste mos in nonnullis 40. 41.
Ecclesiis Evangelico-Lutheranis, non tam ob effusionis me-
tum, quam ut populus eo commodius inde hauriat, Ham-

burgenſi, aliis, olim in Marchia; non omnino rejicientibus hanc
 conſuetudinem *Erdm. Neumeiſtero & Jo. Adamo Oſiandro*, non-
 nullis exiſtimantibus, uſum hunc revocandum eſſe, quod *Henr.
 Nicolai & Jo. Wilb. von der Lith* ſuaſerunt. Contra alibi lo-
 corum, ubi olim viguit, ſupremi magiſtratus autoritate eſt abro-
 gatus, uti Altonaviæ, in Marchia, itemque in Eccleſia Cellenſi, ſed
 potiffimum privato Paſtorum ſtudio. His ita enarratis, ac idoneo-
 rum Scriptorum teſtimonio confirmatis, binam ſubjunxit Autor
 obſervationem, alteram de tranſubſtantiationis dogmate, quod
 ubi inveſtum fuerit in eccleſia, & periculum eſſe duxerint homi-
 nes, ne, ſi qua vini gutta in terram effunderetur, ipſe ſanguis Chriſti
 profanaretur, fiſtulas iſtas ſuctorias in uſu eſſe coepiſſe, notat; alte-
 ram, qua docet, ex harum ipſarum uſu ſatis antiquo communionem
 ſub utraque, laicis olim uſitatam, firmari poſſe. Quare hoc ipſum ar-
 gumentum *Georgius, Princeps Anhaltinus, Georgius Caſſander, Gui-
 lielmus Bellajus, Langæi dominus, Franciſci I, Regis Galliæ, Orator,*
 pro illo jure, laicis reſtituendo, contra Pontificios ſtrinxerunt. Opu-
 ſculo huic præmiſſa eſt figura fiſtulæ iſtius, æri inciſa, quæ exhibe-
 tur ex *Aubrii de la Motraye Itineribus per Europam, Aſiam, & par-
 tem Africæ*, Londini Anglice A. 1723, & Hagæ Comitum A. 1727
 Gallice, in fol. editis. Nulli dubitamus, quin antiquitarum ſa-
 crarum cupidi ex lectione elegantis hujus Commentationis & vo-
 luptatem & fructum exſpectatum ſint percepturi, doctiſſimusque
 Autor, ſi, quod ſperamus, in poſterum horas ſuas ſubſecivas
 iſtiusmodi argumentis elucubrandis dederit, amatores harum cu-
 petiarum majorem in modum ſibi ſit devincturus.

NOVA LITERARIA.

Edidit haud ita pridem Academia Scientiarum Petropolitana
 librorum, quotquot ipſa a primis inde initiis ſuis ad hoc
 uſque tempus prelo ſuo exire juſſit, omnium catalogum, eos
 etiam, qui nunc typis excuduntur, continentem, & annotata ſin-
 gulorum, qui jam exſtant publice, pretia habentem. Quo in-
 ſpecto, gaudentes cognovimus, illorum cujuſcunque generis li-
 brorum, quorum alii aliis & forma ſpecioſiores, & argumenta
 præ-

præstantiores sunt, numerum jam prope ad centesimum accedere, quod nemini non mirum videatur, qui breve illud spatium annorum, quo stetisse scimus Academiam, adhuc satis florentem & illustrem, cogitet. Nos vero gratam, quod speramus, Lectori nostro rem præstabimus, si, quicquid est hujus Indicis, ut sic omnes intelligant, quantum ab illo etiam doctissimorum Virorum Senatu bonis literis incrementi venerit, in ipsis his Annalibus repetamus. Sunt hic tituli librorum omnes, præter Latinos, Gallice expressi, quod plurimi sermone exstent Russico aut Germanico scripti, quorum titulus, nisi Gallice redderetur, paucissimis intelligi exterorum posset. Nos vero, bona Lectorum venia, sermóni Gallico Latinum substituemus, hunc quippe loco huic magis opportunum, forsán etiam Lectoribus nostris magis familiarem, judicantes. Quos igitur ex prelo Petropolitano prodeuntes ætas nostra vidit, hi sunt libri: *A. B. C. Germanicum*; *A. B. C. Latinum*; *A. B. C. Gallicum*; *Abregé des Mathematiques pour l'usage de sa Majesté Imperiale de toutes les Russies*, Tomi III, 1728, 8; *Atlas Russicus, minoris formæ, consistens Mappis 27*; Theoph. Sigefr. Bayeri *Museum Sinicum*, Tomi II, 1731, 8; Ejusd. *Historia Osrhoenia & Edeffena, ex nummis illustrata*, 1734, 4; Ejusd. *de Horis Sinicis & Cyclo horario Commentationes*; accedit ejusd. *Parergon Sinicum de Calendariis Sinicis*, 1735, 4; Ejusd. *Historia regni Græcorum Bactriani*; accedit Christoph. Theodosii Waltheri *Doctrina temporum Indica, cum Paralipomenis*, 1738, 4; Isaaci Bruckneri *Descriptio Calendarii universalis, & ejus usus*, Russice, Gallice & Germanice, 1735, 4; Jo. Christ. Buxbaum *Plantarum minus cognitarum circa Byzantium Centuria I, II, & III*, 1739, *Centuria IV*, 1734, *Centuria V*, 1740, 4; *Calendarium Petropolitanum*, Russice & Germanice, 8; *Colloquia scholastica*, Russice, Germanice, Gallice & Latine, 1738, 8; *Commentarii Academiae Scientiarum Petropolitane*; *Tomus I ad annum 1726*, 1728, *Tomus II ad annum 1727*, 1729, *Tomus III ad annum 1728*, 1732, *Tomus IV ad annum 1729*, 1735, *Tomus V ad annum 1730*, 1737, *Tomus VI ad annum 1731*, 1739, 4; *Compendium Historiæ Russicæ*, sermone Russico, 8; *Consilium formandi Rudia S. Maj. Imp. Petri II, suppeditatum a L. Barone Ostermanno*,

cum ratione instituendi Principem doctrinis religionis Christiana, propofita a Theophane, Archiepifcopo Novogradenfi, Germanice, 1728, 8; *Descriptio copiofa coronationis Auguftiff. Imperatricis Annæ, quæ Moscovia celebrata eft inter applaufus populorum*, d. 28 April. 1730, Ruffice & Germanice, 1731, fol.; *Descriptiones ignis folennis, qui publice splenduerunt* d. 28 Jan. 1732, d. 28 April. 1732, d. 28 Jan. & 28 April. 1733, d. 28 Jan. & d. 28 April. 1734, d. 28 Jan. & d. 28 April. 1735, fingulæ Ruffice & Germanice feperatim excufæ, fol.; *Discours lu dans l' Affemblée publique de l' Academie des Sciences le 2 Mars 1728 par Mr. de l' Isle, avec la Réponfe de Mr. Bernoulli*, 4; *Doctrina de Sulcis fclopetorum cochleatis, cum obfervationibus curiofis, extractis ex Commentariis Academia Petropolitana, & in Germanicum fermenem translatis ab Autore Jo. Ge. Leutmanno, Academia Membro, Mechan. & Optices Profeffore*, Germanice, 1733, 4; Leonh. Euleri *Mechanica, five Morus fcientia, analytice expofita, inftar Supplementi ad Commentarios Acad. Scient. Imper. Tomi II*, 1736, 4; Florini *Oeconomia, ex Germanico in Rufficum translata, & figuris aneis ornata*, 1738, 4; Gerlachii *Proſpectus Cronſtudii, cum explicatione verſibus liberis facta*, Germanice, 1738, 4; *Grammatica Germanica, ex diverſis Autoribus concinnata in uſum juventutis Rufficæ & Collegii Petropolitani*, Germanice, 1734, 8; *Hiſtoria regni Japonici*, Ruffice, 1734, 8; *Introductio compendioſa in artem Heraldicam, exemplis illuſtrata*, Germanice, Gallice, & Latine, 1731, 8; *Introductio in Aritbmeticam, in uſum Collegii Academia Imperialis*, Germanice, 1738, 8; *Introductio compendioſa in cognitionem & compoſitionem Machinarum ſimplicium*, Germanice & Ruffice, 1738, 8; *Introductio in Geographiam mathematicam & naturalem, uſumque Globi & Mapparum*, Germanice, 1738, 8; Jo. Alberti Korff *Panegyricus & gratiarum actio, recitata in funere Ill. Caroli de Biron, Domini de Kaluzehn*, Germanice, 1733, fol.; *Lettre du Comte d' Oſſerman au Grand - Viſir de la Porte Ottomane, du 12 Avril 1736, touchant les differents entre les deux Cours; traduite de l' original Ruffien*, 4; *Lexicon Germanico-Latino-Rufficum, cum præcipuis principiis linguæ Rufficæ*, 1731, 4; *Lex de Cambio in Ruſſia*, Ruffice & Germanice, 1730, 8; *Lex de*
Ve-

Veddigalibus mercibus, cum Tractatu perpetuo pacis maritimæ inter Imperium Russicum & Danicum, Russice & Germanice, 1731, 8; *Leges militares, cum annotationibus brevioribus, iterum editis jussu Majestatis Russicæ*, Russice & Germanice, 1735, 8; *Comitis de Marsigli Status militaris Imperii Ottomannici, ex Gallico in Russicum conversus, cum narratione duarum rebellionum, quæ Constantinopoli recentissimis temporibus sunt excitatæ*, 4, fol.; *Miscellanea phrasæ*, Russice & Germanice, 8; *Novella politica, ab anno inde 1727 usque ad annum 1738*, Germanice & Russice; *de Officiis subditorum erga magistratus Sermo, recitatus in templo Evangelico die coronationis S. Maj. Imperialis, a Ludolpho Ottone Trefourt, Pastore ejus templi*, Germanice, 1731, 4; *Ordinatio generalis, secundum quam Collegia, Cancellaria, & omnes illi, qui his Collegiis adstricti sunt, componere se debent*, Russice, 1735, 4; *Ordinatio militaris, præscribens officia eorum, qui exercitui præfelli sunt, aut alia militaria munera gerunt, secundum edita jussu S. Maj. Imp.* Germanice, 1737, 8; *Preisleri Principiorum Diagraphicæ Partes III*, Russice & Germanice, 1735; *Project de la mesure de la Terre en Russie, où dans l'Assemblée de l'Académie des Sciences de St. Petersbourg le 21 Janv. 1737 par Mr. de l'Isle*, 4; idem liber, Russice & Alemannice; *Recueil d'événemens historiques de la Russie*, Tomi IX, 1735, 8; *Relationes historice de civitate Assopho, quibus ostenditur, exstructam & habitatam esse a Græcis diu ante C. N. simulque narratur, quando & quomodo sub potestatem Russorum sit redacta*, Germanice & Russice, 1738, 8; *S. Remii rei tormentariæ scientia*, Russice, Tomus I, 1732, Tomus II, 1733; *Jo. Frid. Schreiberi Corporis ac motus consideratio*, 1731, 4; *Sermo Panegyricus, in solenni Academia Scientiarum Imperialis conventu die 5 Maji Anno 1731 publice recitatus*, 4; *Sermo funebris, recitatus in funere Anna de Schlippenbach, ab Eccardo Philippo Freyholdo*, Germanice, 4; *Sermo funebris, recitatus in exequiis Joannis Guntheri, summi rei tormentariæ præfelli in exercitu S. Maj. Imp. Russicæ, ab Eccardo Phil. Freyholdo, Pastore Ecclesiæ Evangelicæ, quæ Moscovia est*, Germanice, fol.; *Sermo funebris in morte Adami Alexandri de Weyde, Tribuni militum, recitatus ab eodem*, Germanice,

nice, 1734, fol.; *Sermo funebris, recitatus in exequiis Illustriss. Jacobi Danielis Comititis de Bruce, supremi exercituum S. Maj. Imper. Russ. Ducis, d. 10 April 1735, ab eodem*, Germanice, 4; *Sermo, recitatus ab Eminentiss. Theophane, Archiepiscopo Novogrodenfis, Russice*, 1731, 4; *Sermones Academiae, in I Conventu recitati*, 1725, 4; *Sermones Academiae, in II Conventu praelecti*, 1729, 4; Jo. Georg. Siegesbeck *Botanosophiae verioris brevis Sciagraphia, in usum discipulorum adornata*, 1737, 4; *Synopei Parerga medica*, 8; *Designatio mercium vectigalium, Russice & Germanice*, 1731, 8; *Tractatus inter S. Maj. Imper. Russ. & Schachum Persarum, conclusus per Legatos plena potestate instructos Retscbii in Provincia Gilaniensi d. 21 Jan. 1732*, Russice & Germanice, fol.; *Tractatus pacis, inter Imperium Russorum & Sultanum Eschrefum sancita*, Russice & Germanice, 1729, fol.; *Tractatus amicitiae & commercii, conclusus d. 2 Febr. 1734 Petropoli inter S. Maj. Imp. Russorum & Regem M. Britanniae*, Germanice & Gallice, fol.; *Tredinkowski Oda in expugnationem Dantisci*, Russice & Germanice, 1734, 4; *Ejusdem Carmina Russica*, 1735, 4; *Ejusdem Politica, ex Gallico in Russicum conversa*, 1737; *Pancgyrique de S. Maj. Imp. par le même*, 1732, 4; *Uloschenie, ou les Loix de la Russie*, 4; D. Jo. Ammani *Icones stirpium rariorum, in Ruthenorum Imperio sponte provenientium, instar Supplementi Commentariorum Academiae Scientiarum Imper. Petropolitanae*, 4; *Cellarii Liber memorialis*, Latine, Alemannice, & Russice, 8; de l'Isle *Memoires pour servir a l'histoire & au progrès de l'Astronomie, de la Geographie, & de la Physique*, 4; *Edicla, ab anno inde 1714 ad 1725 publicata*, Russice, 4; Leonh. Euleri *Tractatus philosophicus de Musica, tam antiqua, quam hodierna*, 4; *Introductio in Geographiam mathematicam & naturalem, Russice*, 8; *Introductio in Arithmeticam, in usum Collegii Academici, Russice*, 8; Ge. Wolffg. Krafft *brevis Descriptio Experimentorum physicorum, in usum Auditorum suorum*, 8; Jo. Slateri *Modus experiendi aurum & argentum similiter ut cetera metalla, cum Tabulis*, Russice & Germanice, 8; *Vita Ducis Engenii*, Russice, 8.



NOVA ACTA ERUDITORUM,

publicata Lipsiæ

Calendis Maji Anno MDCCXLI.

MARMORA PISAURENSIA,

Notis illustrata.

Pisauri, e typographia Nicol. Garelli, 1737, fol.

Alph. 3 plag. 5.

Ea fuit ab aliquot annis Italarum laus propria & contentio, ut literas, quæ ab humanitate nomen ducunt, certatim & quasi viribus inter se collatis adjuvarent. Profecto, nisi *Massæi, Gorii, Muratorii, Facciolati, Polenii*, Virorum de mansuetioribus Musis immortaliter meritorum, scripta in promptu essent, nostra oratio forte suspicionem assentationis, quam procul habemus, non effugeret. Sed, ut laudes ad modestiam scriptoris moderationemque submittere, ita considerare fas est, non quid aures quorundam desidum & ignavorum pati possint, sed quid virtuti debeatur. Prodit jam in scenam, quod felix faustumque sit, novus literarum sospitator, de cujus ingenio & recondita eruditione hæc, quæ vides, Lector, Marmora Pisauren-
sia testantur. Non tamen ad laudandam illorum præstantiam stilum jam convertemus, quæ per se satis apud probos judices valebunt, sed, quod erit probabilius, magisque ex usu, de instituti ratione & singulis Inscriptionibus sententiam Ill. Auctoris, sicubi aut confirmat aliorum interpretationes, aut ab iis paulum recessit, proponemus. Autor vero nobilissimi hujus Operis est *Hannibal Camillus*, Eques D. Steph. F. de *Abbatibus Oliverius*, ut patet ex Dedicatione, Viris illustribus *Bellutio, Bonaminio*,

Hh

minio, Tebaldio, & Fatio, inscripta; ubi simul docemur, rogatum a Doctissi. Oliverio Pisaurensi magistratum, ut aliquo pacto prisca decoris memoriam conservare studeret. In mandatis propterea Senatum dedisse, ut Duumviri crearentur, Franciscus scilicet Maria Jos. F. Briginus & Raymundus Petr. Anton. E. Santinellus, quorum auctoritate marmora antiqua urbis Pisauri unum in locum; & tutiorem, conferrentur. Nam antea in porticu Palatii collocata, vel plebeculæ, vel aeris inclementiæ, patebant. Sed, cum in illustri loco, ubi Prætor jam in foro causas cognoscere, & jus dicere, solet, eminerent, Cel. Autor a fortuna sibi datam occasionem, monumentorum illorum verba sensusque indagandi, non prætermisit. Non reticenda quoque hic videtur Petrensis Archiepiscopi, Friderici Lantii de Ruvere, munificentia, qui præmiis propositis libellionem ad editionem Marmorum citius absolvendam invitavit. In marmoribus vero ordinandis Cel. Autor ante omnia Gruterum secutus est, peregrinas simul Inscriptiones a patriis diligenter segregando. Primum quidem marmora ita illustranda suscepit, ut altera Pars integras, altera mutilas, contineret, nulla peregrinitatis habita ratione; sed, multis demum argumentis adductus, pristinum mutavit consilium. Interim tamen illud, quod ingenue profitetur, malum irrepsit, quod propter hanc ordinis perturbationem duæ Inscriptiones Pisaurensis originem & natales mentirentur, quæ tamen Roma huc advectæ olim fuissent. De priori marmoris titulo clara & perspicua res est. De altera vero conjicit tantum, Romæ natam fabricatamque fuisse, quod ESQVILINVS DEC. haud dubie *Esquilinum Decurionem* denotet. Eas autem omnes Inscriptiones, quæ adhuc supererant, summa diligentia descripsit, collatis simul pluribus, quæ in MStis reperiebantur. Nam Hieronymus Arditius, Patricius Pisaurensis, libellum composuit, cui titulus *Memorie*, A. 1580, deinde Sebastianus Maccius, antea Pisauri, mox Patavii, Professor humaniorum literarum, Collectionem dedit, cujus tamen fidem in nonnullis suspectam esse arbitratur. Tertio multum adjumenti præstitit Cel. Oliverio Salvatoris Salvatorii *Collectio Inscriptionum Pisaurensium*, A. 1628 facta, quæ, quoniam deinde in Antonii Gozzei manus pervenit,

qui

qui nonnullis locis medicam attulit manum, non immerito *Collectio Gozzeana* appellatur. Quarto unam Pisaurensem Inscriptionem suppeditarunt ei *Scheda Barberina*, seu pars *Collectionis Donianæ*, quam cum ipso communicavit Vir Cl. *Pompejus Compagnonius*, Patricius Maceratenfis. Non parum quoque commodi ipsi accessisse ex Collectione gratus agnoscit, quam *Dominicus de Abbatibus Oliverius*, propatruus ejus, A. 1669 concinnavit. Ceterum ex tota Cel. Autoris oratione modestia quædam & commendabilis verecundia elucet. Non enim ipsis marmoribus suas animadversiones inseruit, sed tanquam resectum aliquod membrum a reliquo corpore pone Inscriptiones ea mente collocavit, ut, si lectores Notas ipsius legere fastidirent, saltem marmora inspicerent. At vanus Autorem incessit timor. Tantum enim abest, ut observationes ejus nobis, a capite ad calcem librum perlegendibus, molestiam vel nauseam creaverint, ut pertinacem Cel. Autoris sedulitatem & ingenii erectioris facultates mirati simus. Nobis igitur hanc legem scripsimus, ut primo marmorum ordinem, deinde Ill. *Oliverii* animadversiones, explicaremus. In marmorum collocatione *Gruterum*, quod diximus, æmulatus, primo Deorum, deinde Magistratum, & Imperatorum, post variorum in republica munerum, demum familiæ, & domesticas, rationes tenuit. Augusto Deorum concilio intersunt *Jupiter, Ceres, Bacchus, Hercules, Silvanus, Bona Dea, Priapus, Dii Augustales*. In magistratibus & Imperatoribus nomina *Diæ Faustine, Julie Augustæ, Philippi, Valeriani, Aureliani, Constantii, Valentiniiani, & Valentis, Heryspicis Fulguratoris, Matrona municipis, Patroni municipis, Quæstoris, Triumviri quinquennalis, Consul, Patroni Colonia, Pontificis, Præfelli equitum, Curatoris viarum, Ædilis, Decurionis, Naviculariorum, & Sevirum Augustalium*, occurrunt. Familiarium Inscriptiones commendant appellationes *Conjugis karissima & incomparabilis, Conjugis bene merentis, fidelissima, Sororis pientissima, Socera incomparabilis*, quas demum *Peregrina pag. 61, & Christiana pag. 73*, comitantur. Quod vero Notas uniuscujusque Inscriptionis attinet, operæ pretium esse ducimus, ex singulis præcipuas afferre, quamlibet, ubi omnia egregia sunt, difficulter præstantiora

- Pag. 1. selegeris. Ad *n. 1* defendit Autor *Ligorii* fidem *Hesseli* verbis: ridiculum esse, falsitatem de omnibus fere suspicari. Eodem loco discimus, municipales civitates titulos Romanorum affectasse,
6. quod honores *Ædilis* curulis satis abundeque testantur. Ad *n. 3* de signo vel *Apollinis*, vel *Bacchi*, vel, quod *Gorius* existimat, *Dei præstitis*, seu *Genii*, elegantissime secundum naturæ leges effictio, dissevit; qua occasione *Mancinium* reprehendit, existimantem, *Bacchum* propterea hoc signo referri, quod pampinis circumdatus esset. Sed nescivit Vir doctus, illas botrorum & pampinorum flexiones non ad tempora *Bacchi*, sed ad templum, vel antrum, pertinere, quod sæpissime apud antiquos vites ambiebant. Illam autem statuam, Pisauri A. 1530 effossam, quæ, olim in Museo *Roboreo* asservata, nunc in *Mediceo* reperitur, Doctiss. *Gorius* pluribus illustrandam sibi sumsit in *Musei Florentini Tomo III*. Ill. Autor eam ob causam putat *Genium loci* esse, quoniam veteres signa loci Diis suis lubenter adscripserint; ideoque parum absurdum videri, si statueremus, vel ob fertilitatem agri, vel optimum vini proventum, *Genium* illum pampinis exornatum fuisse. Interim, dum in utramque partem disputat, nodos & ænigmata solvit, *Baccho*que tale simulacrum
10. vindicat, quod ante signum panthera, animal *Baccho* sacrum, reperta fuit. Ad *n. 4* negat, Inscriptionem *Aureliani* avo convenire, tum ob characteres elegantissimos, tum vero etiam ob structuram arcus artificiosissimam, cujus aliquot parietinæ superessent. Sed ratio, qua impugnatur hujus marmoris antiquitatem, nondum videtur nobis ita esse excogitata, ut omnem dubitationis nebulam dispellat. Nam, ex veteri aliquo loco oportuisse huc transferri, dicit, cum *Belisarius* urbes a Gothis vastatas instauraret.
16. seq. raret. Neque minus Cel. Autor interpretatur, quid sibi velit *ducenaria* dignitas, & cur *egregiatus* & *perfectissimatus* ei secundum leges Imperatorum tribuatur. Non appellari, contendit, *Ducenarios*, ut *Turnebus* credidit, a ducentesimo vestigali, quod exigenter; nam ita potius *Ducentesimarii* possent dici, quam
18. *Ducenarii*. Ad *n. 7* notat servi cujusdam ambitionem, qui fortassis facellum, *Priapo* dicatum, templum nominaverit. Sed nos contra in ea sumus opinione, servos quandoque splendida in honorem vel

vel Patroni vel Dei exstruxisse ædificia, tantosque impendisse sumtus, ut ex plurimis *Gruteri* Inscriptionibus apparet, quantos forte nostro ævo lautæ sortis homines non insumerent. *Pag. 23* leguntur *VIVIRI* & *VIVIRI* Augustales: quæ iteratio non parum negotii facessivit interpretibus; sed Dodiss. Autor ex ingenio supplet inter vocabulum prius *Q. Badusii* nomen, quæ emendatione omnis ambiguitas & vitiosa forte tituli lætio tollitur. Ad *n. 18* existimat, pro *conjunctique* legi debere *invisitque*, eamque laudem referendam esse ad *Scipionem*, qui, etsi juveniliter adhuc lasciviret, tantam tamen hostium ubique stragem ediderit, ut ea laude multis antecederet senibus, & *invisus* merito dici posset. *N. 19* occasione erasi G in AUG. fuisse docet, multos credidisse, *Getae* nomen a fratre *Caracalla* ubique post mortem erasum fuisse. Annotat simul, *Fontaninum*, ante aliquot annos defunctum, censuisse, falso id sumi de *Geta*, cum potius loco *Getae* semper sit intelligendus *Plautianus*, vir ea ætate multum in aula Imperatoris pollens, & repositum fuisse ab imperitis lapicidis pro *Plautiano*, Præfecto Prætorio, *Getam*. At, licet diserta *Spartiani* in Vita *Caracallæ* verba non adsint, quibus indicetur nominis *Getae* in monumentis erasio, ex aliis tamen signis indelebile *Caracallæ* odium in fratrem mortuum patere arbitratur, ut, quamvis ab Imperatore Divorum numero adscriptus esset, summo tamen post fata dedecore & infamia afficeretur. Ne vero *Fontanini* sectatores rimam quærerent, unde elabi possent, marmora Cel. Autor excitat, in quibus, manifesto apparet, haudquaquam locum habere *Plautianum*, ut vult *Fontaninus*, posse, sed sine omni dubio *Getam* debere intelligi, quoniam consors erat laudum publicarum, quarum tamen privatus homo, qualis *Plautianus*, particeps fieri non poterat. Nam Inscripção talibus est consignata literis:

DIANAE
PRO. SALVTE
IMP. L. SEPTIMI. SEVERI. ET
M. AVRELI. ANTONINI
AVGG. ET

Hh 3

IVLIAE

38. 39.

43.

ବିଶ୍ଵ ଗୁରୁ ଗୁରୁ ଗୁରୁ ଗୁରୁ ଗୁରୁ ଗୁରୁ ଗୁରୁ ଗୁରୁ

IVLIAE. AVG. MATR. CASTROR

အိတ်၊ အိတ်၊ အိတ်၊ အိတ်၊ အိတ်၊ အိတ်၊ အိတ်၊ အိတ်

Ex qua, qui jura Imperatorum & Augustorum novit, luculentissime ei apparet, neminem posse ad latus Imperatoris poni, nisi qui idem fastigium regiae dignitatis obtinuerit. *Fontaninus* quidem mutilam Inscriptionem nominibus *Plautiani*, & *Plautilla*, explet; sed Doctissi. Autor ejusmodi argutiunculas subridet, quoniam nondum perspicit, quare pro salute & incolumitate hominis privati *Dianae* gratiae aut vota fierent. Neque sibi persuadere potest, ulli post *Sejanum* tantos in civitate honores fuisse tributos, ut simul cum Imperatore nomen ejus in monumentis publicis scriptum fuerit. Ad n. 23 & 24 occurrit nota

Pag. 33.

numeralis CLXXXVII, eo pacto, ab Ill. *Oliverio* explicata, ac si urbis Pisaurensis & Romæ intervallum denotare videatur; quæ interpretatio ut singulare ingenii acumen ostendit, ita perquam grata nobis accidit, quod simul aliquot obscuris *Itinerarii Anto-*

57. *niniani* locis medeatur. N. 27 erudite Autor officia Haruspicum.

59. *toris orthographiam deprehendere. Sed Doctiss. Autor existi-*

62. nac, occasione Etrufcarum interarum, quæ inueni balcos occu-
nant. Cel Autor de voce *Frante* contra *Bourquetum* disputat.

punt; Cuius Autor de voce *Fronta* contra *Bourgetium* disputat, qui, etsi coniciat, *Fulguratore* voce *Fronta* designari, nullas tamen causas assertionis suæ, nec origines hujus verbi, tradidit. Propterea Ill. *Oliverius* vocem a *βρονταῖος*, *fulmino*, quasi dicatur *Brontac* loco *Frontac*, quoniam τὸ B & τὸ F sæpenumero permutantur, derivat. Ad n. 28 multa exponit de Quinquennialitate, municipali magistratu; cujus muneris veram significationem contra *Norifsum* & *Velferum* defendit, & monstrat, discrimen esse inter Duumviros quinquennales, & quinquennales, seu Censores municipiorum. Licet enim Quinquennales, seu Censores, sæpiuscule Duumviri appellentur; semper tamen noster addi I. D. hoc est, Juri Dicundo, contendit. At, si quis ulterius pun-

gnare

gnare velit, fasces nemini potuisse præferri, nisi Duumviris, seu Consulibus municipiorum, respondet Cel. Autor, concedi id quidem florente republica, sed neglectis priscorum legibus eundem morem semper obtinuisse negat. Eodem enim pacto, quod antea novum & insolens visum esset, posteris temporibus, & labente rei publicæ disciplina, satis in usu fuisse ostendit, Ædilibus lictores cum bacillis dari. Ibidem dicitur, Imperatorem, nescimus quem, &, si conjectura Ill. Autoris valet, aut *Domitianum*, aut *Commodum*, *jus commune liberorum*, seu *jus communium liberorum*, ut rectius vult Ill. *Heineccius*, concessisse. Qua occasione jus commune liberorum partim ex mente *Vetranii Mauri*, partim ductu Inscriptionis ejusdem, quam *Bibliotheca Italica* dudum inseruerat Generosiss. *Bimardius*, declaravit. Ad n. 33 factum nonnullarum Italiæ civitatum increpat, quæ secundum mores Romanorum magistratuum suos Duumviros, Decuriones, Quinquennales Consules aut Prætores, Senatores, & Censores, nominabant. Ad n. 34 eruditissime peruestigat, quinam honore bigarum mactati fuerint. Quoniam scilicet de *Ausidio* scribitur, præter panem & vinum etiam oleum ad lavationem præbuisse populo, insinuat Cel. *Burmanningum*, nuper cheu! defunctum, erroris, quo in *Diff. de Vestigalibus populi Romani*, a *Nerone* primum ad voluptatem oleum esse datum, arbitretur, cum ex *Dionis* idonei harum rerum testis, *Hist. Lib. XXXVIII* discamus, ejusmodi largitionum profusiones jam a *Fausto, Sullæ* filio, factas esse. Ad n. 37 ostendit, minus recte Cel. *Maffæum* secundum *Gruterum* legisse IVR. REG. TRANSPAD. cum potius sit IVR. REG. TRANSPAD. *Juridico* regionis transpadanæ. N. 43, ubi Pisaurum dicitur *Colonia Julia Felix*, cum *Mazochio* Cel. *Oliverius* animadvertit, primo Pisaurum deductam fuisse Coloniam a *Sulla*, & propterea *Felicem* ad exemplum reliquarum urbium, *Suessæ*, *Nolæ*, *Capuæ*, appellatam, postea *Julium Cæsarem* eodem colonos deduxisse, indeque adeptam esse nomen *Julia*. Neque potuisset, inquit Cel. Autor, *Sulla* opportuniorem locum sibi amicum redere, quoniam in omni exemplorum memoria videre liceat, si voluerint Romam aggredi, semper Pisaurum, & alias quasdam illarum regionum terras, sibi acquisivisse. Nonnulli quidem ex-

Pag. 77.

78.

108.

109.

110.

115.

131.

istimant, *Antonium* huc coloniam misisse, quia *Plutarchus* ita scripsit: *Prodigia ante bellum* (Aëtiacum nempe) *hæc ferunt fuisse; Pisaurum urbs non longe ab Hadria, in qua Antonius colonos miserat, terræ hiatibus absorptum fuit*; sed ex *Appiano* Cel. Autor evincit, in animo id quidem habuisse *Antonium*, sed, quoniam gravissimorum bellorum atrocitas imminebat, militesque solum possidendarum aliquando regionum in Italia spe lactabantur, executionem consilii dilatatam esse usque ad *Augusti* reditum, qui deinde dictorum fidem exsolvens, militibus nonnullas ditiones & urbium

- Pag. 134. domicilia concessit. *Plutarcho* autem paulo, quam par est, acerbius stomachatur, quod absorptum terræ concussione *Pisaurum* crediderit. *Mentitum* vero *Græculum* hominem ex eo asserit, quoniam *Julius Obsequens*, prodigiorum diligentissimus compilator, ne verbo quidem illius ostenti, non prorsus reticendi, mentionem injecerit. Ad n. 45, occasione verborum MVNIC. PISAUR. quæstionem ventilat, quare *Pisaurum Municipium* appelletur, cum antea audiverimus, Coloniam fuisse. Quam dubitationem eludit, distinguendo inter appellationem Municipii, quæ proprie, & eam, quæ abusive, usurparetur. Proprie Colonias Municipiorum nomine venire observat, quando in hunc statum voluntate Senatus aut Principis pervenerint; abusive autem idem nomen permutari facile, latinitatis rationes pati existimat. Priorem usum ait *Pisauensis* debere, quoniam, tenuioris aliquando conditionis fuisse, verisimile sit. Pag. 148 *Avediam* gentem Cel. Autor detexit, incognitam *Grutero* & *Fabretto*. Ad n. 69 icunculas quasdam anaglyphi operis, in *Sarcophago* repertas, nobis offert, quarum una equo insidet, altera curru, antiqui *Cisii* seu *Cissii*, quod vehiculi genus maxime nunc usurpamus, & *Calasse* appellamus, speciem referente, vehitur. N. 149 de equitibus singularibus *Augusti* non operose & affectata orationis ubertate, ut solent quandoque his sacris initiati interpretes, sed breviter & perspicue, agit; quibus annumeres æque raro in monumentis veterum conspicuos equites *triplicarios*. Atque hæc quidem observationes sunt, quas in lectione doctissimi Operis loco speciminis dignas notatu existimavimus. Restat carum, quæ æque elegantes sunt, maxima adhuc seges; verum

verum brevitatis habenda est ratio, & meretur iste liber, ut ob doctrinarum sales curiosis antiquitatum Romanarum scrutatoribus sit commendatissimus. Interim avide expectamus libros de *Viris Illustribus Pisfaurensibus*, & de *Luco sacro veterum Pisfaurensium*, quorum edendorum spem fecit in doctissima Præfatione; sed, utrum posterius Opus diversum sit futurum ab elucubratione *Figlinorum Pisfaurensium*, cujus in transitu pag. 187 meminit Cel. Autor, nondum quidem extricare potuimus. Quicquid tamen sit, dignissimum certe nobis argumentum videtur, quod patronos inveniat, quos, si quid habent subsidiorum paratum, ut liberales Cel. Viro suppetias ferant, publico literarum nomine rogamus.

THE ROMAN HISTORY, &c.

hoc est,

ROMANA HISTORIA AB URBE CONDITA
usque ad occasum Reipublicæ, Mappis geographicis aliisque
tabulis illustrata; Autore N. HOOKE,

Equite.

Volumen I.

Londini, typis Jac. Bettenham, & prostat apud A. Bettesworth
& C. Hitch, 1738, 4.

Alph. 3 plag. 15.

Præmissa Dedicatione, *Alexandro Pope*, Equiti, inscripta, Cl. Autor Operis sui habitum in Præfatione exponit. Scilicet initio summa capita accuratius composita Historiæ Romanæ, a Patribus Soc. Jesu, *Catrou & Rouille*, in 16 Voluminibus in 4 editæ, postea vero a D. *Bundro* Anglice in 6 Voluminibus in folio exhibitæ, hoc complectenda libro statuerat. At, cum antiquos rei Romanæ Scriptores ipse evolisset, se, quam epitomen, præstantius quidpiam proferte posse vidit, siquidem ab ipsis illis Gallis interdum dissentientiendi causas haberet. Quapropter de Historia Romana Opus conscribere instituit, quod non nimis vastum esset, neque exilitate, quemadmodum *Echardi* compendium, laboraret. Luminibus in primis dictorum modo Patrum Societatis Jesu

atque *Vertotii* usus est, sed ita, ut fontes non neglexerit, quos & in margine haud raro indicavit. In ipsa rerum gestarum explicatione bellorum minutias minus sollicitè persequutus est; at eo majore cura mutationes status Reipublicæ ostendit. *Volumen* hoc *primum tres Libros* continet, quorum in *primo* Roma sub Regibus consideratur; *alter* pergit usque ad restitutam urbem, post Gallorum incendium; *tertius* denique finitur initio belli Punici primi. Suum cuique *Capiti*, præter *contentorum* indicem, argumentum, idque diffusius, præmittitur. Enarrationi subjiciuntur notæ, potissimum ex Opere memorato Patrum Societatis Jesu, atque ex *Kenneti Antiquitatibus Romanis*, petitz. Autor quoque suas ipsius observationes addidit, quæ maxime ad *Is. Newtoni* objectiones, chronologicas, & nonnulla *Vertotii* & Jesuitarum Historiæ Romanæ loca, pertinent. *Vertotius* enim illi non tam accurate, quam eleganter, scripsisse videtur. Hinc *pag. 26* monet, eum *Dionysio Halicarnassensi* & *Livio* adversari, nec sibi constare, ubi Celeres annulo aureo donatos, ordinisque equestris fuisse, statuit, ac duos thesaurarios, postea Quæstores dictos, jam *Romuli* ævo publicæ monetæ præficit. *Pag. 241* affirmasse dicitur, *Hernicos*, a *Cassio* benignissime habitos, jus Romanum accepisse, non adstipulante *Dionysio Halicarnassensi*, quem tamen sequi volebat. *Parcius* a Jesuiticis Commentariis dissidet Autor; *pag. 89* notat tamen, Patres hosce eruditos tribus 15 numerasse, nulla ratione adjecta. *Pag. 117* monstrat, *P. Catronium* in definienda *Romuli* ætate, ac tempore capti *Corniculi*, errorem admisisse; ubi quoque adversus *Newtonum* disputat, qui, statum regium apud Romanos 244 annos durasse, negavit, cum inauditum esset, septem Reges, quorum nonnulli occisi fuissent, unus ejectus, tantum temporis spatium explevisse; veri ergo dissimile existimavit, si plures 119 annis illis darentur. Ceterum perspicuo dicendi genere Autor usus est, &, quæ maxime scitu digna sint, recto judicio delegit. Ne quid evidentiz atque pulchritudini Operis deesset, rem omnem Tabulis geographicis, a *Guilielmo Delisle* delineatis, aliisque figuris ac nummis, ad varia antiquitatum Romanarum genera spectantibus, dilucidavit. Ad calcem exhibentur Marmora Capitolina, sive Fasti consulares, qui,

qui, fato quodam A. 1545 reperti, *Paulo III* Pontifice, Romæ in lucem prodierunt.

Zeit- und Geschicht-Beschreibung der Stadt Göttingen, &
hoc est,

HISTORIÆ GOTTINGENSIS.

Pars III.

Hannoveræ & Göttingæ, in officina Fœrsteriana, 1738, 4.

Alph. 2 plag. 9 $\frac{1}{2}$.

Cujus Operis *Tomum primum* A. 1735 *Mense Majo* pag. 202 seq. recensuimus, ejus nunc *tertium* exhibemus *Tomum*. *Secundi* enim recensionem differre cogimur in id tempus, quo *quartus*, idemque postremus, in lucem prodierit; cum duo hi *Tomi* complectantur historiam Göttingensem ecclesiasticam. Ejus, quem nunc habemus in manibus, *Tomi* Autorem esse Cel. *Heumannum*, docet Præfatio. Hic igitur iustis instructus monumentis, quorum magnam partem se ex Archivo Göttingensi accepisse, pag. 288 indicat, satis amplam hic exhibet Gymnasii Göttingensis, cui per septendecim annos ipse præfuit, historiam. In qua cum multa contineri necesse sit, quorum cognitio doctis illius urbis civibus magis & utilis & jucunda est, quam exteris, nos ex iis duntaxat nonnulla repetituri sumus, quæ cognovisse gratum fore videtur universis Historiæ literariæ cultoribus. Habet hic liber partes sive *Capita quatuor*. Horum in *primo* historia scholæ Senatoriæ, quam ante Gymnasium habuit Göttinga, describitur. Ac superest (§. 1) in loco quodam publico Inscriptio hujus scholæ, A. 1494 (quo anno ea condita fuit) facta, in qua nominatur illa schola *domus Aristotelis*. Non habuit clariorem hæc schola Rectorem *Petro Nigidio*, creato postea Professore Marpurgensi. Hujus igitur vita breviter hic (§. 3 & 4) & concinne exponitur; e qua cognoscimus, *Nigidium* A. 1524 contulisse se Göttinga Mulhusam, ac *Thomam Munzerum* dehortatum esse a consiliorum suorum pravorum executione. Alter celebrioris famæ Rector hujus scholæ fuit *Joachimus Meisterus*, Gymnasiarcha postea Bremensis; de quo & ipso quædam producuntur commemorabilia.

rabilia. In *Cap. II* de ortu hujus Gymnasii agitur, deque ejus Rectoribus, quos habuit undecim. Ac initio refellitur vulgaris fabula, qua, *Carolus V.* Imperatorem, magistratui hujus urbis concessisse, traditur, facultatem concedendæ Academiæ sive Universitatis. Deinde docetur, jam A. 1542 conditum hic loci fuisse Gymnasium, sed tertio anno post corruisse. Illud autem Gymnasium, cui nuper successit Academia *Georgia Augusta*, natum est A. 1585, primumque accepit Rectorem *Henricum Petreum*, virum id ætatis clarissimum, plurimumque librorum, partim suorum, partim alienorum, (qui utrique hic recensentur,) publicatione spectatum; factum postea (nam Juris utriusque Doctor erat,) Ducis *Henrici Julii* Consiliarium aulicum & Consistorialem. Habuit is in matrimonio viduam *Flucii*, e cujus Bibliotheca videtur accepisse *Pauli Langii Chronicon Citizense*, quod edendum dedit *Pistorio*; ut adeo *Petrei* publicum hoc sit beneficium. *Paragr. 17* occurrit pugna in hoc Gymnasio pugnata de Philosophia *Ramea*, quæ usque eo exarsit, ut *Aristotelicus* quidam collega alterum *Rameum* tot tantisque plagis dedolaret, ut eas mors exciperet. Conf. *Cap. III §. 17. Hippolyei Hubmeieri*, quinti Rectoris, qui, postea Superintendens factus in Franconia, unus fuit ex illis, qui *Biblia Ernestina* illustrarunt commentariis, ac multa præterea scripsit, maximam partem philosophica, vita in *§. 20 seq.* describitur. *Paragr. 24 seq.* de *Georgio Andrea Fabricio*, Rectore sexto, agitur, clarissimi illius *Georgii Fabricii*, cujus vitam *Schreberus* luculentissime exposuit, fratris filio. Hujus exstant multa egregia scripta: *Thesaurus philosophicus*, *Catena Apostolica*, hoc est, omnium Nov. Test. Epistolarum Analysis, *Horæ succisvæ poeticae*, *Compendium Theologiæ*, *Theatrum Physicum*, *Gymnasium Ethicum & Politicum & Oeconomicum*, hoc est, trium harum disciplinarum Systemata, *Speculum Astronomicum*, *Compendium Logicum Ramo-Philippeum*. Memoratu & admiratu dignum, ab hoc Rectore in hoc Gymnasio editas habitasque fuisse Disputationes centum & præterea triginta sex; quarum argumenta cum essent philosophica, hinc enata sunt illa, quæ modo commemoravimus, disciplinarum Systemata. *Paragr. 31 seq.* exhibetur narratio de spectro quodam hujus Gymnasii, quod initio multum

multum terroris peperit, postea, detecta fraude humana, multum risus. *Paragr. 48 seq.* de *Henrico Tollio* disseritur, viro omni doctrina erudito, præclarisque scriptis multis conspicuo, qui tandem, abdicato Rectoratu, Superintendens Gottingensis constitutus est. *Paragr. 52 seq.* decimus Rector, *Justus a Dransfeld*, exhibetur, cujus vitam & in rem literariam merita singulari libro, a nobis *A. 1717 Mens. Oct. pag. 413 seq.* recensito, persecutus est *Ge. Nic. Kriegkii*. *Paragr. 62 seq.* noster Autor agit de rebus suis in præfectura hujus Gymnasii gestis. Spectans aliorum in Gymnasiis docentium utilitatem, commemorat hic sigillatim lectiones, a se habitas, varii generis, & ita quidem, ut appareat, qua disciplinam quamque pertractarit methodo. Deinde recitat titulos Programmatum suorum, hoc in Gymnasio editorum, itemque Disputationum. Edidit autem Programmata nonaginta quatuor, Disputationes unam & viginti. *Paragr. 92* commemorat Bibliothecæ Gymnasii (quæ nunc pars est Bibliothecæ Academicæ,) libros quam rarissimos, partim MStos, partim typis excusos. Ac miraturos credimus Lectores hunc apparatus librorum summæ raritatis, quibus noster Autor hanc Bibliothecam (sub ejus namque regimine scholastico demum nata est auspiciis Regiis atque adolevit,) locupletavit & ornavit. Ac sunt inter hosce libros nonnulli, iique perutiles, quorum cognitione carent etiam haud vulgariter eruditi. Concludit *Caput* hoc *secundum* Oratio Auctoris, eos Musarum Gottingensium alumnos nominatim laudans, qui fulcra evaserunt sive Ecclesiæ, sive Reipublicæ, sive Scholarum illustrium. In *Capite tertio* sistuntur hujus Gymnasii Professores Theologiæ, Jurisprudentiæ, Medicinæ, (quæ disciplinæ postea justis de causis habere hic deserunt suos Professores,) Philosophiæ, Matheseos, Latinæ, Græcæ, & Hebraicæ linguarum. Hos inter ob edita scripta complura, quorum hic proferuntur tituli, subjecta subinde *ἐμπειρίαι*, eminent *Theodosius Fabricius*, D. *Theodorus Berckelmannus*, (cujus *Vitam*, a Cl. *Stuffio* editam, in his *Actis* recensuimus *Supplem. Tomo X Sect. XI pag. 514 seq.*) D. *Phil. Lüd. Bæbmerus*, (cujus *Vitam* ante aliquod tempus publicæ luci exposuit *Erhardus Reuschius*, Julia Professor celeberrimus, sed nuper ad cœlestes animas evocatus,) D. *Henricus Philippus Gudenius*, scriptor luculentus *Historia Ecclesiastica Gottingensis*,

gensis, itemque *Historia S. Bonifacii, & Historia Ducis Luneburgensis, Ernesti Pii*, in his *Actis A. 1730 Mens. Nov. pag. 526 seq.* recensitæ; *Jo. Christoph. Koblbanus*, qui primus inter Germanos publicis scriptis, quæ multum ipsi pepererunt & odii & molestiæ, defendit novitatem punctorum & accentuum Hebraicorum; *Augustinus Vegetius*, e Mathematico hujus Gymnasii factus Mathematicus Academiae Gissensis; *Christianus Mundenius*, nunc S. Theologiae Doctor & Antistes Francofurtanus; *D. Joach. Meierus*, qui inter tot alia utriusque linguæ scripta etiam illustre illud *Corpus Juris Apanagii & Paragii* edidit, a nobis quoque commemoratum *A. 1728 Mens. Febr. pag. 49 seq. Caput quartum* clavorum Gottingensium præcipuos exhibet. Hic statim §. 2 docetur, *Jo. Gifelerum* (quæ familia, nunc extincta, olim florebat magna autoritate in civitate Gottingensi,) a Papa *Benedicto XII* creatum fuisse Episcopum Frisingensem. Ibidem loci nominantur quidam Principum Consilarii intimi, quos Gottinga procreavit. Eodem in §. 2 commemoratur *Jo. Eberhausius*, qui, exeunte Seculo decimo quinto, in Academia Lipsiensi fuit Ordinarius, seu Præses Collegii Juridici; cujus rei testimonium reperimus quoque in *Centuria Scriptorum, qui in Academia Lipsiensi ante annum 1515 floruerunt*, a Madero edita, §. 51, ubi tamen pro *Ottingensi* scribi oportet *Gottingensi*. *Paragr. 4* laudatur *Jodocus Matthias*, quem Autor noster credit juvenem esse demortuum; sed, ad magnam senectutem eum pervenisse, ac Luneburgi esse extinctum in ordine sacerdotali, docet *Bertramus* in *Hist. Eccl. Luneb. pag. 745 seq.* Illud lectu hic jucundum, quod Noster docet, *Jodocum & Justum* esse idem nomen, allatis exemplis, inter quæ est *Justus Lipsius*. *Paragr. 10* memoratur *Jo. Caselius*, cujus patrem fuisse primum post *Lutheri* Reformationem Rectorem scholæ Gottingensis, discimus e *Cap. I §. 7*. *Paragr. 15* inter Gottingæ filios illustres prædicatur *Christianus Speebtius*, Theologus princeps aulæ Guelpherbytanæ & Abbas; cujus & filia §. 16 laudatur, felicitis venæ poetria. Concluditur hoc *Caput* mentione duorum doctissimorum virorum, qui Gottingæ vixerunt, alter Consul, alter Medicus urbis ordinarius, clarosque ediderunt libros, & tamen omissi fuerunt in Lipsiensi *Lexico literario biographico*. Alterius, *Tillemanni*

manni Frisii, Notitiam rei nummariae (Münz-Spiegel) recenset Autor copiose & honorifice; alterius, *Hieronymi Jordani, librum de eo, quod in morbis divinum est*, describit brevius. Ultimum locum assignavit Noster Orationi suæ de Reformatione Ecclesiæ Gottingensis tempore Lutheri; in qua proferuntur e certæ fidei monumentis ineditis, quæ non leguntur alibi.

Accedamus nunc ad *Præfationem*, Tomo huic æque, ac primo, præmissam a Viro Illustri, *Ju. Daniele Grubero*, Regis Magnæ Britanniae Consiliario aulico, Historiographo, & Bibliothecario. Interiorem rerum medii ævi notitiam & hæc exhibet Præfatio, 132 paginas implens, & continuans, quæ priori in Præfatione dicta fuerunt de urbis regionisque Gottingensis antiquitatibus. Est autem hæc Dissertatio dimidiam partem apologetica; cum prior Præfatio nacta fuisset antagonistam. Adversus hunc igitur pluribus confirmatur, veterem *pagum Guotinga* ab urbe Gottinga, ejusque vicinia, longe diversum esse; urbem Gottingam quondam adscriptam fuisse *pago Lainga*; e contrario *pagum Guotinga* fuisse in tractu Hildesienfis Episcopatus; ad quod demonstrandum profertur §. 7 luculentum Diploma Seculi undecimi. Præterea docetur doctissime, *Goddington villam*, ubi A. 778 Imperator *Carolus M.* Diplomati cuidam suo, quod *Mabilloniano* in Opere diplomatico exhibetur, subscripsit, non esse (quod quidem a plurimis creditur,) hodiernam Gottingam, sed oppidum quoddam Galliae, dictum olim *Ville Godin*, hodie *Gudoigne*. Hinc *Gruberus* noster de *Grona*, palatio medii ævi Cæsareo, copiose & luculentissime disputat, deque aliis ad Historiam & Geographiam medii illius ævi pertinentibus rebus; ut, cum jam longius provecta sit nostra recensio, accuratam totius hujus Dissertationis lectionem nostris Lectoribus diligentissime commendemus.

GUILIELMI MARANI, ANTECESSORIS TOLOSani, Opera omnia, seu Parætitla Digestorum, & varii Tractatus Juris Civilis, qui simul inservire poterunt Supplemento Thesauri Juris Romani, cum Autoris vita, BERNARDO MEDONIO scriptore. Omnia
ab

ab innumeris mendis purgata, atque Indicibus copiosissimis locupletata; cum icone Autoris. Recensuit, & Præfationem adjecit, CHRISTIANUS HENRICUS TROTZ, JCrus.

Trajecti ad Rhenum, apud Joannem Brœdel, 1741, fol. maj.
Alph. 8. plag. 22.

Exultet elegantior Jurisprudentia! Applaudat, quisquis ingenuum se cultorem illius atque satellitem proficitur! Summus enim boni facti præcones, & *Guiliclmum Maranum*, liberalis virum ingenii, interque *Cujacii* discipulos longe doctissimum, in librorum tabernis venalem pronuntiamus. Pauciores adhuc dominos, & id difficulter satis, nactus, jam oculis omnium læta nitidaque facie conspiciendum se præbet, ex tenebris, in quibus delituit diu, peropportune extractus, nqvoque colore ac habitu, non fucato eodem suspectoque, sed nativo plane, atque sincero, speciosior redditus. Auxiliatrices admovit manus, & partem inde gloriam suo quodam jure sibi vindicat, qui jam pridem haud vulgaribus in Jurisprudentiam meritis inclaruit, *Christianus Henricus Trotz*, literatissimus in Belgio Jureconsultus. Nihil ille quidquam prætermisit eorum, quæ commendando Autori suo inservirent, & Præfatione succi plenissima tam eleganter suis fundus est partibus, ut hæreat animus, meliorne, quem in lucem revocaret, Celeberrimo *Trotzio* scriptor, an dignior *Marano* Editor, contingere unquam potuisset. Age, Lector, videamus paucis, quid secum boni ferat erudita Præfatio. Non de uno disserit argumento Amplissimus *Trotzius*; sed, promptuarium velut optime instructum recludens, liberali manu varia distribuit, jucunda lectu, scitu utilia. Primo enim, explosis adversariorum suorum calumniis, præcipuas expromit annotationes, quibus illustris in Academia Salana JCrus atque Historicus, *Christianus Gottlieb Buderus*, vitam *Marani*, a *Bernardo Medonio* elaboratam, & *Vitis Clarissimorum JCrurum*, Jenæ A. 1722 conjunctim editis, insertam, intellectu faciliorem hinc inde reddiderat. Quæ observationes cum apud nos in omnium fere manibus exsistent,

existent, opus non arbitramur esse, ut exponamus de illis copioso verborum apparatu. Sed, ut fieri in literaria Historia quotidie solet, nonnulla etiam exactissimam Cel. *Buderi* diligentiam fugerunt, scitu tamen haud indigna, quæ ideo, ne hic plane ἀσύμβολος abiret, adjecit Conf. *Trotzius*. Ante omnia remover dubium, quod non sine causa occupavit eruditos omnes, posthuma aliorum opera non factus elegantes esse, sed abortus deformes, æterna nocte sepeliendos, tantumque famæ defunctorum detrahentes, quantum asserre solent, qui vivis adhuc Autoribus eduntur, maturi ingenii partus, & lambendo quasi pulcherrime figurati. Idque negotium ut susceperet in se Cel. *Trotzius*, eo videbatur magis necessarium, quo constat certius, & ab ipso *Marani* filio confirmatur, in operibus hinc quædam ἀντισχιδνάσματα, celeri effusa consilio, excidis se parenti, quæ limam expectarent & curas secundas. *Juvabit*, inquit humanissimus Præfationis Autor, & nondum absolutis, in suo genere tamen perfectis, uti, frui, ut conjunctis quasi manibus, & confertis viribus, perfectum aliquod opus tandem exstruere detur. His expeditis, opera, quæ affectaverat *Maranus* olim, ex ipsa vitæ narratione indicat, primo ponens loco *Commentarium in secundum Decretalium Librum*, quem inclementiam maris invidisse nobis, *Medonius*, βιόγραφος, tradit. At, incertum esse, addit *Trotzius*, utrum, navi a barbaris submersa, *Commentarii* illi simul in profundum sint projecti, an in manus barbarorum pervenerint, unde, dispersis scilicet & laceratis misere scriptis illis, nulla speranda fuerit redemptio. Utrumque enim innuere videtur *Medonius*; vero tamen similis doctissimo *Trotzio* videtur, barbarorum negligentia inscitique periisse. Porro, *Observationes in rem herbariam* conscripisse *Maranum*, testimonio suffultus *Medonii*, refert, sed & hunc naturæ thesaurum, uti libellum Gallicum, elegantem profecto, & Regis commendatione haud indignum, de statu *Academæ in meliorem statum redigendo*, volitantibus hinc inde foliis distractum, nusquam comparere hodie, subjungit. Denique & *Tractatum de Jure Patronatus* reliquit *Maranus*, de quo hæc notanda *Medonii* verba: *Ex illis est Aurelianensis nuper*

Pag. 7.

2.

Professor, qui, cum crederet, Marani scripta nunquam esse in lucem proditura, ac proinde se impune posse ejus divitias involare, plurimas paginas Tractatus de Jure Patronatus, auro, ut ita dicam, contextas, vili suo panno adsuere minime veritus est. Duo hic consideranda esse, notat Cel. Trotzius: primum, quis sit Aurelianensis ille Professor, qui tam manifeste plagii hujus literarii accusatur a Medonio; deinde, cur illum Tractatum non ediderit filius ipse, minimum in catalogo scriptorum mentionem ejus plane nullam injecerit. Ad primum quod attinet, videtur Editori nostro Medonius digito quasi monstrare Franciscum Florentem, Aurelianensis primum Academiae, tum Parisiensis, Antecessorem. Hæc ut persuadeat sibi, monent non solum verba: Aurelianensis nuper Professor, sed & quod Florens discipulus fuerit Marani, qui & Marani Janique a Costa prælectiones, ab aliis acceptas, diligenter exscripsisse, hisque duobus magni Chjacci auditoribus, dignis tanto præceptore, præsertim adhæsisse, dicitur apud Jo. Doujatium in Franc. Florentis vita. Interim, si hunc Medonius respexerit, ut credit, nec id sine probabilitate, Amplissimus Trotzius, censura forte rigida nimis & vehementi in bonum Florentem utitur, cum sciant eruditi omnes, haud vilem pannum tractasse, summoque magistro, Jano a Costa, haud minorem evasisse discipulum eundem. Ad alteram dum respondendum est, qui movit eam, quæstionem, Oedipum sibi merito optaverit. Quantum tamen assequi conjecturis licet, maluit post absoluta Jani a Costa & Florentis opera suppressere paternas has lucubrationes filius, (occultasse etiam hæc, verosimile est, Jacobum, nepotem, contentum quippe, jam a Medonio furtum illud literarium cum ipso Tractatu fuisse proditum,) quam inimicum sibi parere, in hac Juris parte longe famigeratissimum. Id vero mirari subit vehementer, non observasse

Pag. 9. *Medonium, quod Maranus ipse Tractatus hujus memoriam servaverit nobis ad Tit. de Senatoribus, ex quo sane loco colligi potest, absolutum jam fuisse, preloque destinatum, opus illud, pariterque in Capita divisum. Hæc de affectatis Marani scriptis. Notavit ille etiam in librorum, quos habuit, marginibus complures Autorum veterum emendationes, præclaras omnino, & ad augen-*
dos

dos thesauros criticos apprime utiles, sed, qua fuit Autor, *Medonio* teste; animi modestia, seu timiditate potius, si quid audendum cum quodam famæ periculo esset, opima hæc spolia intra privatos Bibliothecæ suæ cancellos retinere, quam publici facere juris, satius existimavit. Sed quis fuit idem ille *Medonius*, elegans *Marani* Βιόγραφος? Fatetur hic, aquam sibi hære, gravissimus Editor; quæ ignorantia plane ei non vertenda vitio, cum ignotus longa nocte careat sacro vate, altumque apud Historiæ literariæ scriptores, saltem quos ille in consilium vocavit bene multos, de *Medonio* sit silentium. Fuisse tamen eundem literatorum Mæcenatem eximium, & Musarum tunc prope fugientium decus, literæ comprobant amœbæ inter hunc ipsum & *Nicolaum Heinsium*, quas legimus in *Sylloges Epistolarum*, a *Burmanno* editæ, Tomo V pag. 607 seq. Quantum etiam ex harum Epistolarum lectione observare contigit *Cel. Trotzio*, causarum patronus fuit *Medonius*, & a forensibus negotiis, quibus se adhæsisse diu nimium infelicem ipse ait, revocari serio optavit, in *Epistola* 582. Saltem, Senatoriam dignitatem, qua insigniverat eum *Heinsius*, se nunquam gessisse, & ab illa non minus se abhorre, quam a pistrino, in *Epistola* 574 profitetur. Revertitur e diverticulo brevi cum Editore ad *Maranum*, quem ille in *Lexico Eruditorum Menckenio-Jacheriano* Jesuitam dici ægre fert, graviterque dolet. Quo errore notato, & præceptores *Marani*, & celebrioris famæ discipulos ejusdem, nominat, illos *Cujacium* & *Roaldum*, hos *Edmundum Merillium*, *Franc. Florentem*, & *Jacobum Constantineum*. Digna sunt, quæ proferantur a nobis, postremi verba, e *Subtil. enodat. Lib. II Cap. 13*, ubi, dabo, inquit, in præsentî Conditionis purissimam definitionem, quam nec *Zoilus* ipse respuere vellet, aut justè posset abjicere, & quam non ægre fero a doctore meo, *Guilielmo Marano*, in *Paratitlis* ut suam usurpari; adeo placuit Viro prudentissimo nostra hæc Conditionis explicatio pulcherrima. Quid tibi de hoc videtur loco, erudite Lector? Forte te consentientem & *Cel. Editor*, & cum eo nos, habebimus, cristas hic mirifice attollere *Constantineum*, nimiumque sibi sua definitione placentem, magno conatu nugas agere maximas, & doctorem suum postulare plagii eo in loco,

Pag. 10.

ubi criminis hujus reum esse, vix vero sit simile. Recte igitur superbientis JCi ineptias explodit *Trotzius*, &, jam ante, quam cogitaverat forsan ille *subtiles* elaborare *enodationes*, Paratitlis suis insudasse *Maranum*, docet, anxia diligentia Jus Civile, *Merillio* teste, exponentem. Quis nunc credet *Constantinao*, præclarum doctorem, non laudato suo autore, discipulo cumprimis, cujus gloriam præceptor cum sua communem habebat, hæc fuisse callide mutuatum? Quin evolventi Paratitla ipsa, *Titulo de Conditione & demonstratione* sic definivisse *Guilielmum* nostrum *conditionem*, patebit, quod sit *suspensio in incertum eventum actui injecta*, quibus addidit verbis *Constantineus*, *qua actum ipsum facit in pendenti ac incerto esse*. Hæc cum accurate non convenient, videtur *Consult. Trotzio*, ex magistro quondam suo perceptam illam definitionem, mutatis, quæ mutanda censebat, suam fecisse *Constantineum*, eruditum alias JCrum, sed justo pluris vires suas æstimantem, suæque omnia, tanquam ex tripode, eruditis venditantem. Eadem interim fata cum *Medonio* hunc *Constantineum* habere, vixque ejus exstare memoriam apud Biographos, quin perituum plane fuisse venerandum hoc Jurisprudentiæ nomen, monet, nisi ab oblivione hominum se ipse vindicasset *Subtilium* suorum Opere, quod quo primum anno ediderit, optat indicatum fuisse a nuperrimo Editore, cum vel inde de plagio modo dicto constare apertius posset. Progreditur Noster ad judicia aliorum de *Marani* sui scriptis, & sinistra eadem, qua pollet dexteritate, argumentis solidissimis convellit. Insignem *Marano* maculam inussit amœnissimi ingenii Italus, *Joseph. Aurelius de Januario*, in *Repubblica JCrorum* pag. 202 edit. *Mencken*. hæc de *Merillio*, haud benigna *Cujacium* honoris declaratione excipiente, scribens: *Simulate id a te agi, compertum habet, (Cujacius scilicet,) & non falsa suspitione ducitur, te impensius favere Guilielmo Marano, auditori olim suo, a quo didiceras, auctoritatem vel summorum virorum parvi pendere, nec pati ab ea unquam abduci*. At, jocari hic ludibundum Neapolitanum, suspicatur *Trotzius*, cum contrarium constet ex *Merillii* testimoniis, supra ab eo allatis, ipsaque Paratitlorum tractatio abunde doceat diligentem lectorem, nihil

nihil cogitasse minus *Maranum*, quam ut *Cujacio*, aliisque viris summis, insultaret, eorumque auctoritatem parvi penderet, quin potius candide, & honoris præfatione iusta, ubi vis laudare præclarum suum doctorem, quod ipsis *Marani* verbis copiosius demonstravit. Notavit & *Maranum* occasione vocis *responsitare* *Æg. Menagius* in *Aman. Jur. Civil. Cap. 2*, at, quod docte evincit *Celeb. Editor*, otiose & inconsiderate. Conf. *Ampliff. Bynkershoekii Observ. Jur. Rom. IV, 11*. Nec felicius eidem conatus cessit, dum *Cap. 15 Amanitatum, Cujacium, Maranum*, aliosque, ignorasse, quid sint *Paratitla*, contendit. Ad hoc sane argumentum quod spectat, tuto affirmare audet *Trotzius*, *Menagium* vix, aut fugiente saltem oculo, inspexisse *Marani Caput 1*, ubi latius & eleganter explicat, quid sint *Paratitla*. Vix enim esset, ait, ut adeo jejune, & tam levibus præfidiis instructus, *Caput illud 15 consarcinasset*, quo sane, ut & aliis speciminibus criticis in *Jure*, facile ostendit, se virum esse doctum, sed non *Juris*, plusque se cum *Cœlio Antipatro*, qui, *Pomponio teste* in *l. 2 D. de Orig. Jur. §. 40*, *historias scripsit*, *eloquentiæ & studiis humanitatis*, quam *scientiæ Juris*, operam dedisse. Contradixit etiam *Menagius* in *Aman. Cap. 39 Marano*, qui, occasione *SCti Macedoniani*, non improbum scænatorem, sed filiumfamilias, *Macedonem* esse, cum *Theophilo Lib. IV Inst. Quod cum eo, &c.* statuit. Sed præclarum *Marani* defensorem agit *Cel. Trotzius*, miraturque non parum, cur, *Menagium* satisfecisse *Marano*, scripserit *Ampliff. Otto ad §. 7 Inst. Quod cum eo, &c.* Nihil enim minus effecisse *Menagium*, quamlibet emunctæ naris hominem, sibi persuadet; quod & perspexit jam, qui *Marani* sententiæ accessit, *B. H. Reinoldus*, vir eleganter doctus, in *Diff. ad SCtum Macedonianum, Cap. 1 §. fin.* Ipsum *SCtum* exstat in *l. 1 D. de SCto Macedon.* cujus prima verba aperte indicare filiumfamilias, probat *Maranus*. Clausulam vero ejusdem *SCti* in errorem deduxisse, ait, interpretes, ut *Macedonem* scænatorem improbum putarent; hinc verba incertis nominibus interpretatur de filiisfamilias, textum porro sic interpungens, *Menagio* autore: *Et, cum sepe materiam malis moribus præstaret is, qui pecuniam incertis nominibus crederet.* Falsi hic accusat *Editor* noster *Menagium*,

Pag. 11.

12.

& de hac interpunctione plane siluisse *Maranum*, contendit. Dicit *Maranus*, *Macedonem* filiumfamilias inter ceteras sceleris, id est, parricidii, causas æs etiam alienum adhibuisse. Subjicitur, pergit, clausula generalis: *Et sepe materiam peccandi malis moribus præstaret* (scilicet is), *qui incertis nominibus pecuniam crederet*, per incerta nomina filiosfamilias significari tradens, quia dubia sunt, & non, nisi expectata patris morte, bona fieri poterant, maxime vero dubia manebant, filiosfamilias præmoriens. Hoc præcipue suspensum tenuit *Menagium*; inde, verba: *qui pecuniam incertis nominibus crederet*, aptius longe & convenientius ad sceneratorem

Pag. 13. pertinere, suspicatur. At hoc est, regerit Conf. *Trotzsius*, quod disertis verbis affirmat *Maranus*, totam hanc clausulam ad sceneratorem referens, & sub nominibus incertis intelligi filiosfamilias, asserens, quorum dubia persona, & fluctuans vitæ ratio, incerta reddit nomina illa contracta, teneramque ætatem ad scelera provocat. Nihil ergo hic attulit novi *Menagius*, potius contra mentem SCti principium ejusdem contorta explicatione ad sceneratorem applicat, cum, per *sceleris causas*, & verba: *expectata patris morte*, nihil sit evidentius, quam parricidium innui in SCto, quod quippe non de sceneratore, sed de improbo filio, ante diem patrios inquirente in annos, intelligi poterit. In gravem quoque errorem delapsus *Menagius* est, *as alienum* explicans per pecuniam aliis creditam, contra clara verba l. 213 §. 1 D. de V. S. ad quam, a *Marano* adductam, uti & ad alia ejus argumenta, haud sane contemnenda, ne verbum quidem ullum respondit. Æs alienum in lege citata luculentissime pro pecunia aliis debita exponitur, consentiente *Tullio ad Fam. Lib. V Ep. 4*, & *Lib. VII Ep. 3*, item *ad Attic. Lib. XIII Ep. 42*, & *de Offic. II, 24*, nec alium sensum ipsa vocis analogia suadet. Provocat in rem suam *Menagius* ad *Carol. Stephanum* in *Dictionario*, eumque notasse perhibet, *as alienum* de debito cum Activo, tum Passivo etiam, dici. Sed bonam hic fidem desiderat Conf. *Trotzsius*, utque ipse hoc *Menagius* productis aliquot locis comprobasset, merito optat; se enim, scribit, tale quid invenire in *Stephano* non potuisse. Stat ergo ipse pro *Marano*, & quem sequitur ille, *Theophilo*, nec persuaderi sibi patitur, virum gravem, & *Justiniano* σύγχερον, libros veres

teres qui inspexerat, & componendis Institutionibus interfuerat ipse, factum adeo memorabile ad Sctum relatum temere, & sine ratione ulla, finxisse. Ubi etiam *Menagius Cap. 36. de itineris, actus, & viae, discrimine*, contra *Ulpianum, Tribonianum, & Theophilum*, magna nomina, disputaverat, nec *Maranum* præterit; quem vero copiose tueri studuit Editor, satis hic incautum & audacem fuisse *Menagium* monens, qui, alienis intentus, summoque digito tactis Juris principiis, gravissimæ controversiæ laqueis sese involverit, quibus expedire se vix poterant viri, in juris arte principes, quique in eadem vitæ tempus triverant omne. Novus *Marani* adversarius est *Christ. Godofr. Hoffmannus in Hist. Jur. Rom. Vol. I pag. 282*, ubi contra eundem *Triboniani* avaritiam exagitat, sed nulla idonea causa fultus, ex mente *Cel. Trostii*, qui num hac occasione recte in *Procopium* fuerit invehctus, dum eum mendacem, maledicentissimum hominem, canino latratu intemperanter *Questores avi sui omnes lacerantem*, vocat, alii nobis acutiores viderint. Denique Editor *Marani* doctissimus tria refert argumenta, quæ, cum primum suscepisset Præfationis concinnandæ provinciam, in animo habuerit fusius elaboranda: nimirum *de vera legum lectione, a Marano restituta, & cauta earum emendatione*; porro *de his, quæ pro & contra Glossatores disputavit Maranus*; denique *de erroribus Cujacii in Observationum libris, a Marano modeste enucleatis, atque rejectis*. Sed, quo minus destinata hæc perficeret, occupatissimum Virum temporis prohibuit angustia, vixque id permisit, ut pauca saltem horum argumentorum specimina subjiceret. Revocat & nos nunc tempus ad alia, manumque remove de tabula jubet. Tacemus, at coacti plane; adeo nos cepit exquisita doctrina præclarissimi Editoris, quem ipsum, boni publici causa, impensius rogamus, ut, quæ in hac Præfatione pollicitus liberaliter est *Gentilium, fratrum, Opera, & alia*, nascitura domi suæ, politissimi ingenii pignora, in lucem conspectumque publicum, quamprimum fieri id possit, producat.

D. MICHAELIS ALBERTI, S. R. M. BORUSS.
Aulic. & Consist. Magdeb. Consil. Medicinæ & Philosophiæ naturalis Professoris Publ. Ordin. Commentario
in

Pag. 14
seq.

16.

in Constitutionem Criminalem Carolinam medica, variis titulis & articulis, ratione & experientia explicatis ac confirmatis, comprehensa, observationibus selectis illustrata, multisque testimoniis juridicis & medicis probata, ac Indice pleniori instructa.

Halæ, sumtibus Orphanotrophei, 1739, 4.

Alph. 2 plag. 5.

Celeberrimus Autor, tot aliis ingenii monumentis, & novissime etiam Commentatione Academica in Edictum Ædilitium, de Medicina forense bene meritus, optimo sane consilio *Constitutionem criminalem Carolinam* ex doctrinis medicis illustrare suscepit. Quanquam enim variæ in eandem expositiones a Jureconsultis profectæ exstent; nullus tamen medicus huc usque in eam Commentarius, quoad nos compertum habemus, lucem vidit, quantumvis eo esse opus videretur. Quandoquidem vero Cel. Autor aliis jam libris, copiose in lucem editis, sibi non vulgarem nominis famam comparavit; ad præsens hoc Opus commendandum satis erit, si paucis indicemus, eandem hic esse soliditatem, evidentiam, methodum, & tractationis directionisque rationem, quæ ex superioribus libris jam intelligitur. Tanto plures autem fructus id afferet, quanto majori industria Cel. Autor hoc egit, ut de iis momentis, quæ edisserit, non suam tantum sententiam expromeret, sed undique etiam diserta & Medicorum & Jureconsultorum testimonia colligeret, hisque dicta aut illustraret, aut confirmaret. Fit enim interdum, ut permagni intersit, autoritatibus niti, & utilitatis plurimum præstare ejusmodi apparatus possit. Omnis vero hæc tractatio, quam Illustri *Friderico Hoffmanno*, Collegæ suo, grati, sinceri, officiosique animi testandi causa, dedicavit Autor, ita procedit, ut maxime ad ordinem Articulorum Constitutionis exigatur, & quodlibet argumentum, prout ejus copiosius evolendi occasio data arreptaque fuit, sua sede explanetur. Neque nobis facilius planiorque totius Commentationis futurus esse conspectus videtur, quam si omnium materiarum indicem justo ordine

ordine conditum hic expromamus. Post Præliminaria igitur de Pag. 1-7.
 medica consideratione, cur judicium criminale dicatur *das hoch-*
nosspeinliche Halsgerichte, & serie Scriptorum medicorum foren-
 sium, agitur ad *Art. 1* de qualitate & officio medici, judici &
 judiciis in causis forensibus assistentis, & ministrantis; ad *Art. 11* 7-25.
 de qualitate carceris vitæ & sanitati perniciofa, itemque de vin- 25-56.
 culis; ad *Art. 19* de indicii significatu medico-forensi; ad 56-64.
Art. 21 de indiciiis magiæ naturalis, quæ plurimum fallacia 64-72.
 & infida declarantur; ad *Art. 23* de indiciiis ad torturam suf- 73-76.
 ficientibus, quoad testimonium unius aut plurium medicorum;
 ad *Art. 24* de indiciiis variis criminalibus, quæ in medicina non 76-79.
 semper a simili concludunt; ad *Art. 25* de indicio ex testimo- 79-83.
 nio morientis & fuga petito; ad *Art. 26* de indicio ex animo 83-85.
 trepido & instabili; ad *Art. 27* & 28 de indiciorum conciliatione 86-88.
 generali inter se & cum reo; ad *Art. 32* de confessione & jacti- 88-90.
 tatione delicti, an fide sit digna; ad *Art. 33* de indiciiis clandesti- 90-95.
 ni homicidii ex vestimentis, instrumentis, & cruentatione mor-
 tuorum; ad *Art. 34* de indicio ex armorum convenientia; ad 96-98.
Art. 35 & 36 de indiciiis partus suspecti & infanticidii; ad 99-131.
Art. 37 de veneficii medica inquisitione; ad *Art. 41* de incen- 131-145.
 diaria materia; ad *Art. 44* de magiæ consideratione & indiciiis 145-146.
 medicis; ad *Art. 45* de torturæ generali contemplatione me- 146-152.
 dica; ad *Art. 48* de indicio ex loco & situ, ubi quis læsus fuit; 152-158.
 ad *Art. 50* de specialibus quibusdam annotationibus circa ve- 158-165.
 neficii confessionem; ad *Art. 52* de ratione, eos, qui incanta- 165-168.
 mentum confitentur, specialius interrogandi; ad *Art. 53* de 168-171.
 Medicis in variis casibus consulendis, qui specialissimis interro- 171-172.
 gationibus viam monstrant; ad *Art. 54* de medica exploratione, 172-173.
 an delictum confessum verum sit; ad *Art. 56* de cautelis de vitan- 173-175.
 dis excusationum momentis medicis, per interrogationes; ad
Art. 58 de torturæ medica specialiori tractatione; ad *Art. 59* de 175-219.
 eo, an vulnerati & herniosi torqueri queant; ad *Art. 79* de iis, 219-230.
 qui ad supplicium proxime ducuntur, non nimio cibo & poru 230-233.
 onerandis; ad *Art. 109* de eo, an magica arte dolose vitæ & sa- 233-235.
 nitati damnum inferri possit; ad *Art. 113* de mercibus corruptis, 235-237.
 sanitati insensis, non vendendis; ad *Art. 116* de sodomix con- 237-247.

Pag.

247-257. templatone medica; ad *Art. 119* de crimine stupri medicæ con-
 258-260. siderato; ad *Art. 122* de lenocinii observatione medica; ad
 260-266. *Art. 130* de veneficii ulteriori medico-forensi cognitione, item-
 266-281. que philtorum dijudicatione medica; ad *Art. 131* de observa-
 281-282. tionibus medicis circa infanticidii delictum; ad *Art. 132* de me-
 282-306. dica annotatione ad expositionem infantis; ad *Art. 133* de abor-
 306-317. tus medico-legali disquisitione; ad *Art. 134* de Medicorum, Phar-
 317-322. macopœorum, & Chirurgorum, erroribus & delictis puniendis;
 322-337. ad *Art. 135* de avtochirix medica disquisitione; ad *Art. 137* de le-
 337-348. thalium & illethaliū læsionum medica dijudicatione; ad *Art. 149*
 348-351. de inspectione a læsione defuncti ante sepulturam; ad *Art. 150*
 351-354. de homicidio sub dementia commissio; ad *Art. 151* de exceptio-
 354-356. nibus in homicidio commissio, an probatz sint; ad *Art. 164* de
 356-358. furibus impuberibus; ad *Art. 166* de furto aut delicto ob famem
 358-359. commissio; ad *Art. 167* de eo, quod vegetabilium collectores
 360-361. pro usu medico non facile furtum committant; ad *Art. 177* de
 361-364. medicis, qui maleficis opem ferunt, puniendis; ad *Art. 179* de
 impuberibus furiosis, ebriis, &c. delinquentibus. Ex tanta va-
 riarum rerum sylva, cum omnia hic repetere non liceat, non-
 nulla tantum speciminis loco strictim excerpemus. *Pag. 11*, Ju-
 dæos, qui studio medico operam dederunt, iudicibus iudiciisque
 assistere, & in causis forensibus ad fide dignum testimonium ad-
 mitti posse, negatur, quod contra eorum scientiam, experientiam,
 & conscientiam, semper dubia & diffidendi rationes subnasci sole-
 ant. Qua in re consentientes secum habet Cel. Autor majores no-
 stros, quos etiam allegat. Sed disquirendum etiam foret, an non
 majori nostris temporibus, quam olim, autoritate polleant Judæi
 medici, cum in Christianis quibusdam Academiis ad capiendos
 in arte salutari summos honores admittantur, quos honores ma-
 gnum habere momentum ad fidem Medicis in foro concilian-
 dam, cum aliis contendit Autor. *Pag. 13*, Medicos bonos Philoso-
 phos, Physicos, atque Anatomicos, esse oportere, docetur. Quas
 disciplinas cum nonnulli ex iis, qui *Stablii* placitis adhærescunt,
 arcendas huc usque a Medicorum scholis putarint; multum
 omnino debet Cel. Autori Medicina, quod easdem bono
 omine in sua penetralia postliminio revocet. *Pag. 22, 49,*
 & alibi,

& alibi, Advocatorum fraudes, exceptiones, sophisticationes, & stratagemata in rebus medico-forensibus, egregie, ut jam olim in *Jurisprudentia medica*, notantur. Quemadmodum etiam data occasione illa animæ vis in corpore regendo conservandoque mirifice toto libro prædicatur; ita aliorum opiniones ubivis in reprehensionem incurrunt. Inprimis magiam clere dicitur *pag. 67* fanatica illa theoria de spiritibus animalibus, qua nonnulli abstrusa & difficilia phænomena explicare non erubescant. *Pag. 93* de cruentatione cadaveris, quæ præsentè occisorè interdum contingit, docetur, eam naturali ratione pro varietate corporum fieri omnino posse. *Pag. 121*, quanquam citra funiculi umbilicalis deligationem infans conservari nequeat, illius tamen deligationis neglectum aliquando fuisse innoxium, observatur. *Pag. 234* magna diaboli in animam & corpus hominum atque animalia potestas, magiæ etiam diabolicæ, atque concubitus magici, existentia, adstruitur. *Pag. 253*, stupro violento perpetrando unum interdum masculum sufficere, contendit Autor. *Pag. 254* stupratio violenta masculorum a fœminis commissâ non prorsus negatur. *Pag. 284* suppetere remedia negantur, quæ absolute, directè, & proxime, abortum provocent, sed, omnia, quæ eo sine adhibeantur, indirectè & mediate pro conditione corporum, aliarumque rerum circumstantium, id efficere, demonstratur. *Pag. 287* fœtus statim in articulo conceptionis animatus & vivus esse asseritur. *Pag. 297*, nullo modo abortum artificiose a medico spe servandæ matris procurari debere, ostenditur, præterquam hoc unico in casu, quando jam ipse abortus vel extra morbum alium, vel sub illo, proxime instat, ita, ut ob circumstantias indubias averti amplius nequeat, atque hinc sub difficiliori successu vel mater interire, vel abortus arte juvari, faciliorque reddi, debeat; quod posterius tunc promptius contingit, cum medicamenta secuta in usum veniunt, quia interne motus, abortum juvantes, & præcesserunt, & simul conjunguntur. *Pag. 320* inter avtocheires referuntur & ii, qui, corpus iuduratum se possidere, gloriati, in eodem infausta experimenta instituunt, aut medicastrî venenosa medicamenta assument. *Pag. 358*, interdum a Botanicis in collectione vegetabilium rariorum atque pretiosorum furtum committi, docetur. Ceterum, cum Cel. Autor in perquirendis

minimis momentis insigni cum diligentia versatus fuerit, magnamque ad ea ornanda lectionis varietatem attulerit, non sine causa miramur, ipsi nonnulla prætervisa esse, quæ nuper demum in accuratiorem disceptationem venerunt. Ita, quando de cadaveribus violenta morte extinctorum hominum judiciali ritu inspicendis disserit, plane silet de iis, quæ nostra ætate quidam Jurium doctores contra hujus forensis inspectionis necessitatem singularibus libellis disputarunt, ipsamque Carolinam Constitutionem suis petierunt argutationibus, & quid contra ab aliis ad ea diluenda responsum fuerit. Neque minus, ubi de funiculi umbilicalis deligatione agitur, quidquam eorum commemorari videmus, quæ Cel. *Schulzius* adversus absolutam hujus deligationis necessitatem monuit, &, re in controversiam adducta, alii post illum in utramque partem pronuntiarunt.

AN ESSAY ON REGIMEN &c.

hoc est,

TENTAMEN DIÆTETICUM, CONSTANS SER-
monibus quinque medicis, moralibus, philosophicis, ad
illustranda principia & theoriam Medicinæ philosophicæ,
cum fluentibus inde moralibus consequentiis; Autore
GEORGIO CHEYNE, Medicinæ Doctore, So-
cietatis Regiæ Sodale.

Londini, sumtibus C. Rivingtoni & J. Leake, 1740, 8.

Alph. 1.

Elegantissimi sunt Sermones, ex omni Philosophia deprompti, quibus fundamenta artis diæteticæ proponuntur. Machinam hydraulicam esse corpus, norunt Philosophi, id quod, cum infinitis tuborum cumulis constet, turgescere humore quovis, id sæpius postulat, ut sanguinis pars detrahatur phlebotomia, quorsum magna hominum pars sua sponte proclivis esse solet. Reliqua etiam, quæ evacuandi vim habent, remedia morbos a limine avertere possunt. Deinde, simplicissima quævis remedia efficaciora esse, ratione ipsa comprehendimus; hinc, cognitis virtutibus vasorum nostrorum, elastica alia, alia contractili, arteriarumque vibrationibus, facile, prout una harum aut altera in nobis deficit,

deficit, ad adstringentium, aut quæ contrariam his virtutem habent, remediorum usum animo destinamur. Plurimi homines lactis, aut aquarum, usu valent, & a morbo liberi sunt, caventque sibi ab illis, quæ nocent, & morbum augent. Adduntur Aphorismi, quibus regulæ diæteticiæ, sola Philosophia discentante, constituuntur. Cognoscit Philosophia corporis humani originem & principia. Hæc definitæ sunt cujusdam figuræ, impenetrabiles, in minimis suis indivisibiles, omnes solidæ, quas tamen, nisi a principio quodam, per se subsistente, moveri nefas est. Sapientissimus hominum primus plantæ, dein bruti, & brevi post tempore hominis ratione præditi, vitam vixit. Opus autem magnopere est, ut suæ, unde factus sit, & qua consistet, quaque adeo enutrirî debeat, materiæ conscius sit vir sapiens. Cui nutrimento sustineri nos deceat, docent organa, dentes, hepar, ventriculus, glandula pancreas, & aliæ conglomeratæ, quæ fermentatitios ciborum animalium & vegetabilium motus compescere possunt, unde, animalibus & vegetabilibus concretis nos sustineri, certum est. At vegetabilibus uti præstat, quod illa majorem cum corpore nostro ejusque elementis similitudinem habeant, talemque præbeant chylum, qui spiritui affinis, per vasa capillaria facilius moveatur. Animalium carnes viscidum gignunt, subtilissimis vasis impar, unde obstructions viscerum nasci necesse est. Ex theoria corpusculorum minimorum, allatis in medium experimentis quamplurimis, concludit, aqua & mercurio ad pervadendas subtilissimas corporis vias, & easdem, dum clausæ sunt, referendas, nihil esse aptius, ob utriusque, maxime autem mercurii, in suis minimis sphericitatem, parvitatem, & pondus, quo ad tuendam valetudinem usu mercurii, prout id nunc per Angliam moris esse, ex plurimis eruditorum libris intelligimus, nihil possit esse præstantius. Ad sanitatem autem tuendam cum tranquilla opus sit mente & pathematum æquilibrio, philosophicis rationibus disquirît Autor de spirituum natura, quos, demonstrat, materiam per se quietam & immobilem in actum commovere unice posse, unde nec planta sit, nec brutum, nec ex minimis insectis corpusculum, quod sua sponte sui motus aut causa esse possit, quin eorundem ortus, incrementum, vita, sensus, a spiritu dependeat

deat quopiam, qui omnium præstantissimus est in homine, quo ipso Mechanicorum de materia sui ipsius causa, aut principio motus, sententiæ egregie refelluntur.

JOANNIS THEOPHILI WALZII, A. M.
*Disquisitio de Curva Loxodromica in superficie solidi
 cujuscunque, rotatione Curvæ circa axem suum geniti,
 præsertim vero Sphæroidis Elliptici, quale veram
 globi terraquei figuram refert, descri-
 benda.*

I. **L**oxodromiam, dudum constat, esse Curvam, in superficie globi terraquei designatam, cujus ea est indoles, ut ad Meridianos omnes angulo constanti sit inclinata. Si Terræ superficies plana esset, adeoque Meridiani rectas in centro coeuntes referrent; illico perspicitur, Loxodromiam fore spiralem æquiangulam vel logarithmicam; sed, cum Curva sit, aliam lineam hæc faciem induat, necesse est.

II. Figura Telluris perfecte sphærica cum a Geographis Hydrographisque omnibus hætenus fuerit adoptata; in id præcipue incumbendum fuit, ut Curva loxodromica in superficie sphæræ determinaretur; & quæ facta sint hanc in rem molimina tentaminaque, apud *Ricciolum* in *Geogr. reform. pag. 468 seq.* aliosque Autores videre est; quos tamen omnes magno post se intervallo relinquit *Jac. Bernoullius*, qui in *Actis hiscæ A. 1691 Mense Junio pag. 283 seq.* ope calculi differentialis hanc Curvam exquisitè determinavit.

III. Nostris autem temporibus ratione non minus, quam experimentis accuratissimis, comprobatum est, sphæricam Telluris figuram re vera locum non habere, inque ejus locum substituendam esse sphæroidico-latam, qualis nimirum existit, dum semiellipsis circa axem suum minorem rotatur. Quæ cum ita sint, cupido animum incessit, Curvam loxodromicam in superficie Sphæroidis hujusmodi investigandi, idque eo magis, quod utilitatem aliquam exinde in rem nauticam redundaturam existimave-
 rim,

rim, eo præsertim casu, ubi axis Terræ a diametro Æquatoris differentia valde notabili deficere statuitur.

IV. Vix autem ad hanc contemplationem animum appuleram, cum perspexi, una eademque opera posse exhiberi solutionem Problematis generalem, ubi nempe quæritur in superficie solidi cujusvis, rotatione Curvæ circa axem suum geniti, lineæ ejus naturæ, ut angulo constanti secet omnes Meridianos, (analogice ita dictos,) e vertice rotationis, ceu polo, exeuntes. Hoc igitur negotio desungi placuit generaliter, analyseos gratia. Statim vero in oculos incurrit, Meridianos in superficie solidi cujusvis nihil aliud esse, nisi ipsas Curvas genitrices, ita v.g.: Si solidum sit Conoides parabolicum, Meridiani erunt parabolæ in vertice Conoidis coeuntes, sin hyperbolicum, erunt hyperbolæ, & sic de ceteris.

V. Sit igitur in Fig. 1 Circulus AFGB æquator, seu basis TAB. III
solidi, rotatione Curvæ BMD circa axem CD geniti, sitque D Fig. 1.
polus sive vertex rotationis; Meridiani autem BMD, bND, &c. sitque in superficie hujus solidi describenda lineæ, quæ omnes hujus Meridianos sub angulo dato interfecat. *Solutio.* Sit NM portio lineæ quæsitæ infinite parva; ducantur Meridiani sibi invicem proximi, DMB, DNb, transeuntes per M & N, & arcus Circuli paralleli MR. Quo factò, ex natura rotationis perspicuum est, angulum NRM esse rectum, adeoque triangulum elementare MRN, quod pro plano habetur, reſtāngulum in R. Angulus vero RNM erit loxodromicus, hoc est, is, sub quo curvæ NM occurrere debet Meridiano DMB vel DNb. Hic igitur angulus cum constans sit, erit quoque ejus complementum, hoc est, angulus NMR, constans; quare triangulum MRN datur specie, & NM est ad NR in ratione data, nimirum illa, quam habet sinus totus ad cosinum anguli loxodromici.

VI. Ex punctis M & N cadant perpendiculares MS, Ns, in planum æquatoris; ducatur Ss, & radii CB, Cb, qui erunt infinite sibi propinqui; Ss vero designabit elementum Curvæ, in quam Loxodromica quæsitā orthographice projicitur. Hæc Curvæ projectionis imprimis determinanda est, prout in omnibus Curvis duplicis curvaturæ fieri assolet. Eum in finem descri-

batur

batur radio CS arculus Sf; porro ducatur Mm parallela Sσ, & Rm parallela ad BC. His ita factis, dicatur radius CB vel sinus totus = a, CD = b, & statuto principio numerationis in æquatore in A, arcus AB = x, Bb = dx, CS = y, Sσ = -dy, SM = z, adeoque mN = dz, & elementum RN = du; denique ratio sinus totius ad cosinum anguli loxodromici = a: f.

VII. Propter Sectores similes CBb, CSf, erit CB(a): CS(y) = Bb(dx): Sf $\left\{ \frac{y dx}{a} \right\}$, ergo Sσ = Mm = $\sqrt{\left\{ dy^2 + \frac{y^2 dx^2}{a^2} \right\}}$. Elementum NM vero = $\sqrt{(Mm^2 + Nn^2)} = \sqrt{\left\{ dy^2 + \frac{y^2 dx^2}{a^2} + dz^2 \right\}}$. Jam vero diximus, esse NM: RN hoc est $\sqrt{\left\{ dy^2 + \frac{y^2 dx^2}{a^2} + dz^2 \right\}} : du = a: f$, unde a du = f $\sqrt{\left\{ dy^2 + \frac{y^2 dx^2}{a^2} + dz^2 \right\}}$, quæ est æquatio ad ipsam Loxodromiam generalis.

VIII. Ut autem habeatur æquatio ad Curvam projectionis orthographicæ, inveniendæ est æquatio inter y & x, adeoque eliminandæ z & du. Sit igitur generaliter æquatio ad Curvam generatricem solidi, hoc est, ad DMB talis, -dz = Q dy, quia crescentibus CS, ordinatæ SM decrescunt; sitque Q functio qualiscunque ipsius y. Igitur invenietur RN seu du = dy $\sqrt{(1 + QQ)}$. Hisce jam valoribus in æquatione priore surrogatis, obtinebitur a dy $\sqrt{(1 + QQ)} = f \sqrt{\left\{ dy^2 + \frac{y^2 dx^2}{a^2} + Q^2 dy^2 \right\}}$, unde $\frac{a \sqrt{(a^2 - f^2)}}{fy} dy \sqrt{(1 + QQ)} = dx$, & $\frac{a}{f} \sqrt{(a^2 - f^2)} \int \frac{dy}{y} \sqrt{(1 + QQ)} = x$. Hæc est æquatio generalis ad projectionem Loxodromicæ orthographicam, quæ, concessis Quadraturis, semper construi potest, cum indeterminatæ in ea sint separatæ.

IX. Con-

Fig. I.




Fig. II.




Fig. III.






Fig. IV.





IX. Constructio autem generalis hæc est: In *Fig. 2* super TAB, III radio Æquatoris, tanquam axe, construatur Curva AO, cujus abscissæ sint AP vel $a - y$, (quoniam dy revera negativum est:)

ordinatæ autem $PO = \frac{a}{y} \sqrt{(a^2 - f^2)(1 + QQ)}$, quia $\sqrt{(1 + QQ)}$ est functio nullius dimensionis: deinceps ad spatium APO applicetur f , unde resultabit recta æqualis $\tau\tilde{\omega} x$ seu arcui, qui in Æquatore $\tau\tilde{\omega} y$ responderet. Sit igitur arcus sic inventus & ad CP pertinens AB, ducaturque radius CB; deinceps centro C & radio CP (y) describatur circulus, qui radio CB occurrerit in puncto S, quod erit ad projectionem Loxodromicæ quæsitam. Notandum, ordinatam CE in centro esse asymptoton Curvæ AO.

X. Pro commodissima autem inventionem arcus x vel AB in praxi sic procedendum. Inventa nimirum, ceu modo monstravimus, recta, quæ ei æqualis est, fiat analogia sequens: Ut radius ad longitudinem rectæ, cui x æqualis est, ita 57, 29577 ad quartum, qui exprimet arcum x in gradibus, ejusque fractionibus decimalibus. Nam arcus 57, 29577 vel $57^\circ 17' 44''$ æqualis est radio circuli. Hac itaque ratione invenire docuimus projectionem Curvæ Loxodromicæ in plano Æquatoris; igitur, si in singulis projectionis punctis erigantur perpendiculares, earum occurfus cum superficie solidi determinabit singula Loxodromicæ quæsitæ puncta. Q. E. I.

XI. Sed veniendum ad exempla. Ponatur itaque primo, solidum datum esse hemisphærium; unde DMB *Fig. 1* hoc casu erit Quadrans circuli, adeoque $z = \sqrt{(a^2 - y^2)}$ & $-dz = \frac{y dy}{\sqrt{(a^2 - y^2)}}$, unde $Q = \frac{y}{\sqrt{(a^2 - y^2)}}$. Itaque æquatio ad projectionem orthographicam generalis hoc casu mutabitur in hanc: $\frac{aa}{f} \sqrt{(a^2 - f^2)} \int \frac{dy}{y \sqrt{(a^2 - y^2)}} = x$. Fiat $y = \frac{2ta}{t^2 + 1}$, & $dy = -\frac{2adt(t^2 - 1)}{(t^2 + 1)^2}$, erit $x = -\frac{a}{f} \sqrt{(a^2 - f^2)} \int \frac{dt}{t} = -\frac{a}{f} \sqrt{(a^2 - f^2)} \log. t$, in Logistica Neperiana,

Mm

cujus

cujus subtangens = 1, hoc est, quia logarithmus unitatis est nihil, $x = \frac{a}{f} \sqrt{(a^2 - f^2)} \log. \frac{1}{t} = \frac{a}{f} \sqrt{(a^2 - f^2)} \log.$

$\left\{ \frac{y}{a \pm \sqrt{(a^2 - y^2)}} \right\}$. Patet igitur, inventionem ipsius x vel arcus AB, qui ad quamlibet y vel CS pertinet, ope Logarithmorum, vel Quadraturæ hyperboles, obtineri.

XII. Notandum, arcum AB (x) ostendere in Æquatore longitudinem, quæ ad punctum M, latitudinis BM, pertinet. Projectionem igitur orthographicam Loxodromiæ sphericæ exhibere, idem est, ac datis, angulo Rhombi & latitudine, invenire longitudinem loci; quod Problema a *Jac. Bernoullio* ex alio fundamento solutum est *l.c. pag. 284*, ubi ad eandem elementum Bb (dx) expressionem pervenit Vir Celeberrimus, nisi quod loco rationis $\sqrt{(a^2 - f^2)}$: f usus sit ratione tangentis anguli Rhombi ad radium, quæ eadem est.

XIII. Sit jam solidum propositum Hemisphæroides Ellipticum, quale nimirum veram Telluris figuram refert. Erit igitur Meridianus DMB *Fig. 1.* Ellipsis, cujus semiaxis major CB, semiaxis minor CD. In hoc casu est SM seu $z = \frac{b}{a} \sqrt{(a^2 - y^2)}$, & $-dz = \frac{b}{a} y dy$, unde $Q = \frac{by}{a \sqrt{(a^2 - y^2)}}$.

Quibus valoribus in æquatione generali ad projectiones substitutis, ea abitura est in hanc: $x = \frac{\sqrt{(a^2 - f^2)}}{f}$

$\int \frac{dy \sqrt{[a^4 - y^2(a^2 - b^2)]}}{y \sqrt{(a^2 - y^2)}}$. Posito iterum $y = \frac{2t^2}{t^2 + 1}$, &

brevitatis gratia, $a^2 - b^2 = e^2$, erit $x = - \frac{\sqrt{(a^2 - f^2)}}{f}$

$\int \frac{dt}{t} \sqrt{(a^2 - \frac{4e^2 t^2}{(t^2 + 1)^2})}$. Fiat porro $t = \sqrt{(q - 1)}$, &

$dt = \frac{\frac{1}{2} dq}{\sqrt{(q - 1)}}$, habebitur $x = - \frac{\sqrt{(a^2 - f^2)}}{f} \int \frac{\frac{1}{2} dq}{q(q - 1)}$

$\sqrt{[a^2 q^2 - 4e^2(q-1)]}$. Quodsi jam $\sqrt{[a^2 q^2 - 4e^2(q-1)]}$ juxta methodum *Newtoni* in seriem conjiciatur, erit

$$\text{illud} = aq - \frac{2e^2(q-1)}{aq} - \frac{2e^4(q-1)^2}{a^3q^3} - \frac{4e^6(q-1)^3}{a^5q^5} - \frac{10e^8(q-1)^4}{a^7q^7} - \frac{28e^{10}(q-1)^5}{a^9q^9} - \&c. \text{ Proinde erit}$$

$$x = - \frac{\sqrt{(a^2 - f^2)}}{f} \int \frac{\frac{1}{2} dq}{(q-1)q} \left\{ aq - \frac{2e^2(q-1)}{aq} - \frac{2e^4(q-1)^2}{a^3q^3} - \&c. \right\} \text{ cujus seriei terminus primus inte-}$$

grari poterit per logarithmos, sequentes autem omnes absolute; quo facto habebitur tandem x æqualis seriei sequenti, juxta

$$\text{dimensiones fractionis } \frac{1}{q} \text{ ordinatæ: } \frac{1}{2} a \log. (q-1) + \frac{e^2}{aq} + \frac{e^4}{2a^3q^2} - \frac{e^4}{3a^3q^3} - \frac{e^6}{a^5q^4} + \frac{2e^6}{5a^5q^5} + \frac{15e^8}{6a^7q^6} - \frac{5e^8}{7a^7q^7} + \&c. \text{ in infin.} + \frac{2e^6}{3a^5q^3} + \frac{5e^8}{4a^7q^4} - \frac{3e^8}{a^7q^5} - \frac{14e^{10}}{5a^9q^6} + \&c.$$

cujus deinceps singuli termini ducendi sunt in $-\frac{\sqrt{(a^2 - f^2)}}{f}$.

Hac itaque ratione determinatur projectio Curvæ Loxodromicæ in plano Æquatoris ABFG, & erectæ super illa perpendiculares Sphzroidi occurrent in punctis, quæ erunt ad Loxodromiam quæsitam. Q. E. I.

XIV. Quodsi, datis angulo Rhombi & latitudine loci in Sphæroide siti, quærat^r ejus longitudo, rationes ita erunt subducendæ. In Fig. 3 sit DB Quadrans Meridiani elliptici, in TAB. III quo detur punctum quodlibet M. Ducta perpendiculari ad Fig. 3. Meridianum in M, quæ diametro Æquatoris, hoc est, axi Ellipseos majori, occurrit in E, angulus MEB erit latitudo geographica puncti M. Hoc itaque dato, dabitur ratio EP ad PM, ea nimirum, quæ est radii ad tangentem latitudinis; signetur hæc $a : b$. Ducta jam pR infinite propinqua ad PM, & mR

Mm 2

parallela

parallela ad Pp, erit triangulum elementare M m R æquiangulum triangulo EMP, adeoque PE : PM vel $a : h = m M : m R = dz : dy$. Jam, quia in Ellipsi, $dz : dy = by : a \sqrt{(a^2 - y^2)}$, erit quoque $a : h = by : a \sqrt{(a^2 - y^2)}$, unde elicitur $y =$

$\frac{a^3}{\sqrt{(a^4 + h^2 b^2)}}$. Igitur, postquam æquatio ad projectionem,

$$dx = \frac{\sqrt{(a^2 - f^2)} dy \sqrt{[a^4 - y^2 (a^2 - b^2)]}}{f y \sqrt{(a^2 - y^2)}} \text{ generaliter}$$

integrata est, ceu monstravimus, ut ea ad latitudinem datam

accommodetur, pro y deinceps ponendum $\frac{a^3}{\sqrt{(a^4 + h^2 b^2)}}$; quo

facto, habebitur x ei respondens, id est, longitudo puncti M a primo Meridiano, vel principio numerationis in A.

XV. Quod ad ipsam Loxodromiæ longitudinem inter duo TAB. III quævis puncta N & T, Fig. 4 inveniendam, attinet, ductis Meridianis DB, Db, sibi proximis, nec non DF & parallelo MRr, erit, ceu §. V dictum, RM ad MN in ratione data; adeoque summa omnium RM ab R vel r usque ad T est ad summam omnium NM ab N usque ad T adhuc in eadem ratione, nempe, ut cosinus anguli loxodromici ad radium, vel ut radius ad secantem anguli dicti. Unde perspicitur, ad inveniendam longitudinem Loxodromiæ inter loca N & T, quorum latitudines datæ sunt, id agendum esse, ut exquiratur arcus ellipticus Tr, qui puncta T & r interjacet.

XVI. Id autem hac ratione obtinetur. Notum est, posita abscissa quacunque CP = y, arcum Ellipticum DM Fig. 3 esse

æqualem seriei, $y + \left\{ \frac{b^2}{2a^2} \right\} \frac{y^3}{3a^2} + \left\{ \frac{b^2}{2a^2} - \frac{b^4}{8a^4} \right\} \frac{y^5}{5a^4} + \left\{ \frac{b^2}{2a^2} - \frac{b^4}{4a^4} + \frac{b^6}{16a^6} \right\} \frac{y^7}{7a^6} + \&c.$ Jam sit radius ad tangentem latitudinis loci T, Fig. 4, ut a ad b, loci N vero, vel (quod eodem recidit) r, ut a ad k: erit y loco T respondens

$$= \frac{a^3}{\sqrt{(a^4 + h^2 b^4)}}, \text{ \& loco N respondens, } = \frac{a^3}{\sqrt{(a^4 + k^2 b^4)}},$$

vi §. XIV. His igitur valoribus in serie suffectis, prodibunt DT & Dr, quorum differentia est Tr. Qua inventa, tandem fiat, ut cosinus anguli Rhombi ad radium, ita Tr ad quartam; erit hæc æqualis longitudini Loxodromiæ NT.

XVII. Et hæc quidem sufficiat annotasse circa Problemata principaliora, quæ in Loxodromia sphaeroidica locum habere possunt. Quodsi Tellus haberet figuram Sphaeroidis protracti, uti cam adstruere conatus est Cel. *Cassinus*, negotium eadem prorsus ratione expediendum, nemo non videt, modo attendatur, *b* eo casu majorem esse, quam *a*. Statim igitur ac ratio axis terrestris ad diametrum Æquatoris certo definita fuerit, ad usus, quæcunque hic dixi, applicari poterunt. Quod denique ad Loxodromias in aliis solidis investigandas attinet, iis ulterius non immorabor, cum præsertim in rerum natura nullius sint momenti. Animi tamen causa hanc lineam in superficiem Conoidis ptabolici designare docebo.

XVIII. Sit igitur in Fig. 1 Curva DMB Parabola Apollonia, cujus Parameter = *g*; erit ejus æquatio, $gb - gz = yy$,

ergo $-dz = \frac{2y dy}{g}$, quare $Q = \frac{2y}{g}$, & æquatio ad Cur-

vam projectionis, $x = \frac{a\sqrt{(a^2 - f^2)}}{fg} \int \frac{dy}{y} \sqrt{(g^2 + 4y^2)}$,

hoc est, si quantitas furda in seriem vertatur, $x = \frac{a\sqrt{(a^2 - f^2)}}{fg}$

$\int \frac{dy}{y} \left\{ g + \frac{2y^2}{g} - \frac{2y^4}{g^3} + \frac{4y^6}{g^5} - \frac{10y^8}{g^7} + \&c. \right\}$ cujus seriei

terminus primus iterum integrandus est logarithmice, sequentes vero sunt omnes absolute integrabiles. Inventa jam projectione, habebitur ipsa Loxodromia in superficie Conoidis. Q. E. F.

XIX. Poterat æquatio ad Curvam solidi genitricem DRB adhuc assumi generalior, nimirum, $Pdz = -Qdy$, ubi *P* est functio qualiscunque ipsius *z*, & *Q* ipsius *y*. Exinde enim eodem modo, quo supra, invenitur æquatio ad projectionem

talis: $\frac{a}{f} \sqrt{(a^2 - f^2)} \int \frac{dy \sqrt{(Q^2 + P^2)}}{Py} = x$. At vero ele-

mentum hocce integrari aut construi nequit, cum P detur per z . Nolui igitur hanc æquationem ab initio assumere, cum ad praxin ipsam accommodari nequeat. Quin etiam æquatio superior, $\frac{a}{f} \sqrt{(a^2 - f^2)} \int \frac{dy}{y} r(1 + Q^2) = x$, eodem incommodo laboraret, si Q dari statueretur per z & y simul. Quamquam itaque methodus inveniendi Loxodromias generalis est, ad praxin tamen ipsam traduci nequit, nisi in iis Conoidibus, quorum Curvæ genitricæ ea æquatione definiuntur, quam supra posuimus.

JOANNIS RODOLPHI GRUNER, HELVET. Bernat. V. D. M. *Diatriche de Primitiarum oblatione ac consecratione, ubi præsertim lex divinitus præcepta Lev. XXIII, 10 seq. de manipulo primitiarum, e terræ frugibus postridie Paschatis Deo offerendo, historico atque critico Commentario illustratur; dein, cujusvis generis primitias gentiles olim Diis, præcipue vero ex terræ proventu, consecrassæ, ex omni fere antiquitate breviter demonstratur; tandem in rationem hujus legis primitiariæ moralem ac typicam inquiritur, ratio, ob quam idem mos in paganismò obtinuerit, indagatur, cunctaque ad veram suam originem ac scopum referuntur.*

Lugduni in Batavis, apud Balduinum & Petrum vander Aa,
1739, 8 maj.

Plag. 16.

Quam Deus populo suo de frugum primitiis, sibi offerendis, injunxit legem, illam eruditorum non unus singularibus Commentationibus illustrare est aggressus; non idem tamen omnibus scopus fuit propositus, nec eadem singuli inceserunt via. Alii Judæorum *deutéronomis*, quales in Talmude, vel apud *Maimonidem*, perscriptæ exstant, explanare instituerunt; alii signi-

significationem arcanioris eruendæ intenti fuerunt. Prius fecit Vir Clariss. *Christianus Ludovici*, posterior doctissimus *Jo. Rudolphus Cramerus*, quorum ille Codicem Talmudicum כריי in Latini idiomata, interspersis subinde notis, convertit, & Lipsiæ A. 1696, 4, tribus Disputationibus cum erudito orbe communicavit, hic *Maimonidem* de eodem argumento Latine loquentem fecit, ac eruditis annotationibus ita explicuit, ut plurimorum favorem sibi collegere, Lugduni apud Batavos A. 1702, 4, literarum formis exscriptum. In posteriori doctrinam atque industriam suam exercuerunt Viri Clarissimi, *Sebrammius* & *Henr. Jac. van Bashuyzen*, doctissimis Dissertationibus editis. Existimandum tamen non est, laborem hunc Rev. *Gruneri* supervacuum esse. Ipse enim non solum in legis sensum accuratius inquisivit, ac rationes illius tum *morales*, tum *typicas*, investigavit, sed in antiquitates etiam Græcas & Romanas est exspatiatus, ut, quæ in illis de primitiis memoratu digna occurrunt, in medium attulerit. Integrum illud Opusculum legisse, neminem facile pœnitebit; faciemus tamen nostra opera, ut, quibus copia legendi non est, de eodem iudicium formare queant. Initium Autor facit ab investigatione vocis עמר, qua sacrum hoc primitiale insignitur *Lev. XXIII, 10*, quam R. *Salomo Isacides*, *Abarbanel*, & R. *Sal. ben Melech* de mensura granorum, ex recentibus frugibus excutiendorum, accipiunt; ipse vero illorum sententiæ accedit, qui per *manipulum* interpretantur, inductus locis *Job. XXIV, 10*, & *Ruth II, 15*, quacum confert vocem עמר, huic significatu consonam, *Jer. IX, 21*, *Amos II, 13*, *Mich. IV, 12*, *Zach. XII, 6*. Hunc ipsum significatum eidem dat interpretes Græci, qui per δαῦγμα reddit, cujus sensum ex *Julio Polluce* & Glossario veteri determinat. Occasione hac notat *Carolus Schaf*, existimantem, in versione Syriaca *Apoc. XIV, 10*, pro ܠܡܠܝܢ legendum esse ܠܡܡܠܝܢ. Sed observandum, *Cel. de Dieu* id ipsum ante *Schafium* animadvertisse, adeo, ut hic tantum illius verba repetat. Conjectura etiam hæc multa se probabilitate tuetur, tum quod vox Græca ποτήριον non solum in *Apocalypsi*, verum etiam in toto Novo Testamento Syriaco, per ܠܡܠܝܢ transferatur, nunquam vero vox ܠܡܡܠܝܢ in illo reperitur,

tum

Cap. II
pag. 8-16.

10. 11.

- tum etiam, quod in loco, *Apoc. XVIII, 6*, legatur, ne quid dicamus, מסחרת השבת in Bibliis & Parisiensibus & Londinensibus legi. Cum circa voces מסחרת השבת, quibus tempus oblationis manipuli hordeacei exprimitur, graves admodum controversiæ inter Rabbanitas & Karæos intercedant, Karæis simplici vocis sono inhærentibus, per שבת *Sabbatum*, proprie sic dictum, intelligentibus, quibus se adiungunt Samaritani, quod ex horum ad *Scaligerum* literis confirmat, Rabbanitis contra statuentibus, per vocem שבת designari primum festi paschalis diem, diem scilicet 16 mensis Nisan, qui, si vel maxime Sabbatum fuisset, manipuli tamen collectionem non impediverit, cum illa Sabbatum dispulerit. Horum sententiam, quam ex traditione a monte Sinai repetunt, tanta testimoniorum nube ex *Josepho*, *Philone*, *Mischna*, 21-36. *Gemara*, *Maimonide*, *Bechai*, *Gerfonide*, *Abarbanelle*, aliisque, probatam dedit, ut nemo inopiam sit questurus. Pollicem his premit Doctiss. Autor, 1) quoniam alias dici non possit, 50 dies a secundo Paschatis ad Pentecosten usque elapsos fuisse; 2) quia absque hac hypothese loci *Exod. XII, 15*, & *Deut. XVI, 8*, conciliari nequeant, in quorum priori comestio azymorum per 7, in posteriori per 6, dies imperatur. Pugnam ita tollit *Sepher Siphra* ac *Gemara menachot*, ut in posteriori comestio azymorum ex proventu novo, priori ex proventu veteri & novo, innuatur. 3) Israelitæ, terram promissam ingressi, dicuntur de proventu terræ comedisse מסחרת הפסח *Jos. V, 11*; cum autem id nefas haberetur, antequam manipulus collectus & agitatus esset, de die secundo Paschatis, agitationi manipuli destinato, cogitandum 36-39. esse. Huic sententiæ, quam probant fere Christiani, intercedit *Gussetius*, Sabbatum stricte sic dictum intelligendum esse iudicans, causatus, vocem שבת unicum diem, non dierum numerum, denotare. Concedit quidem Eruditiss. *Grunerus*, id in universum negari non posse; id tamen etiam constare, pro aliis solemnibus cultus publici ac conventus sacri diebus occurrere *Lev. XVI, 31*, *XXIII, 39*. Favent interpretationes prisca. *Onkelosus* interpretatur יום שבת מכת; in eundem fere modum LXX, *Syrius*, *Arabs*. Favet ratio, quia diebus festis ab omni opere servili

vili abstinere debebant, in cujus rei confirmationem excitat testimonium *Maimonidis*, *R. Salomonis*, *Epiphanii*, *Isidori*, *Chrysostomi*, *Clementis Alexandrini*. Ipsi scriptoribus profanis Sabba-
ta dicuntur non solum *septimus* quisque *dies*, verum etiam *festi*,
ipsis usitati. Cerimonie huic obsecundare coeperunt, a quo tem-
pore terram sunt ingressi v. 10, ut sic Deo se gratos præstarent. Pag. 39-
Igitur præceptum hoc adstrictum erat terræ Cananæ, non regio- 48.
nem trans-Jordanensem, quod *Aben-Esra* opinatur. Generatim ter- 48-51.
ra Canaan definitur, in cujus medio, ex sententia *Maimonidis*
Kiddusch bachodesch Cap. IV erat præsentia divina (schechina) Cap. IV.
non terra alienigenarum, in qua cadavera passim delitescabant,
indeque impura censebatur. Qualis vero ager esse debuerit, ex
sententia doctorum Talmudicorum declarat. Ubi in *Menachot*
Cap. VIII §. 2 nominantur נְתִיבֵי צִירִפִּין, non probat conje- pag. 51-
cturam *Lightfooti*, reponentis נְגוּת צִירִפִּין, quoniam in tellis 60.
fruges non reperiantur; quo in loco autem horti Zeriphim
sint quærendi, non liquere, nisi quis cum *Relando Palest. Lib.*
III pag. 987 de Σαριφάια, urbe Palæstinæ, sede episcopali post-
ea incluta, cogitet. Cel. *Lightfootus* nominat vallem cineraceam
torrentis Kidron, ac si inde manipulus petitus; sed magistro- 60-63.
rum testimoniis destituitur. *Maimonides Hilch. temid. Cap. VII*
§. 10 appellat australes Hierosolymæ agros. Ex quo frugum ge- 63-65.
nere manipulus constiterit, lex non definit. Judæorum doctores
nominant *hordeum*; quod testimoniis *Abarbanelis* & *Gerfoni-*
dis inunit, cum per id tempus non aliæ fruges maturæ essent.
Philo rationem inde arcessit, quia hordeum vilius frumentum;
igitur fuisse indicium frugaliter visitantium, de *Septen. & festo*
pag. 1192; hæc autem illam potiore ducit, quoniam hoc fru-
menti genus omnium primum in Canaan maturuit. Si quan- 65-69.
do vero contigerit, ut hordeum vel aliæ fruges illa tempestate
maturæ non essent, cum a cerimonia hac nulla daretur dispen-
satio, intercalatione utebantur, (*Maimonides Kidd. bachchyd. Cap.*
IV §. 2, 3, *Lightfootus* ad *Matth. XII, 1*.) quod tamen rarissime
factum esse sibi persuadet, utpote sapientiæ divinæ, omnia suo
tempore ordinantis, adversum. Hordeum Judæis, pingui solo 69-72.
gau-

- gaudentibus, vile reputabatur, nec nisi pauperum cibus habebatur, quare vilitatis nota eidem adhæsit, *Jud. VII, 13, Ezech. IV, 12, Jo. VI, 9*. In sacrificio mulieris, adulterii suspensæ, hordeum fuit adhibitum, *Num. V, 15*, ut indicaretur, ipsam bestiarum more vitam instituisse, *Sota Cap. II §. 1, Philo de special. leg. pag. 785*. In nuptiis habebatur symbolum fecunditatis. Apud reliquas gentes pabulum equis ac reliquis jumentis præbuisse, ex *Salmasii Exerc. Plin. pag. 274, Phædro Lib. V Fab. 4, Juvenali Sat. VIII, 154, Polybio Lib. VI, 4, Cæsare Bel. Civ. Lib. III Cap. 58*, monstrat Autor. Eodem utebantur homines vilioris fortis, & militibus, ubi officio suo non fecerant satis, in pœnam dabatur, ut patet ex *Vegetio de re milit. Lib. I Cap. 13, Livio Lib. XXVII Cap. 13, Polyæno Stratag. Lib. VIII Cap. 24*. Inde *Suetonio de clar. Rhet. Cap. 5* Rhetor levis & sordidus dicitur *bordearius*, *Plinio Hist. Nat. Lib. XVIII Cap. 7 §. 14* gladiatores *bordearii* dicuntur. Inde ad illius usum in profanarum gentium sacris, *ἐλαχύτας, molam falsam, δολήματα*, quæ in sacrificiis pauperiorum obtinebant, Noster digreditur. Hinc docet, quo modo die 16 Nisan sub occasum solis tres viri honesti ac probi jussu Syne-drii summi in agrum exierint, vicinarum urbium incolis magno numero confluentibus, falcem in messē imminerint, defecuerint, in canistra seposuerint, & ad templi atrium detulerint; deinde grana tenerioribus baculis excusserint, torruerint, multoque studio moluerint, ut tandem farina maxime pura ac tenuis prodierit. Inde sacerdotem sumxisse, docet, hordeum, thus ac oleum addidisse, miscuisse, agitasse, & quantum pugillo comprehendere potuerit, adluisse; quod reliquum esset, a sacerdotibus in loco sacro comestum. Immiscet quadam de parte massæ separandæ, ad illustrationem loci *Num. XV, 20*, item de spicis offerendis, ad *Lev. II, 14*, non ab integro cœtu, sed privatis. De illo, quod sacerdotibus accedebat, ex Codice Joma observat, cum *Simeon* justus sacris præfesset, singularem benedictionem eidem adhæsisse, sed, ipso exspirante, maledictionem comitem habuisse. Agitationem illius factam paulo ante sacrificium jube vespertinum, ac non multo post
- Cap. VI.** sacrificium, *חטאת* dictitatum, ostendit. Explana-ta lege de manipu-
lo,

lo, ad ea accedit, quæ cum hac cerimonia proxime conjuncta erant. Oblato illo, Israelitis jus concedebatur comedendi panem, spicas tostas, pariterque virentes ex annona nova, v. 14. Quid per יֶרֶק, quod Alexandrinus interpretes modo per πεφυγμένον, modo per ἄλφυτον, reddit, sit intelligendum, declarat; itemque veram significationem vocis כֶּרֶם, quam Guffetius, Bochartus, ac Kimchi, non uno fonte enatam censent, quamque LXX per χίθρα interpretantur, definit; indicari scilicet grana tam hordei, quam tritici, ex illisque cibum præparatum. Fruges tostas autem & grana fricta veteribus in usu fuisse, non tam Pag. 117-125. probat, quam notum ponit; quæ Græcis dicebantur ἄλφιστα, Latinis polenta, in quarum notionum geminum significatum, & quid speciatim ἄλφιστα λευκά sibi velint, investigat. Comedisse veteres spicas, adstruit ex Matth. XII, 1, Marc. II, 23, Luc. VI, 1, coll. Deut. XXIII, 26; sed, Sabbato illas evellere, Judæi nefas ducebant, ut patet ex Maimonidis bilch. schabb. Cap. 7 §. 1, & massech. schabb. Cap. 7 §. 2. Cerimonie quidem hujus observatio nulla expressa poena est sancita; quoniam tamen dicitur, illam fore מִלְוֵהוּ, statutum perpetuum, neglectum hujus Deum negatione benedictionis suæ ultum esse asseverat, nec minus Judæorum primores in legis violatores trium verberum poena animadvertisse. Num autem adhuc hodierno die lege hac te- 144-147. neantur, inter Judæos non convenit, quibusdam immunitatem ab illa tuentibus, aliis illius observationem etiam extra Palæstinam urgentibus, ita, ut de fructibus novis non nisi die 17 Nisan comedere incipiant. In America in hunc usque diem plures esse Judaicæ originis, ex Willi. Pen Etat des terres des Anglois dans l'Amerique pag. 143 & 156, quem ex Jac. Basnagii Histoire des Juifs Lib. VII Cap. 4 excitat, observat. Hujus ritus ve- 147-152. stigia quædam apud diversas gentes occurrunt, quam partem, Cap. VII. quoniam Spencerus & Jo. Rudolphus Cramerus pro dignitate non excusserunt, curatius persequitur. Posteaquam igitur de cultu terræ, quæ variis sub nominibus profanis gentibus venit, quædam præmiserat Autor; varias primitiarum species percenset. Pueri ephebi facti comam, quam adhuc aluerant, Diis in arca conse- crabant, fluminibus item solenni ritu deponebant, quod ipsum

- etiam virgines adultæ faciebant, nec minus capilli defecti, tumulo inspergendi, partem inferiorum constituiebant. Ex opibus
 Pag. 153- ac spoliis decimæ Diis accidebant, quas ipsas de frugibus pariter
 171. perfolvebant, quin certas agrorum portiones, Græcis τεμένη, quasi τετμημένα, amputata, dicta, consecrabant. Primitias Græci tulerunt Cereri. Qua occasione notat Autor, Callimachum eandem locutionem ἱερὸν δράγμα, quam Philo, adhibere. Dies festos, quibus primitias consecrabant, Θαύσια, item συγκομισήρια, nominabant. Aegyptii Isidi, quæ nihil differt a Cerere, primitias obtulerunt. Cum primis cultus hic locum habuit apud Delios, progressus ad ipsas hyperboreas gentes, de quarum appellatione ac situ multa doctæ & diligenter in medium affert, Apollinem, qui hyperboreus ipsis dicatibatur, summo cultu prosequentes, cui ex terra sua primitias Delum ad Apollinis fanum primum per virgines,
 171-204. inde viros sacros, deferendas curarunt. Circa has primitias, Delum quotannis demissas, dubium movet *Salmasius in Solinum pag. 147*, existimans, ἱερὰ δράγματα ac ἱερὰν ἀπαρχὰς non de præmetivis frugum, sive præmetiis, stipula triticea involutis, esse accipiendas, sed notare θυμάτων ἀπαρχὰς, proficias ex immolata hostia, extorumque partes, cum ita voces prisca Grammatici explicant, firmante conjecturam *Servio ad Æn. II, 522*, ac *Pausania*. Hujus sententiam ad examen revocavit *Spanhemius*, ex *Laertio* ac *Clemente Alexandrino* docens, vicissimas cruentas ab Apollinis Delii ara abfuisse; igitur ἱερὰ δράγματα posse notare manipulos sacros, in quibus spicæ, primitiarum instar offerendæ, seu involucri aliquo, comprehensæ fuerint. Quodsi vero per ἱερὰν ἀπαρχὰς intelligendæ proficiæ, illud inde enasceretur incommodum, qui exta per tantum terrarum ac
 204-207. temporis spatium intemerata servari potuerint. Pelasgos porro ac Spartiatas, docet Noster, frugum decimas Numinibus consecrasse ac obtulisse, Neptuno id fecisse Troezenios, Athenienses Minervæ, qui ipse honos habitus Apollini Delphico, Baccho item atque Vertumno. Inde primitias mensarum atque dapum sacras Diis præstitas, ostendit, quin homines ipsos primitiarum loco oblatos, exemplo Cretensium comprobatur. Antiquitatem ritus hujus ex
 febii

Eusebii Præp. evang. Lib. I Cap. 9 pag. 28 ostendit, ac, primitias Pag. 207-
 antiquitus non victimis, sed frugibus atque herbis virentibus, con- 219.
 stitisse, edocet. Sub finem eruditi hujus Opusculi circumspi- Cap. VIII.
 cit rationes oblationis manipuli hordeacei, quartum aliam dat
 moralem, aliam *symbolicam & typicam* Moralem aliam dicit es-
 se *proximior*, *remotior* aliam. *Proximior*, ut declararent,
 se solo Numinis jussu in terram adeo uberem ac divitem immis-
 sos esse, cui messem, & quicquid ad vitæ necessitatem spectaret,
 deberent. *Remotior*, ut gentes a fœdere Dei alienas docerent,
 ex rebus omnibus, quas in usum suum caperent, non esse ali-
 quid, quod non ipsis ex provida Dei cura ac manu accideret,
 quæ ipsa sententia sedit *Josepho*, itemque *Philoni*. Gentiles pag. 220-
 quidem his ipsis officium suum in Deos testari voluisse, sed in 231.
 terra tandem opum omnium datrice substituisse, illamquæ sub
Isidis, Cybeles, Cereris, nomine coluisse; qua occasione quadam 231-243.
 de *Cerere legifera* adducit. Institutum hoc, primitias dedican-
 di Deo, adeo antiquum esse, ut & *Habel & Cainus* ex primitiis
 sacrificia sua apparasse videri queant, quod ipsum etiam censuit
Philo; hinc concipi non posse, ritum hunc à profanis gentibus
 ad Israelitas transisse. Typice per manipuli oblationem repræ- 243.244-
 sentatum fuisse *primo* quidem, Deum Israelitas ex omnibus gen-
 tibus sibi in peculium segregasse ac sanctificasse, relicta quasi ad
 tempus universa gentium messe, pro qua sententia allegat loca
Jer. II, 3, Exod. IV, 72, ubi Israel dicitur כְּכֹר, *primogenitus*
Dei, Hof. IX, 10, qui cum ad corruptionem magis magisque ver-
 gerent, Deus ex gentibus sibi primitias adduxit, ita tamen, ut
 Israel non omnino fuerit rejectus *Rom. XI, 16*, quo in loco ex
 ipsius sententia nec ad primitias generatim, nec speciatim ad ma-
 nipulum, sed ad מְלִיחָה, alluditur. *Secundo*, Israellem spirituales,
 collectum ex gentibus & Judæis. De Judæis locus est insignis
Jac. I, 18. Scribebat enim ad Judæos duodecim tribuum, passim
 dispersos, de tota consociatione Israelis spiritualis *Apoc. XIV, 4*,
 de gentibus ad societatem Dei adductis *Rom. VIII, 23*. *Tertio*, ipsum
 Christum, quod probat ex *1 Cor. XV, 20, Apoc. I, 5, Col. I, 18*; qua
 ratione autem Christus antitypus manipuli illius primitialis ha-

beri possit, illud, instituta comparatione, evincit, & tandem, sub-
 junctis admonitionibus moralibus, quo & nos ipsos ratione opum
 nostrarum, in usum afflictorum & egenorum conferendarum,
 Pag. 244- corpore sanctificatos, ipsi sistamus, finem differendi facit. Hæ fere
 268. sunt primæ lineæ elegantissimi hujus Opusculi plenius diductæ am-
 plicatæque, quibus eruditissimus Autor suam doctrinam in hoc
 studiorum genere ubertim declaravit, ut optandum esset, plures
 hujus generis Commentarios, ex genuinis fontibus ac omni an-
 tiquitate constructos, exstare. Hunc igitur publico nomine roga-
 mus, ut in laudatissimo illo stadio, quod adeo lætis auspiciis est
 ingressus, strenue pergat, ac huic similes foetus cum tempore ex-
 cludat, quod ut fieri possit, Numinis propitii gratiam, valetudi-
 nem, otium, ac eruditorum favorem, ex animo ipsi comprecamur.

NOVA LITERARIA.

Habemus, cur & elegantioribus Musis, & arti illi nobiliori,
 quam salutarem vocant, novum decus impenſe gratule-
 mur, quandoquidem jucundus haud ita pridem ad nos nun-
 tius perlatus est, Vindobonæ in Austria novam Operum Hip-
 pocratis, non accuratam minus, quam nitidam & elegantem, edi-
 tionem parare *Stephanum Mackium*, Phil. & Med. Doctorem,
 S. C. R. Maj. Imp. *Elisabethæ* Medicum Aulae, Virum & doctis-
 simum, & promovendo literarum commodo quam maxime in-
 tentum. Favebunt huic instituto boni omnes hoc magis, quo
 certius nemo non intelligit, haud parum interesse artis *Æscula-
 piæ*, eorum operum, unde ipsa artis fundamenta & primaria
 præcepta petuntur, usum omnibus communem effici, &, quæ
 in illis sunt obscure aut corrupte posita, veteribus maculis pur-
 gata, suæ aut luci aut elegantiae restitui. Nec ullum est du-
 bium, quin susceptam nuper provinciam gesturus, aut, ut re-
 ctius dicamus, ornaturus, sit ex voto omnium doctissimus Vir,
Mackius, iis quippe eam in rem subsidiis instructus, quibus nec
 augustiora, nec magis ad publicum accommodata usum, ulli
 unquam ad manus fuisse Editori meminimus. Non opus est,
 hæc pluribus a nobis verbis explicari, cum plenius ea omnia,
 quæ-

quæcunque ad editionis hujus novæ merita & virtutes pertinent, executus sit ipse five Editor, five unus ex ejus sociis, in copioso Programmate, haud ita pridem publicato, cujus si copiam fecerimus Lectori, rem videmur huic nec ingrati, nec inutilem, facturi. Accipe igitur, quæ ille, quisquis est, Vir sane bonus & eruditus, nos docuit: Cum Stephanus Mackius, *Philosophia & Medicina Doctor, S. C. R. Majestatis Imp. Elisabethæ Aula Medicus, saluberrimæ Medicinæ operam daret, sæpenumero, uti plerisque, hanc artem proficientibus, evenire solet, in obscuros adeo intellectuque difficiles incidit sensus in evolvendis Hippocratis libris, ut variis in locis veram divini magistri mentem assequi non valeret. Quapropter summa cupiditate magnorum Virorum interpretationes, atque expositiones, conquisivit. Ubi vero, ipsos quoque, haud tamen contemnendæ eruditionis, interpretes vehementer variare ac dissidere animadvertit, idque cum ex textus obscuritate ac mendis, tum ex vitiosa translatione, promanasse videret; in dies magis & magis huic malo, quam posset, medelam ferre cupiebat. Tandem, cum ubique investigaret auxilia, forte fortuna in Casarea Bibliotheca, quæ ditissima literarum rei supellectile instructa est, duos præstantissimos Græcos Codices nactus est illius Custodis humanitate, ac propenso ad rem literariam promovendam studio; quos a Lambecio in hujus Bibliothecæ Commentariis relictos reperire est, quorum alter Joannis Cornarii, alter Joannis Sambuci, fuit. Horum margo variantibus lectionibus repletus est, quas aut nominati superius doctissimi Viri suo studio operaque collegerant, aut ab aliis colligere curaverant ex optimæ notæ manu exaratis Codicibus, quorum unquam notitiam habuissent. Cum autem ab Augustissimo Cesare, (gloriosa memoria,) pro illius insita benignitate veniam impetrasset iis lectionibus utendi, atque in lucem edendi ad publicam utilitatem, omnia ad eam rem opportuna quæsit auxilia. Quamobrem in animum induxit novam Hippocratis Operum editionem adornare, quorum quidem contextus quam emendatissimus foret, atque his variantibus lectionibus, tum etiam illis, quæ antea publici juris factæ fuerant, illustraretur; versio autem hisce adjumentis multo castigatior prodiret, & non paucis annotationibus in locos difficilimos*

limos clarior redderetur. Harum quidem lectionum, atque emendationum, ope alius quispiam praestantis ingenii Vir, atque Medicinae scientia excellens, poterit, si ei libebit, accuratiores in Hippocratem Commentarios edere, ac divini Autoris mentem uberius interpretari. Ad illud autem Opus feliciter consiciendum praestant Stephano Mackio adjutricem operam aliquot sagaces & literati homines, docti sermonum utriusque linguae. Praeterea in hac editione utitur regia ac nitidissima charta, ac novis typis, e Batavia arcessitis. Foessii autem ordinem ac divisionem, quae percommoda est, in octo Sectiones observavit; & coronidem addit Index copiosissimus, in quo, quicquid usui venerit, facillimo negotio reperiri potest. Atque ideo totum Opus, in tres Tomos in folio distributum, sexcenta aut amplius folia continebit; unde Operis pretium ac sumtus poterunt aestimari. Quamobrem Medicinae studiosi, atque alii homines, qui hujusmodi Opus magno cum compendio nancisci desiderant, ad subscriptionem invitantur; cui plane, nisi usque ad exactum proximum Julium mensem, locus non erit, cum jam primi Tomi editio prope fuerit absoluta. Pollicetur autem Editor, se iis, qui nunc octo florenos Rhenanos representabunt, primum Tomum ineunte mense Septembri hujus anni 1741 daturum; eadem autem die prima Septembris mensis, cum primum Tomum acceperint, quatuor florenos pro secundo Tomo persolvent, qui prima Aprilis mensis insequente anno 1742 in publicam lucem emittetur. Atque itidem, simul ac secundum Tomum acceperint, quatuor florenos numerabunt, ac prima Septembris die anni 1742 tertium & ultimum Tomum, nulla amplius solutione facta, adipiscuntur; atque hoc pacto subscripturis totum Opus 16 florenis constabit, in quo eorum nomen adscribetur; iis vero, qui non subscripserint, non nisi 24 florenis persolutis dabitur. Accedent autem Operi in fronte ornamenta, ac elegantissima delineationes Fiquiris Danielis de Bertoli, cujus satis vulgata est fama, in aes incisae. Qui itaque subscribere volent, ea de re compellare poterunt, aut literas dare ad Fridericum Bernhardi, Bibliopolam Vindobonensem, atque aliis in urbibus celeberrimos Bibliopolas, quibuscum jam de hisce rebus actum est.



NOVA ACTA ERUDITORUM,

publicata Lipsiæ

Calendis Junii Anno MDCCXLI.

Pars I.

NICOLAI CRAGII ANNALIUM LIBRI VI,
quibus res Danicæ ab excessu Regis Friderici I, ac
deinde a Gloriosissimo Rege Christiano III, gestæ ad an-
num usque 1550 enarrantur. His additi STEPHANI
JOANNIS STEPHANII Historiæ Danicæ Libri II,
quibus reliqua laudatissimi Regis acta describuntur.

*Cum Præfatione, Indicibus, & aliis quibusdam
accessionibus.*

Hafniæ, apud viduam Hieronymi Christiani Paulli, 1737, fol.

Alph. 8 plag. 8.

Opus copia & præstantia perquam commendabile Cel. Edi-
tor, Joannes Grammius, Augustissimo Potentissimoque Re-
gi ac Domino suo Christiano VI, pio, sapienti, felici, Da-
norum Norwegorumque, Vandalorum Gothorumque, Monar-
chæ, inscripsit, cujus quippe tritavus exstitit tertius ille Chri-
stianus. Frontem aperiunt stemmata regiarum domuum, in Chri-
stiano orbe hodie imperantium, a gloriosissimæ memoriæ Chri-
stiano III deducta. Sequitur ea dignissima lectu Præfatio, elo-
giorum Christiani III plenissima, & Nicolai Cragii vitam com-
memorans, ab Editore concinnata. In Vindingii Academia Haf-
nienfi de Cragio exponuntur multa; plura vero hic afferuntur.
Natus fuit Cragius Ripæ honestis civibus, patre Petro Cragio
& Catharina Clynia. Academiam accessit Wittebergensem.

O o

Rever-

- Revertit in patriam vergente anno 1576. In ludo Hafniæ literario Rectorem egit primo, *Grammaticamque* edidit *Latinam*. Discessit ex eo post quinquennium. Fertur deinceps Principem *Christianum*, qui postea gloriosissime regnavit, primis literarum imbuisse elementis. Restitit is certe in urbe adhuc A. 1584, & denuo peregrinatus, summos Jurisprudentiæ honores extra patriam fuit consecutus, verosimiliter in Galliis. Dum ipse apud externos honoribus & augendæ nominis claritatî operam daret, relicta domi uxore, *Kanna* nomine, quam A. 1578 duxerat; hæc ita se gessit, ut pudicam matremfamilias minime deceret. Redux itaque *Cragius* actionem adulterii ei intendit, convictamque judiciò e domo sua ejeçit una cum filiis duobus, quos nunquam ex eo tempore pro suis agnoscere voluit. Duxit deinde *Elisam Mulleniam*, M. *Ivari Bartholini*, quondam Professoris, viduam, ex qua aliquot liberos suscepit. A. 1592 provinciam in Academia docendi capeßivit, Græcæ eruditioni inservientem. Obtinuit A. 1595 munus Historiæ docendæ. Legationi in Scotiam missæ comes ivit A. 1593. Reversus ex Scotia A. 1594, studia priora resumpsit Hafniæ. Illustis Vir *Petrus Junius* paullo post Hafniam accessit, a *Jacobo* Rege missus, ut de nato illi primogenito filio lætum ad aulam Daniicam nuntium perferret. Hic frequentavit ædes *Cragii*, atque cum eo doctissima habuit de rebus historicis colloquia. Deinde *Cragio* munus Historiographi regii delatum. Quo ipso tamen lectiones Academicas cœpit negligere, veniam paulo post concedente
- Pag. 14. aula. A. 1597 exeunte, legationi novæ *Cragius* destinatur ad Regem remque publicam Polonorum. Rediit A. 1598, & semestri elapso in Angliam fuit ablegatus. A. 1600 Embdam cum *Christiano Frisio*, Cancellario, *Manderupio Parsberg*, *Henrico Ramel*, & D. *Jona Charisio*, abiit, controversias de piscatu Norwegico ac Islandico, cum Anglis exortas, transacturus. Anglo-
16. rum vero Legati moras nexuere, nec accesserunt. Ineunte sequenti anno revisere jussus fuit Polonos, adjunctus *Henrico Luckio*, illustri Viro, regnique Daniæ Senatori. Oria tandem obtinuit, nactus præfecturam scholæ Soranæ. Obiit Soræ A. 1602,
19. 14 Maji. Scripsit vero *Grammaticam Latinam*, A. 1578 editam,

tam, & *Livii Patavini sententioſe diſta* A. 1582, 12, Hafniæ. *Diſferentias Ciceronis*, ab alio ſcriptas, divulgavit Hafniæ A. 1589, 8. Prædicantur ejus *de Republica Lacedæmoniorum Libri IV*, A. 1692, 4, editi. *Barth. Keckermanni & Hermanni Conringii* cenſuras, in eos emiſſas, paulo immitiores, reſellit *Cel. Grammius* ex merito. Editi fuerunt illi libri Heidelbergæ A. 1593, 4, Lugduni Batavo-
rum A. 1670, 8, ac tandem in magno *Antiquitatum Græcarum Theſauro Jacobi Gronovii*. Exiſtat in Bibliotheca Hafnienſis Academiae exemplar, plurimis ab Autoris manu ſupplementis ac emendationibus ad paginarum oras reſertum. Idem edidit Heidelbergæ A. 1593 *Heraclidis Pontici de Politis* libellum, vel fragmenta potius, & ex *Nicolai Damasceni univerſali Hiſtoria, ſeu de moribus gentium libris, excerpta Joannis Stobæi Colleſtanea*. Utrique Operi verſionem addidit Latinam. Prodiit etiam ejus *Panegyricus, Chriſtiano quarto* A. 1601, 6 Cal. Julii, dictus, Hafniæ A. 1601, 4. Falluntur, qui *Nicolao Cragio* adſcribunt *Jus feudale*. Hic enim liber, a *Thoma Cragio*, Jcto Scoto, ſcriptus, exiit in lucem Londini A. 1655, fol. ac denuo cum Præſatione *Luderi Menckenii* Lipſiæ A. 1716, 4. *Annalium* Opus a morte *Friderici I, Regis*, deduxit, & in eo res 17 annorum deſcripſit, novem vero annos, qui reſtabant ex regno *Chriſtiani III*, adjicere ob mortem haud valuit præmaturam. *Claudius Chriſtophori Lyſebander* ac *Joannes Meurfus* ex *Annalibus* hiſce paſſim arva ſua rigarunt, prior per modum plagiarii, poſterior in morem viri eleganter docti, & aliena arte pro ſcopo ſuo utentis. *Chriſtianum III* A. 1538 ad ſœdus Smalcaldicum acceſſiſſe, haud ſatis omnibus eſt cognitum. *Cel. autem Grammius* rem ipſam hic ſolide demonſtrat, reſutans id, quod *Thomas Leodius* aliiſque ex eo ſcripſere, dictitantes, *Regem, etſi fuerit confœderatus, nullam tamen ſociis Smalcaldicis opem tuliffe*. *Thuanus* hæc repetivit, eademque ſenſit *Davides Chytraeus Saxon. Lib. XVI ad A. 1548 pag. 491*. Id tamen negare haud licet, *Chriſtianum III* ſegniorem fuiſſe ad credendum, inſidias a Cæſare ſtrui religioni; autorem exſtitiffe, ut Principes tentarent potius compoſitionis viam, quam belli incertiſſimam fortunam periclitarentur; &, cum ſe nullum videret momentum facere poſſe ad Smalcaldicorum, inter ſeſe diſſidentium,

- Pag. 56. tium, res juvandas, fortunam experiri maluisse, quam irritare. Ut remissius Rex ageret, causæ, e longinquo haud petendæ, eum hæc impulerunt. Cæsar crebris Regem literis sollicitavit. In exercitu Smalcaldicorum militarunt *Fridericus*, Palatinus, & *Christophorus*, Comes Oldenburgicus, validis instructi copiis, Regi parum amici. *Christianus* erat alienior a suscipiendis eis, per quos necessum foret odia alienationesque fieri majores, nec consentiebat in officia, quibus Principes Imperatori sunt devincti, cuncta ejuranda. *Michael Beutherus* ad marginem editionis *Commentariorum Sleidani* Francofurtensis, A. 1608 in forma maxima adornatæ, hæc adscripsit: *Regem apud confederatos usum fuisse excusatione eorum, quæ ante biennium cum Cæsare esset pactus, & tamen eisdem quadragies mille aureos misisse, constat.*
57. 63 seq. Gratissima Historicis non potest non esse illa *Christiani*, Regis, *Joannis Friderici*, Electoris Saxonix, *Joannis Ernesti*, Ducis Saxonix, *Ernesti* ac *Francisci*, fratrum, Brunsvici - Luneburgensium Ducum, *Philippi*, Hassorum Landgravii, aliorumque, tabula, qua A. 1538 die Martis post Judica inierunt Brunsvici fœdus Smalcaldicum. Hanc primus integram *Cel. Grammius* divulgavit, addens, *Christianum*, Regem, fœderatis ad bellum Wolferbuttelanum A. 1542 pecunias submisisse promissas, eumque,
66. quamvis a fœderatis illis tunc, cum ipse periclitatus esset, contra fidem datam destitutus, tamen officio suo non defuisse. Negari autem non potest, *Christianum* publice haud adhæsisse fœderatis, sed a *Carolo V* initio belli Smalcaldici eo fuisse adductum, ut sese haud commoveret, pollicito, nihil prorsus damni ex eo ad *Christianum* redundaturum. In *Cragio* momenta duo videntur esse prorsus singularia; unum, quod causas eventuum infelicium positivas, more tunc usitato, passim intexit; alterum, quod voces Danicas Germanorumque proprias ad indolem sermonis Latini ex consuetudine tunc recepta inflectit. Nam Slesvicum vocat *Sliævigam*, Coldingam appellat *Collinam*, Svenoburgum vocat *Svenopolin*, Travemundam ostium *Dravi*, Lybershoyam vero *Liberi montem*. Cimbriæ peninsulam constanter nominat *Futhiam*. *Stephanus* vero cœptam a *Cragio* telam pertexit, jussu & hortatu *Christiani Thomæi*, Regiæ Majestatis Cancellarii,

cellarii, optime suo ævo meriti de literatis. Jam prelo typographi Sorani Opus erat commissum, cum Autor moreretur A. 1650, 22 Aprilis. Notus est *Stephanius* ex notis ad *Saxonem Grammaticum*, natus patre *Joanne Stephanio*, in Academia Hafniensi Logices Professore, ac demum Soranæ præfecto post obitum *Jona Jac. Venufini*. Ipse admodum juvenis ludum Slangendorpianum in Selandia rexit. Deinde Hollandiam invisit. Scripsit Pag. 73. vitam ejus *Cel. Grammius* admodum curate & eleganter, viri anno ætatis 51 jam extincti, a quo expectabatur *Historia Frederici II*, Regis, *Veterum Opusculorum ad res patriæ illustrandas Sylloge*, *Commentarius ad Quintiliani Institutiones oratorias*, & alia. *Stephanii* æque ac *Cragii* stilus est tersus, cultus, & castigatus. Alterius autem oratio ornatius & vivacius adsurgit. Mirari tamen subit, qui *Stephanius* ad annum 1053 tacere potuerit memorabilem operam, quam *Christianus Augusti*, Saxo- nis, generi sui, rebus impendit, in reconciliando ipsi *Alberto*, Brandenburgico Marchione. Eandem indiligentiam admisit ad annum 1554 in omittendis eis, quæ inter *Joannem Fridericum*, Electorem, & *Augustum* fuere transacta, & quibus reconcinnandis Rex *Christianus III*, unicus compositionis arbiter, admodum invigilavit. Inter exules, qui A. 1553 ex Anglia in Daniam appulerunt, fuit *Joannes Utenhovius*. Levius est erratum, quo 74. *Stephanius* hunc vocat *Carolus Utenhovium*. Hæc & alia nonnulla ad *Joannem a Lasco* referenda *Cel. Grammius* monuit, qui complura alia, a *Stephanio* minus recte exposita, ex professo & multa cum soliditate emendat. Præfatur idem de reformatione & ordinatione ecclesiastica, quam in calce adjunxit, feliciter a *Christiano III* tentata & ad finem perducta. *Ordinatio* Bugenhagii pro *Canonicis & Monasteriis* Latina Ordinationi Danicæ fuit annexa, & ambæ conjunctim scriptæ, utpote magna rerum conspiratione consentientes, a Rege Senatuque approbatæ, ac A. 1542 evulgatæ. Ut distinctius disseramus, videtur necessum. 101. Ad historiam Regis *Christiani III* *Cel. Grammius* Additamenta tria subjunxit, primo *Sanctionem*, sive *Decretum*, vulgo *Recessus dictum*, a Rege & Ordinibus regni factum, in Comitibus Hafniensibus A. 1536 editum, & hic ex autographo, Danicæ, adjecta versione Latina, divulgatum, secundo *Ordinationem ecclesiasticam re-*

- Pag. 29 *regnorum Danie & Norvegia & Ducatum Slesviç. Holfat.*, A.
 seq. 1537 promulgatam, ac tertio denique *Fundationem & Or-*
dinationem universalem scholæ Hafniensis, A. 1539 *Oththoniæ* edi-
 89 seq. tam. In Præfatione, ad quam nobis redeundum, ostenditur,
Synningium haud scripsisse historiam *Christiani III*, sed *Christier-*
 103. *ni II*. Memorat præterea *Paralipomena Historiæ Danicæ*, quæ
Petrus Olai, olim Minorita, hinc inde compilavit. Accinxit sese
 ante viginti annos & ultra illustri optimusque Vir *Christianus*
 105. *Reitzerus* ad Historiam *Christiani III* edendam, editurus vide-
 licet *Cragii Annales*, relictos & emendatius compositos. At
 negotiorum aliorum mole obrutus consilium illud prorsus abje-
 106. cit, simulque in ignes ire jussit omnem ad *Christiani V* histo-
 riam apparatus, cui colligendo jam pridem vir egregius accu-
 ratam haud paucorum annorum operam industriamque impen-
 derat. Obiit vir tantus Flensburgi Cimbrorum A. 1736, 29 Febr.
 ætatis anno 71, postquam in Academia Hafniensi fuerat per tri-
 ginta annos Juris Professor, aliisque dignitatibus amplissimis deco-
 ratus. Volumini huic historico insertas quoque conspiciamus lau-
 107. dationes Regis *Christiani III*, nempe *Nicolai Hemmingii* atque *Ja-*
cobi Bordingi, Medici regii, & in Academia Hafniensi Professoris.
 Utrumque libellum post annos 35 publicavit conjunctim *Theo-*
philus Glafer, Ecclesiæ Dresdensis Pastor, adjecta præterea Ora-
 tione *Joannis Thomæ*, Ripensis, quæ hic etiam apparet. Oratio-
 nibus Cel. *Grammius* subnexuit *Epicedium* unicum, a *Joanne*
Sasceride scriptum, Belga, qui Vitebergam exul delatus est, & inde
 108. commendatitiis *Philippi Melanchthonis* perductus Hafniam, ubi 37
 annos fidelissime Professore Ebrææ linguæ egit. Enumerat plu-
 ra ejusmodi Epicedia Editor, in *Christiani III* mortem edita.
 Sequitur Index in Præfationem, atque alius, ab hoc diversus, quo
 nomina propria, a *Cragio* paululum deflecta, restituantur. Non
 133. vacat ex *Cragii* Annalibus *Stephanique* accessionibus jam quid-
 quam delibare. Qui enim Reformationem Ecclesiæ Danicæ Nor-
 vegicæque Slesvicensis atque Holfaticæ nosse cupiunt, hoc Opere
 nequeunt carere. Quare Lectores ad illud remittimus, gratu-
 lantes Cel. Editori operam tam feliciter huic Operi impensam,
 nihil non eximium de ipsius diligentia, accurate, & peritia
 historica, in luce orbis terrarum prædicantes.

ORIGINES LIVONIAE SACRAE ET CIVILIS,
seu Chronicon Livonicum vetus, continens res gestas
trium primorum Episcoporum; quibus devictæ a Saxo-
nibus, & ad sacra Christianorum traductæ, Livoniae ab-
solvitur historia, a pio quodam Sacerdote, qui ipse
tantis rebus interfuit, conscripta, & ad annum C. N.
1726 deducta. E Codice MSto recensuit, Scriptorum cum
etate tum locis vicinorum testimoniis illustravit, sil-
vamque Documentorum, & triplicem Indicem, adjecit,
 JO. DANIEL GRUBER, A. B.

Francofurti & Lipsiæ, 1740, fol.

Alph. 3 plag. 15.

Cum fama de hoc, cujus primam descriptam exhibemus pa-
 ginam, libro ad nos perveniret, ingenti e vestigio flagra-
 vimus omnes videndi ejus ac perlegendi cupiditate, non quidem,
 ut de pretio ipsimet statuendo ferremus suffragium, (enimvero
 diu prævidimus, nil nisi acri judicio limatum, industrieque elab-
 oratum, a tanto scriptore proficisci posse,) sed potius ut, quam
 hoc loco rerum præstantissimarum iliada conscribere, & cum or-
 be erudito communicare, libuerit Illustri viro, perspiceremus.
 Non obscurum arbitramur Lectori fore, Jo. Danielem Gruberum
 significari, S. Regiæ Magnæ Britanniae Majestatis a secretioribus
 Justitiæ Consiliis, Bibliothecæ Hannoveranæ antistitem, dignum
 Leibnitii atque Eccardi in exornandis rerum gestarum monu-
 mentis successorem, Virum, cujus eruditionem ac doctrinam,
 an comitatem ventustamque humanitatem, primo commendes lo-
 co, jure meritoque ambigas. Is, dum in conquirendis omnis Præfat.
 generis historiarum tabulis versaretur, quæ nobis e tristi me- pag. 1.
 dia ætatis naufragio supersunt, forte fortuna in Chronicon hoc,
 nemini, quantum ipse sciat, cis mare visum, incidit. Neque
 enim sufficienti argumentorum robore adjutus suspicari potuit,
 istud sub indice libelli de Christiana per Livoniam religione
 contineri, quem Bern. Montefalconius perhibet e scriniis Alex.
 Petavii in Bibliothecam Vaticanam commigrasse. Non potuit
 non

non Vir Celeberrimus adspectu tam inopinato pariter ac auspicato mirum in modum exhilarari, quandoquidem Chronicographus rebus, quas narrat, ipsemet interfuit, cunctaque vel suis spectavit oculis, vel ex *ἀποδείξεις* testimoniis accepit. Narrationum hoc ferme est compendium: quomodo & quando a Saxonibus adita primum fuerit Livonia; quam tum habuerit regio, paganis superstitionibus immerſa, speciem, quinam populum ferum ac barbarum sive domuerint armis, sive ad humanitatem & sacram Christi civitatem nunc vi, nunc institutione, perduxerint; quæ militiæ Christi condendæ ratio; quam tenuia Enſiferorum Ordinis initia; quæ urbes ea ætate conditæ; quæ castra quomodo occupata; quæ pugnæ pugnatæ; qua via in justâ civitatis formam populus coierit; quos primos e sacerdotibus magistratus, quem ordinem judiciorum, sibi delegerit. Proprium Autoris nomen tantis premitur tamque spissis tenebris, ut non possimus non Ill. *Gruberi* perspicaciam demirari, qui ex assidua ipsius libelli lectione, historiaque illorum temporum in consilium adhibita, huic quæstioni lucem clarissimam affundit. Primo hoc sibi sumit loco, flaminum ordini adscribendum esse Chronicographum, quandoquidem Episcopis ubique & *Alberto* in primis suo usque adeo favit, ut maluerit seriem rerum gestarum secundum Præſulatus trium Livoniæ Episcoporum, quam secundum annos reparatæ per Christum salutis, tradere; inde inferioris gradus addit illum fuisse, cum de consiliis altioris momenti nihil, sed ea tantum, quæ sensibus patent, in suos retulerit commentarios. His positis, ipse suam in medium profert conjecturam, & singula in solum quadrare *Henricum Lettum*, sive *de Lettis*, *Alberti*, Episcopi Livoniensis, scholarem, ad sacros ordines promotum, asseverat. Adstipulatur conjecturæ, quod plurima de *Letto* hoc in Chronico nostro proferantur, quæ vix ac ne vix quidem ab alio quoquam potuerint narrari. Sic ad A. 1211 n. 3 *Lettus* disertis verbis *Philippi*, Raceburgensis Episcopi, sacerdos & interpretis fuisse perhibetur. Jam, cum Autor Chronici multa de periculoso *Philippi* in Germaniam itinere, de exscensu in Gotlandia, de morbo ac morte illius in oris peregrinis, ad A. 1214 & 1215 in persona scribentis afferat, quid, quæsumus,

quæsumus, probabilius, quam itineris comitem hæc scripsisse, eumque comitem esse *Henricum Lettum*. Quæ ad A. 1219 de *Henrico*, *Letthorum* ministro, de *Ymera*, in *Wironiam* vadente, lites super terrarum dominio motas parum curante, sed cum collega totam obeunte provinciam, & officio suo sedulam operam navante, tandem per ingruentes Estonos domum & omnia bona amittente, copiose commemorantur, quis, nisi *Henricus* ipse, res, quarum pars est, quid egerit, quæ passus sit, scribere amans, vel tribus tangere verbis, operæ pretium duxisset? Ceterum *Scholaris* noster *Henricus* appellatur, quia pro more temporum illorum a Livonibus barbaris datus obses, ab *Alberto*, Episcopo, fuerat in Saxoniam missus, & non solum ad fidei Christianæ fundamenta, sed & ad humanitatem cultumque literarum, sumtibus Episcopi informatus. Ipsum, quod jam primum prodit, *Chronicon* Ill. *Gruberus* in Codice chartaceo formæ maximæ, ante hos ferme Pag. 4. ducentos & quinquaginta annos nitide quidem, ast non sine mendis, conscripto, deprehendit. Simile habuit Codex ille cum multis, iisque præstantissimis, Codicibus fatum, ut in manus militis, pretium libri neutiquam intelligentis, incideret. Testes fati sunt pagina, quibus gesta anni 1220 continentur, quippe quas conculcatas pedibus, ac nitrato pulvere miserrime dilaceratas, Ill. Editor accepit. Quid *Gruberus* præstiterit, paucis in Præfatione verbis exponitur, quamvis copiosa commendatione dignum videatur. Ait autem, se gesta cujusque anni per sectiones, numeris in margine notatas, digessisse, argumenta certis comprehensa lemmatibus ubivis præmisisse, obscura, exemplo *Bangerti*, *Gelenii*, & *Hartknobii*, notis & observationibus illustrasse. De titulo præfigendo diu dubium Ill. *Gruberum* cum propria contemplatio, 5. tum librarii vota, tenuerunt. Tandem *Origines Livonicas* inscripsit. 9. Etenim, inquit, si vulgo originum cerussâ nitent libelli, quorum lectione certiores reddimur, origines promissas a scriptore nesciri, cur originum nomen opus haud deceat, quod origines aperte loquitur, etiam si ab Autore suo Originum hedera non sit ornatum. Observationes, quarum eximia seges est, partim critica sunt & etymologica, partim historica, geographica, ac genealogica. E priori classe unicam vocem *Watmal* sufficiet loco speciminis.

- Pag. 8. 9. excitasse. Dubium non est, eam a *Wat* descendere, quo vocabulo vestitus sive pannus designatur, ceu vel e voce *Leinwad*, nostratibus hodiernum familiari, colligere licet. Per *Watmal* vero pannum villosum coloris candidi, ex lana cruda confectum, intelligimus, quale vestimenti genus *Adamus Bremensis paldones*, *Helmoldus*, *Adami* exscriptor, *faldones*, Angli, quibus hodiernum in provinciis Septentrionem versus sitis in usu est ex lana Islandica præparatum, *waddemole* vel *woadmel*, vocitant. Juvat explicationem *Petrus Duisburgensis Chron. Pruss. P. III Cap. 79*. Consentiant *A. Ray* & *Vit. Kennet*, duumviri Magnæ Britanniae celeberrimi, quando *Woadmel* esse dicunt a *hairy course* fuisse made of Island wooll and brought thence by our seamen to Norfolk, Suffolk, &c. Quodsi cum hac Viri Illustris observatione quis contulerit, quæ ad *Valvorum* nomen commentatus est, quo
151. Germani homines peregrini oris, quorum lingua ipsis ignota erat, denotabant, summam, quam inter ceteras doctrinæ solidioris partes callet, originum linguæ Theodiscæ noticiam mirabitur. Ut autem verba atque periodi nudis literarum elementis, etiamsi iisdem consent, multis sunt nominibus anteferenda; sic etiam docta rerum expositio verborum interpretationi, quantumvis sagaci, multum præstat. Ill. *Gruberus* parem in utroque negotio cum scientiam monstrat, tum solertiam. Sed erimus nos in posteriori capite adornando, utilitatis habentes rationem, paululum copiosiores. Si quod est in universa antiquitate Germanica obscurum ac perdifficile argumentum, sunt sane mercaturæ per Germaniam & regiones versus Septentrionem Germaniæ confitas initia. Eorum aliquot notas chronicas stabilivit unus e Collegis nostris, cum de originibus commerciorum
- 2 seq. Lipsiensium amplos ederet Commentarios. Ill. *Gruberus* præclarum navavit hac in re operam, totique argumento, instituta de initiis commerciorum per Livoniam disquisitione, lucem accendit. Cujates fuerint, qui primi ad Dunæ ostium delati sunt, negotiatores, nemo adhuc expedivit. *Bangertus Hartknobius*que Lubecensibus, *Russovius* autem atque *Gruberus* Bremensibus, tantæ laudis palmam tribuunt. Et merito posteriori sententiæ suam addidit *Gruberus* calculum, quandoquidem Chronici, quod
- edit,

edit, Livoniensis Autor, *Livonicum portum a mercatoribus Bremenſibus inventum*, ad A. 1224 n. 9 expreſſis verbis adſtruit, præterea etiam tenuis admodum fuit ea ætate Lubecæ urbis fortuna, cum ne ſequenti quidem tempore, niſi negotiatoribus Bremenſibus ſtipata, adierit oceanum. Quid? quod præſcis iſtis ſeculis non Lubeca vel Travemunda, ſed Sliasvico potius & Aldeburgo, ſolvere ſoliti ſint navigantes, copioſo eam in rem teſte *Adamo Bremenſi*. Alio loco de jurisprudentia Danorum apud Episcopos maxime reclusa diſputat Ill. Commentator, &, num ex Jure Civili Romanorum tulerit ſuppetias, diſquirit. Conjecerunt nonnulli, *Andream*, Archiepiſcopum Lundensem, Pariſiis Jure Civili fuiſſe tinctum, eumque, quæ per Gallias in cauſis civilibus dirimendis utilia didiciſſet, Livonibus, in civitatis formam coalituris, commendaviſſe. Nec poteſt negari, perhibere *Arnoldum Lubecenſem*, Danos ſua ætate Pariſiis honos Legiſtas ac Decretiſtas evaſiſſe; *Waldemarum* etiam II, Daniæ Regem, *Legiſlatorem* ideo dictum, legum volumen publiçaſſe, in quo multæ Cæſarei pariter ac Pontificii Juris leges Episcoporum curæ deſcriptæ reperiantur. Interim tamen a ſpecie veritatis alieniſſimum Cel. *Gruberi* videtur, *Andream*, Archiepiſcopum, ſecularibus negotiis alienarumque terrarum adminiſtrationi ſe ingeſſiſſe, longe autem probabilius cenſet, novos Livoniæ inquilinos, qui omnes ad unum e communi Saxonum ſtirpe orti erant, leges patrias *αγοάφες* in Livoniam intuliſſe, quas cum ab *Ottonibus*, Imperatoribus, ad Saxones perveniſſe defenderent Scabini Magdeburgenſes, ex vulgi perſuaſione, quam ſcriptis poſtea Saxonici compiler Speculi confirmavit, *jura Imperatorum Chriſtianorum* dici poterunt. Etenim Jus illud Cæſareum Germanicum, quod ſub indice *Keyſerrecht* circumſertur adhuc ineditum, multo recentius eſt, nec imperium *Caroli IV* ſuperat; Jus autem Cæſareum ſcriptum, *der Keyſer geſchrieben Recht*, cujus præſcriptum in Diplomate proſcriptionis interfectorum *Alberti I*, Cæſaris, Spiræ A. 1309 dato, normam decidendi fuiſſe tradit *Henricus VII*, Imperator, nihil eſt aliud, quam Jus Civile Romanorum. Addi meretur ſingularis Ill. *Gruberi* obſervatio de uſu Juris Saxonici in Livonia, quoad conſacramentales & probationem vulgarem. Pal-

Pag. 44
ſeq.
not. u.

Pag. 91
not. f.

maria in universo *Henrici Letti* Chronico recensio spectat originem Ensisiferorum ad A. 1201 n. 6: Eodem tempore providens dominus Episcopus Albertus cum Abbate fratre Theodorico, perfidiam Livonum & paganorum multitudini non posse resistere, metuens, & ideo ad multiplicandum numerum fidelium, & ad conservandam in gentibus ecclesiam, fratres quosdam militiae Christi instituit: quibus dominus Papa Innocentius III regulam Templariorum commisit, & signum in veste ferendum dedit, scilicet gladium & crucem, & sub obedientia sui Episcopi mandavit. Nihil hoc loco

Pag. 22
not. c.

prætermittit Cel. Gruberus, quod ab ipso poterat efflagitari; siquidem & novum prudentiæ civilis specimen in ordine Ensisiferorum instituto demonstrat, & hujus præsertim loci momentum declarat; quem si superioris ævi scriptores vidissent, nec *Franc. Modius*, originem Ensisiferorum latere penitus, scripisset, nec *Schurzfleischii* fratres tantopere se in detegendis vel aliqua ex parte originibus torquissent. Sane is diuturnis de signo vestibus assuto litibus imponit finem, nec amplius credere permittit, quod a doctissimis viris, per *Petrum Duisburgensem* inductis, traditum reperimus, Ensisiferos gladio cum stella pro signo usos. Veriora dudum *Duglossus* in *Historia Polon. Lib. VI pag. 660 ed. Lips.* docuit. Ut autem de loco *Petri Duisburgensis* sententiam dicamus, is vel de *Conrado Duce*, quod separatim & a Livonico distinctum militum ordinem instituerit, perhibuisse dicendus est, vel ab imputatione erroris artibus potest nullis liberari. At in medelam tamen loco adhibendam, præeunte *Hartknochio*, propensior est Ill. Gruberus. Simili ferme modo obstetricias manus

Pag. 24
not. c.

ad locum *Adami Bremenensis de situ Danie n. 75* explicandum emendandumque affert Vir Celeberrimus. Post institutam omnium regni Danici insularum recensione *Adamus* pergit: *Sunt & alia, quæ Sueonum subjacent imperio, quarum maxima est illa, quæ Curland dicitur. Pontanus*, sonum magis, quam verba, secutus, *Curlandiam* pro *Gulandia* expressam, *Gotlandiamque* intelligendam, opinatur, in vernacula *Gulland* dictam, idque eo firmius esse credit, quod nusquam alibi in Opere *Adami* universo nomen *Gotlandiæ* occurrat. Sed erudite regerit Ill. Gruberus, ne habuisse quidem in animo *Adamum* omnes subje-

ctas

etas Sueciæ insulas catalogo complecti, indequæ Oelandiam simi-
 liter omittam, quam conjicit una cum Gotlandia Gothiæ conti-
 nenti, cui sunt admodum propinquæ, accenseri. Ad nodum
 vero, qui *Adami Bremenfis* interpretes moratur, solvendum ap-
 prime facere scribit, quod *Osilia*, insula, Estonum idiomate *Cur-
 resaar*, hoc est, insula Curonum, appelletur. Ex quo cum in-
 ferre fas sit, eosdem & insulæ & continentis habitatores *Curones*,
 seu, secundum *Rembertum*, *choros*, dictos fuisse, non nisi freto
 Domnesensi divisos, nec hodie dialecto diversos, consequens est,
 ut Curlandiæ insulæ nomine non Gotlandiam, sive Gullandiam,
 sed *Osiliam*, denotaverit *Adamus*. Cum autem hujus insulæ,
Curresaar hodiernum nuncupatæ, habitatores inde ab ultima æta-
 te piraticam exercuerint, judicium lectori relinquit, an ab his
 potius, quam a Corsis, *Corsarorum* vocabulum, quo piratæ so-
 lent designari, in vulgus dimanarit. Quæ de origine Tartaro-
 rum ab ipso traduntur Chronici compilatore, non minus digna
 sunt lectu, quam quæ in nota subiecta e scriptoribus Polonis &
Cesario Heisterbacensi attulit Ill. *Gruberus*, ut probet ex omnium
 consensu, in hanc temporis periodum incidere originem Tarta-
 rorum. Germanicæ Seculi a C. N. XIII historiæ lucem sceneran-
 tur, quæ de *Alberto*, ditionum trans Albim domino, copiose ma-
 gnoque eruditionis apparatu disputavit. Ceterum & ordini &
 animo Chronicographi dandum est, quod ecclesiasticarum rerum,
 quam secularium, sit curiosior. Ill. *Gruberus* nec hic præter-
 misit quidquam, quo partes boni Commentatoris adimpleret.
 Sic, ubi ad A. 1205 n. 13, 14, Autor totam Livoniam baptiza-
 tam tradit, licet idem *Raynaldus* ad A. 1207 memoret, cum ve-
 ritate pugnare, in nota monet, nisi de urbe Riga unice accipia-
 tur. Sic locum ad A. 1225 examinat, ut inde probet, Livonibus
Baptismum per immersionem fuisse iis temporibus solennem;
 quam quidem hypothesin cum exemplum puellæ decennis apud
Cesarium Heisterbacensem, tum figuræ Fennorum, sacris Christi-
 anis initiatorum, in *Joannis Peringskiældii Monumentis Uplandicis*,
 corroborant. Sed magnam inprimis industriam Autor pariter
 atque Commentator eruendis Episcopatus Rigenfis antiquitati-
 bus adhibuerunt, quas si quis colligere passim dispersas, & pagi-

Pag. 150
not. a.

Pag. 113
seq. not. b.


Pag. 43
not. r.
Pag. 182
not. c.

Pag. 213
seq.

nas inprimis ultimam atque penultimam consulere, vellet, amplam & eruditam adornare posset ecclesiæ illius Seculi, quo Chronicographus floruit, historiam. Comitem Chronico III. Gruberus dedit *Silvam Documentorum, devictam a Saxonibus, & ad sacra Christianorum traductam, Livoniam illustrantium, & di-
 224. ellis in Notis facientium fidem.* In hac n. 9 reperitur Diatriba Cel. Gruberi, quæ Flores sparsi ad genealogiam maternam Alberti, Livoniensis Episcopi, inscribitur. Ansam dedit genealogicum schema, quod in Codice MSto membranaceo, Bibliothecæ Academiæ Juliæ cimelio, formæ majoris, *Alberti Staden-
 sis Annales* nitide conscriptos exhibente, ad A. 1140, ubi de *Rudolpho*, Marchione, sermo est, continetur. Illud quidem jam dudum *Andreas Hoierus* publici juris fecit, & in *Continuatione Annalium Alberti Staden-
 sis*, ex eodem Codice desumpta, Hafniæque A. 1720 typis descripta, æri incisum dedit; sed, cum & Alberti, Episcopi, memoriæ inserviat, & *Hoieri* chalcographus in exprimendis nominibus nonnullis peccarit, haud inutile Cel. Grubero visum est, novam schematis illius tabulam concinnare. Nos vero superiorem tantum ejus marginem, qui ad præsens institutum pressius spectat, more, qui nostris Genealogis fami-
 liaris est, hoc loco descriptum exhibemus:

Alvericus == *Notburgis*,

Com. de



Diplo-

Diplomata maximam partem ex *Raynaldi Annalibus ecclesiasticis & Nettelbladtii rebus Curlandicis* petita sunt. Inter inedita principem locum Epistola *Honorii III*, Pont. Max. occupat, qua Archiepiscopus & Capitulum Bremenſe ab impetitione Livoniensis Episcopi super agnoscendo Metropolitano Bremenſi iterato dehortatur. Post hanc volupe erit, præcepta *Innocentii III* in Livoniensi Ecclesia inter neophytos observanda inspicere, quæ, cum hætenus in Collectionibus desiderarentur, ex *Cap. 11 de Vita & bonest. Cler. Cap. 9 de Divortiis, & Cap. 8 de Pœnit. & remiss.* coagmentavit Illustriſ Gruberus, cui publicas agimus pro hoc tam eximio labore gratias, & prosperos quosvis rerum successus ex animo precamur.

DISSERTATION SUR L'INCERTITUDE DES
cinq premiers Siecles, &c.

hoc est,

DISSERTATIO DE EO, QUOD INCERTUM
est in Historia Romana priorum quinque Se-
culorum, Autore L. D. B.

Trajecti ad Rhenum, apud Stephanum Neaulme, 1738, 8.

Alph. 1.

Post tot virorum, non vana ceteroquin eruditionis specie commendabilium, insultus, & jacta in antiquitates Romanorum historicas tela, stare adhuc rerum Latinarum dignitatem, mirabile illis non sine causa videbitur, qui, licet tritam relinquere viam ausi, priscis injuriam facere non dubitaverint, nihil tamen effecisse se argutulis captionibus suis sentiunt, nisi quod tacita demum confessione & probos, & diligentes, & egregie doctos, Autores veteres agnoscere cogantur. Videlicet de nulla re frequentius in utramque partem ab eruditis disceptatum fuit, quam de veritate belli Trojani, a Græcis suscepti, de Troja capta & incensa, de colonis Italiæ veteribus, de rebus gestis in Albanorum ditionibus, de origine urbis Romanæ, quemadmodum a tenui provecta initio in tantam excreverit molem, ut sua deinceps laboraverit amplitudine. Etenim vel nostro sensu alii dotibus ingenii sui naturæque ita usi erant,

ut

ut in re liberrima & verisimili antiquos commentorum, nescimus quorum, temere accusarent; alii, rem aptius excussuri, contradicentibus velut digito monstrarunt, nihil antiquos in medium protulisse, nisi multa die & litura edolatum: nullam propterea subesse causam rati, quare boni alias viri & honestatis cupidissimi posteritatem fallere studuerint. Quinam in his propius vero accesserint, nostrum jam non est exquirere. Incubuerunt jam alii in defensionem veterum Scriptorum diligenter, ut neminem cordatorum inveniri posse existimemus, qui cum *Philippo Cluverio, Samuele Bocharto, Jac. Gronovio*, aliisve horum non dissimilibus, sentire velit. Interea tamen, ut sæpe sit in rebus mortalium, si homines videant, idem sibi jus natum esse ajendi, negandive, prout ipsis libitum fuerit, facile inani & fluxa gloriæ occupanda lubricine decipiuntur, & dum immunes a peccatis se fore confidunt, multorum ex viris alioquin doctis credulitate inflati, fumum pro Junone offerre aliis solent. Dederunt id sane ab aliquot annis operam Gallorum nonnulli, ut vel medendo Autoribus priscis, vel intelligendo nimis, tenebras, quod sæpissime in his *Actis* quæsti sumus, literis offunderent. Scilicet pejore res loco non potest esse, quam ea si postulent incerta, quæ bonorum præstantiumque testium sub fide certa videntur, aut si nobis sua obtrudendo somnia dignitatem Scriptorum, sine quibus verus literarum sapor esse nequit, per cuniculos quasi invadere conantur. Occupavit ea febris Clariss. *Puilius*, Virum non indiligenter alias in veterum lectione versatum, qui, consideratis forte antecedentium laboribus, eo delapsus est, ut origines Romanorum, proximaque originibus, vel in dubium penitus vocaret, vel, si levius dicendum est, obscura censeret. Digna erat temporum antiquissimorum memoria Doctiss. *Salierii* vindiciis, quas Lector industrius in *Historia Academia Regiæ elegantiorum literarum Tomo VIII*, si tanti est, evolvat. At, quanquam Clariss. *Salierius* contuderit paulisper adversarii sui impetus, tantum tamen coloris superfuit Autori hujus Dissertationis, ut, quæ *Puilius* antea generatim, & succincte, disputaverat, copiosius nunc adumbranda sumeret, simulque ætatis nostræ homines, doceret, quam dulce ac frugiferum

ferum esset, post quatuor & viginti Secula solo artis logicæ beneficio res, longissime a memoria nostra remotas, labefactare, multoque meliora tradere, quam veteres pertinaci industria, summoque studio, commemoraverant. Quodsi tantam in se vim habet eminens Cl. Autoris sapientia, ut stupidam antiquitatem, & omnes hoc pacto eruditos, ante id tempus ingenii sui fama nobiles, sed propterea insulsos, quod anilibus assenserant fabulis, in ruborem dare possit, juvenes serio hortamur, ut, depositis illico *Ciceronis*, *Livii*, *Dionysii*, *Plutarchi* monumentis, ad Galli hujus libellum, velut oraculum divinitus datum, confugiant. Habet ille nempe mulum Pag. 5. critici falis, quo caruit, ipsius sententia, misera veterum Oratorum, Poetarum, Historicorumque, gens. Offert argumentum, quo nihil jucundius accidet iis, qui spumosa eruditionis antiquæ superficie contenti, non fontes, sed rivulos hominum nostrorum, delibare solent. Talis præterea in Autore ratiocinandi suavitas & copia est, qualis a peritissimo quovis & logicis imbuto præceptionibus expectari potest. Nam communissimum illud Philosophorum: *a specie ad genus non est concludendum*, tam sapienter nova plane arte immutat, ut, reclamante doctissimorum omnis ævi virorum regula, generi illud tribuat, quod parti solum generis convenire putatur. Enimvero nonnulla in principiis Historiæ Romanæ dantur, quibus ut plenam usquequaque fidem habeamus, difficile a nobis impetrare possumus; interim tamen hæc ipsa nullum non assensum merentur, etiamsi haud raro literarum expertibus fabulæ & portenti speciem præbeant, ea de causa, quod, quicquid antiqui historiarum conditores literis custodiverunt, nec infringere vel æquales, vel proximi ætate, ausi sunt, a nullo temporum nostrorum homine, qui vix centesimam eorum librorum partem possidet, quos vetustiores haud dubie in manibus habuere, sollicitari debet. Interea officii nostri memores iis consulere nos oportet, quibus nuper excogitata ad palatum esse solent. Propterea, quantum in nobis erit, dictorum in hoc libro ordinem & naturam breviter adumbrabimus, alio fortassis tempore exposituri, quæ nostra de Autoris opinione mens sit, quibusve legibus licentia Pseudo-Criticorum constringenda videatur. Exhibet

hæc Dissertatio duas partes, quarum altera *duodecim*, altera *undecim*, Capitibus distinguitur. Accusat in Præfatione Autor *Puillum & Salterium* oscitationis, quod neuter horum, qua opus fuisset assiduitate & animi contentione, modo contradicentis, modo defendentis, personam susceperit. Profitetur enim, *Puillum* omnia velut in transcurfu dixisse, *Salterium* vero studio & amore erga vetustatem, ut criminatur, veri rationem neutiquam tenuisse. Nam talibus se munivisse censet antiquitatum reliquiis, quæ Historiæ ne lucem quidem, nedum firmamentum, pararent, verbi causa, quando ad ephemerides, vel actuum diurnorum commentarios, quos Autor putat *tabulas accepti & expensi* fuisse, vel Pontificis ad annales, provocasset, quos *Varro*, *Cicero*, *Livius*, sæpiusculè in scriptis suis excitaverint. Ubi rursus contradicit Autor hac fere pacto: Si argumentis evinci posset certis, Pontificem Maximum res omnes singulorum annorum ab initio Pontificatus ad *Mucium* usque diligenter in album retulisse, controversia omnis brevi confecta foret, verum; quia solus est *Cicero* & unicus hujus facti testis, *Varro* præterea non Annales, sed libros Pontificum, toto diversos cælo ab Annalibus, nominavit, *Livius* denique non eo consilio *Annalium* mentionem iniecit, ut flammæ & injuriam temporum illorum evasisse eos sed potius ut conflagrasse fatali urbis incendio, quod Galli ædium tectis immiserant, doceret lectores, hinc de factis ipsis dubitandi causa non una superest. Ut autem rem apertius dicat, *Capite I* obscuritatem originum uniuscujusque gentis in historia, speciatim vero populi Romani, tanquam initium futuræ consecutionis, ponit, atque per id subruere fulcra historiæ conatur, quoniam multo ante Græcos jam condidisse suorum temporum historias constaret, quam Romani præter armorum gloriam literas in deliciis habere cœperint. Atqui exploratum esse ait, *Herodotum* LXXX Olympiade Historiæ concinnandæ operam dedisse, Romam vero anno demum post U. C. 500 vidisse viros annalium confectorum gloria conspicuos; sequi propterea, Romanos ante *Herodotum* memoriæ prorsus nihil mandasse, arbitremur. Porro veteris Francorum imperii inductione sic argumentatur: Uti ineluctabilis fere difficultas esset, veram antiqui-

Pag. 3.

4.

quitatum Francicarum speciem noscendi, quanquam librorum chartarumque præfidiis abundaremus, ipso quoque artis typographicae auxilio, & criticae scientiæ, cujus pæne nullus apud præcos usus fuisset, ope, adjuvaremur; ita quemvis harum re- Pag. 5.

rum intelligentem suoapte ingenio percepturum esse, Romanos mendaces quidlibet in historia vetustiori aulos esse. Nam ante quingentos, ab Urbe condita si computares, annos Romæ nullos extitisse historiarum autores, & si qui fuerint scriptores sequenti tempore, aut leges historiæ nescivisse, aut iis uti nescivisse; adhæc Romam sub initium imperii sui barbaram & lingua & moribus fuisse, belli artibus, rapinis, viribus corporis, studuisse, denique, quod caput esset, rudes illas & indigestas, ob summam literarum ignorationem, historiarum lineas cum aliis publicis privatisque monumentis incensa urbe periisse, nec ullum tamen præteriri in *Livio* annum, quo non memoratu dignum aliquid vel gestum esset, vel saltem a scriptore commemoraretur. Rebus ita constitutis, quis non suspicetur, inquit, Autores sequentium temporum multa finxisse, ex ingenio addidisse, ut corpus historiæ numeris suis absolutum, explendo hiatus & lacunas, posteritati relinquerent. Quas vero breviter jam depinximus rationes, eas prima libelli sui parte Autor persequitur, & quidem *Capite II* excutit causas, 11.

cur quis ambigere de historia Romana priorum quinque Seculorum possit. Primo *Livium* antestatur, qui in Præfatione & aliis in locis animi pendeat, utrum refellere, an affirmare, debeat, *que ante conditam condendamve urbem poeticis magis decora fabulis essent, quam quæ incorruptis historiarum monumentis tradi possent.* 18.

Deinde suscitatur *Clodium*, cujus aliquot fragmenta *Plutarchus* servavit, *Dionysium Halicarnassensem*, *Ciceronem*, quorum prior, ex Auctoris sententia, dixerat, omnes cremata civitate a Gallis, interiisse libros, alter pæne falsariorum in numero habetur, quod, cum probe sensisset, cogituros esse bonos viros & cordatiores, undenam tot tantarumque rerum varietatem sumserit, nullibi tamen vel scrupulum læturis forte subnascentem admisisset, vel fontes genuinos, ex quibus sola historiæ fides quæri poterat, indicasset. 21.

Tullium vero haud dubie res Latinas perscripturum 22.

fuisse contendit, nisi *Atticus* ei potius autor fuisset, ut sui ævi historiam describeret, quoniam, *hæc ab isto*, dixerit, *malo præ-*
 Pag. 25. *dicari, quam, ut ajunt, de Remo & Romulo*, quod proverbium
 satis eleganter obscuritatem historiæ fabulosam, tanti viri ingenio & doctrina penitus indignam, Autoris judicio, ostendebat.
Caput III enumerat nobis talismodi monumenta, quæ, post incendii calamitates ex ruderibus protracta, sine labe ad juniores Romanos pervenerunt; ubi quidem ambabus largitur manibus, leges quasdam & pacis formulas inter horribiles incendiorum vastationes salvas remansisse, sed, nihil contulisse, verbi causa, leges XII tabularum ad historiam rectius tradendam, simul asserit, quod parum memoratu dignum contineant, & meram literarum inficiam testentur. Immo ex istis fœderibus & tabulis, in memoriam pacis diuturnam promulgatis, novam historiæ Romanæ maculam inuri posse credit. Nam, *Horatium* dixisse, monstrat, Reges antiquos pacem sanxisse cum Gabiis & Sabinis, dum pronuntiasset hunc in modum:

*Sic fautor veterum, ut tabulas peccare vetantis,
 Quas bis quinque viri sanxerunt, fœdera Regum
 Vel Gabiis, vel cum rigidis æquata Sabinis,
 Pontificum libros, annosa volumina vatum,
 Dissidet Albano musas in monte locutas.*

Jam sibi persuaderi non posse declarat, intelligi hic debere *Romuli*, aut sequentium Regum, fœdus cum Sabinis, quod, historia illius ætatis ita redundet fabulis, ut, ex monumentis, quæ nulla tum exstiterunt, nulla etiam *Flacci* ævo superfuerint, necesse sit. Præterea negligentiam scriptorum, *Livii* & *Dionysii Halicarnassensis*, inde apparere censet, quod fœderis, cum Carthaginienis, & Rege *Porfena*, expulsis Regibus, initii, mentionem nullam injecerint, cum tamen ex posteriore imprimis cognitu facillimum sit, contra omnem scriptorum fidem *Porfenam*, victorem, nominatim jussisse, ne *ferro, nisi in agricultura*, teste *Plinio*, uterentur *Romani*. Visis in universum aliquot monumentis, *Capite IV* progreditur Autor ad *Commentaria Pontificum*, & *Annales* maximos, quibus descriptis, denuo non inficiatur, aliquam eorum portionem illibatam potuisse ad recentiores

Ro-

Romanorum scriptores transmitti, sed, cum de religionibus tantum, & quibusdam ritibus superstitionis, retulissent, simul nullam eorum plebs copiam habuisset, non incredibile videri putat, tales libros, quoniam magistratus judicium publicum reveritus esset, immanibus resperfos fuisse commentis. In eundem censum Annales referuntur, &, rejecta eorum in historia utilitate, admonemur, excitari plerumque istos aut in rebus portentosis & mirabilibus, quod per se in historia vitiosum esset, & fidem adimeret dictis, aut, si nominarentur, quod sæpiusculæ fieret in *Cicerone*, *Livio*, *Dionysio*, sine adjecta voce *τῶν μεγάλων*, cavere nos debere, ne commentarios Pontificum, & Annales maximos, sed quoslibet superiorum Autorum libros, eodem nomine condecorari solitos, intelligamus, quorum eadem esset autoritas, quæ posteriorum. Neutri enim genuinos historiæ antiquissimæ fontes biberant. *Capite V* alia eruit monumenta, historiis Romanorum stabiliendis mirum quantum inservitura, si Scriptores antiqui sedulo majorum suorum signa, inscriptiones, statuas, numos, conquisivissent; quæ argumenti specie posteaquam *Livium* lacessivisset, transit *Capite VI* ad *Acta Senatus & populi*, quorum ante *Pompeji* & *Cæsaris* tempora aliquem Romæ usum fuisse negat, & *Capite VII* de libris linteis, Censorumque tabulis, ita commentatur, ut jam omnis historiæ autoritas, disjectis ædificiis, quibus sustinetur, fulturis, labascere incipiat. Tantum certe pretium libris linteis non statuit Autor, quantum eruditorum plerosque, sola vetustatis æstimatione abreptos, tribuisse censet. Nam, quæ, cedo, opes inde colligendæ, ait, qui rerum hinc ordo seligendus, si tale monumentum, non totius historiæ digestionem, sed minimam illius particulam, ostendens, paucissimorum annorum limitibus includatur, neque sibi per omnia satis simile evadat. Persuasum itaque habet, discrepantes fuisse librorum linteorum editiones, docente id *Livio Lib. IV Cap. 23*, &, si conjecturæ locus detur, hariolatur, nullis fuisse nominibus a *Commentariis familiarum illustrium* diversos; at, quantum hi exadificationi historiæ potuerint conducere, sequentibus *Capitibus VIII & IX* monstrat. Nullius enim gentis populique res gestas turpioribus unquam mendaciis & laudationum domestica-

55.

61.

67.

73.

76.

83.

93.

- rum fucō obscuratas fuisse, quam Romanorum, contendit, quia ipse *Livius* vitiatam memoriam funebribus laudibus falsisque imaginum titulis esse retur. Inde etiam oriri credit, quod *Brutus*, occisor *Cæsaris*, ad *L. Junium Brutum*, liberatorem reipublicæ Romanæ, *Mucii* ad *Mucium Scaevolam*, *Furii* ad *L. Furium Camillum*, alii studio antiquitatem generis prædicandi ad *Nuum Pompeium*, autorem, suas origines retulerint. Hinc, si quælibet harum gentium insolentiores titulos imaginibus majorum suorum subjecerit, plura magnificentius, quam verius, celebraverit, mirum nemini accidere debere, si Scriptores etiam cum illis mentirentur. Nam ingeneratum esse omnibus mortalibus, ut præclare factis majorum etiam sibi aliquid laudis accessurum esse sperent. Quæ quidem ratio genus suum illustrandi, etsi minus optabilis & honesta, concedi tamen vano cuique posset, nisi his laudationibus historia rerum Romanarum facta fuisset mendosior, neque falsos triumphos, falsosque Consulatus, cæca majorum veneratio peperisset. Ex his ergo sumtionibus talem struit Autor complexionem. Cum exploratum sit, nullum exstitisse scriptorem æqualem antiquissimis temporibus, monumenta non effugisse funestas Urbis flammæ, & reliquias tabularum, velut e naufragio conservatas, parum rebus componendis profuisse, neque credibile videatur, post tot annorum decursus scriptores tam accurate potuisse sine vera librorum antiquorum scaturigine multifariam Consulatum, bellorum, præliorum, foederum, mutationum domi forisque, commemorationem, non disturbato annorum ordine, literis mandare; hinc consecutione manifesta effici docet, scriptores, talibus familiarum commentariis falsos, ad ostentationem aptiora, quam ad fidem, tradidisse. Omnis in hoc argumento rei cardo vertitur; quare, cum facile jam unicuique patere consilium & mens Autoris queat, pressius paulo illustrationes argumenti hujus rejiculas tractabimus, vel tribus tantum verbis reliqua libelli hujus *Capita* indicaturi. *Capite X* offert nobis *Fabium Pictorem*, Historiæ Romanæ tempore belli Punici II Autorem, in cujus ingenium, studia, mores, inquit, simul fontes referat, quos *Fabium* libasse arbitratur. Scilicet, rumorem, minus idoneum factæ rei testem,
- Græ-

Græciæque mendacis aliquot monumenta, secutum in perscribenda historia fuisse, *Dionysii* testimonio evincit. Quod licet Pag. 116
 probe novissent Romani, posteriores tamen, qui velut postliminio operam eandem historiæ navavissent, hac *Fabii* autoritate
 nixos, crambem semel coctam rursus apposuisse. *Capite XI* 124.
 profiterur, neque tantam vim habere *Dionysii Halicarnassensis*
 nomen, ut omnia hæc fixa, tanquam *Apollinis Pythii*, dubitationeque
 majora, existimemus, quæ clarus doctrina & probabili
 assiduitate vir scriptis suis commendasset. Ipsi enim defuisse
 eodem pacto monumenta indicat, quorum penuriam questi Auctores
 reliqui multo ante fuerint. Atque hæc generatim de facie
 vetustioris historiæ, librorum istius temporis inopia, Scriptorum
 ingenio & natura, descripta sunt. Persecutus est Autor
Sectiione altera, quæ alii jam nostræ ætatis viri eruditi passim in
 scriptis suis tetigere. Videlicet tanta sæpe dictorum discrepan-
 tia distraxit in deliberando nonnullorum animos, attulitque ancipitem
 cogitandi curam, verene acciderit res exposita a veteribus,
 an alio sit intelligenda pacto. Ejusmodi autem loca collegisse
 Autorem data opera videmus, ut incertos nos veræ sententiæ,
 suspensosque, atque diu in diversâ versatos, demum speciosis
 argumentationibus captivos teneat. Ob varios enim Scriptorum,
 verbi causâ *Polybii*, *Livii*, *Dionysii*, *Plutarchi*, *Dionis Cassii*, &
 aliorum, frontibus adversis inter se pugnantium haud raro, sensus,
 nihil certi seu de conditore Urbis, seu de tempore Urbis ex-
 structæ, dici posse, *Capite I Partis I* disputat. His doctrinarum
 initiis nituntur aliæ hujus generis observationes de iis, quæ de
Romuli rebus gestis (vid. *Caput II*), de interregno post *Romulum*, 176.
 & sequentibus eum Regibus (*Cap. III*), de imperio *Servii* 186.
Tullii (*Cap. IV*), de numero tribuum, & ætate *Tarquini-
 orum* (*Cap. V*), de rerum natura post expulsos Principes, & 190. 219.
 Dictatore primo (*Cap. VI*), de obsidione urbis Romanæ, 229.
 Regis *Porſenæ* copiis facta (*Cap. VII*), de cæde *Fabiorum*, 237.
 origine Quæstorum, primis plebis Tribunis (*Cap. VIII*), de 262.
 clade Gallorum, a *Camillo* accepta, & aliis pluribus victoriis Ro-
 manorum ab hostibus reportatis (*Cap. IX*), de causis, cur 275.
 plebeji tandem ad honores Patriciorum adspiraverint (*Cap. X*), 308.
 de

do-historia Cn. Flavii, Papirii Prætextati, & supplicio Reguli
 Pag. 323. (Cap. XI), Scriptores antiqui memoriæ prodiderant, super-
 vacaneum esse ducimus, sigillatim huc discordias sententiarum
 singulas expromere. Alia forsan id occasione aptius fiet. Utere in-
 terea, Lector benevole, hoc libello, & si otium habes, eum per-
 lege. Erit fortasse sedula rerum, studiosaque rationum, quas
 subministrat nobis Autor, contemplatio non injucundæ utilita-
 tis. Nam, si cor habes, & noris, quid æra lupinis distent, haud-
 quaquam, spreta veterum autoritate, in alia omnia abibis.

*DAN. WILH. TRILLERI, PHILOSOPHIÆ ET
 Medicinæ Doctoris, Archiatri Nassovici, succincta Com-
 mentatio de Pleuritide, ejusque curatione; adjectis
 simul decem singularibus Pleuriticorum historiis.*

Francofurti ad Mœnum, apud Franciscum Varrentrapp, 1740, 8.
 Plag. 15.

Ex amplissimo variae eruditionis campo, quem aureus hicce
 libellus nobis aperit, flores carptim legimus. Pleuritis vera
 est febris acuta cum dolore pungente laterum a sanguinis stagna-
 tione in pleura, musculis, vasisque intercostalibus, cum respira-
 tione difficili, tussique asperrima, pulmones, mediastinum, in-
 consensum rapiens, a frigore aut singulari alia aeris intem-
 perie orta. Aliquando eadem in vasis bronchialibus orta, aut
 ex superficie pulmonum, pleuram invadit. Pleuritis alia humi-
 da est ab invasione, statim sputa sanguine tincta spargens, quæ
 mitior, alia sicca, non nisi post anxiam tussim parum sputi præ-
 bens. Additur tertia species stertorosa, quam ἀπνευστικήν, in-
 coctam morosam, appellat Galenus, qua nihil ore rejicitur, ut-
 pote quæ omnium censetur pessima. Dextri lateris benignior,
 sinistri pejor, utriusque pessima. Sanguinis mores sunt admo-
 dum contumaces in pleuriticis, utpote qui albidī lardi aut sevi
 instar crassus, tenax, & compactus, observatur. Urina post quin-
 tum plerumque diem turbida & subnitens, bona, omni morbi de-
 cursu nihil turbata, periculum subinde indicat. Dies criticos ha-
 bet quintum, septimum, nonum, undecimum, decimum quartum,
 tan-

tandemque vigesimum; quibus, adjuvante natura, aut salus est, aut mors, aut tabificum empyema. Diarrhoea, ab initio superveniens, periculosa, in progressu salutaris. Rarissime, & ex Autoris observatione fere nunquam, moriuntur, quibus post venæsectionem dolor laterum in claviculas in omoplatam protenditur, aut in dorsum propagatur. Licet post pestilentialem febrem omnium atrocissima sit pleuritica, promptior tamen nulla obsequitur, si naturæ opportune succurratur. Pleuritidem passio vel morbus reddit, vel dispncea superest, ob pulmonum coalitum cum pleura. Pleuritici, quibus intra primum & quintum diem sanguis purpureus floridusque affatim e naribus profluit, naturæ beneficio plerumque servantur. Quibus vero post id tempus cruor niger, piceus quasi & viscidus, e nare destillat, isti nec levaminis quid sentiunt, nec superstites facile manent. Pleuritici, qui, elapsis prioribus diebus, nihil amplius mali persentiscunt, nisi quod unum alterumve hypochondrium elevatum fuerit, hi, subita plerumque metastasi facta, suffocantur. Pleuritis stasin sanguinis & rapidam inflammationem exardescentem supponit, in vasis pulmonalibus sanguiferis subito obortam, quæ sua labe inficiunt simul externam membranam, pulmones undique ambientem, quæ est propago membranæ crassioris pleuræ. Inde falso a sola pleura vocatur pleuritis. Nec solam pleuram cum musculis & vasis intercostalibus matrem esse posse tam funestæ sobolis, tussis, sputum cruentum, difficilis respiratio, & in fine morbi cocta & salutaria pectoris ejectamenta, manifestissime declarant. Nulla igitur vera pleuritis, acuta nimirum febre & flagrantissimo æstu comitata, sine peripnevmonia, vera tamen peripnevmonia interdum, etsi raro, sine pleuritide. Inde longe accuratius procedunt, qui pleuritidem potius pleuripnevmoniam, vel peripnevmo-pleuritidem, appellarunt. Inter cognitos nobis familiaresque morbos haud facile quisquam occurrit, qui aut velocius decurrit, aut violentius urget, aut citius denique enecat, sæva pleuritide. Non pretiosa autem aut operosa, speciosis titulis splendida, & longius petita, sunt remedia, quibus absolvi potest felicitis curationis negotium; sed potius facile parabilia, obvia, domestica, & pretio quidem vilia: nimirum scalpellum phlebotomum,

tomum, aqua, acetum, mel, nitrum, hordeum, oleum, & paucissima alia. Venæsectio sacra quasi est anchora, ad quam unice confugiendum in hoc morbo, & a qua sola omnis pleuriticorum salus pendet. Hac enim mox ab initio mali sat cito, crebro, & large, administrata, omnis ferocientis morbi vis illico perit, & malum in ipsa quasi herba penitus suffocatur. Certum atque indubitatum est, sanguinem in pleuritide sine mora, sine cunctatione & metu, necessario esse mittendum. Quod ad tempus attinet, quando nempe venæsectio institui debeat, omnes in eo conveniunt illustres Medici unanimi consensu, & ratio ipsa experientiaque perspicue docet, quo recentius sit malum, quo integriores adhuc ægroti sint vires, eo melius, eo salubrius, venæsectionem peragi posse. Optimum ergo atque saluberrimum, si primo statim agrotationis die venæpertundantur; neque pejus, si altero fiat, aut tertio; quin etiam ipso adeo quarto cum successu generosum hoc remedium tentari posse asserunt. Toties nimirum venam aperiri debere affirmat Autor, quoties dura vis morbi id imperabit, & ægroti vires permittent, quod ex signis modo indicatis, respiratione præsertim & pulsu, conjicere licet. Ter tamen, aut ad summum quater, venam secuisse sufficit. Sed ipse sanguinis recens emissi color, habitus, & consistentia, clarissimum & fidissimum indicium Medico in arte perito præbet. Pleuriticorum enim sanguis simul ac refrixit, mox crusta alba, unum sæpius aut duos digitos transversos crassa, tenaci, & polyposa, obducitur. Hæc crusta summum inflammationis sanguineæ statum certissime portendit. Quousque igitur ea apparet, eo usque reiteranda est venæsectio, donec sensim diminuta fuerit. Quare vix dubium, quin pleuritici curari tutius & facilius possint, quibus nulla crusta fuerit in sanguine conspicua. Nam id insaufum, etsi candidum, signum non imminutum, sed auctum potius, malum & statum periculosiorem significat. Inprimis vero in pleuritide curanda plurimum omnino refert, accuratius & distinctius definiisse locum, ex quo sanguis in ægroti salutem depleri debeat. Igitur ratione, experientia, rei que natura, dicente, prima præsertim venæsectio nullo alio in loco instituatur, quam in brachio affecti lateris,

five

five dextri, five sinistri, a qua quippe ægrotos semper plurimum allevamenti & liberioris respirationis persensisse, comperitum fuit multiplici experientia. Sed raro una cruenta pugna sufficit ad profligandum penitus atrocem hunc hostem; breves plerumque inducias facit, non certam solidamque pacem, & dum in thorace, quasi vallo quodam munito circumseptus, dolose latet, novas sæpe gravioresque insidias machinatur. Hinc circa vesperam plerumque atque per noctem dolores anxietatesque recrudescunt, & febris, ad tempus soporata, denuo vehementius accenditur. Hoc ubi cognitum fuit etiam nocturno tempore, illico vena vel in eodem brachio incidenda, vel in pede, ejusdem tamen lateris dolentis, unde revulsio salutaris subsequitur. Corpus juvenile, vegetum, torosum, nullis antehac morbis obnoxium, succi plenum, sanguine florido turgidum, cui facies rubet, oculi exstant, tempora pulsant, carotides jugularesque tument, aliquoties repetitam facilius promotiusque ferre potest sanguinis detractionem, quam corpus imbecillum, cannabinum, emaciatum, viribus defectum. Nullæ igitur prorsus regulæ universales de quantitate sanguinis mittendi determinanda præscribi hic possunt, cum vel minimæ circumstantiæ & hic potissimum rem variant. In genere tamen tenendum, omnium minime illos Medicos peccare, qui audaciores & sanguinis profundendi nimium prodigi sunt, quam qui justo parciores & timidiore. Parca enim venæsectio in hoc morbi atroci genere plus semper nocet, quam larga. Justam vero sanguinis æstuantis quantitatem venis ademptam fuisse, vel ex eo perspicue patet, quando pulsum rhythmum æquali & constanti tenore placide decurrunt, lateris dolores mitescent, respiratio liberius it, sputa cocta, pingua, & subflava, prodire cum levamine incipiunt. Diversæ a se invicem medendi rationes, ut plurimum operosæ, ambigæ, imo & salebrose & nocivæ, a scriptoribus medicis traditæ & commendatæ sunt. Quidam enim remedia purgantia præscribunt. Hi enemata & clysteres commendant; alii rursus damnant. Aliis sola bechica & expectorantia placent; aliis contra displicent. Præstantiora vero atque tutiora sunt clysmata & enemata, quæ hinc derivationis, humectationis, & blandæ refrigerationis,

rationis, causa, aut singulis, aut alternis diebus, sub vesperam inprimis, ubi dolores ordinarie magis ingravescent, injicienda, ex autoritate *Hippocratis*, *Sydenhami*, *Bærbæavii*, & aliorum: ex fero lactis, aut decocto hordei aut avenæ, milii aut oryzae, cum oxymelite aut melle puro, & una aut duabus drachmis nitri. Contra potentiora diaphoretica, alexipharmaca, bezoartica, ac sudatoria, & sales inprimis volatiles, spiritusque theriacales, & similia vehementiora, cane pejus & angue vitanda. Bechica porro atque sic dicta expectorantia medicamenta ab initio morbi magis obsunt, quam profunt. Evitari omnino debent omnia calida, inprimis sic dicta elixiria pectoralia, præsertim nimius croci usus, cujus anathymiasis narcotica in cerebrum abit, æstum auget, & mucosam pectoris expurgationem magis interdum impedit, quam promovet. Inde mitissima potius cum successu in usum sunt advocanda, ut sunt oleum amygdalarum dulcium, sine igne recens expressum, cum syrupo de Althea *Fernelii*, violarum, jujubarum, de Farsara, aut de Erysimo *Lobeli*; aut infusum theiforme ex herbis pectoralibus, v. g. veronica, tussilagine, pulmonaria, hyssopo, capillo Veneris, salvia, & similibus, cum melle crebrius per diem calide hauriendum prodest. A vomitoriis contra, ceu periculosis & nocivis, per totum morbi decursum plane est abstinendum. Siti nimium urgente, tenuem ex hordeo ptisanam cum oxymelite vel simplici melle & tantillo nitri paratam calide crebro ingerendam offerimus. Maximi quoque sunt usus topica & exterius adhibita, quibus calefactis dolentis lateris regio perpetim est fovenda, fricanda, & inungenda. Ubi vero, repetitis jam aliquoties venæsectionibus, restat adhuc insignis spirandi difficultas, vel magis exaugetur, tum duo vesicatoria vel femoribus, vel tibiis, ex *Baglivi* consilio, applicanda, derivationis causa. Quod denique ad diætam & strictiorem vivendi legem attinet, abstinendi sunt ægri, vigente adhuc morbo, ab omni carne & victu crassiore aut pinguiore; tenuia contra juncula carnis vitulinæ aut gallinæ, item uvæ passæ majores & minores, pruna sylvestria, damascena, cerasa, & similia subacida & eupepta, ipsis sunt concedenda. Post decimum quintum aut vicesimum diem, leni cathartico ex cassia, manna, vel

vel rheobarbara, cum cremore tartari aut tartaro solubili similibusque, alvus ægrotorum est ducenda. Sequuntur casus decem singulares pleuriticorum, quos Autor, suis principiis innixus, præsentî periculo subtrahit. Sunt illi totidem tabulæ rerum memorabilium, quæ templo Sanitatis consecrantur, in quibus pleuritidis diversæ ætates, invadendi modus, progressus, ἀκμή, declinatio, dies critici, symptomata, salubria æque ac insalubria, ita declarantur, ut clarius & expedite magis nequeant.

SELECTA QUÆDAM CAPITA DE PLEURITIDE, e tribus præstantissimis prisce ævi Medicis Latinis, CORNELIO CELSO, CÆLIO AURELIANO, & THEODORO PRISCIANO, excerpta, & notis nonnullis subitariis illustrata, a DANIELE WILHELMO TRILLERO.

Francofurti, apud Franciscum Varrentrapp, 1740, 8.

Plag. 16.

Eruditissimus Trillerus, Græciæ Latineque doctissimus interpres, ne quid deesset eorum, quæ deesse in limatissimo Opere possent, hoc quoque adjecit, quo constaret de antiquissimorum Autorum circa pleuritidem testimoniis. Ex *Aurelio Cornelio Celso* Pleuritidis historiam decerpit. Ejus initium vel ex frigore, vel ex nimio cursu, vel ex morbo, esse, dolori lateris febrem & tussim accedere, tolerabilius pituitam, gravius sanguinem, spui. Remedium magni & recentis doloris esse sanguinem missum, aliquando, si vetustior casus sit, vel supervacuum, vel serum in auxilio esse. Proponuntur ex eodem Autore varia remedia, topica æque ac interna. Ex *Celio Aureliano Siccensi*, *Afro*, Medico methodico, habentur itidem selectissima, penes quem antiquiorum Philosophorum æque ac Medicorum, *Aristotelis*, *Apollonii*, *Asclepiadis Sorani*, de Pleuritide placita habentur, qui Autor accurate admodum, qua ratione pleuritica passio in peripnevmonicam aut vomicam mutari soleat, exposuit. Ex eodem ὑπεκοζῶτα membranam, quæ latera & interiora cingit, erudite describit, dum id habet, quod supra pa-

tiens latus quidam jacere nequeant, quidam ex eo melius se habeant. Suffulcitur hujus Autoris suffragio venæsectionis in pleuritide necessitas & salubritas, & ipsius sanguinis missionis moderamen, dum & alia remedia antiquissima ex eo proponuntur. *Theodorus Priscianus*, Archiater, agmen claudit, qui diætā potissimum in pleuritide servandam accurate describit. Subjiciuntur his omnibus perennes notæ & castigationes rerum dubiarum. In omnibus summam laudem penes lectores habet Vir de Medicina & orbe literato præclare meritus.

MARIANI SEGUER, MEDICINÆ DOCTORIS,
*Observatio de Fusculo pulli lienterix
 specifico. *)*

Novum, ne mireris, amice Lector, a felicioribus hujus ætatis Prædicis prætermisum, Lienterix specificum Tibi pando. Id certum esse comperies, si in memoriam revoces, quæ multoties legisti, Lienterix destinata remedia, in *Mercato*, *Sennerto*, *Riverio*, *Eetmullero*, *Sylvio*, *Doleo*, *Tozzio*, *Mucitano*, *Allenio*, & recentissimis, *Stablio*, hujusque discipulis, *Alberto*, *Junckero*, *Nenterio*, aliis, *Hoffinanno*, *Barbaavio*, *Pascolio*, & *Baglivio*; in quibus universam Medicinam contineri, & potiora morborum specifica, nullus ambigo. Perfacile mihi foret, ex laudatis Autoribus singula transcribere Lienterix specifica; id tamen eo libentius omitto, quod cum Viro in praxi exercitatissimo, in lectioneque accurata præstantissimorum Medicorum versato, *Alexandro Pascoli*, sermo sit;

*) Hanc Observationem, (ita enim inscripsimus libellum, quem *Schedulam monitoriam* ipse Autor inscripsit, quod iste titulus non satis huic loco conveniret,) Valentix nuper prelo *Josephi Stephani Dolz* in forma 8 excusam, dedicatamque *Romano Hippocrati*, *Alexandro Pascoli*, Perusino, haud ita pridem ad nos misit Eruditissimus Autor, humanisque verbis a nobis petiit, ut huic in *Actis* nostris, quæ etiam Valentix legi magnique æstimari scribit, locum concederemus; quod ipsum eo lubentius dedimus petitis præstantissimi Viri, quo certius videmur nobis judicare, esse Observationem hanc doctissime conscriptam, & quæ nostris etiam hominibus attente perlegatur, prorsus dignissimam.

fit; præterea mihi nunquam placuit, nec placebit, longis Auctorum transcriptionibus operam perdere. Ita enim a natura constitutus sum, ut observatione morborum, & remedium, quantum fert valetudo querula, & a diuturnis morbis pæne confecta, in juvenili ætate delecter; cujus rei specimen dedi superioribus annis in Notis ad Enchiridion *Jacksonii* brevibus, sed diligenti observatione prognatis. Tincturam Chinæ *Mangeti* non esse præferendam ejusdem residuo, pollereque illam virtute epileptica, observavi, & cum Excellentissimo *Mangeto* communicavi, Epistola ad ipsum missa A. 1733, quam Vir Clarissimus dignam judicavit, prelo ut sudaret, in Notis ipsius ad *Etmullerum*, editionis Genevensis, A. 1736, *Tomo II pag. 554*. Hanc Chinæ epilepticam virtutem, ulteriori praxi confirmatam, & observationibus aliquibus illustratam, Dissertatione epistolica misi Madritum Regiæ Academiæ A. 1739, pro adimplendo munere ejusdem Sodalis, quam publico communicandam spero in Appendice ad Bibliothecam illustrium Medicorum *Mangeti*, vel Supplemento, inter notitias Medicorum Hispanorum; quas nuper misi Genevam. Cum autem jusculi pulli efficaciam sæpius observaverim, ut laborantibus henteria solamen promoveam & salutem, hæc communicanda decrevi. Deus enim, misericordiarum pater, & totius consolationis fons & boni, qui singulos Medicos alloquitur *Ecclesiastici VII, 39: Ne te pigeat visitare infirmum; ex his enim in dilectione confirmaberis*, quasi in pretium visitationis confirmatam promitteret charitatem, quæ virtutibus omnibus præstantior est, Medicis abunde retribuet, si non tantum infirmos visitent, sed efficacioribus remediis tuto, cito, & jucunde, morbos pellere conentur. Ignoscas, quæso, tenuitatis nostræ conamen, & vale.

I. Pullum eviscera, ipsique adde rosarum siccarum unciam unam, vel siccarum, & balaustiarum ana unciam semissem, in medio rosarum adde pulveris infra notandi, pro adulto tres dragmas, duas pro puero grandiori, infante, vel minoris ætatis etiam; consuatur sursum & deorsum pullus, ne inter coquendum

dum rosæ elabantur, quoque pullum in scutelis duodecim aquæ ad consumptionem duarum, vel in scutelis quindecim ad eandem consumptionem, pro adulto in decem & octo, ad decem & sex scutelas, quæ contineant aquæ uncias decem singulæ; & conserva jusculum calidum, sine ebullitione ulteriori, immittendo ollam in aqua calida igni admota.

II. De hoc jusculo capiat æger scutelam unam quamprimum, singulis binis horis repetendam, præmissa inunctione ad os ventriculi cum unguento Comitæ vel balsamo catholico, aliove roborante, superimposito cataplasmate, ex mica panis factæ cum vino, in quo decocta sint Absinthium, Mentha, Rosæ siccæ, & Balauisticæ, eaque repetantur singulis binis horis, & jusculum exhibeatur. Si dormiat patiens, a somno excitetur, & jusculum, inunctio, & cataplasma, repetantur, idque continueatur, donec absorpta sit tota jusculi quantitas, nullo alio interposito jusculo gallinæ; quodsi lientericus debilis admodum sit, propter prægressam nimis evacuationem, nihil impedit, ut in cochleari bino hujus jusculi confectiois Alchermes completæ, vel incompletæ, prout necessitas urgeat, dragma semis propinetur, admotis etiam exterioribus roborantibus naribus, ut in his casibus fieri solet. Quodsi, assumpta tota decocti quantitate, lienteria persistat, repetatur iterum, necessum est, eodem ordine proposito. Nec mirum videatur, quod æger a somno excitetur singulis binis horis, pro decocto capiendo; nam somnus, frequentissime decoctum insequens, non a remedio narcotico, & opiato admixto, provenit, sed a mirabili, naturæque amica, jusculi bonitate; unde spes conciliandi iterum somnum, novo jusculo, provocat, & movet, ut æger a somno excitetur novo jusculo conciliaturo. Quamquam fere omnes Præfici oppositum sentiant, innixi proloquio illo vero; quod somnus omnes excretiones moderatur præter sanguinis, & sudoris; totum hoc comprobante experientia, quæ optima est magistra, & ubique, quavis humana autoritate seposita, sequenda. Hac methodo non tantum fera illa sitis, qua lienterici torquentur, sine potus solamine mitigatur, sed subsequenter una vel altera alvi egestionem lienteria cessat, ægerque frequentissime con-

convalescit. Peracto jusculi usu, semel, aut bis, prout opus fuerit, jusculum primum gallinæ capiat.

III. In diarrhœa cruda, & lienteria præcipue, in quibus ventriculi, & intestinorum fibræ crispatæ sunt, aut levi inflammatione tenentur a catarrho, (vide *Bærbaavii Praxin medicam P. III pag. 350*, qui omnium optime de diarrhœa scripsit,) divinum fere medicamen existit; item quando humores acres fibrillas stimulant ad expulsionem, quod ex ingenti siti, & aliquali dolore ventriculi, cognoscitur, ut optime notat Gallo- rum *Hippocrates, Duretus*, super *Holleri Praxin*, in *Annotatione*, pag. 340 editionis in 4. Si autem diarrhœa cruda, & lienteria, ab humoribus frigidis, solaque intestinorum laxitate, sive ab aphnis ventriculi & intestinorum, vel hæctica harum partium intemperie, proveniat, subsequantur febre hæcticam confirmatam, vel phthisin, aliumve immedicabilem morbum, his in casibus poterit jusculum pulli evacuationem aliquatenus minorare, & inducias ferre, at curationem conciliare nequit. Diarrhœis serosis, biliosis, quoniam his in casibus acrimonia dominatur, medetur, etiam si febris adsit.

IV. Illud sedulo notari velim, ne pulli decoctum exhibeatur in dejectionibus, liquidis quidem, sed cinericeis omnino, & crudo lixivio tam germanis & similibus, quam lac lacti; quas ex observatione *Caroli Pisonis* notavimus in declinatione febrium intermittentium, & continuarum; quasi hæ dejectiones lientericæ sint, cum salutes, & criticæ, & minime cohibendæ, haberi debeant. Vide laudatum *proximum Practicum de Colluvie serosa pag. 265* editionis Lugduni Batavorum, curante *Bærbaavio*, jam denato, publicatæ. Si post secundum, vel tertium, jusculum æger dormiat, sitis remittat, etiam si una vel altera evacuatio subsequatur, continuato jusculi usu, frequentissime convalescit æger, ut pluries vidimus.

V. Cum nihil magis ægrotantibus diarrhœa, vel lienteria, noceat, quam multis ingurgitari cibis, jusculisque pinguibus, ut solide Practici docent insequendo Græcorum dogmata, non timui jusculum pulli ad praxin deducere, adstipulante experientia; deinde quia *Sennertus Tomo III de Lienteria pag. 441* ait:

Cibus sit paucus, & ager inediam, quantum potest, ferat. Paulus Sorbait Cap. de Colera & Lienteria pag. 136 suæ Præxis, secundæ editionis, ait: Cibus sit paucus, concoctu facilis, gratus, & adstringens, ne materia quantitas gravet, & corrumpatur: hinc etiam ab Avicenna omnino prohibetur, & ejus loco rerum fragrantium jucundi odores, recreandis viribus aptissimi, substituantur. His innixus rationibus, puello, decem mensium febre & lienteria laboranti, lac sine ulla mutatione tandem per alvum vacuanti, siti maxima, ut vix mater fœmina robusta, beneque cibata, lactationi sufficeret, methodo usitata, ex roborantibus, absorbentibus, nitrosis, juxta *Harrisii* methodum (quæ mihi in morbis puerorum curandis instar omnium est) nihil præstare auxilii potui, sed puellum, fere funeri destinatum jam, decocto pulli singulis binis horis, laudata methodo, propinato, quanquam lac suggereret, liberavi.

VI. Ad compositionem pulveris quod attinet, fere artificiosam esse, & indicationes, quæ §. 3 recensentur, adimplere, experientia constat, ipsaque manifestabit, jusculum pulli, pulvere adjuncto, remedium esse eximium. Unica est ejus præparatio, quæ feliciter adhibetur, non ab extero homine communicata, sed ex MSto Codice *Ludovici Collado*, Medici Valentini, A. 1570 celeberrimi, (de cujus erga rempublicam medicam meritis, & practica felicitate, vide *Mangetum* in *Bibliotheca illustrium Medicorum Tomo I P. II pag. 100*, *Rodriguezium* in *Bibliotheca Valentina pag. 297 col. 1*, & *Notitias nostras Medicorum Hispanorum*, in *Supplementis ad Bibliothecam Mangeti* edendas,) desumpta, & nostris temporibus ad praxin tuto deducta. Hæc, a nobis aliquatenus aucta juxta *Stæbii* praxin, decoctum pulli constituit, adimplens mentem *Hippocratis 6 Aphor. Sent. 1*, & *Lib. II Epidem. Sect. 2 Sent. 22*, & *Vallesii*, Commentatoris Sententiæ maximi. Sapienti sat!

VII. Nec mihi grave foret utramque pulveris compositionem manifestare; justis tamen de causis eam silentio prætereo, contentus unice jusculi pulli efficaciam a priori demonstrasse. Si autem Lector benevolus pulveris, quo ego utor pro decocto pulli, doses aliquas petat, mittentur ei a me continuo.

VIII. Quomodo jusculum pulli operetur, sive temperando acres humores, sive roborando solida, fugata crispatura, inductaque blanda laxitate in ventriculo & intestinis, sive id eveniat ratione jusculi diluentis, sive ratione pulveris roborantis, & tonum visceribus restituentis, nondum hariolari possum. Denique, si in pueris, aliisque, abdominis intumescantiam usus jusculi pulli creet, aut urina parce fluat, silente alvo, jusculi beneficio, tunc hæ partes oleo absintii, & baccarum lauri, inungantur, vel oleis scorpionum simplici, violarum, & lumbricorum; sic urina provocabitur, & fugabitur abdominis intumescantia.

Dixi jam, quæ alii sanctiori silentii populo, & in arcanis, involvenda senserint, eoque magis, quod hæc talia non ludendo, sed attenta, sagaci, & multiplici, observatione didici, Practicorumque lectione assidua. Ast plus apud nos obtinet Dei optimi maximi, quam respicimus & devote veneramur, gloria, proximique salus, quam quorundam elumbium numorum cupiditas. Rogo autem Lectorem, ut sequentia serio pensitet, & valeat:

*Beatus ille, qui procul negotiis,
Et otiosis curiositatibus,
Et vanitate propria scientiæ,
Et irritæ artis gloria, & jactantia,
Et aucupanda sordide pecunia,
Prudenter induxit lubens mentem suam,
Summa Sapientia sacras leges sequi;
Quas si verè discet, in tacito sinu
Ejus benignitate gaudebit frui,
Scientia atque conscientia satur:
Et serviendi proximo vere potens,
Aut gratitudinem feret, aut merebitur.
Quisquis secus faxit, Deus vindex erit.*

ELEMENS DE GEOGRAPHIE.

hoc est,

ELEMENTA GEOGRAPHIÆ.

Sine loci & bibliopole indicio, *) 1740, 8.

Plag. 9.

Expeditiones illas, quas dimetiendæ Telluris gratia Mathematici Galli in Peruam & Lapponiam susceperant, fama per totam Europam adeo celebraverat, ut, simul atque hi, qui ad circulum polarem Arcticum profecti fuerant, domum reduces facti erant, omnibus, quotquot aliquantum curiosiores sunt, summa moveretur expectatio, celebris de figura Terræ disputationis exitum videndi. At multorum spem fefellit *Cel. Cassini*, eorumque, qui ipsius partes tenent, constantia, apud quos contra sententiam, quam semel defendendam susceperunt, non plus valuit Geometrarum, gradum Meridiani sub circulo polari dimensorum, experientia, quam antea valebat Physicorum ex legibus Mechanicæ & Hydrostaticæ ducta argumentatio. Quanquam ergo *Cel. Maupertuisius*, quicquid ad Telluris figuram determinandam sub circulo Arctico cum sociis egit, singulari quodam libro sollicitissime exposuit; tamen, haud paucos esse, præsertim in Gallia, audimus, qui, cum videant, controversiam de figura Telluris nondum esse diremtam, ad videndum autem hac in re, ex qua parte stet veritas, ipsi non satis sint perspicaces, de tota hac re indignissime sentiant & loquantur. Hinc aliis plane ineptum videri, figuram Terræ determinare velle, quasi fieri non posset, ut ea certo unquam cognoscatur; ab aliis negligentiam Geometrarum reprehendi, quasi eam viam, qua ad cognitionem figuræ Telluris perveniri posset, aut non elegissent, aut ab ea aberrassent; alios inutilitatem incepti jactare, & tantas impensas in rem nullius emolumenti factas increpare. Contra hos igitur homines hic liber scriptus esse videtur. Omnem enim operam dat Autor, ut figuræ Telluris investigationem a prima origine deducat, & ex quibus argumentis summi Mathematici de ea judicaverint, exponat, ut conatus recentiorum Mathematicorum ad figuram Terræ detegendam enarret, & eviden-

ter

*) Parisiis excusum esse librum, facile nos typi literarum docent.

ter demonstret, methodum, quam ipsi secuti sunt, ad cognitionem hujus figuræ certissime ducere, ut denique utilitatem mentionis Terræ ostendat, & evincat, omnium gentium, quæ navigationem exercent, maxime interesse, ut publicâ autoritate pronuntietur, utri mensurarum, illine, quam *Maupertuisius* dedit, an illi, quam *Cassinus* defendit, nautæ & gubernatores vitam & fortunas suas credere debeant. Quæ singula capita tanta perspicuitate, brevitate, & elegantia, tractantur, ut, qui vel levi Geometriæ notitia imbutus est, ad lectionem hujus libelli accedere possit, eumque non facile de manibus ante depositurus sit, quam totum absolverit. Confidimus ergo, eum hujus Opusculi fore fructum, ut sinistra multorum judicia de celeberrimo illo ætatis nostræ auso reprimantur ac emendentur. Plura de hoc libro dicere opus non est, si indicem *Paragraphorum*, in quas divisus est, addiderimus. En tibi illum. *Paragr. 1* origo Geographiæ; *Paragr. 2*, quomodo rotunditas Terræ detecta fuerit; *Paragr. 3*, quid hominibus persuaserit, Terram moveri; brevis delineatio systematis mundi; *Paragr. 4*, quomodo determinatio magnitudinis Terræ pertentata fuerit; *Paragr. 5*, quomodo experimenta de gravitate indicaverint, Terram non esse sphericam; *Paragr. 6*, phenomenon, quo confirmari videbatur, Terram esse sphaeroidem, & ad polos depressam; *Paragr. 7*, mansiones, eum in finem institutæ, ut figura Telluris detegeretur; *Paragr. 8*, expositio operationum, quibus graduum Meridiani mensura peragitur; *Paragr. 9*, quid sit gradus Meridiani; *Paragr. 10*, quomodo arcus Meridiani amplitudo determinetur; *Paragr. 11*, quomodo longitudinem ejusmodi arcus metiantur; *Paragr. 12* mensuræ *Picardi*, *Cassini*, & Mathematicorum in regiones septentrionales missorum; *Paragr. 13*, cur, gradibus versus polos decreascentibus, Terræ figuram sphaeroidem oblongam esse, certum sit, & qua ratione ex incremento graduum versus polos figura ejus sphaeroides lata colligatur; *Paragr. 14*, quænam contra operationem, qua mensura gradus meridiani obtinetur, dici possint; *Paragr. 15*, an linea verticalis ubique terrarum ad perpendicularum sit; attractio montium; *Paragr. 16*, de stellarum fixarum motibus; *Paragr. 17*, an Terræ sit figura plane

ne regularis; *Paragr. 18* utilitas, quam cognitio magnitudinis & figuræ Telluris affert; *Paragr. 19*, quænam *Cassini* & *Maupertuisius* de hac utilitate dixerint; *Paragr. 20* alia utilitas, quam cognitio magnitudinis & figuræ Telluris pollicetur; *Paragr. 21* Tabula, in qua singuli quini gradus tam longitudinis, quam latitudinis, exhibentur in hexapedis secundum mensuram *Cassinianam* & *Maupertuisianam*; periculum nautarum; *Paragr. 22* hujus Tabulæ constructio. Ceterum hic liber Parisiis prodidiſſe, ac Autor ejus Cel. *Maupertuisius* esse, fertur; id quod nobis eo facilius persuaderi passi sumus, quod non solum elegantia stili consentit, sed & idem studium commodi publici, quod hunc Virum tot laboribus sub circulo Arctico sustinendis parem præstitit, in eo deprehendisse nobis videmur. Quicumque autem sit ejus Autor, id certe cum omnibus bonis vehementer optamus, ut in omnibus regnis, quorum salus cum securitate navigationis conjuncta est, hic liber illis innotescat, penes quos salutis publicæ cura est, eosque commoveat, ut utriusque mensuræ Telluris, *Cassiniana* & *Maupertuisiana*, contentione ab æquis & peritis arbitris facta, utra alteri præferenda sit, publica autoritate decernant.

L. ROMANI TELLERI, S. THEOL. PROF. ET
V. D. M. in Acad. & Eccl. Lips. *Dissertationum sacrarum, ad causas hermeneuticas spectantium, Decas.*

*Præfatur Autor de accuratione in Exegesi
sacra.*

Lipsiæ, apud Jo. Christiam. Langenhemium, 1740, 4.

Alph. 1 plag. 16.

Præclaræ solidæque eruditionis, qua dudum ex merito inclauit S. Rev. Autor, nunc sacras literas publice in hac Academia cum summo audientium plausu docens ac prælegens, novum hoc, idque præstantissimum, specimen gaudentes excipimus, & famæ *Tellerianæ* plurimum hinc incrementi venturum, certo præſagio auguramur. In *Præfatione* id ipse urget & poscit, ut explicata

plicatores Codicis sacri in id omni cura & cognitione incumbant, ut percontando & interrogando eliciant, non tantum quid sit verbis denotatum, sed & quare ita, non secus, scriptum exstet, quonam consilio hanc, non aliam, divini Scriptoris vocem adhibuerint, scientes nimirum, hæc, quibus usi sunt, verba omnium maxime esse significantia, nullaque reperiri alia, ad rem exprimendam aptiora. Spectant huc ex voces, quæ insolentem & barbaram dictionem spirare videntur, nec tamen sine gravi causâ a Scriptoribus sacris in usum sunt traductæ. Salubriter vero monet Cel. Autor, interpretis haud esse, confictam ex ingenio suo rationem in contextum intrudere, sed notionem ubique esse sequendam, quam rei tractatio & materies ipsa, series orationis & contextus, loca parallela, & res circumstantes, poscunt, quantum quidem humana valeat industria assequi indagando. Rem illustrat ex præmio, quod studiosis conciliandæ inter sese pacis promittitur *Matth. V, 9*, quod ita proponitur: *ὅτι αὐτοὶ τοὶ Θεοῦ κληθήσονται*, id est, tales non tantum erunt, sed etiam ab hominibus existimabuntur. In *Matth. XXIV, 27*, credit designari per *παρεσῖαν* *documentum Messie divinitus ad nos missi*, declaratum interitu exitioque urbis, terræ, & reipublicæ Judaicæ. Hoc excidium putat idem comparari cum fulgure, non ratione celerrimi incursum, sed respectu splendoris maxime lucidi, orbem terrarum illustrantis. Favet huic expositioni significatus vocis *ἀστραπή* *Luc. XI, 36*, ac *φάινεσθαι* in loco, qui est præ manibus. Ex eo documento patebat luculentissime, Messiam haud alium esse expectandum, quam instar fulguris splendidum & testatissimum. Si quid judicando assequi licet, Christus respexit ad fulgentissimum illum, qui excidium Hierosolymæ præcessit, splendorem, fulguris instar longe lateque coruscum, quem *Iosephus* uterque & *Egesippus*, Deo sic providente, memoriæ literis prodiderunt. Ostendit deinde S. Rev. Autor, vocem *χαλινάγωγεν* *Jac. I, 26*, elegantiorē & luculentiorē esse voce maxime Græcis trita *χαλινάειν*, freno injecto coercere. Priori enim voci non solum hæc notio est communis, sed accedit illa etiam, quæ notat & monet, meliorem efficere & in rectam perducere viam, ab er-
vire

rore revocatum. Gravitationem inesse voci ἐλεημοσύνη, quæ apud Autores exteros frustra quæritur, solide annotat Noster, docens, Scriptores sacros per hanc vocem intellexisse mentem misericordiam commotam, cum liberali manu jungendam, virtutem profanis incompertam. Addit id quoque, voce χεράζεσθαι Matth. V, 6, respici ad fideles Christi mentes, tanquam ad morigeras oves pastoris sui. His enim tribui solet vox χεράζεσθαι. Conf. Ps. XXIII, 1, 2. Ebraicæ voci כֶּהֱנִי eandem fere inesse notionem, copiose & ornate, si hoc adjungere licet, ostendit Cel. Albertus Schultens.

Promulsidem Autoris tam exquisitam excipiunt dapañia momenti & gustus non levioris. Dissertatio prima juris aggratiandi divini signum in Caino ad Gen. IV, 15, proponit. Inprimis refellit Rabbiorum nugas, criticam Joannis Clerici audaciam, & ipsam B. Augusti Pfeifferi opinionem, rati, Deum edidisse miraculum, quo Cainus de gratia recuperata fuerit convictus. הֵן certe est signum, at sapius naturale, Gen. I, 14, IX, 12, 13.

- Pag. 8. Mirabile prorsus, ipsum Gussietum phrasin הֵן כֶּהֱנִי de signo homini impresso intellexisse, cum tamen obstant loca Ps. LXXVIII, 43, Neh. IX, 10, Exod. IV, 17, 30, & הֵן ad signum auribus acceptum, vel menti repræsentatum, referatur 1 Sam. XIV, 10. Superfunt scilicet in Gussietii Commentariis linguæ Ebrææ emendanda & supplenda. Verbum promissionis vocatur הֵן Ef. VII, 14. Signum Caino datum Autor exponit de promissione immunitatis securitatisque vite divina, qua Deus caverit, ne quis Cainum impune interficeret. Voces הֵן & הֵן ita distinguit, ut illa modum rei gestæ prorsus admirabilem, hæc vero finem ejusdem, scilicet vim significantem, apte exprimat. Per signum vero Caino datum intelligit effectus divinos per ellipsin realem. Signo enim respondere par est signatum. Hoc vero ponit in illo vetito, ne quis Cainum occidere auderet. הֵן certe beneficia divina designat Ps. LXXXVI, 17, ac הֵן præfixum ibi objectum denotat 29. formamque signi. Dissertatio secunda versatur in investigatione formulæ loquendi, qua homines prohibentur recedere dextrorsum aut sinistrorsum, Deut. V, 29, XVII, 11, 20, XXVIII, 14, Jos. I, 17, XXIII, 6, 2 Reg. XXII, 2, Ef. XXX, 21, Prov. IV, 27: Lex scilicet

scilicet Dei, præcepta fidei ac morum, vocantur passim *via*, siquidem ea sunt media, quibus aliquo pervenitur, videlicet ad finem, quem amor felicitatis nobis inspirat ex verbo diviniore. Locum *Cobel*, VII, 17, sic vertit: *ne quid multum* (ex tua opinione *בעיניך* v. 7) *tibi tribuas justitiæ*, quia ibi non legitur *רוב* *רוב* *רוב*, sed *רובה הרבה multum*. Ut vetitum de recessu in utramque partem exponat, jubet nos ad situm Judææ respicere, quæ media erat inter gentes, a vero Numinis cultu averſas, quarum instituta Judæi debebant horrere *Deut. XIII, 8*. Omne punctum hic fert locus *Ezech. XVI, 46*. Nihil est, quod in expositione hac requiri posse existimemus. Tanti pretii est, ad Palæstinæ indolem in legendo Vet. Test. nunquam non respicere. Tertia pars Codicis sacri ex hac cautione exponi debet. Quare Hierolexicon Geographicum Vet. Test., conformatum legitimo justoque scopo, hic foret instar regularum, quibus uti in exegesi liceat. Quis enim apte exposuit voces *שיר מעלות, ירות, יער, תברו, שלושה, הור, שושנים, אריות מואב*, &c. *Dissertatio tertia* est propria rationi formulæ dicendi ad excitandum: *ὁ ἔχων ὡτα ἀκούει, ἀκούει*, in Apocalypsi frequentis, ac in *Æliani* libro de *natura animalium* VIII, 17, obviæ. Formulam hanc, *Matth. XI, 15*, perſcriptam, ad consequentem parabolam existimat esse referendam. Ipsam vero credit desumptam ex *Pſ. LXXVIII, 1*, ubi *נְטָה אָזְנוֹ* est non *nuda audientia*, sed simul *benevolentia ac propensio ad rem*, qua fit, ut propositio, jam audita, nobis grata quoque sit & accepta. *Dissertatio quarta* complectitur *dictorum probantium in Libris N. Fæderis duo specimina*. Id verò contendit Pl. Rev. Vir, in *Capite primo* Epistolæ ad *Ebræos* quatuor propositiones dictis Vet. Test. comprobari, quas *incisum tertium* contineat: nempe 1) *Jesum esse characterem hypostasis patris*, eo quod generatus sit ex patre hodie, v. 5; 1) *ferre omnia verbo potentie suæ*, v. 10, 11, 12; 3) *fecisse per semet purgationem peccatorum nostrorum*, eo quod a patre sit unctus, v. 9; 4) *confedisse ad dextram magnitudinis in alto*, eo quod imperium ei sit summum ac sempiternum, v. 13. Solide hæc sunt

- funt deducta, ac nitidam *Capiti* illi *primo* lucem afferunt. Eadem diligentia excutit congeriem illam dictorum *Rom. XV, 8 - 12.*
- Pag. 66. *Dissertationi quinta* propria est tractatio de usu pronominum
69. ἡμεῖς καὶ ὑμεῖς in scriptis S. Pauli. Ἠμεῖς notat nonnunquam omnes, e. g. 1 *Cor. XII, 13, Rom. IX, 24, III, 12 - 18.* Conf. v. 9. At, cum hæc formula in una orationis serie existit, ut ὑμεῖς ei opponatur, per vocem ἡμεῖς Judæi indicantur, per ὑμεῖς vero
70. gentes renatæ. Prior vox notat communem patriam progeniemque, ac commercium eorum, qui avitos sequuntur mores, vel eandem disciplinam profitentur, *Jo. IV, 22,* posterior non item. *Paulus* certe erat Ebræus ex Ebræis *Phil. III, 5, Rom. IX, 3, XI, 13, 14.* Non levicula hæc est annotatio. Qui *Epistolam ad Ebræos* ac *Colossenses* exponere aggrediuntur, inde redduntur satis oculati, ut non solum ipsis suboleat, quid sit προετοιμάζειν, & προεπιτίθεν, συμμαρτυρεῖν, sed etiam, cur Judæi dicti fuerint προοριζέμενοι, & quinam sit genuinus huius in Nov. Test. significatus. Gavisi fuimus, quamprimum vidimus, Virum Pl. Rev. confirmare expositionem loci *Rom. VIII, 19* sequamur. In *Dissertatione sexta* Cel. Autor sibi in *Jo. XVI, 2,* invenisse videtur Christi erga suos in prædicandis calamitatibus moderationem, ratus, ibi plane non de dogmatibus, nec de patefactione veritatum, huc usque discipulis ignotarum, sed de futuris calamitatibus, disserere Jesum hisce verbis: "Ετι πολλὰ ἔχω λέγειν ὑμῖν, ἀλλ' ὃ δύνασθε βασιλεῖν ἄγετε. Ellipsis subaudit: πολλὰ (περὶ θλίψεων) ἔχω λέγειν. Vox βασιλεῖν certe huic expositioni favet, quæ respectum involvit ad molem & durissima quæque. Conf. *Luc. XIV, 27, 1 Cor. X, 13.* Incisum vero proximum videtur omnino ob stare. Quid, si doctrinam de afflictionibus, relatam ad momenta connexa, intelligimus? Sic omnia sunt in expedito, ac ipsa Pl. Rev. Autoris expositio est in vado. Spiritus sanctus enim Apostolos docuit doctrinam de calamitatibus cuique sigillatim & universè ferendis. *Dissertatio septima* repræsentat perfectionem Novi Testamenti, ad *Ebr. VI, 1, 2,* negans, id constitutum fuisse Apostolo,

ut simplicissima ac facillima catecheseos capita in compen-
 dium redacta exhiberet. Exponit τὸν τῆς ἀρχῆς λόγον per
 cultum typicum universum, τελειότητα per typonum omnium
 consummationem & perfectionem in Christo, qui eos implevit.
 Νηπίες impuberes & tenellos exponit de sanctis Abrahami po-
 steris, respectu habito ad umbrosam Vet. Test. œconomiam,
 lac vero umbras typonum, breviter duraturas, oppositum do-
 ctrinæ stabili ac perenni Jo. VI, 27. Designari putat per δικαίους
 τετελειωμένους Christianos, antitypum callentes, Ebr. XII, 23, 24,
 qui acceperunt χάριν Nov. Test. loco χάριτος Vet. Test. Fi-
 deles certe Vet. Test. non debebant sine fidelibus Christianis
 Nov. Test. consummari, ac ad perfectionem deduci, Ebr. XI, 40,
 licet illi jam tunc essent in calis, Eph. I, 10, 11. Συντέλειαν τῶν
 αἰώνων, Ebr. IX, 26, memoratam, credit esse perfectionem perio-
 dorum. Καταβολὴ κόσμος ipsi sunt primæ sacrificiorum, o-
 mniumque rerum, ad salutis œconomiam spectantium, inde
 a primo humanæ miseriæ momento sancitæ leges atque institu-
 ta. Synonyma hisce putat esse τὰ στοιχεῖα τῷ κόσμῳ, Gal. IV, 3.
 Oeconomia Vet. Test. vocatur utique κτίσις Ebr. IX, 11. Nec
 id falsum, geminam dari œconomiam, seu κτίσιν, παλαιάν
 καὶ καινὴν. At quid tandem Autor per μετένοιον ἀπὸ νεκρῶν
 ἔργων καὶ πίσιν εἰς Θεὸν intelligit? Credit, designari id, quod
 per circumcisionem fuerit indicatum. Per βαπτισμῶν διδασχὴν
 intelligit prescriptum de lotionibus crebris. Ἐπίθεσις χειρῶν,
 ipso iudice, denotat consuetudinem imponendi manus capiti
 viâris piacularis. Ἀνάστασιν νεκρῶν putat esse conservationem
 Israelitarum in vita, dum Ægyptiorum primogeniti perierunt,
 ob Ps. CV, 37, CVII, 18. Requiritur hic nativam vocum po-
 testatem, earumque latitudinem, haud facile intra angustias con-
 jiciendam. Θεμέλιον κτίματος αἰώνις exponit de severioribus
 minis ac condemnationibus, per varias mundi ætates continua
 serie propagatis. Credent alii, doctrinam de mortuorum re-
 surrectione, & æterna impiorum damnatione, stante priori œco-
 nomia, symbolis typisque variis fuisse depictam & representa-
 tam, nec a claritate vocum nimis esse recedendum. Eadem

- Fag. 122.** ratione e typis elucet necessitas poenitentiae & fidei in Deum. Nisi brevioribus hic nobis esse liberet, typos illos evoluturi essemus. *Dissertatione octava* exponit Autor definitionem fidei in Christum, ad *Ebr. XI, 1*. Sociniani putant, ibi *fidem generalem* determinari, haud specialem. Nostri e contrario contendunt, fiduciam, in *λύτρω*, ab eo ex asse soluto, defixam, ista definitione esse explicatam. Liceat nobis profiteri, utramque hic conjungi, eumque in finem *Paulum* expromississe definitionem ita latam, minusque restrictam. *Abelem* fide obtulisse Deo sacrificium jucundum, ibidem docemur. At qui bestia jugulata Deo placere potest, nisi ob ejus jussu & promissionem, in Christo stabilitam, in quo veluti in radice omnes Dei promissiones sunt firmæ & constructæ? Quis credet, Deum esse *μυσθαιπρόδότην* pacto alio, ac illo, quod pro norma & forma jam in protevangelio patefecit? Certe non est in alio salus atque in Christo *Act. IV, 12*, eademque fuit fundamenti fidei ratio stante foedere antiquo, *XV, 11*, *Ebr. XIII, 8*. *Isaaci* immolationem destinatam *Paulus* indicat fuisse imaginem rei altioris, *παράβολήν*, *Ebr. XI, 19*. Quis vero ad ruinam mœnium Hierichuntis requireret fidem specialem? Sufficit illud *Pauli 2 Cor. I, 20*: *Quot & quantæcunque sunt Dei promissiones, ipsæ in Christo sunt τὸ ναὶ & in ipso sunt τὸ ἀμήν*. Fidei generalis, Deo probatæ, hoc est fundamentum & fulcrum. Neminem fugit, dissentientibus haud opponenda esse argumenta nimis longe petita. Dum vero illa fides, quæ *Capite XI Epistola ad Hebræos* describitur, non discrepat ab ea, cujus princeps & consummator est *Iesus, XII, 1*.
- 240.** a *Capite undecimo* fides specialis excludi non potest, licet ipsa passim *mediate & per consequentiam* sit intelligenda. Pergit Autor: *Forſitan plus laboris ac molestiae nobis asſerre putabis, si obvertas, de mundo condito quæ leguntur versu tertio, quid, obsecro, faciunt ad fidem in Christum?* Licet vero doceat, interventu nonnullius argumentationis fidem specialem a contemplatione creationis salutari haud removeri posse, tamen hæc sub-
241. jicit: *Si dicendum, quod res est, mihi persuasum habeo, in ſcopa hujus Capituli pariter, ac totius Epistolæ, in dicta quoque*

parallela, cogitationem meam conferens, non de mundo physico hæc accipienda esse verba, id vero potius agere Paulum intelligo, ut consummationem antiqui fœderis, & novi cum illo convenientiam, nos doceat. Idem jam succurrerat menti Pl. Rev. G. L. Oederi, cujus in demonstrationis modo Autor nonnihil requirit. Nobis videntur ea conjungenda, quæ viri summi conjungunt. Paulus non differit Ebr. XI, 3, de mundo, quæ Theologiæ naturalis objecto, sed de re, quæ ad illustrandam fidem & generalem & specialem facit, quemadmodum ex scopo ejus patet. Dissertit igitur de mundo, quæ redemptionis a Jesu factæ objecto, variisque periodis gubernationis ac œconomix fœderalis, quæ huic mundo, in quo versamur, ob Christi beneficia & promerita sunt insertæ. Mundus hic simpliciter vocatur ab adjuncto, nempe periodo durationis notabiliore, αἰὼν ἑστος. Mundo autem, quæ is plures complectitur periodos gubernationis ac vicissitudines œconomix, impertit Apostolus nomen τῶν αἰώνων Ebr. I, 2, Deoque attribuit durationem εἰς αἰῶνας τῶν αἰώνων. Abstracta non existunt, nisi existant concreta, nec existunt αἰῶνες, nisi exstet mundus resque creata. Notio itaque relativæ inest voci αἰὼν. Deo certe tribui non possent αἰῶνες, nisi in respectu ad res creatas. Ipse enim vicissitudinis ac periodorum per sese est expers. Facilia hoc modo sunt verba Pauli, quæ, quemadmodum historia creationis reliquis exemplis & historiis respectu temporis prior est, ideoque hisce a Paulo præmissa fuit, hunc fundunt sensum: Fide, quæ fuit definita v. 1, perspicimus, concinne constitutas esse mundi periodos per verbum Dei, eum in finem, ut ea, quæ sunt conspicua, non existerent ex eis, quæ apparent, id est, existerent ex eis, quæ non apparent. Periodi illæ, fidem divinam respicientes, pertinent ad omnem mundum, siquidem regnum naturæ cœpit & perdurat ob regnum gloriæ inde amplificandum & constituendum. Ob Christocratiam periodi ejus, qui adhuc exstat, mundi sunt stabilitæ, nec sub ejus exordio tantum, sed etiam inter progressum conservationis ea, quæ sensibus animoque cernuntur, ex illis profluunt fluminibus & evolvuntur, quæ antea non apparebant. De pri-

- mo hujus rerum universitatis ortu quando verba facit Apostolus, verba sunt Autoris, non scribit, μή φαινόμενα, sed, quod res est, τὰ μὴ ὄντα, Rom. IV, 17. Licet autem posterius sit verum, prius tamen inde non collabscit; dantur enim multa monadica. Suffecerit, hic opponi τὰ βλέπόμενα & τὰ μὴ φαινόμενα. Priora sunt ea, quæ existunt & cernuntur; posteriora sunt, quæ non apparent, sive ea nondum existant, sive nondum cernantur.
- Pag. 155. *Dissertatio nona* inscribitur *de necessaria ad salutem fide*, ad Ebr. XII, 14, quam ea soliditate intelleximus elaboratam, ut digna sit, quæ tota legatur. Ad vocem ἀγιασμὸς duas sciscit regulas: 1) Quando ἀγιασμός a fide & justificatione secernitur, & ita quidem, ut huic utrique postponatur, tum renovationem animi haud dubie denotat, c. g. 1 Cor. I, 30; 2) Sicubi ἀγιασμός ante justificationem nominatur, ibi fidei donationem designat, c. g. 1 Pet. I, 2, 2 Thess. II, 13. In Epistola ad Ebræos ἀγιασμός refertur ad sacrificium, quod unus Nov. Test. Pontifex maximus Patri pro nobis obrulit, atque ad imputatam Christi iustitiam, II, 11, 18, IX, 13, X, 14, XIII, 12, X, 10. Si quid nobis addere licet, ἀγιασμός est declaratio puritatis, a Deo profecta. Voci ἀγιάζειν substituitur vox καθαρίζειν Ebr. IX, 13, 14. Illa declaratio peragitur 1) per redemptionis gratiam partam, 2) fide susceptam, 3) vitæ ipsius conformatione expressam. Hinc vocis triplex acceptio fuit exorta, quarum secunda includit primam, & tertia primam ac secundam. Succedit tandem *Dissertatio decima de differentiis verborum sacrorum in contextu*, monens, Christum dici *sedere ad dextram Dei*, qua Regem & Judicem, sed *stare a dextra Dei*, qua Sacerdotem summum, licet & Sacerdos ipse summus perhibeatur sedere ἐν δεξιᾷ Θεῶ, eo quod ipse est Sacerdos, simul regia conspicuus dignitate. Sciscit hanc regulam principem: *Certe mihi persuasum habeo, raro, si unquam, sacris in literis verba duo, nedum plura, confociata deprehendi, prorsus idem dicentia, sed, sicubi voces conjungantur phrasæque, ejusdem speciem significationis præ se ferentes, tum plerumque in illis aliquid inesse discriminis, bona ac perspicacis mentis accurratione eruendum.*
- Eu-

Enumerat & illustrat initio varia hujus discrepantiæ genera. Deinde fontes genuinos indicat, unde omnis differentię cognitio sit haurienda. Tum cautiones commendat, tanto in negotio minime negligendas. Denique & fructum ex eo percipiendum proponit. Qui rei exegeticæ sacræ dant operam, vel Lexicis sacris conscribendis, vel supplendis, dant operam, ii hic invenient varia, quibus loculos suos ditare possint. Nostrum est, publice profiteri, elegantiam dictionis, ordinem tractationum, moderationem in refellendo, cautionem in proponendis novis exegeisibus, ac mentem ad usus pios respicientem, ubique in Pl. Rev. Autore, ejusque scriptis, esse eam, quæ sese non possit non omnibus bonis merito suo commendare. Huc imprimis ii accedant necessum est, qui haud verentur Codici sacro vitiosas affingere tautologias. Deum precamur, ut S. Rev. Autori, quem nunc in præcipuis Academiæ nostræ ornamentis numeramus, & boni omnes in oculis constanter ferunt, corporis animique vires in seros annos integras ac firmas servet; quo ipso futurum auguramur, ut ex nobili hac officina plurima prodire cultissimæ doctrinæ specimina, remque sacram adversus insanos pessimorum hominum impetus diu animosam invictamque stare, non videamus tantum, sed mirifice etiam lætemur.

NOVA LITERARIA.

Quam ad Viros eruditos haud ita pridem Epistolam, præclarum & gloriosum literis institutum, ex nobilissimo Vaticanæ Codicis *Virgilii* Carmina edendi, significantem, dedit *Petrus Franciscus Fogginius*, in Seminario Florentino publicus Eloquentiæ Professor, eam hic, quod digna sit, quæ per cultiorem terrarum orbem feratur, legendam omnibus damus: Ex Typographio *Manniano* sumtuosum opus, sed novitate sua & utilitate *Vobis* futurum, ut spero, gratissimum, proximo anno, si Deus bene vertat, in lucem edam *P. Virgilii Maronis* Codicem, qui *Turcii Rusii Aproniani*, Viri Clarissimi, olim fuit, & nunc in Bibliotheca Laurentiana asservatur, Codicem *unum instar omnium*, qui *parem vetustate nullum per Europam universam habeat*, ut de eo jure & merito *Nicolaus Heinſius* pro-

NUM-

„nuntiavit, literarum forma, versum in unaquaque pagina
 „& numero & ordine, apicibus ipsis, & ipsis etiam erro-
 „ribus, & lituris, & emendationibus, religiose servatis, rei fa-
 „miliaris, laboris, & diligentiae, in publicum commodum non
 „avarus, nitidissimis typis imprimendum curavi, ita, ut, quisquis
 „apud se habeat *Virgilii* a me editi exemplum, Codicem ipsum
 „pretiosissimum Laurentianum apud se habere, jactare possit.
 „Volumini, in quo erant Bucolica, Georgica, & Heroica *Vir-*
 „gilii, prout ea exhibet Codex Laurentianus, volumen aliud
 „comes ibit, conjecturas de quibusdam male habitis in Codice
 „locis continens, & Dissertationes de antiquitate & orthogra-
 „phia ejusdem Codicis; de usu veterum in libris scribendis;
 „de antiquioribus aliis *Virgilii* Codicibus, & praecipue de o-
 „mnibus illis, qui in Florentinis Bibliothecis asservantur; qui-
 „bus omnibus nonnullae accedent Tabulae, aeri diligenter incisae,
 „variā antiquarum literarum formam representantes; & illas
 „inter altera paginam integram ipsius *Virgilii Laurentiani*, al-
 „tera vero literarum nexus, in eodem Codice passim occurren-
 „tes, exhibebit. Utrumque Volumen in charta minus nobili
 „Julios, ut ajunt, Romanos 24 valebit, in charta nobiliori
 „30, in qua tamen 100 tantummodo exempla impressa sunt.
 „Verum, si quis Operis emtorem se fore profiteatur, antequam
 „Opus ipsum conficiatur, pretio Juliorum 18 exempla chartae
 „minus nobilis, & 24 exempla chartae nobilioris, obtinebit,
 „dummodo tamen dimidiam pretii partem nunc solvat, dimi-
 „diam soluturus, ipsum Opus recipiens. Exstant & exempla 12
 „in membrana, sed his pretium statui neque dum potuit;
 „unde ob id solum nuntiare placuit, ut notum sit, quod sin-
 „gula stabunt minoris primo emtori, quam secundo, minoris
 „item huic, quam tertio, &c. Valete. Florentiae, Cal. Sext.
 „A. 1740. Plausu publico prosequimur dignissimum omni plau-
 „su & congratulatione Celeberrimi *Foggini* consilium, cui exe-
 „quendo haud eum esse imparem, ipsa, quae non vulgaris est per
 „Italiam, Viri fama, & edita ab eo praecleara scripta, nos jubent
 „certissime existimare. Cedat & hoc institutum in magnum do-
 „cti orbis commodum, & salutem literarum, ex animo
 „precamur.



NOVA ACTA ERUDITORUM,

publicata Lipsiæ

Calendis Junii Anno MDCCXLI.

Pars II.

*BULLÆ, PRIVILEGIA, ET INSTRUMENTA
Panormitanæ Metropolitanæ Ecclesiæ, regni Siciliæ
primariæ, collecta, notisque illustrata, ab ANTONINO
MONGITORE, Panormitano, ejusdem Ecclesiæ Ca-
nonico, Judice Synodali, ac sanctissimæ Inquisitio-
nis in regno Siciliæ Qualificatore
& Consultore.*

Panormi, typis Angeli Felicella, 1734, fol.

Alph. 3 plag. 16.

Est hæc insignis seculi nostri felicitas, quod præstantissimorum opulentissimorumque scriniorum usus fiat omnium communis, & fores tabulariorum, patribus nostris occlusæ, nobis etiam absentibus recludantur. Cum enim in istis abdere sese latebris & difficile sit & operosum, prætereaque largiores impensas postulet, non potest non voluptati cedere orbi literato, si ex ultimis terrarum angulis cimelia hujuscemodi, eorum beneficio, quibus cura tabulariorum est concredita, accipiat. Pauci ex illis, qui peregrinas lustrant provincias, ad littus Siculum pertingunt, paucioribus ad reconditos, qui in urbibus Siciliæ servantur, thesauros patet aditus. Singulares igitur gratiæ Reverendissimo debentur *Mongitori*, insigne variorum Diplomatum volumen exhibenti, quod, quamvis ad Panormitanam ecclesiam proprie pertineat, simul tamen variis rebus, quæ &

U u

scitu

- scitu sunt utiles, & lectu jucundæ, veluti gemmulis, distinguitur.
- Pag. 10. Dignum præfamine honoris est nomen *Alphonfi Ferdinandi de Medrano*, Ecclesiæ Panormitanæ Thesaurarii, qui *Mongitori* nostro autor suæque operis perficiendi exstitit, atque hoc simul auctoritate effecit sua, ut in vetustioribus chartis characteres, prout in tabulis originalibus exhibentur, manerent, recentiora autem Diplomata, in quibus eadem antiquata scribendi ratio pro sedis Apostolicæ more apparebat, ad seculi nostri genium accommodarentur. Operi Dissertationem præmisit Rev. *Mongitor*, quæ prærogativas Panormitanæ Ecclesiæ persequitur, atque primam ab origine Apostolica, alteram a jure metropolitico, tertiam a coronatione Regum, quartam a magnificentia sepulchrorum, quintam a multitudine Sanctorum, petit. Conditam a D. Petro
- §. 1.
Pag. 12. Panormi Ecclesiam, religiose magis, quam vere, contendit. Etenim & scriptores, quorum utitur testimonio, ab antiquissima hac ætate nimium sejuncti, & argumenta, quæ in subsidium adhibet, ita omnino sunt comparata, ut veritatem supponant a logicæ artis doctoribus dudum explosam, quippe qui, a possibilitate ad existentiam valide duci consecutionem, pernegant. Primum ratiocinium ita se habet: Apostoli regimen ecclesiæ ad modum imperii civilis composuerunt, & urbibus, quæ præ ceteris eminebant, Episcopos dederunt. Cum ergo Panormus in civitatibus Siciliæ primum principemque locum teneat, & jam olim, ubi omnis provincia Carthaginensibus parebat, obtinuerit, subsumit, ipsi quoque datum a sanctoribus
- §5. Jesu Christi legatis præfulem. Pergit secundo: Apostoli in illis præcipue urbibus Episcopos collocarunt, quæ spurcissimis paganismi fœditatibus fuerant inundatæ. Atqui talem sibi Panormus præ aliis maculam inusserat, cum, *Tullio* in *Verrinis* teste, & idola quam plurima veneraretur, & innumeras flaminum ethnicorum sodalitates aleret. Ergo & præ aliis Episcopum accepit. Sequitur tertia ratiocinatio: Fuit D. *Petrus* in Sicilia; ergo & Panormi. Si quis scire aveat, quem veritatis fidejussorem sponsoremque det Autor, ut *Petri* in Sicilia ap-pulsus evincat, receptum habebit viarum ordinem, quem & e præcis plurimi tenuerunt, & nostra ætate navigantes ex Africa
- servare

fervare solent. *Quarto* ad auctoritatem *Baronii* eorumque, qui Pag. 23.
 ex illo sua hausserunt, veluti ad lapidem *Lydiu* asserti sui ve-
 ritatem exigit, ex quo cum didicerit, *Petrum* in *Sicilia* *Epi-*
scopos instituisse quatuor, *Pancratium* videlicet, *Martianum*,
Beryllum, & *Philippum*, extemplo veri existimat simillimum, 21.
Pancratio *Tauromenium*, *Martiano* *Syracusas*, *Beryllo* *Catanam*, *Phi-*
lippo *Panormum*, obvenisse. *Quinto* *Canones* *Concilii* *provincia-*
lis *Siculi*, A. 125 habiti, quos *Steph. Baluzius* evulgavit, appel-
 lat, eosque vel ideo cariores auro scribit, quod mentionem *Pa-*
normitani *Præfulis* injiciunt. *Sexto* *præsidium* quærit in anti-
 quissimis, quæ *Panormi* exstant, religionis *Christianæ* vestigiis. 24.
 Namque natam ibi *S. Agatham* deprehendit, quæ circa A. 254
martyrium passa legitur. *Septimo* de suffragio latatur traditio-
 nis, quippe quam pro more eorum, qui *Romano* *Præfuli* ob-
 sequia sponponderunt, indubium veritatis indicem pronuntiat.
Octavum denique firmamentum opinioni suæ ex fabula anili *con-*
ciliare studet, quæ traditur, *S. Philippum* *Argyrensem*, quem 27.
D. Petrus in *Siciliam* ablegavit, virtute precum suarum id a di-
 vino Numine impetrasse, ut uxor nobilis *Panormitani*, per annos
 quamplurimos sterilitate laborans, puerum in lucem ederet.
 Adeo historiola hæc, lepida sane, *Mongitori* nostro arrisit, ut
 de ipsius veritate *Jovem* jurare lapidem, & si qui forte forent
 increduli, sciorum opprobrio eos dehonestare, nullus dubi-
 taret; quamvis *Critici* quoque *Romanis* addicti ceremoniis, in-
 que his doctissimi *Actorum Sanctorum* compilatores, de ejus certa
 ratione dubitent, ni eandem penitus rejiciant. Quis non
 ex hæcenus disputatis intelligit, *Rev. Mongitorem* pietati majus,
 quam criticæ arti, pretium statuere. *Altera* *Ecclesiæ* *Panormi-*
tanæ prerogativa sita est in jure metropolitico, quod ipsi statim §. 2
pag. 34.
 post ætatem *Gregorii M.* datum, præeunte *Pirro*, statuit *Au-*
tor. Potissimam dignitatem *Bulla* *Honorii IV*, Pont. Rom. Be-
 neventi d. 6 id. Julii A. 1156 data, attulit, cum primum *Pa-*
normo locum inter sacras regni *Siculi* metropoles adjudicaret.
 Tuetur illum in antiquo Codice provinciali *Cancellariæ* *Aposto-*
licæ, quem *Hub. Miræus* in *Notitia Episcoporum orbis Christiani*
Lib. II pag. 69 evulgavit. Contigit etiam is metropolitani *Pa-*
normi

- normi honos, ut bini ex iis ad Apostolicæ Sedis fastigium eveherentur. *Tertiam coronatio Regum* ecclesiæ largitur eminentiam.
- §. 3. *pag. 41.* Est ad templum Panormitanum, quod *Gualterius*, Archiepiscopus evertit, Sacellum, Mariæ virginis inscriptum ac dedicatum, in cuius janua, quæ soli meridiano est objecta, cælatus legitur
- 42 seq. titulus: *Hic olim Siculo corona Regi.* In hoc sacrario Reges Siciliæ a *Rogério*, qui bis, nimirum A. 1129 d. 25 Maji, iterumque A. 1130 d. 24 Decembris, sacro chrismate inuctus est, ad *Martinum* usque juniorem, id est, ad annum 1398, coronam regiam a manibus Archiepiscopi acceperunt; accepit & nostra ætate anno hujus Seculi tertio decimo *Victor Amadeus*, qui postea per pacificationem cum Sardinæ regno Siciliam commutavit.
- §. 4. *pag. 49.* *Quartam* ecclesiæ Panormitanæ eminentiam Autor ab *Imperatorum Regumque monumentis* conciliare studet. Adsunt etenim sepulchra quatuor porphyretica, unum *Rogerii*, alterum *Henrici VI*, tertium *Friderici II*, quartum *Constantiæ*, Imperatricis, thori *Henriciani* sociæ. Spectantur & marmorea bina, quorum alterum *Constantiam*, uxorem *Friderici II*, eandemque Siciliæ Reginam, alterum *Guilielmum*, filium Cæsaris, in spem tantæ fortunæ genitum, sed præmatura morte extinctum, condit.
- §. 5. *pag. 51* *De quinto* ecclesiæ Panormitanæ ornamento, *Sanctis* nimirum, quibus ea superbit, viris, rectius intra fines regni Siculi, quam inter nos, tanta Evangelii purioris luce collustratos, disputatur. Ipsi Operi nec placet, nec juvat, diutius inhærare. Paucissima Diplomata, vetustiora inprimis, nunc primum in orbem literatum prodeunt, sed maximam partem apud *Rochum Pirrum* & *Augustinum Inregem*, quorum Opera *Ludovicus Antonius Muratorius Tomo X Script. rerum Italicarum* inseruit, inveniuntur. Neque tamen ideo honore suo privandus est liber *Mongitoris*, qui & juncta exhibet, quæ antea seorsim descripta typis legebantur, & cum autographis edita
55. contulit, & nova quædam, etsi pauciora, adjecit. Ita primus chartam *Gualterii*, Archiepiscopi Panormitani, de A. 1189, qua *Rainaldo*, Notario, casale Calabria, quod lacus Nicoteræ dicitur, consentiente Capitulo in dies vitæ concessit, e tenebris
- 106 & 148. protrahens, tinearum convivio eripuit. Descripsit etiam pri-

mus insignes, quas Ecclesia a *Friderico II* Cæsare A. 1147, & a *Friderico III* A. 1303, accepit, privilegiorum suorum confirmationes. Subjectæ sunt chartis singulis annotationes, quæ ad cognoscendam vocum barbararum notionem, & artem diplomaticam, illustrandam faciunt. Est enim hic potior talium compilationum usus, ut assidua lectione exercitatus genuina a supposititiis secernat, & receptam ea ætate scribendi rationem cognitam sibi familiaremque reddat istarum literarum studiosus. Quo utrumque præstaret, operam dedit Rev. Autor. Sic ad Pag. 32. Diploma *Rogerii*, Regis, de A. 1145 observavit, vocem *sigilli* chartam mediæ ætatis nonnunquam denotare. Egregia inprimis signa sunt, quæ hinc inde ad chalcem Diplomatum æri incisa deprehenduntur. Fulget præ ceteris, velut inter ignes lumen minores, sigillum *Guilielmi*, Regis, cujus altera pars memoriam *Rogerii*, a quo Siciliæ regnum sua ducit primordia, innuat. Nec indignum est commemoratione *Henrici VI*, Cæsaris, Monogramma, cujus talem structuram novissimi quoque Monogrammatum consarcinatores ignorarunt.

DISCOURS HISTORIQUES, CRITIQUES, THEOLOGIQUES, & moraux, sur les evenemens les plus memorables du Vieux & du Nouveau Testament, &c.

hoc est,

COMMENTATIONES HISTORICÆ, CRITICÆ, theologicæ, & morales, in facta memoratu dignissima Veteris ac Novi Testamenti, opera SAURINI, Ecclesiastæ Hagensis.

Tomus IV & V.

Hagæ Comitum, impensis Petri de Hondt, 1730 & 1736, 8.

Tom. IV Alph. 1 plag. 12, Tom. V Alph. 1 plag. 9.

Opus, quod splendore, argumento, elaborationis diligentia, ac rerum amœnissimarum varietate, multis intervallis reliqua ejusmodi scripta post se relinquit, non possumus non laudibus justissimis persequi, ejusque continuationem huc transferre, in compendium relatum. Tomi IV hæc est summa. Offerunt

Uu 3

se

se hic lectoribus tractationes de natali *Simfonis*, de variis ejus facinoribus ac morte, de idololatria *Micha* ac Danitarum, de *Rutha*, *Naemiam* in Judææ terras secuta, de *Rutha* spicilegium instituyente in campo *Boozi*, de matrimonio *Boozi* cum *Rutha*, de nativitate *Samuelis*, ac dissoluta filiorum *Eli* vita, de Israelitis per Philistæos profligatis, de reditu arcæ fœderis in regionem Judææ, de Israelitis Regem poscentibus, de inâuguratione *Sauli*, de Israelitis Gibæ plorantibus, de *Samuele* pluviam divinitus exhibente intra messis tempus, de *Jonathane* præfidiarios Philistæorum repellente, de *Saulo* Regi *Agog* parcente, ac prædæ ex Amalecitis relatæ studioso, de *Samuele Davidem* ungente.

Pag. 322. Inserta hic apparet de *Mendacio* folers *Dissertatio*. Disseruit posthæc *Saurinus* de certamine singulari *Davidis* cum *Goliatho*, de diversis *Sauli* insidiis in *Davidem* conceptis, de eis continuatis, de *Abigaila Davidem* adeunte, de receptu *Davidis* in terras Regis *Achis*, ac de morte *Sauli*. *Tomum quintum* elaboravit Rev. *Roques*, Ecclesiæ Gallicæ Basileensis Pastor, siquidem, *Tomo quarto* in lucem producto, *Saurinus* ille, seculi sui decus, eloquentiæ apparatus, multijugæ lectionis penuarium, Philosophiæ ac Theologiæ ornamentum, deposuit exuvias mortalitatis. Dignus utique Viro tanto successor existit Rev. *Roques*, quicquid tandem in Præfatione, *Tomo V* præmissa, loco extenuationis sui attulerit. Hic æque abstinuit sese a controversiis quibuscunque, quæ discidia Christianorum creant vel propagant. Hic pariter ad figuras æri incisas ita commentatus fuit, ut cognata ac affinia simul exposuerit momenta. Hic æque in usus suos adhibuit divitias peregrinas ac Scriptorum præstantissimorum gazas, fassus tamen ingenue, *Saurinum* ipsi antecelluisse numerosa ac selectissima Bibliotheca. Hic æque usus fuit translatione Bibliorum Genevensi. In eo autem *Roguius* a *Saurino* dissentit, quod hic sapissime argumentis utrimque allatis æquilibrium servat, nec, utram opinionem præferat, clare definit, ille autem verisimilitudinem expiscatur, ubi certi quid haud videtur dilucere. Hic philologica, ac verba Autorum, translata in Gallicum, assumsit in contextum, artificiose cavens, ne aridus videretur; ille autem contrarium in hoc momento

mento tenet. Hic deliramenta Judæorum exegetica sæpius produxit; ille ab eis sese abstinuit, inutilibus plerumque, nec ad regulas criticas conformatis, nisi res ipsa id flagitaret. *Brutellus de la Rivière*, Ecclesiastes Gallicus Amstelodamensis, hinc inde *Roqui* elaborationem ornavit, ac stilum passim moderatus fuit. *Tomo quinto* hæc continentur argumenta. Agitur ibi de clade Amalekitis illata, de indole *Davidis* erga *Sauli* percussorem, de factis *Davidis* nonnullis, ejusque expeditione bellica in *Hannone*, Ammonitarum Regem, nec non de arca fœderis translata, de adulterio *Davidis*, de pœnis divinitus in *Davidem* irrogatis, ac morte *Davidis*, de *Salomonis* pietate ac propter rebus, nec non Regina Sabeensi ad *Salomonem* accedente, de vaticinio *Abie* ad *Jeroboamum*, ejusque eventu, de leone, qui immorigerum neci dedit, de *Eliu* a corvis nutrito, de actionibus *Eliæ* reliquis atque in cœlos evectione. Hæc est *Tomi* utriusque summa. Jam vero nihil restat, nisi ut ea delibemus, quæ memoratu sunt digniora. *Saurini* cogitata de Naziræatu sunt admodum exquisita. *Spencerum* is refellit, qui ex *Amoso II, 11*, ivit comprobatum, adolescentes sese inprimis voto Naziræatus adstrinxisse. Verticem rasisse barbamque primum posuisse homines, a vera religione femotos, voto ad pericula depellenda nuncupato, ipse demonstrat copiose ex *Juvenale Sat. XII, 81*, *Suetonio in Cajo Cap. 10*, ac in *Nerone Cap. 12*, *Luciano de Dea Syra pag. 684*, *Petronii Satyr. Cap. 107*, *Hesychio in Ἀναξίπεια*, ac *Pollucis Onomastico Tomo I Lib. VI Cap. 17 §. 102*. Addit idem, *Spencerum* rebus suis male consuluisset, dum, Ebræos votum Naziræatus ab exteris gentibus traduxisset & adscivisset, existimavit. Angelum, cujus nomen erat *admirabile*, merito reputat pro Messia. In leonis dilacerati ac exsiccati cadavere apes domicilium sibi delegisse, adeo ipsi haud videtur insulsum, ut rem potius illustret exemplis aliunde defumtis, de reliquo negaverit, insecta oriri ex carne animantium per sese considerata. De vulpibus *Simsonis* ex Vulpinalibus veteris Romæ egregie exponit. Opinionem *Hermanni von der Hardt*, qui vulpibus pugillos stramineos substituit, refutat. De voce מכתש in utramque partem disserit, ac relinquit id in ambi-

Tom. I
pag. 5.

13.

15.

18.

22.

31.

49.

52.

- Pag. 58. ambiguo, utrum in historia *Simfonis* per eam designetur mandibulum, an locus quidam, ex cavo situ ita dictus. Investigat originem ritus, quo raduntur eis pili ac crines, qui in crimen
68. magix diabolicæ vocantur. De commentitio Numine Dagon
76. egregia affert & diligenter conquistata. *Jurians Dagonem* pro *Neptuno*, & hunc pro *Japheto*, ex *פפפ*, *elargiendo*, habuit. Noster eum pro semi-pisce & semi-homine habet. Deridendos arbitratur eos, qui, templum Dagonis potuisse inniti columnis
79. duabus, negant. An *Simfon* fuerit Christi typus, disquirat. Similitudinem haud unam designat, typum vero Christi in *Simfone* querendum esse inficiatur. *Herculis Thebani* historiam ad imitationem *Simfoneæ* effictam fuisse, probabilissime persuadet. *Micham* sacra fecisse Numini vero, at modulis peregrinis, ipse satis
102. dilucide ostendit ex *Jud. XVII, 3*. A Danitis occupata *Lais* seu *Lefchem* urbs jam *Mosi* apparuit vaticinanti *Deut. XXXIII, 22*. Locum *Jud. XVIII, 30, 31*, nec a *Calmeto*, nec a Nostro, ad
107. liquidum fuisse deductum, aperte fatemur. Credimus vero, ibi mentionem fieri de *Levitis*, in oppido *Lais* seu *Lefchem* ministeria extranei cultus Deo vero ad exilium usque *Affyriacum* continuantibus. Septingentos illos homines, de quibus *Jud. XX, 16*, legitur, merito Autor negat fuisse dextra mutilatos.
117. Vox enim *Ebraica* notat exercitatos in arte sagittandi. Locum, in quo *Ammonitæ* & *Moabitæ* perhibentur usque ad decimam generationem a concilio *Æterni* submovendi, *Deut. XXIII, 3*, ipse verisimiliter de munere judicis haud obeundo exponit.
- 136 seq. Memoratu dignum, *Judæos* veteres per verba *Ruth II, 14, tinge bolum tuum in aceto*, allegorice ad dolores *Messix* traxisse. Ea
145. enim expositio elucet ex *Midrasch* ad eum locum. Legem, de *Leviratu Lev. XXV, Deut. XXV, 5*, latam, Autor Beatus enodavit, diligentia haud mediocri usus. Nocturnum *Ruthæ* ad *Boos* dormientis tegmen accessum exponit de instinctu extraordinariæ
154. virtutis. Attulit literas, quarum formula *Judæi* in eum, qui juri *Leviratus* satisfacere, licet debuerit, recusaverat, fuerunt usi.
159. Formulam illam vulgo *Judæi* vocant *libellum disalcationis*. Ad locum *1 Sam. II, 25*, monet, abesse a se compluribusque *Reformatorum* cœtibus eam doctrinam, quæ dictitat, homines criminibus sese dedere efficiendis, quia sic Deus velit, ut justitiam
- suam

suam in exterminandis illis possit declarare. En verba: *Eccle-Pag. 175.*
sua nostra non habuerunt decreta Dei pro causa peccatorum ac per-
niciis hominum. Ii, qui hunc doctrinae complexum adoptant, do-
ctores sunt perpauci, qui Supralapsarii vocantur. Monet idem
simul, Jo. Franc. Buddeum in Hist. Eccl. Vet. Test. Tomo I Period. II
pag. 924 hoc Supralapsariorum systema minus recte universæ Re-
formatorum Ecclesiæ tribuisse. Arcam fœderis a Philistæis ex-
istimat in templum adductam, ut esset monumentum voti sui di-
vinis impetrati. Morbum עפול non desinit. De cultu
murium superstizioso nonnihil intexit, negans tamen, eum Phi-
listæis tribui posse. Quærit, qui fieri potuerit, ut in unico, eo-
que exiguo, oppido Bethschemesch vixerint tot viri, quot di-
cuntur nece divinitus immissa periisse 1 Sam. VI, 20. Verum
difficultatem movet, haud extricat. In Ebræo fonte sic legitur:
וַיִּבֶן בְּעַם שְׁבַעִים אֶת־שֹׁמֵרֹן הַלֵּל אֱלֹהֵי אִשְׂרָאֵל, quæ
verba sic judicamus exponenda: nece punivit (Deus) in populo
(Bethschemitarum) illo septuaginta viros, quinquaginta capita
familiarum, viros inquam. Plaga divina contacti interierunt
viri omnino septuaginta, & quidem ex his fuerunt principes
ac primores familiarum quinquaginta. Accentuationis signa
firmant hunc sensum. Vox vero הָלֵל sapius notat ducem ac
principem familie, hæcque annotatio est ejus generis, ut suffi-
ciat locis haud unis difficillimis feliciter exponendis. Jucun-
da lectu sunt exempla eorum, qui apud scriptores externos di-
cuntur variis plexi pœnis, eo quod arcas & abstrusa Deorum
loca temerario ausu inspexerant. Ritum effusæ in festo σινηο-
πηγίας aquæ ad Samuelis ætatem haud referendum esse, docet
Autor. Idem apud Josephum Ant. IV, 8, pag. 159, legendum mo-
net τῶν ἱδῶν καὶ νόμων διαφοραὶ, licet ibi vulgo legatur τῶν
ἱδῶν. Theocratiam a Deo fuisse in Judæos exercitam, solide
ostendit ex Jud. VIII, 22, 23, Hof. XIII, 9, 1 Sam. XII, 12, Num.
XXVII, 21. De Apotheosi veterum exponit jucunde. Verba
Samuelis, de eo, quod moderaturus erat eorum Rex novus,
modo regnandi prolata, negat-complecti jus regium, ratus, eis
inesse minas de malis, a Rege in populum Judaicum expromen-
dis. Magnorum corporum viros plurimis gentibus fuisse in
venera-

189.

199.

202.

204.

210.

217.

225.

249.

- Pag. 252. veneratione, ad *Sauli* inaugurationem annotat illustrandam.
256. *Cernentes* dicebantur quoque vaticiniorum antistites inter gentes
264. tes exteras. Autor ignorat, quinam sit locus *אֵלוֹן תָּבוֹר* 1 Sam. X, 3. At intelligitur *aulon*, seu *tractus campestris*, inde a monte Itabyrio seu Tabor procurrens usque ad juga montium Ephraimitidis. *Sauli* familia vocatur *מִשְׁפַּחַת הַכִּטָּיִם* 1 Sam. X, 21. Patrem *Sauli*, dictum *Kis*, hic appellari *Matrī*, existimat Noster.
271. Succurrit autem animo indoles nominum propriorum, eorumque cum He præfixo disconvenientia. Gentile nomen hic haud est præsto. Restat itaque, ut appellativum lateat in *Matbri*, quod Lexicographis ad ætatem nostram mansit incompertum.
290. Autor in solvendo, nodo Chronologico, 1 Sam. XIII, 1, existente, operam collocavit multam, ac tandem in *Augusti Pfeifferi*, a quo
308. *Ufferius* haud admodum dissentit, opinione acquiescit. Id vero prorsus est incredibile, *Chavilam*, cujus sit mentio 1 Sam. XV, 7, prope Babylona esse quærendam. Amalekitæ domicilia ac tentoria incoluerunt inter Gazam & lacum Sirbonis, ac ipsi a *Saulo* fuerunt profligati inde a Chavila usque ad locum Sur. Quo ipso patescit, locum Chavila Judæis fuisse propiorem, locum Sur remotiorem, qui, ni existerit *Ostracinon*, certe ab eo
322. haud longe fuit disjunctus. Dissertatio, quam *Saurinus de Mendacio* exhibuit, attentionem lectoris meretur. Falsiloquium certis casibus esse tolerabile ac licitum, docuere *Grotius*, *Pufendorfius*, *Barbeyracius*, ac *Gravesandius*, quanta nomina! Mentiri vero, id est, in perniciem vel suam vel alterius data opera loqui aliter, ac res sese habet, vel jusjurandum edere alio sensu, ac eo, qui est in animo, rei que conformis, nunquam licet. Si possis salutem societatis ac aliorum promovere, certe periculum gravius falsiloquio avertere, nec societatem violas, nec in pacta de commercio mutuo inita peccas. Casus necessitatis parit hic exceptionem a regula. Nemo sanè dixerit, esse alteri jus in conscientiam meam tale, ut omnem rei veritatem, exitiosam quoque, ipsi debeam revelare & aperire. Obligati sumus ad ea alteri enuntianda, quæ prosunt ipsi aliisque, quæ gloriam Dei augent & conservant, quæ sunt honestati, indigentia, & ornamento. Si qua hisce sunt opposita & adversa, ea sunt
- filenda

filenda vel dissimulanda, ac, si aliter ea tegere non valemus, falsiloquio claudenda. Hæc est summa Dissertationis. Ingreditur simul Pag. 331.

Autor expositionem facti, quo *Rahab* consecratoribus exploratorum veritatem haud aperuit, contra vero falsiloquio fuit usa, ut exploratorum vitæ consuleret conservandæ. Provocat deinde ad exemplum obstetricum Ægyptiarum, & ad *Samuelis* exemplum 1 *Sam. XVI, 2*. Actiones ajunt esse vel per sese indifferentes, vel per sese bonas, vel per sese vitiosas. Addit Autor, dari actiones quasdam ordinarie & plerumque malas, quarum indoles ob circumstantias unum ac alterum momentum mutari possit.

Ad hanc classem refert mendacium. Objectiones quoque reliquas responsionibus instruit sat luculentis. Subjungit tandem hoc judicium, perhibens, sententiam Theologorum fere communem posse defendi ac venerabilem esse; opinionem nihilo minus ei adversam argumenta prioris sententiæ redigere ad æquilibrium.

Addit axioma morale: *Si casus conscientia occurrat tam difficilis, ut summa ingenia distineat, ipsum oportet tolerantia prosequi, nec discidio infestare.* Quod ipsum ad propositam accommodat questionem. Quanta sit vis Musices in corpus humanum, ostendit verbis *Georgii Baglivii*, Professoris Anatomies Romani, ac inde illustrat locum 1 *Sam. XVI, 15*. Lucernam redolet Epistola Ecclesiastæ ac Professoris Roterodamensis, *Du Mont*, qua apologiam adornavit *Davidis* indoli, in aula Regis *Achis* declaratæ, ratus, *Davidem* non finxisse delirium, sed præ metu amittendæ vitæ ad tempus incidisse in morbum comitalem. Alexandrinus Interpres & Vulgatus eum præierunt. Mutavit *David* faciem suam; collapsus est inter manus Philistæorum, & irruit in postem portæ. Vocem תורה exponit per irruere, & impingendo ac tremendo relinquere sui notas. Præterea *David* spumavit. Quæ sunt tria epilepsiæ signa, teste *Isidoro Orig. Lib. III Cap. 7*. Ipse *David*, eo malo liberatus, Deum collaudavit *Psalms XXXI, XXXIV, LVI, CXVI*. *Saurinus* credit, *Nabalem*, qui כלבי dicitur, indole canis insignem existisse. Crediderimus, subesse nomen gentile, non ex *Caleb* viro, sed loco sic dicto, decerptum. כשתין בקיר vulgo reddunt mientem in pariete. Videtur intelligendus is, qui ager decubuit ad parietem.

339.

346.

369.

394.

421.

- Pag. 439. *rietem*. In historia Pythiæ Endoreæ, quam *necromantin* vocat, *Saurinus* admodum est brevis, de modo rei nil commentatus præter allata necromantiæ exempla. Tandem vero apparitionem *Samuelis* ab Endorea evocati nec ad dæmonem, nec ad artes circulatorias, sed ad providentiam Dei specialem, refert, præeunte Alexandrino interprete 1 *Chron. X, 13*, & *Siracide XLVI, 20*. Et hæc ad *Saurinum*. Nunc vocat nos Pl. Rev. *Roques*, cujus laborem suffragiis ac approbatione omnium bonorum esse dignissimum, lubenti animo ut fateamur, veritas ipsa nos impellit. Licet enim is artem pingendi, ac eleganter cogitata variegandi, ad illum perfectionis gradum, quo illa pollebat B. *Saurinus*, haud videatur excoluisse; soliditas tamen, apta dictio, & genus compositæ scribendi, usquequaque dominantur, ac punctum ferunt omne. Cum *Tomum sextum* compendiosa recensione repetemus, speciminibus allatis Lectorem eo flexuros nos esse confidimus, ut in sententiam nostram discedat.

JOANNIS NICOLAI HERTII, JCTI, ANTECESSORIS PRIMARIJ, SENIORIS, & ACADEMIÆ GIEFFENSIS CANCELLARIJ, COMMENTATIONUM ATQUE OPUSCULORUM DE SELECTIS & RARIORIBUS EX JURISPRUDENTIA UNIVERSALI, PUBLICA, FEUDALI, & ROMANA, NEC NON HISTORIA GERMANICA, ARGUMENTIS, VOLUMINA TRIA. Ex MStis B. Auctoris edidit, correxit, & insigniter locupletavit,
JO. JACOBUS HOMBERGK.

Francofurti ad Mœnum, apud Jo. Benjam. Andreæ & Henricum Hort, 1737, 4 maj.

Alph. 11 plag. 12.

Celeberrimum fuit semper, dum in vivis esset, *Jo. Nicolai Hertii* nomen; erit etiam nullo non tempore fulgentissimum, quoad honos suus ipsis constabit literis. Sive enim varias Jurisprudentiæ disciplinas species, sive totum intueare artis differendi ambitum, ex utroque Casarem deprehendes *Hertium*.

Fuit

Fuit in illo tam amabilis trium mentis humanæ facultatum con-
sociatio, ut vix quisquam feliciorem memoriam, ingenium festi-
vius, iudicium magis subactum, habuerit, exercitatioemve ra-
tiocinandi potestatem demonstrarit. Quæ quo certiora sunt,
eo majori lætitia orbis eruditus excipit egregios, quos *Hertius*
larga manu obrulit, solidioris doctrinæ eximæque sedulitatis
fructus. Veniunt in hunc censum, & primo sane loco veniunt,
tria *Commentationum atque Opusculorum de selectis & rarioribus*
ex Jurisprudentia universali, publica, feudali, ac Romana, nec non
Historia Germanica, argumentis Volumina, quæ, nemine contra-
dicente, illud *Callimachi, μέγα βιβλίον μέγα κακόν*, falsitatis ar-
guunt, & quam parum certi sit in dideris vulgatis, sua præstan-
tia demonstrant. Maximo loco priorem editionem habuit li-
terata civitas, quam ipse, dum viveret, Autor anno hujus Se-
culi sexto decimo Francofurti, quod ad Mœnum situm est, typis
quam accuratissime describi curavit. Sed prodit nunc novo &
penitus immutato habitu laudatus, nec tamen pro merito cele-
bratus, liber, postquam spectatissimi cives, *Jo. Benjaminus An-
dree & Henricus Hortius*, ea, quæ a B. Autore adscripta exem-
plari suo, aut in singularibus schedis, ut fieri solet, adjecta pas-
sim fuerant, emtionis titulo a filio sibi compararunt, atque eru-
ditissimo *Joanni Jacobo Hombergkio* legenda, digerenda, ordi-
nandaque, tradiderunt. Non potuit non in publicæ ac literariæ
rei salutem cedere opus institutum, quod, ex tanti Viri ingenio
profectum, a Viro tot doctrinæ speciminibus dudum claro per-
fectum, & ad finem feliciter perductum est. Is enim novas ob-
servationes locis congruis inseruit, Opus universum titulis ad la-
tus adscriptis, qui *marginalium* nomine vulgo innotuerunt, distin-
xit, Indices editionis prioris auxit insigniter, & unum, eumque
generalem, loco plurium substituendo, usui lectorum melius, quam
ante factum fuerat, accommodavit. Dabimus primo singularem
Exercitationum titulos, deinde hujus editionis præ priori emi-
nentiam uno alterove specimine, ex *Dissertatione de Superiori-
tate territoriali* petito, illustrabimus. Continentur autem *Volu-
mine I* Dissertationes 1) *de Jurisprudentia universali*, 2) *de So-
cietate, primo naturalis Juris principio*, 3) *de Collisione legum*,

4) de *Lytro*, 5) de *Literis commeatus pro pace*, 6) de *Commeatu literarum*, 7) de *Matrimonio putativo*, 8) de *Modis constituendi civitates*, 9) de *eo, an summa rerum sit semper penes populum*, 10) de *Tutela regni*. Voluminis II *Commentatio* 1) agit de *Notitia singularis reipublicæ*, 2) de *Judicio revisorio*, 3) de *Specialibus Romano-Germanici imperii rebus publicis, earumque diversis nominibus ac figuris*, 4) de *Hominibus propriis*, 5) de *Superioritate territoriali*, 6) de *Subjectione territoriali*, 7) de *Consultationibus, legibus, & judiciis, in specialibus imperii Romano-Germanici rebus publicis*, 8) de *Electio-
ne Archiepiscopi Colonienfis*, 9) de *Feudo nobili*, 10) de *Feudis oblati*, 11) de *Fide Diplomatum Germaniæ Imperii ac Regum*. Volumen III, quod jura privata propius tangit, *Commentationibus* sequentibus distinguitur: 1) de *Lege, clausula, ne abrogari unquam possit, munita*, 2) de *transfitione privilegii personalis ad alios*, 3) de *Uno homine plures sustinente personas*, 4) de *Conventionibus dominii translativis*, 5) de *Pactio, ne dominus rem suam alienet*, 6) de *Ordine causarum in judicio tractandarum*, 7) de *Servitute factio constituta*, 8) de *Conditione indebiti civiliter, debiti naturaliter*, 9) de *Obligatione mandantis & mandatarii respectu tertii*, 10) de *Societate factio contracta*, 11) de *Frucluum persecutione in actionibus personalibus*, 12) de *Quasi possidente probante*, 13) de *Inspectione oculari*, 14) de *Herede occisi vindice*, 15) de *Prælegatis*, 16) de *Jure superficario*, 17) de *Obligatione alternativa debitori debita*, 18) de *Obligatione, alium daturum facturumve*. *Augmenta*, quæ magno numero passim reperiuntur, in *Notis* sunt adjecta omnia, textus vero integritati suæ, quam in priori editione habuerat, penitus relictus est. Atque id etiam in superius laudata de *Superioritate territoriali* *Diatriba* observatum, quanquam ex *Præfatione Hombergkiana* eam adeo immutatam crederes, ut vix *litera literæ* congruat. Sic, ubi in §. 13. varia de jure emigrandi tradita fuerunt, idem quoque *Bernates* aliosque *pagos Helvetiæ* subditis suis, religionem commutantibus, concedere, jam olim *Burnetum* in *Epistolis* tradidisse, & ex his *Acta* nostra copiosius reperiisse, observatum in *Nota recens adscripta* legimus. Sic ad eandem

eandem Paragraphum dubia quæstio, an, quæ contra Pacis Westphalicæ Instrumentum initæ cum subditis fuerunt a domino territoriali, pactiones vim virtutemque habeant, ænti calculo deciditur, faciem præferente *R. I. de A. 1654 §. 171*, qui talia Anhaltinæ domus pacta rata ac valitura pronuntiavit. Sic ad §. 17 *Mevius & Marquardus* ad dicendum testimonium excitantur, quo clarum evadat, opificum sodalitiis ex ordine Senatorio quosdam in locis quamplurimis majoris autoritatis conciliandæ gratiæ assidere. Nobis exemplum, ab excitatis scriptoribus silentio prætermissum, ipsa florentissimæ urbis nostræ consuetudo suppeditat. De *Feudo apertura* in §. 19 sermo est. De hoc feudorum genere *Cangium* in *Dissert. X ad Joinvilleum* varia lectu-jucunda, & pensitatione digna, protulisse, *Hundium* vero in *Collezione*, cui index: *Baierisches Stamm-Buch, P. II pag. 8, Joannis*, Baviaræ Ducis, *Joannem*, Landgravium, tali beneficio investientis, exemplum tradere, hac demum editione observatum videmus. Ceterum, quod inter vagos labores sæpissime solet contingere, ut aliqua, memoriæ ergo adscripta, alienissimo posita loco, & præter rem inserta, deprehendantur, illud & Cl. *Hombergkio* nonnunquam accidit. Certe nulli dubitamus, quin tale quid passa sit Nota tertia, quam §. 93 pag. 256 subjectam cernimus. At hæc tamen ita sunt comparata omnia, ut oculos lectoris, οὐκ ἀνεξιβλήτα & pensitatione assidua Opus tractantis, non effugiant, modo tale attulerit, quale & decet & par est, judicium; quo in consilium adhibito, absolutaquæ novæ hujus editionis lectione, *Hombergkio* gratias nobiscum & aget & habebit, simulque hortabitur eum, ut, quas daturum se pollicetur, rerum Germanicarum dapes aliorum quoque & communibus orbis literati usibus propediem exponat.

JO. JACOBI SCHMAUSII, CONSIL. AUL.
 & Jur. Prof. Publ. Ordin. Dissertationes Juris naturalis, quibus principia novi Systematis, ex ipsis
 nature humanæ instinctibus extruendi,
 proponuntur.

Gottingæ, apud Abrahamum van den Hœck, 1740, 8.

Plag. 8 $\frac{1}{4}$.

Cum Ill. Autor, in examinandis Cel. *Hombergii*, Jcti acutissimi, *Dubii Juris naturæ* occupatus, in errores plures, jam olim suspectos, accuratiori studio inquireret, atque naturam humanam, ejusque instinctus, attentius, quam vulgo fieri solet, scrutaretur, *Christiani Thomæ*, præceptoris quondam sui, monita & vestigia secutus; deprehendit tandem, omnium, qui in hac disciplina occurrant, errorum originem in eo latere, quod jus nobiscum natum, atque naturæ nostræ indelebili ratione infixum, in intellectu atque ratione positum esse vulgo creditum, totumque pro dictamine rationis habitum fuerit, cum potius in ipso omnium actionum humanarum fonte, voluntate scilicet, conditum reperiatur; & a quovis homine, rem istam non ex præjudicatis doctorum opinionibus, sed ex proprio sensu, a natura indito, omnibusque hominibus communi, æstimante, facile agnoscat. Ex hujusmodi meditationibus enatæ sunt Dissertationes istæ, quas annotationibus suis in dubia *Hombergiana* subjungere ei primum animus erat; at, cum illas publicæ luci exponere per bibliopolam nondum licuerit, separatim eas edere consultum duxit Autor, eo potissimum fine, ut lectorum animos & sententias ante exploraret, quam vel notas ipsas, vel systēma ex his principiis constructum, profferret. Hæc ad historiam libri, ejusque scopum. Perspicuitas & periodorum pulchritudo in eo ubique dominatur; puritas vocum & structuræ rarius desideratur. Methodus respondet scripturæ generi, quo *Cicero* & *Quintilianus* utuntur. *Dissertatio I* exponit hominum instinctum naturalem, quo homines feruntur in jucunditatem vitæ, in propriam utilitatem, & commoditatem, præsidii loco muniti duabus voluntatis affectionibus, spe & metu, tum ad bonum appetendum, tum ad malum aver-tendum. Ingenia hominum tam diversa credit Autor, ut singulis insit non tantum a singulis diversa, verum in quolibet secum quasi pugnans, voluntas, adeoque quilibet homo, ab alio vel *in- tegra specie*, vel certe voluntate, differat, nec sensus doloris & voluptatis singulis sit idem. Ex quo argumentatur, infinite variare

variare hominum de bono, utili, jucundo, & de vita beata & felici, judicia. Unde porro concludit, vitam hominum beatam atque felicem, cum tota sit posita in jucunditate, generaliter definiri non posse, sed eam esse felicem vitam, quæ cuique talis videatur, adeoque studium innatum vitæ bene beateque transigendæ in eo consistere, ut quisque proprio suo arbitrio relinquatur, genioque suo indulgere possit quiete & imperturbate. Ex hoc principio jam elucet materies & fons hujus systematis novi. At bone Deus! num jus naturæ ab instinctu naturali, tanquam actionum liberarum regula, pendet? Num voluntates hominum *integra specie* differunt ob instinctus naturalis phænomena in diversis diversa? Num speculum a speculo integra specie differt, licet unum sit alteri simillimum, ob phænomena diversa, quæ ex necessitate mechanica in eis repræsentantur? Num vita bene ac beate transigenda est sequendo instinctus naturales? Quid illud est *bene*? Quid illud *beate*? An beatitudo ulla subsistere potest citra convictionem animi de statu jucunditatis stabilis veræque possessio? An vita hominum beata atque felix generaliter definiri non potest? Potest omnino. Est enim ipsa, Autore satente, ea jucunditatis perceptio, qua quis proprio suo arbitrio relinquatur, ut genio suo indulgere possit quiete & imperturbate. An non hac ratione atheus quoque est capax vitæ bene beateque transigendæ? Responderi sane potest, ipsum sibi videri felicem, dum genio suo indulget. At num ipsi hæc opinio est permittenda? Est sane ex sententia Autoris hæc ei permittenda, siquidem is alia voluntatis specie est imbutus, ac ego & tu, & ea est voluntate præditus, ex qua illud judicium de vita athei jucunda & felici non potest non in atheum redundare. Nonne hæc sententia repugnat dictamini rectæ rationis? At in Præfatione Autor negat, jus naturæ in intellectu atque ratione positum esse. An instinctus naturalis, ille homini divinitus inditus naturalis appetitus, est lex, quam ubique oportet sequi? Si eam haud oportet ubique sequi; ergo is lex non est. Cum vero ille *habilis est* ad homini nunc ægre, nunc bene, faciendum, adeoque dirigi & applicari potest in utramque partem, ac propterea ratione opus habet

Pag. 8.

Pag. 34.

duce, intellectus facultate & vi; cur, quæso, instinctus ille naturalis potest esse regula actionum liberarum? Quidni potius ratio recta, felicitati humanæ imminens, cujus desiderium nobis sentimus innatum, statuitur esse receptaculum illius regulæ ac normæ? Respondet Autor, ut hanc opinionem amoliat: *Ratio- nis omnis humanæ verus usus in eo consistit, ut inserviat voluntati hominis, (id est, appetitui innato, instinctui naturali,) hæc vero voluntas in singulis hominibus reperitur adeo diversa, ut in nulla fere re singulari appetenda conveniant exacte propensiones humana; atque ea demum vera cujusque hominis felicitas est, ut ex propria sibi in nata indole, & suo sensu, arbitrio, & lubitu, vivere possit imperturbate.* Utinam experientia nos edoceret, hanc indolem innatam esse nævi usquequaque expertem! Nonne & Aristoteles & Seneca illud *συγγενὲς κακὸν* agnoverunt? Et cur duce, consiliario, monitore, ac comite perpetuo, opus est innato illi hominum instinctui, si hic est regula vitæ, principium bene beateque vivendi, & fons juris naturæ? Autor sic sentit: *Natura homini humanisque instinctibus adjunxit rationem tanquam servam vel custodem salutis, vel, si mavis, tanquam ducem, consiliarium, monitorem, comitem perpetuum, viam atque media felicitatis atque jucunditatis vitæ investigantem, & malis ac incommodis remedia suppeditantem.* An natura, finitus ille virium mundo insitarum complexus, homini potuit desiderium felicitatis infigere, & facultatem illam, qua mens perspicit connexionem rerum, eidem largiri? An potius Deo hoc donum est in acceptis referendum? Ratio humana si est instinctuum naturalium serva, ipsa certe dux haud est dicenda. Serva sequitur nutum alterius; dux vero præit viam, ordinemque instituit. Videtur itaque fluctuari Autor. Idem ex diversitate ingeniorum satis scite argumentum deducit, quo, homines a natura aptos ad commercia mutua & socialitatem redditos, doceamur. Breviori idem via, confici potest ex necessitatibus mutuis, & ex eis vitæ adminiculis, quæ, quia in circulo virium nostrarum haud invenimus, aliunde sumere & derivare oportet. Ipse *Hobbeso* largitur, propriam quemque utilitatem præcipue sequi, & ad se ipsum imprimis omnia referre, neque alteri, sed sibi, studere, ratus, hominem factum a natura non esse alterius causa, nisi secundario,

condario, neque ad commune plurium bonum, nisi quatenus eo propria sua utilitas contineatur. Inde autem sequi, infociabilem esse hominem ineptumque plane ad societatem natura factum, adversus *Hobbesium* pernegat. Id quoque *Hobbesio* haud Pag. 11. largitur, naturalem inesse hominibus lædendi alios voluntatem, in contrarium prolapsus, & existimans, hominem homini peregrino, sibi que nec beneficiis, nec injuriis, cognito, potius bene, quam ægre, facturum. Ex experientia, qualem vita civilis & cultior suppeditat, hic nil licet conjectare, nil exsculpere judicando. Homines, extra educationem & culturam ingenii constituti, quid machinaturi & in obvium commissuri sint, ratiocinando potius est colligendum, quam experiendo. Cur ad experientiam vel suam vel alterius provocare potuerit Ill. Autor, causam videmus nullam, quippe qui statuit, hominem alium ab alio vel integra specie, vel certe voluntate, differre. Quorsum itaque isthæc? 7. *Ad sensum cujusque internum hic provocare liceat.* Quis sentiendo id præcipiet, quod in statu naturali positus, in 12. iram coniectus, avaritia maceratus, ebrietate corruptus, affectu minus benigno laborans, virum facturum periculum, esset designaturus? Nonne sapius fur & latro humanissimum quoque virum, cujus loculos expilat, vita fortunisque privat? Mirum sane, hic haud succurrisse Autori illud *pag. 31* prolatum: *Gloriosum apud multas gentes habitum fuit latrocinium in gentes alias, & adhuc habetur.* Distinguendi scilicet sunt homines pro ratione indolis innatæ, consuetudinis contractæ, scopi, cogitationum motuumque præcedentium, &c. Ut verbo dicamus, homo homini obvio patet in utramque partem, ac eapropter circumspecte, prudenter, & fortiter, est agendum. Benevolentiam homini in hominem esse propriam, ex propensione sexus sequioris in masculum, & hujus in illum, parentumque in liberos inclinatione, Autor ita comprobatum. 14. *Miranda, inquit, nature sapientia, que sexum diversum formavit, & utrique amorem erga alterum inservit, non fortuitum, vel ratione demum excitandum, sed ex seminis abundantia, que ex digestionem ciborum naturaliter gignitur, mechanica necessitate oriundum, & adeo vehementer sollicitantem, ut libido cohiberi etiam extremis legum civilium pænis capitalibus*

bus nequeat. Addimus hæc. Cuinam naturæ tribuitur illa sapientia? An ex propensione venerea hominum diversi sexus innotescit, quid homo homini, in statu naturali positus, sit facturus? An semper virgo nubilus vel *Helena* quædam *Paridi* proficiscenti occurret? An *Nestor* triseclisenex capietur diræ *Celestus* tristi tetricoque vultu? Mirum sane, libidinem ne quidem pœnis extremis coerceri posse. Cur itaque leges id, quod inevitabile & mechanicum prorsus, cohibent & coercere nituntur? Nonne cibi aphrodisiaci possunt seponi? Nonne xerophagia potest in medium adscisci? Nonne vires corporis superflue & nobilissimus ille flos sanguinis potest laboribus sedulis enervari, & in adipem revocari reliquum? Quidni ob mechanicam illam necessitatem ubique prostant lupa & Corinthe? Miramur id porro, Autorem id agere, ut persuadeat nobis, dilectionem, qua liberi in parentes feruntur, & parentes propendunt in liberorum educationem, eorumque salutem, a necessitate mechanica esse impressam. Sapientissimus omnino Deus indidit animo stimulos quosdam, huc maxime facientes, qui tamen ab homine supprimi ac pæne tolli possunt. Necessitas in illis stimulis haud inest tanta, quanta inest machinæ, e variis partibus compositæ. Ratio bonique mores accedant, necessum est, ut matrimonia & educatio debite conformentur. Sola libido in causa haud est, ut homines fornicetatem ineant conjugalem. Sola lactis abundantia naturalis haud est magistra satis potens lactandorum infantum. Quanta olim cupiditate exposuerunt infantes suos foeminae, ut honori suo consulerent, vel educationis effugerent molestias? Quidni illa mechanica necessitas, quo minus hæc fierent, fuit impedimento? Mechanica illa necessitas potius omnium rerum indigos impellit, ut hi furripiant alteri adminicula vitæ, ac, urgente telo durissimo, invicem sibi inferant manus, nec minus unus cedat in escam alterius. Quæ mechanica necessitas præcipue adducit lupum & lucium, ut animantibus devoratis stomachum expleat uterque. Addit ill. Autor, homines ad lationem aliorum esse irritabiles factos, & hoc phenomenon oriri ex studio, quo ferimur ad conservationem vitæ, corporis, membrorum, omniutrumque bonorum. Et hinc quidem intelligitur, homine inesse indolem

dolem ad utrumque paratam, nec ipsum satis cautum esse in horas. Idem monet, homines natura esse æquales tum in vi- Pag. 18.
ribus corporis & animi, tum respectu instinctus naturalis. Quærimus itaque, an homo ab homine differat specie integra, an voluntates omnium plane sint diversæ, & an hæc æqualitas cum differentia illa possit subsistere. Ex sensu æqualitatis illius Ill. Autor colligit, æqualia æqualibus esse tribuenda, id est, quod tibi non vis fieri, alteri ne feceris. Documentum hujus innati sensus æquitatis credit esse *pudorem naturalem*, & *penitentiam*, ejus comitem, qua ipsi detestamur actiones malas, a nobis perpetratas. Pudorem ex representatione judicii aliorum de imperfectionibus nostris, quæ evitari poterant, nasci, compertum habemus. An sensus æquitatis violatæ huc præcise spectet, & pudor huic fonti unico debeatur, liceat admodum dubitare. Id vero nobis videtur singulare, quod Autor contendit, hunc in modum ratiocinatus: *Hæc tanta necessitate atque vi naturali indita sunt hominibus, ut, quamdiu liberi relinquuntur ab externa violentia, nec a ratione seducuntur, non possint non secundum instinctus agere, & in eo ipso ponant summam vite sue felicitatem.* Mirum sane! Itane homines a ratione (rectæ rationis usu) in errores & perniciem abducuntur? Suntne bestię hominibus perfectiores, eo quod instinctui naturali faciunt satis, & ratione carent? Potestne hæc tractatio ad jus naturæ brutorum referri? Idne ad externam violentiam & rationem seducentem est referendum, quicquid, quo minus instinctui naturali fiat satis ubique, obstat. Quorsum leges politicæ? Quorsum igitur referendæ sunt Theologorum exhortationes & dehortationes? At nova alia succurrunt Autori, existimanti, *statui libertatis hominum naturalis querelas de miseria vite humanæ esse incognitas.* Si de licentiosa valetudinis ac opum affluentia sit sermo, sententiæ illi est subscribendum. Si vero negetur, homines in statu libertatis naturalis posse ullis conscientię angoribus, qui sunt miseriarum myrmecia, ad querelas de miseria vite humanæ cindas commoveri, deploramus negantium opinionem, nec tamen prodimus nominatim, in quibus ipsi militent castris. *Hombergius* certe an similia senserit, definitu est facile. Doctrinam,

21.

- Pag. 23. quæ honestum tractat, *commendatam a recentioribus plerisque, præcipue hypocritis, re vera esse stultissimam*, idem docet. Cautè addidit hæc duo, 1) a plerisque, 2) si a religione & a civilis societatis ratione præscindatur. Systema autem haud exigit Autoris, ut cautiones hæc adjungantur. Hæc ad *Dissertationem primam*. Succedit *secunda*, in qua Autor inter facultatem & actum nihil interponit tertii. Negat, cognitionem actua-lem nobiscum nasci; largitur, facultatem ipsam cogitandi nobis esse connatam. Primas ideas ab infante formari credit sensuum externorum beneficio, quasi sensus internus non esset prior, solitus enasci ex animæ corporisque commercio vel afflicto, vel jucundo. Accipe plura, Lector. Noster contendit, conclusiones, quas homines ex intuitu & contemplatione objectorum inferunt, nil esse nisi conjecturas. Mirum sane! Cur vero ipse pleraque, quæ in his *Dissertationibus* habentur, putat certa? Quidni eis universis imposuit conjecturarum nomen? Recolimus enim ejus pronuntiatum: *Veritas nunquam, vel rarissime, certo erui potest, ideo quod sensus eam haud percipiunt, nec in interiora rerum penetrare licet*. Pyrrhonismum hæc videntur nimium spirare. Si Autori placuisset veritates Matheseos puræ in subsidium vocare, in omnia alia ivisset. Paulo ante hæc proposuerat: *Sensus quandoque fallunt, & objectorum distantia & alie quædam circumstantiæ impediunt, ne homo in his, quæ sensibus comprehendit, semper certus esse possit*. Paulo post subjungit: *Ea sola, quæ sensibus percipiuntur, certo vera sunt, reliqua pleraque vix probabilia*. Lector, fidem tuam! Sed en nova: *Quod amplior est cognitio hominis, quam brutorum, soli sermoni tribuendum*. Quidni viribus mentium nostrarum perfectioribus, usui rationis patentiori, & commercio simul symbolico, quo cogitata invicem communicamus? *Sermonem, homini a natura præ reliquis animantibus concessum* haud ideo putat Autor, ut pluribus rebus cognoscendis inveniendisque veritatibus ille inserviat, sed ad alios potius vitæ usus. Suffecerit, hæc nos iterasse. Paradoxum profecto hoc est: *Ratio-nem humanam minime esse aptam ad normam aliquam universalem* (e. g. decalogum, principium aliquod juris naturæ, prin-cipium

cipium justī honestique & decori, nec non prudentiæ,) ad cognoscendas autem veritates certas incapacem, si paucas exceperis, sensu (externo) imprimis percipiendas, vel ex sensatione proxime resurgentes. Ratio allata satis claudicat. Nec ipsi instinctus naturales, systematis novi fundamenta, plane ad sensus externos referri possunt. De internis Autor monuit nihil. En novæ Philosophiæ fructus alios, dictitantis ita: *Quid nostra refert, quæ nam natura sit lapidum, piscium, insectorum, quis astrorum cursus, quæ magnitudo, nexus, finis?* Subdimus hæc merito: An in medicina facienda, laudando creatore, calendario exstruendo, hæc nullius sunt necessitatis, nullius usus? An citra chronologiam & calendarium vivere possumus commode & salubriter? Sed en rursus nova: *Ratio hominis suam per naturam est inepta ad universalia & certa principia veritatis morales stabilienda.* Ergone de decalogo & virtutibus colendis est actum? Quid Philosophiæ morales magistris igitur opus? Theologiæ cultura quid opus? Nonne de bono vero appetendo est disquirendum? Nonne spem & metum ad regulam universalem boni decet conformare? *Dissertatio tertia de Origine & natura obligationis morales & legalis est inscripta.* Obligationem, juris naturæ argumentum, hic Noster cum bestiis communicavit, eamque ita defini-
 vit: *Metu solo reguntur voluntatis humane motus.* Itaque metus mali vinculum illud morale est, & verum atque unicum omnis obligationis in animo hominis principium. Quis credet, haud plures dari affectus? Quis negabit, hominem impelli ad vivendum congruenter naturæ aliis quoque stimulis? Adjungit Autor metui illi paulo post studium propriæ utilitatis, verbis tam universaliter adhibitis, ut existimes, subesse aliquid erroris. En illa: *Generaliter animadvertendum, nullas omnino actiones unquam ab hominibus suscipi, quæ non ortum ex utilitatis propria studio trahunt, sive spe illa, sive metu, sive amore, sive odio, excitentur & regantur.* Hic tandem ipse Dei meminit, ita commentans: *Naturam humanam talem creavit formavitque Deus; ut omnia ad sui conservationem atque felicitatem referret homo; (num igitur ad utilitatem solam propriam?) ut eam magis appeteret, spem addidit, incitatricem perpetuam; ut magis aversa-*

Pag. 34.

37.

39.

45.

47.

48.

- aversaretur, quæ eum infelicem reddere queunt, metum inject, monitorem efficacissimum: neque in hoc (instinctus principio) libertatem ullam homini reliquit, sed, ut necessario bonum eligeret, malum respueret, præferret majus bonum minori, minusque malum majori, effecit. In ipso exercitio actionum omnino libertati est locus. Notitia enim de indole ac gradu hujus illiusve boni ac mali est acquirenda, priusquam solide velis vel nolis. Redimus enim cum Autore in memoriam illius vulgatae doctrinæ, quæ docet, ignoti nullam esse cupidinem. De*
- Pag. 41. 55. *universalis obligationis fonte sic disserit: Naturaliter nullus fere alius, ac ille, qui ab extremis & sensibilibus vita corporisque malis, iisque non incertis & longinquis, sed præsentibus, vel proximis & inevitabilibus, oritur, plerosque homines afficit, neque aliter inducitur in animis hominum universalis obligatio. Miramur, quid rationis exstet, cur Autor, quid ex sua opinione notio obligationis involvat, haud significaverit. At salva res est. Metus mali, instinctus ille ineluctabilis, cui mechanicam tribuit necessitatem, est, ipso iudice, principium obligationis in animo hominis & morale, & verum, & unicum. Stupet lector, id dici morale, quod necessitate physica est plenum, ejusque indole laborat. Ex principio hoc mechanico oriri debent omnino effectus proximi, indole haud diversa spectabiles. An conclusionem hanc Autor lectori voluerit obtegere, an vero studiose sibi contradicere maluerit, dicere non habemus. Ipse enim præter omnium opinionem sic disserit: Coactionem quandam & vim patitur quidem animus hominis hac naturali obligatione, sed eam tamen ipse sibi infert, & plerumque sponte subit. Et paulo post: Ab ipsa voluntate & ex libero hominis arbitrio proficiscitur omnis ista vis interna, quæ a metu mali injicitur animo, atque in hoc ipsa voluntatis humana natura consistit, ut jure naturalis vel*
51. *interna dici possit hæc obligatio. Idem pergit posthæc: Nec in lege, nec in legislatore, sed in metu mali, quod leges minitantur, quodque subditi inevitabile fore sibi certo persuadent, proprie sua est vis obligandi subditorum animos, & eorum actiones dirigendi*
53. *ad præscriptam normam. Addit, pactis inesse haud ullam vim obligandi, destitutis quippe pœnis, quibus legum autoritas fir-*

firmetur. Quærimus porro, an obligatio hæc simul sit divina, siquidem Deus est instinctuum naturalium, in sese consideratorum, autor. Respondet Autor: *Non opus ullis legibus divinis vide-* Pag. 69.
tur ad homines in statu naturali regendos. Addimus corollarium: *ergo nec opus erit conscientia.* Monet paulo post Ill. Autor: *Leges divina naturales finguntur*, non existunt uspiam. Ali-
 ter sensit Paulus Rom. 11, 14, 15; aliter Philosophi sentiunt ad unum fere omnes. *Dissertatione quinta de vero jure hominum* 71.
naturali, ejusque origine, differtur. Jus primum, quo homo gaudet natus, *jus vivendi* esse, tradit, vivendi non tantum simpliciter, sed *vivendi bene beateque, & quam potest, felicissime.* Autor ita judicat succincte: *Jus est homini connatum, vivendi secundum instinctus suos naturales, sive, ut antiqui loquuntur, vivendi secundum naturam.* Addit deinde jus conservandi, tuendi, ac defendendi vitam, jus belli, jus utendi viribus corporis & animi, jus impunitatis (quo homo in statu naturali sit liber ab omni poena humana). *Jus* itaque Autor reputat pro complexu eorum, quæ homo agit licita ratione. Juri libertatis ac licentiæ 84.
 huic omnem docet repugnare coactionem. Subdit hæc pag. 85: *Dubium mihi non videtur, idem jus vitæ ac necis homini licere in propriam vitam, sive probabile ejus periculum adeat, sive repente eam abrumpat, radio ejus, & miseriarum impatientia, siquidem non detur injusta actio hominis erga se ipsum.* En avtochei- 86.
 riæ præconium, autori vitæ profecto minus probatum. *Dissertatione sexta* Autor de obligatione pactorum differt, quam existimat esse nullam nisi eam, cujus ratio in utilitate sit posita. Singulare est, voluntatem humanam subinde rem diversis modis 102.
 considerare. Quin potius intellectui hæc consideratio transcribitur? Addit, ne legem quidem civilem in se vim habere obligandi. At quidni habeat ob innexum mali metum, peccantibus incussum? Tandem ita concludit: *Pacta servanda sunt,* 105.
non propter se, quasi ipsis insit efficacia ad obligandum, sed propter præceptum de non ledendo altero. Quid vero, si illa læsio inservit utilitati meæ? Videtur hic Autor sibi obniti. Fuimus solito longiores, eo quod systema novum fuit allatum, & Ill. Autor voluit judicium lectoris explorare, quod pace ipsius succincte in- 108.
 sexuimus.

ACTA PHYSICO - MEDICA ACADEMIÆ CÆ-
sareæ Leopoldino - Carolinæ Naturæ Curiosorum, exhi-
bentia Ephemerides, sive Observationes, historias, & ex-
perimenta, a celeberrimis Germaniæ & exterarum re-
gionum Viris habita & communicata, singulari
studio collecta. Volumen quartum,
cum Appendice.

Norimbergæ, apud hæredes W. M. Endteri & J. A. Engelbrechti
viduam, 1737, 4.

Alph. 4 plag. 9, Tabb. æn. 13.

Subiit denuo Academia Naturæ Curiosorum inauspicatas sibi
vicissitudines, quando Præsidem immortaliter de se rebus-
que suis, meritum, *Baierum*, præmatura morte amisit. Nunc ta-
men jacturam hanc feliciter reparatam videt, exultatque, Præ-
sidio ad Illustrem Erfurtensem Medicum, *Buchnerum*, qui antea
Directoris munus summa cum laude obierat, bonis omnibus
delato. Interea vero, dum de his rebus agitur, novique Præ-
sidis & Directoris eligendi rationes ineuntur, contigit, ut paulo
serius *Volumen hoc quartum Actuum Physico-Medico-rum* publicæ
luci exponeretur. Quanquam vero *Baieri* morte plenior illa
Academix hujus historia, quam, a primis incunabulis repetitam,
in superioris *Tami* Præfatione pollicitus erat, sed inexpectato
fato præventus vix ac ne vix quidem inchoaverat, intercidisse
videatur; ipse tamen Illustris *Buchnerus* laborem hunc quam-
primum suscipere decrevit, qui & Bibliothecam Academicam
curæ huc usque cordique habuit, ut Norimbergæ Erfordiam nu-
per translata, in splendido admodum, amplo, & securitatis gratia
artificiose fornicato, atrio collocaretur, atque postea redigeretur
in ordinem, idque jam agit, ut librorum Catalogus propediem in
conspectum publicum venire possit. Sed procedamus a Præfa-
tione, ex qua hæc rei literariæ causa commemoranda putavimus,
ad librum ipsum, qui, ut reliqua *Volumina*, elegantissimis exqui-
sitissimisque *Observationibus* abundat, quarum nunc indicem se-
cundum Classes singulas more nostro breviter stricteque dare
aggre-

aggredimur. Ad *Classē* itaque *physicā*, *mathematicā*, & *physiologicā*, pertinent *Observatio* 3 de culicum generatione; 5 de descriptione simplicissima & utilissima ellipseos in plano; 8 de artemisia alba fomitis loco optime adhibenda; 12 de spiritus vini accensi efficacia; 15 de ornatissimo figuris hieroglyphicis quasi-belemnite Fechheimensi prope Coburgum; 48 de somniis, futura præfagientibus; 69 de rarioribus quibusdam animalibus in Voigtlandia quondam natis ac degentibus; 70 de floribus, insueto anni tempore pestem minime prænuntiantibus, deque arboribus, bis in anno fructum ferentibus; 71 de arbore quadam in Voigtlandia, una nocte & virente & florente, simulque fructus tempore hiemali proferente; 76 de monstroso gemello; 80 de Zinco; 81 de Succino fossili in Saxonia Electorali; 82 de Topasio vera Saxonum, orientali non inferiori; 96 de lapide Bezoardico insolitæ magnitudinis; 97 de scœmina barbata, atque viro imberbi; 98 de corrupta matris imaginatione in deformando foetu; 101 de vera virium corporearum natura & varietate; 106 de pullo gallinaceo monstroso; 120 de virgine, cute hirsuta, densisque minoribus fetis, obsita, in membris inferioribus deformata; 129 de rariori quodam phænomeno cum terræ motu conjuncto, Ratisbonæ observato; 130 de notabili quodam terræ motu prope civitatem Greizam in Variscia; 131 de arbore quadam, quavis ætate binis vicibus & florente, & fructus continuo ac semper protrudente; 133 de emendanda massa vitrea pro acquirendis lentibus perfectioribus, in Opticis adhuc desideratis; 143 de lapidibus figuratis agri Lipsiensis; 144 de antimonio rubro; 150 de foetu bicorni. Ad *Classē* *Anatomicā* referuntur *Observatio* 13 de sutura transversali ab uno lambdoideæ currente ad alterius crus in cranio humano; 32 anatome hydrope saccato defunctæ; 38 anatome hydrope tympani defuncti; 39 anatome maniaci, lethargo defuncti; 64 de musculis plerisque extremitatis inferioris dextræ vel omnino, vel ex parte, deficientibus; 68 de sectione viri, hernia incarcerata, ejusque gangræna, defuncti; 103 de anomala oris interioris circa uvulam conformatione; 126 de sectione mulieris, uteri prolapsu, & vesicæ urinariæ, gaudio calculo repletæ, defunctæ. *Materiam medicam* illustrant

Observatio 17 de Holoferico, remedio antepileptico, ætiologie considerato; *34* de allio, salutari medicamento, sed nauseoso, & pernicioso alimento; *60* de differentia inter Aloen veram vulgarem officinalem, & Aloen zocotorinam; *62* historia exotiorum quorundam medicamentorum simplicium: radicum Acori veri palustris, vel Sanlay, placenta Catagamber Japonica, de flore subtilissimo succi Cachou Japonici parata, radicum Salab ex Persia, radicis Ikan, sive Ikanzo, radicis Tantzo, radicis Casminaris Mexicanæ, corticis Cascali ex nova Hispania, corticis Jubabæ Peruviani, radicis Pefoulina; *86* de noxio radicis Solani furiosi usu in arthritide; *110* de salutari foliorum Betonica in aliquibus oculorum affectibus usu externo; *145* de opio, mentem serenante. *Pathologia* inserviunt *Observatio 4* de vermibus humani corporis per urinam excretis; *6* de sphacelo dorsi; *9* de abscessus omenti historia & diagnosi; *10* de enormi hæmorrhagia, levem linguæ lationem excipiente; *11* historia febris continens, hæmorrhagia narium & sudore iudicata; *14* de puerpera, variis exanthematibus, comitante febre continua post puerperium se invicem excipientibus, vexata; *16* de villorum glomomomitu rejecto; *19* de cardialgia spasmodica horrenda; *20* de ischuria gravidæ ex uteri prolapsu; *21* de virgine, fulmine tacta; *22* de gemellis utriusque sexus, sex annorum spatio in abdomine matris extra uterum absque ulla corruptione gestatis; *23* de excretionem crassiorum membranarum vesicularium mediante tussi, superstita & pristinae sanitati restituto ægro; *29* de otalgia insigni ex verme; *30* de verme ex orificio narium sinistro emuncto; *31* de urina nigra, singulis ferme quatuordecim diebus revertente; *35* de febre quartana plurium annorum, prorsusque incurabili; *36* de melancholico desperato, *autoxergetico* affectante, & pactum cum cacodæmone se fecisse, asseverante; *37* de hæmorrhagiis oculorum; *40* de virgine ecstasica, per 24 horarum spatium pro mortua reputata; *41* de miæ cruento & purulento singulari; *42* de rariori abdominis intumescencia; *43* de affectu spasmodico paralytico; *44* de affectu spasmodico hysterico; *45* de herpete erysipelatofo in infante; *49* de calculorum uberrima in detrimentum hominis pro-

progenie; 50 de notabilibus in puerpera, post exclusum foetum mortua, foetu priori gemello in utero relicto; 51 de lumbricis teretibus, tribus diversis e locis incongruis excretis; 52 de hepatis nimia mole in puella, variorum morborum causa; 56 de sphacelo totius fere faciei, post superatam febrem malignam oborto; 57 de sphacelo, in clunibus incipiente, & sursum usque ad scapulas procedente, circa undecimum diem lethali; 58 de vomitu & secessu cruento, in puero recens nato lethali; 59 de saliva sacchari instar dulcissima; 61 de *avro-xygia* quater tentata; 65 de monstrosa penis virilis & urethrae conformatione; 66 de noxa spontanea lactis excretionis in gravidis; 67 de felici secundinarum retentorum exclusione, mutato, saltem puerperae situ; 72 de febre quartana anomala, vel, si placet, duodecuplici, ac tandem quater intra nycthemerum recurrente; 73 de abscessu mesenterii, post assumptas octo pilulas *Stabianas* rupto, & profluvio ventris soluto; 74 de atrocitate vermis, verbis, non herbis, domita; 75 de paroxysmo apoplectico, singulis diebus Dominicis certo tempore tertium recurrente; 77 de perversa febris intermittens curatione, vomitus cruenti arthritidisque autore; 78 de imprudenti titillatione, & vaginæ uteri extensione, abortus & mortis causa; 79 de hæmorrhoidibus mucosis albis enormibus, cum exulceratione colli vesicæ complicatis; 83 de mensium & hæmorrhoidum fluxu simultaneo, & tamen salutari; 84 de critica sanguinis excretionem ex nasi apice in viro; 88 de atrocissimorum ventriculi dolorum historia; 89 de saliva sacchari instar dulcissima; 92 de pleuripneumonia, a sanguine menstruo, per vomitorium thoracem versus pressa, oborta; 93 de aurigine; 94 de pleuripneumoniæ epidemicæ specie a vociferatione, in peripneumoniâ desinente; 95 de rarioribus renum linguæ & vesicæ calculis; 99 de convulsione salutari; 102 de funesta metastasi humorum cachectico-scorbuticorum ex cruribus œdematosi ad pectus, aut ad hepar; 104 de monstroso gemellorum abortu salutari; 105 de morbo convulsivo cum ecstasi in virgine 30 annorum; 107 de vomitu, per aliquot menses durante, ex ventriculi angustia & duritie circa pylorum orto; 108 de ischiade

incurabili & lethali; 109 de paralyfi linguæ, multoties recurrente; 111 de unguibus hemiplectici haud crescentibus; 112 de ictero particulari unguium; 114 de sitis, variolas comitantis, importunissimæ, rariori exemplo; 115 de sudore particulari in nucha & dorso, variolas excipiente; 116 de tussi, emplastro Tacamahacæ, vertici imposito, provocata; 119 de orexalgia recens natorum infantum; 121 historia morbi scorbutici insoliti, paucis abhinc annis Erfordiæ observati; 122 de febre maligna, postridie sectam venam accensa; 123 de abscessu muscutorum abdominis; 125 de corporis consumptione & abscessu ad femur, ortis a febre intermittente per præmaturum & nimium corticis Peruviani usum suppressa, sanatisque; 127 de uteri cavitate membrana carnosio-vasculosa undique cincta in muliere, quæ abortum aliquot mensium passa credebatur; 134. de dyspncea insigni, anoterica fragmenti costæ bovinæ ejectione curata; 135 hydropsis cerebri atque meningum, pluriumque morborum junctorum, historia anatomico-medica; 136 de cephalalgia sævissima, venæsectionem justo largiorem secuta, posteaque amaurosin, & denique cerebri hydropem, producente; 137 de cephalalgia atque amaurosi, ex nimis vigiliis orta, & salivatione mercuriali feliciter sublata; 138 de rene exeso & uretere amplissimo ex sue; 139 de calculo renali ingenti, per plures annos absque doloribus gestato; 140 de atroci Mercurii vivi, imprudenter tractati, effectu, calculo felleo solitario & magno, ut & polypis cordis ingentibus; 141 de calculis renalibus, polypo cordis, & statu intestinorum vario, infantis triginta septimanarum; 142 de tumore peculiari, omnia abdominis viscera sede sua pellente, atque ascitem prægrandem referente; 146 de viscerum concretionem; 148 de variolis, arte excitatis, plurimum exitiosis; 149 de calculo vesicæ cum aliis pessimis abdominis vitii complicato. Ad *Therapiam spectant Observatio 2* de puerperæ primiparæ, uteri inflammatione cum acuta febre, intestinorum levitate, & lochiorum suppressione, correptæ, per diarrhœam vero tandem sanatæ, historia & curatione; 7 de restitutione cachectici post duorum pilorum, situ obducorum, ex pharynge extractionem; 18 de vi-
dua, per novem annorum spatium cœcitate afflicta, & tandem
divi-

divinitus restituta; 28 de vomitibus & dejectionibus cruentis, in puerulo recens nato salutaribus, & per exhibitionem spermatis ceti, oleo amygdalino resoluti, curatis; 33 de singultu contumacissimo ac desperato, lacte muliebri tandem curato; 34 de phthiseos levamine ab acidulis dubio; 35 de sinistro curationis per equitationem successu in phthisi; 54 de ridiculo sodæ remedio; 87 de podagræ retropulsione per remedia chymica; 110 de verberibus, dysenterix medicina; 117 de felici hæmoptys eos quinquagenariæ curatione; 118 de perversa & infelici hæmoptys eos curatione; 128 de insultu apoplectico ab antiquis tibiæ ulceribus exsiccatis, cum superveniente quatuor dierum singultu, curato. Ad *Chirurgiam* pertinent *Observatio* 1 de polypo narium ingentis magnitudinis feliciter extirpato; 24 de frustulo candellæ ceræ, vesicæ antea immisæ, feliciter iterum extracto; 25 de hernia scrotali eximie magnitudinis, in viro quinquagenario, post nimium laborem, & celeriter exhaustum cantharum integrum vini junioris sulphurati, oborta; 26 de hernia scrotali, magnitudine pugni, post factam conqussationem ad vesicæ bovinæ magnitudinem accrescente, dein, prægressa levi inflammatione, suppurata, & plenarie restituta; 27 de hernia scrotali, per aquæ frigidæ potum curata; 55 de ulcere gangrænoso, phagædena dicto, cum adjuncto diario perrari hujus affectus; 63 de foetu monstruoso bicorporeo, manu obstetricis extracto; 75 de medii digiti tribus articulationibus, cum tendine & nervo violenter avulsis; 90 de cerebri violenta laceratione non lethali; 91 de fissura ab oris angulo ad auris confinia curata; 100 de insigni capitis tumore, cum cranii carie conjuncto; 124 de ulcere sinuoso perinxi. *Medicina forensi* debentur *Observatio* 53 de fraude detecta empirici impostoris, qui oculorum morbis mederi spondebat; 147 de rarius habenda fide obstetricum relationi. Ceterum in fine variæ accedunt Commentationes, nimirum *Andrea Læw* succincta descriptio duorum Hungariæ medicamentorum fontium, quorum alter penes lacum Pisonium in Sempronienfi Comitatu ad pagum *Wolffs*, alter in castri ferrei Comitatu penes *Binkasfeld*, enascitur; *Jo. Jac. Scheuchzeri Otiorum æstivalium* continuatio, qua literæ *Maurit. Ant. Cap-*
pelleri

pelleri ad Scheuchzerum de crystallorum generatione, Bourguetti literæ ad Cappellerum de Bombace de Vedretti, Scheuchzeri Observationes meteorologico-medice pro anno 1730, continentur; Cassp. Gottlieb. Lindneri Disquisitio physico-medica de thermis Silesiorum Hirsbergenfibus; Franc. Ant. Ferdin. Stebleri Disquisitio de Vampyris aut sanguisugis; Christiani Frid. Jardens Observationes de polypo cordis; memoriæ denique Brunneriana, Wiltschiana, Etmulleriana, & Baieriana. Restat nunc, ut more nostro quædam speciminis loco in medium adducamus. In tanta vero præstantissimarum observationum varietate cum selectus esse videatur difficilior, duas tantum hic breviter repetemus. Altera historiam illustrat naturalem, Saxonix cumprimis nostræ, cujus succinum fossile Celeb. Henckelius concelebrat. Hic enim rerum naturalium peritissimus Vir, jussu Regis nostri Clementissimi, Succini hujus, non procul a Torgavia in Præfectura Pretschenfi prope Schmidebergam detecti, historiam & naturam investigare aggressus, hæc de illa re observavit, quæ

Pag. 313. ipsius verbis hic recitamus: *Regio succinosa plana, perparum hinc inde acclivis. Solum arena minuta, Tripsand, constans, stratum lapillis & lapidibus siliceis, subinde corneis, conspicuum, profunditatis duarum, trium, & plurium orgyiarum, hinc inde ita excurrens, ut aliud strati vel telluris genus emineat, sicut inter alia versus Schmidebergam oppidum terra ferri rubra & ejusmodi saxi ramentum in aprico est. Stratum subtus jacens paludosum, bituminosum, vitriolicum, & aluminosum, deprehendi, longe lateque se extendens, quod officinæ vitriolico-aluminosæ Schmidebergenfes, Trossinenfes, & Dubenenfes, per millia distatæ testantur. Ab hoc strato sulphureo-metallico & sulphureo-calcareo etiam illud vitriolum, quod supra in strato sabuloso se manifestat, scaturit, vel, si navis, ab acclivitate cum aquis subdialibus solutivis devolvitur. In hac arena perfodiuntur inprimis duo strata distinctiora, pariter sabulosa, quorum tamen superius in fragmentis & minutiis substantiæ lignosæ & ligniformis bituminosæ, subnigræ, qualis alias telluri aluminosæ familiaris est, inferius in terra, gryseo-viridiuscula, vitriolica, Misy antiquorum, consistit. Assurgunt & declinantur pari modo illa, quemadmodum de stratis seu venis horizontalibus notum est,*

non quidem valde torta, obliqua vero, cauda vel capite cum cespite subinde terminâlia; inclinantia potissimum a pago Groswik ad pagum Reinbards, hoc est, a metidie versus septentrionem. Strata dicta, indiscretim accepta, maxime vero quantum pervestigare mihi licuit, inferius succinum continet, frustulatim & sparsim, fabarum, raro nucum juglandium magnitudinis, nunquam continuum, neque tamen lateribus attritum, sed ita comparatum, ut difficulter credendum sit, per inundationes aliunde huc conjectum, sed potius appareat, ejus genesin in loco, ubi reperitur, factam esse. Colore gaudet ut plurimum hyacinthino aureo, raro lacteo, quod in Prussia Komst vocant, a brassica capitata desumpta similitudine; brevis est verum succinum, id quod per destillationem 1) phlegma acidum, 2) oleum subflavum, 3) oleum empyreumaticum, 4) sal volatile acidum, 5) cineres restantes, satis mihi comprobavit. Terra sabulosa vitriolica sine dubio consanguinitatis vinculo cum isto continetur, utrum autem instar matris, an sororis, non liquet. Fragmenta lignea, quæ succinum comitantur, tanquam haud obscura regni vegetabilis vestigia, hic utique terra prædicta denominationem matricis speciose satis disputare atque sibi vindicare possent, cum pinguedo succini non obscure videatur esse natura vegetabilis, atque ligna hic sepulta certius, quam vitriolum & alumen, succino præexistisse existimandum sit, ac denique succinum nostrum in confinio, imò contactu eorum non raro invenitur. Quæstio ergo locum hic meretur: utrum Succinum cum vitriolo & alumine simul, an vero successive, nempe bitumen a salibus hisce, quibus involutum est, ducat originem. Nam, quod sæpius inculcavi, duo in terris juxta se posita, vel clarius, quorum unum altero continetur, necessario non involvunt subordinationem & dependentiam. Si quid interim determinare ausim, dicerem, pyritem, summe honorandam illam protomineram meam, nudato capite semper salutandam, sicut vitrioli & aluminis simul, (istius quidem ab utraque & acidi & metalli, hujus tantum ab acidi, parte,) ita & succini genitorem esse; siquidem illud tum ratione acidi, tum terræ inflammabilis, cum sulphure non paucam præ se fert similitudinem & analogiam. Quemadmodum enim hoc in ceteris

& adjacentibus observatur & deprehenditur, quod eadem arbor ferat differentes fructus, (aut potius eadem tellus differentes arbores,) pyrites nempe non modo vitriolum, sed & alumen; ita mirum baud videbitur, quod acidum sulphuris & pinguedo ejusdem certis circumstantiis modificantibus in aliud mixtorum genus coeant. Non parum speciosa reddi posset hac opinio per portabilem illam glebam, Harzgerode e vena quadam productam, cui succinum verum lacteum adhaeret, quam inter alia possideo. Hæc de Succino fossili Saxonico. Altera, quam recensebimus, Observatio Medicinam propius attingit, quando scilicet a Celebrissimo Trew atrox Mercurii vivi imprudenter tractati effectus

Pag. 540. notatur. Ita vero ille: *Mulier quadam, a longo tempore speculorum mercurii amalgamate obducendorum preparatione occupata, minus provide hoc tractaverat negotium, quin potius manibus illotis panem aliaque contrectata sapius devoraverat. Duos ante obitum annos, sexagenaria jam facta, corripitur omnium artuum tremore in dies aucto, cui postea supervenit glandularum sublingualium tumor, & mandibule, præsertim inferioris, caries tanta, ut dentes vacillantes una cum frustulis alveolorum cariosis facili negotio eximi potuerint, quam calaputatem concomitabatur oris factor intolerabilis. His ægra, lecto affixa, demum quærit auxilium. Adhibebantur decocta ex belenio atque fœniculo cumprimis parata, cum pulveribus absorbentibus, leniterque diaphoreticis. Externe fauces muniebantur emplastris emollientibus, discutientibusque, & cariei prospiciebatur linimento ex melle rosarum & syrupo mororum cum essentia myrrhæ balsamica & terra catechu mixto. His sedulo adhibitis, tremor artuum, factor oris, & glandula sublingualis tumor, multum mitigabatur, sed tribus circiter ultimis mensibus venter & pedes tumebant, tandemque ingesta penitus indigesta excernebantur, quibus placida mors finem fecit. Sectio corporis concessa sequentium annotandorum dedit occasionem: 1) Totum corpus erat emaciatum, & in brachiis maculae hinc inde, seu potius suffusiones, conspiciebantur, quas, dum adhuc vivebat, a solo contactu ortas esse, adstantes affirmabant. 2) Manus utraque, magis tamen sinistra, ad carpi usque flexuram adematè valde turgebat; in pedibus autem similis*

milis tumor ad inguina usque adscendebat. 3) Umbilici cicatrix vix reperta est; neque ex mammarum substantia quidquam præter papillas remansit. 4) Venter nequaquam erat durus, sed flaccidus, attamen expansus. 5) Aperto abdomine, aliquot promanabant mensuræ lymphæ extravasata, turbida, non tamen adeo lixiviosa & spissa, sed tenuis. 6) Omentum erat corrugatum, quasi aquæ ferventi fuisset immersum, ceterum tamen pinguedine intensius flava refertum. 7) Ventriculus parvus, & totus intestinorum tractus, nil contra naturam ostendebat. 8) Jecoris autem facies tota comparuit immutata: color nempe ejus erat talis, qualem post coctionem induere solet; tota moles corrugata, aut, si mavis, contracta; substantia dura, scirrhis, granorum milii instar, undique referta. 9) Vesicula felleæ facies superior jecori non erat immersa, sed per membranam tantum juncta; inferior autem ejus facies, contra naturam, jejuni intestini principio adnata, quæ aperta calculum continebat substantiæ cophacæ ac fragilis, laxiorisque, coloris ex ferrugineo & gryseo mixti. Ceterum vesicula felleæ flaccida naturalem quidem ostendebat magnitudinem, sed, præter calculum præfatum, materiam continebat purulentam, ex gryseo flavescentem, ejusque tunica interior crassam & mucidam se ferebat. Ductus cysticus, valvulis spiralibus undique repletus, hepaticus & cholidochus communis, ad digiti minoris crassitiem ferme dilatatus, liquore naturalis coloris & consistentiæ tincti, orificio biabant in intestinum laxiori. 10) Pancreas valde erat scirrhosum, suo potissimum in principio. 11) Lien inveniebatur parvus & contractus, sed colore & substantia naturali gaudens. 12) Renes aderant secundum naturam constituti, & succenturiati insignes. 13) Ureteres atque vesica urinaria primo intuitu a naturali norma etiam non aberrabant; hæc vero, neutiquam contracta, sed relaxata, licet a lotio penitus vacua, curatius examinata, circa fundum præsertim tam tenera reperiebatur, ut digitis ubique perforari facillime potuerit. 14) Uteri textura nihil manifestabat extraordinarium. 15) Remotis pectoris integumentis, ne vestigia quidem reliqua erant glandularum mammariarum. 16) Ablatum sternum in pectoris quoque cavitate degebat largam effusæ lymphæ copiam, colore & consistentia cum illa

illa in abdomine visa convenientis. 17) Pulmones erant lividi, & hinc inde inflammati, præterea sinistro in latere pleuræ adnati, cæteroquin sani. 18) Liquor pericardii & quantitatem & qualitatem exhibebat consuetam. 19) Cor autem reperiebatur parvum, contractum, & corrugatum, ita, ut vasa ejus coronaria in superficie tantum hæsisse dixisses. Abscisso ejus mucrone, vix una vel altera sanguinis guttula ex dextro effluebat ventriculo, multoque minus ex sinistro. Auricula dextra continebat polypum duos pollices crassum, figura globosum, angularem tamen, colore pallidum, substantia tenacem, & muci instar coagulatum, neque tamen aqua, neque digitorum pressione, solubilem, externe lævem & politum, interne quasi fibrosum. Ejusdem coloris ac consistentiæ polypus alius occurrebat ad insertionem venæ cavæ in eandem auriculam, ejus caput pollice crassius porrigebat duo crura digitum crassa, & palmam circiter longa, quorum alterum brevius occupabat venam cavam superiorem, alterum longius inferiorem. In plura inquirere, neque temporis spatium, neque adstantes, permittebant.

JUSTI GODOFREDI GUNZII, ANATOMIÆ ET Chirurgiæ in Academia Lipsiensi Professoris Publici Extraordinarii, Observationum Chirurgicarum de Calculum curandi viis, quas FOUBERT, GARENGEOT, PERCHET, LE DRAN, & LE CAT, Chirurgi Galli, repererunt, Liber unus.

Lipsiæ, apud Jo. Christian. Langenhemium, 1740, 8.

Plag. 10, Tabb. æn. 2.

Quo atrociores calculi, in vesica hærentis, dolores sunt, quorior in dissolvendo & expellendo eodem remediorum successus esse solet, eo magis de commoda, eum sectione eximendi, ratione solliciti fuerunt, qui manu medentur, & nunc alto, quem dicunt, nunc parvo, nunc magno, apparatu, nunc laterali sectione, aperire vesicam susceperunt. Cum vero quamvis methodum sua premant incommoda; recentiores de iisdem emendandis, & tum ratione instrumentorum, tum loci incisionis & partium

partium aperiendarum, perficiendis, inprimis cogitarunt. Recentissimos Gallorum conatus, ex parte non satis his in terris cognitos, quos in itinere suo observavit Cl. Autor, hoc libro accurate describit, instrumenta nova delineat, modum sectionis exponit, partes discissus ex Anatome studiose indicat, atque inde iudicium de methodi cujusvis commodis & incommodis interponit, sicque optime de hac parte Chirurgiæ meretur. *Prima Observatione Fouberti* methodum exponit, ubi in genere id notat, quod illa cum magno apparatu a plerisque Gallorum Chirurgis laterali præferatur, ita, ut, quo propius quis ad hanc accedat, eo minus aliorum sibi applausum polliceri possit, unde & hæc *Fouberti* a multis rejecta sit, qui, acum triquetram inter ischii tuber & anum in latere sinistro oblique demittens, superiora & interiora petat, aperiaturque vesicam inter prostaticæ basin, ureterem sinistram, & vesiculam seminalem, quo facto, scalpellum rectum super fistulæ sulco demittens, sinistram vesicæ partem, quantum satis videtur, aperiatur, externamve pariter plagam ampliorem reddat, retractoque cultro primo, conductorem *Hildani*, mox, acu educta, forcipem, immittat, & reliqua eadem, qua in apparatu magno, ratione perficiatur; ubi tamen difficulter admodum integros, etsi minores, extrahi calculos notat Autor. Hinc partes inter secundum scissas fusus describit, & loco incisionis maxime cum *Ravio* convenire ostendit, qui pariter ipsam vesicam, proxime cervicem a latere, & nonnihil posteriora versus, incidit. Uti vero in eo commoda videtur sectio, quod vesicæ solum, imposita imo abdomini lintea pila, depressione, acu sua triquetra feliciter injecta, ipsum viscus scalpello sine fistulæ immissione aperiri possit, cum notum sit, quam difficulter sæpe catheter intromittatur, & quantis doloribus sectio super illo stipata esse soleat; ita illud non dissimulat Cl. Autor, primum difficulter ægros urinam retinere posse, quod tamen necesse sit, ut debite deprimi vesica possit, quo justo loco aperiatur, præterea ob obliquam ferramentorum immissionem plagam admodum angustam fieri, unde instrumenta difficulter immittantur, calculi minus commode educantur, hincque fortiori & frequentiori agitatione vulneris ora collidantur. *Altera Observatione*

de *Garengeoti* & *Percheti* proposita curandi via differit, quæ in eo potissimum consistit, ut catheter bène curvus, cum profundo sulcò & longo rostro in vesicam immisus, cum cole ad dextrum inguen inclinetur, ut ejus gibbum juxta anum ad ruber ischii fere pertingere sentiat, hinc, cute perinæi extenta, latum digitum a futura perinæi plaga obliqua usque ad ruber ischii incidat, deinde super indice sinistra in mediam plagam indito scalpellum leniter ad sulcum catheteris demittat, urinæ iter aperiat, manuque cum scalpello sursum mota, ut hujus dorsum sulco catheteris incumbat, illud, quam alte potest, in vesicam demittat, &, dum recipitur, paululum a cathetere removeat, donec iter urinæ satis parvum sit, postea ductor canaliculatus super dorsum catheteris in vesicam compellatur, hocque retracto, reliqua more solito absolvantur. Hac data descriptione, fusius contra *Garengeotum* disputatur, quænam partes hac ratione incidi debeant, siquidem minus accurate hæc ab illo tradita sunt. Hinc, illam neutiquam novam esse, sed maxime, inprimis uti a *Percheto* feliciter peracta sit, cum *Chefeldeniana* convenire, demonstrat, cum in utraque tota prostata cum urethra & vesicæ orificio patefiat. *Tertia Observatione* Clariss. *le Dran* novas in emendanda sectione curas exponit. Cum enim ille varias difficultates in diversis secandi methodis perpenderet, illam, quæ apparatu magno fiat, tutissimam censuit, dummodo aliqua in ea emendentur, & evitentur incommoda; inter quæ potissimum videbatur, quod, columnæ vesicæ atque prostrata ferramenta incaute immittendo, vehementerque calculum evellendo, findantur dilacerenturque, atque a se invicem atque ab aliis separentur, ad quod evitandum correctam illam, & cum laterali conjunctam, tradere instituit, quo partes illæ levi intrus plaga incidantur; ipsa etiam ferramenta ad hunc scopum magis apposita reddi curavit, binæque scalpella, alterum majus, alterum minus, totidemque ductores canaliculatos, nova ratione fabricari curavit, quæ accurate describit, & icone exprimit, modumque ea applicandi, ac totam sectionem peragendi, copiose exponit, quasve partes hac ratione apertas invenerit, lectores docet, maximumque hujus methodi commodum censet, quod, via prostatae incisione satis patefacta, forcipes

forcipes ~~sive~~ partium dilaceratione commode immitti, calculi majores etiam commodius conquiri & eximi possint, ut alia de ratione vincendi, & forcipes educendi, ab Autore notata, taceamus. Quæ quarta *Observatione* proponitur, methodus Nobilissimi *le Cat*, maxime cum *Cbsfeldeniana*, sive laterali, Gallorum Chirurgis ceteroquin minus probata, convenit, ita tamen, ut novis ad hanc sectionem, cultris singularis fabricæ utatur, quorum alterum, longiorem, urethrotomum, alterum, brevior, cystidotomum, appellat, quæ accurate a Cl. Autore describuntur, & icone expressa exhibentur. Horum provido usu, præter partes externas, primo iter urinæ, qua membranaceum est, aperitur, inde prostata atque vesica a sinistro latere totæ aperiuntur, a dextro vero latere aliqua ex parte inciduntur. Itaque satis patula paratur via, qua forcipes immitti, calculi etiam majores absque vulneris collisione, aut urethræ a prostata divulsione, eximi possint, quo nomine multum commendanda videtur. Cum vero tot inter se rationibus discrepent, qui calculum secare instituunt, quinta *Observatione* regulas aliquot generales constituit Cl. Autor, ad quas quævis methodus examinari, & de ejus commodis ac incommodis judicium ferri possit. Harum prima est, ut eas partes incidantur, in quibus minimum periculi metuendum est, quo nomine ultimam *le Cat* reliquis anteponit. Altera est, ut omni vesicæ, sive sanæ, sive etiam morbosæ, adhiberi possit, methodus. Cum enim vesicæ sæpe nimis contractæ, & a calculo aspero in primis inflammata, suppurata, aut etiam fungis repletae sint, singulis illis ultimam, a *le Cat* adhibitam, maxime convenire ostendit. Tercio loco illam commendat, qua omnes calculi commode educi possint, sive parvi, sive majores sint, spinosi etiam aut arenosi, intusque adhærescentes, ad quod desideretur, ut plaga satis patula atque recta sit, ut digitus commode immitti, & forcipes, quoties necesse, sine gravi partium irritatione applicari possint, quo nomine iterum ultimam reliquis præferendam censet. Sexta demum *Observatione* aliqua, quibus *Fouberti* & *Dranii* methodi emendari possint, ut plaga magis aperta & tutior sectio reddatur, adjicit Cl. Autor, quæ suo tempore fusius executurum se pollicetur. Nos, etsi plura adicere instituti

stituti ratione prohibemur, nulli tamen dubitamus, harum rerum studiosos vel brevi hoc indicio incitatum iri, ut ipsum Cl. Autoris librum evolvant, in quo cuncta distincte & copiose exposita cum voluptate reperient.

Gedanken über das Reich der Blumen, x.
hoc est,

*ANTHOPHILI MEDITATIONES DE REGNO
Florum, in secessu viridarii enatæ, ad ampliandam
Numinis gloriam, & in curiosorum excitationem,
evulgatæ.*

Dresdæ & Lipsiæ, apud Georg. Conrad. Waltherum, 1740, 8.
Alph. 1 plag. 8.

Scriptum hoc, Autore suo dignissimum, non physici tantum aut botanici, sed mixti, esse argumenti, ut curatori florum examine ad maximi momenti meditationes morales manu veluti ducantur lectores, ipse statim titulus, plenius vero Operis inspectio, docet. Neque tamen physica & botanica penitus hic exulant, sed cum suavitatibus moralibus amicali nexu conjuncta, & terso dicendi genere, interspersis cum antiquorum Poetarum & Rhetorum, tum recentiorum etiam, inprimis *Brokefii*, *Trilleri*, *Zellii*, similis argumenti locis, proposita, quemque facile ad legendum invitant. *Prima Sessio* ad originem florum omnium respiciens, hosque toti mundo æquævos esse ostendens, varias sciorum de æternitate mundi, aut fortuita ejus origine, quove anni tempore primum is esse cœperit, quæstiunculas percenset Doctiss. Autor, & eundem a summo opifice productum, floribusque ornatum, evincens, reliqua, nobis non revelata, frustra indagari monet. Hinc *altera Sessio*, qui fines divini in producendis floribus fuisse videntur, pluribus exponit, & uti nostrum est, in illis quoque Numinis venerari majestatem, ita eos potissimum ad mortalium delectationem generari censet, ut merito exclamare possimus: non necessitatibus tantummodo nostris provisum est, usque in delicias amamus. *Sessio* enim *tertia*, quæ potissimum physica est, & de natura, partibus, ac divisione, florum tradit, id inculcat.

cat, se non de arborum fruticumque frugiferorum floribus, potissimum ad generandos fovendosque fructus destinatis, sed de illis floribus, qui, fructibus destituti, delectationi tantum inserviant, agere; quod discrimen Germanico nomine *Blüthe* & *Blume* designat. Etsi vero vix essentialis aliqua inter utrosque discrepantia a Botanicis concedi possit; facile tamen cuivis Auctori indulgeri potest, quibus limitibus laborem suum definire velit. Hos itaque flores corpora viva, variis ad incrementum & propagationem suam organis instructa, gratissimis attributis ad hominis potissimum delectationem prædita, appellat. Vitæ aliquam speciem illis concedendam esse, præter alia plura phænomena potissimum ex incremento & propagatione eorum colligit; eosdemque, ut animalia, partibus solidis, & fluidis, per illas vitalem circuitum obeuntibus, constare innuit. Hinc partes in vegetabilibus, flores ferentibus, conspicuas propius considerat, & de radice, caudice, gemmis, foliis, ramis, ipsis floribus, eorumque semine, ex recentiorum Physicorum præceptis & propria observatione copiosius disserit, inprimis vero florum calicem, petala, pistillum, & stamina, pulvere subtili turgida, atque pedunculum, quo sustentantur, eleganter describit. *Quartam Sectionem* seminibus eorum, diversæ conformationi, & variis receptaculis, indicandis destinavit. Qua occasione quæstionem illam, an plantæ, primitus a creatore productæ, jam tum omnium futurarum rudimenta in se continerint, utrinque variis argumentis agitatam, attingit, neque tamen certi quidquam in abscondito hoc naturæ mysterio definiri posse putat; &, quomodo ex eodem terræ succo tot discrepantis indolis vegetantia nutrimentum suum capere possint, Auctorum sententias exponit, aliis hoc diversæ illorum texturæ, convenientem sibi succum elaboranti, aliis vero ipsius nutritii succi diversitati, tribuentibus; ut plures jam quæstiones, an nimirum aliqui flores sine semine proprio sponte generentur, an diversitas sexuum in plantis obvia sit, unde potissimum nutrantur, an lunæ aliquod in eas imperium sit, similesque, silentio prætereamus. His præmissis, latissimum campum de pulchritudine & suavitate florum disserendi sibi apertum videt, illam in evrythmia partium & inprimis

inimitabili colorum elegantia, hanc in effluviis amœnitate, consistereprehendit, quæ ita mirifice distributa sint, ut alii flores inprimis colorum præstantia superbiant, licet inodori, alii odorum inprimis fragrantia excellent. Plura hic ornate & copiose dicta sunt, quæ majori cum voluptate in ipso libro, quam a nobis missa in compendium, legentur. *Sexta Sectione* de commodis usibus & abusibus florum agitur; ubi primum jure locum virtuti illorum medicæ & balsamicæ tribuit, inde de secundariis florum usibus, qui modo Diis oblatis, modo in honorem aliorum sparsi, modo ad ornamenta locorum suspensi, modo in coronas nuptiales, natalitias, & convivales, collecti, &, ubicunque exhilarare animum libuit, adhibiti, modo in solemnibus funebribus & circa sepulchra effusi fuerint, multa erudite profert. Neque vero silentio prætereundum censet, flores etiam multis insectis inprimis necessarium præbere nutrimentum, quod illis injuria videamus. Uti vero abusus florum varios merito detestatur, ita *Septima Sectione*, florum etiam intuitu ad cognoscendum summum Numen, & perfectiones ejus admirandas, invitari homines, pie non minus, quam docte & eleganter, demonstrat. *Octava Sectione*, magnos omni tempore, eosque sapientes, viros ex omni populo memorabilem hortorum florumque amorem ostendisse, illosque omnibus aliis deliciis multum prætulisse, adductis Poetarum & Historicorum antiquiorum & recentiorum testimoniis, docet. Et si enim multis illorum potissimum vitæ rusticæ & agriculturæ amor prædicetur; tamen, cum flores potissimum agrorum & hortorum ornamentum sint, ad hanc classen illos jure revocandos putat, inprimis cum de multis hoc sigillatim annotatum legamus; quos inter jure locum suum occupat elegantissimi ingenii & doctrinæ cultissimæ Autor, utpote qui ipse in Præfatione & sparsim in toto libro testatur, se, illorum hominum, qui hortos olim in deliciis habuerunt, exemplo, post magnum vitæ tempus in publica luce & gravissimis negotiis transactum, summa cum voluptate ad suavissimum secessum properasse, atque multum se beatum in contemplatione operum naturæ & florum suavissimorum cultura censere. Unde tanto facilius illi tanquam experto credimus, quæ nona

Sectione copiose & ornate commemorat, nullum voluptatis genus majori innocentia, amœnitate, & salubritate, se commendare, quam illud, quod ex hortis floribusque percipiamus; neque miramur, quod *decima Sectione* in illos, qui flores parvi nimis pendunt, justumque his pretium statuere, & in considerandis iis aliquid studii ponere, indignum magnis ingeniis censent, invenitur. Uti vero huic florum amoris præstantissimi Autoris totum hunc librum, & elegantes *Sectionis undecimæ & duodecimæ* de florum hominumque inter se similitudine, respectu ortus, interitus, & futuræ resurrectionis nostræ, in illis adumbratæ, nec non de officiis, quæ nobis intuitu florum incumbunt, meditationes, debemus; ita hanc Viro egregio felicitatem ex animo gratulamur, atque diuturnum ejus usum precamur, ut tanto citius *alteram Partem*, qua singulorum florum accuratam descriptionem uberiorem daturum se pollicetur, quamque a multis, qui priorem hanc perlegerunt, avide desideratum iri, nulli dubitamus, ex nobili illa prodeuntem officina videamus.

MEMOIRES POUR SERVIR A L'HISTOIRE, &c.

hoc est,

R. P. NICERONI, BARNABITÆ, COMMENTARII, *historiæ celeberrimorum in Rep. literaria virorum inservientes.*

Tomus XXXVIII.

Lutetiæ, apud Briassonium, 1737, 8.

Plag. 18, & totidem plag. dimid.

Quorum vitæ hoc in *Tomo* describuntur, scriptaque justo ordine, non omissa diversarum editionum mentione, commemorantur, hi sunt: *Abrahamus Muntingius*, Professor Botanices in Academia Groningana, m. 1683 d. 31 Januarii; *Jacobus Wimpheelingius*, primo Concionator Spirensis, tum Professor Latinæ linguæ Græcæque Heidelbergensis, denique homo sui juris, m. 1528 d. 17 Novembris; *Joannes Caspar Gevartius*, Juris Doctor, & Senatus Antverpiensis ab Actis, m. 1666; *Joannes Keplerus*, Mathematicus Casareus, m. 1630 d. 15 No-

Bbb 2

vem.

vembris; *Ludovicus Kepplerus*, prioris filius, Medicus Regiontanus, m. 1663 d. 13 Sept.; *Petrus Paulus Vergerius*, senior, Jctus, A. 1349 natus, A. 1419 mortuus; *Petrus Paulus Vergerius*, junior, Episcopus & Papæ Legatus, ad ultimum transgressus in castra Lutherana, m. 1565 d. 4 Octobris; *Abrahamus Wicquefortius*, diu Electoris Brandenburgici Residens in aula Gallica, postea Ducis Luneburgici apud Batavos Residens, m. 1682; *Fronto Ducaus*, Jesuita, m. 1624 mensē Septembri; *Jacobus Quinenius Neapolitanus* (*de la Neufville*), Historicus, m. 1728 d. 20 Maji; *Michael Mercatus*, Archiater Papæ, m. 1593 d. 25 Junii; *Joannes Dlugoffus*, sive *Longinus*, Canonicus Cracoviensis, ac paulo ante mortem designatus Episcopus Leopoltanus, m. 1480 d. 29 Maji; *Matthias Glandorpius*, Medicus Bremensis, m. circa annum 1632; *Paulus Hay du Chastelet*, magister libellorum supplicum, m. 1636 d. 6 Aprilis; *Joannes Cabassutius*, Presbyter Oratorii, m. 1685 d. 25 Sept.; *Cornelius Loofius*, sive *Callidius*, Theologiæ Doctor, diu versatus Moguntia, ubi, cum negaret, juste quemquam damnari magiæ crimine, cum pacta dæmonum cum hominibus sint nulla, in carcere coactus est hanc sententiam retractare, m. 1595 d. 3 Februarii; *Orontius Fineus*, Professor Matheseos Parisiensis, m. 1555 d. 6 Octobris; *Martinus Hanckius*, Rector Gymnasii Vratislaviensis, m. 1709 d. 24 Aprilis; *Benedictus Accoltus*, Successor *Poggii* in Secretariatu Reipublicæ Florentinæ, m. 1466; *Joannes Trithemius*, Abbas prius Spanhemienensis, deinde Wurzburgensis, m. 1516 d. 16 Decembris; *Franciscus Gaconius*, Prior monasterii ejusdam, Poeta satyricus, m. 1725 d. 15 Novembris; *Julianus Tabuetus*, Jctus, m. circa A. 1562; *Joannes Rhodius*, malens privatus vivere, quam vel Patavii, vel Hafnia, creari Professor, m. 1659 d. 24 Febr. Vulgo habetur, sed falso, pro Autore *Elogiorum*, sub *Tomasini* nomine editorum. Hunc sequuntur *Fabianus Justinianus*, Episcopus Adiacensis, m. 1627 d. 3. Januarii; *Marinus Rex Gombervilleus*, Socius Academiæ Francicæ, m. 1674 d. 14 Junii; *Beatus Rhenanus*, vir nulli adstrictus muneri publico, m. 1547 d. 20 Maji; *Nicolaus Barpsolomai*, Monachus Benedictinus, m. circa annum 1532; *Joannes Aventinus*, præceptor

ceptor duorum Ducum Bavariae, m. 1534 d. 9 Januarii; *Joannes Tillotsonus*, Archiepiscopus Cantuariensis, m. 1694 d. 22 Novembris; *Guido Fabricius Böderianus*, Secretarius Ducis Alenconii, Vir Syriace doctissimus, m. 1598; *Antonius Mancinellus*, plurimum scholarum Italiae Rector, m. circa annum 1506. Quod de tristi ejus fato *Flacius* narrat in *Catalogo testium veritatis*, falsum esse, Noster docet, ac fabulae hujus originem aperit. Sed nec *Flacius* id pro certo aut habuit, aut tradidit. Nam hunc in modum concludit: *Hujus rei fides penes autorem sit. Nam ego eam pro comperta non habeo.* Superfunt *Rudolphus Hospinianus*, Theologus Tigurinus, m. 1626 d. 11 Martii; *Joannes de Laet*, m. 1649; *Franciscus de Salignac de la Motte Fenelon*, Archiepiscopus Cameracensis, m. 1715 d. 7 Januarii; *Hubertus Susaneus*, magister Latinae linguae Lutetiae & alibi locorum, m. circa annum 1550; *Joannes Regiomontanus*, Mathematicus, m. 1476 d. 6 Julii; *Albertus Kranzius*, Decanus Canonicorum Hamburgensium, m. 1517 d. 7 Decembris; *Angelus Firenzuola*, Abbas Italus, eloquentia patria praepollens, m. circa annum 1548. Clauduit hoc agmen *Bernardus Guyardus*, Dominicanus, Lutetiae Professor Theologiae, m. 1674 d. 19 Julii.

JOANNIS BAPTISTAE PAITONI DE VITA AC
Scriptis Fabricii Bartholeti, Medici Bononiensis,
Commentarius.

Venetis, superiorum permissu, 1740, 8.
Plag. 1.

Fabricii Bartholeti Opus de *Dyspnaea* cum non ita pridem Venetiis A. 1735 cum *Lazari Riverii Operibus* denuo prodiret; movit haec occasio Cl. Autorem, ut praclari hujus Viri, cujus aut nulla apud Scriptores mentio est, aut de quo falsa pleraque traduntur, historiam literarum proderet monumentis institueret. Quod antequam agit, initio hujus Commentarii ex eo, quod Scriptores Medici veteres, iidemque ad amplificandam Medicinam pragmaticam maxime accommodati, nostro tempore ut plurimum a viris Theoretices medicae amantissimis, ut *Freindio*, *Morgagno*, *Barbaavio*, similibusque, in lucem revocati fuerint,

illos refutat, qui, Medicinam theoreticam nunc excultam quidem esse, at practicam jacere, sibi persuadent. Ex antiqua familia Bononiensi oriundus *Bartholetus* noster, patrem habuit *Domninum Bartholetum*, qui eum ex conjuge *Dorothea*, cujus pater ignoratur, 7 Cal. Sept. A. 1586 suscepit. Peracto studiorum suorum curriculo, A. 1613 medicæ ac philosophicæ doctrinâ insignibus decoratus, primum Dialecticæ, postea A. 1616 Anatomix & Chirurgiæ, docendæ munus in patrio Gymnasio adliit. Exeunte anno 1618 Pisas vocatus, cum eo discedendi veniam a patrio Senatu postulasset A. 1619, negotium Vexillifero datum est, ut ipse petitam veniam concederet, ac stipendium etiam absenti persolvi juberet. *Bartholetus* igitur, eo anno in Archigymnasio Pisano rem anatomicam professus, confecto annuo curriculo, amplissimis præmiis & honoribus auctus, Bononiæ provinciam practicæ Medicinæ tradendæ cum largiori stipendio ornavit. A. 1626 ad novam Academiam Mantuanam, ut rem anatomicam atque medicam de prima cathedra publice proficeretur, vocatus, abeundi potestatem a Bononiensi Senatu petiit, atque impetravit etiam, ita tamen, ut liceret ipsi suum in patrio Gymnasio locum retinere, & absens ipse eodem, quo antea, stipendio frueretur. Ad audiendum eum undique Mantuam confluebant adolescentes, ut, quo tempore ibidem anatomicæ rei navabatur opera, cetera Italiæ Gymnasia Medicinæ Candidatis prope destituerentur. Præterea & in difficillimis morbis tum civibus, tum peregrinis, consilio & arte sua opem tulit. Collegium vero medicum primus ibi, ut nonnulli opinantur, non aperuit. A. 1630 ob pestilentiam obsidionemque urbis Bononiam denuo cogitavit. In itinere autem Lendinariæ, quæ nobilis & frequens pagus peninsulae Rhodiginæ est, gravissimo morbo correptus, 3 Cal. April. obiit, superstitemque uxorem *Elisabetham*, & aliquot liberos, reliquit, annos natus 43, menses 4, dies vero circiter 27. Valuit *Bartholetus* acerrimo ingenio, & firmissima memoria, præceptoremque inter alios habuit *Julium Cæsarem Claudinum*, auditorem vero *Jo. Vestingium*, viros celeberrimos.

ab eo libris primum facile locum tenet *de Dyspnæa, sive de respirationibus*, Opus, ex quo *quartus Liber* præcipue auri instar habendus esse hic dicitur, porro *Encyclopædia Hermetico-dogmatica*; & *auspicalis trium methodi demonstrativæ anatomice Præcognitorum Praefatio*. Qui ab aliis quoque commemorantur, ut *Anatomica humani microcosmi descriptio*, & *de Hydropæ pulmonum*, eos nec ipse Autor noster, magna licet adhibita diligentia, usquam invenit, nec ullum, qui istos viderit, cognovit.

J. C. S. OBSERVATIO DE SITU OPPIDI *Siluntis.*

Magnus Geographiæ veteris instaurator, *Christoph. Cellarius*, quem Germania nostra etiamnum desiderat, *Lib. III Geogr. ant. Cap. 13 Sect. V §. 13 pag. 454*, ut editio nostra numerat, locum oppidi *Siluntis ex conjecturis magis, quam ex rationibus, designari, existimat*. Non ei, nec nobis, cum Annotationes nostras ad librum hunc adscriberemus, in mentem venerat insignis illius demonstrationis, qua divinus Autor libri *Judicum Cap. XXI v. 19* omnem animis nostris dubitationem exemtam vel potius præventam voluit. *Dixerunt autem, inquit, commodum meminimus solenne festum Silunte celebrari Deo vero, quod oppidum Betheli a septentrione, ab ortu solis in via, quæ a Bethelæ Sichemum ducit, & a meridie Lebonæ objectum est*. Nihil clarius dici potuit ad signandam oppidi sedem, cum præsertim *Eusebius* *Silunta duodecim, Hieronymus decem, miliaria Sichemo, seu Neapoli Flavia, abesse scribant*. Quanquam enim inter utrumque dissensio quædam intercedat; ea tamen vel exclusa vel inclusa oppidi utriusque amplitudine dirimi potest. Majorem nobis difficultatem afferunt LXX interpretes, qui extrema versus supra citati uno illo quidem, sed incommodò, verbo augent: ἀπὸ τοῦ τοῦ τῆς Λιβάνος τῆς Λιβωνῆς. Ecquis enim hic est Libano locus? Infertum præpostere Libanum dicemus ab homine Geographiæ rudi?

An insolentiorum quandam Libano significationem tribuemus? An, ex duabus diversorum interpretum aut librariorum vel conjecturis, vel versionibus, utrumque vocabulum coaluisse, existimabimus? An correctionis operam male processisse dicemus? Nos quidem de librarii temeritate suspicari malimus, auctoritatem Codicum quorundam secuti, quam *Breitingerus* sub extremitate paginae memoravit, & auctoritas Codicis Hebraei sublevari; sed optando interpretationi dubiorum locorum saepe minus consulitur. Potest enim interpreti ante oculos observari aliquid, quod magnopere scitu & observatione dignum est, etiam si vulgo id minus perpendatur. Sed de LXX interpretum doctrina magnifice nobis sentire vix licet, quando pleraque ab iis vel addita, vel rescissa, vel utcumque interpolata, literatis viris minus fere probata sunt. Cujus rei exempla vel *Clerici Commentarius in Pentateuchum* suppeditabit sexcenta.

NOVA LITERARIA.

Cum non minus interesse rei literariae videatur, illud sciri, quid agere instituant, & quid meditentur serio Viri docti, quam quid egerint ac perfecerint re ipsa; minime ab hoc loco alienum facturos nos speramus, si, quid sit nobiliorum Operum, in quibus componendis totum nunc esse cognovimus doctissimum urbis Cremonensis Medicum, *Paulum Valcarengum*, vel duobus verbis docuerimus Lectores nostros. Fiet autem id commode inprimis, & ad mentem Viri praestantissimi accommodate, si ipsa ejus, excerpta ex literis, ad *F. O. M.* datis, verba hic dederimus. Scribit autem inter alia novum illud Italorum decus: *In lucem nuper exiit Medicinae meae rationalis alterum Volumen. Jam Constitutionum Cremonensium continuationem, pro instituto meo a me exaratam, prelo cito subjiciam. Aliud nunc meditor laboriosum Opus de Sanctimonialium morbis, quod utique curiosum erit. In hoc enim non Philosophi tantum & Medici, sed & Theologi, munus suscipiam. Alia etiam in posterum praestabo, si labores meos literario orbi non ingratos fuisse novero.*



NOVA ACTA ERUDITORUM,

publicata Lipsiæ

Calendis Julii Anno MDCCXLI.

FRIDERICI HOFFMANNI, CONSILIARII
Regis Borussæ intimi & Archiatri, Professoris Medici-
næ primarii in Academia Halensi, Opera omnia phy-
sico-medica, denuo revisa, correctæ, & aucta, in sex To-
mos distributa; quibus continentur doctrinæ, solidis
principiis physico-mechanicis & anatomicis, atque et-
iam observationibus clino-practicis, superstructæ, metho-
do facili ac demonstrativa deductæ, & per experien-
tiam septem & septuaginta annorum stabilitæ, cum vita
Autoris, & ejus Præfatione de differente Medicinæ &
Medicorum statu atque conditione, & criteriis
boni ac periti Medici.

Tomi VI.

Genevæ, apud Fratres de Tournes, 1740, fol.

Tom. I Alph. 1 plag. 1, singulis Alphabeti literis tria folia com-
plexis, Tom. II Alph. 1 plag. 7, Tom. III Alph. 1 plag. 19,

Tom. IV Alph. 2 plag. 4, Tom. V Alph. 1 plag. 18,

Tom. VI Alph. 1 plag. 6.

Quod paucissimis, imo, quoad nos compertum habemus,
nullis omnino, Germaniæ Medicis contigit, videt nunc Il-
lustris Hoffmannus, lætaturque, se superstitè Opera sua,
exterorum curis collecta, conjunctimque in publicam lucem
edita, posteritatis usui destinari. Neque enim is Germaniæ tan-

tum lumen fuit, quam doctrinæ suæ claritate mirifice illustravit, sed gloria ejus, cum intra patriæ fines non contineretur, vicinarum quoque gentium peragravit oras, effecitque cum aliis Vir summus, ut Germanici ingenii vis & acumen majori, quam olim, in pretio nunc habeatur. Quamvis autem præstantissimi Viri opera alia atque alia tum apud Germanos, tum Batavos, Helvetios, Italosque, identidem recuderentur; non tamen quantæcunque ex editiones sitim adeo omnium expleverunt, ut non in Gallia, Hispania, atque Lusitania, Medici eruditiores maximo desiderio, thesaurum hunc possidendi integrum, & omnia huc usque edita opera, in unum volumen comprehensa, pervolvendi, tenerentur. Quod postquam intellexerunt nobilissimi Bibliopola *Tournesii*, inierunt illorum ad prelum revocandorum consilium, petieruntque simul ab Autore, ut recognosceret omnia, atque, ubi opus esset, emendaret, illustraretque, & præter hæc nova Præfatione, fuscipiendæ huic Operum omnium editioni non deesse consensum suum, publice testaretur. Ita vero in adornando hoc Opere rationes suas inierunt bibliopola, ut chartæ nitore, typorum elegantia, mendorumque correctione, lectoribus satisfactum iri credamus. Tomo igitur primo, post Dedicationem, ad Augustissimum Prussorum Regem, *Fridericum Wilhelmum*, perscriptam, Commentationemque de vita Autoris nostri, a *Cel. Sebulzio* exaratam, existat Præfatio nova, *de differenti artis medicæ ac Medicorum conditione ac statu, & criteriis boni ac periti Medici*. Cum enim omnino Reipublicæ intersit, ut veri a falsis Medicis dignoscantur, ejus rei causa aliquot criteria Noster in doctissima hac Præfatione commemoravit, quæ ita se habent: 1) Præstans atque genuinus Medicus solidam cognitionem earum rerum, quæ cum ad rationalem ac demonstrativam, ut vocant, explicationem, tum ad æquum rectumque judicium de propria ægrotantis natura, morbi causa, & idonea remedium applicatione, ferendum, pertinent, sibi comparavit. E contrario imperiti Medici, in sola experientia medendi artem esse positam existimantes, ex hac unice, quid salutare corpori, quid noxium sit, cognosci posse arbitrantur. Atque ex hoc fonte tot dissensiones ac dissidia inter Medicos oriuntur, quolibet ad

ex-

experientiam provocante, ubi de viribus medicamentorum disceptatur, cum tamen experientia quotidie comprobet, vires remedium non absolutas & semper easdem esse, sed relativas, & pro conditione corporum, naturarum, aliarumque, quæ circumstant, rerum, agere. Paucis: Medicus in sanandis morbis ad completam, si haberi potest, morbi & ægrotantis historiam ante omnia advertit, quam si ex sana theoria physica & medica, ratione omnium eorum, quæ in illa enarrantur, & præcipue ratione causæ morbi & symptomatum, recte ad suas rationes revocare laborat, facile perspiciet, non certa & specifica quædam ad curandam valetudinem prostare medicamenta, sed plura scilicet, quæ alios juvant, aliis, eodem modo laborantibus, esse detrimento. 2) Præstans & peritus Medicus ex vera morbi historia, & rebus antecedentibus, primam morbi originem & fontem, a quo symptomata tanquam effectus profluunt, curatius eruere conatur, medendique rationem ad causam maxime proximam removendam accommodat; qui vero sine ratione artem exercent, symptomatum potius, quam causæ, rationem habent, & in illis depellendis operam suam collocant. 3) Præcipue sagax & rationalis Medicus non multis variisque, sed paucis, idoneis, & efficacibus ad profligandum morbum, utitur remediis, minus vero rationalis, si a remedio dato non illico desideratus fiat effectus, hoc facile mutat, aliudque exhibet; quod si nec ipsum expectationi respondeat, denuo aliud substituere non cunctatur. 4) Medicus imperitus medicinas jactat universales, maxime ex auro paratas; peritus autem, his insuper habitis, probe intelligit, morborum causas, atque temporum ægrotantiumque naturas, maxime variare, atque adeo his omnibus in uno remedio non esse præsidium. 5) Medicus peritus de rebus medicis, per experientiam nondum satis cognitis, e.g. morbis insolitis & raris, item curationis ratione pro cœli diversitate ineunda, de medicamentis novis, aquis medicatis, &c. ferre judicium valet, quod ab alio non expectes. 6) Præstans & peritus Medicus naturæ ministerium simul respicit, illique vel succurrere, vel ejus impetum moderari, aut corrigere, laborat; imperiti vero & legum naturæ in medendo nescii medicamento vel fortiori, vel leviori,

singulis fere horis repetito, sæpiusque incongruo, hunc laudatissimum naturæ ordinem turbant & pervertunt; quanquam etiam nostra ætate huic naturæ beneficio a nonnullis nimium tribuitur, & omnia ad rationalis animæ consilia ac provisiones referuntur.

7) Præstans peritusque Medicus subtiliori rerum obscurarum difficiliumque meditationi & cognitioni minime indulget, sed ea potissimum, quæ in sensus incurrunt, quæ usum habent, & de quibus evidens ratio constat, reddique potest, consecratur.

8) Prudens peritusque Medicus valetudinem integram, & ab omni morborum insultu liberam, idoneis remediis, e fonte dietetico potissimum petitis, præstat.

9) Præstans Medicus artis chirurgicæ rerumque in ea obviarum peritia excellit, quo incertam Chirurgorum consilio adjuvare, & modesta admonitione corrigere, queat; ceteri vero hæc prorsus ignorant & negligunt. 10) Medicus rationalis de morbi eventu, symptomatum accessu, & medicamentorum operatione, sententiam suam expromit; in spurium autem ejusmodi prognos non cadit. 11)

Medicus genuinus theoriam cum praxi conjungit; spurius theoriam calumniatur, & praxin ubique jactat; 12) Medicus genuinus animi ad veritatem inspicendam liberum, nullis præjudiciis, autoritatibus, sectisque, adstrictum, avertit; spurius magistrorum tantum suorum placitis firmissime inhærescit. Longiores fere in enarrando præstantissimæ hujus Præfationis argu-

mento fuimus, quoniam eo labore in ipsi exponendis Operibus commode superfedendum nobis erit. Quoniam enim, si a paucis Dissertationibus discesseris, omnia jam olim in nostris his Animalibus pro eo, ac par erat, collaudavimus; nihil in præsentem restat amplius, quam ut, qui libri in quolibet Tomo contineantur, breviter indicemus.

Tomus itaque primus complectitur Medicinæ rationalis systematicæ Tomum I de philosophia corporis humani viri & sani; Tomum II de philosophia corporis humani morboſi; Tomum III de veræ Therapiæ fundamentis. Tomus secundus sistit ejusdem Medicinæ rationalis systematicæ Tomi IV Partem I de omni generis febribus; & Partem II de hæmorrhagiis & doloribus. Tomus tertius continet Medicinæ rationalis systematicæ Tomi IV Partem III de morbis spasmodicis & convulsivis, Partem IV de morbis, ex viscerum labe, partiumque solidarum atonia,

pro-

provenientibus, & Partem V de morbis ac vitiis, externas potissimum partes assigmentibus, cum Supplemento de morbis infantum. Tomo quarto insunt Consultationum ac Responsorum medicorum Centuriæ III; Observationes Physico-Chymicæ selectiores, neque minus Dissertationum Physico-Chymicarum trias, scilicet de generatione salium, de analysi chymico-medica reguli antimonii medicinalis; de Mercurio & medicamentis mercurialibus selectis. Tomus quintus repetit I) Opuscula Physica varii argumenti, quæ Dissertationibus 13 constant, scilicet 1) Demonstrationes physicas curiosas, experimentis ac observationibus mechanicis ac chymicis illustratas; 2) Observationes barometrico-meteorologicas, & epidemicas, atque de ventorum natura ac viribus; 3) Commentationem de Salinis Halensibus, in qua plures simul physicæ quæstiones de fontium salforum origine, ipsiusque salis differentis, præparatione, & utilitate, illustrantur; 4) de Methodo compendiosa, plantarum vires & virtutes in medendo indagandi; 5) de Temporibus anni insalubribus; 6) de Siderum in corpora humana influxu medico; 7) de Fato physico & medico, ejusque rationali explicatione; 8) de Annorum clymaactericorum rationali & medica explicatione; 9) de Diaboli potentia in corpora, per physicas rationes demonstrata; 10) de Temperamento, fundamento morum & morborum in gentibus; 11) de Rationis instructæ excellentia in rebus divinis & humanis; 12) de Ratione sanæ, universæ Medicinæ præside; 13) de Atheo convincendo ex artificiosissima corporis structura; II) Opuscula de Aquis mineralibus, earumque salutarî virtute, quæ 14 Dissertationibus constant, scilicet 1) de Elementis aquarum mineralium recte judicandis & examinandis; 2) Scrutinium physico-medicum principiorum & virtutum in præcipuis medicatis Germaniæ fontibus; 3) de Convenientia elementorum ac virium in thermis & acidulis; 4) Observationes & cautelas circa thermarum & acidularum usum & abusum; 5) Disquisitionem physico-medica de Thermis Carolinis, earum caloris causâ, elementis, viribus, utilitate, & usu; 6) Examen physico-medicum fontis Sedlizenensis amari in Bohemia, noviter ab Autore detecti, nec non salis, ex eodem parati; 7) de Fontis martiati Lauchstädiensis, ab

Autore detecti, viribus, & usu; 8) de Aqua, medicina universalis; 9) de Balnearum ex aqua dulci præstantissimo in effectibus internis usu; 10) Observationes de Acidulis; thermis, & aliis fontibus salutaribus, ad imitationem naturalium per artificium parandis; 11) de eximia virtute salis Carolinæ; 12) de Conubio aquarum mineralium cum lacte longe saluberrimo; 13) de fontis Spadani & Swalbacensis convenientia; 14) de fontis Selterani virtute & præstantia; III) *Opuscula diætetica*, quæ 17 *Dissertationibus* constant, scilicet 1) de Medico sui ipsius; 2) de Methodo acquirendi vitam longam; 3) de Animo, sanitatis & morborum fabro; 4) de magno Venæsectionis ad vitam sanam & longam remedio; 5) de Diætetica, Scripturæ sacræ medicina; 6) de prolonganda literatorum vita per regulas diæteticas; 7) de Valetudine senum tuenda; 8) de Militum valetudine tuenda in castris; 9) de præmatura morte & morbis præcavendis; 10) de septem legibus sanitatis; 11) de Peregrinationibus, sanitatis causa instituendis; 12) de Inedia, magnorum morborum remedio; 13) de Medicina simplicissima & optima, motu, inedia, & aquæ potu; 14) de vini Rhenani præstantia; 15) de excellenti virtute, natura, & usu, vini Hungarici; 16) de Remediorum domesticorum præstantia; 17) de pane grossiori Westphalorum, vulgo Bonpournickol. Ad *Tomum* denique *sextum* pertinent I) *Opuscula medica de remediorum efficacia, facultatibus, & viribus*, quæ 13 *Dissertationibus* constant, scilicet 1) de mirabili lactis asinini in medendo usu; 2) de saluberrima feri lactis virtute; 3) de Salium mediorum eccellente in medendo virtute; 4) de Manna, ejusque præstantissimo in medicina usu; 5) de recto Corticis Chinæ usu in febribus intermittentibus; 6) de Medicamentis selectioribus; 7) de Medicamentis balsamicis; 8) de præstantissima Nitri virtute medica; 9) de Camphoræ usu interno securissimo & præstantissimo; 10) de Vesicantium & foniculorum circumspecto in medicina usu; 11) de Opiatorum nova, eaque mechanica, operandi ratione; 12) de vera Medicamentorum in morbis virtute & efficacia rite dignoscenda; 13) de cognoscenda corporis humani natura ex effectu remediorum; II) *Opuscula Pathologico-Præctica, varii argumenti*, quæ 20 *Dissertationibus* constant, scilicet

scilicet 1) de ætatis mutatione, morborum causa & remedio; 2) de Salium morbosorum generatione in corpore humano; 3) de Putredinis doctrina, ejusque amplissimo in medicina usu; 4) de usu Anatomies in praxi medica; 5) de Morbis fortuum in utero materno; 6) de Dentibus, eorum morbis & cura; 7) de Bile, medicina & veneno corporis; 8) de Salubritate febrium; 9) de Situ erecto in morbis periculosis valde noxio; 10) de Crisium natura, ejusque explicatione rationali; 11) de certo & rationali mortis in morbis præfagio; 12) de Duodeno, multorum malorum causa; 13) de ignorata uteri structura, multorum in medicina errorum fonte; 14) de Morbis, certis regionibus & populis propriis; 15) de Læsionibus externis, abortivis, venenis ac philtris; 16) de Metallurgia, morbifera; 17) de Inflammatione ventriculi frequentissima; 18) de Morbis hepatis ex Anatomia deducendis; 19) de Pulsuum natura, genuina differentia, & usu in praxi; 20) de Generatione mortis in morbis;

III Opuscula Medico Practica, quæ curam morborum & medendi methodum, nec non circumspectum remediorum usum, spectant, &

10 Dissertationes complectuntur, scilicet 1) de naturæ & artis efficacia in medendo; 2) de recta & simplicissima naturæ medendi methodo; 3) de Medicamentorum prudenti applicatione in tempore; 4) de prudenti medicamentorum continuatione; 5) de Purgantibus fortioribus ex praxi medica merito ejiciendis; 6) de Medicina & emetica post iram veneno; 7) de imprudenti medicatione, multorum morborum & mortis causa; 8) de Medicamentis infecuris & infidis; 9) de erroribus vulgaribus circa usum topicorum in praxi; 10) de Venæsectionis abusu. Satis jam posteris & gloriæ suæ Ill. Hoffmannus scripsisse videtur. Verum ipsemet Vir Celeberrimus & ad bene merendum de salute generis humani natus nondum hæc sufficere putat, nec proinde ætatis suæ vacatione utetur, sed in posterum quoque omnes pro sua virili animi industriæque vires in elaborandis præstantissimi argumenti libris consumet. Quod ut bene vertat, tota mente nos precamur.

NUMISMATA REGUM MACEDONIÆ, QUÆ
laboribus Celeberrimorum Virorum, CROPHII, LAZII,
GOL-

GOLTZII, PATINI, SPANHEMII, HARDUINI, BEGERI, WILDII, HAYMII, LIEBII, &c. ex Regiis aliisque Numismatophylaciis hæcenus edita sunt, additis ineditis ac nondum descriptis, quotquot comparare licuit, integra serie historica. Tabulis æneis representata, digessit, descripsit, & Notis variorum doctissimorum Virorum illustrata, edidit, JOANNES JACOBUS GESSNERUS, Tigurinus. Præfixa sunt Prolegomena de Thesauro universali omnium Numismatum Græcorum & Romanorum, Caput de Numismatum Græcorum præstantia, usu, & raritate, & pag. 24 inferitur le Catalogue des Medailles Greques, qui se trouvoient au Cabinet d' Illustre Mons. DE FORMONT DE LA TOUR, pendant qu'il demeuroit à Zurich.

Tiguri, ex officina Heideggeriana, 1738, fol.

Plag. 10, ac 7 Tabulæ Figurarum, æri incisarum.

Opus, quod Cl. Autor molitur, arduum profecto est, & ad omnem posteritatem commemorabile. Ipse enim in eo est, ut Thesaurum Numismatum, undecunque collectum, edat. Specimen destinationis pulcherrimæ hæc sunt Numismata Regum Macedoniæ, quotquot inveniri poterunt, omnia, quæ fere sola in votis eorum fuere, qui integram Monarchiam Græcam, cujus prima & præcipua pars regnum exstitit Macedonicum, numis illustratam videre desiderarunt. Tam exiguus olim erat hujus generis Numismatum numerus, doctissimis viris notus, ut ea aliorum numorum classibus inserta ederentur, ne illa penitus interirent. Autorem nihilo minus successus in colligendis hisce Numismatibus prosperior haud destituit, æqualis certe, ni superior, conatibus *Vaillantii*, qui collectiones Numismatum Regum Syriæ, Ægypti, & Parthorum, inter plausus eruditi orbis evulgavit. In posterum ipse dabit plura, quibus hæc Numismata, parco historica descriptionis apparatu condecorata, vel suppleri vel emen-

emendari possint. *Phido & Arys*, Argivorum Reges, *Ufia* fere ævo primi Græcorum Regum numos rotundos signatosque percusserunt. Ab *Amynta* ad *Perseum* usque decurrit hæc Numismatum Macedonicorum series. *Baudelotus* quidem e primis exstitit, qui consilium, Numismata Regum Græcorum colligendi, ceperat, suoque exemplo ad idem institutum persequendum *Vaillantium* inflammavit. Difficultates chronologicas, in serie Regum Macedoniae occurrentes, *Harduinus* in *Chronologia Vet. Test.*, & quidem *Opp. sel. pag. 576*, indicavit, nec non ipse *Haymius* in *Thef. Brit. Tom. II pag. 9, 10*. In *Tab. III Fig. 30* numus exhibetur spurius, orthographiæ temporum *Alexandri M.* minus congruens, cujus forma fortassis ex numis *Hadriani* mutua fuit sumpta, in cujus numis argenteis similis typus exstat, qualem edidit *Petrusius* in *Museo Farnensi*. In *Tabula IV Fig. 36* numus *Erytraorum* fuit repræsentatus, cujus initiales *EPY* *Patinus* haud intellexit. In numis hujus generis *noctua* apparet, de qua Autor plura in *Numis urbium* edidisset. *Philippi*, numisma regale, ita dicti fuere a *Philippo*, Rege Macedonum, ex auro jussu ejus facti, postquam hic aurifodinam apud *Crenidas* fuisset nactus, teste *Diodoro Siculo Lib. VIII pag. 847*, quod quidem jam commemoravit *Crochius* in *Antiqu. Maced. Lib. II Cap. 5*. *Philippus* hosce norunt ac memorarunt *Horatius Lib. II Epist. 1 v. 234*, ac *Plautus Bacch. Act. II Sc. II v. 52*. *Friedericus Taubmannus* ad locum posteriorem annotavit, valuisse *Philippum aureum* duos circiter aureos Gallicos. In numis *Philippi* curules Olympicorum victoriæ subinde occurrunt, id quod jam animadvertit *Plutarchus*, ac ex eo *Begerus* in *Thef. Brandenburg. Tom. I pag. 233*. In numo *Tab. II Fig. 4* cernitur *Philippi* oculus dexter, vicens, suoque officio fungens, licet Autores antiqui, *Philippum* in obsidione Methonæ octavo regni anno dextro oculo jactu sagittæ orbatum esse, cum *Justinus VII, 6*, soleant referre. *Diodorus* vero & *Plutarchus* de illa luminis dextri amissione tacent, Autores potioris fidei. In numis *Tab. II Fig. 20, 21, 30*, observari potest *Corytus*, seu arca, in qua olim arcus recondebantur. *Contornii* exhibentur *Tab. II Fig. 12, 13*. Multi huc usque frustra tentarunt Thesaurum numismaticum universalem. *Morellus* in

- Pag. 2. *Specimine rei numariae*, ut adornaretur illè, admodum exoptavit. Primus; qui operi hujus generis laborem accommodare cœpit, exstitit *Wolfgangus Lazius*, Medicus Viennensis, defunctus præmatura morte A. 1565, anno ætatis 51, inter destinatorum auspiciâ, cum Viennæ A. 1558 in forma maxima specimen edidisset, functus ipse chalcographi, quem reperire haud poterat, labore. Majori cum successu universam rem numariam tradere cœperunt *Hubertus Goltzius*, Herbipolita Venlonianus, ejusque commentator, *Ludovicus Nonnius*, qui *quinque Voluminibus*, forma maxima conspicuis, editis inde ab A. 1563 usque ad A. 1576, Numismata & Græca, & Consularia, & Imperatoria, fuerunt complexi. Prior diem suum obiit A. 1583; posterior Commentarium in illum A. 1620 Antwerpiz emisit. Post horum Duumvirorum ætatem maxima numorum veterum copia fuit detecta. Fidem oculatam fecit *Andreas Morellus*, Bernas originè, *Ludovici XIV* Parisiis, & postquam e carcere Bastiliano liberatus fuerat, Sereñiss. Principis Schwarzburgo-Arnstadiani Antiquitatum interpres.
3. Constituerat supra 25000 numos in lucem edere. Sed, præter unicum specimen, in quo Numismata ex omni genere selecta 174 in æs incisa sunt, nihil ad nos pervenit. Tabulæ æneæ supra quinquaginta, quæ apud *Thomam Fritschium* exstabant Lipsiæ, in Angliam sunt delatæ. Obiit *Morellus* A. 1703, Arnstadii apoplexia oppressus. Prodiit quidem A. 1733 Amstelodami *The-saurus numismaticus Morelli*, sed qui duntaxat Numos Consulares comprehendit, quorum plurimi ab *Ursino*, *Patino*, & *Vaillantio*, editi satisque illustrati fuerunt. Cl. *Havercampus* in *Prolegomenis* de Operibus *Vaillantii*, huc spectantibus, egregie differuit. *Panelius* in elaborando numismatico Opere defudat, elegantissimumque de *Numis cistophoris* Opus, promulgidis loco, præmisit. Institutum Cl. *Gessneri* a Rev. *Panelii* destinationibus, (ita enim hic scribit,) multum differet. Statuit enim *Gessnerus* Thesaurum universalem numismaticum componere, eumque *quatuor* complecti *Voluminibus*, quæ triginta florenis parari redimique possint. Adhibebit usibus suis Opera quævis, de numis jam edita, additurus eos quoque numos, quos Ven. *J. B. Ottius*, Canonicus & Archidiaconus Tigurinus, aliique, cum ipso communicarunt. Adjunget brevem

brevem eis expositionem ac descriptionem, exempla *Vaillantii* & *Banduri* secuturus. Indicabit ubique, ex quibus Autoribus vel Museis Numismata fuerint deprompta, & quinam Autores hunc vel illum numum accuratius illustrarint. Nec tamen eum juvat, nec necesse est, omnia Numismata supposititia, vel erosa, vel mutila, vel ea, quæ typis lineamentisque averſi vel adverſi lateris inter ſeſe conveniunt, propter unius monogrammatiſ, literæ, vel inſcriptioniſ, exiguam varietatem, innumeris vicibus tabulis æneis exprimere. In contextu Operiſ ſignificabit eaſ qualescunque varietateſ. De reliquo dabit ad minimum in hoc *Theſauro* duodecim millia & ducenta latera, in quibus variorum Numismatum parteſ, averſa haud ſecus ac adverſa, apparebunt. Editoreſ Operiſ lubenti animo plureſ tabulaſ Operi ad-jicient, ſi qui eruditorum typoſ ineditorum numorum ſint communicaturi cum Autore. Supplementa hæc eiſ, qui 30 floreniſ quatuor Volumina redemerint, gratis tradent ſine aliis expenſiſ, reliquiſque emtoribuſ æquiſſimo pretio vendent. Univerſum Opuſ diſtinguetur in diverſaſ Parteſ. *Prima* complectetur Numismata Græca, Regum, Populorum, Urbium; *ſecunda* Numoſ Conſulareſ vel Familiarum Romanarum; *tertia* & *quarta* Numoſ Imperatorum Romanorum, tum Græcoſ, tum Latinoſ, eiſ haud prætermiſſiſ, qui in coloniis fuerunt percuſſi. Specimen hoc *Partiſ primæ Sectionem primam* comprehendit, ut Lectoreſ ex hac ſimbrîa de textu judicare, & ex ungue leonem noſcere, valeant. Numiſmatibuſ Græciſ promiſit Autor ſelectaſ obſervationeſ, quibuſ de numorum Græcorum præſtantia, uſu, raritate, & diſtributione, exponit. In *prima Sectione Tomi primi* exhibebit idem Numismata Græcorum ſecundum hanc ſerieſ: 1) Reges Macedoniæ, 2) Syriæ, 3) Ægypti, 4) Parthorum, Ponti, Boſphori, Thraciæ, Cappadociæ, & Bithynorum, 5) Judæorum, 6) Siciliæ, 7) Reges minoreſ, Avernorum, Cariæ, Cimmericorum, Cyrenæorum, Lydiæ, Mauritanîæ, Pergamenorum, & Pœoniæ. In *altera* deincepſ *Sectione* tradet Numoſ populorum & urbium, ſerie alphabetica diſpoſitoſ. Si qua ferrea vel plumbea Numismata eiſ reperire contigerit, eorum deſcriptionem inter ænea dabit. *Νεμίσματα* nomine deſignantur paſſim æditui ſacrarumque ædium

Pag. 5.


6.

7.

10.

11.

- ædium curatores. *Ὀμολογία* fœdera & societates significat. In
- Pag. 12. numis Regum Macedoniae variæ sese offerunt figuræ, *caput Jovis*, ejusque sedentis imago, sinistra hastam ferentis, *Diana*, cui cervus sacer fuit, *Minerva* vel *Pallas Alcides*, hoc est, *Heraclea*, ab *Alexandro Magno* inprimis culta, *Leo* & Leonis exuviae, gestamen capitis Regum Macedoniae, *diademata*, Regibus eis frequentata, *equus*, quo Macedonia abundavit generoso, & ex Scythia immisso, *caprae*, quarum ductu Edyssa occupata, *Jovi sacrae*, *aquila*, *quadratum*, terminorum insigne, *fulmen*, & *corona quærneæ*, symbola Jovis Olympii, *cornua*, dominatus ac principatus insignia, ac aliæ figuræ. Addidit deinde Autor seriem Regum Macedoniae ex tabulis chronologicis, quæ *Justino*, a *Grævio* cum Notis variorum edito, ad finem sunt subjunctæ. Primus Regum Macedoniae, cujus numi exstant, est *Amyntas*. Figura literæ O in eis est quadrata. Cancræ figura vel ad *Herculem*, qui cancrum occidisse fertur, vel ad cancrorum in Macedonia multitudinem, vel ad prudentiam, referenda. *Archelai* quatuor diversa huc usque innotuerunt numismata, hic exhibita ab Autore. *Amyntarum* representantur numi ænei sex, argentei tres; *Alexandri II* numisma unum argenteum, haud secus ac *Ptolemæi*
13. *Acoritæ*; *Perdiccæ III* numi duo: *Philippi* Macedonis ac *Alexandri Magni* bene multi; *Olympiadis* numisma æneum. Subjunguntur expositiones de numis *Alexandri*, & pag. 24 seq. catalogus variorum Numismatum Græcorum ex Museo Ven.
30. *J. B. Ottii*. Sequuntur Numismata *Philippi Avidæi*, *Cassandri*, *Antigoni*, *Antipatris*, *Alexandri IV*, *Demetrii Poliorcetae*, *Pyrri*, *Lyfimachi*, in cujus numis nonnullis cornu arietinum eminet.
- Tab. IV Fig. 2. 3. 4. *Ptolemæi Cerauni*, *Melagri*, *Softhenis*, *Antigoni Gonati*, *Antigoni*
- Pag. 35. *Dosonis*, *Philippi V*, & *Persei*, cum nonnullis numis, serius sub
36. adpectum revocatis, supplementi loco adjectis. Gratulamur Autori destinationem Operis vastissimi, ac, ut impetum animi vires corporis sequantur, ex animo precamur, licet novam orthographiam in vocibus *numophylazium*, *provinzia*, &c., atque *B. Joannis Hübneri* Chronologiam regnorum veterum, suo loco relinquamus. Priusquam vero hinc discedimus, non possumus, quin, quæ Autoris est opinio, *Archelai*, antiquissimi Macedonum
- Regis,

Regis, qui teste *Diodoro Lib. XIII* jam Olympiade 92 regnavit, TAB. IV
numum cum Lectore communicemus, satis rarum, & ob pallium Fig. 5.
humeris impositum plane singularem. Diadema caput ornat
pro more. In area exstat monogramma ex Φ & π com-
positum. In averſa eminet area quadrata, cui equus, Ma-
cedoniæ, equis plenæ, symbolum, inſiſtit. Perigraphæ partim ex-
trita. Legi poſſunt literæ - - - ΣΙΛΕ - - - ΕΛΛΟΤ.
Numus hic æneus *Archelao I* plerumque tribuitur, ex Museo Pag. 36.
Devoniensî in *Haymii Theſaurum Britannicum* translatus. Si
quid judicando aſſequi valemus, monogramma adverſæ ſeu an-
ticæ *Philippum* denotat. In numis *Philippi*, quem *Alexander*
Magnus fuit ſecutus, ſolet apparere litera Φ , ut in *Tab. I Fig. 20*
apud Autorem, ac H , ut in *Tab. II Fig. 10*. In numo, quem
Archelao I tribuere eruditi conſueverunt, monogramma 
Philippum denotat. Pallium & barba neglecta Philoſophum
designant magis, quam Regem. *Diadema* autem, inſuper ad-
junctum, indicat Regem, eumque Philoſophum. Quæ momenta
eundem *Philippum* designant, qui, teſte *Juſſino VII, 5*, Thebis
obſes habitus in domo *Epaminondæ*, ſummi & Philoſophi & Im-
peratoris, prima pueritiæ rudimenta depoſuit. Initio ipſe ma-
gis tutoris, quam ſuo, regnavit nomine. *Archelaus*, cujus in averſa
fit mentio, frater fuit ejusdem *Philippi* ex noverca *Cygea*, *Ju-
ſſino* teſte *VII, 4*. Regem in averſa dici *Archelaum*, haud adeo
eſt in expedito, licet divinare nondum liceat, an ἀδελφὸς ſit
legendum.

DIONYSIUS LONGINUS ON THE SUBLIME, &c.

hoc eſt,

DIONYSIUS LONGINUS DE SUBLIMI, EX
Græco converſus, una cum Notis & obſervationibus,
brevique commemoratione vitæ, ſcriptorum, & chara-
cteris Autoris; editore GUILIELMO SMITH,

A. M. Rector ad S. Trin. Ceſtrienſi.

Londini, apud W. Innys & R. Manby, 1739, 8 maj.

Plag. 14.

Ddd 3

Doctis-

Doctissimus Britannus, qui hanc novam *Longini* editionem curavit, rationem ejus ipse in præmissa reddit Præfatione. Ipsa libri *πρὸς Ὀβελον* elegantia eum ceperat, tum vero etiam illorum studiis inservire voluit, qui in Græcis literis toti alieni sunt. Latuit iste liber intra velum Bibliothecarum usque ad medium Seculi decimi sexti. Prima Latina versio *Gabrielis de Petra* Genevæ A. 1612 formis descripta in lucem exiit. Sed, quæ primum orbi tradita fuit, recentior versio Gallica est *Boilavii*, quæ, ut cum Græco non ubique conveniat, elegans tamen est, & erectum dicendi genus in se continet. Anglica vero hæc, quam indicavimus, conversio finita jamjam erat, cum audivit Clariss. *Smithus*, *Longinum* dudum antea, nimirum A. 1724, a *Welftedio* Britannica veste indutum, publicæ luci expositum esse. Sed in stuporem conjectus fuit, cum exploravit, istam Anglicam versionem *Boilavianam* esse, eamque corruptam ac inficete expressam, & omnibus illius maculis, ipsis etiam operum erratis, infectam. Postea in manus ei binæ aliæ Britannicæ inciderunt versiones. Una *Jos. Hallii*, Equitis, Londini A. 1652, altera vero, sine nominis mentione, Oxonii A. 1698, prodiiit, quæ cum Gallica *Boilaviana* comparata esse, in Indice dicitur. Harum vero ea erat ratio, ut a re proposita ipsum non possent abducere. Confecerat hanc dudum versionem, sed non citius eam, quam spatio novem annorum interjecto, publicavit; atque intra hoc tempus illam identidem retractavit, amicorum judiciis subjecit, & plurima hinc inde ad Græcum emendavit exemplum. Nam propositum ipsi erat, hoc Latinis verbis accurate expressum orbi exhibere. Ac sane præ nobis ferendum est, quippe qui nonnullos locos cum Græco contendimus, Clariss. *Smithum* metam animo designatam obtinuisse. Is & gratias agit Celeb. *Pearcio*, cum de suis ejusdem libri editionibus, in quarum numero alteram cumprimis laudat, tum maxime de animadversionibus & correctionibus, quibus hanc versionem auxit & ornavit. Notæ & observationes, ad hanc adscriptæ, chartæ jam mandatæ fuerunt, cum Latinas legit *Pearcianas*. Præmittitur præterea *Index & Sectionum Longini*, & *Autorum*, quos ille testatus est; hunc autem *enarratio vitæ, scripto-*

ptorum, & characteris Longini consequitur, quæ Introductio in *περί* Pag. 3.
ὑψους libellum jure ac merito nominari potest. Non Syrus 4.
 natione, verum, id quod verosimilius est, Græcus, idemque
 Atheniensis, fuit, quia *Demosthenem* civem suum ipse vocavit.
 Cum viris ætatis suæ doctis diligenter versatus est, inprimisque 5.
Ammonium & Origenem, Philosophos tum clarissimos, cum cu- 6.
 ra audivit. Athenæ olim erant Academia orbis; quare *Lon-*
ginus, idoneum hunc locum ratus, studiis obsequendi suis, illic
 mansit, ubi & suum *περί ὑψους* librum composuit, eodemque
 edito eximiam Critici gloriam sibi peperit. In hoc elegantem 8.
 doctrinam, eloquentiam, & philosophiam, professus est, Acade-
 miam, quam *Plato* condiderat, securus. Magna valuit apud
 Reginam *Zenobiam* gratia, quam & filii educatione, & aliis præ- 9 seq.
 claris promeritis, conciliaverat. Ex scriptis, quæ plurima edi- 17 seq.
 dit, nullum ab interitu vindicatum est, præter hoc *περί ὑψους*,
 quod puncta tulit omnium. In aliis ejus virtutibus candor emi- 22.
 nuit, cujus indicium dedit, dum de *Mose*, & ejus verbis, *γε-
 νέσθω Φῶς κ. τ. λ.* *Sectione IX* præclare judicavit, hæcque ad
sublime retulit; id quod, præter alios, *Cel. Wollius* noster A.
 1735 singulari enodavit Commentatione. Legerat *Longinus* 23 seq.
 haud dubie Græcam Vet. Test. versionem. Quid? quod &
 ipsas Novi Test. tabulas versasse videtur. Exstat saltem in Vati-
 cana Codex Evangeliorum MStus, ubi ex *Longini* deper-
 ditis, ut nos arbitramur, *περί συνθέσεως λόγων* libris *S. Pau-*
lus inter maximos oratores nominatur, hæcque citantur verba:
περί τέτοις Παῦλος ὁ Ταρσεύς, ὄντινα καὶ πρῶτος Φημι
πρὸς τῶν δόγματος ἀναποδείκν. Scripsit quidem *Cel. Enbri-*
cius Biblioth. Græc. Lib. IV Cap. 31 pag. 445, verba ista a Christia-
no homine adjecta esse, sed nullam ille, cur ita decernat, addidit
 rationem. Ill. Vir, *Guil. Temple*, observat, post imperium 25.
Antoninorum Græcam munditiem non amplius viguisse. At
Longini dictio, ut ab *Aristotelea* vincatur, elegans tamen est,
 nervis plena, rebusque semper conveniens. *Longinus* vero non 27 seq.
 Criticus tantummodo fuit eximius, sed Philosophus etiam acu-
 tus, qui in omni vitæ ratione, ipsaque in morte, magnum se
 præbuit. Ipse, qui sequitur, *Longini* liber novis & separatis 1-108.
 paginis

paginis insignitus est. Dabimus præcipua capita, quæ ad naturam hujus editionis pernoscentiam aliquo modo pertinere videntur. Verba *Longini* Græca hic minime apparent. Sola nova versio Britannica exhibetur, prout ordo *Sectionum* eam requirit. Hac tota communicata, Notæ Cl. *Smithi* ac Observationes demum singularem sibi vindicant locum, quæ Anglice quoque conscriptæ sunt. Sunt vero illæ ejusmodi, ut ad rem criticam, ad veterem Historiam, & ad stili denique referri mereantur vim atque elegantiam. Duo sunt, quæ hanc editionem in primis ornant. Unum est, quod Autor doctissimus exempla recentiorum magni nominis Criticorum lectissima recitat, ad præcepta *Longini* illustranda. Sic *Tassus* in *Gierusalemme liberata* quædam ei suppeditavit. Exstant hic loci selectiores virorum celebrium, qui in Magna Britannia eloquentiæ laude florent, ut *Tillotsoni*, *Popii*, *Pearcû*, *Milroni*, *Addisoni*, aliorumque. Ex his etiam notissimis libris, qui *Spektator*, *Guardian*, inscribuntur, & aliis ejusdem generis, loci excerpti sunt lectu valde digni. Ut vetera Græciæ Latine Autorum exempla taceamus, quæ Vir doctus cumulavit. Alterum, idemque præcipuum, quod nobis hac in editione probatur, consistit in idonea collectione locorum, ex sanctissimis utriusque Fœderis codicibus depromptorum, quibus sententiæ *Longini* lux accenditur egregia. Ut vel hoc nomine hunc Cl. *Smithi* laborem etiam atque etiam commendemus. Quoquo te vertes, locos perspicies *Mosis*, *Johi*, *Psalmoreum*, ipsius *Christi* verba, notatu digniora. Nec paucas *S. Pauli* elegantias testatus est Cl. Autor. Quo etiam perspicuum sit, quam scitam ille versionem confecerit, verba nonnulla ex *Sectione XLIV*, quæ ultima est, exempli gratia non alienum erit proferre. Criticus Philosophi personam sumsit, ejusque verbis usus, παιδομαθεῖς δεξιᾶς δικαίας dixit. Doctissima *Daceria* in Notis ad *Terentium* verborum hunc vult esse sensum: ab infantia nostra usi sumus facili imperio, nulla tyrannide aut vi onerato; sic enim verba. ejus ex Gallico Latine fideliter convertimus. *Pearcius* contra hanc sententiam adoptavit: just and lawful vassallage, id est, justum & legitimum servitium; quo sensu ἀρχῇ δικαίᾳ *Isocrates* dixit. Cl. *Smith* alteram

alteram quidem non inscienter delegit notionem, sed venustius locum ita expressit: *we were born in lawful subjection, nati eramus in legitima subjectione*. Ipsam vero rem in notis adjunctis ex Historia Græca Romanaque confirmat. Ut sensus hic sit: *Democratia, in qua sua quisque libertate utitur, nutrix est erectoris indolis, & nihil ea efficacius ad sublime consecrandum incitare reperitur. Quare nos felices erimus utique, qui in libero ejusmodi legitimoque imperio nati sumus. Non dubitamus, fore plura, quæ literati lectores in hoc libello investigare, atque in usus suos convertere, queant. Ipsum vero, quod Longinus exposuit, argumentum de industria non exscripsimus, quoniam istud & præterit neminem, & jam alia excerptum fuit occasione.*

Pag. 184
seq.

THE METHOD OF FLUXIONS, &c.

hoc est,

METHODUS FLUXIONUM ET INFINITARUM serierum, cum ejusdem ad geometriam curvarum applicatione. Opus posthumum ISAACI NEWTONI, ex Latino Anglice versum, perpetuisque Commentariis illustratum, Autore JOANNE COLSON, A. M. & Societatis Regiæ Socio.

Londini, 1736, 4 maj.

Alph. 1 plag. 20 $\frac{1}{2}$, Tab. æn. 1.

Egregium hoc Opus, quod ceteros hujus generis libros tantum antecellit, quantum inter omnes facile Geometras *Newtonus* eminet, illud ipsum est, quod jam pridem, Illustri ejusdem Autore adhuc in vivis degente, *Cel. Pembertonus* edere consilium ceperat. Qui cum consilium suum, *Newtono* vivis erepto, mutasset; id sibi negotii sumsit *Clariss. Colsonus*, & quia primos hujus Operis fructus civibus suis solis esse voluit, idem ex Latina lingua, qua illud *Newtonus* conscripserat, in Anglicam transtulit, & tironum ejus artis, quam hoc Opus tradit, utilitati prospiciens perpetuis Commentariis illustravit, eorum autem causa, qui principia & fundamenta hujus artis impugnarunt, & tanquam incerta nimis ac infirma traduxerunt, Præfatione instru-

E e e

xix,

xit, qua, quam stabilibus hæc ars nitatur fundamentis, præclare ostendit. Totum itaque hoc Opus *duo* complectitur, *primo* ipsum *Newtoni* librum de seriebus infinitis & fluxionibus, *secundo Colsoni* in hunc librum Commentarios; de quibus singulis nunc sigillatim agemus. Ipse igitur *Newtoni* liber, parvus is quidem mole, sed & ob difficillimi argumenti uberiores, solidam, ac minime vulgarem, tractationem, & ob exemplorum selectum, & ob divinum *Newtoni* ingenium, ex hoc Opere ubique elucens, maximi sane æstimandus, *tribus* tanquam *Partibus* constat, quarum *prima εισαγωγῆς* instar series infinitas tractandi rationem demonstrat, *altera* methodum fluxionum, proprie sic dictam, tradit, *tertia* usum utriusque methodi in geometria curvarum ostendit. Quod ad primam attinet, versatur ea in exponenda nova illa Logistica speciosa parte, quæ ante *Newtoni* ævum fere incognita, postea vero & ab aliis, & a *Newtono* maxime, fuit excolta, cujus ope quælibet quantitas algebraica complexa in ejusmodi seriem, quæ ad verum ejus valorem continuo appropinquat, resolvitur. Quæ in libello *de Analysis per æquationes infinitas*, atque *Fragmentis Epistolarum Newtoni*, de hoc argumento interferta leguntur, ea hic ordine congeita, aucta etiam singularibus artificiis, & uberius exposita, videmus. Docetur nimirum modus fractiones, quæ polynomios habent denominatores, in seriem simplicium terminorum continua divisione resolvendi, & radices tam ex potentiis puris, quam ex affectis æquationibus, extrahendi, & simul compendiosa valdeque universalis methodus, æquationes affectas numerice resolvendi, ostenditur. Hæc sunt quibus *prima Pars* hujus libri absolvitur, quam maxime in gratiam sequentis *Partis* Autor præmisit, quippe qua methodus fluxionum explicatur. Quicquid in hoc argumento arduum est, id *Newtonus* ad solutionem duorum Mechanicorum Problematum reducit, quibus omnino tanquam fundamentis methodum suam extruxit. Primum est: Longitudinem spatii descripti omni tempore data, velocitatem mobilis dato quovis tempore invenire; & respicit methodum fluxionum directam, quam vocant. Alterum est prioris conversum, hoc videlicet: Velocitate mobilis omni tempore data,

spatium

spatium quovis tempore dato descriptum invenire; quod methodi fluxionum inversæ principium est. Intelligendum est autem, tempus hic non spectari, nisi ut per motum æquabilem expositum & dimensum, spatium autem, haud secus ac omnem quantitatem, *Newtono* generari continua indefinitorum incrementorum, seu momentorum, quæ dicit, accessione, quæ dum quantitas nascens successive & continuo capit, in motu & fluxu veluti quodam constitui, per motum adeo generari, videtur; quod etiam *Fluentium* & *Fluxionum* appellationi ortum dedit, quorum nominum illud quantitates continue crescentes aut decrecentes, hoc velocitates motus generantis, seu eas, quibuscum incrementa tempusculis infinite parvis nascuntur, designat. Itaque quoniam spatii, motu utlibet variato descripti, longitudo omni tempore datur, data relatione constante, quam id omni temporis momento ad aliud spatium simul, motu tamen æquabili, descriptum habet; velocitas autem mobilis omni tempore datur, data relatione velocitatis hujus ad alius cujusdam mobilis celeritatem uniformem, per singula temporis momenta constante; inde intelligitur, primum horum Problematum mechanicorum geometricæ & in omni ambitu suo sic posse proponi: data fluentium relatione, invenire relationem fluxionum; alterum sic: æquatione data, quæ quarundam quantitarum fluxiones involvit, ipsas fluentes invenire. Et hisce duobus locis omnis fluxionum methodus continetur. Quibus ex principiis fluxionum doctrinam derivaverit *Newtonus*, dictum est: jam ad utriusque Problematis solutionem pergimus. Et primum quidem Problema, quo directæ fluxionum methodus conficitur, maxime universaliter sic solvitur. Æquatio, qua fluentium ratio exprimitur, secundum dimensiones ejusdam fluentium, veluti x , disponatur, & singuli termini primum per singulos terminos *cujusvis progressionis arithmetica*, cujus differentia sit differentia progressionis exponentium in æquatione æqualis, deinceps per quantitatem $x^{-1}dx$ multiplicentur, hæc operatio separatim pro singulis fluentibus instituatur, omnia denique producta in unam colligantur summam, quæ nihilo ponatur æqualis. Quæ solutio quantum a vulgari differat, qui tam calculum differentialem, quam vulga-

rem methodum fluxionum, qualis a plerisque scriptoribus Anglicis tradita est, callent, omnes facile intelligent. Circumscribitur enim vulgaris ista methodus multo angustioribus limitibus, cum coefficientes numericos terminorum æquationis, quam vocant, differentialis vel fluxionalis alios non admittat, nisi qui sint dignitatum singularum fluentium exponentes. Cujus rei hæc forte ratio est, quod vulgo fluentem aliquam solam & sine relatione ad aliam considerent, ac ita statim proponant Problema: Datae fluentis invenire fluxionem; quod neutiquam ad mentem *Newtoni* facere videntur, qui de fluentibus quantitatibus sic statuit, ut, nisi ad quandam æquabiliter fluentem referantur, earum fluxus distincte concipi mente nequeat. Contra per *Newtoniam* methodum quoslibet numericos coefficientes, modo definitæ progressionis arithmeticæ fuerint termini, assumere liberum est; unde infinita solutionum unius Problematis varietas enascitur, ex quibus, quæ ad negotium maxime videbitur appposita, ea eligi poterit. Solutionem suam *Newtonus* haud paucis exemplis illustrat, & ostendit præterea, quomodo æquatio fluxionalis inveniat, si æquatio proposita plures fluentes involvat, nec non si quantitates complectatur geometricæ irrationales; denique demonstrationem hujus solutionis, ex natura momentorum petitam, subjungit. De fluxionibus autem altiorum graduum hic exponere prætermisit, eam forsitan ob causam, quod in toto hoc opere his sibi opus non fore intellexit. Ad quæ enim Problemata illis alii vel maxime indigent, ea tam scite tractavit omnia, ut primæ fluxiones abunde sibi sufficerent. Alterum Problema hoc erat: Data æquatione, quæ fluxionum quarundam relationem exhibet, ipsarum fluentium invenire relationem. Quam difficilis sit hujus Problematis solutio, quam parum universales sint, quas huc usque ejus habemus solutiones, & quanto studio in inveniendis methodis, plures casus sub hoc Problemate contentos solvendi, Analystæ defudarint, inter omnes constat rerum mathematicarum peritos. Sed, quam *Newtonus* hic exhibet, valde universalis est solutio. Neque tamen neglexit vulgarem, quæ operatione contraria illi, qua præcedens Problema solutum fuit, conficitur. Nam, quam-

vis

vis particularis sit, & raro succedat, tamen ea prius uti suadet, quam universalis aliqua methodus tentetur. Ad universalem vero solutionem hujus Problematis, quæ per series infinitas maxime procedit, ita sibi viam parat. Primum monet, in singulis terminis æquationis fluxionalis symbola fluxionum ad eandem dimensionem debere ascendere, & ubi id non contingat, subintelligendam esse fluxionem aliquam unitati æqualem; deinde æquationes, quæ duas tantum fluxiones involvunt, ita semper esse disponendas, ut ex altera parte habeatur ratio fluxionum $\frac{dy}{dx}$, (in qua fluentem numeratoris *relatam*, denominatoris *correlatam*, perspicuitatis & brevitatis gratia appellat,) ex altera autem parte valor hujus rationis per simplices algebraicos terminos expressus; hinc, si in valore hujus fractionis terminus occurrat, ex quantitate respectu fluentium complexa constans, vel signo radicali subjectus, aut si ipsa hæc fractio æquationis affectæ radix sit, reductionem æquationis per divisionem, aut per radicis extractionem, aut per affectæ æquationis resolutionem, esse instituendam. Quibus præmissis, omne hoc Problema in tres casus dividit. Primus est, si in data æquatione duæ fluxiones & alterius earum fluens involvuntur; secundus, si duæ fluxiones cum duabus suis fluentibus adsunt; tertius, si plures duabus fluxiones habentur; qui singuli casus separatim solvuntur. Primi casus solutio sic habet. Fluens, quæ sola occurrit in æquatione, fiat correlata, & rite disposita æquatione, ut dictum, valor fractionis multiplicetur per correlatam, postea singuli termini dividantur per numerum dimensionum, quem illa correlata quantitas in singulis terminis obtinet; quo facto habebitur alterius fluentis valor. E. g. detur æquatio: $dy^2 - dx dy - x^2 dx^2 = 0$; facta x correlata, & disposita æquatione, fiet $\frac{dy}{dx} = 1 + x^2 - x^4 + 2x^6$ &c. & reliquis rite peractis ad regulam, habebitur $y = x + \frac{1}{3}x^3 - \frac{1}{5}x^5 + \frac{2}{7}x^7$ &c. At, si in valore rationis $\frac{dy}{dx}$ terminus occurrat, cujus denominator quantitatem x unius dimensionis involvat:

ut ne infinita quantitas pro valore fluentis y prodeat; loco fumenda est quantitas $b + x$, vel $x - b$, & hæc ipsi x in æquatione reducta ubique substituenda. Hanc enim mutationem non impedire, quo minus vera fluentium inveniatur relatio, *Newtonus* præclare demonstrat. Secundum casum omnium difficillimum sic docet resolvere. Æquatione, ut in præcedenti casu, reducta, & si opus est, ita præparata, ut in nullius termini denominatore fluens aliqua occurrat, disponantur ejus termini in duas classes, horizontalem alteram, alteram verticalem, & in illa quidem ponantur omnes termini, relata non affecti, secundum ordinem dimensionum correlata, incipiendo a minima, in verticali vero ad sinistram omnes reliqui termini eodem modo ordinentur deorsum; hisce factis, multiplicetur primus terminus classis horizontalis per correlatam, & per numerum dimensionum dividatur, & quotus fiat primus terminus valoris pro relata inveniendi; hic substituatur ipsi relata in singulis terminis classis verticalis, & facta ipsis ex opposito ad dextram scribantur; addantur termini homogenei proxime altiores, & ex summa inveniatur terminus secundus valoris relatæ eodem modo, quo antea primus; & sic continuetur operatio, quousque libeat. Rem ipsam sequens diagramma declarabit. Sit æquatio reducta $\frac{dy}{dx} = 1 - 3x + y + x^2 + xy$: & erit schema calculi hujusmodi:

$$\begin{array}{r|l}
 + y & 1 - 3x + x^2 \\
 + xy & * + x - x^2 + \frac{1}{3}x^2 - \frac{1}{6}x^4 \&c. \\
 \hline
 & * * + x^2 - x^3 + \frac{1}{3}x^4 \&c. \\
 \hline
 \text{Summa} & 1 - 2x + x^2 - \frac{2}{3}x^3 + \frac{1}{6}x^4 \&c. \\
 \hline
 y = & | x - x^2 + \frac{1}{3}x^3 - \frac{1}{6}x^4 + \frac{1}{120}x^5 \&c.
 \end{array}$$

Hæc generalis solutio infinitis modis potest variari, si loco ejus quantitatis, quæ ex primo termino classis supremæ horizontalis derivatur, alia quævis data quantitas pro primo termino valoris relatæ assumatur, & operatio prorsus ut ante continuetur. Sic, si primum terminum valoris y assumamus = 1, eumque in termi-

terminis $+y$ & $+xy$ substituamus, operationem vero ut ante continuemus; habebimus $y = 1 + 2x + x^2 + \frac{1}{3}x^3 + \frac{1}{4}x^4 + \frac{1}{5}x^5$ &c. Et nonnunquam adeo necesse est, ut operationis initium fiat a quantitate constante pro arbitrio assumta, id quod *Newtonus* tribus casibus declarat. Denique compendia dantur, quæ hanc solutionem sæpe breviorẽ & faciliorem reddunt, quorum quinque præcipua Autor demonstrat. Sed de his quibus plura nosse volupe erit, eos ad ipsum hoc Opus ablegamus. Tertiũ casus solutio ad priorum solutiones reducitur. Res enim omnis credit, ut omnibus fluxionibus, exceptis duabus, per relationes singularum binarum aut ex natura quæstionis aut pro arbitrio assumtas exterminatis, æquatio proposita fluxionalis in aliam mutetur, quæ ad primum vel secundum casum poterit referri. Sic, absoluto hoc difficillimo Problemate pergit Autor ad demonstrandum ejus & præcedentis Problematis usum tam in geometria curvarum, quam in variarum quæstionum, quæ ab ea pendent, solutione. Et primo quidem de quæstionibus, quas de maximis & minimis appellant, secundo de methodis tangentes curvarum ducendi, agit, earumque novem recenset. Prima est pro curvis, quarum natura datur per relationem ordinatæ ad abscissam, cui in dato angulo insistit, aut ad aream alius curvæ, quæ eidem ordinatæ adjacet, aut denique ad arcum alius areæ, cujus tangentes duci possunt; secunda pro curvis, quæ determinantur per relationem duarum rectarum, ex eodem curvæ puncto educarum, & quarum altera est ad abscissam in dato angulo ordinata, altera ad datum punctum extra curvam ducta; tertia pro curvis, quæ referuntur ad duas subtensas, ex datis duobus punctis ad idem curvæ punctum ductas; quarta, quinta, & sexta, sunt pro curvis, quarum ordinatæ ex dato puncto exeunt, & ad rectam positione datam, cui occurrunt, aut quandam ejus partem, referuntur; septima pro spirabilibus est; octava pro quadratricibus; nona pro curvis, quæ ad alias, communem abscissarum lineam habentes, & ad quas tangentium lex cognita est, ita referuntur, ut detur relatio inter partem ordinatæ, a duabus curvis interceptam, ad arcum aut ordinatam alterius curvæ. Hæc excipit Problema omnium elegantissimum, & ad
penitus

penitus indagandam curvarum naturam utilissimum, quod Autor ita proponit: ad datum quodvis datæ curvæ punctum quantitatem curvedinis invenire. In quo Problemate solvendo rationem ac viam sibi elegit *Newtonus*, a vulgari haud parum diversam. Principii loco ponit, curvedinem alicujus curvæ in dato puncto æqualem esse curvedini circuli, curvæ concavam faciem in dato puncto ita tangentis, ut alius tangens circuitus intra angulum illum contactus cadere nequeat; circuli autem curvedinem, quæ constans est, diametro suæ reciproce esse proportionalem. Sic itaque ad inventionem radii, aut centri, curvedinis reducto Problemate, quinque præcipuas hujus centri proprietates recenset, quarum, quæ simplicissima est, primam in usum solutionis solam convertit, quanquam singulæ singulares solutiones suppeditare possint. Sed illa hæc est: ducto ad curvam perpendiculo in dato puncto, centrum curvedinis esse punctum concursus duorum perpendicularorum, ex utraque primi illius perpendiculi parte ad infinite parvam ab eodem distantiam ductorum. Quo ex fonte non alienum videtur, quomodo solutionem hujus Problematis *Newtonus* derivaverit, docere: quo facilius intelligi, quod supra diximus, possit, hoc in Opere *Newtonum* fluxionibus secundi ordinis iis etiam in locis, ad quæ illas alii maxime adhibent, potuisse carere. Sit data curva AD,

TAB. IV

Fig. 6.

ad quam in dato puncto D sit tangens DT, & perpendiculum DC, in quo C sit centrum curvedinis. Sit AB = x abscissa, ad quam in angulo recto ordinata sit BD = y . Per D ducta sit ad AB parallela, cui occurrat in G ex puncto Ceducta ipsi BD parallela, in qua capiatur datæ magnitudinis Cg = 1. Erecto ex g ad CG perpendiculo $gd = z$: erit Cg : gd (= TB : BD) = $dx : dy$. Simili ratione sit in distantia a puncto D infinite parva ductum perpendiculum dC, quod rectis DG, dg, occurrat in F & f punctis, & demittatur perpendiculum de. Quibus factis, erunt De, de, df, simul nata momenta fluentium x, y , & z , atque erit $DF = De + \frac{de \times de}{De}$

ideoque $\delta F : DF = dz : dx + \frac{dx^2}{dz}$. Hinc ob $\delta F : DF =$

Cg:

Cg: CG, determinata est $CG = \frac{dx^2 + dy^2}{dx dz}$, aut (posita

$dx = 1$ & $dy = z$) $= \frac{1+z^2}{dz}$; radius autem DC curvedinis

ipse reperitur $= \frac{(1+z^2)^{\frac{1}{2}}}{dz}$. Cujus analyseos hæc est synthesis.

In æquationis ad curvam fluxionali substituatür 1 in locum dx & z in locum dy ; hujus novæ æquationis fluxionalis iterum capiatur, facta eadem substitutione; & ex ultima æquatione valor ipsius dz , ex præcedente valor ipsius z eruatur; quibus inventis, capiatur in DB producta $DH = \frac{1+z^2}{dz}$, & agatur

HC ipsi AB parallela, quæ definiat centrum curvedinis C. Hanc autem regulam Autor multis exemplis illustrat, & quo modo eadem methodus ad curvas etiam mechanicas possit accommodari, exemplis spiraliū docet. Denique aliam adjungit methodum, quæ magis obvia est, & hoc principio innititur. Nimirum, si quovis centro & quovis radio intelligatur circulus describi, qui curvam in pluribus punctis secet, deinde contrahi vel ampliari, usque dum duo puncta intersectionis coincident: circulus ille ibidem curvam tanget; & si præterea centrum ejus supponatur accedere ad punctum contactus, aut ab eodem recedere, usque dum tertium intersectionis punctum cum priori in puncto contactus coeat, curvæ hujus circuli erit curvedini curvæ in puncto hoc contactus æqualis. Hinc invenire licet radium curvedinis ope æquationis, cujus tres radices æquales sunt ponendæ. His expositis, quædam Problemata attingit, huic Problemati affinia: invenire scilicet punctum, in quo data curvæ datum curvedinis gradum habeat; invenire *punctum restitutionis*, quod vocat, sive id, in quo radius flexus fit infinitus, quod tantum non semper flexus contrarii limes est; invenire punctum *infiniti flexus*, item maximi vel minimi; determinare locum *centri curvedinis*, seu, ut alii dicunt, *evolutam*; invenire focum *radiatorum* in puncto datæ curvæ refractorum; invenire curvedinem ad verticem curvæ, ubi abscissæ suæ ad rectos angulos occurrunt. Problemati de quantitate curvedinis aliud non minus

elegans, neque magis tritum, jungitur, de qualitate nimirum curvedinis in dato curvæ puncto. *Qualitatem* vero *curvedinis* dicit *Newtonus* inæquabilitatem seu variationem curvedinis per diversas curvæ partes; ut hoc sensu qualitas curvedinis Spiralis æquabiliter inæquabilis, plurimarum autem curvarum qualitas curvedinis inæquabiliter inæquabilis, possit vocari. Ad determinandam igitur curvedinis qualitatem hæc præmittit principia: 1) quod in punctis similium curvarum similiter positis similis sit curvedinis variatio vel inæquabilitas; 2) quod in ejusmodi punctis fluxiones radorum curvedinis sint fluxionibus curvarum proportionales; 3) quod, ubi fluxiones illæ proportionales non sunt, dissimilis sit curvedinis inæquabilitas, & quidem major ibi deprehendatur variatio, ubi ratio fluxionis radii curvedinis ad fluxionem curvæ major est. Pro mensura deinde qualitatis curvedinis assumit uniformem circuli curvedinem, & rationem illarum fluxionum appellat *indicem inæquabilitatis curvedinis*; utpote quæ, quantum curvæ in dato puncto curvedo circuli curvedini dissimilis sit, exponit. Jam sit $AB = x$, $BD = y$, $DP = t$, $DC = v$: & erit $De = dx$, quæ ponatur $= 1$, atque $Cc = dv$. Et, cum sit $BD : DP = De :$

Dd , erit $Dd = \frac{t}{y}$, fietque $\frac{Cc}{Dd} = \frac{y dv}{t}$; quæ est indicis inæquabilitatis curvedinis universalis formula. Sic in parabola Apolloniana, ad quam $ax = y^2$, invenietur index inæquabilitatis curvedinis $= \frac{6y}{a}$. Quæ formula cum adeo simplex sit & facilis; parabolæ curvedinem *Newtonus* maxime idoneam habet, ad quam aliarum curvarum omnium curvedo comparetur; quam rem aliquot exemplis illustrat. Usus denique hujus Problematis ad varias quæstiones solvendas ostendit, ex quibus unam hanc hic notasse sufficiat: Determinare conicam sectionem, in cujus aliquo puncto curvedo & positio tangentis respectu axis similis sit curvedini & positioni tangentis in dato alius cujusdam curvæ puncto. Cujus quæstionis solutio hoc affert commodum, ut in locum illarum Ellipsium secundi generis, quarum proprietates in refringendis radiis *Cartesius* in *Lib. II Geometriae*

metria docuit, conicæ sectiones possint eodem fere successu substitui. Pervenimus tandem ad Problemata de areis & longitudinibus curvarum inveniendis, in quibus methodi fluxionum palmaria conspicitur utilitas. Et omnem quidem de quadratura curvarum doctrinam *Newtonus* hic in tria membra dispergitur. Nam primo docet, curvas invenire quotlibet, quarum areæ finitis æquationibus possint exhiberi, secundo, quocunque curvas definire, quarum areæ ad datæ curvæ aream relationes habeant per finitas æquationes expressas, tertio, cujusvis propositæ curvæ aream determinare. In tertii horum Problematum solutione Autor præcipue docet quadraturam curvarum, quarum æquationes terminis complexis constant, reducendo easdem ad æquationes infinitas, sed terminorum simplicium. In cujus argumenti tractatione nonnulla affert haud vulgaris indaginis, veluti cum docet, quomodo ex universali areæ cujusdam curvæ formula determinari debeat area datæ abscissæ portioni adjacens, item, qua ratione canon logarithmorum facile construatur: vede his harum rerum curiosos ex ipso hoc Opere cognoscere, quam e nostra enarratione, malumus. Sed, cum non raro contingat, ut, quamvis curvarum quarundam æquationes complexis terminis laborent, areæ tamen earum possint per finitas æquationes exhiberi, saltem ad simpliciorum & tanquam cognitarum curvarum quadraturas reduci, ut ne qua parte imperfectum hoc problema dimitteret, Autor his etiam casibus prospexit. Nam eum in finem præmisit priora duo problemata, quæ eo potissimum valent, ut, assumtis sectionibus conicis, aut aliis notæ magnitudinis curvis, aliæ curvæ possint inveniri, cum illis comparandæ, & tabulæ construi, quæ æquationes, harum curvarum naturam definientes, ordine dispositas, una cum arearum valoribus complectantur. Habentur ejusmodi tabulæ duæ in libello *Newtoni de quadratura curvarum*, quarum prima areas nonnullarum curvarum ad rectilineas figuras, altera ad sectiones conicas, relatas exhibet. Ex huc translata sub finem tertii Problematis comparent; sed prima harum tabularum sex curvarum ordinibus aucta hic sistitur, & addita est uberior de constructione & usu harum tabularum commentatio. Denique

solutione harum duarum quæstionum, quomodo valor areæ
 curvilinearæ mechanice approximando possit determinari, & qua
 ratione ex data area curvæ abscissa & ordinata ejus definiantur,
 tractationi de quadratura curvarum finis imponitur. Quæ re-
 liqua sunt in hoc Opere, ea ad doctrinam de rectificatione cur-
 varum spectant, quam Autor ad modum præcedentis de qua-
 draturis tribus Problematis absolvit. Primum docet, curvas,
 quot libuerit, invenire, quarum arcus finitis æquationibus expri-
 mi queant; quæ res breviter eo redit, ut, proposita aliqua cur-
 va, inveniatur radius evolutæ vel curvedinis, ac inde determi-
 netur æquatio, quæ naturam evolutæ definiat. Alterum est pro
 inveniendis quotlibet curvis, quarum arcus ad aliarum curvarum
 arcus, aut areas datis rectis applicatas, possint ope finitarum æ-
 quationum comparari. Tertium vero & ultimum quamvis da-
 tam curvam sive ope tabularum quadraturarum, si id fieri pot-
 est, sive per æquationes infinitas, rectificare docet. Sed, quo-
 niam de ipso hoc *Newtoni* Opere satis dictum esse videtur: de-
 inceps, quæ ad *Colsoni* Commentarios attinent, breviter persequemur.
 Quæ ad introductionem, vel ad methodum infinitarum
 serierum, annotavit, ea in *VI Sectiones* sunt divisa. Et princi-
 pio quidem ut methodum hancce tironibus Autor faciliorem
 redderet, fontes aperuit, ex quibus ea derivatur. Ostendit
 nimirum, ex vulgari Arithmetica eam omnem deduci posse,
 quoniam in universum Algebra non differt a vulgari Arithme-
 tica, nisi quatenus, quæ in hac singulari quadam ratione ex-
 pressa sunt, in illa universali & indefinita ratione exprimuntur.
 Nam, sicut in vulgari scala Arithmetica *denarius* radix est, per
 quam omnia computamus, ita in æquatione Algebraica quavis
 rite disposita numerus aliquis indeterminatus pro radice habe-
 tur, per quam, vel per cujus potentias, omnes quantitates quæ-
 sitæ exprimuntur & computantur; &, quemadmodum in Arith-
 metica per fractiones decimales fieri solet approximatio, ita in
 methodo infinitarum serierum convergentium per seriem fractio-
 num, ex cujusvis radice universalis potentiis compositarum, ad
 quantitatem quæsitam continuo approximamus. Posthæc proce-
 dit ad duas præcipuas serierum infinitarum affectiones consideran-
 das,

das, convergentiam puta & divergentiam, & ostendit, in omnibus seriebus infinitis, sive convergant, sive divergant, intelligendum esse *Supplementum* quoddam, quod, si determinari queat, seriem finitam & perfectam efficiat; in divergentibus quidem seriebus hoc supplementum esse exhibendum, nisi quæstionem indecisam & imperfectam dimittere velis; in convergentibus autem posse negligi, quoniam cum ipsis serierum terminis continuo decrescit, & tandem omni assignabili quantitate minus evadit. Quare, cum convergentium serierum præ divergentibus usus tantus sit, quomodo series infinitæ inveniri possint ad datum valorem finitum continuo convergentes, varia ratione docet. Deinde operationes considerat, per quas series infinitæ aut producuntur, aut productæ tractantur. Et in *secunda* quidem *Sectione* exponit methodos inveniendi series infinitas per divisionem & extractionem radices ex æquatione pura. Si quantitas complexa per divisionem reducenda est ad seriem infinitam, docet Autor, qua ratione divisio possit in multiplicationem mutari, adhibito supplemento, de quo ante dictum fuit; & ad eundem fere modum docet extractionem radices per æquationes supplementales fictas peragere. Hinc theorematum universalium deducit, quibus multiplicatio, divisio, involutio, & evolutio, infinitarum serierum magis expeditæ redduntur, & quæ ad novam quandam praxin resolutionis fractionum ac radicum applicantur, qua ad omnes formas æquationum resolvendas Autor aditum sibi munit. Pergit enim in *tertia Sectione* ad exegesis numerosam, & postquam *Newtoni* methodum æquationes numericas affectas resolvendi magis explicuit, theorema universale inde deducit, cujus ope cujusvis æquationis numerice radix quantumvis accurate & satis facile potest computari. In *quarta Sectione* resolutionem speciosarum æquationum tractat. Quod negotium quoniam cum hac præcipue difficultate est conjunctum, ut forma diversarum serierum, in quas eadem æquatio resolvi potest, determinetur, & initialis earum approximatio, seu primus terminus, inveniatur; *Newtonus* ope regulæ & parallelogrammi, cui potentia duarum indefinitarum specierum æquationis combinatæ inscribuntur, hanc rem expedire docuerat.

erat. Hujus igitur artificii principia & fundamenta *Colsonus* hac in *Sectione* dilucide & copiose demonstrat; deinde in *quinta Sectione* multas alias methodos analyticas proponit, quibus series pro radicibus æquationum ad quemvis numerum terminorum facile extendi possunt. Itaque, satis explicata methodo infinitarum serierum, transit in *Sectione sexta* ad methodum fluxionum, cujus naturam & principia latius exponit. Hanc introductionem excipiunt annotationes ad primum Problema de methodo fluxionum directa, quibus hæc tria potissimum agit: primum, ut demonstrationem regulæ, quam *Newtonus* dederat, illustriorem & firmiter reddat, ac ab omni difficultate vindicet; alterum, ut doctrinam de Fluxionibus superiorum ordinum tradat, & ex notione fluxionum primis ordinis deducat; tertium, ut methodum universalem proponat, ope curvarum, easque tangentium rectarum linearum, fluentes ac fluxiones, in omni casu & cum omnibus earum *συμπτώμασι* & affectionibus, exhibendi & representandi. Quæ methodus, cum adeo abstractas a sensibus fluxionum notiones tanquam sensibus subjiciat, multum conducit & ad existentiam earum demonstrandam, & ad methodum illas inveniendi uberius comprobendam ac illustrandam. Ultimū denique locum occupant annotationes ad Problema illud, in quo *Newtonus* methodum fluxionum inversam tradiderat. Et hic exempla a *Newtono* proposita tam per regulas *Newtoni*, quam per varias alias Analyses, solvuntur, nova etiam exempla adjiciuntur, *Newtoni* demonstratio hujus methodi magis illustratur, regula illa, cujus supra mentionem fecimus, qua præcipitur, ut origo fluentis transmutetur, & loco x assumatur $b + x$, ex suis principiis evincitur, & qua via inveniuntur simul nata fluentium plurium incrementa, docetur, tandemque methodus elegans & valde universalis omnis generis æquationes, & algebraicas & fluxionales, ope fluxionum altiorum ordinum resolvendi, proponitur, ac varia inde utilissima theoremata, veluti theorema binomium *Newtoni*, item celebre *Moirvi* theorema, derivantur. In universis hisce Commentariis Cl. *Colsonus* ita est versatus, ut omnia perspicue traderet, & ad tironum hujus artis captum, quantum licebat, se-
fefe

sefe accommodaret. Quare, cum in reliqua Operis hujus *Newtoniani* parte, ad quam Commentarios suos non extendit, passim occurrant loca, quæ aut iis, in quorum gratiam hoc Opus conscriptum fuit, moram facere in legendo possint, aut, a *Newtono* brevius dicta, uberiori commentatione digna sunt, confidimus, Cl. *Cossonium* rem facturum esse omnibus gratissimam, qui *Analysi* infinitorum student, si, quos jam habet exaratos, ut scribit, in reliquam Operis partem Commentarios, illi ut in manus hominum, hanc scientiam amantium, veniant, curaverit.

DELLE UOVA E DEI NIDI DEGLI UCCELLI, &c.

hoc est,

DE OVIS ET NIDIS AVIUM LIBER PRIMUS
Comitis JOSEPHI ZINANNI, *Ravennatis*, additis
in fine *Observationibus*, & *Dissertatione* de variis
Locustarum speciebus.

Venetis, per Antonium Bartoli, 1737, 4.

Alph. 1 plag. 1, Tabb. æn. 29.

Sequitur III. Autor in exponendis avium ordinibus methodos, a *Joanne Jonstono*, *Francisco Willugbejo*, & *Ulysse Aldrovando*, stabilitas. In tres Tomos *Aldrovandus* avium historiam dividit. *Primus* continet aves rapaces, aquilas, vultures, falcones, & congeneres alias, quas constat de die prædam quærere. Inde digreditur ad aves rapaces nocturnas, ululas, caprimulgum, tandemque subnectit mediæ naturæ aves; quorum refert involucres, struthionem & psittacos; hinc aves rostro duro ex corvorum genere exponit. *Alterum* genus sistit aves terrestres non rapaces, quæ in more habent vel arena, vel aqua, corpus perfundere, & in pulverulenta terra ludunt, pulveremque pennis exceptum excutunt. Inde baccivoras habet, aut eas, quibus vermis esca est, tandemque canoras. *Tertius Tomus* continet volucres aquaticas, quas subdividit in planipedes, quarum digiti membranis committuntur, quæque aquis innatant; & eas, quæ aquis saltem vicinas stationes incolunt. Alia ratione *Jonstonus* avium ordines instruit, duo summa constituens genera, earum, quæ

quæ terram, & earum, quæ aquas, incolunt. Inde terrestres tribus classibus prodeunt. Prima continet aves carnivoras & rapaces ex gente vulturum, quorsum etiam psittacos refert, corvos, graculos, ululasque. Secunda classis complectitur insectivoras canoras, & non canoras. Tertia classis habet granivoras, quæ continentur pulverulentæ, domesticæ, & sylvestres, & illæ, quæ aquis plumas perluunt. Aquaticas tandem dispescit in eas, quæ digitos habent divulsos, aut membranis commissos. Celeberrimus Ornithologus Anglus, *Franciscus Willugbejus*, diversâ aves ordinandi methodo ingreditur, facta earum in terrestres & aquaticas distinctione. Primum genus statim in duas species subdividit, alterum, cujus ungues sunt adunci, alterum, cujus ungues sunt exporrecti. Ex illis, quibus ungues sunt adunci, alias habet carnivoras, rapacium familiam, alias frugivoras. Rapaces in diurnas & nocturnas dispescit. Rapaces aliæ sunt generosæ, aliæ tardæ & ignobili indole præditæ, majores itidem aliæ, aliæ minores. Aves rapaces generosas appellat eas, quæ venationi assuescunt. Hæ iterum vel ala tegunt uropygium, prout falco & lanius, aliæ remiges pennas uropygio seu cauda breviores habent, prout falco palumbarius & fringillarius. Pigre, quæ venationem haud exercent, magnitudine discrepant. Inter has etiam numerat manucodiatas, seu aves paradisiacas. Rapaces noctivagæ sunt auritæ, seu cornutæ, prout buteo, vel non auritæ, prout ulula & psittacus. His omnibus & ungues & rostrum curvum est. Quæ utrisque utuntur rectis, dividuntur in maximas, medias, & minores. Maximarum exemplum est struthio, mediæ hujus generis aves, rostro prægrandi & duro, frugivoræ, carnivoræ, aut insectivoræ, sunt corvi, graculi, monedulæ, picæ. Rostrum brevius habent reliquæ, & album quidem gallinæ, gallo-pavones, pavones, nigrum autem columbæ, turdi. Minimæ hujus generis aves itidem rostro dividuntur, *cruciato* loxia, *tenui* alauda, *crasso* reliquæ. Aquaticæ aves duplici ordine discrepant. Aliæ enim terrestres victum ex aquis petunt, aliæ stationem in aqua habent, inque ea natant. Primi ordinis sunt ciconiæ, aliæque piscivoræ, quarum mensura rostri, prout longum illud est, vel brevius, classem constituit. Aliæ natantes haud difficulter

pedum

pedum conditione dispescuntur in ordines. Aliæ enim pedibus sunt prælongis, ut phœnicopterus, trochilus, recurvirostra, quarum quædam tribus tantum gaudent digitis, ut alva, lomixia, lingua. Brevipedes reliquæ ex natatilibus membranarum, quibus digiti pedum committuntur, conditione discrepant. III. Autor aves suas, aviumque nidos, & ova, in tres classes dividit: 1) Aves terrestres, non rapaces; quarum ordo 1) carne eduli, plumis nitentibus, gallo-pavo, phasianus, perdix; 2) carne eduli, plumis indecoris, hortulanus, coturnix, & quæ coturnicum rex dicitur; 3) carne non eduli, motacilla, &c.; 4) carne eduli, canoræ, alauda, lusciniæ; 5) plumis decoris, canoræ, non edules; 6) canoræ tantum, nec pulchræ, nec edules; 7) loquaces, ut pica glandaria, &c.; 8) loquaces edules, sed non sapidæ, ut sturnus, gazza marina; 9) loquaces inelegantes, nec edules. II) Aves terrestres rapaces, quarum ordo 1) generosæ, aquilæ; 2) venatrices; 3) edules; 4) loquaces; 5) nocturnæ otiosæ; 6) nocturnæ venatrices; 7) nocturnæ supersticiosæ, ut ulula, caprimulgus, aliæ. III) Aves aquaticæ, quarum ordo 1) eduli carne; 2) eduli carne, sed non sapidæ; 3) carne insipida, sonoræ; 4) nec edules, nec sono gratæ, nec elegantes. Annectuntur eruditæ de locustis, earundemque generi, observationes. Postquam enim animalculi vitæ genus, familiarum ordo, externus formæ habitus, hinc organa vitalia, descripta sunt; sexus exponitur & animalis ortus. Ex ovo nascuntur sub specie vermium, per medium metamorphoseos statum transeunt, nec statim alas habent, sed bruchi nomine saliant per prata, qui, postquam aliquoties exuvias posuit, tandem, emergentibus alis, evolat.

JOANNIS JACOBI HUBERI DE MEDULLA
spinali, speciatim de nervis, ex ea provenientiibus,
Commentatio, cum adjunctis iconibus.

Gottingæ, apud Abrahamum vanden Hoek, 1741, 4.

Plag. 10, cum Tab. æn. 1.

Amplissimam quatuor iis annis, quibus Professoris in Academia Gottingensi munere fungitur Cl. Autor, in partis abditæ
 Ggg structu-

- structuram curatius inquirendi occasionem nactus, haud minus septuaginta cadaveribus, eo tempore in theatrum illatis, & ea, quæ circa materiem propositam perpetua sunt, & quæ sæpius incidunt, varietates, diligenter notare aggreditur, postquam Programmate, A. 1739 edito, de ipsa medulla, de ejus tunicis, & de ligamento denticulato, egit; integram medullæ spinalis, ejusque propaginum, historiam in aliud tempus differt. Superficies medullæ spinalis filamentis nerveis horret, in fasciculos collectis, quæ duram matrem vario modo subeunt; eorumque filamentorum origines in series dispositæ sunt, secundum longitudinem medullæ protensas, quatuor numero, duas anteriores, dextram alteram, alteram sinistram, & iis oppositas duas posteriores, quarum binæ quævis virga medullæ lævi a se invicem separantur. Horum facies, tum ligamentum denticulatum, & filum, sive immissio piæ matris in medullam antica, describuntur; postica autem piæ matris immissio negatur. Tum generales filamentorum origines & progressus exponuntur. Enumeraturus inde nervos medullæ, Autor characteres tradit exactos, quibus nervi cerebri a nervis medullæ distinguantur, disputatque de nervo ad octavum par nervorum cerebri accessorio, quem nervum intermedium esse, atque medullam spinalem cerebro jungere, concludit. Ejus nervi origines a medulla spinali atque medulla oblongata accuratius, quam adhuc factum est, describuntur; varietates circa eas in diversis cadaveribus, Autorum diversæ de iis sententiæ, notantur, & inventor laudatur. Nervus dein primi paris spinalium, sive decimus *Willisii*, clare exhibetur, quoad posticam imprimis originem, cum varietatibus; quem spinæ nervis annumerandum esse, probatur, de ejus egressu ex theca ossea lapsus Autorum atque confusa doctrina decem paria nervorum cerebri statuentium, aliaque, inconcinne posita ab iis, qui nervum hunc inter nervos cerebri & medullæ ambigere dixerunt, notantur; tum observatores, qui vera de eo tradiderunt, laudantur, atque administratio medullæ spinalis, quæ commode, quæcunque de ea prodit Autor, possint detegi, mon-

monstratur. Progressus inde sit ad nervos reliquos, & secundas colli clare describitur; tum tertius, quartus, quintus, sextus, septimus, & octavus: ubi & de nervo diaphragmatico quædam. Porro par nervorum nonum, & quæ inde sequuntur ad quartum & vigesimum, sistuntur. Origines tandem nervorum reliquorum, quæ caudam equinam constituunt, generatim traduntur, & speciatim figura medullæ ad harum exortum, ejusque eminentiæ duæ læves, nondum descriptæ, exhibentur; tum ligamentum, ab infimo medullæ apice ortum, speciatim vero nervi a pari vigesimo quinto ad tricesimum, describuntur. Notantur inde varietates circa numerum nervorum spinalium ex quadraginta cadaveribus, & Autorum sententiæ de eo numero, deque numero & varietate vertebrarum, recensentur. Quibus adduntur quædam de ganglii nervi penultimi singulari, quæ interdum occurrit, structura. Hinc necessitas inferitur nervos spinæ in certas perpetuasque classes dispescendi, constituiturque prima classis nervorum cervicis; altera nervorum thoracis; lumborum tertia; & quarta ossis sacri. Tabula non hæc modo, quæ ita descripta sunt, clare nitideque depicta sistit figuris tribus, verum & ventriculum cerebri quartum, originem paris nervorum noni, ligamentum denticulatum, & alia quædam, iis addit. Universa cum accuratam partis corporis humani pulcherrimæ imaginem exhibent, ea complectentem, quæ superiores Anatomici de ea tradidere, novis observationibus plurimis aucta, tum de ingenio Autoris atque industria in præparando, de diligentia in observando, deque fide in describendo, certissimum præbent testimonium, magno, si occasio porro accesserit, Anatomix incremento servituris.

§. 16.
17.
18. 19.
20.
21. 22.
23. 24.

25.
26.

27.
28.
29.
30. 31.
32.

Medicinisches Gelehrten-Lexicon, &c.

hoc est,

LEXICON MEDICUM, IN QUO VITÆ CLAVORUM scriptis Medicorum ita describuntur, ut simul
Ggg 2 *scripta*

Scripta eorum, inventa, & controversiæ, commemorentur, Autore D. CHRISTIANO WILHELMO KESTNERO.

Jenæ, in officina Meyeria, 1740, 4.

Alph. 5 plag. 5.

Quamvis laboris exhauserit Autor doctissimus, hoc *Lexicon* concinnans, (quem jam in his *Actis A. 1732 Mens. Octobr. pag. 467* laudavimus, adjutorem scilicet Celeb. *Stollii* in *Historia Medicinæ* componenda,) cum res ipsa loquitur, tum ipsemet in Præfatione edidit. Videns nimirum, vitas Medicorum, a pluribus descriptas, plurimis scaterere falsis narrationibus, prætereaque admodum imperfectas esse, omnem movere lapidem constituit, ut afferret certiora, utque non solum libros, a quod editos, sed inventa potissimum ejusque, & singularia in rem medicam merita, indicaret. Veterum quidem Medicorum ut rite exponeret historiam, perlegit *Plinii*, *Celsi*, *Aureliani*, *Dioscoridis*, *Athenæi*, *Galenii*, *Aetii*, & *Oribasii*, scripta. Arabum & mediæ ævi Medicorum Latine scribentium notitiam e *Reinesii*, *Conringii*, & *Freindii*, libris petiit doctissimis. Ad recentiores delatus Medicos, non eorum solum ipsorum scripta perlustravit, inspectis etiam Præfationibus Dedicationibusque, sed plurimos etiam consuluit Biographos, quos nominatim adducit, simul, qualem quemque deprehenderit, docens ingenue. In ipso Opere multos aliorum errores biographicos notavit corripuitque, omnia justis atque idoneis muniens autoritatibus. Nec illud lecturos hoc Opus celat, de Medicis adhuc viventibus se nihil proferre, ac Alchemistas quoque, quippe pseudo-medicos, omisisse, denique nec eorum exhibere vitas, qui, Medici cum essent, scientiam tamen medicam nullo illustrarunt Opere, e. g. *Antonii van Dalen*. Non solent Lectores nostri longiorem a nobis postulare talium Operum recensionem. Quare eos duntaxat e vita *Asclepiadis*, *Erasistrati*, *Dioclis Carystii*, *Galenii*, *Rogerii Baconi*, *Paracelsi*, *Vesalii*, *Sennerti*, *Roberti*, *Boylli*,

lii, Helmontii, Kunckelii, Ruyschii, Schelhammeri, & Wedelii, capere jubemus specimen adhibitæ ab Autore industriæ. Nec dubitamus, magnas ei actum iri gratias non solum a Medicis elegantioribus, sed ab universis Historiæ literariæ cultoribus. Ceterum, cum hujusmodi Opera semper aliquid supplementi recipiant, facile credimus, eruditissimum Autorem *Stollii* sui exemplo perrecturum esse hoc in studio, quæque ipsi posthac occurrerint, studiose collecturum esse emissurumque. Nobis quidem observatum est, non venisse in ipsius manus *Grienwaldtii Bavariam iatricam*, Monachii A. 1733 editam, & a nobis A. 1734 *Mens. Jul. pag. 332* recensitam. Ex hoc enim libro supplementa adjici possunt iis, quæ Noster protulit de *Jo. Agricola Ammonio*, A. 1570 mortuo, de *Boscio*, A. 1585 extincto, de *Laurentio Gryllo*, A. 1560 rebus humanis erepto, de *Wolfgango Hævero*, (ita enim, non *Hæfero*, scribit *Grienwaldtius*), de *Edmundo Hollyngo*, mortuo A. 1612, de *Raimundo Minderero*, de *Francisco Ignatio Thirmairio*. Imo adjungi illo ex libro queunt plures Baviaræ Medici scriptis clari, quos Noster plane præterit silentio, *Joannes Bairsius*, *Wolfgangus Sigismundus Bremius*, *Malasbias Geigerus*, *Cyriacus Luteius*, *Joannes Jacobus de Maphæis*, *Albertus & Philippus Menzelii*, *Jacobus Oetbeus*, *Philippus Jacobus Schenfelderus*, *Thomas Thirmairius*, *Joannes Menradus de Vorwaltern*, *Joannes Albertus Wimpineus*.

ÆGIDII STOKMANS, IN PAGIS KNOLLEN-
dam & Markenbinnen Verbi divini Ministri,
Miscellanea sacra.

Partes II.

Amstelodami, apud Henricum Vieroort, 1737 & 1739, 8.

Pars I plag. 9, Pars II plag. 11.

Rev. Autor, qui jam aliis scriptis, Belgico sermone consignatis, Commentatione in *Genes. III, IV*, & *Jes. LIV*, innotuit, sistit hic observationes in difficiliora sacre Scripturæ loca, bonæ frugis plenas, ac circumspiciam sagacitatem spirantes. *Pars prior*

complectitur *Dissertationes tres, posterior duas*, cui Indicem utriusque *Partis* subiecit. In illis quoniam multa comparent, ab aliis non observata, illa, in breve missa compendium, exhibebimus. *Dissertatio prima est de Annis 400 & 430, quorum hi finiti sunt in exodo Israelitarum ex Aegypto, illi in fine oppressionis Israelitarum per Aegyptios.* Disceptationis initium facit ab anno natali *Abrahami*. Difficultas emergit ex locis *Gen. XI, 26, 32, XII, 4, Aet. VII*, quam viri docti ita vulgo expediunt, ut statuunt, *Gen. XI, 26*, non indicari natalem *Abrahami*, ac si anno 70 *Terachi* sit prognatus; primum ipsum nominari, quia benedictionibus divinis reliquos fratres antecelluerit, quemadmodum *Gen. VI, 10*, *Semus* primus memoretur, licet primogenitus *Noachi* non fuerit; primum ex scopo *Mosis* fuisse. Igitur, ut loci hi in concordiam redigantur, affirmant, *Abrahamum* anno demum 130 parentis *Terachi* in lucem editum esse. In cujus sententiae con-

- Pag. 3-10. firmationem plura argumenta afferunt. Sed Clariss. Autor notat, ex *Gen. XII, 26*, nihil aliud colligi posse, quam *Abrahamum* anno 70 *Terachi* procreatum fuisse, quoniam, ubi in historia *Mosis* chronologica dicatur: *hic vixit tot annos: & genuit hunc vel illum*, annum, qui memoratur, natalem illius filii esse, cujus primo loco mentio fiat, & cujus causa historia narretur. Inter locum *Gen. XI, 26*, & *V, 32*, hoc discriminis 1) intercedere, ut in illo dicatur, & *vixit Terachus*, in hoc, & *fuit Noachus בן filius*, &c. Prius accurate tempus definire, non posterius. Adhuc *Gen. V, 32*, verba *נח ויורד נח* per *sakeph katon* a sequentibus dirimi, *Cap. XI, 26*, verba uno halitu pronuntianida esse, imo 10-13. *Abrahamum* per *sakeph katon* a fratribus distingui. 2) Dici posse, *Semi* annum C fuisse D *Noachi*, vocem *שנתיים* *Gen. XI, 10*, non praecise biennium elapsum, sed adhuc labens, designare, quoniam non addatur *ימים*, uti *Gen. XLI, 1*; probabile etiam esse, *Semum* statim post diluvium liberis procreandis operam dedisse, & Deum voto ejus annuisse. Porro *בן* non significare, aliquem tot habere annos, quot memorentur, vel annum illum agere, *Exod. XXX, 14*, *Lev. IX, 3*. Igitur dici posse, *Semum* anno secundo C annorum fuisse, id est, C annos implevisse, & *Arphaxadum* anni I mense XI natum esse. Verba *אחר המבול* *Gen. XI, 1*,

XI, 1, non indicare tempus, quo arca egressus, sed quo arcam ingressus fuerit *Semus* cum *Noacho*, quia *Gen. IX, 29*, dicatur *vis- xisse* 950 annos, qui tamen post diluvium 405 annos in vivis fu- erit, *Gen. IX, 28*. Porro ab ætate *Lothi* ad annum *Abrahami* nata- lem argumentantur, qui anno 99 *Abrahami* filias matrimonio aptas habuerit, *Gen. XIX, 14*, quique *v. 31* *senæ* appelletur: fuisse autem ex *Harane*, *Abrahami* fratre, profatum. Argumentum ita solvit Autor, potuisse *Haranem* secundo post *Abrahamum* anno natum esse, potuisse *Lothum* sustulisse anno 27, (uti *Nachor* habuit, anno 29, cum *Terachus* ipsi progigneretur, *Gen. XI, 24*.) potuisse igitur *Lothum* anno 99 *Abrahami* filias nobiles habere, potuisse se- nem appellari: denique senem dici non ex sententia *Mosis*, sed ex persuasione filiae natu majoris *Lothi*. *Jiskam*, memoratam *Cap. X, 19*, coll. *v. 31*, nihil disferre a *Sarai*, non concedit; quod alias illam *Abrahamus* non ita efficacibus verbis *sororem suam* appellare potuerit *Gen. XX, 12*, genitam forte ex concubina *Terachi*; nomi- nari *Terachi* *nurum v. 31*, quoniam *Abrahamo* jam tum nupta fu- erit, & nunc, non qua filia *Terachi*, sed qua conjux *Abrahami*, solo natali exiret. Legem *Lev. XVIII, 9, 11*, antequam Israelitis lata, obligare non potuisse, præterea forte consuetudinem illam inter idololatrias, quos inter degebat *Abrahamus*, *Jos. XXIV, 2*, viguisse. Obijciunt porro, ut *Gen. XI, 26*, annus natalis *Abrahami* indigi- tetur, non esse necesse, cum is ex illius annis, alibi a *Mose* me- moratis, effici queat. Sed negat Doctiss. Autor, posse illum, si quis ab hoc loco discesserit, certo determinari. Et, si ille natalis *Abrahami* non sit, esse vel *Nachoris*, vel *Haranis*, sed moris non esse in Scriptura, illorum chronologiam texere, qui lineam sanctam non propagarint. Non obstitisse pietatem, ut patrem senem anno 145 dereliquerit, & hic adhuc 60 annos Carris superstes fuerit; Deo quippe vocanti magis obediendum, & terram Cananitam non *Teracho*, sed *Abrahamo*, promissam fuisse. Sed difficultatem vix superandam movet *Sephanus*, *Act. VII, 4*, dicens, *Abrahamum*, patre mortuo, Carris exiisse. Quam ut, missis aliorum sententiis, solveret, observat 1), in toto illo ser- mone senatus summi socios, viros legis ac historiæ populi sui probe gnaros, nihil falsi deprehendisse; 2) *Sephanum* cum *Mose*

Pag. 13-
18.

18-21.

21-23.

23-26.

26-27.

- Mose* non pugnare. *Mosen* dicere, *Abrahamum* egressum esse Carris. *Gen. XII, 4*, idem *Stephanum Act. VII, 4*. Precario poni *Abrahami* peregrinationem in terra Cananæa, quam 75 annos natus inierit, *Gen. XII, 4*, nihil hanc differre a μετοικισμῶ in Canaan, quo ipsum post mortem parentis *Act. VII, 4*, Deus beaverit. Equidem in consequenti oratione *Stephanum* aliqua narrare, quæ ante *Terachi* mortem contigerint, v. c. nativitatem *Isaaci*, sed oratorem agere, quod genus hominum ex historiis ea seligat, quæ
- Pag. 27- ad scopum faciant. Regreditur hinc ad 400 annos *Gen. XV, 13, 14*, 33- & 430, *Exod. XII, 41*, memoratos, quorum illi cum fine servitutis & oppressiois seminis *Abrahami* in terra non sua exspirarint, hi finem suum sint consecuti, quo die Israelitæ Ægypto excesserint. Distinctionem hanc accurate observare Scripturam, priorem numerum referendo ad semen *Abrahami Gen. XV, 13, Act. VII, 6*, posteriorem ad promissionem, eidem datam,
- 33-35. *Gal. III, 17*, coll. *Gen. XII, 1-3*. Annos 400 constituit a nativitate *Isaaci* usque ad id tempus, quo *Moses* & *Abaron* coram *Pharaone* constituti fuerint *Exod. VII, 7*, a quo tempore Israelitas ab Ægyptiis ulterius afflictos fuisse non legamus, & Deus in Ægyptios animadvertere cœperit. Horum autem annorum numerum ex ætate *Abaronis* & *Miriami*, qui sub initium oppressiois lucem adspexerit, ac reliquis numeris filiorum *Israel*, qui me-
- 35-43. morantur, conficit. Hoc toto tempore semen *Abrahami* peregrinum fuisse in terra aliena, eundemque afflictum ac utrumque complectendum esse, ex verbis *Stephani Act. VII, 6*, non ita evidenter liquere, sed id clarissime definiri posse ex *Gen. XV, 13*, ubi *athnach* ponatur ante annum 400. Ut sic illi respiciant & peregrinationem, & afflictionem. Horum autem initium duendum a nativitate *Isaaci*, qui, quam primum in lucem hanc sit effusus, peregrinari cœperit, natus ex peregrinante patre. Sed
- 44-46. haud levis scrupulus remanet circa μετοικισμὸν *Abrahami* ex *Act. VII, 4*. Statuit igitur duplicem μετοικισμὸν, primum, ubi Carris exivit, inque Canaanem demigravit, secundum, quando post obitum patris Carras rediit, ac bona, in quæ ipsi jus compete-
bat, transtulit. Iterata vice Carras rediisse, Judæi affirmant, quod ex *Carthwrighto* ad *Gen. XV* notat, Scripturam sacram
huic

huic sententiæ favere, probat ex *Gen. XII, 5*, ubi dicatur, ipsum secum summisse facultates, quas Carris acquisiverit, quo sic distinguantur ab illis, quæ ante eo illatæ erant, & in quas ipsi jus competeat. Fidei esse propius, *Abrahamum*, patre mortuo, eo rediisse, ut iusta illi solveret, quod magistri in *Seder olam rabba Cap. I* perhibeant, atque inde omnia bona, in quæ post parentis fata ipsi ac conjugi *Saræ* jus fuerit, in Canaanem traduxisse: quo facto, peculium sibi aliquod, biennio fere ab excessu patris, comparaverit, *Gen. XXIII, 17-29*, nec, quod constat, illum postea locum, ut antea, mutavisse, sicque μέτοικον terræ Cananæ factum esse. Positis jam his 400 annis, annos 430, nominatos *Exod. XII, 40, 41*, *Gal III, 17*, numerat ab anno 71 *Abrahami*, inde ad *Isaac* nativitatem sunt anni 29, ab *Isaaco* ad finitam oppressionem Israelitarum fluxerunt anni 400, inter primam & decimam plagam, Ægyptiis immisam, Chronologi fere unum annum intercessisse judicant, qui anni in se ducti efficiunt anni 430. Sed dubium grave oritur ex *Exod. XII, 40, 41*, ubi anni 430 non ad habitationem *Abrahami*, postquam promissionem acceperat, sed ad habitationem filiorum *Israelis*, & quidem in Ægypto, referuntur. Examinata illorum sententia, qui hos annos dant habitationi Israelitarum in Ægypto, animadvertit, nominari hic filios *Israel*, quia illis proprie competierit habitatio, quorum nomine patres terram, filiis promissam, habitant. Igitur hunc in modum verba vult converti: *Et mansio filiorum Israelis, qui sederunt in Ægypto, fuit XXX annorum & CCCC annorum*. Vocem *אשר* non conjungendam esse cum voce *משכ*, sed potius cum vocibus *filiorum Israelis*, quod appareat ex accentu *sakeph katbon*, voci *Israelis* imposito. Totum hoc argumentum Doctiss. Autor ita excussit, ut, quicquid ad illud ornandum explanandumque facere posset, singulari quadam ἀγρυπνία in medium attulerit, suisque demonstrationibus effecerit, ut difficultates, quæ nonnullis vix superabiles sunt visæ, si non omnino sublata, saltem insigniter imminutæ fuerint.

Dissertatio secunda agit de vocibus dominii בעל & אדון, in plurali numero usurpatis, cum de uno homine agatur. Nomina dominii in lingua Ebræa in plurali numero poni ad dignitatem personæ indicandam, vulgatissima est sententia.

- Sed, hanc regulam non omnibus locis applicari posse, sibi persuadet præstantissimus Autor; ex illa quippe sequi, homines tantum dignitate conspicuos בעלים & ארנים appellari posse, quod de possessoribus boum & asinorum dici non possit, *Exod. XXI, 29, Jesh. I, 3.* Igitur in his nominibus multitudinis numerum adhiberi censet ad *pluralitatem relationum, quæ inter illas res, sive personas, quarum aliqua in numero plurali domini dicitur*, designandam. Posse nempe aliquem dici cujusdam sive rei, sive personæ, dominum, licet tunc temporis istius curam non gerat, vel ea ad suum commodum utatur; quo in casu in numero singulari dominus istius dicatur. Exemplo hoc illustrat, petito ex *Deut. XV, 12*, ubi dominus in singulari numero dicatur respectu rei, quam proximo elocavit. Quæ ita generatim dixerat, illa speciatim persequitur, ac omnia loca, in quibus hujus generis nomina occurrunt, in censum vocat, ostendens, quæ relationes in considerationem veniant, & venire debeant, objectiones etiam, quas sibi fieri posse prævidebat, diluens.
- 74-75. *Dissertatio tertia* destinata est illustrationi loci *Jo. I, 12, 13*, in quo virum divinum hæc duo agere docet, ut demonstrat 1), adventum τὸ λόγος εἰς τὰ ἱδιὰ non caruisse præclarissimis effectis, *v. 12*; 2) quis ille sit, qui tempore Novi Testamenti
91. filius Dei dici mereatur, *v. 13.* Verbum παραλαμβάνειν in eo sensu differre a λαμβάνειν, ut illud sumatur sensu Judaico. Judæi quippe imaginabantur sibi, hominem suæ naturæ viribus tantum valere, ut Christum recipere possit, hoc autem vires
- 92-93. naturæ excludat. Ὅσοι distinguuntur a τοῖς ἰδίοις, Judæis, qui peculium ipsius erant ex Veteri Testamento, sed ex ipsa illa relatione eum non acceperunt, sed potius vi testamenti gratiæ. De his porro dicitur, τοῖς πιστεύουσιν εἰς τὸ ὄνομα αὐτοῦ, digitum intendendo in illos, qui adhuc in vivis fuissent ea tempestate, qua *Jaannes* hæc scribebat, cum fides in terra locum habeat *1 Cor. XIII, 13*, adeoque in fide constantiam præbeant. Beneficium, quod illis obtigerit, describitur: ἔδωκεν, αὐτοῖς ἰησοῦσαν τέκνα Θεοῦ γενέσθαι. Vocem ἰησοῦσαν, varie ab interpretibus redditam, explicari posse judicat per *potestatem jure fundatam*; per filiationem autem non intelligendam esse prærogativam omnibus credentibus communem, sed primam civibus ecclesiæ

ecclesiæ Novi Testamenti. Non esse, cūr ab ordinaria significatione verbi γενέσθαι, ut fierent, discedamus. Licet enim jamdum crederent in Jesum, qui venerat ut lux, nondum tamen spiritum filiationis accepisse, ipsis datum, ubi Christus, sanguine fuso, cœlos conscenderit, quocum simul υιοθεσίαν, propriam credentibus Novi Testamenti, acceperint, spectandam tanquam donum Dei, ut pateat ex verbis: ἔδωκεν αὐτοῖς. Licet igitur hoc sensu Christus, cum in terris versaretur, illorum Pag. 97- nemini dederit τὸ εἶναι τέκνα Θεῷ dedisse; tamen jus τέκνα Θεῷ 109. γενέσθαι. Quibus autem hanc potestatem largitus sit, illos sua gratia ita conservasse, ut suo tempore beneficio illo potirentur; sed de illis, qui ante effusionem spiritus filiationis decesserunt, ne quidem verba hæc accipienda esse, qui tempore Joannis non amplius tanquam πιεύοντες spectari potuerint. Ex his jam liquere, adventum λόγος εἰς τὰ ἴδια præclarissimis effectis non caruisse, ut Joannes ad testes fide dignissimos, vivos adhuc & credentes, provocare potuerit. V. 13 indicari imaginarios 109-113. modos, quibus Judæi aliquem filium Dei fieri posse sibi persuaserint. Per γέννησιν ἐξ αἱμάτων intelligit Autor illum generationis modum, quo quis generationem suam per longam patrum seriem ad Abrahamum referre poterat, adeo, ut ex utrisque parentibus ex Ebræis profeminatus esset, qualis generatio Judæis maximam gloriandi materiam præbuit Phil. III, 5. Generatio 113-119. ex voluntate carnis est ipsi nativitas hominis Judæi ex matre Judæa; cujus licet pater gentilis esset, circumcidebatur tamen, & inde nomine filii Dei appellabatur. Fuit hæc olim sententia Augustini, quam suam etiam fecit Gomarus, qui hic per σάρκα speciatim mulieremque intellectam volunt, Gen. II, 23, Eph. 119-123. V, 28. Quem Autor addit locum Ebr. II, 14, ubi Christus dicitur particeps factus esse carnis, cum tamen genitus tantum sit ex muliere, non ita est evidens. Generatio ἐκ θελήματος ἀνδρός 123-125. ipsi significat nativitatem hominis Judæi ex patre Judæo, sed matre gentili, qualis qui erat, ille se filii Dei nomine non indignum reputabat. Quare το θελημα non primo generationis modo addatur, illius rationem hanc dat Autor, quoniam, ut quis ex duobus parentibus Judæis gigneretur, id ex mandato Dei fie-

- bat *Deut. VII, 3*. Sed ad duos posteriores generationis modos requirebatur *voluntas, libido*, vel voluntas legi divinæ non ob-
- Pag. 125-secundans, *Eph. II, 4*. His opponitur generatio ex Deo, per
127. quam licet regeneratio, omnibus credentibus communis, non excludatur, speciatim tamen illam, quæ credentibus Novi Testamenti est prima, intelligendam esse. Sed obijciat aliquis, ex illis, qui nati erant ἐξ αἱμάτων, plures jamdum exstitisse filios Dei. Respondet, hanc tamen nativitatis prærogativam non esse specialiore rationem, quare aliquis esset ἰδιος τοῦ λόγου, ac filius Dei fieret, quatenus filiatio hæc competit fidelibus Novi Testamenti, prouti illi, qui tabernaculo serviebant, non habebant jus edendi ex altari, *Ebr. XIII, 10*.
- 127-131. *Partis II Dissertatio I* complectitur explicationem loci ad *Gal. III, 16*. Præmissis demonstratoque breviori partium singularum *Capitis* nexu cum scopo suo, ut viam demonstrationi suæ pandat, in loco ab invicem probe distinguendas esse monet promissiones, quæ factæ fuerint *Abrahamo*,
- 140-141. quæque dictæ sint semini ejus. Cum autem ratione posteriorum promissionum *Paulus* procul dubio locum aliquem vel plures in oculis habuerit, non satis ipsi videntur facere interpretes, qui se recipiunt ad *Gen. XII, 7, XIII, 15, XV, 5, XVII, 7*, in quibus sermo sit non de uno, sed pluribus, posteris nempe *Abrahami*. Sed *Paulum* loqui de promissione, dicta semini *Abrahami* ὁς ἐστὶ Χριστός, in quo gentes sibi essent benedicturæ v. 8, & in quem antea ratum factum erat testamentum.
- 141-145. Optimo autem jure respici posse ad *Gen. XXII, 18*, in quo aliquid promittatur *Abrahamo*, aliquid semini ipsius v. 17, qui cum hoc proxime cohæreat; promissionem factam Christo his contineri verbis: וְהַתְּבָרַכְוּ בְּרַעְיָךְ כָּל גִּוִּי וָגו'. In hoc igitur loco occurrere promissiones dictas *Abrahamo* & semini ejus, &
- 145-151. quidem intercedente copula γ. Inde digreditur ad interpretationem *Hieronymi*, ex cujus sententia, ut *Erasmus* illam refert, *Paulus* argumento hoc *abusus apud crassos Galatas, quod sciret alioqui non probatum iri prudentibus aut eruditis*, quam *Beza* nominat *absurdam ac blasphemiam proximam*; sed, licet minus recte explicuerit locum Stridonienſis, hæc tamen ipsi verba excidisse, ex ipsius Operibus, procuratis ab *Erasmio* Basileæ

A. 1565, demonstrari non posse, observat. Cumque interpre-
 tum nonnulli existiment, *Paulum* secundum leges artis gram-
 maticæ ex voce *עַרְע* inferre, unum semen, Christum scilicet, intelli-
 gendum esse, *Heinsius* & *Surenhusius* argumentum ductum ve-
 lint a voce *עַרְע* *collectiva*, alii ecclesiam Novi Testamenti, con-
 stantem ex Judæis & gentibus, sive corpus Christi mysticum,
 hic indicari contendunt, illorum sententias examinat. Per Chri-
 stum non indigitari ecclesiam Novi Testamenti, 1) quia vox *σπέρμα*,
 respondens Ebraicæ *עַרְע*, semper denotet illum, qui ab
 aliquo naturali modo profeminatus sit, & si quidem aliquando si-
 mul sumatur pro filiis alicujus spiritualibus, ipsos tamen simul
 tanquam progeniem naturali modo ex ipso ortam spectari. Sic
 in loco *Gen. XXII, 18*, semen *Abrahami* a gentibus terræ di-
 stinguit. 2) Cum viri docti fere consentiant, *Paulum* digi-
 tum intendere in *Gen. XXII, 18*, ecclesiam intelligi non posse;
 ibi enim legit: & benedicentur in eo omnes gentes terræ, cum
 locutio hæc non adhibeatur nisi de vero Deo, a quo bona om-
 nia nobis proveniant, *Gen. XXVI, 4*, *Pf. LXXII, 17*, *Jef. LXV,*
16, *Jer. IV, 2*. 3) Scopum *Pauli* fuisse, demonstrare, testamentum
 ante ratum factum esse *ἐς Χριστόν*; igitur ecclesiam intelligi non
 posse. Examinata hinc sententia *Bezae*, intelligentis Christum
 cum ecclesia, redit ad locum *Paulinum*, qui conferendus cum
 loco *Gen. XXII, 18*, in quo vox *עַרְע* ter, sed diverso sensu,
 repetatur. Per semen *v. 17* intelligi debere *Isaacum*, quoniam
 is speciatim semen *Abrahami* dicatur *Gen. XXI, 12*; semen hære-
 ditario jure possessurum portam inimicorum suorum non esse
 posse nisi posteros *Isuaci*; *Isaacum* enim neque portam inimico-
 rum possedisse, neque possidere potuisse; semen, *v. 18* nominatum,
 esse Christum. Hæc jam applicat ad locum *Paulinum*: & λέγω,
 καὶ τοῖς σπέρμασι κ. τ. λ. ac si dicere vellet: illa divina
 promissio, quam intendo, *Gen. XXII, 18*, non loquitur de se-
 minibus *Abrahami*, de quibus dictum erat *v. 17*, *Isaaco* scilicet
 & aliis per *Isaacum* ex *Abrahamo* posteris, sed distincto ab illis
 pluribus. De hoc jam semine dicit *Paulus*: *ἐς ἑσὶ Χριστός*, quod
 non convertendum in *ὁ*, cum Græcis insolens non sit, prono-
 men relativum ponere, ut quod ad genus respondeat voci
 proxime sequenti, nec ex sententia *Bezae* referendum ad *ὁὗτος*,
 quia

- quia & illud generis neutrius, subintellecto *σπέρματος*. Per
 Pag. 190- Christum hic designari corpus Christi mysticum, quia ecclesia
 199- nunquam in abstracto dicatur *Χριστός*; hunc dici semen *Abra-*
hami posse, quia tabulæ ipsius genealogicæ *Matth. I* & *Luc. III*
 ad illum referantur, cujus divina natura indicetur, quoniam
 in ipso omnes gentes terræ benedicendæ dicantur. Hæc omnia
 revocat ad scopum, ecclesiam Christianam liberam esse ab exe-
 cratione legis *Mosaicæ*, quia gentes jam factæ erant hæredes
 promissionis, & quidem in Christo, in quo sibi benedicturæ erant
 gentes, & in quo testamentum Dei jam ante ratum factum erat.
 199-207. *Dissertatio secunda est ἀνακεφαλαιώσις* Commentarii, quem
 in *Jes. LIV* lingua Belgica consignatum aliquot abhinc annis evul-
 gavit Autor. A v. 1 ad 10 alludi ad *Saram*, *Abrahami* uxorem, ex
Gal. IV, 21-31, judicat. Subjectum orationis constituit ecclesiam
 patriarchalem, & præcise illam, quæ constiterit *Abrahamo*, *Isaaco*,
Jacobo, eorundemque uxoribus & posteris ad fœdus usque Si-
 naïticum, quæ ineunte Novo Testamento erat in cœlis, ac *Pau-*
lo dicitur ἡ ἄνω *Gal. IV, 27*, libera liberæ ecclesiæ mater.
 Orationem habitam esse ineunte tempore Novi Testamenti,
 209-220. quod appareat ex *Gal. IV, 26*, & quidem a Spiritu sancto. Huic
 interpretationi favere connexionem. Cum enim *Cap. LIII v. 10*
 prædictum fuerit Christo semen, hic indicari modum, quo illo
 fœcunditate uxoris suæ, Hierosolymæ cœlestis, potiturus esset.
 His factis hypothefibus, *sterilis v. 1* est ipsi *Sara* spiritualis, quæ
 usque ad tempus Novi Testamenti *non peperit, nec parturivit*,
 quatenus ex ipsa non editi liberi, qui participes facti bonorum
 Novi Testamenti, cum interea Deo parerentur liberi ex eccle-
 sia universali & *Hagara* antitypica. *הַגָּר* dici hanc ipsam
 ratione *Saræ* desertæ, ubi *Abrahamus Hagaram* iniverat; quan-
 do Deus fœdus matrimoniale percussisset cum *Hagara* antitypica,
 ex illa liberos procreatos non esse. *בְּעֵלְהָ* repræsentare ecclesiam
 Israeliticam *Gal. IV, 24, 25*, ex qua Deo multi liberi suscepti,
 sed qui sub lege fuerint. Liberos, qui promittantur *desolatæ*,
 220-227. esse omnes fideles Novi Testamenti. Hæc ob multitudinem
 liberorum suorum *dilatare* debuisset *tentorium*, allusione facta
 ad tentorium *Saræ Gen. XXIV, 67*, quo ipso indicetur, eccle-
 siam Novi Testamenti constringendam non esse intra terminos

Gosenis, vel terræ Cananæ, sed omnes terræ regiones pervasuram esse. *Aulea habitaculorum* esse ecclesias Novi Testamenti particulares, per 7 temporum periodos existuras. *Funes* esse fidem, spem, caritatem, prolongandas non spatio, sed tempore, *clavi promissa firmandas* in & per Messiam. Illam *prorumpere* de-
 buisse, *dextrorsum & sinistrorsum* v. 3. Ecclesiam, non obstantibus multis obicibus, aliquando quaquaversus diffundendam fuisse; per *semen*, quod memoretur, intelligendos esse fideles ex Judæis, quibus *gentes hereditario jure danda*, id est, in quorum communionem gentes, a Deo alienatæ, transferendæ. Per *urbes desolatæ*, locutione petita ab urbibus Cananæis, a Judæis ante vastatis, post instauratis, significari societates gentilium, fidelibus impletas. Juberi *non amplius recordari ignominia & viduitatis*, cum defectus sobolis innumerabili prole sub N. T. compensandus fuerit. De eo certiore reddi promissione renovationis fœderis matrimonialis v. 5. Per *בעלים* arbitratur Autor indicari Christum, jam secunda vice factum maritum, factorem spiritualis hujus *Sara*, ipsum appellari *Goel* ex lege de Leviratu *Deut. XXV, 5, 6*, dominum totius terræ, futurum olim Deum tam gentium, quam Judæorum. Ab omni sollicitudine de impedimento hujus promissionis liberari v. 6. *Mulier derelicta & marens* dum dicatur, digitum intendi in servitutem Ægyptiacam, quale quid ipsi in posterum obventurum non esset. De constantia favoris sui Messiam, per spiritum loquentem, certos ipsos reddere v. 8, 9, per *aquas diluvii* fœcunditatem hujus ecclesiæ indicari. *Iris*, signum fœderis, Autori est typus fœderis, quod Christus cum ipsa erecturus erat. Constantia favoris hujus illustratur similitudine a *montibus non recedentibus*, & *collibus non vacillantibus*, locutione desumpta ab Hierosolyma, circa quam montes & colles erant, v. 10. Quam vero ecclesiam adhuc præsentaverat tanquam *Saram* spiritualem; illam nunc v. 11-17 considerat ceu antitypum Hierosolymæ, cujus descriptionis ratio non aliunde, quam ex *Apoc. XXI*, dari potest. Lapidēs sunt membra ecclesiæ particularia, spiritus amore in unam civitatem spiritualem compacta. *סלע* notat *sibium*, cujus beneficio lapides invicem agglutinantur. *Sapphirus* est Christus, in meritis suis consideratus, sed in cœlestem gloriam intromissus.

- Pag. 249-*sus*. Illius magnificentia describitur, *exterior v. 12: & ponam jaspidem mania tua.* שמשוֹר explicat Autor per *mania*, quia inserviunt civitati, כרר per *jaspidem* optimæ notæ. *Mania ex jaspide* sunt ipsi emblemata Christi. מכני מקרה vertit *uniones*. Portæ sunt emblemata Christi, per quem accedimus ad patrem;
253. *Eph. II, 18, Jo. X, 7*, quique ob multas rationes unionibus assimilatur. *Interior* magnificentia describitur *v. 12: & totum limitem tuum in lapides amænos*, quibus verbis significatur applicatio meriti Christi, facta his cœlestibus. Felicitas hujus cœlestis civitatis est 1), quod *docti* futuri sint omnes illius cives a domino; 2) *pax magna* non corporalis solum, sed vel maxime spiritualis, magna futura tempore Novi Testamenti, *v. 13*; 3) adversus omnem sollicitudinem tuta præstatur, *v. 14-17.* מרש, *faber*, est Autori diabolus, qui, uti in inferno habitat, ita subditos suos igne infer-
- 253-261. nali & omnimoda malitia accendit, *Eph. II, 2, 2 Cor. II, 4, Eph. VI, 16*, & tanquam ex inferno instrumenta profert.

DAVIDIS ARNOLDI CONRADI CRYPTOGRAPHIA
denudata, sive ars deciferandi, quæ occulte scripta sunt,
in quocunque linguarum genere, præcipue Germanica,
Batava, Latina, Anglicana, Gallica, Italica, Græca.

Lugduni Batavorum, apud Philippum Bonk, 1739, 8 maj.

Plag. 5.

Retulimus ante aliquod tempus de Clariss. Breithauptii libello, artem occultas scripturas eruendi explicandique complexo. Quare nunc & hoc Opusculum, quod illi perquam simile videtur, breviter enarramus. Cl. Autor scientificam, ut vocant, artem hanc reddere laboravit. Quamobrem *Sectione prima* theoriam generalem, sive ea, quæ linguis omnibus simul sumtis conveniunt, & quæ exinde profluunt, tradidit. Hinc vero *Sectione secunda septem Capitis* theoriam specialem exposuit, seu ea, quæ non communia inter se diversæ linguæ, sed propria sibi habent Germanica, Batava, Latina, Anglicana, Gallica, Italica, & Græca. Atque ita ordine & perpetuo nexu specialiora ex generalioribus demonstrat, propositiones indubias præmittit, ex his vero regulas deducit, quæ instar fili Ariadnæ in hoc labyrintho viam ostendunt. In fine cujusvis *Capitis* exempla quædam occultæ scripturæ adjiciuntur, & ratio eam perverstigandi explicatur. Ad ipsam denique libelli calcem horum problematum interpretationes subneuntur, quas sibi commendatas habèant tirones, si forte in methodo ea solvendi peccaverint, ut intelligant, quid prætervisum fuerit, & ad quod inprimis attendere debuissent.



NOVA ACTA ERUDITORUM,

publicata Lipsiæ

Calendis Augusti Anno MDCCXLI.

DE SERVORUM DEI BEATIFICATIONE, ET
Beatorum Canonizatione, Liber tertius, Autore PRO-
SPERO DE LAMBERTINIS, S. R. E. Cardinali tit.

*S. Crucis in Hierusalem, Anconæ primum Episcopo,
postea Archiepiscopo Bononiæ.*

Bononiæ, formis Longhi, excusoris Archiepiscopalis, 1737, fol.

Alph. 9 plag. 3.

Summum illum Ecclesiæ Romanæ Pontificem, quem ii, qui
nomen illi cœtui Christiano dederunt, mirifice venerantur
& obedientia prosequuntur, cujusque eruditionem & mul-
tijugas virtutes exteri quoque admirantur jure, videmus nunc
occupatum in Operis prorsus egregii *Libro tertio* luci exponendo.
Inscripsit eum *sanctæ memoriæ Benedicto XIII*, qui quippe summi
Autoris non personam modo, verum & genus & patriam, miri-
fice auxit & honestavit, nec eum, Anconitanæ Ecclesiæ Episco-
pum nominatum, ante passus est ad illius fines contendere, ce-
terisque, quibus *Prosper* prosperrime Romæ fundus fuerat, de-
cedere muneribus, quam ipsum ad eximium purpuratæ am-
plitudinis gradum evexisset. Cum vero beneficiorum memo-
ria debeat esse immortalis & sempiterna, summus Pontifex sese
tenere non potest, quin *Benedicti* laudes recenseat, probitatem
que, constantiam, religionem, pietatem, ac ceteras illustres
virtutes, faciat summi. Admiratur insigne ejus studium, quo,
spreto mundi deliciis, religioso Divi *Dominici* cœtui sese alacer
ovansque adjunxerit. Commendat & prædicat ejus modestiam,
Iii qua,

qua, a *Clemente X* in ordinem Purpuratorum Antistitum cooptatus, deprecatus fuit tantum honoris culmen, exoratus potius, ut illi tandem sese aggregari pateretur, quam exorans, ut reciperetur. *Benedictus*, id quod summus Autor in laudibus ejus ponit, paulisper Romæ commoratus, maximum vitæ spatium egit Episcopus; primum, idque breviusculum, Siponti & Casenæ; reliquum, sane diuturnum, Beneventi, ubi ecclesiæ maxima ipsum vigilantia & sollicitudine præfuisse, commemorat. *Non tulit Benedictus*, prædicat ita Vir maximus, *divelli sese & a grege Beneventano sibi carissimo diutius se abesse, nisi quantum necessitate magistra inde revocatus fuit*, quippe qui quotannis, licet supremum Ecclesiæ suæ jam fastigium assecutus, aliquem diocesis suæ partem invisit, magnificæ templa vel excitavit, vel refecit, vel renovavit, aras ad rem divinam faciendam consecravat, cœtus constituit religiosos, hospitia & nosocomia publica exstruxit, pauperum egestatem non iis modo, quas ex ecclesiæ moderatione percipere consueverat, verum & suis plerumque, facultatibus sublevavit, Concilia nunc provincialia, nunc synodalia, coegit, leges in utrisque, quæ formis excusæ publicis circumferuntur, condidit diligentissime, confirmationem sacram ipse expedit, ac omnino cunctis amplissimi Sacerdotii ritibus, cerimoniis, officiisque, sedulo adfuit ac continenter. Pontifex ille eo etiam nomine laudatur, quod victu usus est perquam tenui & austero, carnisque adeo luctas & molestias, quæ cum infirmitate & ægritudine naturæ humanæ solent esse conjunctissimæ, non abstinentia modo & temperantiâ compressit, sed laboribus quoque, sed vigiliis, sed jejuniis, maceravit. Ipse in honore dignitatis Cardinalitiæ, ac fastigio Pontificatus, retinuit insignia cœtus Dominicani, ejusque instituta, mores, consuetudines, haudquaquam exuit, ut accuratum Divi *Thomæ Aquinatis* auditorem sociumque facile potuerint agnoscere universi. Addit summus Autor præterea nonnihil de *Benedicti* erga Deiparam Virginem & *Philippum Nerium* pietate; Numenque *Benedicti XIII* in exitu formulæ dedicatoriæ enixe precatur, ut hic ipsi a Deo optimo maximo lumen præsidiumque impetret, quo difficile Episcopatus officium integre fideliterque

terque obire, Ecclesiæ ornamenta & commoda amplificare, animarum incolumitati atque saluti & voce & exemplo præsto esse, idque ad extremum perficere, queat, ut, singularium *Benedicti* virtutum se non tam laudatorem, quam æmulatorem, exstitisse, & ipse *Benedictus* & omnino ceteri intelligant. Hæc est summa Dedicationis, magnifico scribendi nitore condecoratæ. Nunc arcem causæ ipsius aggrediendam esse, dubitat nemo unus. Et primo quidem capitulatim argumenta recensere studebimus. *Capitibus 53* tractatio constat universa. *Capite primo* excutitur testes de auditu in causis antiquis beatificationis & canonizationis. *Secundo* disseritur de testibus singularibus in causis iisdem. *Tertio* agitur de sententia congregationis sacrorum rituum, & præsentis sedis Apostolicæ praxi, quantum attinet ad testes de auditu in causis beatificationis & canonizationis super examine virtutum aut miraculorum speciatim. *Quarto* tractatur de sententia congregationis rituum sacrorum, ac praxi jam dicta, respectu testium de auditu, cum agitur de miraculis, & respectu testium singularium, quando agitur de virtutibus aut de miraculis in causis beatificationis & canonizationis. *Quinto* disseritur de numero testium, in causis iisdem adhibendorum. *Sexto* agitur de conditione testium, in causis iisdem adhibendorum. *Septimo* expenduntur testimonia Confessariorum atque Medicorum, quibus iudicium beatificationis & canonizationis stare solet. *Octavum* inscribitur de historiis, earumque momento in iudicio eodem. *Nono* nonnullæ explicantur & resolvuntur controversiæ, ad eandem historiarum materiam pertinentes. *Decimo* explicantur aliæ, eodem pertinentes, controversiæ, atque resolvuntur. *Undecimo* agitur de Martyrio, & primum de persecutore, seu tyranno. *Duodecimo* disseritur de poena, a persecutore seu tyranno inflicta. *Decimum tertium* agit de causa martyrii ratione persecutoris seu tyranni. *Decimo quarto* agitur de modo, quo comprobari possit, persecutorem seu tyrannum ex odio in fidem Christianam ad mortem Martyri infligendam motum fuisse. *Decimo quinto* disseritur de requisitis in Martyre considerandis ante martyrium. *Sequenti* tractatur de martyrii desiderio, ejus susceptione, spontanea ad ipsum oblatione, & fuga,

Pag. 2.

15.

28.

47.

62.

83.

106.

119.

142.

152.

- Pag. 167. urgente persecutione. De provocatione tyranni agit *decimum septimum*. *Caput sequens* inscriptum est de Martyris repugnantia, qua elaborat, ut mortem, sibi inferendam, evadat, & de necessaria Martyri patientia, atque constantia fidei voluntatisque moriendi pro doctrina Christiana usque ad obitum, nec non in ipso obitu. *Undevigesimum* repræsentat causam martyrii ex parte Martyris. *Vigesimo* tractatur de Martyribus Hæreticorum & Schismaticorum falsis. *Vigesimo primo* exhibetur meditatio de virtute heroica. *Sequenti* proponuntur & explicantur nonnullæ quæstiones, quæ ad indolem virtutis ejusmodi heroicæ spectant. *Vigesimo tertio* agitur de virtutibus theologicis, fide, spe, & caritate, nec non indole heroica uniuscujusque earundem. *Vigesimo quarto* suscipitur tractatio de virtutibus cardinalibus seu moralibus, prudentia, justitia, fortitudine, temperantia, earumque momentis. *Sequenti* proceditur ad orationem, & ejusdem species, ejusque necessitatem in Dei servis, Beatorum Sanctorumque ordini aggregandis. *Vigesimum sextum* inscribitur de oratione mentali, triplici vita, & activa, & contemplativa, & mixta, de statibus incipientium, proficientium, & perfectorum, aliisque momentis nonnullis, ad orationem vocalem & mentalem referendis. *Vigesimum septimum* inscribitur de Sacramentorum frequentia, pœnitentiæ videlicet, & Eucharistiæ, quæ respectu servorum Dei, beato cœlitumque cœtui adscribendorum, requiri solet. *Caput vigesimum octavum* exhibet doctrinam de carnis & corporis mortificatione. *Undetrigesimo* agitur de modo, in carnis & corporis mortificatione adhibendo. *Trigesimo* exponitur de inquisitione super ærumnis & tribulationibus servorum Dei, de quorum beatificatione & canonizatione tractatur. *Trigesimum primum* offert lectori ea, quæ speciatim animadvertenda veniunt ratione dignitatum ecclesiasticarum, quas servi Dei, dum vixere, obtinuerunt. *Trigesimo secundo* exponitur de nonnullis momentis, specialiter advertendis in causis servorum Dei, qui summi Pontifices fuerunt, post obtentum summum Pontificatum, & regimen Ecclesiæ universæ susceptum. *Trigesimo tertio* disseritur de nonnullis rebus, observandis in servorum Dei causis, qui, dum viverent, fuerunt Purpurati sanctæ Romanæ

manæ Ecclesiæ patres, advertendis nempe post obtentam Cardinalatus dignitatem. *Capite 34* eadem disquisitio transfertur ad servos Dei, Episcopali dignitate fundos. *Sequenti* ea convertitur ad Regulares. *Trigesimo sexto* res agitur Laicorum, & Pag. 520 præcipue eorum, qui, dum viverent, Imperatores, Reges, aut Principes supremi, exstiterunt. *Trigesimo septimo* differitur de advertendis in causis virginum, conjugatorum, viduorum, atque peregrinorum. *Sequenti* exponitur de obitu servorum Dei, de quorum agitur beatificatione & canonizatione. *Unde-quadragesimum* proponit ea, quæ ponderanda sunt a fidei promotore & a consultoribus sacræ congregationis, cum dubitatio exoritur de indole virtutum heroica, & præcipue de peccatis, quæ nonnunquam sese offerunt perscrutantibus vitæ servorum Dei decursum. *Quadragesimum* agit de nota jactantiæ, & vanæ gloriæ, de qua sæpe disputari solet in examine virtutum servorum Dei. *Quadragesimo primo* exponitur de nonnullis aliis rebus, de quibus in examine causarum servorum Dei frequens sese offert occasio disputandi, ac de nonnullis regulis, adhibendis, ut tutum de eis, quæ a servis Dei gesta, feratur judicium, nec non de quibusdam extraordinariis actionibus, quæ speciali divino impulsu factæ traduntur. *Capite quadragesimo secundo* exponitur de gratia gratis data. *Quadragesimum tertium* agit de sermone sapientiæ, & de sermone scientiæ, qui uterque dicitur esse gratia gratis data. *Sequenti* differitur de gratia fidei, sanitatum, & operationis virtutum, gratis data. *Capite 45* exponitur de prophetiæ gratia gratis data. *Sequenti Capite* confirmantur hæc copiosius, ac simul difficultatibus, quæ obmoveri possunt, nonnullis responderetur. *Quadragesimum septimum* de gratia prophetiæ, gratis data, agit, respectu causarum beatificationis & canonizationis. *Capite 48* de gratia multiplici, gratis data, agitur, nominatim discretionis spirituum, generum linguæ frequentioris, & interpretationis sermonum. *Sequenti* exponitur de mentis excessu, ecstasi, & raptu. *Quinquagesimo* de visionibus ac apparitionibus; *sequenti* de discernendis visionibus ac apparitionibus, tractatur. *Caput 52* inscriptum est de visionibus & apparitioni-

540.

572.

586.

600.

619.

625.

634.

644.

657.

666.

678.

686.

736.

ritionibus respectu causarum beatificationis & canonizationis. *Ultimo* tandem de revelationibus agitur. Hæc tanti Operis est summa, hoc ejus est argumentum. Restat, ut singula propius intueamur, judicio nostro qualicunque in præsens nuntium plane missuri, angustissimis quippe cancellis inclusi. Quantum hic ad testes attinet, tres potissimum sese offerunt difficultates. Primum quæri solet de autoritate testium examinerum ordinaria. In censum deinde quæstionis veniunt testes de auditu. Ad ultimum de testibus singularibus controversiæ solent exoriri. Primam tractavit summus Autor *Libro secundo*. In præsens itaque ad duas difficultates reliquas descendit. Testes oculati præstant utique auritis. Teste enim, qui rei interfuit & vidit, non potest dari evidentiæ physica major. Et ex hoc testimonio profluit evidentiæ in judice moralis, qua nulla existat major. Sæpius vero ab obitu servorum Dei effluxere tot anni, ut soli adhuc restent testes de auditu. Quæri itaque potest, an hisce inniti liceat, quoties virtutes ac miracula servorum Dei sunt

- Pag. 3. in dubio, ac in ambiguo latent. Quamplurimi scriptores, ipsique Rotæ Auditores, affirmando hanc sententiam propugnant. Alii definiunt temporis elapsi intervallum. Cardinalis *de Laureæ* testimonium de auditu ponderis alicujus esse posse intra centum adhuc annos, pronuntiavit. Alii malunt spatium 70, immo 60, annorum. Cum vero hic agatur de bono & æquo, nec de illius præjudicio, Autor summus tradit eapropter, testes de auditu, in causis præsertim antiquis, *haud videri rejiciendos*, siquidem probatio plenissima hic haud requiratur, nec testes de visu hic reperiri possint, præterea etiam propter temporis antiquitatem testes de auditu admittantur per textum in *Cap. Licet 47 de Testibus*, nec deficiat nubes testimoniorum & idem sentientium. *Bellarminus* quidem probe pervidit, non posse in eo certam adorandi fiduciam collocari, de cujus perpetua sanctitate haud satis certo constet, ideoque in *suo suffragio pro canonizatione S. Francisce Romana*, typis impresso ad calcem *Libri primi*, ad hoc Opus referendi, docuit ita: *Neque enim ad hanc excellentiam satis est, ut coram Deo sancti sint; sed oportet, ut certissimis documentis probetur, eos, dum viverent,*

veræ

vera sanctitatis gloria aliis praeluxisse, & in eadem sanctitate diem extremum clausisse. At in Suffragio pro S. Raymundo ac Hyacintho in diligentia gravissimorum Patrum & decisione Pontificis summi acquievit. Nec sane desunt exempla canonizationum, ad quas peragendas nulli testes de visu potuerunt conquiri vel superesse, e. g. Hyacinthi, Raymundi, Isidori, Elise-
 bethæ Lusitana, Andrea Corsini, Philippi Benitii, Cajetani, Laurentii Justiniani, Joannis a Capistrano, Catharina Bononicensis, Agnetis de Monte Politiano, Peregrini Latiosi, Joannis Nepomuceni, de quorum virtutibus ac martyrio testes auriti duntaxat potuerunt adhiberi. Difficultas alia sese hic, quantum ad testes singulares attinet, offert. Si unius testimonium testimonio alterius obstat, fides ipsis haud habenda. Hæc singularitas vocatur *obstativa*. Exstat autem & alia gemina, quam vocant *adminiculativam*, vel *cumulativam*, aut *diversificativam*. Adminiculativæ exemplum hoc habe. Si quis ostendere vellet, Missam ab excommunicato fuisse celebratam: unusque testis perhiberet testimonium de initio Missæ, alter de medio, tertius de fine. Singularitas diversificativa est ea, cum testes pronuntiant visa vel audita de actibus diversis, quorum unus alteri non obstat. Singularitas & adminiculativa & diversificativa in judiciis valet ad probationem integrandam, licet vel maxime in causis criminalibus de probandis rei moribus agatur. In crimine tamen sollicitationis comprobando, qua is, qui a confessionibus est, ad turpia sollicitaverit *Pœnitentes*, testes singulares haud esse admittendos, sed plenam requiri probationem ex concursu complurium præsumtionum, indiciorum, ac adminiculorum, præcepit decrevitque summus Pontifex, Gregorius XV, in sua *Constitutione* 34 §. 5. Ad virtutes vero servorum Dei comprobandas testes sufficere singulares, haud obstantes, Riminaldus junior *Consil.* 7 num. 27 seq. & num. 132 copiose ostendit, quem Auditores Romani solent sequi. Ad probationem miraculorum non solum plures testes socios requiri, sed necessum esse, ut iidem testes *contestes* testimonium reddant de omnibus miraculis divinitus editis ad preces ejus servi Dei, de cujus beatificatione aut canonizatione tractatur, putavit Vincentius in
 Capite

9.

10.

12.

13.

- Capite Venerabili Tit. de Testibus. Adversatur huic opinioni Bellamera, nec non Castellanus, ille in *Commentariis ad Caput 1 de Reliquiis & veneratione Sanctorum*, hic in *Opere de Canonizatione Sanctorum*, immo ipse Contelorius, siquidem fieri haud potuerit, ut aliquis Dei servus, dum vixit, eosdem semper testes adhibuerit comites, qui ipsum vidissent miracula facientem, vel ut ipsi testes semper juncti in eis, & quidem diversis, locis fuerint praesto, ubi servus Dei ab obitu suo miracula patrasse existimetur. Miracula ejusmodi posse per testes singulares probari, credidit Jacobus Simonetta, Rotæ Auditor, in *Relatione*, quam exhibuit Pontifici Leoni X super vita & Miraculis S. Francisci de Paula. Nec dissenserunt Auditores Rotæ in *Relatione S. Raymundi Art. 8.* Quæri autem potest, quid sentiat Congregatio sacrorum rituum de testibus ejusmodi auritis in causis beatificationis & canonizationis super examine virtutum aut miraculorum speciatim. Contelorius sciscit, in jure non æquiparari probationem in causa canonizationis probationi causis criminalibus propriæ, sed requiri probationem, quæ sit, æqualis diligenti probationi in causa civili. Refragatur autem ei Scacchus de *Notis & signis sanctitatis Sect. II Cap. 5* cum *Mastra*. Uterque statuit, cautissime in re tam ardua esse agendum, rigidasque probationes adhibendas, quæ sint æquales probationibus in causis criminalibus, in quibus agatur de irroganda reo poena ordinaria. Addit Summus Pontifex hæc: *Ipse, qui tot annorum spatio interfui Congregationibus sacrorum Rituum uti fidei promotor ac Congregationis Consultor, testari possum, me semper ab antiquioribus Cardinalibus & Consultoribus audivisse, quod in causis procedentibus per viam non-cultus probationes in dubio virtutum debeant esse, quantum fieri possit, æqualis ponderis probationibus in causis criminalibus.* Adequata itaque probatio hic constituitur in testibus contestibus de visu. Subdit deinde idem: *Ipse testari possum, nonnullas beatificationum causas procedentes per viam non-cultus, utpote carentes testibus de visu in dubio virtutum, me tanquam fidei promotore urgente pro insufficiencia testium de auditu, minime felicem exitum habuisse: meque pariter urgente in causis Martyrum, ut mors probetur per testes de visu experi-*

exprimentes omnes circumstantias, ex quibus dignosci posset, Martyrem in fide & dilectione perseverasse usque ad obitum, Pa- Pag. 17.
sculatores omnem operam navasse, ut ostenderent, testes de visu
mortem & perseverantiam optime comprobasse. Testes exami-
nandi sunt super vita & miraculis servi Dei ea diligentia, quæ
solet ac debet in testium receptione adhiberi, immo majori, si-
quidem hic agitur de re, quæ in ecclesiæ præjudicium potest re-
dundare. Subdit tandem summus Autor: Uno verbo, in causis pro- 19.
cedentibus per viam non-cultus virtutes probari debent per testes
de visu. Si vero aliqui actus probentur per testes de auditu ab
iis, qui viderunt, vel de auditu ab his, qui audiverunt: si alii
testes de publica voce & fama concordent: si, stante præcedente
obitu aliquorum testium de visu, non potuerint aliqua probari,
nisi per testes de auditu; non ideirco causa derelinquenda est, nec
insuperabilis oppositio ex prædictis hauriri poterit, eo quod vide-
licet, probata actuum serie in hac aut illa virtute per testes de
visu, actus, qui probantur per testes de auditu, adminiculi vicem
subibunt vel quoad actus, qui fuerunt probati per testes de vi-
su, si testes de auditu de iisdem locuti sint, vel quoad virtutem
ipsam, in cujus probatione nonnulli testes testimonium de ejus
actibus dederunt ex visu & sensu proprio, alii autem alios actus
testati sunt, aut de auditu ab his, qui audiverunt. Si autem ser-
mo transfertur ad causas procedentes per viam casus excepti a
decretis Urbani VIII, & causæ sunt antiquæ, probationes super
virtutibus, aut de martyrio speciatim, non in testibus de visu,
sed in testibus vel de auditu ab iis, qui viderunt, vel de auditu 26.
ab his, qui audiverunt, solent necessario constitui. Aliquæ
omnino tempore antiquiori expeditæ fuerunt causæ per solos
testes de auditu in dubio virtutum e. g. Bonaventuræ, Hyacin-
thi, Raymundi de Pennaforti, Elisabethæ, Lusitanorum Reginae,
& Petri Regalati. At in dubio miraculorum testes de visu pro-
prio admodum sunt necessarii, nisi causa procedat per viam ca-
sus excepti. Urbanus II testes oculatos ad miraculorum com-
probationem requisivit, nec non Julius I in Epistola ad Orien- 29.
tales, Matthæus in Practica theologo-canonica ad causas beati-
ficationis & canonizationis Tit. 3 Cap. 5 §. 1 n. 19, 20, 24, cum aliis.

- Examīnantur autem miracula, si res agatur de causis, per viam non-cultus procedentibus, ante Beatificationem; hac obtenta, perpenduntur ea, quæ supervenerunt, ut canonizatio possit obtineri: in causis vero, procedentibus per viam casus excepti, miracula ponderantur, quæ post venerationem indultam accessere.
- Pag. 30. In unoquoque miraculo comprobando socii requiruntur testes, nec sufficit, unum testem testari de miraculo uno, alium de alio. Solet etiam inquiri, an hoc vel illud genuinum sit miraculum,
32. viresque naturæ excedat. In dubio virtutum non agitur de iudicio ferendo super hoc vel illo actu, sed potius super habitu. In quo rerum statu sufficere videtur scopo, si testis unus de uno actu virtutis, alius de alio, testimonium perhibuerit. Collectio enim multorum testimoniorum conficere valet gradum plenæ probationis. Relationes Auditorum Rotæ non demonstrant, usum rei ad sententiam ipsorum accommodari solere, sed ostendatur necessum est, hoc vel illud pronuntiatum a sacra Congregatione fuisse receptum, ac a Summo Pontifice confirmatum.
34. Numerus testium ita ineundus, ne uni solive fides habeatur, sed ut duo tresve sint præsto. Congruunt huic veritati iura ecclesiastica. Sin vero homines vitæ improbæ crimina impingant viris de ecclesia, adhibentur 72 testes ad Præfulem condemnandum, 64 ad damnandum Presbyterum Cardinalem, & 24 ad proscribendum Diaconum Cardinalem, secundum *Can. Præful* & *Can. Nullam 2 Quæst. 4.* Summus autem Pontifex solide monet, hos Canones desumptos esse ex Actis Concilii Romani, a *Silvestro*, Papa, coacti, quod ipsum inter merces *Isidori Mercatoris* referant eruditi.
40. Inter hæc notatu dignum, nullam huc usque legem esse latam, quæ decreverit, in unoquoque negotio rem duobus testibus absolvi posse & debere, siquidem casus dantur, in quibus amplior testium numerus requiritur. Miraculum vero servi Dei existimatur sufficienti robore esse comprobatum, si duo eorum extrema probata sint per duos ad minimum idoneos testes de visu *contesses*. Contigisse miraculum hoc vel illud, hic parum ad rem facit. Ostendatur oportet, illud editum fuisse ad preces & desideria ejus servi divini, de cujus inter
45. Beatos cœlitesve adscriptione agitur. Stilo Rotæ id sic effe-
- rendum:

rendum: *Oportet probare, quod miraculum fuerit factum ad intercessionem servi Dei.* Intercessionis hujus porro veritas probatur per invocationem. Invocatio est gemina. Alia enim fit ab eo, qui sanitati est reddendus, alia ab illo, qui preces pro ægroto ad Deum emittit. At, sive invocatio fiat ab ægroto, sive ab alio pro eo, solo tunc dicto invocantis comprobata existimatur. Usus enim ecclesiæ Romanæ ita fert, ut in probatione invocationis admittere ipsa soleat vel ipsum sanatum, vel aliquem ex parentibus, cognatis, aut amicis, quo faciente vota pro sanando miraculum contigit, dummodo extrema, & sanatio subita, plene probentur. Ne vero hæretici irrideant sacras apothefes Sanctorum, quibus delectatur ecclesia Romana, nec ullus ambitus, avaritia ulla, subornatio, falsa pietas, aut alia vitia, irrepant ceremoniæ tam solenni, providere voluit Roma, præcipiens, examinandos esse testes, non unum vel alterum, sed quamplures, socios, exquisitissime, pari accuratone, immo diligentius, majoremque secundum numerum, quam testes in officio sancto examinantur. Quare testes ii, qui in aliis judiciis a ferendo testimonio repelluntur, multo magis in gravissimis hisce causis solent a testimonio perhibendo arceri. Testimonium fœminæ hic quoque in censum venit, quatenus factum ipsum simpliciter respicitur, ejusque momentum haud unum, dummodo fœmina sit honesta & fide digna, interrogationibusque judicum fecerit satis. Nec pauperes a testimonio ferendo repelli possunt, si ipsi vitam agant honestam. Testimonia consanguineorum & affinium ejus, qui intercessione servi Dei vel Beati modo miraculi pleno sanitatem recepit, rejici non potest, eo quod hi in primis rerum illarum conscii extiterunt. Religiosorum ac virginum votivarum testimoniis hic est locus in causa, quæ pertinet non ad negotium singulorum, sed tantum ad negotia universitatis. Sin vero agitur de beatificatione alicujus servi Dei, qui aliquod regulare institutum professus est, tum probanda venit exacta regularis disciplinæ observantia, & ad hanc quidem rem probandam testes religiosi satis sunt apti habilesque. Sacerdos, qui confessiones peccatorum excipit, tacere debet ea, quæ ipsi in confessione

Pag. 47.

51.

55.

58.

62.

- fuerunt exposita, dummodo ea ad materiam confessionis ejusque sigillum faciant. Licet igitur ipsis in beatificationis causa testimonium reddere de conscientiae puritate, quam servo Dei fuisse, experti fuere, nec non de ejus immunitate a peccatis, tum mortalibus, tum venialibus, & de revelationibus, visionibus, aliisque charismatibus, gratis servo Dei datis. Medico-
 Pag. 67. rum ac Chirurgorum est, de morbo, cujus sanatio miraculi plena in censum deducitur; testari. Difficile profecto est, definire, quid in morborum momentis sit naturale, quid supernaturale. 72. Miracula hujus vel illius per solas historias probari non possunt, sive sermo sit de causis procedentibus per viam non cultus, sive de procedentibus per viam casus excepti. Historici enim plerumque sunt testes de auditis. Sin vero historicus tanquam testis oculatus miraculum exposuerit, intercessione servi Dei vel Beati patratum, ideo nec vel ipse solus, vel alius etiam historicus, simili modo rem exponens, vim probationis in his judiciis habere potest. Secus pronuntiatur, cum judicium est ferendum in causis procedentibus per viam casus excepti de virtutibus atque martyrio, cum ob temporis antiquitatem & cultum, servis Dei exhibitum, probationes subsidiariae admittantur. Quatuor vero sunt classes historicorum. Alii 74. ea scripsere, quibus interfuerunt, quæque viderunt geri; alii ea, quæ narrant, haud viderunt, accepere tamen ab eis, qui viderunt; alii referunt ea, quæ nec viderunt, nec audiverunt ab eis, qui viderunt, sed ab iis; quibus illi, qui viderant, narraverunt; alii ex historicis, quos indicavimus, sua 83. collegerunt colliguntve. *Legendis* quoque ineditis fides est, dummodo ex a majoribus pro genuinis & integris, nequaquam vitiatis, fuerint reputatae, ac criticum ferant examen. Opusculi vel operis, quod nomine Autoris caret, ac martyrium servi Dei vel Beati complectitur, pretium quoque aliquod esse potest, nec obstat ulla ratione decretum Papæ *Gelasii I* ex *Can. Sancta Romana Dist. 15*, quod vulgo legitur aliter, ac in antiquissimo 84. Codice Palatino Bibliothecæ Vaticanæ, & collectione Codicis Herovalliani. In posteriori leguntur isthæc hunc in modum: *Gesta sanctorum Martyrum, qui mirabilibus cruciatibus & triumphis irra-*

irradiant, & a catholicis viris conscripta sunt, omnimodis veneramur; ea vero, quæ ab hæreticis vel idiotis composita, vel adulterata sunt, nullatenus recipiantur; quæ in ipsis eorum dictis ab ecclesiasticis viris sine mora deprehendi possunt. Summus Auctor Pag. 86.
de vitis Sanctorum, quæ *Simeoni Metaphrasæ* tribuuntur, in transitu differit, laudatis testimoniis etiam eorum, qui fictionis crimen ei impingunt cum *Bellarmino*, *Auberto Miræo*, *Ruinarto*, ac *Bail-eto*, nec non illorum, qui fidem *Simeoni* tribuendam credunt cum *Bollando*, *Guilielmo Caveo*, *Honorato a S. Maria*, aliisque. Rejiciendam putat *Baronius* historiam, in qua referuntur gesta Confessoris aut Martyris, ob adjectum unum alterumque errorem, in *Annotationibus ad Martyrologium Romanum ad 9 Octobris*. Reclamat vero *Bollandus* in *Præfatione generali ad vitas Sanctorum mensis Januarii Cap. 3 §. 4*, si in ea reperiatur aliquis error circa loca aut tempora, de reliquo autem bene sese habeat. Huic assentit *Jo. Mabillonius* in *Tract. de Studiis monasticis Cap. 8 n. 5*. Discordia Auctorum non est generis ejusdem. Dis-sensus enim vel rem ipsam spectat, vel ejus momenta circumstantia. Historia generis posterioris non est rejicienda, fatente *Natale Alexandro* in *Historia ecclesiastica Seculi I Diff. XIII Prop. 3*. Dicti *Joannei 1 Ep. V αὐθεντικῶν* Summus Pontifex propugnat. Argumenti negativi vim alii recusant, alii cum *Joanne Launojo*, *Papebrochio*, *Baronio ad annum 237*, *Guidone Grando*, *Saxio*, fratre *Raymundo Missorio*, & *Ludovico Antonio Muratorio*, eam credunt magnam; alii media incedunt via pro rei rationibus diversis. Argumentum negativum præterea est vel pure ejusmodi, vel aliquid habet admistum. Alterius major vis est, quam primi. Vitiata esse exempla *Mariani Scoti* & *Martini Poloni*, in quibus fabula de *Joanna Papissa* legitur, Summus Pontifex existimat. Eadem sententia nuper a *Cel. Christophoro Augusto Heumanno* in peculiari Dissertatione, qua illam fabulam profligavit, fuit propugnata. Visionem celeberrimam *S. Francisci* una cum indulgentia, quæ dicitur *Portiuncule*, sum-mus Auctor putat perperam repudiari, eo. quod de ea fileat *Bona-ventura* ac Auctorum ætate æqualium cohors, ratur, *Baluzium* eam in suis *Miscellaneis Tomo IV* ex antiquis Bibliothecis, & qui-

83.

89.

91.

92.

93.

94.

- dem ex monumento Autoris cœvi, edidisse. Calculum quoque album adjicit traditioni de translatione domus almæ ex Galilæa in Liburniam. A *Gregorio Magno* animam *Trajani*, Imperatoris, a pœnis inferorum fuissè liberatam, tradit *Joannes Diaconus*, 300 annis junior. At alii scriptores tacent. Vim hic inesse credit Summus Pontifex argumento negativo. Si quis fidei promotor contendit, malum aliquod a Dei servo fuissè patratum, producto alicujus recentis Autoris testimonio, silentium antiquiorum postulatoribus prodesse poterit, *si aliæ non desint circumstantiæ, eorum assumpto faventes*, uti contigit in causa *Gregorii X.* *Bollandus* id dedit consilii, ut vitæ Sanctorum, in quibus aliqua ridicula aut improbabilia sunt inserta, corrigerentur
96. & emendarentur. Sacrorum vero rituum Congregatio ad probationem virtutum aut martyrii statuit admittendos haud esse alios ac historicos, qui scripserunt ea, quæ viderent, aut quæ ab iis, qui viderant, audiverunt, adeoque scriptores sunt cœvi.
98. Ad martyrium concurrunt duæ personæ, persecutor, seu tyrannus, & martyr. Putant nonnulli, dari martyria possè sine tyranno insectante. Huc referunt *Mariam* Deiparam, martyras patientiæ, religiôsæ observantiæ, virginitatis, divinæ caritatis, ægritudinis toleratæ, pestis ex officio caritatis contractæ, &c. At similitudo martyrii quædam in hisce existit, haud martyrium genuinum. Alii martyria nondum consummata huc revocant. At hi *Confessores* sunt dicendi, qui martyrio haud interierunt.
106. Quid vero de eis est sentiendum, qui pœnam a tyranno infligendam occuparunt? quæ, ne pudicitiam violari paterentur, necem præverterunt paratam? Distinguit summus Autor inter martyria ordinaria atque extraordinaria. Hæc ad specialem Dei impulsu refert. Ad veri martyrii indolem requiruntur momenta duo, unum, ut tyrannus re vera mortem inferat, aut saltem causam mortis proximam necessariamque ponat; alterum, ut id faciat ex odio in fidem Christianam, vel in rem aliquam, quæ ad fidem spectat. Non semper tyranni ipsos sectatores Christi illico interimunt, sæpius eos carceribus, exiliis, & ærumnis pro Christo constringunt, ad obitum miserorum usque continuandis. Is quoque censendus est martyr, qui illæsus mortem,

tem, cui fuit traditus, evasit divina virtute. Hoc in numero collocandi sunt *Joannes, Thecla, Felix Nolanus, Gregorius*, Ma-
 gnæ Armeniæ Episcopus, tres pueri in fumum ardentem Baby-
 lonicum coniecti, &c. Martyrem & persecutorem constituit
causa, non fucus, non nomen, non velamentum. Marty-
 ris enim est, propter genuinam Christi doctrinam, fidemque
 & professionem ejus, illi superstructam, voluntariæ morti
 exponi, eaque, ni miraculum Dei intercedat, interimi. Er-
 ror, fundamento fidei oppositus, licet quis pro eo voluntariam,
 a tyranno expromptam, necem suscipiat, causa martyrii dicendus
 non est. Si tyrannus putet, se verum in Christiano vindicare
 crimen, causa martyrii cessat. Sufficit, summo Autore decer-
 nente, si tyrannus ex odio in Christi doctrinam accendatur ad
 Christianum vita privandum, licet ipse causam omnino disparem
 præ se ferat ritu *Neronis*, qui abolendo rumori de incendio,
 ipsius consiliis tribuendo, reos subdidit Christianos. Odium
 illud comprobari potest ex sententia & decreto persecutoris;
 ex ipsa disceptatione, tyrannum inter & martyrem habita, in
 Actis descripta; ex beneficiis, seu muneribus, Martyri a ty-
 ranno ante mortem, ut a proposito resiliat, oblati; ex im-
 punitate, seu liberatione, Martyri a tyranno oblata; ex Actis
 martyrii genuinis, ita testantibus, & ex recusatione agendi id,
 quod Christianæ religioni e diametro est oppositum. Marty-
 rium esse *baptismum sanguinis*, ac in infantibus, non baptizatis,
 supplere vices baptismi aquæ, ideoque peccatum insitum secun-
 dum culpam & pœnam ex opere operato delere, Pontifex
 Summus docet. Pueri certe, ab *Herode* interfecti, in Ecclesia
 Romana recensentur ac coluntur inter Martyras. Idem indicat,
 fugam, si ea pateat divexato ob fidei professionem, juste arripi
 posse; Episcoporum vero esse ceterorumque, qui hominum
 animis invigilant, remanere, si prævideant, gregem fructibus
 abundaturum, ac eodem in loco perstiturum, ipsorum quoque
 ob fugam dispersum iri. Recte contra faciunt, qui sine detri-
 mento gregis fuga salutem quærunt. Si alii quoque fide adeo
 sunt firmati, ut possint perstare in loco ad majorem Dei glo-
 riam ecclesiæque salutem, ipsorum est perdurare. Martyri fu-
 turo

Pag. 121

132.

135.

137.

142.

144.

152.

178.

180.

- turo haud licet vel dictis vel factis tyrannum insultantem ad
 Pag. 182. martyrium ipsi inferendum provocare. Excipit ab hisce pro-
 vocationibus Summus Pontifex eas, quæ in ipso martyrii actu
 contingunt, quando videlicet Martyr aut statim tormentis est
 subjiaciendus, aut jam tormentis cruciatibusque afficitur, ac tum
 tyrannum objurgat, crudelitatem ejus infimulat, vindictamque
 194. Dei ipsi minatur. Cum *Hæreticis* seu *Schismaticis* summus Au-
 tor ita verbandum suis putat: *Eos, præmissis præmittendis, dili-*
gentiis videlicet & suavis aptisque modis, ut ab errore rece-
dant, hisque omnibus inutiliter adhibitis, ad fidem demum com-
pelli posse minis & terroribus, & pertinaces demum morte puni-
ri, implorato brachii secularis auxilio, concors est Patrum &
Theologorum sententia. Addit deinde *Augustini*, qui, sententia
 repetit in *Can. Displicet & sequentibus* 23 *Quæst. 4.* At si eo-
 dem sensu imbuti sint statores & custodes aliarum quoque reli-
 gionum? Quid? si Muhammedani idem sentiunt, Deoque ita
 permittente, viribus ac numero Christianis aliquandò antece-
 dunt? At succurrit *Thomas Aquinas*, qui *Augustini* sententiam
 exponit de iis, qui ecclesiæ Romanæ dederunt nomen, ac post-
 ea ab ea discesserunt, causam interponens, ipsorum esse, pro-
 missa servare, videlicet salutaria & justa. Causam martyrii, re-
 spectu Martyris exponendam, Summus Pontifex persequitur co-
 piose, ratus, Hæreticis & Schismaticis deesse martyrii causam.
 230. Faterur, heterodoxis haud deesse viros & homines, qui pro
 religionis Christianæ veritate, pro sensu ipsorum accepta, intre-
 239. pide mortem obierint. Romanæ autem ecclesiæ existimat ex-
 stitisse Martyras ab initio ecclesiæ usque ad hæc nostra tempora,
 240. & eam numero præstare. Addit præterea, omnia, quæ jam
 ab ecclesia Romana reputantur pro credendis & agendis, semper
 ab initio ecclesiæ Christianæ fuisse pariter credita. Posthæc
 causas Confessorum exponere Pontifex Summus aggreditur.
 Ipse ad *heroicitatem*, seu heroicam magnitudinem virtutum, re-
 quirir, *ut eam habens operetur expedite, promte, & delectabi-*
 262. *liter supra communem modum, ex fine supernaturali, & sic sine*
humano ratiocinio, cum abnegatione operantis, & affectuum sub-
jectione.

jectione. Specie eam differre a virtute non heroica, negat. Aliquem virtute heroica fuisse instructum, ostenditur sane difficulter. Sufficiunt tamen demonstrationi testes incorrupti, Pag. 274. docentes, servum Dei quendam integrum vitæ cursum inter pericula peccandi exegisse cum insigni innocentia spectabilique morum sanctitate, cumque exacta præceptorum Dei & consiliorum perfectionis observatione, quæ spectantibus ingesserit admirationem. Non vacat de heroica indole specialium virtutum hic nonnihil reperere. De iis, qui vel quæ matrimonia inierunt, perpetua tamen castitate servata, permulta Summus Pontifex produxit, *Cunegunda, Henrici II* uxore, eis inserta. Adjungit hisce non pauca de oratione mentali & vocali, inprimis Cardinalem *de Laura* secutus. Contemplationem infusam, seu mysticam theologiam, vocat cum aliis sponsalium animæ cum Deo, osculum Dei, ingressum animæ in caliginem divinam, annihilationem, *experimentalē Dei cognitionem*, habitam de Deo per amoris unitivi complexum. Notitiam vero de Deo divinisque rebus extrinsecus suppeditatam haud facile quisquam *cognitionem Dei experimentalē* dixerit. Ad momenta dicentium preces summus Auctor jubet attendi. In signis enim ardentissimarum precum hoc deputat, si servus Dei inter orandum vultum præ se tulerit tanquam flamma accensum. Donum lachrymarum deinde expendit, monens, cavendum hic sibi esse ab arrogantia & animo pusillo. Prædicat præterea frequentiam confessionis auricularis præstitæ, & Eucharistiæ sumtæ, nec ex cerimonia, nec ex consuetudine, profluentem. *Irenæum, Cyprianum*, aliosque Patres, jam de incruento Missæ sacrificio, qualis ea nunc est, locutos, existimat. Carnis corporisque mortificationem ponit in abstinentia, jejunio, cilicio, vigilio, chameuniis, spontaneis flagellationibus, quæ *discipline* dicuntur, & similibus rebus, quibus caro affligitur. *Morinus* credidit, usum flagrorum obtinuisse in ecclesia, sed aliena manu, non propria, corpori admotorum. *Jacobus Boileus* in eo totus est, ut ostendat, *Dominicum Loricatum* & *Petrum Damianum* autores exstitisse disciplinarum, sponte aut propria manu inflictarum, & ante eos flagra quidem in usu fuisse, sed ita, ut quis ab alio vapularet, rarus, consuetudinem propriæ

337.

357.

361.

366.

371.

382.

- propriæ flagellationis minus esse approbandam, cum flagellorum ictus dorso incussi oculis officiant, methodusque, flagellandi lumbos femorales, incitamento fit ad venerem appetendam. Consentiunt *Joannes Henricus Meibomius*, pater & filius, atque *Thomas Bartholinus*. *Petrus Damianus Baronius ad A. 1056* habet pro ritus hujus propagatore, non autore. Spontaneas flagellationes jam adhibitas fuisse a *Guidone Pomposiano*, Abbate, & a *S. Poppone*, Abbate, animadvertit *Mabillonius in Præfat. I ad Seculum sextum Ordinis Sancti Benedicti*, ejusque affectator, *Graveſon*, in *Historia ecclesiastica Tomo IV P. I Sec. X & XI pag. 305 seq.* Quod perpendendum relinquimus *Clar. Joanni Friderico Mickelio*, qui *A. 1733 de Maſſigſi religioſa* edidit libellum. Quid vero Summus Pontifex de hac flagellatione arbitrandum credat, ex ejus verbis innotescit: *Si Petrus Damiani, Rodolphus, Episcopus Eugubinus, Dominicus Lorricatus, Gualbertus, Abbas Pontiffariensis, ſanctimonia fama illustres, ſpontaneis corpus ſuum verberationibus afflixerunt, ut ipſe Boyleau in Historia flagellantium admittit, ſi nonnulli, inter*
383. *Sanctos relati, hoc ipſum præſtiterunt; ecquis erit, qui ſpontaneo flagrorum uſui, ejusque laudabili conſuetudini, obloqui ulterius audeat?* Conſtitutio *Urbani VI* adverſus flagellantes edita eſt adverſus eos, qui circa *A. 1349* ex Hungaria progreſſi vagabantur per provincias, ac bis palam de die, hiſtrionice quidem, aculeatis funibus ſeſe ad ſanguinem uſque flagellabant. Traditionem de *Ampullæ Rhemenſis* oleo perenni, argumentis utrinque adductis, in medio ſummus Autor relinquit, addens, Reges ungi, ſed non inungi chrismate illo, quo inungantur Episcopi, ſed ſimplici oleo benedicto, hoc eſt, *oleo Catechumenorum*.
521. Inter virtutes Regibus dignas ac eas, quarum habetur ratio in adſcriptione inter cœlites cultu proſequendos, collocat obedientiam erga Romanum Pontificem. *Ludovici Sancti*, Galliarum quondam Regis, *pragmaticam ſanctionem* vel ex toto exiſtimat apocrypham, vel rejicit certe illum articulum, in quo nonnulla traduntur, minus plena obſervantiæ erga ſanctam ſedem. Haud
533. definit, quis Pontificum primus Seculo *XI* jus gladii aſſuſerit, militesque conſcripſerit, monens, *Chriſtianum Lupum principa-*

tum hunc deferre Gregorio VI, Henrici III, Imperatoris, ad-
versario. Affert idem ex Pontificali Romano de benedictione
& coronatione Regis nonnulla, ac ea inter hæc antistitis coro-
nantis verba ad Regem: *Christianam religionem ac fidem catho-
licam ad finem usque inviolatam retinebis, eamque contra omnes
adversantes pro viribus defendes: Ecclesiarum Prelatis ac reli-
quis Sacerdotibus condignam reverentiam exhibebis: Ecclesiasti-
cam libertatem non conculcabis.* Item: *Accipe gladium - - -* Pag. 539.
*vice & autoritate sanctorum Apostolorum consecratas - - - ut
sanctam Dei Ecclesiam, ejusque fideles, propugnes ac protegas, nec
minus sub fide falsos, quam Christiani nominis hostes, execre-
ris ac dispergas.* Viderur accredere Mabillonio, qui in Anna-
libus Benedictinis Tomo I pag. 114 contendit, unicam duntaxat
panis eucharistici speciem ex antiquo loquendi more designa-
tam fuisse nomine corporis & sanguinis Christi. Plerosque san-
ctos ab infidelitatis caligine & a peccatorum cœno, divina gratia
adjutos, ad veritatis lucem & ad apicem sanctitatis pervenisse,
largitur, monens, prævaricationes, ante emendationem admittas, 573.
referri posse & verbo & scripto, ut nefaria multitudo ne despe-
ret medicinam, & ut sancti misereantur miserorum. Arigius, 577.
Episcopus Lugdunensis, utrum scelestus pluriumque criminum
reus, an recte a Cointio excusatus fuerit, in medio relinquit,
falsus, eum in Beatorum ordine collocatum. Sciscit porro
Maximus Autor de iis, quæ Sancti de vitæ suæ gloria confessi
fuerunt, eum in modum, ut rem, scopum, rei que modum, re-
spiciat, ac exempla Pauli, Jobi, Ezechia, Tobia, ac Nebemia,
præmittat. Actiones morales indifferentes & largitur & tollit,
docens: *Communior est sententia, dari actus humanos ex objecto* 587.
& specie sua indifferentes, hoc est, nec determinate bonos, nec
determinate malos, & qui demum boni vel mali reputantur ex 609.
sine aut bono aut malo. Gratia gratis datæ eam ponit essentiam,
ut ea sit sensibilis & evidens in suis effectibus. Nec negat, hanc
gratiam, quam Græci vocant χάρισμα, communem esse pecca-
toribus & justis ob 1 Cor. XIII, 2, 3, & Matth. VII, 22, 23. Quid
de arte notoria sit sentiendum, per quam, præmissis nonnullis
precibus ad Deum aliisque rebus, quæ ad pietatem spectare
viden-

- videntur, omnes disciplinæ liberales illico disci traduntur, haud
 Pag. 634. expedit, adjungens tamen *Thiersi* opinionem ex *Tract. de Superstitione*, qui statuit, actum & conclamatum esse de arte notoria ex sola experientia, inprimis vero ob argumenta e sacris
 636. literis depromenda. Fidem, qua est gratia gratis data, probabiliter, præeunte Cardinali *de Lauræa*, habet pro fervore & illa fidei constantia, quam Martyres in conspectu tyranni soleant exhibere, & qua, divinitus miracula datum iri ad suas preces, 640. sint certi. Miracula edi posse ab infidelibus quoque, fatetur, at, in confirmationem erroris & mendacii ea divinitus edi, negat. Prophetam, tradit, esse eum, qui aut futura prænuntiat, aut præterita vel præsentia, ceteris abdita, patefacit. Rationem, qua intellectui Prophetæ ea, quæ debet cognoscere, innotescunt, determinat triplicem: 1) si per sensus externos, auditum vel visum, res percipiantur, ac inde transeant ad imaginationem & intellectum; 2) per sensationem internam, qua imaginatio movetur; 3) per præsentationem intellectui duntaxat oblatam. Præexistere in hominibus ad prophetandum facultatem naturalem, negat. Copiose ex Scholasticis recenset differentiam cognitionis Dei, angelorum, dæmonum, & hominum, naturalis, ratione eventuum futurorum, eorumque vel necessariorum, vel contingentium, & in suis causis, & in actu. Dæmonem olim petentibus responsa vel ex antris, vel ex statuis, dedisse, haud abnuit, licet *Porphirii*, *Origenis*, & *Eusebii* quoque, 663. meminerit, qui, imposturis sacerdotum oracula illa deberi, haud inficiati fuerunt. Prophetias nihili esse habendas, quæ repugnent legibus divinis humanisque, præcipue *ecclesiasticis*, ex 669. Cardinali *Cajetano* docet. *Eugenius*, Pontifex, audierat & viderat ea, quibus putabatur confirmatus de suadenda expeditione cruciata in Palæstinam suscepta, eamque ob causam *Bernhardum*, Abbatem, permoverat, ut hic *Ludovico*, Regi, spem ingereret peregrinationis faustæ. At haud respondit eventus promissis. Ut nodum hunc solvat summus Autor, monet, fieri posse, ut revelatio sit vera & a Deo profecta, falsa autem interpretatio ab homine fuerit exorta: addens, Deum respexisse ad æternam eorum salutem, qui in illa expeditione pro fide & ecclesia

ecclesia fuerint mortui. Gratiam discretionis spirituum putat Pag. 679
esse mentis illustrationem, qua perfusus homo facile & sine er-
rore dijudicet, a quonam principio motus animi, tum proprii,
tum alieni, cogitationesque, ad electionem pertinentes, exciten-
tur, quid scilicet a bono, quidve a malo, spiritu suggeratur.
Tandem subdit: *Non videtur dubitandum, posse, Deo permitten-*
te, similia a damone fieri, nempe varias excitari linguas, pro-
ferrique diversas dialectos ab homine imperito vel intra
aerem. Vulgo existimant, eos, qui a cacodæmone sunt ob-
sessi, linguis speciei exoticæ, ac ipsis obsessis ignotæ, loqui
posse. Ecstasim divinam a diabolica sollicitè distinguendam esse,
tradit Summus Pontifex, ac momenta huic familiaria profert.
Illam oriri credit ex admiratione, magnitudine amoris, & exul-
tationis magnitudine. Effectus omnino causæ evidens est testis.
Difficillimæ autem res est disquisitionis, ecstasis utrum sit na-
turalis, an supernaturalis. Pendent hic omnia ab eo statu animi
corporisque, qui ecstasim præcessit. Si enim meditatio in unicum
quid defixa, si vehementior affectus, præcesserit, ecstasis
videtur esse naturalis. Apparitiones Dei in Veteri Testamento
secundum sententiam Theologorum communiorum non fuisse
ullius personæ & divinis, sed per Angelos peractas, hosque po-
tuisse dicere in apparitionibus: *Ego sum Dominus Deus tuus*,
existimat, laudatis *Duranto & Thyreo* suffragatoribus, nec non
ipso Cardinali *Bona de Discretionem spirituum Cap. 19 n. 3.* Favet
hæc sententia *dulæ*, qua cives ecclesiæ Romanæ Angelos pro-
sequuntur. Apparitiones Christi externas Summus Pontifex
sollicitè enumerat. Potissimas apparitiones Christi, quæ Sanctis
contigerunt, commemorat, nempe *Paulo 1 Cor. XV, S. Petro*,
S. Benedicto, aliisque. Exempla collegit *Thyreo de Appari-*
tionibus Sacramentalibus. Summus Pontifex subtrexiit nonnulla
de aliis visionibus & apparitionibus, quæ a dæmone, vel a cau-
sis naturalibus, originem traxerunt, inseritque longam *Baldelli*
de hac causâ tractationem e manuscripto Italico. Quomodo
visiones ac apparitiones naturales a supernaturalibus discernan-
tur, monet, seduloque examinat, an causa aliqua præcesserit,
visionis vel apparitionis materies. Dantur quoque præterna-

683.

699.

705.

711.

713.

717.

719.

- turales, vel Deo vel diabolo autore hominibus immiffæ. Sum-
 Pag. 728. mus Pontifex de fingulis hisce speciebus follicite tractat, easque
 distinguere docet. En distinctionis notam: *Dæmones a colum-
 bæ vel agni specie abstinēt - - - Si formam humanam assu-
 munt, ea atra plerumque est, deformis, mutila, & inusitata - -*
 730. *aliquando se transfigurant in Angelos lucis & Christi Domini*
Beatissimæque Virginis & Sanctorum. Revelationibus novis lo-
 cum esse ad integrandum doctrinæ Christianæ complexum ne-
 746. gat, privatas tamen dari largitur, addens: *fides quippe nostra non*
crevit quoad substantiam, licet nunc quædam explicite credantur,
 749. *quæ antea latebant.* Rejicit autoritatem revelationum, quæ ad-
 versantur sacris literis, Apostolicæ traditioni, unanimique Pa-
 trum atque Theologorum consensui. Appendix complectitur
 monumenta, ad hunc *Tomum* pertinentia. Nostrium vero est,
 hic respirare, postquam hunc *Librum* omni diligentia versavi-
 mus, & inde delibavimus potiora, summam *Libri IV*, qui est
 ultimus, propediem daturi.

HISTOIRE MILITAIRE DE CHARLES XII, &c.

hoc est,

HISTORIA MILITARIS CAROLI XII, REGIS
Sueciæ, ab A. 1700 usque ad conflictum Pultaviensem
A. 1709, ex singulari Regis mandato delineata a G U-
STAVO ADLERFELD, Regio Cubiculario; cui jun-
gitur accuratior descriptio prælii Pultaviensis, una
cum diario, describente perfugium Regis
versus Benderam.

Tomi IV.

Amstelodami, apud Jo. Wetstenium & G. Smith, 1740, 12 maj.
 Alph. 3 plag. 12, cum Tab. æn. 7.

Scriptores non unos bellicosissimus ille Suecorum heros, *Caro-*
lus XII, nactus est, qui vitam & mavortia ejus facta huc
 usque sibi sumserunt describenda; haud omnes eodem insti-
 tutione, nec eodem etiam usos successu. De diversa hujus rei ratione,
 non

non jam nostrum est, operose dispicere; id saltem, ubi nova ejusdem Herois biographia in scenam prodit, docebimus, quid illa præ ceteris habeat præcipui, quidque eandem supra aliarum sortem jure quodam suo evehat. In duobus id positum esse cum maxime reperimus. Primum est, quod Autor, ut vel ipse titulus docet, res in bello & militia a Rege suo gestas unice respiciat, earundemque continuatam seriem exhibeat, quousque felicibus auspiciis gestæ sunt; alterum, quod ad ipsam hanc ornandam accedens Scriptor hic noster, præsidiiis longe pluribus, quam ceteri ante eum omnes, instructus fuerit, dum iis, quæ tradidit, vel ipse ocularis testis interfuit, vel eorum etiam fide niti potuit, qui, quæ gesserant, vel per alios geri viderant, sub juramenti fide ad ipsum Regem referre, atque hinc cum Autore horum annalium communicare, jussi erant. Quæ res unde ita habeat, cum ex ipsius scriptoris & libri hujus sorte lucem accipiat, juvat & de eadem nonnulla afferre, quæ in compendium mittere licet ex iis, quæ ab illo, qui Præfationem libro huic adjecit, in medium allata sunt. Scriptor noster, *Gustavus Adlerfeld*, nobili apud Suecos genere natus, & literis inter patrias Mulas probe imbutus, cum, docta & nobili peregrinatione ad externos instituta, ad Regem suum rediisset, hanc ejus gratiam meruerat, ut in cubiculum ejus admissus, inde ab expeditione Livonica A. 1701 continuo ejus lateri adhæserit, usque dum in prælio Pultaviensi infaustus tormenti globus eum a Rege avelleret, & servitia, *Carolo* summa huc usque fide præstita, simul cum vita ponere juberet. Ut igitur per integros octo annos perpetuus itinerum & tot periculorum, in iis objectorum, comes *Adlerfeldius* noster Regi fuit, ita, quod statim a primo illo temporis articulo cepit consilium, diarium aliquod conficiendi, in quod de iis rebus referret, quæ quotidie auspiciis Regiis gererentur, cum, facto aliquo ejus rei periculo, omnibus innotesceret, ipsius etiam Regis calculum meruit: qui etiam, ut id urgeret, & quo cœperat, tramite sedulo persequeretur, ipse hinc autor suasorque ei existit, atque in mandatis dedit iis, qui

rebus

rebus gerendis præerant, ut Scriptorem nostrum participem facerent eorum omnium, quibus ipsi interfuerant, ut id, quod instituto huic inserviret, inde in rem suam convertere posset. His autem præsidii ille instructus, omnem movit lapidem, ut opinioni de se conceptæ satisfaceret, nec adeo quidquam in se desiderari passus est, ut vel ipsum, quod reliquit, MStum huic causæ testimonium minime dubium perhibeat, doceatque, eundem vel ipsa illa, quæ conflictum Pultaviensem præcessit, nocte labori huic invigilasse, ac manum operi admovisse. Sed librum hunc manu exaratum, parente autem suo orbum, ambigua hinc fata subire oportuit, de quibus adhuc dicendum. *Adlerfeldius* noster, in ipsis sic armis fato suo succumbens, in consortium & comitatum Wurtembergii Principis, *Maximiliani Emanuelis*, qui Regis Sueciæ castra secutus erat, pridem venerat, ut aulica simul ministeria Regis sui jussu eidem præstaret. Ipsum illum Principem Wurtembergicum istius prælii eventus captivum Russorum manibus tradiderat, e quibus tamen cum ipsius Cæsaris *Petri I* indulgentia non multo post libertati redditus esset, impedimenta simul & sarcinas adhuc servatas recuperare eidem integrum fuit, atque in his & aliquam partem eorum, quæ ad *Adlerfeldium* nostrum quondam pertinuerant. Post mortem Principis illius, quæ A. 1709 Dubnæ inter Polonos ei præmatura obigit, diarium hoc MStum una cum aliis, ab *Adlerfeldio* relictis, chartis Stutgardiæ transmissum fuit, unde illud post aliquod tempus in *Caroli Adlerfeldii*, *Gustavi* nostri fratris natu majoris, qui tunc in aula Regis *Stanislai* Biponti agebat, & cujus æque ac fratrum reliquorum ab Autore Præfationis honorifica fit mentio, manus pervenit; qui tamen & ipse, A. 1722 moriens, has schedas vero suo hæredi, *Gustavi Adlerfeldii* filio unico, *Carolo Maximiliano Emanueli*, traditas reliquit, qui sic de memoria & manibus parentis sui bene merendi occasionem adeptus est. Is etenim, in Principis hæredis *Holsato-Gottorpiensis*, Ducis jam nunc regnantis, *Caroli Petri Ulrici*, cubiculo agens, ejusdem æque ac aliorum educationi præfectus, quod nactus est otium literarium, id operæ huic impendit, ut schedas has optimi parentis sui, in ordinem redactas, & e Suecico authentico in sermonem Galli-

Gallicum, ut plurium usibus infervire possint, intemerata fide, nec tamen ineleganter, translata, editioni aptaret; quo suo labore id tandem consecutus est, ut Opus hoc, illa fatorum iniquitate per annos triginta pressum, & velut carcere detentum, nunc demum in liberam prodeat auram, & a Belgicorum typorum elegantia magnum decus sit nactum, quod moram illam, quæ huc usque editionem ejus retardavit, quodammodo compenset. Succinctam de Autoris, & hinc etiam ipsius libri, fatis narrationem, quam modo dedimus, non tantum pretium, quod Operi huic præ aliis statuendum sit, declarare, sed ipsius etiam recensiois, quam expetere videntur lectores, vices aliqua ex parte subire posse, nobis persuasum habetur. Nam, dum e continua diarii & annalium serie, quæ ægre discerpitur, præcipua, nedum singula, quæ sunt memorabilia, excerpere haud liceat, id pro nostro instituto sufficere putamus, si avidum hujus historiæ lectorem de eo præmoneamus, quousque rerum a *Carolo XII* gestarum narratio in hoc libro extendatur; quod ex ipsa, quam brevissimis delineavimus, Autoris sorte quemlibet colligere posse existimamus. Nimirum narrationis filum haud ultra annum 1709, ubi, infeliciter commisso prælio Pultaviensi, fortuna *Caroli XII* inclinari cœpit, ab Autore protrahi potuit; atque hinc omnino est, quod *Adlerfeldii* nostri labor *tribus* hujus libri *Voluminibus* prioribus, *quarto* autem bina illa, in rubro commemorata, & ab aliis confecta, Opuscula, quorum alterum accuratiorem prælii Pultaviensis descriptionem, alterum vero Regii in Moldaviam, Benderam versus, perfugii diarium, exhibet, contineantur. Quæ, cum & ipsa Autorum, qui rebus his gestis præsentis interfuere, fide nitantur, atque hinc aliorum incertis narrationibus longe præferenda sint, non indigna judicavit harum rerum pergnarus Editor, quæ æque ac *Adlersfeldiana* in sermonem Gallicum converteret, & prelo parata, beati parentis sui Commentariis ad latus jungeret. Denique, ut major adhuc lux nitorque rebus narratis accederet, tabulas & figuras æri incisas Operi huic addidit Editor, qui delineationes earum authenticas, manu

Celeb. *Zacharia Wolffii*, præfeti quondam præsidii Toenningensis, atque insignis rei militaris & machinarum bellicarum architecti, consignatas, ab hujus filio, qui iisdem, quibus *Adlerfeldius junior*, apud Holfato-Gottorpiensem Principem regnantem partibus fungitur, accepit, & huic Operi suis locis inferi curavit; licet ex pluribus, quas ad manus fuisse haud ignoramus, hujus rei ichnographiis tantum aliquas, quæ *primum* & *ultimum Tomum* ornant, in hac editione conspiciere liceat, quod forte bibliopolæ, sumtus ferre recusantis, incuriæ tribuendum est. Significamus autem, in nova editione, quæ ipsam hanc historiam *Caroli XII* in Germanicum sermonem translatam exhibet, & quam, elegantioribus Hamburgensium typis impressam, haud ita pridem scimus publicatam, laudabilem ab Editore operam navatam, ut hi, & si qui sunt alii, defectus sarcirentur, atque adeo isthæc nova Germanica editio & interpretatio priorem illam Gallicam multis modis superaret.

**JOANNIS ORTWINI WESTENBERGII, FCTI
& Antecessoris, Divus Marcus, seu Dissertationes
ad Constitutiones Marci Aurelii Antonini,
Imperatoris.**

Lugduni Batavorum, apud Janssonios vander Aa, 1736, 4 maj.

Alph. 2 plag. 13.

Cum inter varias rationes, quibus gravioribus & ad res agendas aptis hominibus & ad sapiendum & ad bene beateque vivendum subsidia comparari possint, non postrema illa, sed omnino paucis secunda, quæ in cognoscendo Jure Romano versatur, existimanda sit; ingrata sint elegantia & sapientiæ literarumque cultu perfecta ingenia, nisi tam eximæ, qua politioris doctrinæ est, artis magistris quæsitissimas deberi consiteantur laudes, confessas certatim tribuant. Inter eos vero cui libentius eas tribueremus, quam huic Viro, qui omnium Principum & Legislatorum sapientissimum, *Socraticoque* voto vita & im-

imperandi scientia parem rei Romanæ rectorem, ita ornatè & præclare ad nostrorum hominum notitiâ excitavit, ut, utrum utilissimarum ex tota antiquitate & Juris arte rerum divitiis, an vero, ut in talibus potissimum usus est, verborum brevitate, simplicitate, perspicuitate, delectare magis, merito in incerto sit. Nihil enim, quod ad argumentum susceptum faciat, omittit; nihil, quod non cum cura definiat, proponit; nihil, quod non illustret, diducit; nullæ leges tantam repugnantiae speciem habent, quas non conciliet; nullæ obscuritatem, quam non tollat; quicquid perplexum, declarat; difficilia expedit; dubiis exploratam veritatis rationem, certis splendorem atque lucem, omnibus vero naturalem pulchritudinem, ornamenta, elegantiam, reddidit. Quibus nostris laudibus an sua fides constet, ut Lectorum judicium fieri, queat; Operis initia paulo curatius, reliquorum potissima quasi per saturam, indicabimus. In ipsa jam Præfatione, post redditas instituti rationes, & confutatas eas Constitutiones, quæ nomen Imperatoris sui falso usurpant; Auctor id agit, ut turpissimum facinus, quo D. Marco Epistola de impetrata per Christianos victoria a Justino Martyre afficta est, argueret. Præter indubitata, quibus utitur, argumenta facile, si tanti putasset, duo addere potuisset. Alterum, quomodo res in media Germania geri potuerit, ubi aquæ tanta penuria plane nunquam accidit; alterum, quomodo Imperator a Christianis institutis alienus illo τῶν ἐν Χριστῷ vocabulo tam Christiana significatione, tanquam notissima, ad S. P. Q. R. scribens, uteretur. Inter factas etiam plurimas divini viri criminationes nihil de peregrinis & Judaicis præsertim superstitionibus jactum est, quas tum Roma maxime exosa, longe autem post oppressa & invita recepit. Ipsas Dissertationes, quibus XLV Opus absolvitur, ita orditur, ut prima genus, vitam, & nomina, Marci in Jure non minus, quam Historia, summa concinnitate exequatur. In secunda Dissertatione, a generali argumenti sui definitione filo ducto, de Constitutionibus Principum carptim tractat. Ad quarum vim atque potestatem declarandam cum requireretur legis regie explicatio; Cap. I instituit uberrimam ejus disquisitionem,

relatisque doctorum sententiis, rectissimo judicio ipsam non contra inficias quorundam vindicavit solum, sed natales ejus quoque *Augusti* temporibus asseruit: nomen tamen illud a regno tractum sub inferiores Imperatores rejiciendo, quos se Reges appellari passos, testimoniis confirmat. Quod vero *Cap. III §. 6 pag. 39* legem *Clodii*, quæ aperte in factum quoddam infinitum lata, nequaquam vero in speciale aut in personam expressa est, privilegium fuisse putat, nullo, ut probemus, modo adducimur. *Cicero* enim ad conflandam invidiam improprie, ut *Rhetori* licet, ita vocavit. *Dissertatione tertia ex l. 3 pr. D. de Transact.* primam *D. Marci* Constitutionem, de non rescisso testamento per transactiones scripti & legitimi hæredis & a legatariis & manumissis conveniendo scripto solum, plenissime exponens, *Cap. I §. 3, 4, 5*, rationem, ex *Jure naturali* additam, laudat illustratque; §. 18 discriminis inter hæreditatem & bona resque hæreditarias usum pulchre exemplo e re præsentis defendit contra sannas apud *Senecam Lib. VI de Beneficiis Cap. VI §. 20*; nullam repugnantiam in *d. l. & l. 20 C. de Transact.* esse demonstrat: *Capite quoque II*, cum hac Constitutione nihil contrariæ sententiæ intercedere eidem, qui eam *d. l. recitaverat*, *Scævola l. 14 D. de Transact.*, ostendit, cum ibi de creditoribus tantum agat, quorum in hac specie aliam a legatariis & manumissis conditionem fuisse probat; *Paragrapho* demum *ultima*, *jure novo* legatarios creditoribus æquiparatos, ob rationes, quas reddit, docet. Totum autem Opus virtutes has habet præcipuas. Ad Constitutionem unamquamque explicandam, quicquid *Jus universum*, vetustatis memoria, & critica ars, continent, huc arcessitur; ut tamen neque superflua copia tædio, neque impedita tractatio molestiæ, esse possit. Qui vero *Autoris* nostri doctrinam æstimare cupit, nobis autoribus specimina ejus, quæ edidit tractando locos ex *Jure Civili*, legat hæc: *pag. 38 de causis præsumtionum, an quis pro filio habendus sit*; *pag. 91 de non plena probatione professionis apud tabulas publicas, & discrimine inter ipsas tabulas, tanquam monumenta publica, & inter professiones, in iis scriptas, tanquam affirmationes privatas*; *pag. 144, cum avus filium emancipaverit, nepotem vero ex eo in potestate*

potestate habuerit, qui mortuo patre bonorum possessionem Unde liberi accipiat, quatenus is avus similis esse possit ei, qui adoptavit; pag. 179 de causa prohibita estimationis grani per decuriones civitatum; pag. 226 repugnantia speciem ex l. 1 D. An per al. caus. appell. red. poss. & ex l. 33 §. 2 D. de Proc. sublata; pag. 307, usufructuariam cautionem testatoris voluntate remitti non posse. Ex Jure naturali hæc pulchra meminimus disputari: pag. 59 de mortuis lugendis; pag. 193 exempla eorum, qui vitam suam exosam habuere; pag. 196 de questione per tormenta; pag. 245, quod divites potius, quam pauperes, magistratus capeffere debeant. Ex Juris antiquitate, inter alia innumera, quid his præsertim splendidius esse possit, non videmus: pag. 60 de tempore luctus; pag. 61 de novendiali immunitate ab in jus vocatione lugentium ex novendialibus feriis tracta; pag. 60 de morbo fontico; pag. 75 de ponderibus & mensuris apud Romanos publicis, & Capitolio consecratis, curaque eorum; pag. 76 de modiis æneis & lapideis, per mansiones & civitates a Valentiniano, Theodosio, & Arcadio, publice collocatis; pag. 77 de mensura liquidorum speciebus; pag. 91 de professione liberorum, a patribus Romæ apud Præfectos ærarii Saturni, in provinciis apud Tabularios publicos, facta; pag. 96 de lege XII Tabb. apud Festum in v. portum & obvagulatio; pag. ead. de alia lege XII Tabb.; pag. 106 de nuptiis cum sororum filiis, & quæ sit ἀδελφιδής; pag. 124, cui magistratus licuerit tutores dare; pag. 132 de lege XII Tabb. de libera patrisfamilias testandi potestate; pag. 152, quomodo Principes familiares suos appellaverint; pag. 153 de utilitate ex peritia antiquitatis; pag. 184 de confessione propria, quatenus ad damnationem sufficiat; pag. 191, quomodo Imperatores Provinciarum Rectores appellaverint; pag. 197, an torquere in confcios liceat, & quatenus distinguendum in eo inter servos & liberos; pag. 204 de provocatione a Regibus ad populum Romanum licita; pag. 206 de provocatione, & ejus legibus, apud Romanos; pag. 214 de origine inofficiosi testamenti; pag. 249 de naviculariis; pag. 259 de proscenio; pag. ead. de Gabinis; pag. 324 de decretis & extraordinariis cognitionibus Principum. Quoties phrasæ Constitutionum & multas leges docte & novo modo

exposuerit, non capit nostræ scriptionis modus enarrare. Præter reliqua tamen lectores eruditos tenebit ingenium per omnia candidum & iudicium rectum, cujus dotes inde potissimum perspicias, quod nunquam illa argutulorum capitum regna, rationes legum pares, & similitudinem causarum, in quibusdam juris articulis definiendis sectatur; cum omnium potissimum argumenta vel ex legum verbis directio, vel ex ipso legalis scientiæ ingenio atque affectionibus exploratissimis expediat. Qui vero ad omnia aliorum, in quibus se ipsos aliter aut versatos fuisse, aut, si iisdem animum appellere velint, nova quædam arguturos, confidunt, censores atque arbitros se ferre consueverunt, multa fortassis hic ducent reprehendenda. Quæ quemadmodum æquis hominibus causam suam ut plurimum per se probatura credimus; ita vix culpa vacare nos unicam Operis particulam in nova *Ulpiani* explicatione deprehendimus pag. 78 & 79. Ibi enim *mensuram per corbem facere & effundere vinum significat corbem, qui capiat dolii, vino vendito repleti, modum, conficere, ut exstet documentum, quanta magnitudinis fuerit id dolium, donec sub emptoris præsentiam par dolium mensuris exigi, atque ita ratio deperditi iniri possit; cumque id factum sit, vinum per utres in aliud dolium transferre.* Quam ipsam sententiam cum alio loco & tempore probare aliquis nostrum sataget, tum ipsa *Ulpiani* postrema verba clarissime confirmant. Quam recte autem Autor noster viderat doctorum explicationes ibi omnes a via deflexisse; tam parum veram ipse interpretationis rationem secutus est, cum corbem mensuræ liquorum genus efficere conatur. Vinum enim metiri vasis & mensuris non licere, ii scient, qui usu & experimentis cognita habent ea munera letitiamque Dei.

JULIANI IMP. CÆSARES, CUM INTEGRIS Annotationibus aliquot doctorum Virorum, & selectis EZECH. SPANHEMII; interpretatione item Latina & Gallica, additis Imperatorum nummis, ex instituto & Bibliotheca CHRIST. SIGISM. LIEBE. Accedit SPONII Dissertatio de usu nummorum in
Phy-

Physiognomia, & vita Juliani. Recensuit, cum Codice MSto Augustano editisque omnibus contulit, variantes lectiones, Observationes, & Indices, adjecit, JO. MICH. HEUSINGER.

Gothæ, ex officina Reyheriana, 1736, 8.

Plag. 21.

Quantum effecerint Germaniæ nostræ calida ab aliquo tempore consilia, ut ab exteris in se jacta inculti sermonis & focordium ingeniorum crimina dilueret, nec satis scimus, nec, si sciamus, dicere ausimus. Illud certe nequaquam probemus, quod suam linguam colere & exornare ante allaborat, quam suis hominibus externorum divitias & elegantiam satis notam reddidit, ut intelligere & admirari prius discerent orationis virtutes, quam ex se nescio quos impeditos & inconditos tinnitus edere. Italos enim patrum memoria tum demum humanum inter homines loqui cœpisse, cum Græcas & Latinas literas addidicissent; ab his ad Gallos eandem culturæ rationem translatam, hodie fere apud Anglos consedissee, ii compertum habent, qui literarum vicissitudines curatius docti sunt. Quemadmodum vero nos meritam nihilo minus in isthoc genere gloriam eripimus nulli; ita maxima cum voluptate eorum agnoscimus præclaram operam, qui elegantissima quæque tam veteris, quam nostri, ævi monumenta comtiore quodam habitu patriæ inferunt. Inter quos hac ætate numerentur *Christ. Sigism. Liebius*, desideratæ penes doctos memoriæ, & *Jo. Mich. Heusingerus*; quorum alter instituit, alter vero perfecit, & ad hominum usum protulit, editionem divini illius ludicri opusculi, quo *Julianus* accuratior & perennior, quam quæ in ære spirarent, imagines expressit Cæsarum, qui ante se in eodem imperio fuere. Itaque, præter ea, quæ Operis frons ostendit, notatu haud absurdum ducimus, quod lectiones Codicis Augustani pene omnes jam a *Spanhemio* cum ex aliis Codicibus, tum non raro ex ingenio, vindicatæ & vulgatorum scripturæ prælatæ fuerint; unde præstantiam ejus Codicis, & ingens *Spanhemii* judicium, vicissim æsti-

æstimare candidiora pectora jure debebunt. Nec leve hoc contra eorum insaniam, qui omnia critica incerta efficere conantur, argumentum existimes; cum præsertim *Sylburgius* quoque plurima, quæ ad particularum usum, & quorundam verborum permutationes, pertinent, conjectura assecutus sit, quæ ab eodem Codice plane confirmantur. Quoties autem *Isaaco Casaubono* par conjectandi in his felicitas obrigerit, commemorare nihil attinet. Ceterum *Spanhemiana*, quæ ad scripturam Autoris assequendam faciunt, omnia, quæ vero rerum explanationes continent, meliorem partem, verbis tantum & minus necessariis circumcisis, in libellum nostrum collecta sunt. Quamvis autem hæc excerpta quædam pars sit eximii virorum laboris, tantum reliquis tamen præstat observationibus, ut desiderium omissorum excitatura haud leve sine dubio lectoribus fuisset, nisi ex Cl. *Heusingeri* illa contrahendi ratione constaret, nobis hic nihil *Spanhemii* præter quasdam orationis circumductiones & probationum accessiones periisse. Cum enim in ipso Imperatore, toto ex cœlesti illa Venere & Gratiis conflato, reperiantur quæsitissimæ omnium elegantiarum & leporum opes, tum hic splendidiorum munerum & rerum usu perpolitus atque compositus vir ex sua nummorum & antiquitatis excellentioris scientia ea attulit, quæ quamvis commendabili Autori addant commendationem. Neque enim sine magna voluptate in ea incidimus, quibus pag. 43 ex more Græcorum, ut uxores maritis ex adverso sederent, lecti adversi originem indagavit, quem Romani genialem vocavere, ut, præter *Lipsum Elect. I Cap. XVII*, & *Wourwerium ad Petronium*, *Virgilius Æn. VI, 603*, *Catullus de Nupt. Pel. & Thet. v. 47*, *Juvenalis Sat. VI, 22*, *Plinius in Paneg. Cap. VIII, 1*, *Aurelius Victor de Vir. ill. Cap. LVI, 4*, testes sunt. Egregia quoque pag. 51 de fulgure oculorum *Augusti*; pag. 53 de philosophica morborum incantatione; pag. 54 de σεμνῶ; pag. 55 de maculis animarum post mortem; pag. 62 de δαρυφορήματι τραγῳδίας; pag. 65 de ἀνακτόροις; pag. 69 de gestantibus tropæa sua Imperatoribus; pag. 87 de similitudine *Cæsaris & Sileni*; pag. 89 de chorago & χορῶ chori; pag. 92, quid sit οὐσημα musicum; pag. 101, quid sit κείσις

ἀντι-

ἀντίπαλος; pag. 105 de proverbio: ἐν καρὶ ὁ κίνδυνος; pag. 112, quid sit uno digito caput scalpere; pag. 115 de nominibus καλλίνικος & βασιλεὺς; pag. 116, quid sit σῶτῆρα δαίμων; pag. 130, an Brutus & Cassius Consules fuerint; pag. 132 de cognomine Deorum & Imperatorum, σωτήρ; pag. 136 de corporeis Diis ex Stoicorum opinione; pag. 139 de ἐψοποιῶ & μαγείῳ; pag. ead. de κομωτοῖς; pag. 147, quid sint παλαμναῖοι δαίμονες; pag. 148 de cadibus a Constantino patris; pag. 149 de Mithra; pag. 150 de Diis animarum ducibus, leguntur, unde, qualia Spanhemii huc translata sint, æstimare licebit. Quæ sane cum vix in grandioribus voluminibus tam apte exponantur, intelligi debet, quantum huic libello pretii inde accesserit. Reliquorum integræ annotationes sunt Cantocleri, Syllburgii, Petavii, Liebii, Heusingeri, qui postremus adeo omnes partes boni Commentatoris implevit, ut ab ipso Liebio vix paria expectari potuisse credamus. Præter ea, quæ ex Epistolis eximii Gesneri & Trilleri inseruit, multis locis doctorum explicationes & versiones correxit. Ipsum autem Autorem toties ex Codice Augustano & aliunde integriorem præstitit, ut non Immerito miremur, in tam exiguo volumine tantam elegantiarum copiam a librariis superiorum temporum perdi, per doctorum vero nostri avi industriam recuperari, potuisse. Quia vero editio ejusmodi est, ut ea carere Juliani & venustatis amantiores non possint, malumus omnia, quæ ibi nova sunt, ex ipsâ peti, quam hic illorum aliqua non satis plene exponi. Ornatus typorum, chartæ, & sculptarum, quibus nummi exhibentur, tabularum, talis est, qualem iste locus, cum maximam diligentiam & studium impendit, ferat.

HIERONYMI LEOPOLDI BACCHETTONI,
*Præcensis Romani, A. A. L. L. Philosophiæ, Chirurgiæ, ac Medicinæ, Doctoris, S. C. R. C. M. &c. in
 alma Cæsareo-Archiducali Universitate Oenipontana
 in Anatomicis & Chirurgicis Professoris Publici Or-
 dinarii, &c. Anatomia, Medicinæ theoreticæ &
 practicæ ministra, cautelisque in praxi observandis*
 Nnn *illustra-*

illustrata, &c. duplici instructa Indice, altero Capitulum, altero rerum magis notabilium, una cum Figuris æneis adumbrata, &c.

Oeniponti, sumtibus Jo. Jac. Cremeri, 1740, 4.

Alph. 2, Tabb. zn. 45.

Quos Clariss. Autor non ita pridem, cum demonstrationes Anatomicas in cadavere quodam publice institueret, publice etiam eam in rem habuit sermones, illos nunc publicæ luci, & communi usui, exponit. Neque tamen id tam suo arbitrio agit, quam ut aliorum pareat voluntati. Proinde etiam, non viris Anatomicæ doctrinæ peritis scriptum hoc Opus esse, monet, sed tironibus tantum, ut, eo perlecto, in legendis intelligendisque aliorum libris facilius & sine offensione procederent. Præter structuram partium, usum quoque earundem declarat, adeoque Physiologiam cum Anatomia conjungit. Rarius observationem aliquam, quæ Pathologiam illustrat, adspersit. Divisit Opus in *Libros quatuor*, quibus Oratio Autoris inauguralis, quæ studium Anatomicum ideo excolendum esse contendit, quia alias singulari modo illustrat scientias, præmissa est. *Primus Liber*, de cavitate naturali agens, *duodecim* complectitur *Demonstrationes*, quarum *prima duobus Capitibus* de corporis humani divisione externa, partiumque externarum enumeratione, tum & partibus similaribus & universalibus in specie, *secunda tribus Capitibus* de integumentis, cuticula, cute, pinguedine, *tertia tribus* itidem *Capitibus* de musculis in genere, & abdominis, motuque & operatione musculorum, *quarta tredecim Capitibus* de musculis in specie, *quinta duobus Capitibus* de partibus continentibus internis, peritonæo & omento, *sexta sex Capitibus* de partibus coctioni destinatis, œsophago, ventriculo, intestinis, & chylicatione, *septima quatuor Capitibus* de partibus chylo appropriatis, mesenterio, vasis lacteis, lymphaticis, & glandulis, *octava quatuor* itidem *Capitibus* de partibus ulteriori concoctioni & bilis secretioni propriis, hepate, liene, pancreate, usuque & officio harum partium, *nona unico Capite* de partibus urinæ secretioni & expulsionis inservientibus, re-

nibus, ureteribus, & vesica urinaria, *decima Capite* unico de partibus generationis virorum, *undecima Capitis* duobus de partibus generationis mulierum externis internisque, *duodecima Capitis* itidem duobus de foetu, foecundatione ovuli, membranis foetum involventibus, placenta uteri, & funiculo umbilicali, disquirat. *Secundus Liber*, de cavitate media, *tres Demonstrationes* complexus, harum *prima octo Capitis* partes, thoracem constituentes, in genere, mammas, cum quaestione, an vir lac generare possit, partes thoracis continentes, mediastinum, pleuram, thymum, & diaphragma, *secunda duobus Capitis* partes, respirationi inservientes, in specie pulmones & tracheam, *tertia quinque Capitis* cor & sanguinis circulum, pericardium, & sanguinemque liquorem, arterias, & venas, sistit. *Liber tertius, sex Demonstrationibus* compositus, harum *prima quinque Capitis* partes capitis externas, tum & illas, quae caput constituunt, membranasque cerebri, *secunda quatuor Capitis* cerebrum, cerebellum, medullam oblongatam, spinalem, & nervos, ac officium cerebri, *tertia duobus Capitis* nervorum principium & cavitatem, distributionemque singulorum, *quarta oculi* descriptionem externam, musculos, membranas, humores, & usum, *quinta tribus Capitis* auris externae internaeque habitum & usum, *sexta tribus etiam Capitis* linguae structuram & usum, naresque, persequitur. *Quartus* denique *Liber* unica *Demonstratione, sex Capitis* constante, Osteologiam proponit, & tum de ossibus generatim, ac cartilagine, tractat, tum vero etiam ossa singulatim capitis, trunci, & artuum, sed tam concise & breviter, ut in nulla alia parte, enumerat, cum praeter earum nomina & numerum sub tabularum forma vix quidquam aliud indicet. Ceterum liber hic, ut sermonibus publice habitis debetur, ita continuo etiam orationis flumine procedit, & ubique originis suae vestigia ostendit. Provocat Autor frequentius ad veteres recentioresque scriptores, sine librorum locorumque in illis mentione. Permulta vero, quae recentiores detexerunt, non attingit, nec in qualibet parte omnia, quae de ea nunc cognita habemus, accurate & diligenter persequitur, sed notioribus tantum, atque ad usum maxime accommodatis, intentus, alia, quae exilioris forsitan momenti, atque inter minutias,

ut vocant, & subtilitates referenda, videbantur, prætermittit. Frequenter enim, copiosius quidem diligentiusque de re quadam dicendum, sed temporis simul habendam rationem, vel auditorum patientiæ parcendum esse, pronuntiat. Omnium tamen maxime Osteologiam specialem brevem esse, superius jam dictum a nobis fuit. Neque aliter Physiologiam exponit, sed concisè tantum & leviter singula perstringit. Figuras maximam partem ex aliis Autoribus, *Bartholino* nempe, *Valverdo*, & *Verbeyeno*, quæ sibi magis naturæ respondere videbantur, una cum explicatione desumpsit, nonnullas vero etiam novas, ex cadaveribus propria industria repetitas, & ad vivum, ut ajunt, depictas, adjunxit, quorum figuræ intestinum, mæteriæ, hepatis dissoluti, vesicæ fellis cum poris biliaris, pulmonum, a substantia separatorum, bronchiorum, systematis arteriosi, venosi, & nervosi, pertinent, de quibus omnibus facilius ex ipso conspectu erit judicium. Ceterum, pro eo, quem præfixum sibi habet, scopo, tironibus Anatomix Oenipontanis egregie inserviturum esse hoc Opus, perinde ac Chirurgiam Anatomix commixtam, quam proxime daturum se Cl. Autor pollicetur, plane nobis confidenterque persuademus.

TRAITE DE LA PETITE VEROLE, &c.

hoc est,

DE VARIOLIS LIBER, CUM METHODO
bunc morbum curandi secundum principia *Hermanni*
Boerhaavii, aliorumque principum nostri temporis
Medicorum, Autore DE LA METRIE,
Doctore Medicinæ.

Parisiis, apud Huartum, librarium Delphini, & Briassonum,

1740, 12.

Plag. 9.

Gratissimum fore arbitramur artem facientibus, hac, qua variolæ in optimam quamque juventutem grassantur, tempestate, si elegantis libelli contenta de variolas curandi methodo exposuerimus. Præmittitur morbi historia, & quibus retro seculis

culis ille cognitus in vulgus fuerit, exponitur. Antiquis Medicis, Græcis æque ac Latinis, parum aut nihil de isthoc morbo constitit, si Autorem audias, contrarium docente Celeberrimo Vratislaviensium Poliatro, *Hahnio*, qui antiquitatem variolarum erudite vindicavit. Parum autem refert scire, quo tempore illud flagellum divinitus immisissum populis Europæ fuerit. Id certum est, ante *Rhasem* morbi mentionem injecisse neminem, nec dubium superest, ex Africa, devastantibus Hispanias Saracenis, in Europam transisse lucem, & pro locorum aërisque diversitate mitius duriusque habuisse humanam gentem. Huic morbo dum alia remedia opposuerunt artifices, id quoque temerario ausu agere susceperunt, ut morbum ex corporibus ægrotantium in sanos transferre tentarent, postquam intellexissent, inevitabile plebisque malum esse, quod satius sit mature poscere, quam tarde & tardius expectare. Singularis est Eruditissimi *Volta-rii*, quam Autor sæpius citat, de variolarum insitione Epistola. In hac legitur, Circassiæ populis inter primos hunc morem fuisse, ut filiabus, quæ pulchritudinis laudem inter omnes Asiæ incolæ habent, morbum conciliarent maturius; hinc pure variolarum benignarum conspersas ad febrem concitasse, quam variolæ, mitissimis symptomatibus stipatæ, promte secutæ sint. Transit ille mos Constantinopolim, & inde ad Britannos, quibus superioribus adhuc annis consuetudo variolæ inferendi in usu fuit, nec Gallis incognita, donec ubique, parum hoc artificio profici, intelligeretur. Sinenfibus id ipsum familiare fuisse, habet laudatus modo *Voltarius*, qui tamen diversâ methodo usi, non cutem vulnerarunt infantum, quo variolarum virus in venas demitterent, sed pulvere errhino traxerunt contagium. Hunc ex squammis, de cute infantis, cui variolæ defluunt, abradis, admixta ambra conficiunt, sanguinemque sanorum incendunt aere pulmonibus attracto. Venenum proinde esse animale variolarum contagium, nemo dubitat, quo febris accenditur inflammatoria, cute in pus abscedente, vario eventu, & haud raro lethali. Invadendi modus non idem est. Viribus prosternuntur, spina dolent, vomunt, nervis tremunt, & convulsivis exagitantur motibus, quod, si fiat, in vitio reponendum haud est

semper. Nam videas, quibus bene cedant talia passis, dummodo cessent motus, postquam eruperunt variolæ; nam, stantibus variolis supervenire epilepticos insultus, malum. Differre variolas moribus, forma, notum est. Distinctæ sunt, confluunt, parum affligunt, & benignarum nomen habent, aliis crudeliter deservientibus, unde malignæ audiunt. Singulare est, parum plerumque sudare tenellos, ast dejectiones pati alvianas, maxime dum dentes instant, hinc salivam habere fluentem, quod bene cedit his, dum adulti dejectionibus alviis in præsentaneum vitæ periculum inducuntur. In his omnibus prolixius est Autor; post remedia proponit varia, prout unum akerumve ægris temperie diversis commodum visum fuerit. Opiata laudantur ad mentem *Sydenhamii* in magnis æstibus & symptomatum ferocia, crocus etiam, &, quæ anodynorum partes habent, theriaca, diascordium, laudanum opiatum. Eruptionem promovent analeptica & cordialia, confectio de hyacintho, vinaque generosa, maxime si diarrhœa magnum naturæ opus turbaverit. In his fortasse habiturus est, qui assentiant. Ast, emethica & purgantia ad mitiganda variolarum symptomata, quod Autor consulit, tum maxime, cum affectus comatosi ingruant, nemo hæc dederit nisi temerarius. Nec facile quispiam innotabitur Arabes, frigida usos in balneo ad variolarum proventum. Habent etiam, quod nostris suspectum esse possit, venæsectiones, quamvis easdem in adultis, succi plenis, & sanguine turgidis, floridæ ætatis, ægris, ante eruptionem cum aliqua salutis fiducia ministraveris. Sed infantibus etiam bis in die sanguinem cum successu subtraxit Autor, balneis eosdem immergit repentinis, eundemque his reddidit variolis perviam. Clysmatum emollientium usum, ne viscera inflammata corrumpant, commendat, nec ratio abest. Abstinet tamen a venæsectionibus penes puellas, si menstrua invadente morbo fluant; imminuentibus iisdem, sanguinem ducere nihil metuit. Experimenta autem fieri in re dubia dedecet, ne occidisse videamur, quos servare non poteramus.

PHILOSOPHICAL EXPERIMENTS, CONTAINING
useful

useful and necessary instructions for such as undertake
long voyages at sea, &c.
hoc est,

*EXPERIMENTA PHILOSOPHICA, QUÆ CON-
tinent instructiones perutiles & necessarias iis, qui
longa mari itinera suscipiunt; quibus nempe ostendi-
tur, quomodo aqua marina reddenda sit potabilis &
salubris; prælecta in variis Regiæ Societatis
conventibus a STEPHANO HALES,*

R. S. S.

Londini, sumptibus W. Imys & R. Manby, 1739, 8.

Plag. 12, Tab. æn. 1.

De rebus varii argumenti in hoc libello agitur ex instituto, maximum in vita communi, re præsertim nautica, usum habituris. Nihil gravius naucleris esse potest inopia aquæ salubris, quam ut sibi comparent, cursum sapissime alio, ac intendebant, dirigere, aut aquam marinam male destillatam haurire, idque maximo sanitatis detrimento, coguntur. Inde enim obstructions pertinacissimas, tumores scirrhosos, cachexiam viscerum, aliaque difficillimorum morborum genera, oriri, experientia loquitur. *Primo* itaque hujus Opusculi *Capite* (de quo solo fufius dicemus) de eis potissimum experimentis sermo est, quæ post irritos fere aliorum conatus eum in finem instituit Cl. Autor, aquam marinam ut potabilem & salubrem redderet. In naturam itaque aquarum solertius inquiris, exindeque rationem reddit, cur vulgari modo destillatæ perniciosæ potius evadant, quam salubres, tantamque hominum stragem faciant. Institutis itaque tentaminibus, comperit, in aqua marina spiritum quendam salis imperfecti & amari inesse, cum sale perfecto combinatum, eique involutum; eumque in causa esse, cur aquæ marinæ modo vulgari destillatæ insalubres sint, statuit. Modico enim caloris gradu, qualis nimirum est aquæ ebullientis, exaltatur, cum e contrario sal perfectum adeo fixum sit, ut spiritus ejus exaltari nequeat, quin bolo pulverisato aut pulve-
re la-

re lateritio mixtum ignique fortissimo agitatum sit. Duo saltem tentamina potiora summatim recensebimus, quibus salis hujusce imperfecti & noxii natura cognosci potest. Cl. *Halesius* argentum in aqua forti dissolvit, & solutionis guttas 60 in una aquæ fontanæ puræ & destillatæ uncia diluit. Quo facto, cum duas hujus solutionis guttas in dimidium cochleare aquæ marinæ limpidæ & varie destillatæ immisisset, accidit statim, ut nubeculæ albæ in ea orirentur, idque procul dubio, quia particulæ salis amari, cum aqua forti jam colligatæ, argentum liberaverant, quod ad fundum vasis deinceps præcipitatur. Porro frustulum carnis bubulæ crudæ cum immisisset in aquam pluviam, in aquam marinam, probe destillatam, & in talem, quæ per destillationem nimiam & ad siccitatem usque continuatam extracta fuerat, observare ei licuit, frustula, aquæ pluviz & marinæ recte præparatæ immissa, septem dierum spatio putridas prorsus & fœtidas evasisse, secus ac in aqua marina male destillata, ubi non modo frustulum carnis nihil putredinis fœtorisque contraxit, sed ne turbidam quidem aquam effecit, idque per septem-aut octo hebdomadas; quin imo, quod maxime notandum, tanta fuit vis adstrictiva aquæ male destillatæ, ut fibras carnis vasque sanguinea omnia constrinxerit, ex iisque ne hilum quidem sanguinis exire passa fuerit. Unde non difficile concluditur, quantopere corpora humana destruat exitialis ejusmodi potus. Hos autem effectus potius a spiritu salis, quem diximus, quam ab actione substantiæ alicujus oleosæ & bituminosæ, repetit Vir Clarissimus, quippe ad putredinem promovendam magis, quam arcendam, aptæ. Cum vero probe nosset, oleum tartari, spiritu salis permixtum, genuinum sal commune producere, & rancidum sulphur liquorum omnium, in quos infusum est, probe imbibere; noxiam hujus aquæ qualitatem correcturus, guttas 60 olei tartari fortioris in unam aquæ marinæ destillatæ unciam infudit, destillationemque repetit; quo factum, ut satis gratum saporem aqua ederet, nec amplius nubeculas illas cum solutione argenti progigneret. Re magis magisque tentata, bonum successum in emendando aquarum vicio expectandum itidem esse a sale tartari, calce ossium, conchis

conchis ostrearum, creta, & pulvere lateritio, comperit. Cum vero destillatio semper iteranda sit; hanc methodum non nisi in summa necessitate adhibendam censet. In aliam igitur inquirere haud piguit Virum industrium, qui tandem ope putrefactionis scopo potiri annisus est, idque successu satis felici. Reperit autem, si ex aqua marina destillatione educenda sit salubris, idque magna copia, opus omnino esse, ut primum putrefiat, foetidaque evadat, deinceps autem rursus dulcescat. Quodsi aqua in ipso putrefactionis curriculo destilletur, spiritus ille salinus minori ignis vi attolletur, adeoque in aqua destillata copiose inerit; post factam vero putrefactionem crassiores ejus partes versus fundum ita præcipitatae sunt, ut non nisi igne fortiori exaltari possint; inde est, quod plurimum aquæ destillando educi possit ante, quam nociva succedat. Cl. Autor in omnibus hisce explicandis, & in cautionibus quoque indicandis, satis copiosus est, subque finem ostendit, qua ratione in ipso pelago hæc omnia ad praxin commodissime traduci possint & debeant. Nobis autem, quos breves esse oportet, omnia minutatim attingere non licet. Ad ipsam itaque libelli sectionem ei accedendum, qui curatius omnia inspicere voluerit. Quam ob causam & reliqua ejus argumenta brevissime saltem enumerabimus. Comparent igitur hic meditationes quædam circa media conservandi aquam dulcem & potabilem, & generationem insectorum in ea impediendi; id quod potissimum fit oleo sulphuris aut vitrioli admixto. De eo igitur sollicitus fuit Autor, ut proportionem liquoris admiscendi eam cognosceret, quæ nullam corporibus humanis noxam inferret. Sequuntur instructiones quædam circa panem bis coctum, quo nautæ vescuntur, a vermibus & aliis insectis nocivis præservandum. Exponitur deinceps, qua ratione in regionibus quoque torridis carnes animalium possint conservari, idque animalia integra sale condiendo. Percensentur tandem experimenta & observationes, habitæ circa aquas chalybeatas, declaraturque, quomodo ad loca valde dissita transportari possint, idque minori, quam quidem hæcenus fieri consuevit, virtutis suæ mineralis intertrimento. Quæ cum ita sint, nulli dubitamus,

quin, intellectis argumentorum titulis, plerosque Lectorum nostrorum incessura sit ipsius libelli utilissimi perlustrandi cupido, ex quo solertia Cl. Autoris in capiendis experimentis, nec non circumspectio in conclusionibus eliciendis, pariter ac ex ceteris ejus scriptis, elucet.

PROBLEMA PHYSICO - MATHEMATICUM,
Eruditis propositum, cujus solutio omnem in eventum promissa a GERARDO ANDREA MILLER, Medicinæ Licentiato, & Physico Lib. Imp. Reipublicæ Wormatiensis, veram assignare causam gravitatis corporum cœlestium, qua quidem versus se invicem tendant viribus, quæ sint in ratione inversa quadratorum distantiarum quam proxime.

Causam gravitatis, phænomeni maxime universalis, & in cœlis & in terra obvii, quoque omne universum cohibetur & conservatur, nondum esse detectam, vix videtur carere dubio. Vid. *Hermannus, de Causa gravitatis nondum inventa, de Maupertuis Discours sur les differentes figures des Astres, &c.* Ipse *Newtonus Optic. pag. 344*, Phænomena, inquit, cœlorum & maris nostri per vim gravitatis exposui, sed causam gravitatis nondum assignavi. Oritur utique hæc vis a causa aliqua - -, rationem vero proprietatum ejus ex phænomenis nondum potui deducere, & hypotheses non fingo. Eminent inter has gravitatis proprietates illa lex naturæ, quam ex observationibus motuum cœlestium primus summa solertia detexit & patefecit magnus Britannicæ Philosophus, quod actio ejus in immensas distantias undique extendatur, decrescendo semper in duplicata ratione distantiarum. Dubio vero caret, eam demum ut veram gravitatis causam agnoscendam, & merito, etiam ab invitis, recipiendam esse, cujus existentia non precario atque fictitie assumitur, sed ex ipsis phænomenis evincitur, & unde vicissim proprietatum gravitatis corporumque, observatio-

vationibus indubie stabilitarum, legis inprimis allegata, explicatio sponte fluit, & ratio dilucide exponi, ipsa adeoque sententia naturæ testimonio undiquaque corroborari potest. *Newtonus* quidem subinde haud obscure credidit, nullam aliam gravitatis quærendam esse rationem, præter divini Numinis voluntatem, primævam institutionem, & materiæ inde inhærentem vim; credideram idem quondam & ego cum affectis Viri illustis, &, quamvis non adeo immerito haud arriserit hæc sententia aliis, iisque inclytis, Philosophis, determinari tamen huc usque a nullo eorum potuit, num obscuriori huic alia clarior, propior, & quæ phænomenis respondeat, ratio, substitui unquam queat, quod quidem magno conatu a pluribus negatum videmus; id tamen fieri utique posse, tum demum persuadere mihi cœpi, posteaquam ipse primus & proprio ductu, inopinato felicitque successu, veram & adæquatam proximamque gravitatis causam, & quidem sine ulla precario adhibita hypothesi, methodoque demonstrativa post assertam, qualis, in physicis locum habet, ex phænomenis ratiocinando, detexisse mihi visum sum. Invenissent idem haud dubie plures, si modo constitisset, quod inveniri id certo queat. Quis enim facile esse possibile existimaret, quod *Newtonus* non posse se dixit, suarum sane virium ipse ignarus? Nunc autem mihi liceat publice hoc confidenter asserere, idemque simul ut Problema eruditis proponere. Tentent, quibus placet, resolutionem ejus, contingetque forsân, ut & alii in eandem, in quam ego, incidant viam atque sententiam, adeoque suis suffragiis hanc confirment. Ego vero brevi, quicquid fiat, si quidem Deus porro vitam & vires concesserit, publicam promitto meam Problematis propositi solutionem, eo lubentius tamen illam & citius cum erudito orbe communicaturus, si prius certus fuerô, ex Illustribus Societatibus Scientiarum quasdam gratiose non recusaturas esse, judicium ferre, nostra an sententia, si vel ipsum fundamentum, quod ego suppono & apodictice demonstrare mihi videor, nuda saltem ut hypothesi consideraretur, reliquis, quæ hætenus publico innotuere, verosimilior, &, quoniam phænomenis rationique magis respondet, præferenda, videatur.

OPUSCULA POLITIORIS LITERATURÆ,
 quæ hætenus reperiri potuerunt, JACOBI JACO-
 BETTI, Patavini, in patrio Gymnasio publici
 Ethices Professoris.

Venetis, excudebat Sanctes Pecori, 1738, 8.

Plag. 18.

Jacobus Jacobettus Athenæ Patavini alumnus pariter fuit ac doctior celeberrimus, Vir Latinæ potissimum ac Græcæ linguæ perquam gnarus, & ad illam quod attinet, *Liviani* potissimum stili admirator. Propter eximiam eruditionem summis etiam gentis suæ viris carissimus erat, & nunc post fata desideratissimus. Interea desiderium istud aliqua ex parte sedasse videtur doctissimus, qui istas ejus conscriptiones, tanquam sparsa Sibyllæ folia, laudatissimo conatu collegit, discipulus. Insunt autem politissimo volumini Orationes duæ, parentalibus *Barbadici* & *Thomasii*, patrum purpuratorum, consecratæ, ad *Georgium* Cardinalem *Cornelium*, Antistitem Patavinum, Seminarium primo invisentem, Oratio, ut & alia ad Philosophiam morum in Gymnasio Patavino tradendam. His, post duas *Dissertationes* Rhetoricas, adjiciuntur quinque aliæ Orationes, duæ quidem ad instauranda Seminarîi Patavini studia, duæ laudationes funebres *Josephi Mariæ Barberii* & *Abbatis Blanchii*, inter quas medium locum occupat de *S. Luca*, qui vitam optimi maximi Redemptoris, divinitus institutus, exposuit, Oratio, in solenni Medicorum Collegii conventu recitata. De hoc sanctissimo viro ita incipit tractationem *Jacobettus*: *Ab stirpe clara in lucem editus, prima adhuc ætate, cum indole & ingenio factus ad sapientiam videretur, contulit ad eandem consequendam omnia studia sua, & miro quodam literarum accensus amore, longe sapientia antevertit ætatem. Coluit impense disciplinas illas omnes, quæ, quamvis dicantur externæ, tamen profunt non mediocriter etiam ad cælestium cognitionem; exspatiatus est per campos Rhetorum; suavissimos inde flores collegit, quibus severiorum studiorum fructus ornaret: cum paulo post animum ad-*
jecit

jecit ad naturæ res abstrusas & abdita arcana perferenda. Ut cetera scientiarum genera prætermittantur, quas laboribus assiduis, versandis veterum scriptorum monumentis, longa cum doctissimis mora paraverat; adamavit præcipua quadam cupiditate Medicinam - - Ad hæc maxima atque pulcherrima accedebat graphica artis decus, teste illo, qui est instar omnium, D. Paulo, & quæ sunt reliqua, unde satis superque constat, Lamio multis modis mitiorem de Scriptorum sacrarum eruditione Autorem nostrum fovisse opinionem. Quanquam autem non omnia, quæ commemoravit, invicto robore consent, ita tamen pleraque sunt comparata, ut plausum nostrum mereantur. Ceterum omnes hæc facundissimi viri Orationes, ad stilum etiam quod attinet, acutam & brevem elegantiam, ac propemodum Atticam aliquam formam, præ se ferunt, satisque luculenter præterea demonstrant, Rhetoricis præceptionibus Autorem mirifice tinctum fuisse. Et hoc etiam, si quidem ex ungue leonem cognoscere velimus, Dissertationes, quas jam antea nominavimus, confirmant. Tangunt illæ pronuntiatum *Aristotelis*, quod *Libro secundo Rhetoricorum* exstat, & Rhetoricam ad iudicium referri, docet; qua data occasione, in sinistros eloquentiæ iudices acriter ac merito invehitur Noster. Verum profecto est, quod vix ab opilionibus, pollinctoribus, falsamentariis, ac balathronibus, iratis quasi Diis in Criticorum numerum intrusis, tuta sit eruditorum oratio, cum omnino inoneri deberent isti, qui ultra crepidam sapiunt, tutores versus *Martialis*: *Carpere vel noli nostra, vel ede tua*. Sed nec proleteria, quæ Autorem ornavit, eruditionis testimonia perhibent Epistolæ ac Poemata, tam Latina, quam Græca. Ad Epistolas quod attinet, in utraque lingua exaratas, quod, ipso teste, difficillimum pronuntiat *Aristoteles*, medium laudabiliter videtur affecutus, ita quidem, ut, nec defectu illius Epistolæ, neque excessu, laborent. Ambitus ibi verborum, acumen, liberæ jocus, auream vere mediocritatem amplectuntur. Neque Carmina ab hoc instituto abhorrent, & Græca potissimum Epigrammata laudibus suis nequaquam sunt defraudanda. Nos autem properamus jam potius ad *Seb. Franzoni*, quæ colle-

Pag. 233

tioni præfixa legitur, de vita & studiis *Jacobi Jacobetti* Epistolam, atque inde vel paucissima delibamus. *Gregorius* Cardinalis *Barbadius* inter alumnos Seminarii Patavini illum adscribendum curavit. Ibi, vix expleto cursu earum disciplinarum, quæ graviores dicuntur, delectus præceptor, cœpit illico elegantiores literas docere, quas tota deinde vita, cum ingenti reipublicæ literariæ utilitate, professus est. Præcipua tamen *Jacobetti* cura fuit, ut Græcam linguam & eruditionem probe ipse teneret, atque aliis traderet. Hujus rei causa Græcam Grammaticam in meliorem formam redegit; demendo supervacanea, addendo salubriora; librum, quem *Calligraphiam* appellant, auxit locupletavitque. Neque solum intelligebat Græca ac scribebat, sed & ita nitide, ita promte, ex improviso, si ferret occasio, Græce loquebatur, ut ipsis Græcis esset admirationi. Quam & eruditionem suam coram *Clemente XI*, P. M., non sine illius gaudio, demonstravit, & ad mortem usque docendo, dicendo, scribendo, ostendit.

ORATIONES SEBASTIANI FRANZONI, OLIM
in Seminario Patavino præfecti studiorum, nunc
Collegii, ab ipso instituti, moderatoris.

Patavii, typis Jo. Baptistæ Conzatti, 1737, 8 maj.

Plag. 17.

Clarissimus Autor, qui, postquam in florentissimo apud Patavinos Musarum domicilio, partim humanas literas profitendo, partim omnium disciplinarum regendo studia, duos & viginti annos consumserat, deinde novum sibi ipsi studium ludumque peperit, ubi in illis artibus ac scientiis, quæ repertæ sunt, ut puerorum mentes ad humanitatem fingerentur atque virtutem, quod restaret ætatis, consumeret, eximium hic eruditionis atque sacundia suæ monumentum ponit. *Octo* sunt *Orationes*, quæ, quanquam non in singulis partibus ad aureum illud Latinitatis seculum accedunt, proximæ tamen eidem videntur, atque insignem elegantioris literaturæ cognitionem produnt. Vel argumenta illarum primaria id ipsum demonstra-

strabunt. *Prima* statim docet, ad oratoriam & poeticam laudem contendenti, tum nimium, tum nullum, præceptorum usum esse impedimento. Nimirum, dum *M. Tullii* de Oratore libros auditoribus suis interpretaretur, visum ipsi est non incongruum, si ab *Antonio* & *Craſſo* motam ibi controversiam, num vere dicendi detur ars, pluribus explicaret. Cum enim ex rebus omnino perspectis & palam cognitis ars omnis constet, neque ab opinionis arbitrio pendeat, non videtur ulla esse ars Oratoris, ac propterea doctores Græci, qui ubique Romæ ludum Rhetoricum tunc aperuerant, oleum & operam perdidisse, quod asseverarent, neminem ad eloquentiæ laudem pervenire, nisi omnia dicendi præcepta probe teneret. At tamen cum *Antonio* Autor noster, non ita quidem artem oratoriam ac poeticam accipiendam esse, probat, ut omnis loquendi vis atque carmina pangendi in ea sola ponatur, quemadmodum nonnulli volebant, at nec prorsus eam totam esse repudiandam. *Oratio secunda* demonstrat, omnem eloquentiæ laudem, & ingenii admirationem, non in Latine, & plane, sed in ornate, dicendo collocari. Quæ propositio, qualis hic est, dubitamus, an ab omnibus probetur. Possunt omnino ornatissimis verbis maximæ nugæ proponi, quibus neque *Cicero* aliquis, neque *Quintilianus*, eloquentiam inesse, temere affirmet. Nimirum accedant oportet argumentorum pondera, ex Philosophia petenda, neque desit inprimis ad persuadendum accommodatio, ni lusibus canoris principis Oratorum sententiam in te excitare volueris, qua, nihil esse tam furiosum, quam verborum etiam ornatissimorum cumulum sine subjecta sententia aut scientia, pronuntiavit. At tamen ad elocutionem inprimis spectat Noster, ubi quidem verum est, puritati atque perspicuitati, ceteris formis communi, ornatum adjungi ab Oratore. Id quod luculentius etiam patet ex tertia Oratione, qua, non satis esse, ornate dicere, nisi ornatum vigor ac robur sequatur, confirmavit Autor, quamque in ornatus indole, ut ait, explicanda potissimum occupavit. Etsi enim superiore non pauca attigerat, quæ ad Rhetoricæ ornamenta pertinebant; præcipuus tamen, quem spectarat, is finis fuit, ut ostenderet, non esse in Oratorum numerum recipiendos, qui Latine quidem, &
ele-

Pag. 38
seq.

69.

- eleganter loquerentur, sed ornatum illum negligenter, quo uno Oratores a reliquis scriptoribus secernantur. Nunc autem, *Quintilianum* secutus, docet, oratorium ornatum cum quodam robore ac spiritu esse conjungendum, & frustra in parandis floribus laborare, qui non agrum, quem colit, latis quoque segetibus, & fecundis olearum baccis, locupletet. Ostenditur hac occasione, quam sit difficile, modum in ornanda oratione servare, cum in proxima virtutibus vitia facile probabamur, unde absonæ atque inconditæ figuræ ac translationes haud raro effundantur, eoque tandem res deducatur, ut tanto pulcherrimarum rerum, quemadmodum appellant illarum amatores, apparatu non modo audientes non oblectent, sed etiam
- Pag. 98. satietate ac tædio afficiant. Eodem pertinet, quæ *quantum* locum occupavit, Oratio, quæque decori pariter habendam
133. curam esse demonstrat. Quo laudabiliter factò, ulterius progreditur Vir eloquentissimus, & quæ quantaque Oratori necessaria sit eruditio, considerat. Hoc vocabulo non unam aut alteram literaturæ partem, sed eas omnes, complectitur, quæ ad animos excolendos, eosque ingenuis artibus ad humanitatem informandos, esse præsidio possint. Illas ipsas non ita necessarias esse facundo viro plerasque judicat, ut sine ejusmodi adjumento manca ac debilis sit eloquentia; quandoquidem talia sint adventitia dicenti bona, & quæcunque demum hominibus opinio sedeat, non tam severa liberanda lance. Sed in medio ista
167. relinquamus, & ad Orationem potius *sextam* properemus; cujus argumentum est, quod neque claris scriptoribus, neque eorum criticis, sit habenda fides. Quod sane tam verum est, quam inculcatu necessarium. Multi, præconcepta venerabilis antiquitatis atque autoritatis opinione, fallunt & falluntur; neque pauciores sunt, qui magno supercilio id, quod intelligentiæ ipsorum limites excedit, despiciunt, rident, accusant. Ad Orationes vero *postremas* quod attinet, illæ in parentalibus recitatæ fuerunt, altera *Joannis Francisci* patris purpurati *Barbadici*, Antistitis Patavini, altera *Francisci Dolsonii*, Canonici Patavini, vicarii generalis *Georgii* patris purpurati *Cornelii*. Subjuncta denique istis Orationibus legitur de vita & studiis *Jacobi Jacobetti*, in Gymnasio Patavinomoralis Philosophiæ Professoris, Epistola ad amicum, quæ & præfixa, ut diximus, est *Jacobetti Opusculis politioris literaturæ*, quorum in recensione plura de illius argumento asserre nos meminimus.



NOVA ACTA ERUDITORUM,

publicata Lipsiæ

Calendis Septembris Anno MDCCXLI.

Pars I.

ΑΥΣΙΟΥ ΤΑ ΠΕΡΙΓΕΝΟΜΕΝΑ. *LYSIAE*
ORATIONES ET FRAGMENTA, GRÆ-
ce & Latine. Ad fidem Codicum MStorum recensuit,
Notis criticis, interpretatione nova, ceteroque appa-
ratu necessario, donavit, JOANNES TAYLOR, A.M.
Colleg. D. Joann. Cantabrig. Socius, Academiae olim a
Bibliothecis, hodie a Commentariis. Accedunt Cl. FER-
MARKLANDI, Colleg. D. Pet. Socii, Con-
jecturæ.

Londini, ex officina Guilielmi Bowyer, 1739, 4 maj.

Alph. 4 plag. 2.

Ea semper fuit de *Lyfia* opinio, ut Attica elegantia, &
subtilitate orationis, ceteris omnibus præferendus judi-
icaretur. *Cicero* quidem eum perfectum Oratorem audet
dicere; *Longinus* vero, etsi ei *Demosthenem* sublimitate præfert,
tamen concedit, eum ceteris virtutibus oratoriis *Demosthenem*
superare ipsum. Sunt præterea referta ejus Orationes rebus
iis, e quibus fori Attici ratio cognosci potest, quæ, quemad-
modum *Henricus Valefius* judicavit, non debet esse ignota iis,
qui origines publici privatiq[ue] Romanorum juris recte cogno-
scere velint. Quo magis mirandum est, qui fiat, ut *Lyfias* ne-
glectus ac prope contemptus jaceat, a paucissimisq[ue] legatur.
Joannes Taylor quidem, Vir Clarissimus, cui hanc novam *Lyfia-*
carum Orationum *ἐκδοσις*, de qua jam dicendum est, debemus, ita

PPP

in

in Anglia *Lyssiam* narrat ignoratum esse, ut plures sedulitatis suæ constantiaque in edendo *Lyssia* existimatio, quam ipsius *Lyssie* nomen, commoverit. Itaque etiam nemo ibi ante eum existit, qui *Lyssie* emaculando illustrandoque operam suam navaret. Et sane *Lyssias*, ne antiquis quidem temporibus, bonis satis usus est. Circumferebantur olim 400 amplius Orationes *Lyssie*, auctoribus *Plutarcho* & *Photio*. Sed idem ille *Photius* Bibliothecæ Codice 261 tradit, multas & præclarissimas *Pauli* cujusdam *Myssii* Crisi, qua eas spurias judicaverat, periisse. *Dionysius Halicarnassius*, *Paulo* illo sine dubio antiquior, & *Cecilius*, ex Orationibus *Lyssie* 425, quæ tum exstabant, germanas judicare, *Plutarcho* autore; 230, aut, secundum *Photium*, 233. Sed uterque horum Criticorum bene de *Lyssia* meritis est. Nam *Dionysius* quidem, præter Crisin de *Lyssia*, quæ & nunc exstat, scripsit Commentarium de dignoscendis germanis & adulterinis *Lyssie* Orationibus; *Cecilius* autem Commentarium in *Lyssiam*, quem commemorat *Longinus* Sect. 32. Idem fecit, sub *Anastasio*, *Zosimus Gazeus*, vel *Ascalonites*, &, qui primo loco nominandus erat propter vetustatem, *Zeno Citienfis*, diversus a Philosopho ejusdem nominis. Ab literis instauratis primus edidit *Lyssiacas* reliquias, una cum *Æschine*, *Antiphonte*, & aliis, *Aldus Manutius* A. 1513. Hunc Vir Clarissimus putat non eum tantum in iis secutum esse Codicem, quem *Lascaris* a monte Atho Florentiam attulit, de quo *Manutius* in Præfatione prodidit, sed etiam alios, qui nunc quoque servantur in Bibliotheca Laurentina. Post A. 1575 easdem Orationes, adjecta quarundam Latina interpretatione, emisit Parisiis *Henr. Stephanus*, inter ceteros Oratores Græcos. Is in quibusdam Orationibus adjutum se fatetur Codicibus MStis, sed non constat, quibus. Tum A. 1615 *Jodocus Heydus*, Brabantius, *Lyssie* Orationes 34, Latine conversas, & politicis notis illustratas, Hanovix apud *Wichelos* edidit. In qua editione Græca constituit, & notulas adjecit, *Andreas Schottus*, una divinandi felicitate fretus, nec libris MStis adjutus. Hanc editionem expressit Marburgensis, curante *Joanne Burchardo Majo* edita. Sunt etiam singule quædam Orationes *Lyssie* a doctis viris, plerumque in puerorum

ulum,

usum, editæ, quas diligenter commemorat Autor; sed, quia ex nihil proprium habent, sed sunt ex aliis expressæ, de iis hoc loco dicere nihil attinet. *Lyfiam* illustrare voluerunt *Henr. Stephanus*, *Mauffacus*, *Canterus*, & *Henr. Valesius*, sed nihil lucern vidit. *Canterus* etiam Orationes deperditas enumerare, & Fragmenta ejus instituit colligere, & *Andr. Schottus*; sed, quæ illi in animo habuere, præstitit aliqua ex parte *Jo. Meursius* in *Bibliotheca Attica*. Reservata erat, felici quodam literarum Græcarum fato, hæc provincia *Jo. Taylors*, qui eam, judicio certoque consilio, non impetu aliquo & temeritate, susceptam, ita dextre sustinuit, ut dignus videatur, cui, etiam non petenti, *Demosthenis* edendi illustrandique provincia, consentientibus eruditorum suffragiis, decernatur. Quod ut intelligatur, quid ab eo sit in hac *Lyfiæ ἐκδόσει* præstitum, breviter demonstrabimus.

Ac primo quidem, quod ad contextum attinet, is est fideliter, quantum scilicet edendi leges permittunt, expressus. Moderatio autem adhibita est hæc, ut vetusta & diu recepta lectio raro sollicitaretur, & ubi id faciendum esset, ad oram libri rejiceretur. Nam, uti temerarium est, suæ divinationi & Codicibus MStis tantum tribuere, ut, in paribus rationum momentis, novam lectionem veteri præferas, ita etiam male religiosi sunt, qui manifesta scribentium aut operarum typographicarum peccata servant in contextu. Itaque etiam Vir Clarissimus multa ex eo genere menda sustulit, quorum indiculum in ipsa Præfatione proposuit. Ea sane sunt ejusmodi, ut, si dubitare velis, non *Pyrrho*, sed omnino ignarus Græcæ linguæ, sis, necesse sit. Quædam tamen, ex eodem prope genere, non quo dubitari de iis possit, sed quia recepta hodie edendi lex ita postulat, in contextu reliquit, quæ facile vel mediocriter Græce doctus lector, & in Præfatione & in Animadversionibus monitus, & reperiet & probabit. In quo tamen illud sibi jure suo sumsit, ut in Latina interpretatione, quæ tota nova est, & *Taylors* nostro debetur, emendationem potius suam, quam veterem lectionem, in contextu servatam, sequeretur. In Notis, quæ contextui subjunctæ sunt, nihil aliud sibi agendum

constituit, nisi ut lectionis varietatem diligenter commemo-
 raret, & suas conjecturas de *Lyfia* emendando, confirmatas
 necessariis Autorum probatorum locis, proponeret; reliqua au-
 tem, quæ de *Lyfia* observanda duxit, *Lectionibus Lyfiacis*, per-
 petua oratione scriptis, & huic ipsi editioni insertis, exposuit.
 Sed suis notis inseruit etiam quasdam ineditas *Jos. Scaligeri* &
Salmasii notulas, ex oris exemplorum, quibus eos usos constat,
 repetitas. Lectionibus autem varietas adhibita est non modo
 ea, quam e Codice MSto depromsit *Stephanus*, sed etiam alia.
 Nam textum *Lyfie* Vir Clarissimus conferendum, interventu
Montefalconii, Viri Celeberrimi, curavit cum membranaceo Co-
 dice Sangermanensi, qui olim *Seguerianus*, & postea *Coislinianus*
 fuit, & Seculo XV scriptus ab homine imperito Græcæ linguæ,
 ut ex iis, quæ producuntur, speciminibus apparet. *Oratio se-*
cunda, quæ funebris est, collata est cum Codice MSto mem-
 branaceo ejusdem Bibliothecæ, qui ad decimum Seculum facile
 assurgit, bonæ frugis pleno, magnæque merito autoritatis. Ea-
 dem Oratio MSta est in Bibliotheca *Barocciana*, ejusdem fere
 ætatis & fidei. Itaque & hic Codex consultus est. Ejusdem Ora-
 tionis lectiones varias, e Codice MSto desumptas, & editionis *Al-*
dina duobus exemplis adscriptas, e Bibliothecis Cantabrigien-
 sibus accepit, in quorum altero etiam varietas quædam lectio-
 nis adscripta erat tribus postremis Orationibus. Sciebat Vir
 Clarissimus, etiam in exteris Bibliothecis Codices MStos esse
Lyfiacarum Orationum, sed eorum usum impetrare nullis pre-
 cibus potuit. Huic, colligendæ undique variæ lectionis, curæ
 accessit hæc, ut Fragmenta *Lyfie* congererentur diligenter, quod
 antea præstiterat nemo, & observationibus necessariis illustra-
 rentur. Adjectus est etiam Index, brevis ille quidem, sed uti-
 lissimi consilii, quem Atticum vocavit, & est *Lyfiacarum* vorum,
 flexionum, & constructionum, quæ Atticæ putantur. Hujus-
 modi Index Atticus in Oratores Atticos haud ita pridem para-
 batur a *Laur. Normanno*, Episcopo Upsaliensi, sed morte viri
 doctissimi interceptus est. Restant tria hujus editionis lumina,
 de quibus dicenda pauca sunt. Primum est *Commentatio*
Tayloris de vita *Lyfie*, ex antiquis Scriptoribus hausta, & plu-
 rimis

rimis observationibus eruditissimis ad historiam antiquam civilem & literariam, & loca Autorum, quibus in contextu usus est, emendanda explicandaque, illustrata. Hanc Commentationem qui leget, omnem statum Reipublicæ Atheniensis, qui quidem *Lyfiæ* temporibus, imprimis ab eo tempore fuit, quo rempublicam capefflavit, explicatum reperiet. Ei subiecta est *Dionysii Halicarnassii* jam supra commemorata *Κεῖς Lyfiæ*, cui & ipsius & *Marklandi* eruditæ plurimæque notæ accesserunt, quibus & e novis Codicum lectionibus, & ex ingenio doctissimorum Duumvirum, hic libellus emendatur, ut sane plurimum iis *Dionysius* debeat. Idem, sed parcius, præstitit *Taylor* vitæ *Lyfiæ* e *Plutarcho* & *Photio*. Alterum hujus editionis lumen est libellus, qui *Cel. Jer. Marklandi Conjecturas in Lyfiæ Orationes* continet, & est bonæ frugis plenissimus. Tertium est *Taylori* libellus, quem *Lectiones Lyfiacas* vocat. Nunc, ut specimen *Κεῖς* & Notarum *Taylorianarum* capere possimus, deligamus. Orationem aliquam, & quid in ea præstitum sit, videamus. Huic consilio accommodatissimam putamus esse illam alteram, quæ est funebris in Corinthiorum socios, habita in Ceramicò, communi Atheniensium, in bello interfectorum, sepulchro. Nam & pulcherrima est omnium, ut e qua etiam, autore *Plutarcho*, *Isocrates* multa in Panegyricum suum transtulit, ut pluribus exemplis demonstravit *Cl. Marklandus* in Conjecturis, (quemadmodum ex *Isocratis* Panegyrico deinde plurima libavit in simili Oratione *Aristides*, ut in Lectionibus *Lyfiacis* docetur,) & propterea omnium maxime olim lecta & descripta est (vid. *Lectiones Lyfiacas Cap. 2*); & in ea constituenda optimis Codicibus usus est Vir doctus; denique iudice *Mureto Var. Lect. XVII, 11*, emendate quidem a *Stephano* edita, sed ita tamen, ut aliorum industriæ aliquid reliquum sit. Pag. 28 vulgo ita legitur: πανταχῇ δὲ καὶ παρὰ πᾶσιν ἀνθρώποις εἰ τὰ αὐτῶν πειθόντες καὶ τὰς τέτων ἀρετὰς ὑμῶσι. Vir Clarissimus primo putat, non displicituram emundioribus lectionem trium Codicum MStorum πανταίχῃ, propterea, quod ita ταυτολογία vitetur, cum nihil intersit inter πανταχῇ & παρὰ πᾶσιν ἀνθρώποις; deinde pro αὐτῶν necessario, sensu exigente, legendum αὐτῶν. De hoc

Pag. 431-
607.

nemo facile dubitet. Opponuntur αὐτῶν κακά, *sua mala*, & τέτων ἀρεταί, *aliorum*, scilicet eorum, qui in bello ceciderunt, *virtutes*. Sed de illa ταυτολογία non item omnes Viro Clarissimo adstipulabuntur, quæ, si hoc nomine digna est, quod facile concesserimus, usitata tamen optimis utriusque linguæ scriptoribus est. Pag. 29 luculento exemplo demonstrat, Rhetorum corruptis locis, si usus veniat, medicinam non satis tuto semper ab Historicis peti. Nam, cum Historici, inque his *Pausanias* & *Justinus*, de Amazonum cum Atheniensibus bello ita memoriam prodiderint, ut, eas, in regnum suum reverteras, usque ad imperii Macedonici tempora durasse, dixerint, *Lyfiam* contra, in laudibus Atheniensium versantem, eas ad internecionem casas, totum earum genus interiisse, dicere. Pag. 32 initio: ἱερῶν δὲ μαινομένων τῆς ἄνω Θεὸς ἀσεβείδαι, &c. Sermo est de eo, quod, *Adrajlo* & *Polynice* ad Thebas victis, cum Thebani nolent concedere, ut interfecti hostes sepelirentur, iisdemque, quæ adsolebant, iusta fierent, Athenienses ea inhumanitate commoti, Legatos ad Thebanos miserunt, qui rogarent, ut sepulturam caesorum permetterent, propterea, quod, si quid mortui peccassent, poenam jam luisent, iustis autem non factis Deos inferos fraudari, & Deos superos profanari, si &c. Huic sententiæ, queritur, utrum satis accommodatum sit, quod vulgo legitur: μαινομένων ἱερῶν. Nos quidem facile largimur Cl. *Taylori*, & omnes intelligent facile, hic non tam *polluta sacra*, quam *intermissa*, locum habere. Non enim polluebantur sacra, non redditis caesorum cadaveribus, sed impediébatur, quo minus fieri possent. Itaque vehementer probamus sententiam Viri Clarissimi, qui pro μαινομένων e tribus Codicibus MStis reponi vult: μὴ γενομένων. Pag. 33 vulgo ἀλλ' ἐκείνοις μὲν (Καδμείοις) ἀντὶ τῆς εὐσεβείας τὴν ἑαυτῶν ἀρετὴν ἐπεδείξαντο, αὐτοὶ δὲ λαβόντες τὰ ἄλλα, ὥνπερ ἕνεκα ἀφίκοντο, τῆς Ἀργείων νεκρὸς εἶδαν ἐν τῇ αὐτῶν ἑλευσίῃ. Cl. *Taylorius* ex auctoritate trium MStorum reponendum censet, idque in interpretatione Latina sequitur, ἀντὶ τῆς ἀσεβείας, quod vel contextus docet unice verum esse. Nam Cadmei, cum non redderent caesos, atque ita Diis iusta non solverent, τῆς ἄνω Θεὸς, ut supra erat, ἥσεβέντο, non ἡυσεβέντο. Deinde ostendit,

ostendit, quare in ultimis verbis, ἐν ελευσίνι; addat, τῇ αὐτῶν, ejus rationis etiam ex *Herodoto* & *Aristide* exempla afferat. Nempe, cum Cereri Eleusiniæ plura essent in Græcia templa dicata, in Attica, Boeotia, Ionia, &c. indicandum erat, de quo diceretur. Est enim ἐλευσίς hoc loco idem, quod τὸ ἐλευσίνιον, templum Eleusiniæ Cereris Athenis Acropoli subiectum, ut docuit *Palmerius* in *Exercitationibus*, alique, pluribusque exemplis Noster ad *Orationem in Andocidem pag. 105.* Sed *pag. 34* cum his verbis: Ἡρακλῆς ἐξ ἀνδρώπων ἠφρανίσθη, respici Vir doctissimus putat ad opinionem veteris superstitionis, cum crederent, semideorum & Heroum mortem non esse e vita excessum, sed rectam quasi ad cælum migrationem, id quod pluribus, quam fortasse necessarium erat in re non obscura, exemplis demonstrat, erunt fortasse, qui, etsi non absurdam, tamen non admodum probabilem, eam sententiam putabunt, & ἀφρανίζεσθαι, si sensu maxime leni & molli accipiatur, potius per ἐμφημίαν aliquam de cujuscunque morte, non minus atque illa, ἀπαλλάττειν, decedere, &c. dici. Quid? quod ignorare Vir Græce longe doctissimus non potest, ἀφρανίζεσθαι dici res, quæ corumpuntur, perduntur, ad nihilum rediguntur, cujus rei exempla inprimis multa sunt apud *Ælianum* in *variis Historiis*, ubi de exercitu deleto & urbe ita diruta dicitur, ut ejus nullum vestigium superstit; quorsum pertinent etiam, quæ *Jo. Boissius*, *Britannus*, in *Collatione vet. Interpr. cum Beza pag. 17* attulit. *Pag. 35* ad verba ἰκέται ἐπὶ τὸν βωμὸν ἐκαθέζοντο, primo indignatur librariis, qui pro hoc scripserunt ἐπὶ τῶν βωμῶν, non concocta constructione, ἐπὶ τὸν βωμὸν, quæ tamen multis Autorum idoneis locis confirmatur; deinde ostendit, aram, de qua hic dicatur, esse celeberrimam illam *Misericordiae aram*, quam Athenienses memorie *Heracidarum*, eorumque fortunæ, consecraverint, & ἐλεῶ βωμὸς *Apollodoro*, *Pausania*, *Diodoro*, *Philostrato*, *Zenobio Paramiographo*, *Scholiasæ Aristophanis*, dicatur. *Pag. 38* sic legitur: ἀπαλλάξαντες δὲ τὰ δῆες καὶ τὰς ψυχὰς ἡλευθέρωσαν, διὰ τὴν τὴν πατρός ἀρετὴν ἐκείνης δὲ τὰς αὐτῶν κινδύνους ἐπεφάνωσαν. Τισὲν ἔοιτο χεῖροιο παῖδες ὄντες ἐγένοντο τὴν πατρός. Hunc totum locum

locum sic refingit, ut δὲ, quod est post ἐκείνης, rejiciat post διὰ: deinde pro τοῦτον δὲ scribat τοῦτον δὴ, quo sane facto multo melius oratio procedit. Pag. 39 *Lysias* dicit: αἰθρώποισ προσήκειν, νόμῳ μὲν ὀρίσαι τὸ δίκαιον, λόγῳ δὲ πείσαι. Ibi duo Codices MSi habent ὀρίσασθαι, quæ lectio etiam e vestigiis Codicis Cantabrigienfis eruitur. Idque fortasse rectius vulgato esse dicit Vir Clarissimus, quod *Plato* & *Aristoteles* quoque media forma utantur, quando de definitione verborum loquuntur. *Aristotel. Polit. V* κακῶς ὀρίζονται τὸ ἐλεύθερον. Jam, etsi nobis non est in promtu locus, ubi active dicatur hoc verbum, de definitionibus Dialecticorum; tamen non dubitamus, quin, cum pro *constituere, sancire, definire*, dicitur, uti loco *Lysia*, recte & Attice activa forma adhibeatur. Sic *Dionysius Halicarnassius* pag. 574 de lege Tarpeja: ἀλλ' αὐτοὶ τὴν ἀξίαν ὤρισαν μέγιστον ἀποδείξαντες ὅρον ζημίας δύο βόας καὶ τριάκοντα πρόβατα; *Diondorus Siculus Lib. XIV* pag. 267: σπονδὰς ἐπέησαν καὶ χρέον ὤρισαν, ἐν ᾧ &c. Paulo post pag. 40 ita est in vulgatis: μόνοι γὰρ ὑπὲρ πάντων τῶν τῆς ἑλλάδος πρὸς πολλὰς μυνερίδας τῶν βαρβάρων διεκινδύνευσαν. Hunc locum ita commendat Vir Clarissimus, ut primo pro ὑπὲρ ἀ. τ. τ. e. legat: ὑπὲρ ἀπάτης τῆς ἑλλάδος, quod, ut necessitas quædam suadet, ita in præstantioribus Codicibus, iisque sex, reperitur. Deinde pro διεκινδύνευσαν e Codice *Mureti* reponit: δις ἐκινδύνευσαν; quam lectionem commendat hoc nomine, quod hic sibi Orator aditum quærit ad utramque historiam rerum tum Marathone, tum Salamine, gestarum, non ad unam solam exornandam. Eodem modo *Demosthenes Epitaph.*: ἐκεῖνοι τὸν ἐξ ἀπάτης τῆς Ἀσίας εὖλον ἐλθόντα μόνοι δις ἠμύναντο, &c. Pag. 42 αὐτοῖς τοιαύτη δόξα περιεσέχκει. Hæc lectio etsi sensum commodum habet, & Græca est; tamen Viro Clarissimo ita arrisit lectio Codicis *Coisliani* secundi, qui hic παρεισέχκει habet, ut, illa rejecta, hanc, multis exemplis illustratam, in contextum receperit. Pag. 44 vulgo sic legitur: ὑπὲρ δὲ τῆς ἀρετῆς φιλοψυχίσαντες, καὶ μᾶλλον τὲς παρ' αὐτοῖς νόμους αἰχυνόμενοι, ἐξήσαν μὲν τρέπαια &c. Huic loco duplicem medi-

medicinam fecit. Nam primo restituit ὃ, ante φιλοφυχ-
σαντες, quod & sensus medicinam necessariam faciebat, & Co-
dices MSti adjuvabant, probatque *Marklandus*. Neque
enim hæc lectio vulgata a MStis, sed a negligentia editorum,
profecta est, deinde ante ἔησαν e Codice *Coisl.* 2, & duobus
Mureti exemplaribus, & margine Codicis *Barocciani*, addidit
hæc verba: ἢ τὸν πρὸς τὰς πλεμίας κίνδυνον φοβόμενοι.
Eodem modo *Lysias* contra *Alcibiadem*: πολὺ μᾶλλον ἐφο-
βείωδε τὰς τῆς πόλεως νόμους, ἢ τὸν πρὸς τὰς πλεμίας
κίνδυνον. Sed ibidem sequentia ita leguntur: ἔησαν τρόπαια
ὑπὲρ τῆς ἑλλάδος τῶν βαρβαρῶν ἐν τῇ αὐτῶν, ὑπὲρ χρημά-
των εἰς τὴν ἀλλοτρίαν ἐμβάλλοντων παρὰ τὰς ὄρας τῆς χώ-
ρας. Pro his in Codicibus *Mureti* fuit: ἔησαν - - τῶν
βαρβα. ἐκ τῆς αὐτῶν χώρας ὑπὲρ χ. ε. τ. α. ε. παρὰ τὰς
ὄρας. Jam de fide juramenti vehementer se ambigere fatetur;
sed in Latina tamen versione expressit. Ceterum Cl. *Marklan-*
dus etiam conjecerat sic legendum; nisi quod simpliciter legit:
ἐκ τῆς αὐτῶν, omiſſa voce χώρας. Modo illud παρὰ τὰς
ὄρας ex historia illustrasset. Sed cetera valde probat Vir
Clariss. quibus locus felicissime complanetur. Neque vero de
τρόπαια τῶν βαρβαρῶν, quin Græce dictum sit, nos sinit du-
bitare, sed hoc exemplis ex ipso *Lysia*, *Platone*, & *Andocide*,
confirmat. Pag. 48 bis *Lysiam* sanavit, primo cum pro αἰώ-
σονται rescripſit αἰώσονται, quoniam ad πόλιν refertur, & qui-
dem qua ædificiis constat, non qua hominibus: nam, hoc si esset,
servari pluralis potuisset: deinde, cum pro κατωλεπεῖν τὴν πό-
λιν e Codicibus *Cantabrigiensibus* & vestigiis *Aldini* & *Coisluniani*,
conjecturaque *Stephani*, reposuit ἐκλεπεῖν, eamque formam lo-
quendi pluribus exemplis confirmavit. Conf. etiam *Marklandus*
ad b. l. Pag. 65 sic vulgo legitur: μόνοι δ' αὖ μοι δοκῶμεν
ταύτην τοῖς ἐνθάδε κειμένοις ἀποδῶναι χάριν, &c. hic pro
μόνοι reposuit μόνην, quod sane & sensus postulat, & est toti-
dem literis in altero *Coisluniano*. Pag. 66 erat antea ὃ γὰρ
ἐλάνθαν' ἡμᾶς αὐτὰς ὄντας θνητοί. *Stephanus* jam vi-
debat, esse legendum aut ὄντας θνητὰς, aut ἔντες θνητοί. No-
ster e Codicibus *Barocciano* & *Coisluniano* utroque ὄντες rescrip-

psit. Intelligent Lectores nostri, quantum hæc oratio *Tayloro* debeat. Neque tamen omnia potuimus commemorare. In ceteris Orationibus eadem diligentia eruditioque cernitur. Veniamus jam ad Cl. *Marklandum*, & ejus conjecturas in *Lyssiam*. In iis Vir Clariss. dicit, se nullis MStis Codicibus adjutum esse, sed uno ingenio, quod habet summum, & lectione, quæ in eo est propemodum infinita. Eas conjecturas ut in lucem edi pateretur, hoc facilius induci se passus est, quod primo nonnulla animadverterat in *Lyssia*, nondum ab aliis, quod quidem sciat, prolata, quæ Novi Fœderis textui & phrasibus illustrandis infervire queant. Immixta adeo sunt quædam conjecturæ in loca Novi Fœderis, quæ ipsi suspecta visa sunt, quas ille judiciis eorum, qui sunt in hoc genere, ut ait, versatiores, permittit, ea modestia & ἐποχῇ, quæ debetur τοῖς λογίοις τῆ θεᾶ. Videamus primo de *Lyssia*, deinde de conjecturis in Novum Fœdus. Et, quoniam semel delegimus Orationem alteram, nunc quoque allatas ad eam conjecturas considerabimus, & ex iis specimina quædam proferemus: in quo tamen quicquid tantum ad comparisonem *Lyssie* & *Isocratis*, item ad formas dicendi ex aliis scriptoribus illustratas, item quæ a *Tayloro* jam occupata sunt, aut jam dicta, cum de *Tayloro* ageremus, pertinet, prætermittemus. Apud *Lyssiam* pag. 28 extr. in verbis Ἀμάζονες &c πρῶται δὲ inconnexi aliquid videtur esse in compositione ex abundantia particularum μὲν & δέ. Huic incommodo sic medetur Vir Clarissimus, ut legat: Ἀμάζονες μὲν γὰρ Ἄρεος το παλαιὸν ἦσαν θυγατέρες, ἐκῆσαι παρὰ τὸν Θερμῶδοντα ποταμὸν, μόναι μὲν ὠπλισμέναι - - πρῶται δέ, nempe sublato δὲ post ἐκῆσαι, & permutato δὲ cum μὲν post μόναι. Μόναι μὲν est a *Mureto* pro μόναι δέ; & confirmatur emendatio loci *Isocratis* in *Paneg.* pag. 166 ed. *Genev.* *Lyssie* vulgatæ editiones habent: ἡγέμενοι τὴν πάντων ἐλευθερίαν, ὁμόνοιαν εἶναι μεγίστην. Hæc sententia cum falsa videatur, *Marklandus* colligit, transpositione eam juvari posse, sic: τὴν πάντων ὁμόνοιαν, (vel ἰσονομίαν) ἐλευθερίαν εἶναι μεγίστην, aut ita: τὴν πάντων ἐλευθερίαν, εὐνομίαν εἶναι μεγίστην. Cui sententiæ plures similes apud veteres reperiuntur. Neque tamen

Pag. 39.

nobis

nobis hujus emendationis aliqua necessitas subesse videtur. *Lysias* dixerat, majoribus Atheniensium multas occasiones datas fuisse pro justo & æquo pugnandi, dum concordibus animis sententiisque fuerint. Postea ipsos, & quidem primos, regulos suos sustulisse, & populare imperium, atque adeo libertatem, instituisse, quod existimaverint, πάντων ἐλευθερίαν ὁμόνοιαν εἶναι μεγίστην, libertatem communem summam concordiam esse solere, aut fore, hoc est, si pro libertate communi pugnandum esset, eo majorem ipsorum concordiam fore, qua scilicet ad Græciam tuendam opus inprimis esset, quæque adhuc tanta commoda sibi attulisset. Ita coherent omnia, & sensus recte sententiæ constat. Pag. 42 pro νομίζοιτες - ἀθάνατον περὶ τῶν ἀγαθῶν καταλείπειν egregie suspicatur: περὶ τῶν ἀρετῶν, aut παρὰ τῶν ἀγαθῶν, καταλείψειν, ut paulo post est: ἐνόμιζον μὴμὴν ἰδίαν καταλείψειν. Sed, quod ibidem paulo ante pro σώζονται conjicit σώσονται, quia proxime est βεηθήσαντες, nihil opus esse videtur, quod hujus diversitatis plurima sunt exempla, ut apud *Callimachum H. in Apoll. 14*, *Xenophontem Memor. Socr. II, 4*, quem utrumque locum eodem modo tentarunt viri longe doctissimi, *Bentlejus* & *Stephanus*, sed sine causa. Majorem speciem habet illa conjectura, cum pag. 43 pro ἐκ ἀνέμεναιαν πυθέσθαι ἐδὲ βεηθήσαι τὰς συμμάχους, legendum censet transpositione levi: ἐκ ἀνέμεναιαν ἐδὲ πυθέσθαι βεηθήσαι τὰς συμμάχους; non sustinuerunt ne rogare quidem socios, ut sibi auxilium ferrent. Item illa pag. 46, cum jubet pro τὰ φύσει πεφυκότα καὶ τὰ θεῖα πράγματα, legere primo τὰ φύσει πεπηγότα, ut apud *Demosthenem Or. in Aristogiton. I*: τὰυτα τὰ καλῶς ἔτω πεπηγότα τῇ φύσει: deinde προτάγματα pro πράγματα. Quanquam non unum est, quod contra utramque dici possit. In *Demosthene* necessarium est πεπηγότα, quia respondet κτεῖν, μεταβίπτειν, ἀναιρεῖν, quorum nihil aut simile est apud *Lysiam*; deinde, etsi non dubium est, quin προτάττειν & πράττειν, προτάγμα & πράγμα, confusum sit a librariis, ut ipse *Marklandus* pag. 370 observavit, tamen hic illa confusio locum non videretur habere. Sermo est *Lysia* de naturali rerum constitutione, quam

Xerxes mutare ausus sit; cum Hellespontum junxisset, & *Atho* perfodisset. Sed de rebus naturalibus, earum ordine, natura, descriptione, πεφυκότα & θεῖα πράγματα dici, vel e *Xenophontis Memorab. Lib. I* notum est. Πράγματα quidem θεῖα etiam Latini eodem sensu *res divinas* in definitione Philosophiæ dicunt. Pag. 47 claudicat constructio, ut & *Taylorus* vidit, in verbis: Λακεδαιμόνιοι ἐδὲ ταῖς ψυχαῖς ἐνδεεῖς γινόμενοι, &c. defectu verbi. Itaque Cl. *Marklandus* putat, sic succurri huic loco posse, si pro γινόμενοι legatur ἐγείντο. Sed nobis durius videtur, verbum ἐγείντο referre ad ψευδέντες, &c. Itaque potius excidisse verbum finitum videtur, a quo participia pendeant, idque oppositum fuisse debet τῷ ἐνίκαν, quod de Atheniensibus dicitur. Pag. 55 ad hæc verba: πολιορκεῖν ταν δὲ κατὰ τὸν αὐτὸν χρόνον Αἰγυπτὸν τε καὶ Αἴθναν, *Stephanus* existimaverat pro Αἰγυπτὸν legendum Αἰθῶν. Sed *Marklandus* demonstrat, item ut *Taylorus*, e *Thucydide* Ægyptum huc maxime pertinere. Quoniam autem fortasse durius *Stephano* visum sit, aut alicui videri possit, πολιορκεῖν de regione dici, reponi posse πολέμειν. Vellemus, Viris doctissimis potius venisse in memoriam, hoc ipsum πολιορκεῖν etiam aliis Atticis scriptoribus improprie dici. *Xenophon* quidem *Memor. Socr.* de singulis hominibus τὸ πολιορκεῖναι dixit, & de regionibus quoque legisse alibi meminimus, sed locum nunc invenire non possumus. Quod si non ita esset, tamen defendi locus *Lysia* συλλήψει posset, frequentissima in bonis Autoribus, qua verbum jungitur Substantivis duobus, quorum uni tantum proprie convenit. Sed age, specimina observationum in Noxum Fœdus proferamus. Pag. 436 ostendit Vir Clarissimus, diphthongum ei permutari cum η, atque hinc emendat locum ad *Herodotus IX, 1*. Ibi vulgati libri sic habent: εἶχε μὲν ἡ πρώτη σκηὴ δικαιοῦματα λατρεῖας &c.. Noster autem putat, legendum ἐκείνη, ut intelligatur διαθήκη. Id, ait, requirere argumentationem *Paulinam*. Nam *Capitis* superioris v. 7 dixerat: εἰ γὰρ ἡ πρώτη ἐκείνη ἦν ἀμεμπτος, ἐκ αὐτῆς δευτέρας ἐξητήτο τόπος, & deinde ingreditur demonstrationem de primi fœderis imperfectione. *Capitis* autem νοηο. τῇ πρώτῃ oppo-

nitur

nitur v. 15 καὶνὴ διαθήκη, & v. 18 iterum ἡ πρώτη, id est, διαθήκη, commemoratur. Sane constat, multos adeo Codices MSos vocem σκηνὴ plane. omittere, pro eaque lectione Beza & Millius pugnant. Itaque etiam Cl. *Bengelius* in sua ἐκδόσει eam vocem omisit. De emendatione autem Cl. *Marklandi* jam *Mangeio*, ut ipse commemorat, & ut ex apparatu *Bengeliano* intelligitur, aliis, in mentem venit. Si de lectione profani alicujus Autoris ageretur, non dubium esset, quin e legibus criticis aut σκηνὴ omitti, aut ἐκεῖν reponi, deberet, nunc, cum de libris divinis agatur, & ii quoque aliquas rationes afferant, qui σκηνὴ retinendum censent, res, ut in aliis locis, tutius in medio relinquitur. Neque tamen eo quisquam dicet effici, incertam sapientiam divinam e sacris literis hauriendam, quod ne illa infinita quidem *Milliana* varietate lectionum, & plurimis illis Interpretum de sensu certorum locorum in utramque partem disputationibus, efficitur, ut Theologi recte docent, quod ex non ad summa & necessaria religionis capita pertinent. Quare videant, quid agant, caveantque, ne hostibus sacrarum literarum tela tradant, qui semper incertam fore (humanam) sapientiam veram clamant, si ex antiquis Græcis & Latinis Autoribus ea petenda sit, quia interdum de lectione aliqua, in numeris, prænominibus, &c., aliisque hujusmodi minutiis, paribus propemodum rationibus in utramque partem disputari potest. Quasi vero non possimus universam de officiis disciplinam *Ciceronianam* certo scire, etiamsi dubium quibusdam videatur, utrum *Lib. I Cap. ii Pompilius* an *Popilius*, & *Cap. 30 Sullam* & *M. Crassum*, an vero *Sulle M. Crassum*, legendum sit. Sed aliquod specimen afferamus observationum *Marklandinarum*. In *Orat. IX Lysie* Vir Clarissimus ostendit, pag. 554 verbum ἐξήλασαν interpretandum esse: *ejicere voluerunt*, eaque ratione capiendum *Jo. X, 32, 33, ληθάτε, ληθάμεν*. Sed deinde quaerit, an ex hac loquendi forma explicandum sit etiam istud *Act. VII, 58: καὶ ἐκβαλόντες ἔξω τῆς πόλεως ἐλθοῦσιν*; nam statim sequitur: καὶ ἐλθοῦσιν τὸν Στέφανον; & idem bis dici opus non erat. Ipsi quidem nequaquam verosimile videtur, aut idem bis dici-

rum historicum fuisse, vel eandem vocem, tantulo spatio interjecto, tam diversis notionibus usurpaturum. Igitur primo loco suspicatur legendum: ἐλθολόγην, lapides legebant: quod postquam factum, testes vestimenta exteriora deponunt, & deinde ἐλθοβόλην Stephanum. Nimirum in lapidationibus Judæorum judicialibus eligebatur lapis magnus, quem testes in damnatum primi mittebant. Hic, utpote insignior, ὁ λίθος videtur κατ' ἐξοχήν vocari, & inde explicandum videtur illud Jo. VIII, 7: ὁ ἀναμάρτητος ἐν ἡμῖν, πρῶτος τὸν λίθον βαλέτω, lapidem illum, velut testis legitimus, jus habeat primus mittendi lapidem illum magnum. Nam, nisi ita sumatur, superfluum esse articulum τὸν: cujus pleonasmī paucissima exempla ex scriptis Novi Testamenti proferri posse existimat, in quibus major, quam vulgo putetur, circa hanc rem sit ἀκριβεία. Jam vero, si testes magnum illum lapidem primi mittebant, quinam sint, requirit Vir Clarissimus, qui ἐλθοβόλην Stephanum priores, & antequam testes vestes posuissent? Hujus generis observationes, non sane triviales, quales sunt eorum, qui hodie e Lexicis & Schediasmatibus Academicis ἱεροφιλολογῶσι, plures in hoc Marklandino libello reperiuntur, quas hic referremus, nisi jam propemodum longiores justo fuisset, ac non adhuc restarent *Lectiones Lysiacæ Taylori*, de quibus dicenda quædam, sed pauciora, quam pro rerum copia. Consilium autem in his *Lectionibus* hoc *Tayloro* fuit, primo, ut si quid in *Notis ad Lysiam* minus recte aut perspicue dictum esset, id reprehenderet ipse, emendaret, illustraret, confirmaret: deinde, ut voluntati quorundam satisfaceret, qui de arido nimis notarum criticarum genere conquesti, quædam præterea succulentiora & quasi carnosiora afferri volebant, de Autoris indole, scribendi genere, de Atheniensium institutis forensibus, &c. Ergo non apud nos tantum, sed etiam in illa fortunata Insula, audiuntur de ariditate critica querelæ? Est sane mirum, ac prope dicam ridiculum, æquo animo ferre illos delicatulos tot sœcleta historica, philosophica, & item in ceteris disciplinis, quibus nihil siccius est atque jejuniū, subtilitatem autem illam, vel, si placet, ariditatem, in criticis rebus, plerumque necessariam,

sariam, repudiari, & quibusdam hoc unum ad contemptum Critici alicujus satis videri, si dixerit, ejus notas esse tantum criticas & aridas adeo. Hi scilicet sunt intelligentes illi, apud quos jacet *Burmamnus*, in cælo est *Pitiscus*. Est tamen, quare laudemus humanitatem facilitatemque *Taylori*, qua in satisfaciendo illorum hominum voluntati usus est. Ad Or. I pag. 1, 2, attulerat *Lyfias* ὁμωνύμος XVII; his addit Cap. I tres Pag. 676. alios. Deinde agit de curiis, in quibus de cæde cognoscebatur, inprimisque de *Delphinio*, quod habet nomen ab *Apolline Delphinio*; ipsum autem *Apollinem* δελφίνιον, vel δελφινον, rejectis aliorum opinionibus, dicit esse *uterinum*. Nam & *Diana* δελφινία dicta est. Conf. *Pollux* VIII, 10. Apud *Laertium* quidem in *Thalate* S. 29 διδυμαῖος & δελφίνιος Ἀπόλλων, ut synonyma, permutantur. Cap. II commemoratur primo de pretio, quod *Orationi Lyfiæ secundæ*, semper statutum est, & hac occasione data aliquot exempla plagii e Græcis scriptoribus commemorantur. E *Lyfiæ* Oratione, quam diximus, plurima sumit *Isocrates*, ex *Isocratis* Panegyrico *Aristides*. *Plutarchus* & *Phoebius* vitas X Oratorum scripsere, sed alter alterum exscripsit. Unus est liber *Plutarchi* de placitis *Philosophorum*, & *Galenii* Historia philosophica. *Philistus* *Thucydidem*, *Menander Antiphanum*, exscripsit; *Appianus* *Plutarchi* *Crassum* in Parthicis in loco de *Aristidis* Milefiacis. Ipse *Lyfias* noster non est liber ab hac culpa. Nam de *Aristophanis bonis init.* omnino eadem habet, quæ *Andocides* de *Mysteriis*, qui ante eum scripsit. In fine *Capitis* commemorantur, qui e veteribus de Plagio scripsere. Sed hæc pleraque, quemadmodum suspicatus est Vir Clarissimus, occupavit jam *Thomasius de Plagio*. Cap. III agitur de Orationibus funebribus, quæ Græcis antiquis, sive vere, sive falso, tribuuntur, *Platonis*, *Periclis*, *Lyfiæ*, *Hyperidis*, *Isocratis*, & *Archini*, deinde de hoc honoris genere in universum erudite disputatur. Sed in toto hoc *Capite* legendus est inprimis locus, 680-681. ubi ostendit primo, falsum esse, quod de Oratione *Isocratis* in funere *Mausoli* apud *Gellium* X, 18, quanquam dubius ipse, tradit, & *Suidam* potius sequendum, qui eam Orationem *Isocrati* cuidam juniore tradat: deinde, eam Orationem, quæ sub *Demosthenis*

mosthenis nomine circumferatur, in eos, qui ad Charoneam in prelio ceciderunt, non esse *Demosthenis*, neque ejusmodi, ut a mediocri Oratore proficisci potuerit, eamque, quam *Demosthenes* dixerit, intercidisse. *Cap. IV* varia de *Amazonibus* habet, interspersis plurimis locorum e Græcis Autoribus vel explicationibus vel emendationibus, quarum palmaris ad *Herodotum* pertinet, apud quem *Lib. IX Cap. 27* ita dux Atheniensium dicit: ἔσι δὲ ἡμῖν ἔργον εὖ ἔχον καὶ ἐς Ἀμαζονίδας τοὺς ἀποθήκας τὰς ἀπὸ Θερμῶντος ποταμῷ ἐμβαλόντας κατὰ τὴν γῆν τὴν Ἀττικὴν. Vocem ἀποθήκας corruptam esse apparet, sed in ea vera lectio latet. *Gronovius* putabat, legendum ἀποθήκας, sed hæc conjectura Nostro nullo modo probatur. Ipsi autem videtur scribendum ἀπὸ Θερμοκύρας τῆς ἐπὶ Θερμῶντος, docetque ex ipso *Herodoto*, *Strabone*, *Pausania*, *Apollonio Rhodio*, *Lycophrone*, & *Justino*, *Themiscyras* & *Themiscyrias* campos ad *Thermodonta* sedem propriam *Amazonum* fuisse, & eas inde ipsas *Themiscyrias* appellari. Unum *Herodoti* locum e *Lib. IV Cap. 86* adjiciemus, ubi totidem verbis: ἐς δὲ Θερμοκύραν τὴν ἐπὶ Θερμῶντι ποταμῷ. Neque vero mirum debet videri, ex ἀπὸ Θερμοκύρας factum esse ἀποθήκας, cum apud *Dionysium Halicarnassium* pro Δημήτριος, Δήμος, pro Θέσσαλος, Θάλλος reperiamus: & in libro *Aristoph. ad Ran. 33* pro Ἀντιγένης legamus hodie Ἀντίγης, & apud alios similia nominum compendia inveniantur. *Cap. V & VI* de *Andocide* est & quatuor Orationibus ejus, quæ hodie exstant, occasionem præbente Oratione *Lyxie* contra hunc ipsum *Andocidem*, ἀσεβείας reum, cui deinde luculentam Orationem de Mysteriis opposuit *Andocides*. In his *Capitibus* multa egregia ad historiam *Andocidis* pertinentia commemorantur, de Autore singularum Orationum disputatur, & quædam emendationes Orationum proponuntur. Non possumus facere, quin, quæ de *quartæ* Autore dicuntur, hic in compendium mittamus, & cum lectoribus nostris communicemus. Primo disputatur in hac Oratione, quis e tribus decennali exilio, quem *Ostracismus* vocabant, plestendus sit, *pag. 29 ed. Steph.* deinde Orator *pag. 33* memorat, se esse genere humili ortum, & *pag. 34* exponit, quibus lega-

legationibus honorifice & cum salute civitatis functus sit. Jam hæc non conveniunt in *Andocidem*. Nam primo *Andocidem* cum *Alcibiade* & *Nicia* de Ostracismo decernisse non constat; secundo ignobilitas in *Andocidem* non cadit, qui alibi nominis splendorem, majorum res gestas, jactat; tertio *Andocides* peragravit quidem Siciliam, Italiam, Thessaliam, aliasque regiones, verum privatus, non legatus a civitate, ut e *Lysia* discimus. Neque Pag. 106. vero *Lysias* est hujus Orationis Autor, ut *Athenæo* visum *Lib. IX extr.* Nam verba, quæ ab eo adducuntur, sunt illa quidem in hac Oratione pag. 33, sed potuit hæc verba & *Lysias* & Autor hujus Orationis usurpavisse, nisi *Athenæus* in ipso nomine cespitavit: certum enim est, eam ad *Lysiam* non pertinere. Ad quem igitur? Ad *Phæacem*, obscurum hodie nomen. Is vixit cum *Alcibiade*, & in *Schol. Aristoph. ad Equit. v. 1374* appellatur *δενδρὸς Πύρρος*, uti Comicus eum nominat. Is, causa capitis dicta *ἐναντιοφύστω*, facundiæ salutem debuit. In hunc omnia illa, quæ supra diximus, conveniunt. Nam 1) *Plutarchus* in *Alcibiade* autor est, de Ostracismo certatum esse inter *Phæacem*, *Erasistrati* filium, *Niciam*, & *Alcibiadem*; 2) *Phæax* obscuro genere fuit, nec *Erasistrati* gens in Historia antiqua dignitatem habet, sed eam primus nobilitavit *Phæax*; 3) belli Peloponnesiaci anno decimo *Phæax* cum duobus collegis missus est legatus in Italiam atque Siciliam ad confirmandos sociorum animos, ceterorumque irritandos adversus Syracusios, eique legationi ex parte satisfacit, teste *Thucydide V, 4*. Huc accedit res, qua certissima efficitur *Taylori* sententia. Autor Orationis pag. 33 init. dicit, *Alcibiadem τὰ πομπεῖα civitatis ab architheoris summis, ὡς εἰς τὰ πινάκια τῇ προτέρᾳ τῆς Συρίας* (ita recte emendat pro *βαίης*) *χρησόμενον*, neque deinde reddere voluisse, &c. *Plutarchus* autem in *Alcibiade* tradit, esse quandam Orationem *Phæacis* contra *Alcibiadem*, in eaque scribi *Alcibiadem τὰ πομπεῖα civitatis χρεῖσται καὶ ἀργυρεῖα* mutua summis, & omnibus usum esse pro suis, &c. Quid clarius certiusque dici potest? Est ergo illa, quæ *Andocidi* vulgo tribuitur, *Phæacis* contra *Alcibiadem* Oratio. Cap. VII disputatur de inepto libello de decem Rhetoribus, qui falso *Plutarcho* inscribuntur, &

vita *Antiphontis* percurritur. *Cap. VIII* quædam ad Orationem *Lysia* contra *Andocidem* afferuntur. *Cap. IX* duo fontes mendarum in *Hesychii* Glossario indicantur, & octoginta circiter ejus loca emendantur. Illi fontes sunt, cum vox alienam sedem occupavit, aut quod excidit litera initialis, aut quod vestigia sua & imaginem dissimulavit, ut cum alia litera simili permutteretur. Ex illo genere est ΔΤΡΕΣΘΑΙ pro ΟΔΤΡΕΣΘΑΙ, ex hoc ΑΗΤΑΙ pro ΑΗΤΑΙ. *Cap. X* habet juris Attici commendationem, promittitque Commentarium de Republica Atheniensi, adjunctis variis ex eo genere observationibus; *Cap. XI* autem recensentur 27 leges Atticæ, apud *Lysiam* obviæ, eæque plurimis eruditis observationibus illustrantur. Denique *Cap. XII* *Lysias* pluribus locis & obiter alii scriptores emendantur. Sed cum ex his Lectionibus, tum ex toto Opere *Tayloriano*, intelligitur, Virum Clarissimum esse, cum in Orationibus Græcis, tum in omni genere Scriptorum Græcorum, versatissimum, neminemque hodie facile esse, a quo melior *Demosthenis* editio, & Commentarius de Republica Atheniensi, expectari possit.

SPECIMEN VARIÆ LITERATURÆ, QUÆ IN urbe Brixia, ejusque ditione, paulo post typographiæ incunabula, florebat, scilicet vergente ad finem Seculo XV usque ad medietatem Seculi XVI. Unde, præter Brixiani ingenii gloriam, tam Annalium typographicorum series, quam historia literaria temporis illius, quæ bonarum artium renata sunt studia, illustrantur. Pars prima Poetas Latinos aureæ & argenteæ ætatis, quos Brixiani Scriptores illustrarunt; Pars altera Grammatica, Oratoria, Poetica, Philosophica, complectitur.

Brixia, excudebat Jo. Maria Rizzardi, 1739, 4 maj.

Alph. 3 plag. 1 ½

Eminentissimus ac Reverendissimus, hujus libri Autor, *Angelus Maria Quirini*, Cardinalis, idemque Episcopus Brixienfis,

xienfis, cujus jam ex merito aliquoties in his *Novis Actis* cum summa laude mentio facta est, inter varias occupationes graviores de elegantioribus literis præclare mereri pergit, Seculo tertio typographico ad finem decurrente, de incunabulis typographiæ, quatenus ad Brixiam pertinent, erudite commentatus. Quæ una ratio est, Historiam literariam digne illustrandi, si non generatim, obiter, & perfunctorie, quivis omnia exhaustire se posse opinetur, sed si Viri docti & eminentes urbis unius aut regionis, in qua velut domi suæ diu versati sint, monumenta accurate & cum cura eruant, & ab oblivione vultustatis vindicent. Et primi quidem scriptores Brixienfes, qui in nascentis typographiæ tempora inciderunt, non satis digne habiti deprehenduntur in *Brixiana Leonardi Cozzandi Bibliotheca*, ut diligentius studium Eminentissimi Cardinalis expectasse videantur; qui, cum ex Brixianis Bibliothecis ipsos libros ad manus haberet, potuit Fragmenta, Præfationes, Epistolas, in libris obvias, & in iteratis editionibus sæpe perperam omiffas, aliæque, ad literarum historiam, cum Brixianam, tum finitimorum, pertinentia, fide dignis documentis enarrare, & non *Cozzandum* modo, sed & *Maittairei Annales Typographicos*, *Comneni Papadopoli Gymnasium Patavinum*, aliosque Scriptores, vel emendare, vel supplere. Secutus est in ordine veterum Bibliothecam Latinam *Fabricii*; adeoque primus ipsi est *Plautus*, is vero a *Georgio Merula* Venetiis A. 1472, & iterum Tarvisii A. 1482, pag. 1. ac rursus, *Merula* jussu, Mediolani A. 1490 ab *Eusebio Scutario Vercellensi*, vulgatus primum erat. Prodierant etiam in eadem Comœdias *Joannis Baptiste Pii*, Bononiensis, & *Bernardi Saraceni*, Veneti, Commentarii. Ex quarum editionum Præfationibus appareret, quousque expolitus fuerit *Plautus*, antequam Brixianus quisquam manum ei admooveret. In *Scutarii* Epistola reperitur catalogus scriptorum *Merula*; deinde docetur, *Merula* *Quæstiones Plautinas*, sæpe promissas, lucem non vidisse. Post horum conatus *Pylades Buccardus*, Brixianus, 18 *Plauti Comœdias* diligenter correxit, & quinque interpretatus est. *Joannes Britannicus*, Brixianus, post *Pyladis* mortem *Plautum* edidit Brixie A. 1506, imprimente *Jacobo Britannico*. Præ-

P. I

pag. 1.

11.

14.

- Pag. 24. fert illa editio *Pyladis* ipsius Epistolam, qua stilo mordacissimo in *Georgium Merulam* non modo, sed & *Pium* ac *Saracenum*, invehitur: & hanc quasi honoris & urbanitatis formulam, *pace utriusque dixerim*, præfatus, vix tandem, inquit, eorum ineptias & futes commentationes excussimus, quibus ad tria errorum millia debacchati universum fere *Plauti* ipsius codicem sædis maculis oblitum reddiderunt, ut, qui ante *Georgium* agrotabat, his duobus veluti insulissimis Medicis ad extremam perniciem deductus, & pene conclamatus censeretur. Atqui & ceteri suos herculeos labores jactaverant, & *Saracenus* inprimis in Epistola, *Enarrationibus* & *castigationibus* in *Plautum*, quæ sunt *Venetiiis A. 1511* editæ, præmissa, castigationes suas omni veritate veriores prædicaverat: ut in ea quoque ætate reflorescentium literarum familiaria quibusdam Criticis vitia, factum & maledicentiam, agnoscas. Nec defuit *Pyladi* censor satis acerbus & *Merula* vindex, *Thadeus Ugoletus*, *Parmensis*, ut apparet ex editione *Plauti* *Venera* anni 1518, quam *Lucas Olchinenfis*, *Canonicus*, curavit
31. ex collatione *Florentinæ* editionis fidelioris. Nam, præter alias *Pyladis* corruptiones, *Ugoletus* in Præfatione carpit, quod is 170 versus adulterinos *Amphitruoni* inseruerit, & forte ipsemet confinxerit. *Ugoletus* cum aliis Codicibus usus est, tum *Basilens*, exscripto ex eo exemplari, e quo duodecim ultimæ *Comædiæ Plautinæ* emanasse traduntur. Editionis autem hujus autor *Lucas Olchinenfis*, lites istas Cristicorum suas minime faciens, omnium, quas invenire potuit, lucubrationes in *Plautum*, *Vallæ*, *Saraceni*, *Pyladis*, *Pii*, *Ugoleti*, *Grapaldi*, & suas ipsius, junxit
42. cum vulgavit. In editione autem *Parisiensi*, ex *Simonis Charpentarii* recognitione sine anni commemoratione impressa, *Barbary*, *Pii*, *Vallæ*, *Saraceni*, *Merula*, *Politian*, & *Beroaldi*, labores exhibentur, omissis *Pyladis* lucubrationibus; non, quod has indignas judicaret editor, sed quod forte nondum vidisset. Eminentissimus *Cardinalis*, uti pag. 38 non diffitetur, acerbius, quam par erat, habitum a *Pylade* fuisse *Georgium Merulam*, *Pyladem* tamen ab invidia suppositorum *Plauto* carminum vindicat, quoniam *Aulularia*, pariter imperfecta, nihil attexit. Id vero reprehendit in *Pylade* maxime, quod *Plautum* cogens sub carmi-

carminum leges ipsi insuetas, pristina forma exuerit. *Aululariam* imperfectam 122 versibus supplevit *Antonius Codrus Urceus*, & ipse, si majores ejus, ex Urceis, oppidulo Brixianorum, oriundos, species, ad Brixianos referendus; quod *Codri* supplementum magni fecerunt & exhibuerunt melioris notæ editiones. Obiter varia afferuntur de *Codri* meritis & morte. *Terentio* inter Brixianos operam suam navavit *Jo. Calphurnius*, scriptis in eum *Commentariis*, quos tanti fecerunt editores *Terentii* Hagenses anni 1726, ut *Ælii Donati* locum *Calphurniana* obtineat enarratio in *Heavrontimorumenon* Comediam, ad quam *Donati* *Commentarius* desideratur. Neque vero satis recte suspicatur editor, quasi *Calphurnius* obtruserit *Donati*, quem forte integrum possidebat, enarrationem pro sua. Sed nec editori notus satis fuit *Calphurnius*; inquiring, *Calphurnius Brixienfis*, quisquis ille fuerit. Fuit autem Patavii diu satis humaniorum literarum Professor, quem *Jo. Pierius Valerianus* in libro de infelicitate literatorum scribit auditum a se puero, qui in eadem urbe decessit, ubi in templo S. *Joannis* ad Viridaria exstat ejus sepulchrum cum simulacro. *Commentarium* hunc ex tempore distitavit *Antonio Moreto*, eruditissimo Brixiano adulescenti, ut docet Epistola ipsius *Calphurnii*, præfixa Venetæ editioni *Terentii* anni 1476. Is *Moretus* Correctoris munus diligenter exercuit, a multis laudatus, quanquam in Catalogo Correctorum *Maittairei* omissus. Dicitur etiam *Calphurnius* totum *Terentium* castigasse & emendasse. *Catullus* pariter *Calphurnii* castigationibus emendatus est, ita, ut *Hieron. Avanti* in Epistola, Venetæ editioni anni 1520 præmissa, scribat: *Quis ante Calphurnii castigationem Catulli scripta non stomachosius attingebat?* Editio *Catulli* Brixie evulgata fuit A. 1486. Unum tamen exemplum vidi, inquit Eminentiss. Cardinalis cum nota an. 1485, 8 Id. April. licet una & eadem omnino sit editio, impressa per Boninum de Boninis de Ragusia, ut palam fiet cuique, linearum positionem & literarum ductum inspicienti. Solebant autem haud raro typographi eorundem librorum exemplis quibusdam notam aliquando inscribere anni proximi, aliquando secundi, & aliquando etiam tertii, ut recentes apparerent; qui dolus jam ab aliis animad-

Pag. 45.

50.

54.

49.

versus mihi demonstrat, notam anni 1485, qua Catulli liber signatur, magis genuinam habendam esse in editione illa Brixienſi, quam notam anni 1486. Fortasse prior illa, quæ soli Catullo appoſita reperitur, quod eo anno 1485 ſolum ederet Catullum Boninus, in ſubſequentis anni notam ab eodem commutata fuit, quod ſubſequenti anno Tibullum & Propertium ediderit, eosque in unum volumen cum Catullo redegerit. Poſt inſertas Epiſto-

- Pag. 76. las, huic editioni præmiſſas, idem pergit: Tandem, quod ſpectat ad Brixianam Catulli editionem, Lectorem monitum facio, in nonnullis ejusdem exemplaribus ſolum Propertium Catullo jungi, in aliis vero plerisque Propertium atque Tibullum; Propertium quidem cum notis valde concisus Domitii Veronenſis - - Tibullum vero cum Commentariis Bernardini Cyllenii, itidem Veronenſis, - - nec non vita ejusdem Poeta. Horatius illuſtratus eſt a Joanne Britannico, Brixiano, qui ejus *Artem poeticam*, *Sermones*, & *Epistoſas*, perpetuis notis expoſuit: alienus omnino ab illa Pyladis acerbitate in alios, ut longa etiam ſerie viros a renaſcentibus literis bene meritos de veterum ſcriptis, cum inſigni quemlibet elogio reſenſeat in Epiſtola præmiſſa, Quo minus autem hujus Commentarii Jo. Britannici mentio ſit vel in editione Baſileenſi anni 1580, fol., quæ XL Grammaticorum Commentarios pollicetur, vel in *Annalibus typographicis Maittairii*, vel in *Fabricii Bibliotheca Latina*, eo major gratia debetur Eminentiff. Cardinali, qui illius notitiam ſuppeditat. Neſcimus autem, quo pacto acciderit, ut nec locus, nec annus, nec forma, editi hujus Commentarii in Specimine hoc literaturæ Brixianæ annotentur. Vincentius quoque Madius, Brixianus, Philoſophiæ Profeſſor Ferrarienſis & Patavinus, *Artem poeticam Horatii* inſigni Commentario illuſtravit, cujus Præſatio ex Veneta editione anni 1550 exhibetur. Inſtitutum ejus eſt, non verba Horatii exponere, ſed oſtendere, quomodo is imitatus ſit Ariſtotelis *Artem poeticam*, quam ipſam quoque ante Horatium Madius explicatam dedit. Ovidius Jo. Calphurnii, ſuperius jam laudati, ſtudio prodiit Venetiis A. 1474, imprimente Jacobo Rubeo. Verum Raph. Regius magna virulentia in Calphurnium, velut Raphaelis enarrationes pro ſuis edentem; debacchatus eſt, ut ap-
- paret

paret partim ex editione *Ovidii* Mediolanensi anni 1518, partim ex Veneta anni 1540, partim ex Disputatione & Dialogo cum *Calphurnio*, Venetiis A. 1490 evulgato, in quo, præter alia atræ bilis indicia, non veretur illum *quendam Calphurnium Bessiam* sæpius nominare, qui pro *Joanne Bergomensis*, propter odium in patriam, maluerit *Calphurnius Brixienfis* vocari. Scilicet hæ rixæ inde natæ, quod *Calphurnium* competitorem cathedræ Patavinæ habuerat; unde mirum est, eum, qui Historiam Gymnasii Patavini duobus amplis Voluminibus dedit (*Nic. Commenum Papadopoli*), nec turbarum illarum mentionem fecisse, nec *Raph. Regii*, licet Patavii diutius docuerit, seu scripta, seu nomen, memorasse. Ad refellendas *Raphaelis* calumnias producit *Marini Becichemi Defensio pro Calphurnio ex Becichemi prælectionibus in Plinium*, ubi testatur, *Calphurnio* aliisque furripuisse pleraque *Raphaelem*, *Calphurnium* vero cum longe doctissimum, tum vitæ innocentissimæ, fuisse, adeo, ut in nemineri inimicitias exercuerit, & ad maledicta *Raphaelis* non responderit. Idem *Marinus Becichemus*, licet patria Scodrensis, magnum tamen Brixianæ Academiæ ornamentum, huc pertinet propter *Annotationes in Ovidii Heroidas*, quas exhibet editio Veneta anni 1525 per *Jo. Tacunum*, in qua & alia *Heroidum* Commentaria exstant, sicut & in Brixiana *Heroidum* editione anni 1533 & 1560. *Lucanus* prædierat cum Commentariis *Omniboni Vicentini Leonicensi* Venetiis A. 1475. Sed, cum ea Commentaria adeo depravata circumferrentur, multasque ineptias & fabellas continerent, ut, *Omnibonum* ipsum Autorem esse, credi vix posset, *Jo. Faberius*, Brixianus, eadem castigavit, & recisis ineptiis, additis necessariis, edidit Brixie A. 1486. Adjungitur *Jo. Britannici* Epistola ad *Hieronymum*, Advocatum, in qua ejus *Hieronymi* editionem *Vitruvii* commemorat, priorem proinde illa Florentina anni 1496, quæ alias prima haberi solet. *Persius*, difficilis & perobscurus scriptor, non deterruit *Jo. Britannicum*, Brixianum, quo minus illum suis interpretationibus illustraret. Prodiit illa *Persii* editio Brixie A. 1481, per *M. Gabrielem Tarvisinum*, & *Paulum*, ejus filium. Alia existat editio *Persii* Brixiana sine notis anni 1473, utraque *Maittaire*

Pag. 96.

103.

106.

114.

119.

125.

Pag. 135. *tairio & Fabricio* non memorata. *Commentaria Britannici* occurrunt etiam in editione *Persii* Veneta anni 1520, cum *Commentario Cornui Philosophi, Barth. Fontii, & Jo. Bapt. Plautii. Statii Achilleida* interpretatione explicavit idem *Jo. Britannicus* Brixiae A. 1485, per *Jacobum Britannicum*: quod Poëma is non, ut plerique, pro imperfecto habet, quia *Statius* non omnia *Achillis*, sed tantum omiſſa ab *Homero*, enarrare voluerit. *Juvenalis* item debet eidem *Britannico* Commentarium, editum Brixiae A. 1501, quamvis priorem hac editionem fuisse appareat ex *Ascensiana Juvenalis* editione, ubi Epistola ejus, data A. 1498, jam *Commentariorum Britannici* publice propositorum meminit. Ea *Commentaria* magni fieri ab eruditis, docet editio *Juvenalis & Persii* Amstelodamensis anni 1684, quemadmodum ejusdem in *Statium* *Commentaria* utramque paginam faciunt in *Statio*, Lugduni Batavorum A. 1671 edito:

- P. II
pag. 1. *Grammatica* in scholis per Secula barbara viguerat *Maximiani*, & post eum *Alexandri de Villadei Doctrinale*. Verum, cum is stilo barbaro falsa multa, multis ambagibus, carmine cecinisset, *Pylades Buccardus* nugae *Alexandri Annotationum* libello confutandas suscepit Brixiae A. 1500, typis *Jac. Britannici*. Scripsit præterea novum Opus, quod *Grammaticarum institutionum regulam & carmen scholasticum* inscripsit, cujus tertia editio prodiiit Brixiae A. 1498, per *Jac. Britannicum*. Scripsit etiam breve *Vocabularium*, metrice, ibidem A. 1498, per eundem. *Jo. Britannicus* edidit *Regulas Grammaticas ad institutionem Darii, Hippolyti, & Pomponii, filiorum*, Brixiae A. 1493, apud *Angelum & Jacobum, Britannici* fratres. *Christoph. Barzizius* (alius a Bergomate ejusdem nominis, *Medicinae Professore Patavino*), vulgavit *Grammaticas institutiones* Brixiae A. 1492, per *Bernardinum Papiensem*. *Jo. Franc. Stoa, Quintianus, Epographias, sive de syllabarum quantitate*, scripsit Venetiis A. 1519, in quo libro miram de se jactantiam prodit. *Stoa* cognomen assumpsit, quod olim a commilitonibus *per Stoa* appellaretur; & *Quintiani*, propter nobilitatem nominis apud veteres, præsertim cum esset ex *Quintiano*, oppido *Britannianæ* ditionis. Fuit Criticus alti supercilii, cui non infrequens

quens hoc: *Quintiani periculo sic legas*; nemini parcit, ne doctissimis quidem, ignaris præsertim sacerdotibus & concionatoribus infestus; in horrido & obsoleto dicendi genere facundiam quærit, *Beroaldum* & *Pium* imitatus. Idem *Stoa* contra *Jo. Tortellii Aretini Grammatica Commentaria* Annotationes scripsit, ut docemur ex *Cap. 31 Epogr. I. Pauli Suardi*, Brixiani, Opus grammaticum, omnino editum, nondum videre contigit; sed errorem grammaticum *Suardus* prodit in Epistola ad *Petrum Federici*, posse aliquem sine Græcis literis doctum & Polyhistorum evadere. Imo, errores eundem in doctrina fovisse, suspicio est: fuerunt enim tum plures Brixie pravis opinionibus imbuti, adeo, ut *Bernardinus Macius*, Brixianus, in Epistola ad *Thomam Lambertum* amici ejus *Lamberti* ineptias memoret, qui tam obstinate induruerit in opinione evidenter falsa, quod essent plures *Dii*. Palmam superioribus Grammaticis præripuisse videtur critica arte & stili virtute *Augustinus Saturnius Lazaro*neus in *Mercurio* majore, sive *Grammaticarum institutionum Libris X*, editis Basileæ A. 1546, & Lugduni A. 1556, *Prisciano* tamen interdum & *Donato*, reliquisque ante ipsum Grammaticis, imprimis autem *Laur. Vallæ*, iniquior, & inter eos referendus, qui pro literula aut voce conviciis pugnant, & in mustaceo lauream quærunt, id quod multa ex *Mercurio* ejus producta loca docebunt. Sed ita mos fuit illorum temporum. *Saturnius* ipse *Lib. I Cap. 25*, Memini, inquit, adeo duos, cum essem Mantuæ, haud incelebres Grammaticos (nominibus parco) inter se concertasse, Latinene diceretur, mihi opus est hanc rem. Quorum alter, sola ratione nitens, cum negaret, alter vero, *Prisciani* *Diomedisque* opinione fultus, contra instaret; post plurima ac turpissima convicia, quibus mutuo sese lancinaverunt, (sic enim nostræ tempestatis disputant Grammatici,) parum abfuit, quin a verbis ad colaphos, maximo omnium risu, devenirent, questione nimirum relicta insoluta atque inexplicata. *Calpurnius* etiam de Grammatica non male meruit, quando *Nic. Perotti Compendium Grammaticæ*, editum A. 1475 per *Gabr. Petri de Tarviso*, præmissa Epistola, Brixianis scholis commendavit, *Alexandri Doctrinale* explosit; quod idem *Perotti*

Pag. 30.

34.

51.

59.

61.

- Compendium* edidit etiam *Scalabrinus de Agnellis de Tusculano lacus Benaci* A. 1480. *Bartbol. Parthenius*, Benacensis, *Juniani Maji Parthenopai* Opus de *priscorum verborum proprietate*, multis maculis inquinatum, recognovit, editum Tarvisi A. 1480
- Pag. 63. per *Bartbol. Confalonarium*, Brixientem. *Jovita Rapicius*, Brixianus, scripsit libellum de *puerili institutione* ad Bergomates, ubi per 15 annos ludum literarium rexit; ex quo libello Proœmium affertur & integrum Caput de officio specialium Magistrorum, quæ non indigna sunt lectu. Editus est hic libellus Venetiis A. 1551, ut infra pag. 203 docetur. Est & in ejusdem *Rapicii* Epistola, qua *Jacobi Petrecini*, Castionatis, & Brixianæ juventutis præceptoris, *Commentarios in Terentiani Mauri libellum de literis, syllabis, pedibus, ac metris*, commendat, præmissa editioni Venetæ anni 1533. *Corn. Donzellinus*, Brixianus, *Methodum lingue Græcæ* Libris IV. edidit, quam exhibent Basilenses *Jo. Oporini* typi A. 1551, alios etiam de Dialectis & Syntaxi libellos est pollicitus. Dignus est habitus, qui ea tempestate Mediceorum Principum studiis præficeretur. Obiter Benacensis typographiæ ætas, quam ad A. 1523 referunt *Annales typographici*, ostenditur longe antiquior fuisse, cum ex *Compendii Perottiani* editione anni 1480, supra memorata, tum ex *Grammatica Aldi Manutii*, edita A. 1519 Tusculani in ædibus *Alexandri de Pagninis*, quæ editio repetita ibidem A. 1532.
- Oratoria ars quem habeat finem, disputatum fuerat multis, præcipue inter *Matth. Collatium*, Siculum, & *Bonifacium Bernbum*, Brixianum: ad quam litem componendam *Christoph. Bärzizius*, Brixianus, libellum scripsit de *sine Oratoris pro Ciceronis & Quintiliani assertione*, Brixie A. 1492 editum, per Presbyterum *Baptistam de Farsengo*. Id agit præcipue, ut, a *Cicerone*
92. *Quintilianum* non dissentire, ostendat. *Jovita Rapicii* exstat Sermo de *præstantia earum artium, quæ ad recte loquendi, subtiliter disputandi, & bene dicendi, rationem pertinent*, Venetiis A. 1544 publicatus. Idem de *Oratorio* numero Libros V vulgavit A. 1554 in ædibus *Pauli Manutii*, in quo scripto contra *Melanchthonem*, *Gerh. Bucoldianum*, & *Jac. Lud. Stebeum*, disputat, numeri rationes & præcepta dari omnino posse, quod illi negaverant.
- Ejus-

dem est Oratio duplex, prior ad Venetianum Senatum pro Bergomatibus, altera in funere *Pauli Zancbi*, Bergomatis Jcti, Venetiis A. 1561 edita, item alia Oratio de *Andr. Griti*, Venetorum Principis, laudibus & meritis, Venetiis A. 1533 impressa. *Benedicti Britannici* exstant Orationes funebres 53, Brixiae per fratres *Britannicos* A. 1507 publicatae, & *Gregorii Britannici* Sermones funebres & alia lucem viderunt Venetiis A. 1505, per *Petrum Bergomensen*. Uterque, & *Benedictus* & *Gregorius*, fratres, uterque Ordinis Prædicatorum, quorum alterum ab altero, & collectionem Orationum a Collectione, non distinxit *Jac. Echard* in *Scriptoribus Ordinis Prædicatorum Tomo I pag. 893 seq.* Ex *Gregorii* libello adducuntur & illustrantur quædam, ad Brixiam & temporum illorum historiam, alia item ad *Britannicorum* familiam, & ad res *Caroli Zeni*, *Becichemi*, pertinentia. *Jo. Marius Matius*, Professor Brixianus, scripsit libros *Annotationum & Opinionum in varios Autores Latinos Græcosque*, quarum Cap. 2 probare contendit, libros *Rhetoricorum ad Herennium* non esse *Cornificii*, sed *Ciceronis*, quod occasionem præbuit controversiæ inter ipsum & *Ant. Riccobonum*, contra quem *Matius* brevem defensionem scripsit. *Marius Nizolius* in *Ciceronem* edidit *Observationes*, ad *Oratoriam* spectantes, quæ huc pertinent, non quod ipse Brixienfis fuerit, quod falso traditur in editione Veneta anni 1576, sed quod in Brixiano solo primum lucem adspexerint, scilicet apud Pratum Albuini A. 1535, cujus editionis nulla mentio in *Annalibus typographicis*. Obiter quædam de ejus *Thesauro Ciceroniano* & controversiis traduntur. *Nic. Perrotti Cornii* Copiæ recensuit *Ant. Moretus*, Brixianus, in editione Veneta anni 1490, in qua tamen fraus *Moreti* notanda, qui *Perrotti* Epistolam, *Guarnerio* in aliis editionibus inscriptam, sibi inscripsit. Ex *Perotto* profecit *Ambr. Calepinus* in suo *Vocabulario*, cujus exstat editio Benacensis anni 1522.

Pœtica scripta Brixianorum sunt *Jo. Francisci Stoa Quintiani*, quæ exstant in Operibus ejus, quæ magnificis typis edita sunt Lutetiæ Parisi, A. 1514. Tragedia ejus de *Passione Domini* inserta est etiam *Poematibus sacris Jo. Oporini* A. 1542, & *Disticha ad fabulas Ovidii* viderunt lucem Papiæ A. 1506.

- Cleopolis*, sive *de laude Parisiorum*, & aliud Poema *de Orpheo*, editum est Parisiis A. 1514, per Jo. Salmonium Maternum. Vixit aliquamdiu Parisiis *Stoa*, sed, Universitatis Rectorem & *Francisci I* præceptorem fuisse, non est certum. Tolerabilior ejus poe-
 sis, quam prosa. *Faustus Sabæus*, Clarii, municipio Brixianorum, natus, quanquam Regum Galliæ *Francisci* & *Henrici* gratiam jactat, & apud septem Pontifices a *Leone X* usque ad *Paulum IV* officio Custodis Bibliothecæ Vaticanæ functus, ac pro ea amplifi-
 canda ad extremas usque Septentrionis plagas missus est a *Leone X*, tamen ubivis de paupertate extrema queritur, munera-
 que sibi dari postulat, faceto interdum, mox & acerbo, carminis genere. *Epigrammatum* ejus *Libros V* ediderunt Romæ *Valerius* & *Aloysius Dorici* fratres, Brixienfes. Sunt in iis varia, ad res Pontificum, Cardinalium, tum & virorum clarorum, sui tem-
 poris spectantia, quorum non pauca adducuntur. *Liber IV*, quem *de Amoribus* inscripsit, mollibus obscœnisque jocis redun-
 dat. Tres alios *de Amoribus* libros, a se compositos & amissos, deplorat pag. 840. *Arnobii Disputationes* Romæ A. 1552 apud *Franc. Priscianensem* editæ sunt hujus *Sabæi* sumtibus: quod, mi-
 rum, fieri potuisse in tam nitida editione ab homine, qui ubivis
 192. paupertatem suam dolet. *Jovita Rapicii* poesis castior & sanctior *Psalmorem Paraphrasi* dicata suit, quæ digna videtur, ut mini-
 me delitescat, quod illi tamen contigit. Affertur ex ea Para-
 phrasis *Psalmi XXII* & *CXXXVII*, collata cum *Flaminii* & *Buchanani* translatione. *Rapicii Paraphrasi Psalmorum* additi sunt
 204. *Hymni in Sanctos aliquot*, & *Justitiæ Encomium*. *Jac. Bonfadio* patria fuit Gazanum, vicus ad Benacum, prope Salodium, non Verona, ut alii tradunt. Patriam certe ipse suam collaudat, non tantum in Epistolis, sed in Latino Poemate, quod in spe-
 cimen artis ejus poeticæ adducitur. *Bonfadium* tamen non magis, quam *Rapicium*, inter Poetas referunt *Scaliger* & *Gyral-*
 209. *das*. *Nic. Siccus*, Brixianus, Poetæ nomen meruit ob carmina satis culta, quæ *Taygeti* collectio complectitur. Clarus item militia & rebus agendis, ut qui Vercellensem urbem e Gallo-
 rum manibus fortiter recepit, & legatione Constantinopolitana functus est nomine *Ferdinandi*, Regis, Præfecturam item justitiæ
 Me-

Mediolani administravit. Adducuntur quædam ejus carmina; Epigramma in *Varchium* non esse *Sicci*, sed ipsius *Varchii*, ostenditur. *Barthol. Theanius* scripsit Poemata plurima, tum & Carmen de clade & depopulatione *Brixiana*, Brixia A. 1561 editum per *Ludovicum a Sabio*, cui etiam alia subjunguntur. Quædam etiam reperias in *Brixiana Taygeti* collectione: in qua & sunt nonnulla *Cæsaris Duchi*, plura tamen in libello, Brixia edito A. 1570, Carmina Academicorum *Occultorum* complectente. Sequuntur reliqui Brixiani ex *Taygeti* collectione, & ipse tandem *Jo. Ant. Taygetus*, cum aliis, ex posteriore collectione Academicorum *Occultorum*. Obiter agitur de Academia *Occultorum*, quæ, cœpta A. 1563, haud diu duravit, scilicet viginti ad summum annos, excipiente illam Brixia Academia *Assiduorum*. *Jo. Brunonii Gambaræ*, Brixiani, Poemata quædam repetuntur ex *Franc. Spinule* Poematibus, ubi & de *Spinula Paraphrasi Psalmorum*, Basileæ A. 1548 edita, de qua & pag. 202 dictum erat. *Vinc. Zini*, Brixiani, tres Carminum Libri viderunt lucem Venetiis A. 1560. *Josephus Milius Voltolina* Poema scripsit de hortorum cultura, Brixia editum A. 1574, typis *Vinc. Sabii*, quod *Nic. Rapino* in Præfatione ad Libros IV Hortorum ignotum fuisse, non mirum est, cum *Voltolina* a Brixianæ Bibliothecæ scriptore, perinde ut *Zinus*, omittatur. *Voltolina* exstat & aliud Poema sub titulo: *Hercules Benacensis*, vulgatum Brixia A. 1575. *Laur. Gambaræ* Carmina prodierunt Romæ A. 1581 & 1586, item Basileæ A. 1555, inter quæ non infimum est de *Columbi navigatione*, de qua & aliud prostat Poema, a *Jul. Cæs. Stella* scriptum, editumque Romæ A. 1589. *Theophilus*, Monachus Brixianus, de vita solitaria & civili scripsit Carmen, Brixia A. 1496 publicatum. *Titus Prosper Martinengus*, Brixianus, Monachus Benedictinus, Poemata sacra composuit, tribus Tomis edita Romæ apud *Franc. Zanettum* A. 1589 & 1590, quorum duo Tomi Latina, tertius Græca, carmina complectitur. *Ubertinus Posculus*, Brixianus, plura scripsit Carmina, quorum nullum typis evulgatum. Celebris est præcipue ejus *Constantinopolis*, sive de Urbis excidio per Turcas. *Jo. Galphurnii* inseritur Carmen de Simone infante, Tridenti a Judæis mactato, cujus nullam videntur notitiam habuisse

- buisse Autores *Actorum Sanctorum ad 24 Martii*. Exstat vero in Vi-
 Pag. 296. centina editione *Catulli, Tibulli, &c.* anni 1481. *Pylades Buccar-*
duſ Hesiodi Theogoniam elegiacis versibus expreſſit, quæ in variis
 298. editionibus *Hesiodi* legitur. Obiter memoratur profaica *Iliadis*
Homeri versio, a *Laur. Valla* confecta, & Brixia: A. 1474, iterum-
 que 1497, impressa, cujus versionis Præfatio & historia addu-
 307. citur, & de *Angeli Politiani* & Brixianorum *Homerici* studiis
 agitur, itemque de *Aristophane*, quem verterunt in vernaculam
 linguam Brixiani, *Bartholomæus* & *Petrus Rositini a Prato Alboini*,
 Venetiis A. 1545. *Bonifacii Bembi* Carmen exstat in *Cassandra*
 309. *Fidelis Epistolis & Orationibus*. *Andreas Maro* mira facilitate
 fundendi ex tempore carmina celebris fuit, a *Leone* idcirco sa-
 cerdotio donatus. Hujus adducuntur varia elogia. Denique, post
 322. pauca de vernaculis Poetis, de *Osavio Pantagatho* agitur, qui
 tamen pariter nihil in lucem emisit.

Philologica, quæ titulus *Partis II* promittit, rejecta sunt
 in *Partem tertiam*, ad quam cum reliquis singularis doctrinæ
 monumentis feliciter absolvendam, Eminentissimo Autori vale-
 tudinem inconcussam, vitamque & longissimam & prosperrimam,
 ex animo comprecamur.

SAGGI DI DISSERTAZIONI ACCADEMICHE, &c.
 hoc est,

SPECIMINA DISSERTATIONUM ACADEMI-
 carum, publice lectarum in nobili Academia
Etrusca antiquissimæ civitatis
Cortona.

Romæ, typis Pagliarinatorum, 1735; 4 maj.

Plag. 20, Tabb. 7.

Collectio hæc, splendidissime formis publicis impressa, con-
 secreta fuit *Joanni Ernesto de Harrach* & *Roraw*, Acade-
 miæ Cortonensis principi, Auditori sacræ Rotæ Romanæ. Qui
 Academiæ a secretis est, addidit Præfationem de Academiis
 scientiarum & artium, quæ per Italiam florent, & inscriptio-
 nem in honorem *Onuphrii Baldellii*, Patricii Cortonensis, qui
 omni

omni studio-conquisita antiquitatis cimelia & Bibliothecam studioſæ juventuti ac civibus patere juſſit. Dodecas Diſſertationum complectitur hoc Opus. *Prima* eſt *Ludovici Bourgueti*, Profeſſoris Neocomenſis, de *Alphabeto Etruſco*. *Secunda* eſt profeſſa a *Fr. Joſepbo Claudio Guyot*, agens de Inſcriptione Punica Græca. *Tertia* debetur Ven. Abbati *Ridolfino Venuti*, Cortonenſi, inſcripta de nonnullis Numiſmatibus Maltenſibus. *Quartam* dedit *Bindus Simon Peruzzi*, nobilis Florentinus, de aruſpicina Thuſcanienſi. *Quinta*, *Tarquiniî Coritani*, exponit de antiquitatibus nonnullis repertis Ripætranſonæ. *Sextam* compoſuit *Joannes Lamius*, Lector publicus Florentinus, de ciſtis myſticis, Vir aliis ſcriptis dudum in hiſce *Actis* celebrer. Ad Canonicum, *Philippum Venuti*, Cortonenſem, referenda eſt *ſeptima*, qua de colis vinariis, penes antiquos ad vina percolanda fecibusque liberanda deſtinatis, agitur. *Diſſertatio octava* eſt edita a Ven. Abbate *Rudolfino Venuti*, Cortonenſi, de antiqua imagine eminenti. *Nonam* Comes *Lucius Laurentius*, Florentinus, de bilancibus veterum concinnavit. *Decima* profluxit ex induſtria Ven. Abbatis *Franciſci Valeſii*, Romani, qua diſſeritur de tribus Capitoliî ſtatuis. *Undecima* debetur *Marcello Severolio*, in qua exponit Autor de antiquo arcu, diſto *Portogalli*, ac imaginibus profundè inciſis, in eo obviis. Agmen claudit *Diſſertatio duodecima*, qua *Nicolaus Vagnucci*, Cortonenſis, antiquam illuſtravit Inſcriptionem. Atque, ut a capite exordiamur, *Bourguetus*, ejusque præſtantiffima Diſſertatio, ſuadet. In hac oſtendit Vir Doctiſſimus, Alphabetum Etruſcum haud diſſerre ab Alphabeto Pelasgorum, quemadmodum hoc admodum cum *Cadmi* Alphabeto conſpirat. In gratiam eruditi lectoris, in cujus manus Diſſertatio hæc, Italice ſcripta, pervenire haud poteſt, dabimus Alphabetum Etruſcum, cum Ebræo, Samaritano, Arcadico, & Pelasgo, in comparationem adductum. In expiſcando ac eruendo Alphabeto veteri Etruſco operam jam poſuere Cel. *Fontanini* in *Antiquitatibus Hortæ Etruſcæ*, *Bourguetus* noſter in *Bibliotheca Italica*, Gallice editæ, Tomo XIV, qui inde ab anno 1708 id egit, ut *Hiſtoriam criticam originis literarum* adornaret. Cujus rei idem ſciagraphiam in *Maſſoni Ephemeridibus* edidit,

Pag. 25.

35.

43.

53.

63.

81.

87.

93.

103.

109.

127.

TAB. V.

Diff. I
pag. 2.

- edidit, quam A. 1708 Romæ viris incomparabili eruditione spectabilibus, *Blanchinio & Fontaninio*, tradidit, ejusque loco ab eis Inscriptiones nonnullas Etruscas, ac nonnulla ejus linguæ elementa, recepit. Venetiis exemplum tabulæ Eugubienfis sub examen vocare instituit, sed, edoctus a Domino *de la Croze*, Berolinensis Bibliothecæ, tunc Præfecto, quamplurimos eruditorum eam habere pro suspecta, sensit studium ejus detegendæ in animo suo propemodum evanescere. Cum inter hæc *Bernhardi Montefalconii Paleographia Græca* in lucem A. 1708 ederetur, telam denuo exorsus est Noster, notionesque suas resuscitavit, cum epitomen ex Illustrissimi Marchionis *Scipionis Maffæi de primis habitatoribus Italiæ* Dissertatione infereret *Bibliotheca Italica*. Ingenium enim tunc appulit Inscriptioni de *Lepirio* exponendæ, duabusque partibus primis Litanæ Pelasgorum primæ illustrandis. Alphabeto Etrusco exinde formando sese tandem sensit parem, ratusque, id ex literis orientalibus posse explicari, cœpit exponere tabulam *Baldi* ac quartam *Demsteri*.
4. Tandem expertus est, linguam Etruscam existitisse dialectum quasi diversam linguæ Pelasgorum Arcadumque. Alphabeto ita invento applauserunt *Marchio Maffæus & Daniel Guesel*. Hæc ad originem hujus inventionis sufficiant; nunc ad Tabulam Alphabeticam propius accedimus. Primo *Cel. Autor* in ea satis ostendit, Alphabetum Samaritanum & Ebræum ratione originis esse idem. Hisce subjunxit quatuor alia Alphabeta, ad ordinem Ebræi conformata, ut affinitas eo pulchrius eluceret.
5. Alphabetum Græcum desumpsit ex Inscriptione *Sigea*, A. 1727 publici juris facta per *Chisbullum* multo doctissimum. Arcadicum Alphabetum depromsit ex magna Litania. Pelasgo seu Umbrorum Alphabeto locus concessus fuit quintus. Tabula Eugubina seu Gubbienfis scripta est sermone literisque populorum Italiæ, quorum regio Umbræ nomen gestavit. Sextum Alphabetum, Etruscum scilicet, insitit monumentis Etruscorum certissimis. *Magliabechius, Baldus, Cosmus de Arena, & Chisbullus*, jam nonnulla tentarant literarum Etruscarum specimina concinnare. Vires suas quoque periclitatus fuerat Illustris Senator *Buonarroti* in *Supplemento ad Demsterum Sectione 41.*
- Noster


Noſter vero demonſtravit tandem ex collatis inter ſeſe monumentis nonnullis, verbi cauſa, *magna litania*, atque ejus *compendio*, veritatem ejus, quod Etruſcum eſſe perhibet, Alphabeti. Maxima enim pars in nonnullis eorum charactere Latino fuit perſcripta. Non vacat ſpecialiora ex Autoris traditione, operoſa ſane, decerpere. Vocem PLIKAMNAM exponit per Συμμιλήσιον, *vas ſuffimentis faciendis inſerviens*, quaſi πέλλις καμίνης, malleus καμινῶν. Tandem hæc ſubdit: *Hæc noſtra monumenta ſunt Pelasga, & facta ante bellum Trojanum.* Laudat teſtem *Dionyſium Halicarnaſſenſem*. Dijudicat deinde ſententiam *Boubieri & Joannis Clerici* de primis linguæ Pelasgorum elementis. Inſcriptio, partim Punica, partim Græca, a *Joſepho Claudio Guyoto de Marne*, Ordinis Hieroſolymitani, explicata, exſtitit in inſulæ Maltæ loco ſubterraneo, in horto Vicecancellarii *Abela*, tradita poſt hæc cuſtodiri Reverendorum Patrum Jeſu. Græca ſcripturâ ſic habet: ΔΙΟΝΥΣΙΟΣ ΚΑΙΣΑΡ ΑΠΙΟΝΟΙ ΕΑΡΑΠΙΟΝΟΣ ΤΥΡΙΟΙ ΗΡΑΚΛΕΙ ΑΡΧΗΓΕΤΕΙ. *Hercules* ductor Tormini fuit olim adoratus. Videtur in Inſcriptione indicatus cippus herois, navibus deducendis præſecti. Illuſtrationis gratia addit Autor numos. In uno legitur vox

COSSVRA. In altero: . Inſula Maltæ

vicina olim dicta *Coffura*, *Cofura*, *Cofyra*, *Coffyra*. *) In *Faſtis Capitolinis* proditum legimus memoriam, bis Romanos de Coſſurenſibus triumphaffe bello navali Punico. *Ovidius Lib. III Faſtorum* ita: *Fertilis eſt Melita, ſterili vicina Coſyra. Seneca de Conſol. ad Helviam Cap. 6: Deſerta loca & aſperas Inſulas, Sciathum, & Seriphum, Gyanum, & Coſyram, pete.* Punica vox legenda proinde: *Koſurar*. Si conjecturæ noſtræ locus, indicatur *terra petroſa*, גִּיא עוֹרָר. *Differtatione tertia* illuſtrantur numi Melitenſes, in quorum primo conſpicitur *Mithra*, in ſecundo *Jupiter Ammon*, in tertio *tripus*, in quarto *ſenex Mercurius*, caduceo adjecto inſtruatus. Inſcriptio in his eſt Puni-

*) Vid. *Chriſtoph. Cellarii Geogr. ant. Lib. II Cap. 12 pag. 102 ſeq.*

Pag. 41.

ca prorsus eadem, nempe . Adduntur quatuor nu-

- mi, in quibus Græca exstat inscriptio: ΜΕΛΙΤΑΙΩΝ. Vocem Punicam Autor Dissertationis legit KERAR, quasi *Cosyram*, id est, *frigidam*, *ἤρ*. Bindus Simon Peruzzi, in *Dissertatione quarta de aruspicina Tuscorum* doctissime commentatus, exponit de variis sacrificiis victimisque Numini diverso factis, de motu auspicato vel inauspicato victimarum, de earum coronatione, mactatione, instrumentis haruspicum sacris, extis, inprimis
46. corde, jecinore, & pulmonibus, de monstis & prodigiis, eorumque significationibus, aruspicum in ingenio natis, averruncationibus iræ divinæ per aras ædesque exstructas, de fulminibus, de cœli distributione in 16 partes ac undecim manubias, plagis cœli, e quibus fulgura apparere. Augurum munus
49. ab aruspibus debite distinguit. Aruspicum dignitas initio exstitit exigua. Aruspices Cæsarum domestici tandem paulo honoratiores visi. Numa Augurum collegium, honoribus plenum, instituit, eique quatuor viros patricios admovit. Aruspices contra, si Romani eis esse opus putarent, ex Etruria accessiti. *Constantinus Maximus* ac *Constantius*, filius, Imperatores, ne quis aruspices consulere, severe prohibuere. Nihilò
52. secius sexto adhuc Seculo, *Procopio* teste, in Etruria aruspices exsistere. Quanti factus fuerit aruspex a Romanis sapientioribus, patet ex dicto *Catonis*, quod *Cicero Lib. II de Divin.* retulit: mirum esse, quod non videret haruspex, haruspicum cum vidisset. *Collinus*, Anglus, hoc de auguribus dictum esse, perperam credidit, quem *Richardus Bentlejus* eo nomine solidissime castigavit. *Dissertatione quinta* edisseritur antiquitatis monumentum insigne, Ripætransonæ in Piceno inventum. Picentes e Sabina orti profectique. Picenum constituit partem Marcæ Anconitanæ, partem terræ Abruzzo ulteriore. Urbem Ripætransonæ dictam esse olim *Cupram montanam*, Autor nonnullis rationibus ita comprobatur. Nomen vetus ea videtur indeptum a templo Deæ *Junonis*, quam Etrusci veteres dixerunt *Cupram* seu *Cypram*, id est, *Ἥρα*. Templum id restituit *Trajanus*, Imperator, teste Inscriptione apud *Gruterum pag. 1016*. In hac urbe A. 1727 antiquum monumentum cum duobus militum cadaveribus fuit repertum. Hæc inter jacuere

lucernæ

lucernæ nonnullæ, vasa fictilia ac sepulchralia alia, armillæ. *Plinius Hist. Nat. Lib. XXXIII Cap. 12* lucem suppeditat. En verba: *Quid attinet hæc colligere, cum capuli militum etiam ebore fastidito calantur argento, vaginæ battillis, & balthei laminis, crepitent.* Ante *Hermolai Barbari* editionem lectum ibi: *catillis*. Legen- Pag. 57.
 dum opinamur *catellis*, id est, catenulis, seu brevibus catenis. Inerant hisce vasis præterea *phalera*, seu ornamenta virorum nobilium. Accessere cassides duæ ex lamina, in quibus bullæ repertæ fuerunt sphericæ, e metallo factæ. *Crotala*, sphæ- 59.
 rulas sonoras, ibidem fuisse obvias, mirabile videtur. Quid de fibulis ac lancea dicemus? Equites enim loricas non habebant, sed lanceam, & in veste succincti pugnabant. Adjuncta 60.
 excipiebatur ab inventore cum reliquis monumentis exigua, ex bractea, statua, fortassis *Herculem bibacem* referens. Statua enim repræsentat virum nudum, qui dextra tenet cornu incurvum, ex quo veteres bibebant, dextra vero clavam & pellem leonis, in capite mitram. *Joannes Lamius de cistis mysticis*, quæ erant ἀγγεία πλεκτά, vasa e viminibus contexta, eleganter solideque disseruit. In Bacchanalibus sodales capita 64.
 tortis cinxerunt serpentibus, unde evenit, ut e cistis *Bacchi* mysticis soleat serpens proripere in numis. *Mysticæ* ejusmodi 72.
 cistæ præterea erant consecratæ *Cereri*, *Bellona*, *Veneri*, *Minervæ*. In cista *Minervæ* secretus latebat infans ac draco seu serpens. *Cistiferi* erant vilioris sortis homines. *Cel. Philippus Venuti instrumenta duo*, A. 1727 circa Montem Politianum effossa, & *Academiæ Cortonensi* oblata, commentatione sua illustrat, docens, ea esse *cola vinaria*, quæ a Græcis vocantur 81.
 ῥημοί. *Hesychius* pro δῶλιζοντες habet διηδυμύοντες, διηδῶντες. *Colum* vinarium, cujus pag. 77 hic exhibetur icon, occurrit in verbis *Pomponii l. in argento. ff. de Auro & argento legato*. In *Amoso VI, 6*, apud *Alexandrinus* legitur: οἱ πίνοντες ὄνον τὸν διυλισμένον. *Sacco* vinario veteres utebantur ad vinum percolandum. *Colatoria* a Christianis quoque sacerdotibus esse adhibita vino eucharistico diluendo & expurgando, *Noster* 83.
testimoniis docet haud unis. Ex *Dissertatione nona* patet, Romanos conservasse bilances ac mensuras in loco publico, quem 86.

Pag. 100. vocarunt *Ponderale, Ponderarium, & Sacomarum*. Locus ejusmodi in Capitolio existit. Figuræ adduntur trium bilancium, quæ ab ætatis nostræ usu haud abhorrent. *Dissertatione duodecima* exponitur *antiqua* quædam *Inscriptio*, A. 1727 Romæ inventa, quæ sic habet: C. TVTILIO HOSTILIANO PHILOSOPHO STOICO DOMO CORTONA PATRI OPTIMO C. TVTILIVS IVSTVS FILIVS TVTILIA QVINTA TVTILIA QVARTA FILIÆ. Cel. *Vagnucci* ad eam illustrandam protulit ea, quæ in promptu habebat, de familia *Tutiliana*, ex *Gruteri Inscript. pag. 350, 710, 1519, 1381, 474, 476*, nec non ex *Fabretti ac Reinesii Inscriptionibus*. *Hostiliam* porro gentem memorat, & adjungit alias de Philosophis *Inscriptiones*. Ita autem *Dissertationes* hæ singulæ sunt elaboratæ & compositæ, ut ex *Phidiæ officina* progressæ videantur.

127 seq.

ARTIS OBSTETRICARIÆ COMPENDIUM, tam theoriam, quam praxin, spectans, morborum omnium, qui sæminis inter gestandum in utero, & in puerperio, nec non infantibus, supervenire solent, curationem totam complectens. Huc accedunt morborum omnium, quibus corpus humanum est obnoxium, naturam investigandi methodus vera & accuratissima, illorum curationem efficacissimam indigitans, & Observationes nonnullæ, ad praxin generalem Medicinæ attinentes, in usum Medicinæ tironum. Autore RICHARDO MANNINGHAM, Equite, M. D.

R. S. S. & Coll. Med. Lond.

Londini, impensis Eduardi Littleton, 1739, 4 maj.

Plag. 12.

Diu jam Nobiliss. Autor cum aliis miratus est, hospitium in subsidium pauperularum mulierum parturientium, infantumque expositorum, nullum adhuc in tam opulenta Londinensium urbe existisse. Quoniam vero nunc Potentissimus Britannorum Rex, concessis tabulis publicis, opus hoc autori-
ate

tate sua promovit, summique inter Nobiles viri hospitii futuri curatores esse non dedignantur, nullus dubitat, fore, ut collatis ultro pecuniis brevi perficiatur. Interim & in adibus Autoris, in subsidium puerperarum inopum, faventibusque non paucis, hospitium nascitur, in quo, quam ore Noster auditoribus tradit, ars obstetricandi, præclarissimo sane instituto, per usum atque experientiam magis perdiscatur. Quod licet in præsens angustis nitatur fundamentis; si quid tamen tantorum, quibus jam curæ est, fautorum exempla possunt, brevi id amplificatum iri, ipse prorsus confidit. Ne qua etiam mulier queratur in posterum, se incommoda nonnulla ex instituendis tironibus accipere, machinam ita comparatam habet, ut per illam & prægnantium tactus, & educationes foetus qualibet, demonstrari queant. Fit autem ex foemina ossibus compactis, quibus uterum, ut vocat, factitium aptari curavit. Hac igitur, nullo parturientium incommodo, imperitas tironum manus exercebit, donec ipsum opus capessere tuto potuerint. Eadem machina, quem situm in utero foetus, quem ipse uterus, naturaliter obtineat, variosque positus, qui utrique præter naturam accidunt, id denique, quod tum pro diversitate rerum facto potissimum opus est, ostendit. Accurate hæc de tam præstanti instituto præfati sumus, quoniam in recensendo ipso Opusculo, ex solis Tabulis constante, brevioribus nobis esse licet. Edidit illud Nobiliss. Autor in gratiam tironum, quos in obstetricandi arte instituit. Quamobrem omnia etiam hujus doctrinae capita in Tabulas redegit, & singula, quæ afferenda erant, momenta suo tantum nomine indicavit magis, quam explanavit, ut ea deinceps in prælectionibus suis deducere amplius, atque illustrare, possit. Ubique autem & Aphorismos subjecit, qui præcepta quæque præstantissima, quæ ad obstetricandam artem & mulierum morbos pertinent, complectuntur. Si cui nimis curatum & imperfectum videatur hoc Opusculum, limatius pleniusque, quamprimum per tempus licebit, se id redditurum esse promittit. Ceterum ipsum hoc Opusculum singula satis accurate distincteque proponit, ut, præter Cl. Autoris discipulos, aliis etiam ad repetendum, unoque velut obtutu considerandum,

hujus artis ambitum, præclare inservire queat. Orditur vero id a partibus mulierum genitalibus, hinc ad partum naturalem pariter atque difficilem progreditur, explicatis denique conceptione, & gravidarum ac puerperarum morbis, in adversa infantum recens natorum ac puerorum valetudine definit. Plura de eo dicere propter Tabularum methodum non habemus.

*PRIMITIÆ FLORÆ PETROPOLITANÆ,
sive Catalogus Plantarum, tam indigenarum, quam
exoticarum, quibus instructus fuit hortus medicus Petri-
burgensis per annum MDCCXXXVI, Autore JOANNE
GEORGIO SIEGESBECK, Medicinæ Doctore,
& p. t. horti ejusdem præfecto.*

Rigæ, charactere Samuel. Laur. Froëlich, 1736, 4.

Plag. 14.

Scientiarum artiumque incrementa, sicut pari passu cum gloria vastissimi Ruthenorum Imperii ambulant, ita Illustris Petropolitanae Academiæ regiam sedem summis quibuscunque proventibus conspicuam reddiderunt. Nemo unquam dubitare ausus est de rei etiam herbariæ successibus; verum eo major omnibus est fiducia, quod perindustrius Autor, Illustris Archiatri & Consilarii *Fischeri* autoritate nixus, ejusque favore adjutus, eorum rationem reddat, quæ paucorum admodum annorum laboribus peracta sunt; nec confidimus tantum, sed certi prorsus sumus, totius orbis plantas aliquando Petropolin migraturas. Tantum enim abest, ut cœli inclementia culturæ plantarum minus faveat, ut potius certum sit, perennes extra hybernacula sub nivibus feliciter perdurare, exoticis non deesse hybernaculorum commoditates. Jam prævidemus exoticarum rerum, ex Tartaria, Asia, India orientali, illuc commentium, turmas, vellemusque de hortis imperialibus bene mereri, quo & suo tempore nostra ex uberrimo isthoc affluxu sublevare tantisper possit pauperies, sicut spes quædam ex liberali promisso Autoris affulget. Exponit is supellectilem haud exiguum ordine alphabetico, & hoc potissimum ex capite memorabilis est

est ille Catalogus, quod plurimarum plantarum nomina immutata tantisper esse deprehendamus, quod pro istius, quo vivimus; seculi more cuilibet integrum est, de rebus suis pro arbitrio sentire, eloqui. *Draco* herba, quæ jam a *Tournefortio Abrotani Lini*, folio acri, nomen accepit, *Abrotanoides*, *Hyssopi folio*, appellatur. *Abutilon* reptans, flore gilvo, *Abutiloides* audit. Novus est ex *Menzellii* pugillo protractus *Acalyphæ* terminus, quem *Cannabi spuria* attribuit, *παρὰ τὸ μὴ ἔχειν καλὴν ἀφὴν*, eo, quod tactu minus jucundo gaudeat. *Bidentem Americanum*, Hieracii folio, caule alato, *Acmellam Curassavicam* dici posse gaudemus, ob merita, quibus *Acmella* in diuresi movenda eminet, sed veram esse dubitamus. *Aizoum* Græcus terminus cum semper vivo fuit permutatus. *Aldachanæ Davuricæ* iconem valde desideramus, quo de summo ejus genere constare possit. *Pedicularem* nunc *Alectorolophum*, sine dubio a cristæ galli similitudine, appellabunt Botanici, si quibus placet. Monendi certe sunt Botanophili, quid novis suis dictionibus velit Noster. *Alopecurus*, *Rapunculus* spicatus est, sed, cum alius sit globosus, quomodo vulpinæ caudæ titulus conveniat, videndum. *Opuntia Anapalli* nomen, quod inter synonyma ejus est, meruit, ne *Ficus* dici pergat; *Opuntiam* autem dici, nihil impediret, ex autoritate plurium. Sed verba valent sicut nummi ex arbitrio. *Andrachne* est *Portulaca*, sicut *Anagallis aquatica*, *Andrachnoides* dicitur. *Myriophyllum aquaticum*, *Hottonia* aliis, *Arachnium* appellatur a telæ arachnearum similitudine. Reliqua, noviter illata, nomina sequentia sunt: *Arctostaphylon*, uva ursi; *Caragana*, novum genus, *Pseudacacia*, flore luteo Siberica, jam nostris etiam in hortis excolitur; *Cardispermum*, coriundum; *Chalcanthemum*, *Doronicum Americanum*, laciniato folio; *Chamaepetis*, *chamaepitys*; *Chianthemum*, *Levcoium bulbosum*, quod *Narcisso-Levcoium*; *Cnestrum Plinii*, *chamaelæa tricoccus*; *Cyanoides moschata*, cyanus odoratus Turcicus; *Cynoglossospermum*, *Lappula Rivini & Ruppii*; *Distamnus*, *Fraxinella*, nam *Distamnus* Creticus *Origanum* est; *Ephemeroides Africana*, *Commelina* quibusdam; *Epilobium*, *chamaenerium*; *Fiberinum*, trifolium fibrinum, *menianthes*; *Geranio sperma*, *gerania frutescentia Africana* omnia;

omnia; *Hedysaroides Canadensis*, Hedysarum triphyllum Canadense; *Herpospermum*, serratula, semine ciliari, Crupina Belgarum; *Hierapicra*, Carduus officinarum benedictus; *Hierodacrydium*, Lachryma Jobi; *Hippopodium*, ferrum equinum; *Hydragonum*, Chamædaphne Buxbaumii; *Hyssopoides*, Chamæpitys Austriaca: *Ledoides*, Ledum Rosmarini folio; *Linnesium*, Lychniscabiosa Boerhaavii; *Luzula*, Acetofella vel Oxy; *Majantbium*, Lilium convallium; *Marisca*, Chelidonium minus, quod Ficaria: *Meleagris*, Asclepias Africana aizoides; *Melilotofinus*, Melilotus, Lotus sativa odorata flore cœruleo; *Mesembrianthemoides*, Ficoides, Lychnidis folio, & crystallina, plantaginis folio; *Ononidea*, Anonis annua, Mithridatium olens; *Ornithopodioides*, Ornithopodium, Portulacæ folio; *Omphalospermum*, Symphytum minus, Borraginis facie; *Pelonium*, Cardamindum, quod Acriviola; *Pterium*, Filix ramosa; *Pterineum*, Filix non ramosa; *Thryallis*, Verbascum orientale, Sophiæ folio. Termini artis valeat ex voluntate dantis & accipientis, eruntque, qui & hisce noviter illatis delectentur. In verbis simus faciles, dummodo conveniamus in re. Quodsi quid utilitatis a nostris in cultissimos Petropoleos hortos erogari poterit, promittere id ad tuam hujus scientiæ culturam audemus.

EXAMEN DESINTERESSE &c.

hoc est,

OPERUM DIVERSORUM, QUÆ SPECTANT
ad figuram Telluris definiendam, examen, a partium
studio alienum. Editio altera, cui historia libri
accessit.

Amstelodami, sine typographi indicio, 1741, 8.

Plag. 13.

Postquam Vir Clarissimus, de Maupertuis, auspiciis Potentissimi Galliarum Regis, ad magnitudinem & formam Meridiani terrestris accuratius investigandam, cum præstantissimis Collegis in Septentriones missus, rebus arduis feliciter confectis, reversus est,

est, tanto cum applausu, quæ inde retulit, sunt accepta, ut quæstionem longe celeberrimam nunc denique penitus expectatam, neque aliam Telluri figuram, quam sphaeroidis depressi, tribuendam esse, plerique judicarent. Sed intercedit præsentis libelli doctus Autor, cavendumque putat, ne septentrionalibus istis actis acta *Cassiniana* nimis præcipiti iudicio postponamus. Quod ne temere aut partium studio ductus monere videatur, summam totius quæstionis denuo repetit, laboribusque *Cassinianis* cum septentrionalibus accurate compositis, nec physicis, quæ afferri solent, argumentis neglectis, iudicium de cetero legentibus integrum relinquit. Quanquam adeo perspicuum est, quam partem ipse potiore habeat, ut oppido ridicula sit eorum sagacitas, qui, nescio quibus argutis ratiunculis nixi, ironiam odorantur, atque, ab adversario quodam *Cassiniani* nominis, immo forte ab ipso *Maupertuisio*, profectum esse hoc Opusculum, contendunt. Divisum illud est in *Partes duas*; in quarum *altera* de dimensionibus Gallicis & hyperboreis; in *altera* de physicis rationibus, agitur, quæ afferri pro depressa vel oblonga Telluris figura solent. Etsi vero summam sine controversia laudem meretur constantia & fortitudo Dominorum de Septentrione, qui, nec fame, nec frigore, nec naufragio, nec rebus aliis adversis, territi, superatis omnibus obstaculis, opus suum confecerunt, tamen illa ipsa obstacula vix permittere videntur, ut nimis magnifice de operationibus eorum sentire liceat. Dimensi illi sunt cum tanta difficultate unum Meridiani terrestris sub circulo polari gradum. At illustrissima *Cassiniorum* familia, cujus nemo satis extollere merita potest, cum una esset rebus omnibus, ad magnum illud opus necessariis, instructissima, sub clementiore cælo, complures annos consumpsit, non in uno aliquo aut duobus, sed in octo, gradibus meridiani continuis, porroque in decem fere gradibus paralleli, quam exactissime iterum iterumque dimetiendis. Et Autor quidem noster, post labores septentrionales succincte expositos, quinque diversas *Cassiniorum* operationes recenset, diversis temporibus & instrumentis, diversisque in locis, tanta cum solertia & dexteritate peractas, & tam mirifice inter se consentien-

tes, ut miraculi loco habendus esset, si quis subrepere vel minimus error potuisset. Neque vero putandum est, exiguum aliquem in observationibus *Cassinianis* errorem sufficere, ut falsa inde conclusio sequatur, Terram oblongam esse, quæ depressa sit, & gradus Meridiani decrescere versus Septentriones, qui vere crescant. Subductis enim calculis, demonstrat Autor, non modo tot tantosque summis artificibus, si in hoc errassent, tribuendos errores esse, quos vix cuiquam mensori de vulgo tribuere liceret, sed eos etiam errores, cum in alterutram partem æque facile cadere potuissent, nescio quo singulari & maligno fato, in unam omnes eandemque partem cadere debuisse. De cetero, quod plerosque objicere videmus, graduum, à *Cassiniis* mensuratorum, propter nimiam propinquitatem, nimis parvam esse differentiam, hoc tum aliquid momenti haberet, si unum illi gradum cum uno comparassent. At differentiam, quæ ex octo graduum continuorum dimensione elicitur, satis fieri notabilem, res ipsa docet. Atque, his ita expositis, in extrema *Parte priori* libri nostri eorum error coarguitur, quibus persuasum est, universos Academiae Scientiarum Sodales, ipsumque *Cassinium*, post res in zona frigida gestas, sententiam de Tellure depressa amplexos esse; quod plane secus se habere ostenditur. In *altera Parte* id agit Autor, primo ut patrum quorundam præcipuorum tum terræ latæ ac depressæ, ut *Hugenii*, *Newtoni*, *Gregorii*, *Hermanni*, tum oblongæ, ut *Childreji*, *Burneti*, *Eisenschmidii*, & (quem unum maxime sequitur) celeberrimi Academici *de Mairan*, rationes physicas commemoret: deinde ut cum laudatissimo *Mairano* concludat, rationes illas universas incertis quibusdam & fere arbitrariis hypothesebus de gravitate & attractione & forma Telluris primitiva niti; & nihil certi de præsentē figura terrestri ex foliis istis rationibus demonstrari posse; & pendulorum isochronorum gravitatisque prope Æquatorem a principe *Rieheria* observatam imminutionem, ad quam defensores latæ sphaeroidis unice provocant, si probabilissima hæc hypothesis assumatur, gravitatem sequi proportionem reciprocam quadrati distantiarum a centro, non modo non obstare fautoribus Terræ oblongæ, sed sententiam eorum

mici-

mirifice confirmare. Quid vero, si dicamus, rationibus non modo physicis, sed iis etiam, quas summorum virorum dimensiones suppeditant, ad definiendam figuram Terræ, hypothesein aliquam subesse, vix satis certam, de gravitate & attractione? Difficile est, tantis artificibus, *Cassiniis*, *Maupertuisio*, & (quorum nullam ab Autore nostro factam esse mentionem miramur,) *Norwodo*, *Musschenbroekio*, non plenam in artis suæ exercitio fidem habere. At forte nihil aliud ex diversis eorum observationibus concludendum est, quam totam illam metiendi methodum, propter variam, variis in locis, conditionem terrarum, non mediocribus adhuc difficultatibus subjectam esse; tutissimeque agere, qui Telluri nostræ, diu multumque his temporibus, modo in longum, modo in latum, distractæ, figuram pristinam globosam, cum *Poleno* & *Richter*o, restitunt. Sed videndum nunc etiam de iis est, quæ ad novam editionem præsentis libelli accesserunt, & dimidiam fere partem totius voluminis occupant. Ea in historia libri consistunt, & in examine trium *Desagulierii* de figura Terræ Dissertationum, quæ in Aëlis philosophicis Londinensibus exstant. In historia libri, quid plerique de Autore, & ejus secta, huc usque senserint, docte eleganterque exponitur, ac deinde Viri Clarissimi, *Horrebovii*, præcipitatum consilium accusatur, qui totam suam Telluris theoriam, ad Observationes Astronomorum de Academia Scientiarum Regia Parisiensi (ut Operis inscriptio præ se fert) exigendam, solis superstruere aëlis Septentrionalibus, desertaque *Cassinii* & sua ipsius pristina sententia, *Maupertuisio* adurgere, ejusque partes extensis brachiis amplecti, non dubitavit. In examine Dissertationum *Desagulierii*, quam insolenter & inscite, quem vanis denique & frivolis rationibus, mensuras magni *Cassinii* Aristarchus ille impugnaverit, hypotheseibus scilicet suæ sectæ insistentes, & in ipsa Geometria turpiter labens, non quidem a præcedentis Opusculi Autore, sed ab alio quodam *Anonymo*, docetur.

JOANNIS DIETERICI WINCKLERI, PROFESSORIS Hamburgensis, Disquisitiones philologicæ, Scripturæ sacræ quædam loca, & antiquitatis tam

*ecclesiasticæ, quam profanæ, momenta
illustrantes.*

Hamburgi, apud viduam Felgineriam & Jo. Carolum Bohnium,

1741, 8.

Plag. 20 $\frac{1}{2}$.

Propria hæc est Hamburgi felicitas, ut non minus commerciis ac mercatura, quam literis & eruditione, floreat. His ornandis præfecit inter alios *Jo. Dietericum Wincklerum*, a propriis pariter atque paternis avitisque meritis commendabilem. Vidit eum Lipsia nostra ante paucos abhinc annos sacris humanioribusque studiis sedulam operam navantem, & ex optimorum quorumque doctorum scholis magno cum fructu discedentem. Jam, quos in hoc artium emporio collegerat, imo corraferat, thesauros in aliud a multis inde seculis celebratissimum transtulit emporium, & non fida solum institutione doctrinæ suæ alumnis, sed scriptis etiam libris universo, qua patet, orbi literato, pandit. Philologicæ disquisitiones, quibus ad maximam quævis de se speranda signum quasi aliquod tollit *Cl. Wincklerus*, selectas varias observationes continent, ad sacri Codicis expositionem præcipue spectantes, in qua quidem quam curam cautionemque adhibuerit, Præfatio, qua simul interpretes, vel malo animo, vel studio novitatis, vel profanæ ignorantia, nimium indulgentes, castigavit, satis & abunde loquitur. *Disquisitio prima agit de novo Ægypti etymo, eruditorumque circa illud sententiis.* Regio, quam a primo Principe *Chamo* Hebræi cognominarunt, Ægyptus Græcis atque Romanis dicta est, illudque nomen jam sub *Ptolemæorum* imperio adeo invaluit, ut ab ipsis incolis adhiberetur. Variæ existant virorum doctorum de genuina eius etymologia opiniones. *Cl. Wincklerus*, reje-
ctis *Berckelii*, *Vossii*, *Wanslebii*, *Golii*, aliorumque, conjecturis, tandem *Jacobo* accedit *Perizonio*, & Ægypti vocabulum e Græco αἴγυψ, quod *vulturem* designat, repetit, ita, ut ab αἴγυψ forma-
tum αἰγυπτὸς fuerit. Hoc igitur sensu Ægyptus *vulturinam seu fuscam regionem* denotat, quo nomine dignissimam eandem varia, eaque ponderis non exigui, argumenta perhibent. Nam primo
incolis

Disqu. I.

§. 2.

3.

4 - 7.

8.

incolis fuscum colorem caloris vis inducit, a quibus eodem jure nomen accipere terra potuit, quo Europæ a candidioribus alumnis in lingua Phœnicum appellatio adhæsit. Legi eam in rem merentur verba Autoris magni Etymologici, qui, quamvis falsam tradat παρά τὸ αἶθεν, id est, καίειν, derivationem, ab ipsa tamen ratione non abhorret. Quid? quod αἰγυπλίῳσαι μελαῖσαι, id est, *nigrum reddere*, explicaverit *Hesychius*. Præterea *Nilus*, princeps Ægypti fluvius, a nigro colore & μέλας & Αἰγυπλίος sive antiquitus appellari, neque errabit forsitan, quisquis, nuncupationem a flumine ad terram prope flumen sitam transiisse, existimaverit. *Hesychius*: "Αἰγυπλίος ὁ Νεῖλος ὁ ποταμός, ἀφ' ὃ καὶ ἡ χώρα ἀπὸ τῶν νεοτέρων Ἀργυπλίος ἐκλήθη. Denique forsitan ad imitationem nominis antiqui, quod occurrit apud *Plutarchum*, atque χημία audit, novum fuit inventum. Proficiscitur enim illud ab antiquissimo & fabuloso forte Principe *Chamo*, qui ex Hebræo חמ, id est, *nigrum esse & adustum*, deducitur. *Disquisitio secunda* agit de *Thmuis*, Ægypti olim haud incelebri urbe. Celebritatem *Animianus Marcellinus XXII, 40*, laudat, nomi autem cognominis caput facit *Herodotus*, cui, cum propriis spectarit Ægyptum oculis, fides præ reliquis est merito habenda. Sed coaruit forsitan sequiori tempore Thmuiticus nomus cum Mendefio, Mendete urbe a Persis crudeliter excisa, atque sic etiam metropolis Thmuitici nomi primum postea locum inter Mendefias urbes consecuta est; id quod *Ptolemaus*, *Aristides*, aliique scriptores, perhibent, quos adeo non contradicere *Herodoto*, sed de posteriori temporum periodo accipiendos esse, *Cl. Wincklerus* iudicat. *Disquisitio tertia* de visione, *D. Ezechielis vati exhibita*, ab ipso *Cap. I. descripta*, & *Vitringiana* istius explicatione, dispicit. *Quarta* de oraculo *Zachariæ III, 8*, exponit. *Quinta præcepti Servatoris Matthæi X, 10*, circa non possidendos calceos, verum atque genuinum sensum indagat, de ratione providentiæ divinæ ab Apostolis eo usque habenda accipiendum existimans, ut ne in via quidem gestare soleas secum deberent. *Disquisitio sexta* est de sollicita veterum liberos educandi & erudiendi cura, occasione loci *2 Tim. I, 7*. Ex hac unicam delibabimus

§. 10.

11.

Disqu. II.

§. 1.

2 seq.

Disqu. III.

IV.

V.

§. 13.

Disqu. VI

- §. 20. mus observationem, qua, Musicam priscis temporibus inter disciplinas relata, eumque, qui omnem Musicam ignoraret, habitum indoctum fuisse, *Wincklerus* probat. Et varias quidem deprehendit illius opinionis causas: 1) quod antiquissimo tempore ars poetica soleret cum Musica conjungi, cum Græciæ vates ad musica instrumenta, inprimisque ad citharam, sua recitarent carmina; 2) quod ad comprimendas leniendasque animi affectiones valere plurimum, ars musica censeretur, quam quidem in rem e sacris literis *Saulis* exemplum narratur, in varias postea fabulas transformatum a gentilibus; quo spectat præcipue narratio de *Orpheo*, bacchantes mulieres arte sua ex sylvis reducente, bestiarumque feritatem ope modulationis mitigante; 3) quia harmoniæ instar cœlestis esse Musica veteribus videretur, unde a Philosophis etiam potissimum fertur fuisse

Disq. VII. adamata. *Disquisitio septima continet succinctas in Apocalypsin D. Joannis Apostoli cogitationes.* Sufficiet nobis, totum, quod

- Cl. *Wincklerus* contexit, Apocalypseos veluti systema, quod menti plurimorum Theologorum veterum exacte respondet, in compendium redactum adumbrare. *Tria Capita priora* ad primas spectant Christianorum ecclesias, *sequentia* ad posteriores ecclesiæ casus pertinent. Præmissa est *Capite IV & V* præparatio, quorum quidem illud autorem et causam harum prædictionum, Deum patrem in solio majestatis inter 24 presbyteros confidentem, hoc patefactorem illarum Christum, seu caput ecclesiæ, describit. Huic ipsa codicum septem obsignatorum visio succedit, & primum quidem sigillum felicem Christianæ ac inter gentes propagationem; secundum, tertium, & quartum, poenas gentilium, doctrinæ Christi sese objicientium, civilia nempe bella, pestilentiam, & famem, quintum persecutiones Christianorum ab ethnicis perferendas; sextum divinam in refractarios verbi sui persecutores vindictam, genii infernalis angelorumque ejus conatus, obsignationem fidelium, cum Judæorum, tum gentilium, adversus istas diaboli machinationes; septimum mala ecclesiæ futura, recludit. Atque hæc quidem mala ulterius describuntur per septem angelorum tubicinia, quorum primo hæresium, paulo post plantatam ecclesiam nata-

rum,

rum, inprimis Gnosticorum, colluvies indicatur, altero magnum §. 7. 8. 9.
quoddam malum gentili Romanorum imperio, id est, mari a
montibus, hoc est, ab exteris regnis, imminens, forte irruptio-
nes Persarum, Seculo III maxime a *Sapore* sub *Valentiniano* fa-
cta, attinguntur; tertio principis cujusdam ecclesiæ doctoris apo- 10.
stasia sub imagine stellæ de cœlo decidentis, id est, ni totus
fallitur *Wincklerus*, hæresis *Pauli Samosatani*, Antiochiæ Episcopi, 11.
duobus damnata Conciliis, & a *Photino* Seculo IV resuscitata, præ-
nuntiatur, quando ingens status tum ecclesiastici, tum politici, 13.
deformitas depingitur, cujus vaticinii complementum habebit, 14.
quisquis sive crudelitatem Imperatorum post professionem quo-
que religionis Christianæ, sive avaritiam & ambitionem Cleri-
corum, æstimaverit; quinto *Arii* hæresis repræsentatur; sexto 16.
Saracenorum atque Turcarum immisiones significantur; septi- 19.
mo tandem de antichristianismi ortu, constitutione, plagis sub 20.
septem phialis, & interitu, mentio prophetica injicitur. Adje- 34.
cta vitæ æternæ adumbratio toti libro imponit finem. Ex
his, quæ hætenus excerptimus, quivis facile judicabit, magnum
esse in Cl. *Wincklero* ingenii acumen, cum judicio probe exer-
citato conjunctum. Attamen nec hoc diffitemur, non ubivis ser-
vari a Viro doctissimo justam divinandi mensuram. Eo conje-
cturam referimus de tribus angelis, in *Capite XIV Apocalypseo* 28.
commemoratis, quippe per quos *Martinum Lutherum*, magnum
purioris ecclesiæ instauratorem, *Mart. Chemnitium*, doctum Tri-
dentinæ Synodi examinatorem, & unum, nescimus quem, Theo-
logum intra 1260 extremos mundi dies venturum, designari
suspiciatur. Claudit *octavo* loco Oratio, quam Lipsiæ pro fugge-
stu ædis D. *Pauli* in solennitate pentecostali ante hos quinque
annos dixit Cl. *Wincklerus*, de *præcipuis fæsti Pentecostes memo-*
rabilibus.

Disqu.
VIII.

REFLEXIONS ON NATURAL AND REVEAL'D

religion, &c.

hoc est,

COGITATIONES DE NATURALI ET REVELA-

ta religione, designatæ antidoti instar contra gliscen-
tem

*tem scepticismum ætatis nostræ, ac potissimum contra
subtiles illecebras libri, sic inscripti: Christiani-
tas creatione non inferior ætate. Dicatæ maxime Re-
verendo Domino Episcopo Londinensi; Autore
T. CURTEIS, Rectore Wrotham.
in Cant.*

Londini, typis W. Parker, 1733, 8.

Plag. 18.

Præfatio infaustam eorum hominum sortem luget, qui, viribus
solius rationis freti, verbum divinum literis mandatum vel
flocci faciunt, vel rident; cum tamen doctrina Christi rationem
adeo non labefaceret, ut eam potius adjuvet illuminetque. Id
quod Autor singulari opera in duobus Voluminibus latius tra-
ctavit, quæ Christianam religionem rationi convenientem atque
certam demonstrant. Quæ in Opusculo hoc ipso proponuntur,
generatim præstantiam dogmatum & factorum Christi tuentur.
Frustra igitur hic perniciosi illius libri, in titulo descripti, con-
futationem pressius ita dictam quæsieris. Neque Autor neces-
sitate flagitare putavit, ut ad singula, vel centies jam discussa,
responderetur, cum iste scurra non nova tela, sed novas præ-
stigias, variumque dicendi fucum, adhibuerit. Scopum sibi hunc
præstituit Autor, ut ab ipso vulgo pestem hanc quarundam disso-
lutarum mentium arceret. Hinc non nimis subtilia docet, sed ad
plurimorum sensum quam maxime accommodata; quibus lu-
culentum ornatumque scribendi genus haud leve pondus con-
ciliat. Res ita proferuntur, prout aliâ ex alia mens suggerebat.
Orditur ab existentia Dei; pergit ad hominem, ejusque animi
immortalitatem tuetur. Deinde pro divinæ revelationis neces-
sitate acriter militat, ostenditque, quam imperfecta, quamque
parum efficax, sit naturalis religio. Denique omnes nervos
contendit, ut, Novi Testamenti revelationem vere divinam,
rationi congruentem, atque ex omni parte completam, esse, pro-
bet; cujusmodi argumentis nemo, qui veri rectique stu-
dio ducitur, repugnabit.



NOVA ACTA ERUDITORUM,

publicata Lipsiæ

Calendis Septembris Anno MDCCXLI.

Pars II.

BIBLIA SACRA TAM VETERIS, QUAM NOVI, Testamenti, cum Apocryphis, secundum fontes Hebraicos & Græcos, ad optimos Codices collata, prætereaque ita adornata, ut, qua singulas paginas, exactissime respondeant Bibliis Germanicis, Hale Saxonum impressis, quæ Cansteiniana vulgo vocantur, ad confirmandam memoriam localem, in his acquisitam. Adjectæ sunt variantes lectiones selectæ, cum Præfatione, de authentici textus præversionibus prærogativis, D. CHRISTIANI BENEDICTI MICHAELIS, Theologiæ & Ling. Sacr. Professoris Halensis.

Zullichaviæ, sumtibus Orphanotrophei, apud Gottlob Benjam. Frommannum, 1741, 4.

Alph. 8.

Evangelische Deutsche Original-Bibel, das ist, die ganze Heil. Schrift Altes und Neues Testaments, rc.

hoc est,

BIBLIA SACRA GERMANICE REDDITA, SIVE Scriptura sacra Veteris & Novi Testamenti, ita adornata, ut Hebraicus Græcusque textus, & Germanica Lutheri versio, in eadem pagina compareant, folia autem & paginae omnes pervulgatis illis Bibliis Cansteinensibus respondeant. Præfationem præmisit JOANNES MUTHMANNUS, Salfeldensis Ephoriæ Adjunctus, & Pastor Pæfneckensis.

Xxx

Zulli-

Zullichavia, sumtibus Orphanotropei, apud Gottlob
Benjam. Frommannum, 1741, 4.

Alph. 16.

Ea divinae providentiae & benignitati adscribenda est codicum sacrarum literarum in nostris ecclesiis abundantia, qua non solum nulla fere est lingua cultiorum gentium, in quam oracula divina non sint translata, verum conversionis quoque, a *Luthero* adornatae, exemplarium tanta est copia, ut nemo sit, qui non vilissimo pretio eandem sibi comparare queat. Ipsa Biblia *Consteiniana*, Halæ impressa, & saepius typis repetita, testimonium luculentissimum hujus rei perhibent, siquidem a prima editione usque ad ultimam superioris anni septem & triginta editiones prodierunt, & plus quam centum & octoginta supra mille exemplaria publici juris sunt facta. Superbit praeterea nostrum seculum variis, iisque satis elegantibus, fontium Hebraicorum & Graecorum editionibus, ut nemo caritate harum editionum ab emendo deterrieri possit, qui modo his literis operam debitam navare cupit. Singulari tamen modo hoc studium adjuvare, & quasi ad illud invitare sacrarum literarum cultores, censendi sunt horum Bibliorum editores, qui uno tempore binas nobis dederunt, easque satis accuratas & eleganter impressas, utriusque Foederis editiones. Dudum eruditi codicem sacrarum literarum desiderarunt, in quo & lingua Spiritus sancti originalis, & *B. Lutheri* interpretatio, simul possit legi, ut hac ratione cum fontibus conferri queat nostra Germanica conversio. Hæc vota non tantum expleverunt editores hujus Codicis, sed sinul superarunt, dum duos codices orbi erudito tradiderunt. Primus codex libros tam Veteris, quam Novi, Foederis cum Apocryphis ficit in lingua originali, eo tamen ordine, quem in nostra lingua vernacula servare solemus, quod nemo mirabitur, qui cogitaverit, hanc editionem fundamentum fuisse alterius editionis, in qua Germanica conversio comparet. Erudita huic editioni præmissa legitur S. Rev. *C. B. Michaelis* Præfatio, de authentici textus præ versionibus prærogativis. Insigne quidem esse beneficium Dei, monet, quod sacras literas non tantum in originali lingua, sed etiam in vernacula, legere possimus, ingentem tamen esse originalis tex-

tus præ conversione prærogativam. Facile hoc demonstratum est ex fontis et rivulorum discrimine, si consideratur textus originalis tanquam archetypus, conversiones ut picturæ, ad illum expressæ, ubi omnino multa in sacra Scriptura deprehenduntur, quorum vim & suavitatem ex versionibus non possumus cognoscere. Ille textus quoad res & verba singula a Deo ipso est inspiratus, quod de his dici nequit. Voces fontium, quæ sunt prægnanti significato, in conversione, & quidem totidem vocibus, exprimi non possunt. Solus originalis textus est authenticus, pro firmandis dogmatibus, & controversiis decidendis. Metaphrastæ nonnunquam falsum & non satis convenientem reddunt sensum, ex fontibus emendandi. Versiones sæpe contortum & obscurum & pæne ridiculum fundunt sensum, sæpius addunt, mutant, vel detrahunt. Ambigua sunt sæpe in nominibus propriis, præsertim in appellativis ambiguum est genus, ambigua significatio. Laborant præterea versiones amphibolia insigni, ut dubitare possis, num casus a propinquiore, an a remotiore, pendeat. In versionibus librariorum culpa multa occurrunt vitia, quæ a fontibus deteguntur. Præterea multa sunt in fontibus, quæ in conversionibus non possunt exprimi, v. g. emphases & phrasæ multæ. Omnia exemplis illustrat & probat S. Rev. *Michaelis*, & ex illis dilucide monstrat, multum fontes conversionibus antecedere. Alter codex eodem libròs Veteris & Novi Testamenti exhibet, item Apocrypha, cum versione B. *Lutheri*, ita tamen, ut singulæ paginæ exactissime respondeant Bibliis Germanicis, Hæc Saxonum impressis, quæ *Cansleiniana* alias vocantur. Huic editioni præcedit Rev. *Joannis Muthmanni* Præfatio de pretio & præstantia versionis vernaculæ B. *Lutheri*. Demonstratur hæc præstantia partim ex tempore, quo hæc conversio concinnata est, ubi meræ erant tenebræ & sacrarum literarum ignorantia, partim ex ipsa conditione *Lutheri*, partim ex elaboratione & cura, qua hæc versio a *Luthero* ejusque sociis fuit suscepta, partim ex singulari existimatione hujus interpretationis, et immunitate ejus ab erroribus, seu falsis doctrinis, partim ex amœnitate & perspicuitate ejusdem, partim denique ex hujus versionis divino favore & felici successu. Singula enim hæc pretium

laboris, a *Luthero* confecti, satis superque confirmare possunt. Hanc Præfationem præmonitum excipit Rev. *Jo. Christ. Steinbarti*, Directoris & Pastoris Orphanotrophei Zulichavienensis, quod institutum hujus totius Operis dilucide declarat. Nimirum non maturatum censeretur totum hoc Opus, sed jam ante quatuor annos cœptum est, de hoc negotio cum viris harum literarum peritis commercium literarum instituere, eorum consilia audire, & quantum fieri poterat, iisdem obsequi. Illud potissimum agebatur, ut Biblia cum fontibus Germanica ederentur, in quibus nihil diligentia, elegantia, & nitore, esset prætermisum. Textus Hebraicus ad codicem B. *Opitii*, in 4 editum, fuit expressus, idque suavis Summe Rev. D. *Jablonski*, qui eam satis accuratam putavit, sed nonnulla etiam vitia typographica annotavit, quæ in illa occurrere observavit. Postea Venerabilis *Reineccius* etiam sua cura emendatum codicem *Opitianum* benevole cum Editoribus communicavit. Negari tamen non potest, adhuc plura errata Bibliorum *Opitianorum* in ipsa impressione & revisione horum Bibliorum detecta fuisse, siquidem hac occasione non levis novorum numerus observatus fuit. Ex quibus apparet, non exiguum esse laborem, codicem Hebræum dare civitati Christianæ talem, qui omnibus careat vitiis. Interim in hac editione ea cura adhibita est, quæ a mortalibus potest desiderari. Postea enim, quam literis erant exscripti utrique codices, plagula typis tum in Academia Lipsiensi, tum Jenensi, tum Halensi, viris in hoc literarum genere exercitatis fuerunt traditæ, qui cum cura annotarunt, ubi manus forte typothetarum erraverant, ut adeo spes sit, pauca adhuc superesse, quibus sphalmatum catalogus augeri queat. In impressione Novi Testamenti & Apocryphorum secuti sunt Editores Vener. *Reineccii* ante aliquot annos emissas editiones. Ex una autem editione duæ surrexerunt, dum singulis paginis ex Bibliis *Cansteinianis* Germanica versio adjuncta est, in altero codice solis fontibus relictis. Inde nemo mirabitur, qui factum sit, ut in codice Ebræo paginarum singularum binæ columnæ non ex more Ebræorum aliorumque orientalium populorum a dextro latere ad sinistram, sed ex more Occidentis a sinistro versus dextrum, tendant. Nec illud potest in malam accipi partem, quod masoreticæ appendices, quæ in ple-

risque

risque editionibus singulos sacri Codicis Ebræi libros claudere solent, ad finem Ebræi codicis rejiciantur, & denique versus alii alios vel continuato nexu, vel interpositis spatiis, in impressione excipiant. Nec minor cura & labor fuit adhibitus in exscribendis libris Apocryphis. Cum enim in libro *Tobie, Judithæ*, & oratione *Manassis*, Germanica versio a Græcis differat nonnullis in locis, operâ est data, ut omnia sibi respondeant. Novum Fœdus quod attinet, ejus Capita in nonnullas sectiones sunt divisa, qua in re Editores *Bengelium* secuti sunt. Præterea singulis Capitibus lemmata & contenta breviora sunt præfixa, et ad Codicem Ebræo - Germanicum accedunt varia, quæ sua se utilitate commendant. Et quidem Vet. Testamentum in fronte gerit 1) brevem Chronologiam Biblicam, sive historiam a condito mundo usque ad annum 100 post Christum natum, quæ ex *J. J. Schmidii* Historico Biblico contracta est; 2) Indicem, quo tempore & ordine libri Biblici sint conscripti, ex eodem extractum; 3) collationem mensurarum, ponderum, & numismatum, quorum in sacris literis fit mentio, cum nostris hodiernis, ex ejusdem *Schmidii* Mathematico Biblico. Tandem lectioni Novi Fœderis sequentia inserviunt, eidem præmissa: 1) Harmonia Evangelistarum, ex Venerandi D. *Hauberi* Harmonia in compendium redacta, quæ in codice Græco sine versione Germanica Latine legitur; 2) Tabula, quæ loca ostendit, ubi in textu vernaculo Agenda Saxonica, Biblia *Læschneriana*, & *Campseianiana*, inter se differant; 3) Collatio locorum mentorabilium Novi Fœderis, ubi *Lutheri* interpretatio, Græcus textus hujus editionis, & *Bengelii* editio, differunt, ab ipso *Bengelio* communicata. Eadem præfixa est editio, quæ solum Græcum textum exhibet. Ex singulis his, a nobis cum cura enarratis, apparet, non exiguam laudem Editores horum Bibliorum mereri, cum & diligentiam omnem & curam & studium perpetuum adhibuerint, ut quam emendatissima hæc nova prodiret editio. Non possumus itaque non hos conatus illis, quibus fontes sacrarum literarum curæ cordique sunt, etiam atque etiam commendare, certissime persuasum nobis habentes, his ipsis Bibliis omnes, qui sacris literis operam navant,

mirum in modum adjutum iri, quod ut fiat in Dei O. M. gloriam, & ecclesiæ, quæ puriorum est partium, commodum, cum Editoribus vehementer optamus.

THE MORAL PHILOSOPHER, &c.

hoc est,

PHILOSOPHUS, VERITATI MORALI INNITENS, seu Dialogus inter Philalethem, Deistam Christianum, & Theophanem, Judæum Christianum; in quo fundamenta & principia, cum religionis in genere, tum speciatim religionis Christianæ, quatenus à religione naturali est diversa, variæ ille, quibus morales veritates intellectui proponi possunt, rationes, criteriæque necessaria, quibus gaudere illæ veritates debent, natura legum positivarum, rituum, & ceremoniarum, & quatenus constans atque perpetua illarum obligatio ostendi potest, aliæque, eademque variæ, maximi, in rebus ad religionem spectantibus, momenti, res expenduntur & dijudicantur, simulque sine partium studio, quæ ab utraque parte afferri solent, argumenta exponuntur.

Volumen I.

Londini, sumptibus Auctoris, 1738, 8.

Alph. I. plag. 7.

Variis gravissimisque doctissimorum Virorum laboribus atque conatibus id nondum in Anglia effici potuisse, ut detestanda, quæ ibi viget, quicquid lubet, de religione non solum sentiendi, sed quoque effutiendi, scriptisque, publice evulgatis, proponendi, licentia cohibeatur atque compescatur, execrandus, quem jam sistimus, scelerati hominis liber conducet. Qui quidem tantis, in detrimentum religionis Christianæ effusis, conviciis, disertiis, & scommatibus, scatet, ut Auctor impiam eorum, qui ante eum religionem Christianam labefactare conati fuere, cohortem superare velle data opera videatur. Totus autem ejus in eo positus est labor, ut, labefactata, quæ in immo penitus eversa, religionis Christianæ autoritate, religio-

nem

nem naturalem stabilit, eamque ad summum autoritatis fastigium evehat. Quod impium consilium sub Præfationis statim initium luculenter satis prodit. Posteaquam enim occasionem enarravit, quæ huic libro evulgando e societate quadam virorum, veritati pervestigandæ operam navantium, enata fuit, quinque theses, quibus laborem illi suum superstruxere, adducit, quæ vero omnes ad detrimentum religioni Christianæ afferendum conceptæ sunt. Secundum has enim moralitas & æquitas rerum unicum illud constituunt criterium, ex quo dijudicari potest, utrum doctrina a Deo sit profecta, adeoque partem religionis efficiat, nec ne; secundum has etiam dona illa & virtutes extraordinariæ, quibus Apostoli, eorumque successores, primis post C.N. Seculis fuere distincti, non conjunctæ fuere cum charactere quodam morali, sed falsi doctores æque donis illis fuere instructi ac veri. Hinc vero concludit, doctrinas eorum, & quod ursere, donum vaticinandi, secundum regulas veritatis & æquitatis moralis, æque ac nostris temporibus, fuisse examinanda. Et, cum Deus, qui est ens infinitum, fallere & peccare nesciat, homines vero, omniscientiæ dono non instructi, ad fallendum sint proclives, omnis autem error, voluntario commissus, peccatum nominetur, inde sequi putat Autor, ut dona illa extraordinaria, quibus ævum Apostolicum fuit conspicuum, homines fallere nescios non effecerint, idque propterea, quoniam per ea libertas non destruat; quare, qui hisce donis fuere ornati, aut bene, aut male, iisdem, ex mente Philosophi nostri, uti potuerunt. Cognitione veritatum moralium vario quidem modo acquiri potest: nimirum ratione, revelatione, aut testimonio alterius. Quocumque vero ex adductis modo veritatem moralem mens nostra cognoscat, semper tamen eadem manet religio, eademque cum ea connexa est evidentiæ, veritatis scilicet cum ratione consensus. Qui quidem si negetur, nulla amplius reliqua manere vera & certa criteria, & fundamenta religionis, sed maximas, immo diabolicas, deceptiones, loco divinarum veritatum, apprehendi, cavillatur. Ita vero cum se quasi præmunivisset Autor, rem ipsam aggreditur, & primo quidem, id quod quam maxime e re ejus erat,

erat, Scripturæ sacræ auctoritatem infringere laborat. Monet, Christianam religionem naturali non opponi jure posse, quandoquidem hanc supponat, atque sub se complectatur. Est autem ipsi Christianismus, stricto sensu acceptus, complexus veritatum revelatarum, in Veteris ac Novi Fœderis libris comprehensarum. Ex his igitur libris veritates revelatas optima ratione demonstrari atque comprobari posse asserit, dummodo sufficienti gauderent claritatē, ita quidem, ut etiam mediocri tantum intelligendi facultatē præditi facili eos negotio intelligere, sensumque illorum assequi, possent. Sed hac eos destitutos esse claritate, Autor queritur. Quem Christiani libris *Mosis* sensum tribuunt, nunquam admittunt Judæi. Et inter ipsos Christianos nunquam de sensu Scripturæ sacræ convenit, sed tot ejus confictæ sunt partes, quot dantur religiones a se invicem diversæ. Eruditissimi, diligentissimique, & ab omni partium studio alieni, sacrarum literarum interpretes, quanquam omnes animi ingeniique intendunt nervos, id assequi non potuere, ut de rebus maximi momenti, ex sola revelatione cognoscendis, quales sunt doctrina de mysterio Trinitatis, de Christi ante omnia tempora præexistentia, de ejus incarnatione & conceptione miraculosa in utero virginis, de mortis ejus, tanquam sacrificii propitiatorii pro peccatis, necessitate, unum idemque senserint. Cum igitur ex doctrinæ, quæ maximæ in religione Christiana censentur, tam varie a viris doctis accipiuntur atque exponantur, hinc, nullam earum, quæ in sacris literis traduntur, doctrinarum fundamentalem dici posse, temerarie concludit Autor, idque ex eo, quoniam hoc modo facile error, quem quidem, rebus sic comparatis, nullo modo evitari posse censet, committi possit. Quin immo amplius ex iis, quæ antea disseruerat, fluere asserit, neminem de eo certum esse posse, quod verum determinatumque, a Spiritu sancto aut scriptoribus sacris intentum, sensum sit assecutus, cum veritates coelestes, sub eo comprehensæ, terminis æquivocis, variamque constructionem admittentibus, sint propositæ. Quare miratione digna ipsi videtur sententia eorum, qui affirmant, Deum revelasse religionem, humano generi tam necessariam utilemque, quæ tamen

non

non unum solum determinatum, sed ita vagum variumque, sensum admittit, quantum facultates cogitandi, & modi ac vires representandi, differunt. Hac occasione quæstionem illam proponit: utrum dogmata religionis Christianæ etiam in Veteris Instrumenti tabulis sint comprehensa, vel, quod idem est, utrum *Mosi* & Prophetis ea cognita fuerint atque perspecta. Quam quidem quæstionem penitus negat. Ita enim comparatam eam esse perhibet, ut, si admitteretur, maximis tricis atque difficultatibus mediocri animi sagacitate præditos implicaret. Omnes, puriori doctrinæ addicti, Theologi asserunt, legem ceremonialem, vel Leviticam, typum Christi fuisse, illo adveniente tollendum. Hos vero acriter perstringit, gravissimique eos erroris insinuat. Legem enim dictam non a Deo præceptam, sed merum opus carnale, ordinationemque politicam, fuisse, audacter pronuntiat. Qua quidem in re *Paulum* secum consentire gloriatur; quam assertionem ut evincat, monet, *Paulum*, quando de lege loquatur, triplici sensu vocem illam usurpare. *Primo*, ex ejus mente, per eam intelligit legem naturæ, a qua cum, quotquot dantur, homines, Judæi æque ac gentiles, desciverint, ad eam, per gratiam Dei, in Evangelio patefactam, reduci debent. Hæc gratia illa est, quæ homines impietati, mundanisque cupiditatibus, valedicere, et sobrie, juste, ac pie, in hoc mundo vivere, docet. Hæc est lex fidei, vel justitiæ, per quam novus homo sub Evangelio formatur et gubernatur. Hæc lex illa est; quæ, in perpetuum de Deo veraque religione testimonium, hominum, gentilibus, in crassissima ignorantia constitutis, ne quidem exceptis, naturæ manet inscripta. *Secundo* vox legis *Paulo* significat legem moralem, quæ Israelitis, tanquam lex civilis vel politica, a Deo erat tradita: quam, hoc sensu sumtam, Apostolus sanctam, justam, & bonam, declarat, eamque pædagogum ad Christum fuisse asserit. Id quod eam sit ob causam, quoniam lex ista neque incitamenta sufficientia, neque media, ad perfectam, veræque religioni respondentem, vitam agendam satis efficacia, proposuit. Erat enim lex mere civilis et politica, statui populi Judaici tantummodo accommodata. Hinc omnes ejus ordinationes

nes civiles quoque erant, ad externas societatis actiones spectantes, præmiæque & pœnæ, quibus erat munita, hanc, non vero futuram, vitam respiciebant. Hæc lex solum populum Judaicum, ex *Abrahami* semine oriundum, obligabat. Per quam licet ad pacem amicitiamque inter se colendam obstringerentur *Judæi*, simul tamen ad bellum cum ceteris orbis gentibus gerendum excitabantur. Non solum enim imperium suum, quousque poterant, dilatare, sed etiam omnes nationes, ipsis resistentes, imperiumque eorum recusantes, igne ferroque delere, secundum hanc legem permissum eis erat. Quæ etiam erat ratio, cur *Canaanis* incolas sine ulla profusis miseratione interficerent. *Tertio*, voce *legis* sapius a *Paulo* indicatur lex *Mosaica* cerimonialis, de sacerdotum munere & officiis præcipiens. Hoc sensu quando legis mentionem facit *Paulus*, eam tanquam carnalem, mundanam, & interficientem, rejicit, ejusque non sine contemptu, tanquam *legis ordinationum*, & *elementorum mundi*, meminit, propterea, quoniam ea, proprio et literalis sensu accepta, neque veritate, neque bonitate, erat conspicua; quare potius ordinatio excæcans & captivans, jugumque ob tenebras, quibus obvoluta erat hæc lex, prorsus intolerabile, quod neque ipsi, neque patres eorum, sustinere potuere, dicenda sit. *Paulus* igitur, licet natione esset *Judæus*, legem tamen, hoc respectu consideratam, secundum quem imaginem tantummodo rerum futurarum, jam Christo præsentem abrogandarum, repræsentare debebat, prorsus destruere laborat. Christum vero, tanquam unicum illum & æternum sacerdotem maximum, mortemque ejus, tanquam unicum, vetum, & efficacissimum, pro peccatis sacrificium, quo peracto sacrificia reliqua omnia cessare & abrogari debuere, sistit. Quam cum veram *Pauli* de lege *Judæorum*, ad sacerdotium spectante, mentem esse sibi persuadeat Autor, simul inde elucere putat, *Paulum* nullum eorum institutorum, & rituum, supra commemoratorum, divinitus mandatum & patefactum affirmare: simulque clarum esse existimat, *Paulum* novam quandam doctrinam, *Mosi* et Prophetis oppositam, prædicasse. Omnis enim, qui a *Mose* legis finis esse perhibetur, a *Paulo* evertitur & negatur.

tur. Quodsi aliquis obverteret, *Pauli* argumenta haud videri stringentia, eumque methodum illam eum solum in finem elegisse videri, ut Judæis imponeret, si libris *Mosis* typicus ille atque figuratus, quem *Paulus* eis tribuit, sensus denegetur, ei responderet Autor, ejusmodi sensum typicum atque figuratum, qualis *Mosis* libris inesse perhibetur, ante captivitatem Babylonicam Judæis plane incognitum fuisse atque inauditum. Inde vero ab *Efræ* temporibus vigere cœpisse, & usque ad Christi tempora et amplius communi assensu a doctoribus Judæorum receptam fuisse, allegoricam hanc legem, & Prophetas explicandi rationem, monet. Ante hæc enim tempora altum plane fuisse inter Judæos silentium de conflagratione mundi per ignem, de resurrectione generali, & judicio de bonis & malis sumendo, ut & de statu futuro præmiorum & pœnarum: post hæc autem tempora omnes Judæorum libros, in quibus doctrinæ capita enarrantur, doctrinis illis fuisse repletos: quibus ut auctoritatem conciliarent doctores Judæorum, *Mosis* & Prophetarum libros, figurato illo & tropico sensu, secundum quem, quicquid lubet, dici potest, fuisse ab illis allegatos. Ut vero Autor speciem quandam iis, quæ jam disseruerat, obtendat, Cel. *Prideauxium* hac in re secum consentire gloriatur, sed tantummodo gloriatur. Nobis enim, quantumvis diligentèr ipsum *Prideauxium* evolventibus, consentum ejus cum Autore nostro detegere non licuit. Nam, in quos digitum intendit locos Autor, in his minime *Prideauxius* linguam Ebræam post captivitatem Babylonicam asserit prorsus inter Judæos interiisse, eosque rectam legendi rationem, verumque librorum sensum, a doctoribus suis, Masorethis puta & Cabbalisticis, addiscere necesse habuisse: sed ibi agit cum de fabula Judæorum, duplicem legem, oralem & scriptam, fingentium, quam quidem refutandam sibi sumit, tum de origine pactorum vocalium, quæ a Masorethis inventa esse perhibet. Vid. ejus *Historia Vet. & Nov. Test. cum historia profana connexa* P. I pag. 408 seq. & pag. 493 seq. edit. Germ. Dresden-
sis. Assertis hinc suis fretus Autor, pergit monere, Christum & Apostolos, quando Judæos refutandos sibi sumebant, ad traditiones, ab illis confectas, sese accommodasse, eosque ex his, ab illis concessis,

cessis, principiis refellere studuisse. Hoc vero ex eo apparere perhibet, cum quod *Paulus* legem cerimonialem, quam *Moses* æternæ autoritatis, Judæorum posteros obligantis, esse asserit, in respectu ad sensum literalem, a *Mose* intentum, rejicit, eamque ullo modo nos obligare, cum autoritas ejus morte Christi abrogata sit, negat: tum quod legem hanc, quam *Mosen* in peculiaris divini favoris signum, quo populus Dei a ceteris orbis gentibus distingueretur, accepisse refert, ordinationem carnalem atque mundanam, quæ cæcos nos efficiat, declarat. Quæ cum ita sint, sole meridiano clarius elucere putat, legem, quæ ita comparata sit, institutum divinum haud dicendam, neque adeo nova opus esse ad ejusmodi legem abolendam revelatione. Populo potius ex communibus rationis atque naturæ principiis jus, ad ejusmodi servitutis jugum, cui adhuc subiectus erat, dejiciendum, competuisse perhibet. Cum vero omnis ordinatio servilis ob id ipsum, quod in servitutem nos dejicit, abroganda sit; hinc *Paulum* Judæos ad eam legem abolendam excitasse affirmat. Tam certum enim esse, quam quod certissimum, quod *Paulus*, quando gentibus & Judæis, per omnes imperii Romani partes dispersis, Evangelium annuntiabat, legis cerimonialis obligationem haudquaquam urgeret, quæ potius Christi morte atque sacrificio impletam abrogatamque esse asseverabat. Christiani generatim affirmant, *Paulum*, peculiari revelatione divina, ipsi concessa, inductum, hoc affirmasse, idque propterea, quod lex cerimonialis, typus tantummodo rerum meliorum, earundemque futurarum, hancque adeo ob causam abrogandarum, fuerit. Quæ res utrum ita se habeat, an vero *Paulus* tantummodo κατ' ἀνθρώπων contra Judæos disse- rat, unum idemque sibi esse, Autor asserit. Illud vero certum esse inquit, quod *Paulus*, quanquam acriter contra legem cerimonialem disse- rat, nihilo tamen minus, quamdiu vixit, legem cerimonialem, æque ac ceteri, ævo Apostolico viventes, profelyti, observaverit. Hinc vero ardua illa quæstio exoritur, quibus argumentis ductus *Paulus* ita se gesserit. Quod si hæc lex divinæ originis, voce hæc sensu recentiori accepta, fuisset,

fuisset, sequeretur, ut homines ad eam, tanquam legem justitiæ, per quam justitiam consequi debuissent, fuissent adstricti: quæ igitur obligatio haud alio modo, nisi per formalem directamque legis abrogationem, per novam revelationem factam, tolli potuisset. Hoc vero factum non esse, ex *Pauli* ceterorumque Apostolorum agendi ratione patet. Hi enim legem illam observabant, eidemque post conversionem ad Christianismum æque, ac antea, obedientiam præstabant: non quidem ita, ut per eam justitiam, coram Deo valentem, quærent, sicut legi civili, in urbe, ubi debebant, receptæ. Hac ex ratione controversia inter *Paulum* ceterosque Apostolos ex una, & inter doctores circumcisionis ex altera, parte enascebatur. Hi enim legem, necessariam Religionis partem, per quam homo coram Deo justificaretur, esse affirmabant. Quibus *Paulus* contradicebat, legem civilis tantum originis esse asserens. Huic igitur materiæ ut lucem affundat Autor, controversias, eapropter *Pauli* & reliquorum Apostolorum ætate agitas, fuscè copioseque e *Cap. XV & XXI Actuum* recenset. Quod posteaquam præstitisset, tandem ita de *Paulo* pronuntiat, quod neque re vera Judæus, neque re vera Christianus, fuerit, sed modo huic, modo illi, parti, prout occasio tulerit, se addixerit. Quid? quod eo progrediatur effrænata ejus audacia, ut *Paulo* primum inter eos locum tribuere non erubescat, qui eo tempore, in rebus ad religionem spectantibus, rationi, plus quam decet, indulgere. (*St. Paul was the great Free-thinker of his age.*) Quare hoc de eo fert judicium, quod rationem adversus præjudicium autoritatis masculine defenderit, iisque, qui sub specioso divinæ ordinationis atque revelationis obtentu deplorandum quoddam superstitionis, cæcitatæ, & servitutis, chaos introducere laborarunt, masculine contradixerit. Ast vero successum minus prosperum expertum esse *Paulum*, queritur. Non enim Judæi solum, sed ipsi quoque Christiani, coacto contra eum concilii decreto, conatum ejus reprimere atque invertere laborabant. Quo verò non obstante, *Paulus* constanter legis originem divinam, ejusque in rebus ad religionem aut conscientiam spectantibus obligationem,

ligationem, negabat. Præter jam memoratam, aliam adhuc inter *Paulum* ex una, & *Petrum* atque reliquos Apostolos ex altera, parte exortam esse controversiam meminit, cujus quidem eo rediit summa: utrum, qui ex gentibus Christianam fidem erant amplexi, a Christianis ex-Judæis tanquam fratres essent recipiendi, adeoque his cum illis unam colere societatem licitum esset, nec ne. Quam quidem quæstionem *Petrus* affirmabat, qui ideo, peculiari sibi facta visione fretus, *Corneliū*, salutari aqua ablutum, in societatem Christianorum recipiebat. Cujus rei fama cum ad ecclesiam Hierosolymitanam, quæ maximam partem e Judæis erat composita, perveniret; *Petrus* uno omnium consensu condemnabatur. Posteaquam vero ille, quæ sibi contigerant, enarrasset, in ejus sententiam ire, communemque cum eo causam facere, non dubitabant. Annis aliquot circumactis, controversia hæc, per aliquod tempus sopita, denuo agitari cœpit. Quæ vero ut in herba quasi suffocaretur, Hierosolymis concilium cogeatur, cui *Paulus* & *Barnabas* interesse jubebantur. Ab hoc concilio illud dabatur decretum, ut ii, qui e gentibus Christo nomē dederant, ad nullas alias res observandas adstringerentur, quam ut abstinere a fornicatione, ab idololatriis, a sanguine & suffocato; quod si fecerint, a Judæis ad Christum conversis tanquam fratres, & focii unius ejusdemque religionis, reciperentur. Cui decreto licet ceteræ ecclesiæ omnes se submitterent, *Paulus* tamen illud admittere, adeoque concedere, nolebat, ut iis, qui e gentibus fidem Christianam erant amplexi, lex proselytismi, tanquam ad salutem consequendam necessaria, injungeretur observanda: idque eam præcipue ob causam, quoniam sibi peculiarem hæc de re revelationem contigisse affirmabat. Quæ cum reliquis non obtrigerat Apostolis, hinc, eos a *Paulo* convinci non potuisse, existimat Autor. Neque miraculis componi potuisse hanc controversiam perhibet, idque ideo, quoniam *Petrus* tot tantæque, quanta *Paulus*, miracula perpetraret, adeoque eadem ex utraque parte esset evidentia; quid? quod, cum reliqui omnes *Paulo* adversarentur, ipsum, quod multitudinem miraculorum attinet, maximopere superatum fuisse asserat. Quod-

si quis obverteret, *Paulum*, rebus sic comparatis, aliud, idque a *Petri* & ceterorum Apostolorum doctrinis diversum, Evangelium prædicasse videri, eosque adeo in doctrinis, ad fidei fundamentum pertinentibus, inter se discrepasse, quare impossibile sit, ut omnes a Deo fuerint inspirati, & a Spiritu S. agitati; ei Autor regerit, eos, qui iis temporibus florere, viros sanctos non gloriatos fuisse de Spiritu quodam sancto, qui homines infallibiles, peccandique nescios, redderet, eosque ita ab errandi vitio servaret immunes, ut neque se ipsos in iudicando deciperent, neque alios hac sua opinione fallerent. Hanc enim prærogativam, quam Apostoli, Spiritu S. donoque miracula perpetrandi instructi, nunquam sibi arrogarunt, sequioribus demum temporibus Ecclesiam Romanam sibi tribuisse. Qui vero Apostolorum ætate hisce donis erant ornati, iis, ut Autor asserit, libertas relicta erat, secundum rationis atque prudentiæ humanæ principia iis utendi. Quare fiebat, ut alii recte, & fini huic congruenter convenienterque, iis uterentur, alii vero eadem in instrumenta, æmulationem & fastum suum promotiva, converterent, hacque ratione maximis turbis ansam præberent. Cum igitur & falsi Prophetæ, & maximi impostores, miracula perpetrarent; hinc patere existimat, eos, qui hisce donis prædicti fuere, & falli & fallere nescios haud fuisse. Si enim miracula veritati doctrinæ confirmandæ inserviissent, ea a sceleratis illis hominibus haudquaquam perfici potuisse. His vero præsuppositis, asserere non dubitat, convictionem illam, quæ in intellectu de veritate doctrinæ cujusdam, per inspirationem seu revelationem immediatam gignitur, apud eum solum, cui revelatio obtigit, non vero apud alios, divina autoritate gaudere. Istos vero, quibus hæc ab illis traditur veritas, ad eandem, ob illorum fidem & auctoritatem, non vero tanquam testimonium divinum, divina autoritate ornatum, accipiendam obstringi. Omnem enim de divinitate doctrinæ cujusdam ex eo proficisci certitudinem, quod detur unum quoddam, immo unicum, idque certum atque infallibile, de divinitate doctrinæ cujusdam iudicandi criterium, cui tanquam rei, ad religionem & conscientiam spectanti, fidem adhibere tenemur; quod quidem in-

dicium

dicium constituere veritatem & æquitatem moralem; intellectui recte propositam, beneque ab eo perpenſam. Quapropter, quando Deus non immediate, neque directe, cum hominibus loquitur, neque eo ipſo tempore rei ipſius ratio & iuſtitia moralis clara redditur, probabile quidem, ſed non certum, eſſe, quod lex poſitiva a Deo ſit profeſta. Quodſi vero aliquis, rebus ſic comparatis, dubius adhuc atque incertus hæreret, ei illud ſuppeditat conſilium Autor, ut aſſenſum ſuum retineat, donec res argumentis magis idoneis ſit firmata. Duas enim dari religionis ſpecies, naturalem alteram, alteram revelatam. Illam, cum æternis, neque unquam mutandis, regulis atque principiis veritatis & æquitatis moralis innitatur, eandem ſemper fuiſſe, eodemque ſemper modo ab intellectu humano, quamprimum, rite illi propoſita, ab eo perpendatur, apprehendi affirmat. Hanc vero poſitivam & revelatam ut plurimum dici, idque, ut eo melius ab illa diſcernatur, fieri perhibet. Eam politicam, ſeu hierarchicam, vocat, per quam illam a ſe intelligi dicit religionem, non quam ipſi Clerici credunt, ſed quam e ſyſtematibus ſuis didicere, & ad quam, aliis inſtillandam, conſcientia, ſeu potius utilitas & commodum, eorum impellere eos videtur. Quæ quidem religio, ſicuti nunquam, ex mente Autoris, exiſtit, ita quoque alii haud ſuperſtrui poſſe fundamento, niſi *traditioni, hiſtoriæ, & auctoritati humanæ*; quare diverſis temporibus diverſisque in regionibus & ipſa fuit diverſa. Ex qua religionis diverſitate diverſas hominum de doctrinis, in ea propoſitis, opiniones promanſſe ſentit. Hic eo uſque temeritas & infania ejus progreditur, ut religionem ſanctiſſimam vocare ſaraginem ſiſtionum non vereatur. Miracula divinitati doctrinæ firmum præbere argumentum, prorſus negat. Inter potentiam enim miracula patrandi, & veritatem doctrinæ, ab iis, qui miracula edidere, propoſitæ, nullum dari nexum aſſerit: quanquam ea eſt liberalitate, ut non omnem miraculis fructum atque uſum deneget. In eo autem, quem præſtant, uſum ponit, quod homines per ea ex ſupina, quæ ipſis adhæret, negligentia & incogitantia excitentur, atque ad ſobriam quietamque rerum, miraculis firmatarum, contemplationem per-

permoveantur, idque inprimis tum, cum eadem in generis humani commodum atque emolumentum edita esse animadvertunt. Hac enim ratione convinci eos asserit, quod, qui donis hisce extraordinariis sunt instructi, eumque illis utuntur in finem, haud malo in eos animo sint præditi, sed veram maximamque eorum salutem promovere studeant. Quem quoque effectum in animis populi miracula Christi ejusque legatorum exferuisse perhibet. Convincebantur enim illis homines, viros hosce neque Dei, neque civitatis, esse inimicos: simulque excitabantur, ut finem & naturam doctrinarum propositarum animo tranquillo pensitarent, neque cæco eas impetu ob sacerdotum & doctorum suorum auctoritatem pro veris amplecterentur. Quæ cum ita sint, elucere exinde putat, miracula præjudiciis removendis, animique attentioni excitandæ, quam maxime inservire. Hac autem occasione in Clericos atque Theologos, aliam, eamque saniozem, verboque divino conformem, de miraculorum natura & fine sententiam foventes, vehementer invehitur, & detestandis eos disertiis atque conviciis proscindit. Posteaquam igitur mentem suam de legum moralis & cerimonialis usu ac fine explicasset, ad doctrinas, in Novi Testamenti tabulis comprehensas, sub examen vocandas progreditur. Eas autem nihil rationi adversum complecti existimat, dummodo rite intelligantur. Quod si fiat, tum demum Theologorum commodis eas haud amplius inservituras esse pronuntiat. Maximum vero, ex ejus mente, emolumentum e doctrina de Sacramentis in Clericos redundavit. Nam, cum ista necessaria gratiæ media, quæ præter Clericos dispensare nemini licitum sit, perhibeant, sequi ait, Clericos æque necessarios esse, ac ipsa Sacramenta. Nullum vero iis in Sacramenta jus competere, hæcque eadem gaudere efficacia, si per laicorum manus distribuantur, quæ, cum a Clericis porriguntur, gaudent, e Novi Testamenti libris patere, quæ summa ejus est protervitas, asserere non erubescit. Quid? quod, Sacramenta instituta fuisse eum in finem, asserat, ut ad tempus tantummodo durent, non vero ut immutabiles sint ecclesiæ leges. Cui impiæ assertioni ut speciem quandam conciliet, observandum monet, quod, quæ vo-

cantur Sacramenta, civiles tantummodo ritus sint, qui tempore Christi, & jam ante illud, inter Judæos vigerint. Christus igitur, secundum ejus opinionem, novos quosdam ritus minime instituit, sed ritus duos antiquos, eosdemque inter Judæos obtinentes, in usum sacrum, naturæ religionis Christianæ conformem, convertit. Judæi unumquemque profelytum portæ, cum integra ejus familia, baptizabant; profelytos vero justitiæ non baptizabant solum, sed quoque circumcidebant. Licet igitur profelyti cum integrâ gente sua a Judæis baptizarentur, posterius tamen eorum, in eadem fide permanentes, baptismatis fonte non abluebantur. Sacerdotibus circa hunc ritum æque ac circa circumcisionem partes erant nullæ, sed iste vel ab antistite familiæ, vel ab alio quodam, cui hujus rei data erat facultas, peragebatur. Cum igitur Christus de ritibus, in Baptismi administratione observandis, novum non dederit præceptum, eum ritum secundum ceremonias, inter Judæos vigentes, a nobis quoque administrandum esse, Autor perhibet, quod etiam ab Apostolis primisque Christianis factum esse, non dubitat. Ex hisce vero illud sequi affirmat, ut Baptismus iis tantummodo impertiatur, qui fidem Christianam amplectuntur; non vero ad liberos posterosque eorum, in eadem ecclesia natos, eandemque fidem amplectentes, extendatur. Quare neque solis Clericis, exclusis laicis, Sacramenti hujus dispensationem competere contendit; quanquam, decori causa, a nonnullis ecclesiis privilegium hoc illis sit concessum. Quod vero de Baptismi Sacramento affirmat, neque ab ecclesia istud ordinatum, neque Clericis administrandum concessum esse, illud etiam de S. Cœnæ Sacramento asserit. More erat inter Judæos receptum, ut, peracta cœna, panem frangerent, fractumque per mensam distribuerent, cum quo pane unicuique convivarum poculum, vino repletum, porrigebatur. Quo ritu sicuti cœnæ finis imponebatur, ita Deo quoque, conceptis precibus, gratiæ pro præstitis beneficiis agebantur, qui simul implorabatur, ut eos iisdem beneficiis amplius dignari, atque ita gubernare eos, vellet, ut bene iis uti haud intermitterent. Christum igitur, quando cum discipulis suis pascha celebrabat, secundum hunc

inter

inter Judæos receptum morem, panem vinumque iis distribuisse, nihilque adeo in hoc ritu mutasse, perhibet, præterquam quod discipulis suis injungeret, ut calicem, qui a Judæis poculum gratiarum actionis vocabatur, in nomine suo, id est, testimonium fidei, ac professionis doctrinæ ejus, exhaurirent. Speciatim vero id jussisse Christum ait, ut, quando e poculo hoc biberent, in memoriam sibi revocarent, quod ipse, amore erga humanum genus ductus, cœlestem doctrinam, a se annuntiatam, morte, quam perpassus fuit, confirmaverit: quare, cum hunc ritum celebraret, eum tanquam suorum patremfamilias, minime vero ut episcopum seu sacerdotem, se gessisse. Hunc ritum deinde in copiosiores ecclesias, & primum quidem in Corinthiacam, quanquam sine ullo ab Apostolis facto mandato, introductum, &, posteaquam demum ad Clericorum manus pervenit, ab iis in mysterium statim conversum esse, nugatur. Nos igitur, ex Philosophi hujus mente, ab iis, quæ circa primam hujus Sacramenti ordinationem observabantur, tam longe recessimus, ut vix ac ne vix quidem, quid nobis cum Christo & Apostolis ex hoc ritu commune remanserit, possit dijudicari. Apostoli in S. Cœnæ administratione panem adhibebant tenuem, facileque confringendum, quo quidem, Christi pro nobis fractum esse corpus, significabant; nos vero utimur pane duro, qui, cum manibus comminui non possit, in partes est secandus. Apostoli azymum panem, ad sinceritatem veritatemque adumbrandam, sumebant; nos vero fermentatum usurpamus. Apostoli, ritum hunc religiosum esse, asserbant, quem cuivis patrifamilias in domo sua celebrare erat licitum; ast Clerici ritum hunc templis vindicaverunt, in quibus raro veram amicitiam mutuumque consensum coli, Autor calumniatur. Apostoli ritum hunc a fratribus suis, laicos puta, observari voluere; Clerici vero peculiarem, eandemque mysterii plenam, actionem, quæ necessarium gratiam assequendi medium contineat, ex eo fecerunt. Apostoli æque ac ii, qui prioribus post C. N. Seculis vixere, Christiani, vinum aqua miscebant, ad aquam & sanguinem, quorum utrumque ex Christi latere perosso profluxit, significandum; nostræ vero ætatis Clerici merum vinum adhibent.

Ut vero, quæ hætenus garriërat Autor, in compendium reduceret, hanc calumniarum suarum summam exhibuit: omnes ritus, qui Apostolorum ætate, nec ita multo post, circa S. Cœnæ administrationem observati fuere, a Clericis esse abrogatos, eorumque loco proprias illorum mutationes & figmenta introducta atque substituta. Hinc ad doctrinam de S. Baptismo, qui ei novum quoque Clericorum figmentum audit, revertitur. Inter Judæos mos ille vigeat, ut corpus aqua sæpius abluerent, idque eam præcipue ob causam, quoniam ad scabiem & lepram valde erant proclives. Quæ cum inter Christianos cesset causa, neque iis opus esse nugatur, ut corpus aqua frigida, seu baptismi aqua, abluant. Ita vero omnem exuere pudorem necesse habet is, qui sanctissimas religionis Christianæ doctrinas & cerimonias aliorum exponere ludibrio sibi proposuit. Quid igitur mirum, quod sceleratus hic homo Angliæ, tantam animos hominum occupasse, audacter pronuntiet, lethargiam, (ejusmodi enim vocabulum præfractæ frontis virum decet,) quæ alia ratione removeri nequeat, quam si acerbo utatur & mordaci scribendi genere. Egregie hoc ipsum adhibet, quando de cultu publico, Deo præstando, deque Verbi divini ministris, in quos atram bilem effundit, & quos, quæcunque agunt, auri sacra fame adductos, agere, nefarie nugatur, verba facit. Ejusmodi vero qui præditus est animo, ab eo alia, quam ab Autore suppeditata est, religionis Christianæ notio expectari nequit. Est vero ipsi religio revelata, vel, uti loqui ei placet, Christianismus sacerdotalis, fides, ejusmodi doctrinis præstita, quæ nullo modo possunt intelligi, & de quibus adeo nulla formari potest notio: exferitque se hæc religio in eorum usu mediocum, in quibus nullus naturalis, seu rationalis, nexus, nullusque ad propositum finem respectus, datur. Hæc si nimis longa cuiquam videatur definitio, brevior ipsi ad manus est, ita concepta: Religio Christiana mystica est ad salutem via. A doctrina de Sacramentis ad redemptionem a Christo factam progreditur, de qua ut mentem suam eo melius exponere possit, antea de lege Judæorum & propitiatione per sanguinem præstanda disserit. Ipsa sacrificia poenæ loco Judæis injuncta esse affirmat; hacque occasione eos, qui

sacri-

sacrificia loco vitæ peccatoris accepta esse perhibent, acriter perstringit. Jam quoque ad primogenitorum redemptionem pervenit, hancque proponit quæstionem: utrum, cum Deus Levitas masculos loco primogenitorum masculorum acceperit, hi hac ratione a morte & tyrannide fuerint liberati, an vero contra ea prosperitate & felicitate privati. Hic, a libertate & privilegiis Levitarum eos quidem liberatos, simul vero in eam, cui reliqua gens Judæa subiecta erat, miseriam atque servitutem detrufos esse, respondet. His igitur præmissis, ipsam de redemptione per Christum facta doctrinam pertractare aggreditur. Quod dum facit, hostilem in Christianam religionem animum novis speciminibus prodit. Statim enim sub initium hujus pertractationis calumniatur, voces, *sacrificium, oblatio pro peccatis, expiatio, propitiatio, redemptio*, sapius in sacris literis, respectu ad Christi mortem habito, occurrentes, quoniam ut plurimum sensu nimis stricto accipiantur, omnia totius Christianismi systemata vehementer perturbasse, id quod ab eo tempore factum esse nugatur, quo viri docti congruum duxere, mysterium scientiamque quandam occultam ex iis fingendi. Deinde asserit, Deum personas non accipere, sed, quicumque eum timer, justeque agit, ex quacunque prognatus natione, cujuscunque sit ætatis, vixeritque sub Evangelio, an minus, eum fore Deo acceptum. Quæ cum ita sint, haudquaquam opus esse dicit, ut communem illam Judæorum hypothesin de satisfactione pro peccatis præstanda arripiamus. Nimis enim rigidum ipsi videtur, affirmare, quod Deus infontem loco fontium puniverit, delictaque commissa condonet, propterea, quod persona innocens ea, quæ rei perpeti debuerint, sit perpessa. Deum abunde testatum esse, quod peccata sub nulla, nisi poenitentia, ab ipso peccatore susceptæ, conditione remittere, eumque, qui, poenitentiam agens, revertatur, rejicere, nolit. Quæ cum æterna & immutabilis Dei lex sit, in ratione & revelatione fundata idem esse affirmat, utrum Christus passus & mortuus fuisset, an minus. Christo enim, quæ fecit & passus est, sui potius causa sustinenda fuisse. Cum enim ex liberrima voluntate opus illud, cujus causa missus erat, suscepit,

sceperit, eum quoque ad obedientiam, hoc in opere peragendo præstandam, non secus ac nos pro virium nostrarum modo, obligatum fuisse asserit. Quare Christus ipse mortem suam, tanquam propitiationem & expiationem pro peccatis mundi, conditionemque salutis generis humani sine qua non, considerasse ei videtur. Quod enim nisi fecisset, eum neque repetitis frequenter vicibus, neque tanto animi ardore, Deum precibus imploraturum fuisse putat, ut ejusmodi tentationibus haud ipsum tradere, tristitiæque illud poculum ab ipso, si fieri posset, auferre, velit. Ut vero, quæ tuetur, asserta impia specie quadam commendet, omnia religionis mysteria meram esse allegoriam, secundum literam intellectam & applicatam, seu, quod idem ipsi est, falso applicatam, & prorsus non intellectam, qua est temeritate, affirmat. Quæ si admittatur assertio, tunc facili negotio, quæ alias obverti possent, objectiones corruiere putat. Quodsi enim quis ex eo quæreret, qui fiat, ut in Novi Fœderis tabulis mortis Christi mentio sæpius injiciatur, eaque tanquam *propitiatio, expiatio, redemptio, redemptionisque pretium*, repræsentetur, ei Philosophus hic respondet, significativo hoc sensu fieri, hisque indigitari vocibus, Christum, qui veram mundo annuntiavit religionem, martyris instar sanguine suo eandem confirmasse, hocque adeo facto optimum de religionis Christianæ veritate testimonium edidisse, simulque demonstrasse, quod neque imponere hominibus, neque emolumentum vanum capere, intenderit. His jactis fundamentis, quem verum & genuinum mortis Christi finem, beneficiaque ex illa in nos redundantia, esse putat, edisserit. Quod dum facit, tam generosum atque liberalem se præbet, ut, si id non assequatur, ut *orthodoxi Christiani* nomen ipsi tribuatur, tamen, qui ipsi videtur honorificus, Deistæ Christiani titulum non aspernetur. In quem vero Christus veræ religionis causa mortuus est, finis hic ex mente Autoris est: 1) ut hac ratione, dum ad Patris cœlestis voluntatem totum se componebat, eminentissimo modo suam erga Deum obedientiam commonstraret, simulque summum illud honoris atque remunerationis, cujus causa omnes illos cruciatus suscipiebat, fastigium assequeretur; 2) ut absolutam Dei autoritatem,

animum

animum a partium studio alienum, justitiam ejus haudquaquam fleſcendam, neceſſitatemque obediendi perfectiſſimam, quæ quidem præmiorum conditiones omnibus hominibus, omni ætate, in omnibus actionum circumſtantiis, injunctæ erant, evinceret atque demonſtraret. Ex qua Chriſti obedientia 3), tanquam ex illuſtri exemplo, nos diſcere poſſe ait, Deo omnino obedientiam præſtari poſſe, nosque, ſi auxilio ad eam declarandam opus nobis ſit, a Deo illud eſſe conſecuturos. 4) Morte Chriſti, ejusque obedientia, oſtendi & commendari nobis, perhibet, maxima illa commoda, abſolutamque neceſſitatem, qua obſtringimur, ut in Dei voluntate acquieſcamus; & ab ea pendeamus: ſimul vero precum efficaciam & eſſectum, ſapientiam quoque, & emolumenta, quæ in reſpectu ad futuram vitam cum ejusmodi acquieſcentia in voluntate divina ſunt conjuncta, commonſtrari aſſerit. Hac occaſione uſe copioſeque de libertate actionum humanarum, & providentia divina, diſſerit. Qua diſſertatione finita, doctrinam de ſatiſfactione aggreditur. Eam vero præſtate negat, hac commotus ratione, quoniam alter alteri merita ſua conferre non poſſit. Præmia enim pœnaſque, quæ perſonis competunt, cum iſtis, ab illis ſuſceptis, actionibus artiſſime connexa eſſe ait. Chriſtum vero ſuo nos docuiſſe perhibet exemplo, quod unica illa, Deo placendi, ejusque obtinendi favorem, in eo poſita ſit ratio, ut perfectum ei præſtemus obſequium, & in ejus voluntate placide acquieſcamus: quæ ſi non obſerventur conditiones, Deo nos conciliari haud poſſe. Chriſtum igitur, quanquam a peccatis eſſet immunis, legi tamen, perfectiſſimam poſtulanti obedientiam, ſe ſubjeciſſe, hacque adeo ratione peccatoribus ſe ipſum annumeraviſſe. Quo modo ſi mors Chriſti explicetur, eam nulla ratione pœnam dici poſſe judicat. Cum enim Chriſtus libere voluntarieque, ut ſervus, Deo ſubjectus, ageret, reſpectu ſimul ad maxima ampliſſimaque præmia promiſſa habito, inde ſequi, ita eum eſſe punitum, prouti vir probus, qui, dum Deo obſequium exhibet, ſe ipſum abnegat, punitus dicitur. Quare Chriſtum, cruci affixum, vitam ſuam eum depoſuiſſe in finem ait, ut omnem juſtitiam impleret, exemplum perfe-

tiſſimæ

diffimæ nobis præberet obedientiæ; regnum gloriamque ipsi promissam consequeretur, seque adeo ipsum ducem constitueret novæ œconomix, sub qua, qui vivunt, homines eadem puritatis & sinceritatis via coram Deo justificantur, simulque, maximis propositis motivis, ad mundanis cupiditatibus valèdicendum, &, exemplo Christi, frugaliter, juste, pieque, in hoc seculo vivendum, excitantur. Quam suam mentem fusius edisserit, simulque ad doctrinam de lapsu diabolorum & hominum divagatur, quem quidem iterum more suo, proterve, impie, & contra clarissima S. Scripturæ testimonia, exponit. Sed nimium excreveret hæc epitome, si, quæ, cum de hac doctrina, tum de natura sacerdotii Levitici, ejusque origine & autoritate, de conditione gentis Judaicæ, & quæ fuit œconomia sub lege *Mosai-ca*, de sensu librorum a *Mosè* conscriptorum, de vaticinandi dono, Prophetis a Deo concessio, de sensu vaticiniorum, ab illis editorum & consignatorum, de ordine & scholis Prophetarum, de Rêgum apud Israelitas origine, de causis, ob quas a Judæis in crucem actus est Christus, de septuaginta-hebdomadibus, a *Daniele* commemoratis, de ecclesiæ, prioribus tribus post C. N. Seculis vigentis, facie & statu, de natura & indole Christianismi, quem religionem naturalem, magis perspicue expositam, & fortioribus motivis suffultam, esse perhibet, de æternitate poenarum infernalium, quam prorsus negat, temeraria loquacitate effutit, enarrare vellemus. Quam hostili enim in religionem Christianam animo niger hic Philosophus, bonis omnibus merito cavendus, præditus sit, ex iis, quæ ex detestando hocce, flammis ignique digno, libro hætenus a nobis allata sunt, quemlibet æquum & pium rerum judicem abunde satis intelligere arbitramur.

TRAITE' DE LA JUSTIFICATION DU PECHEUR
devant Dieu, &c.

hoc est,

TRACTATUS DE JUSTIFICATIONE HOMI-
nis peccatoris coram Deo, in quo simul natura,
usus,

usus, & necessitas, bonorum operum, a lapsu inde hominis, examinantur, Autore PHIL. NAUDÆO, patre, Prof. Math. & Regiæ Societatis Berolinensis Membro.

Lugduni Bat. apud Jo. Arnoldum Langerak, 1736, 8.

Alph. I plag. 3.

Articulus de Justificatione ob singularem præstantiam, & constantem cum omnibus reliquis Theologiæ doctrinis nexum, a multis lapsis Lydius religionum reputatus, a *Lutbero Articulus stantis & cadentis ecclesiæ* dictus est. Quare Autori etiam doctissimo dignus visus fuit, qui in singulari Tractatu de novo explicaretur, & ad lancem sacrarum literarum sollicitè exigeretur. In sensu ergo non grammatico aut philosophico, sed forensi, uti par est, accepta vox *Justificatio* Autori notat actionem aut sententiam judicis, accusatum absolvētis, & pœna, qua multari debebat, liberantis, immo beneficia ipsi adjudicantis, qualia iusto tantum, qui nunquam legem violavit, sed obediit semper omni fide omnibus præceptis magistri sui, tribuenda sunt. Quæ genuina vocis acceptio adversus Arnaldum, de Beaulieu, & Pontificios, ex *Claudii Tractatu de Justificatione* uberius defenditur. Rem vero ipsam orditur Autor exponendo justificationem hominis, in statu adhuc innocentiae constituti, quam a nostra justificatione longe diversam, atque ex operibus primi hominis utique reperendam, affirmat. Deinde, cum sine ratione iusta absolvi nemo valeat, quod tamen Sociniani de homine coram Deo justificando somniant, necessitatem sibi impositam vidit Autor, illico adjiciendi, quæcunque ad explicandam rem faciunt. De *Adoptione* igitur primo loco agendum putavit, quam quidem justificationis synonymum dici a Reformato, non miramur, etiamsi a doctoribus nostris effectibus demum justificationis annumeretur. Ceterum hanc materiam, pro more suo, solide & cum cura pertractavit Autor. Sequuntur illam materiam non minus præstantes, quarum prima est de *passione aeterna, inter patrem & filium* circa medium salvandi homines.

Pag. 5.

39.

51.

In qua pactione pater sistitur consultans de modo salvandi & reparandi rebelles. Filius sistitur interveniens, atque offerens sese mediatorem, *viritimque nominans illos peccatores, quibus jus adoptionis acquisiturus erat.* Tum pater rursus proposuisse dicitur conditiones, ex parte redemptoris requisitas, quas implere promisit filius, vereque obedit. Jungitur doctrinæ huic

- Pag. 100. dogma de *Fœdere gratiæ*, intuitu motivorum, conditionum, & executionis, mere gratuito, & a solo fœdere operum, quod ante lapsum erat, distinguendo. Et, cum istud Fœdus nostris
122. temporibus *Novum Testamentum* dicatur, octo hujus appellationis subjiciuntur rationes: 1) quia per mortem ipsam testatoris ratum sit habitum, quod ante in typis fuerat; 2) quia doctrina salutis in hoc novo fœdere multo plenior & magis perspicua, non sub umbris amplius, uti olim, sed lucernæ instar, locum obscurum illuminantis, apparuerit; 3) quia Vetus istud Testamentum præter spirituales promissiones multa temporalia divini amoris documenta continuerit, ut possessionem terræ Canaan; Novum vero ad terrestria plane non ducat, sed ad spiritualia sola, & æternam possessionem cœlestis Canaan; 4) quia in hoc Novo Testamento omnis cultus Deo præstetur spiritu, sine umbris & cerimoniis; 5) quia non, ut vetus istud, unam gentem Judæicam respiciat, sed totum terrarum orbem; 6) quia major magisque admiranda donorum spiritualium mensura ecclesiæ data sit post ascensionem Servatoris; 7) quia major etiam vis & efficacia horum donorum spiritus illuxerit, quandoquidem innumeras converterit gentes; 8) quia denique, cultu Levitico ejusque sacerdotibus abrogatis, Evangelii ministros constituerit Deus, & loco cerimoniarum *Mosaicarum* omnia spiritu & veritate peragi jussit.
149. His expositis, distinguitur inter imputationem & justificationem, nec non inter nudam peccatorum remissionem & justificationem. Imputationem quippe justitiæ Christi beneficium multo amplius esse Autor monet, quam justificationem. Illam enim causam esse omnium bonorum, quæ a Deo accipiuntur per meritum Christi & in hac & in altera vita, & ante fidem & post fidem; hanc vero nihil aliud esse, quam effectum fidei. Illam etiam niti æterna pactione, inter patrem & filium facta, atque illico
- actu

actu fieri; hanc autem, nempe justificationem, fieri per justum aliquod Dei judicium sententiæ instar in foro latæ, postquam fidelis sincere accepit satisfactionem & justitiam Christi. At nuda peccatorum remissio ab ipsa justificatione ideo hic discernitur, quia non modo detur justificatio sine remissione peccatorum, quemadmodum ipse Deus & Christus justi pronuntiantur, sed quia etiam detur remissio peccatorum sine omni justificatione, quemadmodum *Barrabas a Pilato* contra omne jus pœna liberatus est. Transit deinde Autor ad imputationem ipsam enucleandam, quam ita factam esse docet, ut Deus filio suo imposuerit peccata *electorum*, quibus salutem acquisiverit mediator sine omni conditione vel fidei, vel operum. Per fidem tamen justificari electos concedit. Quod ubi fiat, Deum justificantem putat hominem ab omnibus peccatis & præteritis & *futuris* expiatum declarare; neque tamen exinde sequi, ut homo justificatus non opus habeat pœnitentia, nec ob peccata pati aliquid teneatur. Quæ sequuntur, paginæ doctrinam *Pauli* Apostoli de Justificatione exhibent, atque simul docent. quid sit lex operum, quid opera legis, quid fides in Articulo Justificationis. Tres adversarios aggressus est Apostolus: *Paganos*, qui virtutibus suis felicitatem æternam, qualem scilicet sibi imaginabantur, consecuturos sese sperabant; *Judeos hæreticos*, qui, cum primis magnò isto expiationis die annuo peccata omnium Israelitarum expiari, cetera, si qua supersint, per mortem tolli, credebant. Inde non tantum vox eorum consueta: *Kaphra mita*, quod significat: *mors sit expiatio*, sed etiam, quando de scelerato supplicium sumebatur, commune votum: *Mors ipsius sit expiatio peccatorum ejus, & peccatorum omnis populi Israel.* Idem Judæi vitam æternam credebant comparari meritis operum, Deumque eum in finem multiplicasse leges suas, ut, qui observet istas, abundanter mereri possit. Tertium genus adversariorum, cum quibus congregiendum erat Apostolo, *Christiani* quidam *Judaizantes* constituiebant, qui justitiæ Christiungere volebant leges *Mosaicæ*. At horum omnium nugas atque errores uno idu repressit *Paulus*, cum quo Autor noster per *legem operum* intelligit omnem legem, quæcunque ab homine requiritur

Pag. 165.

184.

203.

229

248.

- quirit opera tanquam conditiones acquirendi jus ad remissionem
 Pag. 251. peccatorum; per opera legis autem omnem actionem, a lege pra-
 scriptam, & cum in finem prestitam, ut per illam vel ex toto, vel ex
 parte, acquiratur remissio peccatorum, & jus ad vitam aeternam;
 268. per fidem denique intelligit fugam animi anxii & humilis ad
 misericordiam Dei, quo sensus miserie, peccati, atque interitus
 nostri, nos ducit; spemque simul consequendi hanc misericordiam
 mediante redemptore; praeterea autem humilem atque non fuc-
 tam apprehensionem salutis, a Deo in Jesu Christo, filio suo, oblata,
 conjunctam cum animo gratissimo, gratis omnia data esse agno-
 scente. Tres vero hujus fidei justificantis gradus constituit Au-
 272. tor, preparantem, justificantem, & consolantem. Priores duos
 necessario requirit ad statum salutis, tertium nonnunquam ab-
 esse fatetur. Primus gradus fidei est in pectore fideli, & sangui-
 ne ut fidem suam firmet, parato. Confessio ejus hæc est: Cre-
 do, Jesum Christum, filium unicum Dei, verum Deum & verum
 hominem in una persona, venisse in mundum, ut redimeret pec-
 catores, quorum ego maximus sum. Abundent peccata, sint
 grandia & innumera. Credo ego & persuasus sum certissime,
 Jesum morte sua justitiæ divinæ ita abunde satisfecisse, ut honor
 justitiæ & sanctitatis restitui, & non unus peccator, sed omnes
 simul, salvari possint. Accedit deinde alter fidei gradus, addit-
 que hæc: Jam vero verbo Dei & propria experientia doctus sum,
 me spiritualiter esse miserum, cæcum, nudum, hostem Dei & co-
 gitando & agendo, aeternæ damnationis reum. Depressus hac
 cognitione mei, toto pectore amplector Jesum, redemptorem meum
 omnibus numeris absolutum, a quo ipso invitatus accedo, meque
 totum trado ipsi, & confido, fore, ut gratia ejus & infinitis me-
 ritis justificatus evadam, sanctus fiam, & gloriæ reddar particeps.
 Facessant quævis alia, in quibus præter ipsum queritur salus!
 Facessant mea vires, quæ nullæ sunt! Facessant mea opera, quæ
 imperfecta plane sunt! Ego apud animum meum constitui, usque
 ad mortem unice fidere meritis & justitiæ Servatoris ad obtinen-
 dam non tantum remissionem peccatorum & salutem, sed & fidem,
 spem, caritatem, & perseverantiam in unione cum ipso, & tan-
 dem aeternam gloriam cum omnibus ejus beatis & sanctis. Tertius
 gradus

gradus si adest homini, sequentem in modum, ex mente Auctoris nostri, sese exferet: *At, inquiet homo, cum ego jam in pectore meo famem sentiam & sitim acquirendi iustitiam Servatoris, nullus plane dubito, quin salutaris ista fames sanguine ejus mihi parca & per Spiritum S. excitata sit. Unde colligo, Jesum Christum, qui mortuus est pro omnibus illis, qui hereditatem accipere debent, mortuum etiam esse pro me in individuo, me redemisse, mihi peccatorum veniam acquisivisse. Persuasus itidem sum, Jesum Christum comparasse mihi una cum favore patris sanctificationem spiritus & cordis, ita, ut peccata, quae vel ex infirmitate, vel praecipitantia, committi in posterum a me queant, conjecturus sit sanguis Servatoris. Sentio jam amorem Dei mei. Sentio spiritum adoptionis, qui clamat Abba, quique me ducet, ne graviter offendam. Jam crucifixus sum mundo. Jam nihil me separabit ab amore Dei, qui est in Christo Jesu, domino meo. Deo sit laus, honor, & gloria, &c. Praeter hos gradus fidei iustificantis placuit Viro doctissimo eandem fidem comparare arbori, tres ramos habenti, quorum quisque suis gaudeat ramusculis.*

Pag. 277.

Primus fidei ramus, qui interdum etiam in malis est hominibus, semper vero in fidelibus, est cognitio veritatis. Ejus ramusculi duo sunt: 1) intelligentia veritatis salutaris, qua fit, ut clare percipiatur & cognoscatur; 2) acquiescentia in hac veritate, qua fit, ut recipiatur, & publica confessione declaretur. Alter ramus fidei, qui ad solos fideles pertinet, illis vero omnibus & semper inest, ardens est & non fucata fuga ad misericordiam Dei in Christo Jesu. Ejus ramusculi sunt quinque: 1) amor veritatis; 2) admiratio ingentis amoris & potentiae, quibus gavisus est Servator ad salvandos peccatores, glorificandum Deum, & perfectiones virtutesque ejus collustrandas; 3) desiderium ardens & maximum possidendi gratiam salutarem in Jesu Christo; 4) traditio sui ipsius, facta Servatori, cui confidimus unice, ut per ipsum salvemur; 5) amor supremus erga Deum in Christo Jesu, quo permoti curam divini honoris & nostrae salutis praeferrimus omnibus aliis rebus. Tertius fidei ramus, qui ad solos fideles pertinet, neque tamen in omnibus est, neque semper, neque eodem semper gradu & evidenter,

est certitudo salutis & sensus gratiæ divini, quam obtinuimus. Tres ab hoc ramo dependent ramusculi: 1) asseverantia & fiducia in Deo & Jesu Christo, filio ejus, quando consideramus, ipsum nobis non modo vere acquisivisse finem, nempe salutem, sed etiam media, quæ ad finem ducunt, & quæ sunt fides, pietas, remissio peccatorum, relevatio a lapsu, perseverantia filialis, uno verbo, justitia, sanctificatio, redemptio; 2) libertas ab omni terrore & timore servili, qua fit, ut nec infernus, nec damnatio, nec mors, nec ira Dei, amplius horreantur, sed ut timore filiali vereamur, ne peccatis offendatur Deus, quem amamus, honoramus, & ex imo corde veneramus; 3) gaudium & tranquillitas mentis, pax, & spiritualis victoria in Deo nostro Servatore. Sanioribus *Pauli* Apostoli doctrinis de fide justificante nequaquam repugnat *Jacobus* in Epistola. Ut ergo ambo sancti viri conciliari possint, duas species justificationis constituit Autor, unam peccatoris, alteram hominis jam justificati a peccatis, & regeniti. Hanc justus hominis justificationem non fieri dicit coram tribunali Dei, sed in foro conscientiæ, coram fidelibus, & olim coram angelis & fidelibus cunctis, *Matth. XXV, 31*. Eam igitur peragi docet operibus, quæ coram hominibus tanquam testibus fiunt. Atque intuitu horum fructuum & documentorum fidei formaturum olim esse Servatorem in extremo judicio sententiam suam. Duplex ergo hic statuitur justificatio: altera, quæ consistit in remissione peccatorum & dono justitiæ ad salutem; altera, quæ consistit in vita sancta, ut ambulemus in omnibus præceptis domini, & fidem nostram a suspitione hypocriseos & falsitatis liberemus. Postremam hanc requirere *Jacobum*, longe tamen diversam ab ista justificatione operum, quam ecclesia Romana urget, sententia est Viri doctissimi. De necessitate quoque bonorum operum ut ageretur, ordo requirere videbatur. Quare, refutata doctissimi *la Placette* in Tractatu de bonis operibus sententia, usum bonorum operum in fœdere gratiæ, & veros illorum effectus, respectu Dei, proximi, & hominis ipsius, Cl. Autor ostendit. Atque, ut ne dubitare quis posset, hanc, quam ipse proficitur, esse communem Reformatorum sententiam, ex Confessionibus ecclesiarum,

Pag. 294.

312.

339.

rum, Bohemica, Helvetica, Basileenſi, Anglica, Scotica, & Belgica, immo Auguſtana etiam, varia, eaque ampliffima, teſtimonia collegit. *Lutherum* ipſum, ejusque veros aſſeclas, in hoc Pag. 352. Articulo puriſſimam veritatem docuiſſe, facillimo negotio largimur. Nolumus tamen ita rem intelligi a Cl. viro, ac ſi in omnibus hujus Articuli doctrinis aliquando cum Reformatis ſecerint Theologi Lutherani. Meminerit, quaſumus, eorum, quæ ipſe in hoc libello paſſim docuit, de Chriſto pro ſolis electis martuo, de juſtificatione electis tantummodo exſpectanda, de imputatione peccatorum, quæ in infantibus non ſit effectus corruptæ a nativitate naturæ, & quod Deus nunquam remiſſionem peccatorum largiatur homini, niſi quem ſimul vita ſancta exornatum conſervet. Quis unquam *synodus* Lutheranorum his aſſenſum præbuit? Itaque, ſi ejusmodi veritates, de quibus nunquam non lis fuit & controverſia inter Lutheranos & Reformatos, in Articulo de Juſtificatione ſuum ſibi vendicant locum, dici utique nequit, conſenſiſſe aliquando in eo utroſque penitus, & hanc unicam ob cauſam Lutheranis dextram fraternitatis offerri a Reformatis poſſe. Poſtræma libri capita controverſias tractant, ab Autore motas partim doctiſſimo *de Beau-lieu* ſeu *le Blanc*, quem Arminianorum errorum inculpat, & fuſe refutandum ſibi ſumit, partim celeberrimo *la Placette*, qui meritum *pacti* & *congrui* operibus tribuit, fidemque conſiderat ut conditionem, qua jus ad ſalutem acquiratur. In *Capite* penultimo circa librum *D. Scotti*, Angli, quem inſcripſit: *Tractatus de vita Chriſtiana*, quædam monentur. Divinare ſcilicet neminem lectorum poſſe ait, cui eccleſiæ addictus ſit libelli Autor, utrum ſit Arminianus, an Socinianus, an Reformatus, ſiquidem vel parum vel nihil de Jeſu Chriſto, & de efficacia gratiæ divini, dicat. Notatu etiam digniſſimum eſſe, quod ea operis pars, quam ipſe *Scottus* præſtantiſſimam arbitretur, nullibi in Scriptura ſacra fundamentum inveniat. Iſthæc viri ſententiæ, de qua Autor potiſſimum loquitur, ſequens eſt: *Exercitium virtutum Chriſtianarum in terris eſſe preparationem plane neceſſariam, ut felicitatis in cælo capaces reddi, atque ad illam admitti, queant hominès; ita, ut homo moriens ſine ſancto illo vir-*

tutum

354.

421.

445.

tutum habitu nihil in paradiso inventurus sit nisi displicens sibi & inamicum. Immo ejusmodi hominem, si penes ipsum foret potestas eligendi sortem, quam velit, electurum esse lubentius so-

Pag. 458. cietatem in inferno, utpote sui similem. In ultimis paginis do-

476. let Autor de tristi statu ecclesiarum, in quibus unusquisque de perversis hominum moribus acerrime queratur, nemo de negligentia dogmatum & doctrinæ salutaris, cum primis doctrinæ de Justificatione per fidem sine operibus. Documenti loco proponuntur & refutantur verba cujusdam ministri ecclesiæ, alias eloquentissimi, qui non erubuerat pro concione publice exclamare: *Dico intrepide: Misericordia Dei plures homines damnat, quam ejus justitia.* De omni possibili horum verborum sensu postquam varia ratione disputaverat Autor, dictionem nihilo secius istam quovis modo plane improbat, & facta ad veros ministros ecclesiæ provocatione, totum Opusculum, multa doctrina & bono ordine conscriptum, finit.

PETRI GERIKE, MEDICI PROFESSORIS IN
Academia Julia, & Soc. Reg. Scient. Berolin. So-
dalis, Fundamenta Chymicæ rationalis.

Berolini & Lipsiæ, apud Jo. Andr. Rüdigerum, 1740, 8.

Alph. 1. plag. 4.

Parum adhuc Chemici de arte sua in veram Systematis formam redigenda cogitarunt. Plerique eorum libelli id habent vitii, ut veras fixasque notiones, atque alia certa fundamenta, maxime vero prima illa, unde rationes recte deduci queant, non exponant. Horum etiam omnium & reliquorum, quæ ad Chemiam pertinent, pauca in eum ordinem digesta, atque ita inter se connexa, inveniuntur, ut sine tediousis repetitionibus, & iniquis fere postularis, vel saltem non recte prius constabilitis, res distincte proponere, & quodammodo curate demonstrare, vel sine erroris periculo certo ad inveniendam alia nova iis uti, liceat. Bene igitur de hac arte meruit Cel. Autor, quod his vitiis mederi, & quæ in illa vaga erant ac dispersa, ad certum aliquem ordinem revocare, ac perpetuo inter se

nexu

nexu sociata, ad scientiæ dignitatem magis magisque provehere, libello hoc, ad erudiendos tirones potissimum edito, elaboravit. Habuit hinc ante oculos methodum Mathematicorum, quamvis suam methodum mathematicam dicere non audeat. Neque enim eam patitur rerum chemicarum, prout nunc quidem se habent, conditio; & si vel maxime eam admitteret, ex aliis tamen rationibus nostro nondum tempore in usum esset vocanda. Interim spartam hanc suam Cl. Autor egregie ornavit. Quicquid enim in Chemia repertum fuit, ex præstantissimis scriptoribus collegit, ad veras suas rationes, ope inprimis Physicæ, tum & reliquæ Philosophiæ, revocavit, singula apte inter se colligavit, ut ea, quæ antecedunt, rationem sequentium in se continerent, & difficiliora ex facilioribus intelligerentur, perspicuo præter hæc & ad rem accommodato dictionis genere usus. Ita igitur rationes suas iniit, ut in *Prolegomenis Cap. 1* de Chemia in genere ageret, & *Cap. 2* ejusdem originem & progressum persequeretur, sed ad ea tantum tempora, quibus renata sunt literæ, narrationis filum deduceret. Velut in nuce hic ea exhibentur, quæ *Conringius* atque *Borrichius* latius exposuerunt. Vidit Autor noster, pro ea, quæ ipsi propria est, solertia, id sibi opus esse, ut, priusquam veras mutationum chemicarum rationes erueret, permultas corporum proprietates, aliquantum enuclearet, id quod *Sect. I* ope Philosophiæ naturalis, præsertim ut ab Illustri *Wolffio* traditur, præstitit. Quapropter *Cap. 1* corporum divisibilitatem, elementa, & mixtionem, *Cap. 2* eorundem soliditatem, fluiditatem, & gravitatem, *Cap. 3* illorum, præsertim mixtorum, materiam diversam, formam, & differentiam essentialem, *Cap. 4* durtiem, elasticitatem, & nonnullas adhuc alias corporum affectiones, accurate exponit. *Sectio II* elementa corporum, vulgo ita dicta, complectitur. Metaphysica elementa, etiam si genuina sunt, huc tamen non pertinent. Physica autem, aer nimirum, ignis, aqua, & terra, cum magnam quandam simplicitatem præ se ferant, & nisi omnia corpora ex iis coaluerunt, quemadmodum *Aristoteli* placuit, in resolutione tamen plerorumque corporum in conspectum veniant, utique in Chemia diligentiori examine Cl. Autori digna esse videntur. Atque ob similes fere

rationes operæ is habuit pretium, chemicorum quoque principiorum, Salis & Sulphuris, examen hic instituire. Ita igitur hanc operam divisit, ut *Cap. 1* de igne, 2 de aere, 3 de aqua, 4 de salibus, eorumque divisione, 5 de salibus acidis mineralium, vegetabilium, & animalium, & de iisdem salibus in genere, 6 de salibus alcalinis fixis & volatilibus, 7 de salibus neutris, 8 de sulphure & corporibus sulphureis tum vegetabilium, ut oleis, resinis, & balsamis, tum animalium, neque minus de corporibus sulphureis mineralibus, 9 de terra, disquireret. Accesserunt *Cap. 10* corollaria quædam de elementis. Ceterum quorundam tantum mineralium principia libello hoc Autor eruit, omisso examine reliquorum, præcipue metallorum. Re enim accuratius expensa, non reperit, copiosa illa, quæ de istis prostant, experimenta, & processus, ut vocant, fundamenta satis semper firma, & sat multa, præbere, ut de principiis horum corporum quædam affirmare cum certitudine liceat, quod vel antimonii exemplo constet. Deinceps vero existimavit, ea, quæ hoc libro continentur, cognita prius & evicta posse fundamenta aliqua constituere, quibus deinceps doctrina de metallorum & mineralium principiis & mixtione aliquanto meliori cum successu, quam adhuc factum est, superstrui queat. Vetat ipsa libelli methodus, qua omnia inter se arcte cohærent, & concise proponuntur, quo minus hinc quædam excerpamus. Id generatim asseveramus, Cl. Autorem eo diligenter respexisse, ut ingenio magis & rationi, quam arti, consultum iret, & Chemiam philosophicam in manus hominum traderet, non librum, qui methodum experimenta chemica capiendi cum omnibus enchiresibus & cautelis inculcaret. Multa, quæ in aliis libris chemicis, quos systematicos vocant, occurrere solent, hic non repetuntur, e. g. de instrumentis chemicis, de menstruis, de igne regundo, de operationibus chemicis, e. g. fermentatione, destillatione, calcinatione, sublimatione, etc. item de modo aquas spiritusque destillandi, vel essentias tincturasque conficiendi, aut varii generis salia calcesque ad leges artis parandi, quorum omnium notitiam, & qualemcunque universæ Chemiæ, ut ita dicamus, Empiricæ cognitionem,

tionem, nisi lector attulerit; parum emolumenti a lectione hujus libelli elegantissimi referet, quippe quo rerum chemicarum theoria tantum traditur, & singula ad suas rationes ordine non interrupto reducuntur.

EXPERIMENTA ET MELETEMATA DE
Plantarum generatione, nec non Canonum pro inve-
niendis refractionum, tum simplicium, tum in lentibus
duplicium, focus demonstrationes geometricæ, Autore
JACOBO LOGAN, Judice Supremo & Præ-
side Concilii Provinciæ Pensilvaniensis
in America.

Lugdunū Batavorum, apud Cornelium Haak, 1739, 8 maj.

Plag. 2, cum Tab. æn. 2.

In America etiam suum literarum studiis locum esse, vel hic libellus, qui ex ista orbis parte ad nos pervenit, satis declarat. Illustris Autor, plantarum generationem magis magisque exploraturus, varia experimenta cum planta quadam Americana, quæ frumentum Indicum sive Mays vocatur, quam curatissime instituit, ex illisque liquido & certissime cognovit, quod alii jam observarunt, farinam, ex apicibus plantarum evolutam, verum semen masculinum esse, quod ad fecundationem uteri seminumque necessario requiratur. Primus hujus rei inventor ipsi esse videtur *Thomas Millington*, Eques auratus Angliæ, & Professor Savilianus, qui in hanc sententiam ante vel circiter annum 1676 incidit. Quodsi vero ulterius hic generationis processus perquiratur, tum quidem factis observationibus constat, farinæ isti producendæ tenuem admodum a natura adhiberi apparatus, maturatam autem ventis aut aeri, priusquam os uteri seu stylum queant attingere, permitti, haud dubie ob singularem aliquam rationem; ob quam hic modus a perpetua naturæ in aliis lege toto cœlo discrepet, in ovis porro, priusquam a farina imprægnentur, nihil præter liquidum quoddam, aut, ut vocat *Malpighius*, colliquamentum, reperiri, in amnio no-

vam moleculam se exserere, quæ totum constituat semen; in hoc semine denique tanquam omnino extraneum & insititium quoddam verum seminulum, seu veram plantulam, comparere. Quibus rationibus inductus Noster, existimat, farinam ideo aeri liberam dimitti, quo ipsissimum hoc verum seminulum seu plantulam, extrinsecus in staminibus suis minutissimis, & ob exilitatem quidem omnem oculorum nostrorum aciem fugientibus, attamen omnino perfectis, jam prius formatam & paratam, in se recipiat, & hujus virtute prægnans reddita vi insita attractrice, ut mares & fœminas in animalibus se invicem etiam e longinquo appetere cernimus, primum in stylum, in eoque per canaliculos sibi proprios usque ad ova, delabatur, ex hac autem farina, plantæ succis enutrita, plantæ fieri molem, in eo deinceps latitantem plantulam, terrena jam materia ex farina indutam, se exserere, donec tandem alimentis e terra idoneis adaucta, superas in auras palam educatur. Quid? quod ita de rebus animatis universim omnibus sentiendum esse Autori videatur, omne scilicet, quod in hac tellure vita fruitur, tum stirpes, tum animalia, prius in staminibus suis integre formatum adesse, atque ex aere seu æthere deduci, & hic materia terrena convestitum augescere; & dilatari, nec aliud esse generationem, quam seminis hujus, masculo immixti, & in eo indolem terrestrem, non sine cœlesti aura, adsciscentis, & induentis, in uterum, augendo illi idoneum, aptam commissionem, quemadmodum jam *Claudius Perraltus*, *Gallus*, & *G. Wollastonus*, *Anglus*, itemque ex veteribus, testibus *Varrone* & *Theophrasto*, *Anaxagoras*, suspicati essent. Alteram Opusculi partem constituunt demonstrationes illæ geometricæ Canonum *Hugenianorum*. Quippe *Christianus Hugenius* in Opere dioptrico, omnium, quæ prius lucem adspexerant, longe absolutissimo, pro focis, seu lucis radiorum concursus locis, mira regularum compendia, eorum vero demonstrationes, non nisi cum horribili amplitudine perplexissimas, & mera fere caligine obvolutas, quippe ex longa rationum compositarum serie pendentes, tradidit. Quare nuper unam earum alteramque contemplatus, an non eadem regulæ modo aliquo breviori, vel per analysin, vel per effectio-

nem

nem geometricam, dilucidius enucleari possent, experiri in animum induxit. Et per analysin res quidem ita successit, ut expectationem etiam superaverit. Omnium quippe & in omni casu regularum istarum & concinnas, & ut videbantur, luculentas, demonstrationes eduxit. Cum vero ulterius anniteretur, longe etiam major ex effectione geometrica lux effulsit. Quæ omnia ingeniosissimus Autor candide impertit. Eorum vero summam hic repetere, propter tractationis indolem non licet; nec, integras demonstrationes cum ipsis figuris huc transferre, nostri est instituti.

EXCURSUS PRIMUS AD CAPUT PRIMUM
Vie veteris & regie hebraizandi, continens Strictures
ad Dissertationem historicam de Lingua primæva,
&c. Autore ALBERTO SCHULTENS.

EJUSDEM EXCURSUS SECUNDUS AD EDI-
tionem primam & secundam Dissertationis historicæ
de Lingua primæva, &c.

EJUSDEM EXCURSUS TERTIUS AD EDI-
tionem primam & secundam Dissertationis de Lingua
primæva, ejusque Additamentum apologeticum.

Lugduni Batavorum, apud Jo. Luzac, 1739, 4.

Alph. 1 plag. 11.

Quas in præsentia indicamus Commentationes Cel. *Schultensii*, sunt quasi continuatio aliqua *Vie*, quam appellat, *veteris & regie hebraizandi*,cujus præcipua momenta in *Supplementis Novorum Actorum Tomo IV Sect. V pag. 210 seq.* exhibuimus. In hac contra illos, qui *Forsteri*, *Bohlii*, ac *Gussetii*, vestigia premunt, (quorum causam in se defendendam suscepit Cl. Groningensium Theologus, *Driesenius*,) quanta poterat doctrina ac contentione demonstraverat, linguas orientales, cum maxime Arabicam, ad linguæ Ebrææ perfectionem, oraculorumque divinatorum

illustrationem, conferre plurimum. Equidem illis rationum ponderibus sententiam communiverat, ut sapientioribus fecisse satis videri posset. Sed rem aliter evenisse dolet, cum inventi sint alii, qui mussitarent, alii, qui hoc ore & scriptis circumferrent, ipsum, linguam Ebræam, uno codice librorum Vet. Testamenti contentam, defectus alicujus arguendo; ejusque inopiam ex ubere potissimum copia idiomatis Arabici compensandam esse dictitando, herbam, inscium licet, porrigere Pontificiis: codicem Ebraicum, quod ad linguam, esse imperfectum, ejusdemque defectum beneficio Arabismi sublevandum esse, quam prærogativam illi dogmatibus, ore traditis ac propagatis, adscribant. Ab hac igitur criminatione ut se immunem præstaret, vel maxime ubi Venerandus Theologus, *Taco Hajo vanden Honert*, in iterata editione Commentarii Belgici de *Christi ortu a Davide* quædam, plura vero in *Dissertatione de Lingua primæva*, quæ inter ipsius *Dissertationes historicas*, Lugduni Batav. A. 1738, 8, impressas, locum occupat, pag. 145 & 256 contra ipsum protulerat, in hanc descriptionem descendit. In his igitur *Excursibus*, & quidem *primis*, docet, quantum pro sententia sua stabilienda adhuc profligaverit; quem in finem scripta, huc spectantia, recenset, inde sententiam declarat, ac sinistras suspiciones a se removet. Defectus, quos linguæ Ebrææ adscribit, non ipsi linguæ tribuendos, sed illos dici ratione cognitionis nostræ; posse autem levare per reliquas orientales linguas, asseverat, in quibus vel radices, vel significatus, qui non amplius in Ebræa lingua supersint, inveniantur. Sententiam, quam propugnet, non esse sibi privam, sed Philologorum omnium, qui Seculo XVI & XVII floruerunt, imo interpretum quorumcunque, qui lucis aliquid ex Judæorum magistris, dialectis Syra, Chaldæa, Arabica, aliis, oraculis divinis infundere allaborarunt. Inde *Honertii*, cum quo ipsi vel maxime res est, positiones in medium adducit: 1) *dubium esse, an lingua Ebræa ulli genti, quin ipsis Israelitis, vernacula fuerit*; 2) *esse illam singularem plane & divinæ cum originis, tum auctoritatis, respectu tam notionis, quam structuræ, in omnibus & singulis vocabulis*. Aliter aliquando *Honertium* docuisse, propria illius confessione dat demonstratum. Ne igitur causam, non tam

Excurs. I
pag. 66.

tam suam, quam communem, destitueret, ne culpa sua eruditionem linguarum orientalium prosterni pateretur, ac via aperiretur, qua sensus alieni in Scripturam sacram inferrentur, pro munere sibi commisso patrociniū illius in se suscipere nullus dubitavit. A thesium autem illarum examine ac refutatione adhuc abstinuit, quoniam a se impetrare non potuit, ut crederet, illas *Honertium* toto animo amplecti; igitur rogat illum humanissime, ut mentem suam dilucidius declararet. Id in iterata editione dictæ Dissertationis eum fecisse, verbis ejusdem in *Excursu secundo* indicat. Appellare eum 1) *linguam Ebraeam Ebræo-Biblicam*, quo illam distingueret a recentiore *Syra*, itemque *Ebræo-Rabbinica ac Ebræo-Talmudica & Cabbalistica*. Nominare 2) *linguam* *banc singularissimam linguam sanctam*, non α) *quod per se, vel naturali sua aliqua sanctitate, aliis linguis sit sanctior, nec β) quo sensu Rabbini illam sanctam vocent*: sed primum, *quod Deus ea videatur usus in suis, quibus Patriarchas dignatus est, visitationibus; secundo, quod oracula sua per hanc singularissimam linguam a suis conscribenda curaverit amanuensibus; tertio, quod illa singularissima hac lingua in contextu Ebræo providentia sua incorrupta adhucdum conservet. Sanctam esse & vocari propter sanctissimum hunc usum; ut tabernaculum & templum cum omnibus suis vasis olim dicta fuerint sancta; non ob interiorem aliquam & essentialē eorum sanctitatem, sed ob sanctum eorum usum. Quæ declaratio uti nihil quidquam habet, quod jure improbari queat, ita etiam Doctiss. *Schultensius* hanc ei æquitatem præstat, ut eam accipiat, sibi que de ea impense gratuletur, ac controversiam deminutum, imo compositum, iri sibi persuadeat. Id unum tamen animum sollicitum habere posse monet, quod linguam hanc *singularissimam* appellet. Qualis si sit, excipere aliquem posse, esse illam vel *divinam*, vel *humanam*: si *divina* dicatur, affirmari aliquid, quod rationi & revelationi sit adversum, sin *humana*, tum pugnantiā eum loqui, nisi simul, populo Israelitico illam vernaculam fuisse, concedat. Circa priorem thesin Cl. *Honertius* mentem suam ita explicuit: *linguam Ebraicam olim alicujus gentis, Israelitica saltem, fuisse vernaculam; atque apud eam frequentissimi in quotidiano commercio fuisse**

Pag. 76.
77.

80.

- fuisse usus, inter illa esse, quæ adhuc nunquam probata sint, ac
 quoque nunc neutiquam probari possint. Quantum vero hoc ipso
 a priori sua sententia discedat, quantumque, in arctum com-
 pulsus, fluctuet, sicque Pyrrhonismum inducat, ac incautos in
 eundem conjiciat, postea uberius ostendit. Inde ad quæstio-
 nes, quæ inter ipsum atque *Honertium* intercedunt, propius
 accedit, quæri scilicet: 1) an lingua Ebræa, qua lingua, tota, quan-
 ta quanta, fuerit divina; 2) an lingua Ebræa Ebræis vernacula
 fuerit, nec ne; 3) an *Jostanida* ex domo Heberi in Arabiæ
 peninsulam iverint coloni, an in Armeniam borealem commigra-
 rint; 4) an lingua Arabica sit pura & genuina dialectus lingue
 Ebrææ, an vero impurissima sit latronum dialectus, ex omni face
 & collusionione concreta & commixta. De prioribus tantum dua-
 bus quæstionibus agere se velle recipit, cum ad posteriores,
 quarum discussio profundam linguæ Arabicæ cognitionem re-
 quirat, & quæ circa tale argumentum versentur, quod Theologus
 iste procul dubio tantum a limine salutarit, deflectere sit inconsul-
 tum. Prius autem, quam eo pedem promoveat, notulis qui-
 busdam Dissertationem *Honertii de Lingua primæva* adspersit,
 quas, quia vel maxime rectum verborum sensum respiciunt,
 sicco pede præterimus. Id tantum observamus, ad verba *Hon-
 nertii*, quibus statuit, primam linguam Adamo inspiratam fuisse,
 quod ad singula verba ac structuram. Autorem notare: si id di-
 ctum velit de viribus naturalibus, a Deo Adamo concessis, qui-
 bus animi sui sensa sono aliquo intelligibili exprimere potuerit,
 ipsum ab aliis non multum discrepare; si supernaturali ali-
 quam efficaciam intellectam cupiat, tum necessario statuere de-
 bere, extraordinarium aliquem influxum Dei semper adfuisse,
 quoties verba fuderit Adamus, ac illum æque *Habeli* ac *Caino* præ-
 sto adesse debuisse. Sed enim linguam Ebræam olim vernaculam
 fuisse, in *Excursu tertio* argumentis, ex interiore illius sinu de-
 promptis, adstruit, quia 1) illa ad leges omnium linguarum huma-
 narum secundum grammaticam syntaxin, rhetoricamque tum sa-
 cultatem, tum artem, sit conformata. 2) Idem evincit tota
 ratio pronuntiationis, ad aures hominum accommodata, per
 mutationes, variegationesque punctorum vocalium, in singulari,
 plurali,

plurali, statu regiminis, affixionis, omnique forma vocabulorum, quæ in reliquis linguis humanis obtinet. 3) Ex formis verborum imperfectorum, per elisionem, contractionem, quietem, ex verbis perfectis, ad molliorem enuntiationem, in quotidiano usu factis ac formatis. 4) Analogia, relatione, cognatione, & necessitudine, formarum ac vocum, in codice Ebræo currentium, cum aliis formis, vocibusque innumeris, quæ non exstant, sed olim, vigente lingua, exstiterunt. 5) Arcetissimo Pag. 187-189. nexu cum reliquis linguis orientalibus, Chaldæa, Syra, Arabica, qui adeo arcus est, ut arctior inter dialectos Græcas reperiri non possit. Quodsi vero inter has tam arcta cognatio, quam inter dialectos Græcas, conspicitur: Græca autem lingua, in qua pariter oracula divina consignata, populari usu frequentata; ratio est nulla, quare non idem de Ebræa dicere debeamus. 6) In lin- 189-191. gua Ebræa notitiam, qualis illa nunc se habet, Judæi & Christiani pervenerunt vel per immediatam *revelationem*, vel per *traditionem*, infallibili quadam autoritate subnixam, vel per *fontes literaturæ & scientiæ*. Non per immediatam *revelationem*, id enim ad enthusiasmum ducit; nec per infallibilem *traditionem*, talis enim non datur; igitur per *fontes scientiæ ac literaturæ*: si hoc, lingua Ebræa intra fines humanos continetur, adeoque in vernaculo ac domestico Ebræorum usu olim viguit. Argumenta hæc eo faciunt, ut appareat, linguam Ebræam ad 191-193. modum reliquarum linguarum pronuntiari potuisse: ipso actu pronuntiatam fuisse, conficit α) ex nominibus propriis hominum, urbium, locorum, quæ in Scriptura sacra occurrunt, piis pariter atque impiis imposita, profanis æque ac sacris locis indita; β) ex diversis unius ejusdemque vocis pro diversitate tribuum pronuntiatione. Exemplo est vox *Schibboleth*, etiam *Sibboleth* elata *Jud. XII, 6*. γ) Ex ἐπώνυμοι, decantato a *Mose*, 193-195. totoque populo Israelitico, *Exod. XV, 1-19*, unde colligere licet, linguam Ebræam inter Israelitas in usu vernaculo fuisse, nec hos eam cum Ægyptia, durante servitute sua, permutasse; quam etiam integram servare potuerunt, quoniam in Gosenitide separatim vixerunt. δ) Ex solenni legislatione, facta de monte Sinai *Exod. XIX, 195-196. XX, Deut. V, 19-24*, Deo legem suam coram universa po-
Cccc puli

- Pag. 196- puli concione promulgante, & hoc illam acceptante. 1) Ex le-
 198- gibus ceremonialibus ac forensibus, quæ nisi lingua vernacula ac
 cognita perscriptæ fuissent, gens Judæa, duræ cervicis, obse-
 quium specioso aliquo prætextu facile negare potuisset. Negave-
 rat Doctiss. *Honertius*, linguam Ebræam vernaculam unquam fuisse,
 idque nec factò aliquo historico probatum adhuc fuisse, nec probari
 posse, contenderat. Igitur, ne herbam porrigeret adversario, facta ex
 hystoria populi Israelitici colligit, provocans 1) ad inscriptionem
 legis in moles lapideas *Deut. XXVIII*, 2-8, benedictionem & ma-
 ledictionem ex montibus Gerozim & Ebal promulgatas *v. 12-26*,
 coll. *Jos. VIII*, 30-35; 2) solennem pompam decimarum, Deo
 a toto Israele sistendarum, *Deut. XXVI*, 1-15; 3) canticum *Mo-
 sis Deut. XXXII*; 4) *Psalms*, a Levitis, ad spem fidemque to-
 tius Israelis fovendam, decantatos; 5) preces, a *Salomone* in tem-
 pli initiatione coram universa populi *παινυμένης* fusas *1 Reg. VIII*,
 quas populus utique intellexisse, & votis suis subsequi, debuit;
 6) Prophetarum sermones, ad populum directos, qui scopo
 omnino suo excidissent, nisi populus Ebrææ linguæ peritus fuisset:
 quædam etiam huc facientia habere Cel. *Jac. Altingium* in binis
 Dissertationibus, quarum altera *de constantia vernaculæ Judæis E-
 brææ linguæ in captivitate Babylonica*, altera *de Tempore captarum
 & usurpatarum in ecclesiæ versionum sacræ Scripturæ*; 7) linguæ
 Ebrææ corruptionem, degenerante illa post captivitatem Baby-
 lonicam, & imperantibus Regibus Syro-Macedonibus, in diale-
 198-204- ctum Chaldaicam & Syriacam. Allubuerat *Honertio* linguam
 Ebræam appellare *Ebræo-Biblicam*; igitur rationes investigat, qua-
 re notionem hanc in medium produxerit, ostendens, quibus *ἀπε-
 ριστος* laboret. Eodem jure linguam Græcam, quæ in Novo
 Testamento continetur, linguam *Græco-Biblicam* appellari, de
 eademque pronuntiari posse, omnem linguam Græcam constrin-
 gere, nec idioma Græcum in Novo Testamento obvium ex aliis
 scriptoribus Græcis explicandum esse, quod tamen nemo facile
 204-217. dixerit. Inde examinat sententiam *Giffetii*, quam in *Præf. Comm-
 L. E.* expromit, linguam Ebræam totam in sacro Vet. Test. codice
 contineri, ex eodemque solo addiscendam, ac propterea neces-
 sarium non esse, ut ad alias dialectos, subsidium illi ferentes, con-
 fugiamus.

fugiamus. Coronidis loco, ut, Ebraeam linguam vernaculam Pag. 218-
olim fuisse, in tuto prorsus locet, *diversitatem stili*, qui in sacris 229.
scriptoribus se insignite exserit, allegat. Persuadere sibi non
potest, cum doctrina veritatis, & luce verbi interioris, quæ a pa-
tre luminum immediate emanavit, etiam exterioris verbi voces,
formas, constructiones, sonos, sensus, significationes, univer-
samque adeo supellectilem, grammaticam, syntacticam, rheto-
ricam, etymologiam, viris, suo numine actis, Spiritum Sanctum
simul immisisse. Uti scriptorum sacrorum indoles non una, sed
varia, educatio & institutio varia, varia denique conditio & for-
tuna; ita etiam stili diversitas tum in scriptoribus Veteris, tum
Novi, Testamenti se prodit. Alius in *genere narrationis histo-*
rica stilus *Mosis*, alius *Josue* & reliquorum Historicorum, in *ge-*
nere sublimiori longe alius *Jesaias*, quam *Hoseas*, alius *Jeremias*,
quam *Ezechiel*, quod idem dicendum de reliquis. Si vero lin-
gua Ebraica vernacula non fuisset; unus tantum stilus, una con-
structionis forma, una linguæ facies, in sacro Codice reluceret.
Denique sequelas, quæ ex sententia de lingua Ebraica olim non 229-236.
vernacula proxime fluunt, ordine recenset: sententiam *Vossii*
de lingua Ebraica prorsus perditam, codice Ebraeo corrupto, eque
interpretatione Græca emendando, hac hypothese stante, refelli
non posse, Deistarum causam juvari, Pontificiis vitio verti non
posse, quod vulgatam suam loco fontium ingerere gestiant, non
crimini ipsis duci posse, quod peregrina lingua sacra concele-
brari cupiant, traditionum porro valorem rejici non posse, de-
nique fanaticismum induci & stabiliri. Hæc est summa illorum, 238-244.
quæ a *Cel. Schultensio* in his *Excursibus* fusius sunt dissertata. Id
equidem nobis non sumimus, ut in hac controversia judices ac
arbitri sedeamus; *Schultensii* tamen partes, nisi nos omnia fallant,
potiores esse videntur: fluctuatio etiam *Honertii* satis docet,
ipsi de opinionis suæ integritate & robore non omnino persuasum
fuisse. Venerandus ille Theologus non probe distinxit *veri-*
tates revelatas ab ipsa *diffione*. Et, licet dubium fere non sit,
quin Spiritus Sanctus etiam versatus sit circa verba & dicendi
modos, attemperavit tamen sese indoli sanctorum illorum viro-
rum, & per *συγκατάθεσιν* aliquam se accommodavit hominum

conceptui. Igitur ex aliis linguis populorum, solem orientem spectantium, ritibus illorum pariter atque consuetudinibus, lux aliqua orationi scriptorum sacrorum affundi potest: veritates autem, quæ sub vocibus latent, non nisi ex diligenti *συγκρίσει* ac meditatione Scripturæ erui ac investigari possunt. Sententiam de lingua Ebræa olim non vernacula ea tantum de causâ adoptasse eum apparet, ut sic *Schultensii* aliorumque præstantissimorum virorum de linguarum ac eruditionis adjumentis atque præfidiis hypothesein per cuniculos subrueret. Quæ eximius Autor protulit argumenta pro lingua Ebræa olim vernacula, ejus sunt roboris, ut eludi facile nequeant. Affectus, qui ab hac scriptione non omnino absunt, secerunt, ut stilus sit circumductior, ac impetu quasi quodam se effundat, nec dictio semper emendata. Quædam etiam, nobis quidem iudicibus, mollius efferrî potuissent.

FRIDERICI HOFFMANNI EXERCITATIO. DE
optima philosophandi ratione, ex solertiori Dei, ejusque admirabilium in natura operum, & præcipue ipsius hominis, cognitione petenda, ad divinæ majestatis gloriam manifestandam, & pietatem promovendam; cui selectiores quædam Epistolæ Leibnitianæ accedunt.

Halæ Magdeburgicæ, prostat in officina Rengeriana, 1741, 4-

Alph. 1 plag. 8.

Præstantissimis suis Operibus, quibus sexaginta propemodum annos rempublicam literariam sibi obstrinxit Illustris Autor, coronidem velut ultimo hoc forsân, ut is ominatur, si Deo ita visum fuerit, ingenii monumento impositurus, Dei immortalis existentiam, potentiam, sapientiam, atque incredibilem erga genus humanum benignitatem, ex admirandis naturæ operibus illustrare instituit. *Capite igitur primo* Philosophiæ definitionem, naturam, & usum, proponit, eamque ait esse exactam veritarum cognitionem, quæ ad plane depravatam, rudem, & incultam, natu-

rant

ram erudiendam & perficiendam, adeoque ad felicitatem generis humani, pertinent. Quo palam fit, eum maxime Philosophum sapere, qui utilia & scitu necessaria cognovit, & pro ipsa mentis medicina Philosophiam inprimis esse habendam. *Capite II* fundamentum omnis humanæ perfectionis, quæ Philosophiæ finis est, in unico obedientiæ vocabulo reponit, sub qua actionum nostrarum conformitatem cum ordine divino atque sapienti humano intelligit, quæ ad omnem nostram salutem obtinendam præcipue est necessaria. *Capite III* selectioribus quibusdam præstantissimorum Philosophorum veterum, & maxime antiquissimi *Homeri*, dictis divini Numinis cognitionem ex solo naturæ lumine, omnibus gentibus connato, repetendam inculcat. *Capite IV* summi & perfectissimi entis existentiam, & attributa, per aptam ratiociniorum seriem ex legibus naturæ, rerumque hoc universo obviarum limitibus, & ordinis rerum contingentia, methodo mixta, synthetica & analytica, deducit. *Capite V* eandem demonstrationem ex sapienti rerum hujus universi nexu & ordine clarissime pertexit. *Capite VI & VII* ex sapienti pariter ac constanti siderum cœlestium, maximeque solis, motu, & saluberrimo in sublunaria influxu, infinitam Dei potentiam, sapientiam, & providam rerum creatarum, inprimis generis humani, curam & conservationem, luculenter adstruit. *Capite VIII* admirandam tam vegetantium, quam animantium, vim se progagandi, in exilissima seminum mole absconditam, & rerum creatarum conservatorem, in re quadam minima & incomprehensibili maximum, summumque in naturæ regno dominum, exinde cognoscendum, prædicat. *Capite IX* de divino naturæ mechanismo in generatione vegetabilium, & salutari eorum usu, agit. *Capite X* magnifica Dei opera, in mundo subterraneo magno agmine obvia, quantum fieri potest, perlustrat, eorumque singula ad insignissimas in vita humana usus conferre docet. *Capite XI* singularem Dei providentiam in regno animantium, qua omnia in nostrum commodum & adjumenta procreata fuerunt, edisserit. *Capite XII* ejusdem sapientiam, ex rebus difficillimæ intelligentiæ in eodem regno se manifestantem, persequitur, quam etiam *Capite XIII* ex admirabili mechanica fabrica minimorum animalculorum satis

clare derivat. *Capite XIV & XV* sapientissimum Dei mechanismum in omnibus vel abjectissimis animalculis conspicuum, singulisque inditum peculiari artificio se conservandi sensum, & quod fere singula hominibus egregia virtutum exempla atque documenta præbeant, ostendit, et deinde animæ sic dictæ sensitivæ ac vegetativæ essentiam, quantum licet, evolvit. *Capite XVI* ex accuratiori solius hominis, inter res creatas omnium præstantissimi, qui quasi naturæ miraculum est, cognitione, ipsum Deum optime cognoscendum probat. *Capite XVII* ex admirabili harmonia, quam motus humorum vitales cum sensationibus, & hæc rursus cum anima spiritali, imo hæc ipsa quoque cum corporis artubus, pro arbitrio movendis, habet, immensas Dei perfectiones illustrat. Assentitur iis, qui sibi persuadent, spiritum finitum in operationibus suis semper cum materiali quodam simplici elementari principio junctum esse atque unitum. Quibus suppositis, hujus commercii modus non videtur cognitu impossibilis, si videlicet constituamus, ens simplex, ut anima rationalis est, non in crassum, mutabile, mixtum, utique autem in aliud simplex, extensum, homogeneum, sensitivum, agere posse. Quodsi animæ in corpus influxum mere physicum dicere nolumus, eundem posse metaphysico-physicum appellari. *Capite XVIII* convenientiam mentis humanæ cum intellectu divino, & lineamenta vestigiaque imaginis ac similitudinis Dei in anima abdita, eruit. *Capite XIX* animæ rationalis essentiam & operationem semper duraturam declarat. *Capite XX* providentiam divinam, sive sapientissimam universi gubernationem, concelebrat. *Capite XXI* curam hominis, post defectionem in miserrimum tam corporis, quam animi, statum dejecti, explicat, quomodo & quibus efficacibus remediis in meliorem mutari, & depressa imago divina instaurari, debeat. *Capite XXII* imaginem divinam verbi revelati efficacia reparandam exponit. *Capite XXIII* de sanitate corporis tuenda, tanquam ad sanitatem mentis adjuvandam necessaria, agit. Tota autem hac tractatione Illustris Auctor identidem loca sacri Codicis ad confirmandam sententiam suam adduxit, vel etiam ad veterum Philosophorum in rebus magni momenti dicta & sententias provocavit, ut liquido inde cognoscatur, quousque solo naturæ lumine ejusmodi veritates

tates intelligi ac perspicui queant. Ex illo ipso autem, quem jam elidimus, conspectu satis elucet, quam præstantis & exquisitæ doctrinæ capita hic explicentur, & quam bene laudabiliterque postremum vitæ suæ tempus in ejusmodi cogitationibus atque operis collocarit Ill. Autor, ut in illis consensuisse videatur. Utinam vero hunc non postremum ipsius librum sinat esse Deus immortalis, sed, confirmatis animi corporisque viribus, plures adhuc a Venerabili hoc Sene proficisci concedat. Ad calcem præsentis Operis ex commercio literario, ante quadraginta & plures annos cum Illustri *Leibnitio* habito, Epistolas nonnullas adjecit, ut ex iis summum Virum. Physices quoque, Chæmiæ, & Medicinæ rationalis, fuisse amantissimum, atque Illustri *Hoffmanno* insigniter favisse, cognoscatur.

MEMOIRES POUR SERVIR A L'HISTOIRE &c.

hoc est,

COMMENTARII, HISTORIÆ CELEBERRIMORUM in Republica literaria Virorum inservientes. Accedunt Catalogi librorum, a singulis editorum, de iisque judicia.

TOMUS XXXIX.

Lutetiæ, apud Briassonum, 1738, 12.

Plag. 18, totidemque plag. dimid.

Exhibet hæc *Niceroniana* scena undequadragesima *Lucam Fruterium*, Criticum, vigesimo quarto vitæ anno mortuum anni 1566 mense Martio; *Ambrosium Lalluetium*, Clericum Parisiensem, m. 1724 d. 9 Maji; *Jacobum Duchatum*, edicto Nannetensi coactum patriam relinquere, posteaque Consilarii titulo ornatum a Rege Borussia, m. 1735 d. 25 Julii; *Jacobum Meyerum*, Historicum Flandriæ, m. 1552 d. 5 Febr.; *Joannem Sleidanum*, m. 1556 d. 31 Oct.; *Speronem Speronium*, Professore Paravinum, m. 1583 d. 3 Junii; *Jarum Cæcilium Frey*, Philosophum Parisiensem, m. 1631 d. 1 Augusti; *Julium Clementem Scottum*, Professore Paravinum, m. 1669 d. 9 Octobris. Hunc esse *Lucium* illum *Cornelium Europæum*, sub quo nomine exstat *Monarchia Solipsorum*, errareque eos, qui *Inchofero* tribuunt hanc Satyræ, docet Noster pag. 67 seq. qui idem jam docuerat in Tomo XXXV, & quidem in *Vita Inchoferi*. Progredimur ad *Claudium Chappuis*, Canonicum Rothomagensen, m. 1572; *Gabrielem Chappuisium*, Historiographum Regis Galliarum, m. 1611; *Philippum Picinæum*, Abbatem Italiæ, m. 1678; *Hieronymum Gbilmum*, Protomedicum Apostolicum, m. 1670, cujus *Theatrum eruditorum* valde contemnitur a No-

stro;

Afro; Michaellem de la Vigne, Medicum Parisiensem, m. 1648 d. 14 Junii; *Henricum Catharinum Davilam*, Venetorum ducem bellicum, eundemque Historicum egregium, m. 1631 mense Julio; *Carolus Schaa-fum*, Professore prius Duisburgensem, deinceps Leidensem, m. 1729 d. 4 Novembris; *Joannem Prevotium*, Professore Medicinæ Patavinum, m. 1631 d. 3 Augusti; *Carolus Bovillum*, Theologum Gallum, m. 1553; *Joannem Pearsonum*, Episcopum in Anglia, m. 1686 mense Julio; *Thomam Stapletonum*, Professore Duacensem, et postea Lovaniensem, m. 1598 d. 12 Octobris; *Lazarum Bonamicum*, Professore Patavinum, m. 1552 d. 11 Febr.; *Nicolaum de Montreux*, m. 1608; *Nicolaum de Herberay*, interpretem Gallicum *Anadisi*, m. 1552; *Joannem Quinquarhorcum*, Professore linguæ Hebraicæ Parisiensem, m. 1587; *Joannem Schefferum*, Professore Upsaliensem, m. 1679 d. 26 Martii; *Franciscum Lambertum*, Professore Marpurgensem, m. 1530 d. 18 Aprilis; *Joannem Michaellem de la Rochemaillet*, Advocatum supremi fori Parisiensis, scriptoremque complurium librorum Juridicorum, m. 1642 d. 9 Maji; *Jacobum Howelium*, primum in Britannia Regium Historiographum, m. 1666 mense Novembri; *Julium Pacium*, ex Jureconsulto Heidelbergensi Professore Logicæ in Academia Sedanensi, hinc plurimis in Academicis Professore Juris, octogesimo quinto vitæ anno extinctum A. 1635; *Nicolaum Nancelium*, Medicum Turonensem, m. 1610, scriptorem *Vite Petri Rami*, præceptoris sui: quem ex ipsius libris optimum esse, Noster censet; *Benjaminem Priolum*, Historicum, m. 1667; *Franciscum Feuardentium*, virum, uti Noster ait, ignei ingenii & nomini suo convenientis, ac furiosissimum hæreticorum antagonistam, m. 1610, ipsis Calendis Januariis; *Andream Argolum*, Mathematicum Patavinum, m. 1657, ætatis anno undenonagesimo; ejusque filium, *Joannem*, Professore Bononiensem, m. 1660; *Adrianum Turnehum*, Criticum Parisiensem, summis summorum Criticorum laudibus ornatum, m. 1565 d. 12 Junii; *Bernardium Baldum*, Abbatem Italiæ, m. 1617 d. 12 Octobris; *Claudium Saussjeum*, Canonicum Parisiensem, m. 1621 d. 21 Septembris; *Albertum Pigbium*, Præpositum Ultrajectinum, m. 1542 d. 29 Decembris. Errorem hunc esse, ac Pigbium anno demum 1562 d. 26 Sept. obiisse, docuisse nuper credetur *Burmannus* in *Trajecto erudito*, cujus pag. 200 seq. copiose differit de vita ejus scriptisque. Verum ex ipso illo loco apparet, typographum pro XL posuisse LX. Hac occasione, comparatione facta *Niceroniana* & *Burmanniana* diligentia, observavimus, catalogum librorum *Pigbii* a *Niceronio* exhiberi perfectiorem accuratoremque, at, quæ ad ejus vitam pertinent, plenius tradi a *Burmanno*. Sequitur in Tomo nostro *Lancelotus du Vocsin de la Popeliniere*, Historicus Gallus, m. 1608; *Joannes Lyserus*, autor *Polygamie triumphatricis*, m. 1684: cujus & antagonistæ commemorantur; *Joannes Taisnierius*, Mathematicus & Musicus, m. 1562; *Michael Marullus Tarchanista*, Poeta, m. 1500 d. 11 Aprilis; agmen claudente *Nicolao Dathbo*, *Augustini Dathi*, cujus vitam proximus Tomus exhibet, filius, Poeta, m. 1498;



NOVA ACTA ERUDITORUM,

publicata Lipsiæ

Calendis Octobris Anno MDCCXLI.

HISTOIRE METALLIQUE DES XVII PROVINCES
des Pays-Bas, &c.

id est,

*HISTORIA NUMISMATICA XVII PROVIN-
ciarum Belgii, a Caroli V abdicatione usque ad Pacifi-
cationem Badensem A. 1716, versa ex Belgico ser-
mone; Autore GERHARDO VAN LOON.*

Tomus IV & V.

Hagæ Comitum, apud P. Goffe, J. Neaulme, & P. de Hondt,
1736 & 1737, fol.

Tom. IV Alph. 5 plag. 5, Tom. V Alph. 4 plag. 21.

Duo hi *Tomis*, quorum lectione elegantes Numismatum
amatores oblectare se vehementer poterunt, iisdem
digni sunt laudibus, quibus *tres Tomos* priores præstan-
tissimi hujus Operis in his *Actis* *Menſe Decembri A. 1734* ex merito
condecoravimus. Nolumus igitur repetere inde, quæ tunc tem-
poris a nobis dicta sunt copioſius, quin potius ad ea ſtatim nos
convertimus exarranda, quæ ex *Tomis* hiſce promittere ſibi le-
ctor curioſus poteſt. *Quartus Tomus*, in *Libros quinque* diſper-
titus, incipit ab anno 1690, & cum anno hujus ſeculi quarto fi-
nitur. *Primo* exhibentur nummi complures, qui, circa hoc tem-
pus cuſi, res geſtas *Guilielmi III*, Magnæ Britanniæ Regis, miri-
fice illuſtrant. Tum comparent itidem bene multi in expedi-
tiones bellicas *Ludovici XIV*, Gallorum Regis, pariterque alii in

Dddd

Joannis

Joannis Georgii III, Principis Saxoniae Electoris, fortitudinem, summis laudibus celebrandam, quam partim contra Tarcas, partim etiam adversus Gallorum hostiles incurfiones, luculentissime comprobavit. Hos excipiunt nummi in expeditionem *Christiani V*, Danorum Regis, contra Razeburgum; in obitum *Mariae*, Angliae Reginae; in mortem *Caroli XI*, Sueciae Regis, quae intempestive consecuta est, cum ille arbiter eligeretur, communi gentium militantium consensu, in pace Ryswicensi; porro in pacem Hispanorum & Gallorum, A. 1697 per pacem Ryswicensem constitutam; in pacem Ryswicensem ipsam; in conciliationem *Caroli XII*, Regis Sueciae, quod susceptum restituendae pacis causa munus tam felici gessit successu, ut dexteritas & prudentia ejus maxime celebrata fuerit a *Ludovico XIV*. Sub Seculi, quo vivimus, initium nummis cudendis occasionem dedit Calendarii emendandi negotium, & deinceps obsidio Tonningensis, a *Friderico IV*, Daniae Rege, tentata; mors *Caroli II*, Hispaniarum Regis; nominatio Regis, a Legato Hispanorum erga *Philippum*, Ducem Andegavensem, facta, ubi varia notata dignissima, e. g. in Patrem Purpuratum, *Portocarrero*, inveniuntur; virtus *Eugenii*, Principis, fufis Gallorum copiis in Italia; obitus *Guilielmi III*, Anglorum Regis; novum *Annae*, quae successit eidem, regimen; splendidissimus Regis titulus, quem vindicaverat sibi *Fridericus I*, Elector Brandenburgicus; & Landa-via, *Josephi*, Romanorum Regis, auspicio Gallis crepta. Haec sunt, ni fallimur, praecipua nummorum, quos hic *Tomus* complectitur & illustrat, momenta. *Tomo quinto*, eoque ultimo, qui nummos, ab anno hujus Seculi quinto ad decimum sextum cufos, ostendit, Celeberrimus *van Loon* enarrat numismata in Academiam equestrem, Trajecti ad Rhenum A. 1705 institutam; in *Leopoldi*, Romanorum Imperatoris, obitum; in novum *Josephi*, ejus successoris, imperium; in Barcello-nam, a Gallorum impetu liberatam; in memoriam *Joannis Guilielmi*, Ducis Saxo-Gothani, quem globulus e vivorum numero rapuit in obsidione Telonis Martii; in sponfionem pacificationis religiosae Silesiacae; in recens natum Principem Regium Borussiae, *Fridericum Ludovicum*; in auspiciatissimum connubium *Elisabethae Christianae*,
cum

cum *Carolo VI*, gloriosissimæ memoriæ Imperatore; in conatus Gallorum, qui, ut Principi supposito, *Jacobo de Wallis*, viana ad imperium munirent, Scotiam fuerant aggressi; in victoriam Fœderatorum in Gallos; in Hispanos Gallosque, A. 1710 in Catalaunia & Aragonia fufos; in mortem *Josephi*, Imperatoris Augustissimi; in Vicariatum *Friderici Augusti*, Poloniarum Regis, & *Joannis Guilielmi*, Principis Electoris Palatini. Nummi sequuntur complures in memoriam actus solennis, quò Imperator Romanus electus fuerat *Carolus VI*; in pacem Ultrajectinam, A. 1713 constitutam; in pacem Rastadiensem, quæ sacrum Romanum Imperium & Gallicum inter se iterum conciliavit; in regiam dignitatem *Georgii I*, Electoris Hannoverani, ejusdem adventum in Magnam Britanniam, pariterque coronationem; in obitum *Ludovici XIV*, & novum successoris imperium. Colophonem Operi jucundissimo imponunt Indices duo, magna cura confecti, quorum alter res præcipuas docet, quæ in *Tomis* omnibus locum habent, alter symbola lectorum oculis subjicit, quæ nummorum cuique adjecta fuerunt. Multum salis ingenique plurima illorum secum ferunt, quemadmodum totum Opus industriam haud sanè vulgarem redolet; ideoque fieri ratione nulla potest, quin Celeberrimus *van Loon* solidam & grandem gratiam, ut Comicus loquitur, inierit ab iis omnibus, qui rem numismaticam in deliciis habent, & insignem ejus in Historia universa usum satis recte perspiciunt.

HISTORIA REGNI GRÆCORUM BACTRIANI,
in qua simul Græcarum in India coloniarum vetus memoria explicatur, Autore THEOPHILO SIGEFRIDO BAYERO, Academico Petropolitano, & Antiquitatum P. P. Societatis Regiæ Berol. Sodali. Accedit CHRISTOPHORI THEODOSII WALTHERI, Missionarii Regii Daniçi, Doctrina temporum Indica, cum Paralipomenis.

Petropoli, ex typographia Academiae Scientiarum, 1738, 4.

Alph. 1 plag. 8.

Dddd 2

Stre-

Strenuum olim Virum & nunquam cessantem *Baierum* ! En Historia ejus, qua regnum Græcorum Bactrianum, Græcasque in India colonias, persequitur atque exponit, Illustrissimo & Excellentissimo Principi *Alexio, Michaelis* filio, *Czerkassio*, S. I. M. totius Russiæ Consiliario status intimo, inscriptam. In Dedicationis formula res, ab *Anna* Augusta ac gente *Czerkassiorum* inclutissima in orbis terrarum luce gestas, recenset, ac splendore orationis perfundit. In Præfatione, sese ante viginti & amplius annos de veterum ecclesiarum sub extremo Oriente historia delineanda cogitasse, nos docet. Quod coeptum remorata fuerunt innumerabiles difficultates. Incerta enim plerarumque illarum regionum in hanc diem est notitia, civiles vero populorum casus conversionesque dominatus caligine squalent & laborant. Nihilominus Cel. Autor, hisce impedimentis haud deterritus, cepit consilium ex re & necessitate, rebus Asiaticis pro sua virili asfundendi lucem, ex veteri historia depromptam, novisque commemorationibus auctam. In præsens de regno Græcorum Bactriano differit; de Indico passim gratiora scituque digniora intexit; ac de Græcis inter hos populos colonis atque hospitibus sedulo disquirat. De Græcis artibus, ac de modo, quo ex cum Oriente fuerint communicata, exponit ex conjectura. In Græcorum apud Bactrios Regum chronologia ab annis epœchæ *Julianæ* abstinet, ratus, illos ante C. N. *Dionysianos* & hic ad ceteras epochas conformandas sufficere, & memoriæ cum primis inservire. Laudat censuram ejus, qui *Historiam ejus Osroenam* recensuit ac dijudicavit in Diarii, *Bibliothèque raisonnée* inscripti, *Tomi XV Parte I pag. 92 seq.* eique sese facturum satis significat, simul ac ipse retractationes aliquot locorum ejus Historiæ ediderit; quod Viri docti destinatum mors ejus immatura intercepit. Ipse autem, cum numum Amidenum, qui adhuc tantummodo apud Parisienses in gaza regia exstiterat, multis Antiquariorum jactatum disceptationibus, ex Museo Imperatorio apud Academiam produceret, quædam insignia momenta, quæ tum emendaret in *Osroena Historia*, tum reficeret, invenit. Constituebat huic Bactrianæ Historiæ adjungere Commentationes *de Seribus & Sacis*, nec non *de Sinis præcis*. Et illa quidem de Seribus & Sacis sic pertractaverat, ut in his Bactrianis multa copiosius

pioſius illustrata prodiiſſent. Sed Commentationes illas caſus feralis intercepit, æque perierunt. Ea quoque de cauſa geographica tabulam, quam conſecto Opere fuerat concinnaturus, qmitti hic oportuit, quod ea ſine Commentationibus illis deperditis non poſſet conſici. Adjunxit Opuſculo huic *Chriſtophori Theodoſii Waltheri Doctrinam temporum Indicum*, dudum cum viris egregiis, qui Trangebariæ ac Madraſtæ homines ad civitatem Chriſti Evangelicam adducunt, commercia & amicitiam colens. *Waltherus* dein ipſe, ceteri collegæ ejusdem, ac inprimis *Antonius Sartorius*, in epistoſis, ad Autorem datis, multa præterea monuerunt. Atque ex hiſcè relatis enata fuerunt *paralipomena*. Baſtra ætate noſtra vocari *Balch*, nemo facile ignorat. Sogdianen cum Baſtriane ſæpius quidem confundere alii, ſed utraque regio ſatis invicem differt. Virtus gentis Baſtrianæ ita apud Græcos olim ſuit celebrata, ut in fabulis quoque Poetæ *Dionyſo* ex Baſtriis debellatis gloriam quærerent. *Euripides* & *Polyænus* eam rem memoriæ prodiderunt. *Ariſtophanis* doctus interpres ad *Ranas Aſt.* 1 *Sc.* 5 pag. 222 ita: *Dionyſus Indis Nyſſus dicitur a Nyſſa, Indorum urbe*. Inde in hunc diem credunt, inter ſuos exſtitiffe quondam *Maidbâſuren*, aliquem, dictum a *Maidbam* & *âſuren*, quaſi *taurum gigante*, in *Niſadaburam* urbe, haud longe a *Meru* monte natum, qui taurina cornua geſſerit, carnibusque paſtus cum aliorum animalium, tum vaccarum, (quod in Indis ſummum ſcelus,) & vino ad ebrietatem repleti ſolitus, Diis bellum intulerit. Vide *Strabonem* pag. 473. Ille thyſſorum tympanorumque apparatus eſt Indicus. Indi boreales par tympanorum *Dumame*, ſeu *Dmam*, appellant, unde Græcorum exſtitit *tympanum*, ut Autori videtur. *Hefſychius*: Σάμμιον ἔργαον Μερικὸν παρ' Ἰνδοῖς. Conf. *Suidas* in Τύμπαρον. Κόγχη, *concha*, ab Indorum *Sangu*. *Phialarum* quoque in Orgiis *Bacchi* uſus fuit. Eſt autem hæc vox Indica *pinla*, id eſt, cyathus, quales ſunt Sinorum tum majores, tum minores. *Pompa* omnis cum tympanis & *ἐὐανθῆς ἑορτῆς*, amictu, & Indica eſt & *Bacchi*. Unde Autor credit, *Dionyſum*, vetuſtiſſimorum temporum bellicoſum Regem, merito ſibi vindicaſſe Indos. Ex *Purwana ſaccaram*, libro Indico, patet, Imeam

Pag. 1.

2.

3.

4.

- montem, Græcorum *Imaum*, fontes Gangis continere, *Merum*-
 que montem fere medio inter Indi atque Gangis fontes spatio
 situm, ubi *Nisada-buram*, id est, *Nysa urbs*. *Bacchus* ex Indis
 fuit, Bactriorum vicinis, quippe qui erant bellicosissimi, teste
 Pag. 5. *Herodoto pag. 317 ed. Gronov.* Quæ *Ctesias Cnidian*, ac *Diodorus Si-*
culus ex illo, tradidit, Autor suo haud dignatur assensu, *Osima-*
dyæ Ægyptii & *Zoroastris* res nimium obscuratas arbitratur.
 6. Græci videntur nomen Bactriorum a Persis accepisse. Hi *Orien-*
tem vocant باختر, *bachter*. *Trogus Pompejus* Bactrum *orien-*
 7. *tis flumen* enpropter merito appellavit. *Claudius Ptolemaus* re-
 giones easdem modo Bactriis, modo Sogdianis, annumerat. Ba-
 ctrianæ ad meridiem limes mons Indicus *Paronifus*, *Ptolemao* &
Agathemero Παροπάμιδος, *Arriano* Παρπαμιστες, *Dionysio Pe-*
riegeta Πάρενδος, *Eustathio* Παρπαμίδος & Πάρενς, *Stepha-*
no Παροπάμίδος. Indi & Persæ montem vocant *khoo, kub, kob*.
 8. Exinde Macedones putarunt, Caucaſum in India inveniri. (*)
Geographia Tamulica montem *Imeia* ad orientem *Meri* collo-
 cat. Emodo monti Merus mons in eadem statuitur ad Occiden-
 10. tem. *Smeru* penes Indos significat *auri in molem exaggeratum*
cumulum, siquidem sol, dum occidit, ab hujus montis cacumine
 ad ruborem resplendescit. *Parabud* & *parbud* montem notant.
 Quare *paronifus* designat montem *Nysam*. *Bâbro* in plebeja In-
 11. dorum lingua notat montem. Quare Græci ex *bâbro* & *nischâ-*
iam, Autoris ex judicio, montem *Nisam* seu *Paronifum* fabrica-
 runt. A septentrione Bactriorum *Ptolemaus* posuit *Oxum* flu-
 men. *Straboni* id dicitur *Ochus*. (**) Fontes sunt in montibus
 12. Indicis. Illud nunc vocant جىبن Gjihun. Lacum *Ara*,
 influit. Ab occasu Margiana Persidis provincia, nec dum ea ad
 Hyrcanum mare pertinebat, siquidem intercessit *Aria*. Mar-
 giana est *Chorasân*. Hinc ad Sogdianen definiendam procedit
 Autor,

(*) Rationem denominationis *Strabo XI pag. 348* ex adulatione Ma-
 cedonum derivat.

(**) Autor *Oxum* & *Ochum* pro eodem habet flumine. Sed *Ochum*
 ab *Oxo* distinguit *Curtius VII, 10*, nec non *Amnianus Marcellinus*
XXIII, 26. *Ochus* propior Margianæ fluxit; *Oxus* Bactrianen a Se-
 pentrione terminavit.

Autor, cujus limites Oxo & Jaxarte fluviis continentur. Regio hæc *Maḡarannâhar*, id est, trans fluvium, scilicet Oxum, vocatur. Ipsa nomen Sogdianæ traxit a Tempis & flumine & monte *Sogd*. Totum tractum Ponti Euxini orientalem Græci scriptores ignorarunt, unde millies lapsi. Nec *Ptolemaicis* dimensionibus multum fidei habendum. *Arrianus* Maracandam, Sogdianæ caput, trans Oxum posuit. *Strabo* Μαργαριτῶν τῆς Σογδιανῆς habet, ut *Isaacus Casaubonus* ex MSis emendavit, cum esset Μαργαριτῶν. Maracand. urbs dicitur *Chrysococca Σαμαρχάνδ*, Indis Samarcandæ, vulgo *Samarkand*. *Bochara* nonnullis eadem visa ac *Bactra*. Sed Autor demonstrat, *Balch* esse *Bactra* & *Bactrum* flumen, per suburbia *Balchi* Oxum petens. *Bactrios*, ut a *Parthis* toto stirpis genere diversos, ita neque *Scythias* esse, opinatur Autor. Id persuasurus lectori, *Persæ* utique, scribit, qui post *Parthos* regnarunt, eodem cum *Bactriis* sermone sunt usi, quare *Behramgur* Rex, quem *Theodosio juniori Imperatori* æqualem dant, abrogata *پهلوی* dialecto *Pehlavi*, tanquam rudiori, linguam *دري* *Deri*, seu aulicam, qualis nunc est, in summa dignitate collocavit. Nam præ illa lingua hæc tenuis est & delicata, quæ nihil abrupti patiatur, voces omnes explanate & concinne enuntiet, quod aliter fuit in ceteris *Persarum* dialectis. Hæc autem lingua *Deri*, quæ in regno *Persico* lege est constituta, in aulam, in acta publica privataque, fuit introducta, apud *Balchum* & *Bocharam* antiqua fuit & vernacula. Ex sermonis porro indole colligit, *Bactrios* *Parthis* ceterisque *Persis* humanitate præstitisse. Ex hac enim regione exstitit philosophia *Zoroastriana*. Neque *Bactrianorum* Σαμωαίσι alii fuisse videntur, quam *Zoroastriana* discipline sacerdotes, quod quidem ipsa vox indicat. Nam *شمن* *Schaman*, ut *Thomas Hyde* nos docuit, ingemiscentem significat & singultantem, quod *Magorum* ritus continet, qui, cum sacra facerent, non concinna voce instaurabant, sed repressa, ore obligato. Sacræ literæ *Magos* hosce tradunt pipiisse *Ef. VIII, 19*, immo pipiisse ex terra & pulvere *Ef. XXIX, 4*. Obiter notamus, per *פפפפפפ* *Jes. LVII, 10*, significari ex lingua *Persica*, *Magis* familiari, loca gemitus ac singultus magici atque incantationum seu *ἐντοιδῶν*, quæ solebant esse subterranea

Pag. 14

15.

16.

17.

21.

22.

Pag. 23.

- terranea & tenebricosa. *Bardeſanes* & *Porphyrus* diviſerunt Gymnoſophiſtas Indorum in Brahmanas & Samanæos. Quorum errorem Autor alibi coarguere deſtinaverat. Addit Autor: *Prope modum plures eximia laude viri ex Baſtrorum regionibus prodierunt, quam ex Perſia omni & Turcia. Adbuc literæ iſtæ magis florent, quam inter reliquos barbaros.* *Cyrus* Baſtrianen reddidit dedititiā & veſtigalem. Baſtrii *Dario Hyſtaſpis* tributa pependerunt. *Xerxes* in exercitu contra Græcos habuit Baſtrios, quibus dux datus *Hyſtaſpes*, *Darii* Regis ex *Atoſſa* *Cyri* filius. Alter deinde *Hyſtaſpes*, *Xerxis* filius, Baſtrianorum ſatrapa fuit. *Artaxerxes* Baſtriis præfectum dedit *Artabanum*. Locum *Crefia* apud *Photium*: ὁφείσεται Ἀρταξέρξης Βάστρα, καὶ ὁ Σαρδάνης, ἄλλος Ἀρτάπανος, ita reddidit: *Deſciverunt ab Artaxerxe Baſtra, & Satrapes exſtitit Artapanus alius, non ille parricida, æque defectionem molitus.* Sed paullo poſt in ordinem Baſtrii reducti. *Darius Codomannus*, re ad Iſſum male geſta, *Beſſum*, Baſtriorum ſatrapam, quantis maximis cum copiis poſſet, excivit. Ad *Gaugamela* hi in lævo cornu fortiter ſe geſſerant. *Alexander M. Artabazum* provinciæ præfecit. Mox res ibi turbatæ. *Craterus Spitamenem* vicit. *Amyntas, Nicolai* filius, in locum *Artabazi* admodum ſenis ſucceſſus. Ad *Paroniſum Alexander*, cum ex Perſia Baſtrios peteret, urbem *Alexandriam* condidit. De *Taxilis* deinde & *Pori* terris Autor exponit. *Taxilis* regionem collocat ad *Indi* fluminis occidentem, ubi nunc eſt *Kabel, Pori* terram intra fluvios majores, qui, ex montibus Indicis delapſi, *Pangienand*, id eſt, quinque fluvii, vocantur.
24. Nomen regioni inde inditum *Pangiab*. Nomina fluminum ſunt *Dgienab* juxta *Multanum*, *Weba*, *Rawi* prope *Lahor*, *Ghara* ſeu *Kabarnab*, id eſt, aqua turbida, ad urbes *Phattiabur* & *Dunnia-*
25. *bur*, denique *Sindo* ſeu *Sind*, ad urbem *Deram*. Hoc *Sind* verum deinde nomen eſt celebratiſſimi fluminis, vulgo *Indi*, quem *Indi* ipſi ignorant. *Plinius Hiſt. Nat. VI, 20*, hoc jam notavit. *Arrianus* in *Periplo maris Erythræi* & *Cosmas Indicopleuſtes Sinthon* & *Sindun* vocarunt. Græci, audito, nomen gentis eſſe *Hindu* ſeu *Hind*, *Indus*, fluvio etiam hoc nomen eſſe, exiſtimarunt.
27. Scriptores Arabes regionem *Pori* appellant *Belhera* & *Belur*. *Indi*

ad

ad hunc diem *Alexandri* memoriam recolunt, nomine *Scha Schkandur Padaſcha*, id est, *Regis Alexandri Magni. Alexandro* in Indis agente, Macedones, qui *Garabactra* deducti, tumultus ferebant. *Garabactra* videntur dicta quasi *Karab Bachter*. *Bicon* & *Boxus* videntur nomina dignitatis; *Beg* enim, *praesidem* designat. De *Sandracotto*, id est, *Jeracho*, (lunæ castello,) adduntur non tralatitia, qui Regem Gangeticarum nationum debellavit. *Seleucus* eum in ordinem redegit, émensus iter disjunctissimum, teste *Plinio Hist. Nat. VI, 17*. Texit porro *Cel. Auctor* inde a *Theodoto*, regni *Bactriani* conditore, chronologiam Regum Græcorum in *Bactriana*. Successit ei *Theodotus*, filius, huic everſo *Euthydemus Magnesium*, huic *Menander, Eucratides*, senior, & huic junior, filius. Vitas posthæc eorundem Auctor exponit. *Theodotus* se, Macedonasque colonos & Græcos, asseruit in libertatem, ejusque exemplum secutus est *Arsaces, Parthus. Justinus Lib. XLI Cap. 4* constituit epocham defectionis Parthorum hunc in modum: *Parthi defecere primo Punico bello, L. Mantio Vulsone, M. Atilio Regulo, Consulibus. Joannes Valens, in Historia Regum Parthorum pag. 4* locum illum stricte secutus, epocham cum anno U. C. 498 copulavit. Nostro autem *Justinus* potius videtur scripsisse, *L. Mantio Vulsone, C. Atilio Regulo, Consulibus*, qui A. U. C. 504 fuerunt. Suffragatur ei τῶν Ὀλυμπιονίκων Συναγωγῇ, a *Josepho Scaligero* edita, in qua tamen pro Αἰβάρης legendum est Αἰσάρης. Auctor credit, hæc Olympionica primum ab *Aristotele* esse digesta, deinde ab *Eratosthene Cyrenæo* aucta, continuata a *Pblegonte Tralliano* & *Julio Africano*, ut adeo libelli illius autoritas maximi sit facienda. Suffragantur præterea *Appianus Alexandrinus pag. 211 ed. Tollii*, & *Justinus* loco laudato. Uterque enim defectionem Parthorum in ætatem *Seleuci Callinici*, contra *Ptolemaum Evergeten* belligerantis, collocavit, licet alter, duos scriptores & diversos uno contextu secutus, & res & tempora permiscuerit imprudens. *Antiochum Θεὸν* a Parthis fuisse cæsum, Auctor sibi persuadet, licet *Appianus Alexandrinus*, eum a *Laodice* uxore veneno sublatum, tradat. Autore enim utitur *Atbenæo*, qui ex *Posidonio Apameensi* nonnulla retulit, & *Æliano* in *Var. Hist. IX, 41*. De epochis Parthici regni,

Pag. 30.

33.

35.
38 seq.

47.

51.

52.

53.

54.

55.

- exordia nacti, varia commentatur idem solidissime deducta, quibus sententiæ *Jo. Valentis* bene multæ emendantur. Qui voculas lambunt, eis molestum erit, bis *pag. 64* positam fuisse scripturam: *sub verem*. Sed nos res magis, quam verba, curamus, nec navos ejusmodi viris summis vitio vertimus, a fugiente manu vel incurio sphalmatum emendatore profecta. Homuncionum isthæc est præcipua maleque sana cura. Nostrium est, ad propositum reverti. Parthos Hyrcaniam ante Christum natum anno 244 occupasse, Autor ostendit. Quænam exstiterit regio seu urbs *Taguria*, disquirat. Est quidem apud *Claudium Ptolemaum Thagora*, sed in India, quæ Geographo Ravennensi *Tachra*, *pag. 864. ed. Gronov.* Periplus maris erythræi *pag. 29* πόλιν τὰ γὰρ μέγιστην habet, haud procul a mari in orientalibus partibus regionis ejus, quæ *Dachanabades* vocabatur, id est, australis. Nam, inquit *Arrianus*, Δάχανος καλεῖται ὁ Νότος τῆ αὐτῶν γλώσση. Ita est. Indis auster vocatur *Dhakon*, & plaga mundi australis qualiscunque *Dhakana wad*. Sed hic locus nimis remotus. Τάπεδον, *Asinio Quadrato* apud *Stephanum Byzantium* dicta, erat regio in Margiana inter Derbices & Hyrcanos, a qua regione juga montium Tapyrorum ad Mediam usque *Polybius* deduxit. *Euthydemis* bella cum *Antiocho Magno*, ac præterea Nomadicum & Indicum, præterimus scientes. *Menandri*, Regis Indiæ, regnum Bactrianum cogimur relinquere intactum. *Demetrium*, *Euthydemis* filium, Indiarum parte potitum, omittimus. *Eucratidis* Regis Bactrianorum utriusque, res transilire jam oportet. Addimus tamen nummi descriptionem, 100. ab *Eucratide* seniori profecti. Adversa insigni spectabilis est eminentiæ & capitis & galeæ, averfa est depressioris areæ, ad modum numorum *Lyfimachi* & Syriæ Regum. Caput galea tectum. Sub ea frons diademate stricta, ut indicant fasciæ, fluentes circum cervicem. In averfa duo equites cum tiaribus Bactriis, ramis palmæ, & sarissis. Inscriptio: ΒΑΣΙΛΕΥΣ ΜΕΓΑΛΣ ΕΥΚΡΑΤΙΔΗΣ, & epocha ad latus HP, id est, annus 108. Sarissæ Macedonum arma, tiaræ Bactrianorum gestamen, testè *Herodoto VII, 64*. Equites tonsi & ipse Rex tonsus in numo, ex more *Alexandri Magni*, qui milites jussit tonderi, ne quis in prælio eorum barbam posset

poſſetprehendere, teſte *Julio Africano* in *Ceſtis* pag. 278 *ed. The-*
venoti; immo ex ritu proprio. Mos enim pervetuſtus in Oriente
fuit, radi ſeu tonderi. In *Phrabatis* 11 numo vox ΣΑΝΣΑ no-
tat *Regem Regum*. Numos Græcos Indis fuiſſe in deliciis, autor
eſt *Arrianus* in *Periplo*. Et, ne quis miretur, in numis Baſtiorum
& Arſacidarum literas exiſtare Græcas, Cel. Autor monet
& ingerit multa egregia de artibus, Græciæ familiaribus, de
Græcorum philoſophia & lingua, ad Indiam uſque propagatis.
Cosmas Indicopleuſtes pag. 79 omnino narrat, Græce locutos ſua
ætate Baſtros, Hunnos, Perſas, & reliquos Indos magnam par-
tem. Cum vero per ſeptingentos annos ad minimum penes In-
dos lingua floruerit Græca, credibile eſt, eos a Græcis accepiſſe
nonnihil artium ac ſcientiarum. In hunc cenſum Autor reſert
numerosum nomina. Apponit ea, primum ut in ſuperiori In-
dia apud Multanienſes & Dellienſes efferuntur, deinde ut apud
Tamulos, Toluccos, ſeu Varugos, denique Daknice, ſeu ſermo-
ne ſuperioris Indiæ, quæ maxime ſub Mogulis rerum dominis
eſt, pronuntiantur. Unum Brahmanes vocant *Heku*, Tamuli
Egam, Tolucci *Ek*, Dakni *Ecum*. Δύο, *duo*, hiſce vocantur
ddbu, *due*, δώ, *duum*; τρία, *tray*, *trini*, τίν, *ſeium*; τέσσαρες
vero *egjar*, *ſhatuari*, *tſchuhâr*, *tſchaharam*; πέντε *pangj*, *pant-*
ſchu, *pandſchum*, &c. Idem demonſtrat deinde ipſe per
nomina numerosum cardinalium. Ex Romanorum lingua fue-
runt decerpta nomina *ſupta* pro ſeptem, *nava* pro novem, *una-*
wi pro undeviginti, *unatri* pro undetriginta, ac inprimis *tribb*
pro triginta, *ſzao* pro centum. Indorum ſapientiam ipſe ſatis
vilem fuiſſe credit, adeo, ut neceſſum ſit, magnificam illam de
priſca eorum ſcientia ac arte ſententiam deponere. Arabas ab
Indis logiſticen accepiſſe, cauſam ſibi eſſe putat gravem, cur in
eo *Walliſſe*, id affirmanti, haud aſſentiat. Indi enim eam in
hunc diem ignorant, ac vel in abacis rationes exigunt ſuas, vel
difficillimo genere Arithmetices ſtrigofæ utuntur. Solas igitur
numerosum notas ab Indis acceperunt Arabes, & ne earum qui-
dem autores fuere Indi, quippe quas, a Seribus ex Sinicis for-
matas, compendio earum delectati, uſu vero ipſo inter mercan-
dum coaſti, receperunt. Alibi Cel. Vir de his dicet copioſe.

Pag. 102.

107.

109.

111.

117.

123.

129.

130.

- Pag. 133. Dolemus, eum Musicæ esse ignarissimum, ideoque noluisse tentare, quantum Indorum Musica e Græciæ traxerit præceptis. In temporum vero rationibus formulas Græcæ extremum Orientem pervagatas esse, invenit. Cum porro epocha Bactriana in numo *Eucratidis* anno ante C. N. 148 congruat, caput autem ejus inde ab anno ante C. N. 255 assurgat; opinatur idem, formam deinceps annorum, mensium, dierumque, secundum enneadecaeterida *Metonis* fuisse institutam. Nam hæc forma ab omnibus populis, qui *Seleucidarum* imperio subiecti fuerunt, est recepta, ac ejusdem ad hoc tempus in Oriente vestigia supersunt. In *Metonico* cyclo intra 19 annos intercalabantur septem menses, ut in eo anni tertius, sextus, octavus, undecimus, decimus quartus, decimus septimus, ac decimus nonus, essent tredecim mensium. Haud secus res penes Sinos sese habet, teste Epistola, a Rev. Patribus, *Ignatio Kagléro*, *Antonio Pereyra*, & *Carolo Slavicek*, ad Autorem data. Inde *ensem* vocant *Mahina*, Persæ *mâh*, quasi ex Græcorum voce *μήν*, diem vocant *wâr* in cyclo hebdomadali, alias *Dhebu*. Calendariorum conficiendorum doctrina apud Indos in arcanis habetur. In *B-banâres* seu *Kascha*, eorum Academia, Astronomus quasi quidam, *Pandbut*, calendaria conficit ex vetustis tabulis, quæ cum omni illa arte in illius domo dudum existerunt, non ex observatione cœlesti, nec ex calculis astronomicis. Non vacat addere modum, quo Autor, cyclum enneadecaetericum ex Græciæ extremam Asiæ partem peragrassè, verosimillime ostendit. Delibabimus duntaxat adhuc summa capita ex *Doctrina Temporum Indica*, a *Christophoro Theodosio Walthero* perscripta. Pertractat in ex Missionarius Dánicus apud
134. Trángambarienses expositionem de minutis, horis, diebus, hebdomade, mensibus, annis, hexacontaeteride, seu cyclo sexagenario, cyclo majori, seu periodo, cyclo maximo, aliis *cyclis* & *periodis*, Calendario Indico. Indi ex plebe describunt horam suam in 360 Nod'is, id est *crepitus digiti circum caput gyrtati*. Astronomi vero adhibent scrupula prima, dicta *Winad'i* & secunda, dicta *Calâ*, numeris tantum recenseri solita. Partiuntur 60 partes diei civilis in 60 minores, & has in 60 minimas. Hac methodo olim *Ptolemæus Alexandrinus* fuit usus, quæ in *Palæstinam*, *Indiam*, & *Sinam*, migravit. *Esaías* Regi *Ezechia*
- optio-

optionem permittit, utrum umbram per 10 gradus progredi, an totidem regredi, mallet 2 *Reg. XX, 9*. Adeoque gradus isti horarii vicenarium excessere numerum. Babylonii contra, quorum principes, missa legatione, in prodigium illud inquisiverunt 2 *Chron. XXXII, 31*, diem in 12 horas *naquods* partiti sunt, teste *Herodoto II, 9, 10*. Suspiciatur Autor, in sciaterico *Abasi* obtinuisse divisionem horariam, qua usus *Ptolemaeus*. Minutum Pag. 147. Indicum est Europæis secundis 24 æquale. Astronomi Indorum Sinorumque numerant 15 bihoria quoque secundum phasium lunæ numerum. Hora autem una est pars diei civilis sexagesima. Ergo horæ Indicæ $2\frac{1}{2}$ æquales sunt uni Europææ, siquidem hora Indica una æqualis est nostris 24 minutis. Præterea Tanschauri & alibi, more Indostanico, dies naturalis in 12 partes dividitur, dato æris signo, quod *Tās* appellant. Initium diei ab ortu solis capiunt. Unaquæque hora dividitur in 2 semisses & 4 quadrantes. Hora etiam dividitur in sedecim *Wifam*, quarum singulæ respondent Europæo sesquiminuto. Quare horæ Indicæ in vita civili sunt planetariæ, seu Judaicæ, hoc est, inæquales, præsertim sub finem diei & noctis. Apud Malabaras tamen dies fere semper sunt æquales sub perpetuo æquinoctio. Dies civilis dividitur in 60 *Nārbigbey*; naturalis, cuius initium ab ortu solis, in 30 *Nārbigbey*, ita, ut alia 30 tribuantur nocti. Præterea dividitur in octo excubias. Unaquæque dies, more nostro, trahit a planeta nomen, ex communi origine Ægyptiaca, licet Indi planetas 9 teneant. Brahmanæ solem quoque dicunt *Mitraba*, Persæ *Mithras*. Eclipses solares Indi putant existere a serpente nigro, qui, e capite gigantis, a *Wifetnu* occisi, natus, in solem, quem prehendar, effundat virus suum. Serpens ruber, qui, e trunco ejusdem gigantis reliquo ortus, eadem ratione eclipses lunares efficere perhibetur. Origo fabulæ ex *capite & cauda draconis*, seu nodo adscendente ac descendente, repetenda. Planetæ laboranti subveniunt *areis cymbalis*, ad numerum pulsatis, quæ cum *æribus auxiliaribus lunæ*, apud Autores Romanos memoratis, conveniunt. Mensis Indicus est pars duodecima anni, disposita secundum numerum signorum Zodiaci. Indi ab Ariete annum ordiuntur, ac recen-

148.

149.

151.

152.

153.

155.

157.

- sent signa Zodiaci in Arithmetico libello, a quovis tironum memoria mandando. Eadem Brahmanis primordia anni, haud secus ac Athenienses annum inchoabant a Xanthico seu Aprili.
- Pag. 159. Dies, cuique mense attributi, non certi numeri serie, sed pro arbitratu, determinantur. Ratio intercalandi in annis bissextilibus calculo est superstruenda. *Curtius* de vetustis Indis *Lib. VIII Cap. 9.*
165. *Menses in quinos denos descripserunt dies; anni plena spatia servant.* Menses hic intellige minores, seu semimenses, Sinis *Ciei*
166. *ki.* Mensis prior dicitur novilunium; posterior plenilunium. Id quod ipsum etiam *Curtius* recte fuit assecutus. Menses ibi lunares, licet annus sit solaris seu 365 dierum, ni annus existerit bissextilis. Annus Indorum est *Julianus*, quem ipsi a Romanis acceperunt, victoribus Parthorum, mutato anno *Nabonassareo* substitutus. Errore arithmetico factum, ut ille Indorum *Julianus* jam adhuc a *Gregoriano* differat decem diebus. Indi diem bissextum non Martio stricte, sed alii cuicunque mense, inserunt. Hexacontaeteris complectitur cyclum annorum 60, quorum singuli gaudent nomine singulari. Non constat, quando cyclus hic fit conditus, aut quotus annus cycli hoc, quo vivimus, anno existat. Cyclum hunc in sese ducunt ter Sini, sed id facere omittunt Indi. Periodum, quæ constat pluribus cyclis minoribus, Indi vocant *Ugam*, seu *Yugam*, id est, *Ἀἰῶνα*, eamque, quæ huius ævi est, constituunt annorum 432000, seu secundum alios 48300, desituram cum incendio orbis & iudicio extremo. Prius ævum coaluit ex 7200 hexacontaeteridibus, posterius ex 805. Cyclus maximus continet quatuor æva. Reliqua ad rationes Calendarii spectant & paralipomena chronologica, quæ *Cel. Baierus* ex variis amicorum epistolis ac aliunde concinnavit. Libri, opinamur, tanta est præstantia, & tanta rerum alias indictarum seges, ut non potuerimus non esse solito longiores. Eos autem, qui hoc Catone contenti esse nequeunt, ad fontes ipsos remittimus, e quibus sitim admodum jucunde restinguent,

MEMOIRES POUR SERVIR A L'HISTOIRE

des Insectes, &c.

hoc est,

OBSER-

OBSERVATIONES RERUM, QUÆ AD HISTORIAM Insectorum faciunt; Autore Domino DE REAUMUR, Academico Regio Scientiarum, Academiæ Petropolitanae & Instituti Bononiensis Socio, Ordinis Regii militaris Sancti Ludovici Præfecto. Tomus quartus, continens historiam Gallinsectorum, Progallinsectorum, & Muscarum duabus alis.

Parisiis, ex Typographia regia, 1738, 4 maj.

Alph. 3 plag. 10, Tabb. æn. 44.

Nisi omnem ætatem in minimarum rerum contemplationibus consumsisset Cel. *Reaumurius*, eo non pervenisset, quo pervenisse mirantur omnes, utpote qui non tantum Autorum circa Insectorum genesin, vitam, & mores, sententias sedulo comparaverit, erroresque, quos nullibi, quam in hac disciplina, committunt facilius creduli, correxerit, sed & nova prorsus addiderit, & ante hos annos inaudita. *Tredecim Observationibus* absolvitur *Tomus* præsens. *Prima* versatur circa Gallinsecta. Sunt eadem genus animalculorum forma cymicis, ex ovo, sine metamorphosi, insectis consueta, factum, quod ideo non animal, sed tumor vel morbus plantarum & arborum, aut galla, visum fuit aliis, quia non nisi tunc observatum fuit, cum quiescit & foliis fixum hæret. Ast ab ipsa nativitate ex verme ambulant hæc animalcula aliquot mensibus, neque nisi tunc figuntur in foliis, cum adoleverunt, & ovis innumeris pariendis idonea sunt. Facile confunduntur cum gallis, quas ichneumon musca punctura aculei fecit, cum ova foliorum immittit cortici, id quod accurate perspicientibus dignoscitur. Vitam unius anni degunt, adeoque, nisi in arboribus atque perennibus plantis, haud observantur. Omnes fere plantas incolunt, & tunc, cum adoleverunt, vel perfecte rotundam, vel rotundam cum segmento, vel ellipticam, indispiscuntur formam. Videas ejusmodi insecta in arborum truncis foliisque. Sed duo proponuntur singularia eorundem exempla: Gallinsectum Aurantiorum, quod cymicis arborei nomine venit, hortulanis *Baum-Lause*, & Gallinsectum ilicis cocciglandifera,

diferæ, per Gallo-provinciam nascentis, quod coccus ilicis & kermes recentiorum est, usus tantopere in arte tinctoria & Medicina declarati. Omnibus Gallinsectis una est vivendi ratio. Postquam per folia & ramos arborum deambulaverunt, adolescentes lato corpore figuntur, eodemque corpore intumescunt; tunc ovis fiunt gravidæ foemellæ, iisdemque ita sarctæ sunt, ut annuli quinque, quibus corpus eorum distinguitur, prorsus dispareant; post sub extremo annulo ex ano emittuntur ovula omnia, & sub corpore matris reconduntur, ita, ut nullibi, subesse, suspicari possit, qui ignorat. Post emoritur mater, prout lex naturæ est, insecta post partum ovorum mori, fixæ tamen loco manent exuvix, & altero etiam anno adhuc in corticibus arboris superesse observantur. Interea duodecimo fere die ex ovis nascuntur insectula lata, antennis armata, quinque annulis distincta, totidem pedum paribus. Circa matris cadaver deambulant; sed, foliis versus hiemem defluentibus, ad arborem redeunt; per hiemem durant cortici affixa, cutim aliquoties mutant, post, ineunte Junio, figuntur, & ova pariunt. Singularis est de sexu Gallinsectorum sententia. Musca est bipennis, quæ inter Gallinsecta & super eorundem dorsum deambulare conspicitur. Visæ fuit hæc musca ichnevmon esse, qui aculeo fixo ova in corpus Gallinsecti deponeret, unde vermis, hinc musca rapax. Ast observationibus deprehendit Autor, muscam hanc marem esse. Nihil impedit formæ diversitas; inter Scarabæos simile quid observatur. Marem esse, docet observationis constantia, quod muscæ ejusmodi omnibus gallinsectorum gregibus adsint, quod inter catervas eorundem ex nympha nascantur, quapropter debent gallinsecti ova alia vermem, unde musca, alia gallinsectum ipsum, foeminam, producere, quod itidem cum observationibus Cel. *Breyonii* convenit, qui simile quid circa Coccum Polonicam observavit, prout Gallinsectum ilicis cocciglandiferæ id ipsum suo exemplo confirmat. Videmus tamen & Gallinsecta, Quercus, Carpini, quæ sub se, dum ova pariunt, eadem velo sericeo obvolvunt. Hoc est illud fomentum, quod deinde, ineunte autumno, aerem floccorum more pervagatur. Docetur methodus vermes multiplicandi, eosdemque in aliis etiam arboribus producendi. Duæ colonix insectorum ejusmodi

ex arbore in arborem transferuntur. *Observatio secunda* agit de Progallinfectis; quæ eodem jure, quo proscarabæi, sic appellari possunt. Ita differunt a gallinfectis, prout ovipara a viviparis. Progallinfecta vivos pariunt fœtus, eosdemque in nido recondunt sericeo, cui mater infidet. Cetera cum gallinfectis conveniunt. Cel. *Reaumurius* cochenillam Mexicanam, tanti apud nos usus, ad hoc genus refert, confusus relationi Cel. *Rauscheri*, & analogiæ, quæ cochenillæ cum progallinfectis intercedit. Cymicem esse alis destitutam, forma ipsa docet. Incolæ Hispaniæ novæ insectum in opuntia ejusque speciebus studiose colunt, quamvis *Plumierius* eandem speciem etiam in acaciis reperit. Vivipara est cochenilla. Hanc, in opuntia deambulantem, aucupantur Indi & in nidis ex musco arborum factis collocant inter opuntia ramos. Vivo partu tunc editi pulli omni planta decurrunt, sugunt succum demissa promuscide, paulo post quiescunt, & pullis fiunt gravidi, quod quando persentiunt Indi, gravidam matrem colligunt & exsiccant, aut furnis torrent, aut calidæ immergunt aquæ, quod nisi fieret, pareret mater, discurrerent pulli, ponderisque fieret diminutio. Parvi cochenillæ æstimantur, quæ post partum leguntur. Hinc cochenilla colore discrepat, ruberrima, violacea, nigra, rotunda, plana. Præterea cochenilla alia domestica est & vera, *Mexicana*, alia sylvestris, *Campechana*. Figura animalculi, sex pedibus instructi, duabus antennis ornati, & annulis in abdomine distincti, describitur. Et, quo certus sis, ad gallinfecta pertinere, notatur ex relationibus Mexicanis, publica auctoritate datis, notario & judice obfirmatis, obambulare iisdem muscam, quæ perhibentur mas esse prioris. Eadem est cocci Polonicæ, ad radicem alchimillæ gramineo folio seu polygoni cocciferi nascentis, historia, quam docti Viri, *Breynius* & *Frischius*, dederunt. Nascitur vivus fœtus a matre, quæ fœcunda fit muscis, ex verme, mediante chrysalide, mutatis. Vidit enim *Frischius* muscas, ex cocco Polonica factas, nec male vidit, et ipse *Breynius* eandem paulo post sententiam amplexus est. *Tertia Observatio* generalis omnium muscarum conspectum sistit. Muscæ sunt insecta, ex verme ut plurimum per metamorphosin nata, alis membranaceis nudis, nec calyptra tectis, quo ipso a papilionibus

pilionibus differunt, quæ sunt alis quatuor farinaceis; ibidemque sic discerni possunt a scarabæis, quibus alæ calyptra teguntur. Muscarum diversitas & in classes divisio desumitur a partibus earundem. Muscæ partes sunt caput, thorax, abdomen, pedes, alæ. Caput vel globosum est, vel rostratum; vel promuscide ornatur, vel ore. Promuscis vel nuda est, vel dentibus duobus instruitur. Os aliis est dentibus armatum, aliis dente caret. E.g. muscæ carniæ & domesticæ promuscides habent sine dentibus; promuscide & duobus dentibus gaudet apis; ore duobus dentibus armato vespa; os sine dentibus habent muscæ papilionaceæ. Præterea subalternæ classès instrui possunt forma thoracis. Quibusdam thorax est duplex, prout musca, quæ fit ex formica leone. Alæ duæ vel quatuor, a thorace nascentes, situm habent diversum horizontalem in aliis, in aliis perpendicularem; cruciatum in his, pendulum in illis. Antennæ aliis globosæ sunt, aliis articulatæ vel pilosæ aut muticæ, prout id ipsum in papilionum historia obtinuit. Pedes omnibus muscis sex, magnitudine & symmetria differunt. Quibusdam scorpionis more abdomen flectitur, aliis globosum est, aliis prælongum. Aliæ solitariae vivunt, aliæ gregatim errant. Hinc classes fiunt. *Quarta Observatio* vermes, ex quibus muscæ fiunt, in classes dividere suscipit, nec infelicitè id executà est, siquidem regulas suppediavit, quæ, qualis vermès hanc vel illam muscam producturus sit, docent. Vermès pedibus nullis, aut quibus mammillæ pro pedibus sunt, vel capite sunt informi, duobus forcipibus & intermedio aculeo armati, annulis distincti, stigmatibus a podice instructi, qui respondent pulmonibus omni tergo subtenfis, ex quibus videas, quibus corpus in caudam murinam desinit. Hi, in carnibus nidulantes, muscæ fiunt bipennès; vel vermes apodes capite sunt formato forcibus, ore latentibus. Hi vel crustaceis sunt segmentis annulorum, nec intorquentur, sed serpunt, vel membranaceo teguntur involucrio, vel thoracem tantum habent armatum, vel, quod aquatiles attinet, caudam habent quadripartitam, polypi instar, &c. Ex his omnibus muscæ fiunt bipennès. Pedati autem vermes, pedibus crustaceis ornati, hexapodes dicti, muscas dant quadripenne, itidemque locustas, cymices,

cymices, scarabæos. Præterea muscarum patria vermem, quid futurus sit, indicat. Nemo dubitat, favorum vermem apim, car-nium vermem muscam, papilionum, vel gallarum, vel fructuum, vermem ichneumonem, futurum esse. *Quinta Observatio* de Promuscide muscarum differit. Papiliones promuscide pro fugendis succis vegetabilibus uti, jam alibi dictum fuerat. Habent muscarum proboscides, in quo convenient, in quo discrepent. Muscarum proboscis, fortissimis pro corporis conditione musculis instructa, exseritur contrahiturque, applicatur partibus, e quibus fugendum est. Suctio ipsa embulum supponit, qui movendus est. Muscarum vulgarissimarum proboscis rei exemplum suppeditat, in qua videas canalem, quo liquores, suctione hausti, introeunt redeuntque, quasi ruminantibus muscis eos, quibus ante usi fuerant, succos. Limpidas hoc canali guttas liquoribus tenacibus inspergunt, quasi soluturæ sacharum, syrupos, quo promptius sequantur. In eadem proboscide respirationi locus est. Hinc tertius aliquis locus aculeum recondit, quo muscæ pungentes vulnerare cutim animalium solent. Non aculeum, sed aculeos plures, dixeris, quibus cutim ampliant, hinc labia promuscidis applicant, & sanguinem venis hauriunt. *Sexta Observatio* integram Muscarum anatomen sistit. Oculi earundem majusculi plurimis, in uno convexo positis, politissimisque, quadrangulis constant, prout illud in phalenæ et papilionum oculis obtinet. Videas muscas ephemeras, quatuor oculis gaudentes. Aliquibus muscarum speciebus tres ad cervicem in triangulum positi oculi, præter vulgarissimos duos, habentur. Sed constans id in omnibus haud est, nec tres isti oculi eandem cum communibus structuram habent. Unica cornea eisdem est. Si thoracem intuearis, præter armaturam plurium laminarum politissimarum, subsunt quatuor ut plurimum stigmata, præter ea, quæ ad annulos abdominis observantur. Hæc suis quasi clauduntur & referantur conniventibus nictitantibusque palpebris. In papilionibus eadem noviter detexit Cel. *Reaumurius*. Spiracula hæc sunt, quibus aer trahitur, prout constat, dum emoriuntur muscæ, quibus thorax visco vel glutine obducitur, quasi suffocatur. Alæ thoraci respondent quatuor vel binæ, quæ duabus gaudent alis. Suc-

centuriatas nihilo minus habent duas parvas ad radicem majorum. Aliis tendo sub alis est, quo videantur æquilibrium corporis fervare. Internas etiam muscarum partes reclusit anatomicus *Reaumurii* cultellus, præter quod in pluribus muscis viva viscera per transversum corpus conspici possint. Annotavit adeoque cor cum arteria, quæ liquorem projicerent, redeuntem etiam diverso vase liquorem, antea projectum. Vesicæ fuerunt duæ in thorace, quibus respondent quatuor in thorace stigmata. Pulmones hæ sunt; inde diaphragma est; canal. œsophagus per medium diaphragma in abdomen ruit; ibi ventriculus trium loborum forma conspectus fuit. Inde intestina; non prout in papilionibus & erucis simplici tractu, sed pluries circumvolutionibus flexa, fiunt, & in anum desinunt. *Observatio septima* de prima & secunda metamorphosi vermium, qui ex propria cuti sibi coccum conficiunt, inscribitur. Singulare id est quibusdam vermibus, qui in muscas duabus alis præditas sunt abituri, quo non simplici, sed triplici, mutatione opus perficiant. Exemplum sunt vermes carniæ destructores, qui ex ovis muscæ cœruleæ sunt. Hi, postquam ætatem attigerunt, in suos circulos sese contrahunt, breviores, quam antea fuerant, fiunt, & in hoc statu permanent. Tunc cutis eorundem abscedit a corpore, induratur corii in modum, servat tamen vermis formam, & ipsorum stigmatum vestigia adhuc insunt. Hoc primum est. Deinde sub hoc cocco præduro intus carnes & viscera vermis in globum oblongum mucidum convolvuntur, qui nympa denique fit, sub qua est musca. Non tantum in carnivoris vermibus, sed & in verme aquatico, qui inter lenticulam nidulari solet, id ipsum sic deprehendit Autor. *Octava Observatio* tertiam istarum vermium mutationem suppeditat, quæ admirationis plena est. Nympa enim muscam non nude ambit, sed ejus articulis strictius inseritur. Quapropter magno opus esse videtur impetu, quo musca istis vinculis sese exsolvat. Ast providit jam natura. Muscæ, quæ ex propria cute sibi coccum fiunt, vel oviformem habent hunc coccum, vel eundem in longitudine magis protractum. Prioris generis coccus id singulare habet, quod ejus articulus, capiti nascituræ muscæ vicinior, verticali fissura findatur, ea for-

ma,

ma, qua duo hemisphæria plana adunantur. Dehiscit per maturitatem capitellum istud, & defluit, dum musca capite instat & urget. Urget autem singulari arbitrio. Caput muscarum istiusmodi motum exercet systalticum & diastalticum, nondum obfirmatis ejus ossiculis. Hinc videas vesicam inter duos oculos eminentem, quæ interno tumet aere quodam. Nascuntur enim muscæ hæ quasi emphysemate turgidæ, &, dum sufflant, nympham rumpunt & exeunt. Paulo aliter sese res habet cum coccis longis, quibus vermis lenticulæ palustris mutatur in muscam. Capitellum cocci simplex est, nec divisum, & cum primo annulo tenet, & eodem capitis impetu a musca finditur. Hæc nihil aquas metuit, quamvis aqua etiam muscis, aquatili verme natis, funesta esse soleat, sed suis sex pedibus plano aquarum insidet, quod pro hujus muscæ pedibus impenetrabile est. Hinc musca fit thorace spiculis armato, proboscide labiato, nec dentato. Hinc inter primæ classis muscas est. *Nona Observatio* inscribitur de Muscis bipennibus primæ classis, ex primæ classis verme ortis, de earundem, cum vermibus essent, esca, de modo coeundi, de ovorum partu, ipsorumque ovorum forma. Singulare id est, Muscas bipennes proboscide labiato omnes, dulcibus delectari, eisdemque nutrir, & cibum uniformem capere, cum vermes, ex quibus fiunt, et quos generant, tot diversis escarum generibus enutiantur, quot modis ipsi discrepant. Alii carnes depascunt, nec omnes quidem, sed selectiores; alii fungos, tubera, plantas, invadunt; alii stercoreibus animalium adolescunt. Et muscæ quidem naturali instinctu ova sua istis saltem corporibus immittunt, quibus norunt pullos suos enutrir posse. Alii vivorum animantium cutim subeunt, dum ichneumon musca aculeo defixo ovula in cute deponit, quo fiant vermes. At muscæ, ex tot diversis vermibus metamorphosi factæ, nihil istas escas nunc curant, nunc succos & fluida & viscida petunt. Plurimæ muscæ oviparæ sunt, pauciores viviparæ. Oviparæ muscæ, quocunque demum loco ova figunt, eadem oviductu demittunt, & singulari ordine collocant. Singulis singula forma est. Oppido rara est forma ovulorum, quæ in stercore vaccino collocantur a musca sui generis. Figuram habent, qualis est caryophylli aromatici, dum coronata ovuli singuli pars sem-

per supra est. Sic & in omnibus ovulis muscarum, quæ fluidis immerguntur, mechanismus est, qui demergi & suffocari ovula vetat. Nec longo, postquam ovo prodierunt, tempore vermes excluduntur. Viginti quatuor horarum spatio excluduntur grandiores, paucioribus horis alii, prout calor ambiens gradu diversus fuerit. Fœminam muscam ovisque gravidam lato tumidoque corpore præ mare cognoscimus, cujus in partu edendo industriam admirari possumus, si digito gravidam matrem quis detineat, & leviter comprimat. Imensus est ovorum numerus. *Decima Observatio* inscribitur de muscis viviparis, & ordine, quo vermes in matris abdomine collocantur. Viviparas habemus muscas ex bipennium & quadripennium ordine non admodum multas. Ex bipennibus quædam cinerea & oblonga, aliaque, cujus alæ prope juncturam macula inest, viva parit. Fortasse & alia; nam raro partui adest observator, & cum cito excluduntur ex ovo pulli vermes, non adeo clarum est, vivosne, an ova, pepererit. Ast abortum movit muscis Cel. *Reaumurius*, quo certo sciret, & digitis compressas matres eo adegit, ut ante diem parerent. Et tunc intellexit, vivos. produisse vermes. Nec in eam devenire quis sententiam posset, ac si vermes, qui vivi ex abdomine muscæ matris prodeunt, destructores muscæ, non fœtus, essent; quandoquidem novum id haud est, ichnevmones muscas aculeis defixis ova in muscas deponere, in quibus paulo post vermes generantur. Nam clare intellexit *Reaumurius*, ipsum, quo concipiunt, uterum non cavum, sed laminæ instar expansum, cujus parieti affiguntur fœtus innumeri & prope viginti mille in quibusdam, quibus in spiram uterus flectitur, æstimati. Singulus fœtus sua quasi secundina obvolvitur, quam nasciturus rumpit, eandemque secum affert in lucem. Protrahuntur enim fila, carptis haud absimilia, ex loco, quo fœtus nascuntur. Nascuntur autem capite priore omnes, quasi uno filo dependentes. Sed alia novitas est, bis nasci eosdem, primum, dum, rupta secundina, in abdomen matris inter ejus viscera exeunt, deinde, dum ano egrediuntur matris, cujus vix nova sine dubio, nec adhucdum satis perspecta, ratio est. Aliquando ruptis matris lateribus exeunt. Nec impedit, quod morte sua vitam pullorum redimat mater,

mater, utpote quæ, etiamsi feliciter pareret, pro lege insectis lata vitam protractura ultra diem haud erat. Singularem Cel. Autor de muscis aereis invisibilibus & imperceptibilibus fovet sententiam Notum est, aquam limpidissimam, vel eam, quæ infunditur cum pipere vel plantis aliis, paucis post momentis insectis scatere, quæ lente inclusa distincte oculis notamus. Istorum insectorum genesis deducit a muscis ejusmodi aereis, quas omnes viviparas esse asserit, & magnis turbinibus per aerem oberrare affirmat. Has, passim diffusas, fluidis istis fœtus suos immergere docet; has & respirando pulmones animalium trahunt, & in istorum vermium migrationibus epidemicorum morborum rationem quærendam esse affirmatur. *Undecima Observatio* sistit muscas bipennes apum similitudine. Ea est muscarum & apum similitudo, ut difficulter admodum a se ipsis dignosci possint, sed proboscis sine dentibus & ala discrimen sat conspicuum reddit. Fiunt ex vermibus, quorum cauda murinam caudam longitudine refert. Vermis aquas incolit, sed tunc, cum metamorphosi propior est, se proripit, & sub molli limo mutatur. Cauda isthæc verum respirationis organon est, & retrahi elongarique pro profunditate aquarum potest, videasque haud raro aereas bullulas egredi, retroque verti. Postquam mutari incipit vermis, propriam annuli distinctam cutim in coccum mutat; hinc obliteratur cauda. Apparent autem nova respirationis organa quatuor cornicula, quorum majora, duobus vesiculis aere turgidis, prope thoracem futuræ muscæ accumbentibus, desinunt. Hæc cornua, peracta mutatione, cum nympha remanent, fueruntque nymphæ spiraculum. Id rarum est, non capite, sed ventre, priorem nasci muscam hanc. Gaudet adeoque virtute sese intra nympham obvertendi. Musca obvolitat aquis, paludibusque, & commodo loco inter folia putrida concinno ordine ova parit. *Duodecima Observatio* agit de Muscis fuci forma. Si quæ unquam enarratio, hæc certe mirabilium rerum plena est. Muscæ, quæ hirsutie corporis & habitu fucum perfecte referunt, in animalibus, tanquam domiciliis, ovula ponunt. Aliæ cutim boum vaccarumque vulnerant. Inde fit tumor, purulenta materie repletus; gallas animales vocares. Apertura servatur integra in tumoris summitate.

mitate. Interea, dum vermis in pure natat, eodem nutritur. Vermis, quem ex tumore vaccarum prodeuntem observavit *Reaumurius*, spinis horret, & stigmatibus, aerem respirantibus, pluribus stipatus est, duobusque ad caput armatur forficibus. In tumore adolescens sponte exit ano vel cauda prior, quo sibi foramen dilatare tentat. Egressus, in terram devolvitur, & in quocunque proximo angulo, contracta cute, coccum sibi fingit; hinc ad methodum aliorum vermium nympha fit, post musca. Multo rarior est instinctu suo alia diversæ speciei, quæ anum equarum quærit. Eundem subingreditur, ova in intestino equi deponit, quæ vermis fiunt, qui vel sponte, vel cum excrementis, expellitur, inde mutatur eodem modo. Tertia quædam species nares vervecum subit; ova ibi parit, tunc vermis fit, undecim annulis constructus, qui, alio, quam eo, quo natus fuit, loco, consueta ejusmodi muscis lege mutatur in muscam fucō similem. Nota isthæc res antiquissimis Græcis fuit. *Alexander Trallianus* vermis istius mentionem facit, tanquam remedii contra epilepsiam. *Democrates*, Atheniensis, cum hoc morbo confligatus, oraculum Delphicum adiit. Pythius quærenti respondit:

*Quos madidis cerebri latebris procreare capella
Dicitur humores, vermem de vertice longum,*

vel:

*De grege sume capræ majores ruris alumnae,
Ex cerebro vermes, ovis dato tergora circum
Multiplici vermi pecoris de fronte revulso.*

Democrates, nisi a pastore monitus, non intellexit oraculi sensum. In narcissi etiam bulbis *Cel. Bernardus Jussavius*, cujus cum honore & tanti nominis cultu mentionem facimus, vermem invenit, qui musca fit fucō æmula. *Decima tertia Observatio* Culicis historiam recenset. Jam ab aliis, & superioribus annis a *Jo. Matth. Barthio*, Ratisbonensi, id perfectum fuit, cujus libellus doctus *Supplementorum ad Nova Acta Erud. Tomi III Sessioni I pag. 22* insertus fuit. *Reaumurius* multa addit, quæ hujus & aliorum industriam effugerunt. Describitur habitus culicis externus, caput ornatissimum, modus sugendi sanguinem, mediante aculeo, ex multis aliis aciculis composito, qui in theca movetur. Diver-

se

se enarrantur species, exoticæ, *Maringuovin* dictæ, aliæque nostrates. Vermis aquaticus est antennis instructus, miraque natandi & submergendi peritia donatus, & aerem tubo, qui in cauda est, trahens. Nec chrysalis est, nec nympa, per cujus statum medium vermis transit, sed ambigui quidpiam. Tubo spirali gaudet nympa, nec immobilis est, sed libere natans, donec culx emergat, qui ratione ortus sui aliquid cum papilione commune habet, eo quod vermis existens ter exuvias ponat. Hinc elegantissimo corpore avolat, & omnium pulcherrimum est insectum volaticum. Miramur, & dignis prosequimur laudibus, eruditissimi Autoris merita, quibus sibi eruditum orbem devinxit, & prosperrima eidem, quo supersit, & reliqua perficiat, fata commprecamur.

LA GEOMETRIA COMUNE, LEGALE, ED

Aritmetica, &c.

id est, —

GEOMETRIA COMMUNIS, LEGALIS, ET

Arithmetica, exposita in praxi cum suis demonstrationibus ab ANTONIO CHIUSOLE, S. R. Imp.

Nobili.

Venetis, apud Jo. Bapt. Recurti, 1740, 4.

Alph. 4 plag. 15, cum Tabulis Figurarum 41, in separatum Volumen collectis.

Nobilis Autor, cum studio Juris deditus nonnulla discere a Geometris percuperet, ob eamque rem in horum monumentis certa loca diligenter perscrutaretur, magno cum tædio deprehendit, altius rem sibi repetendam, & multa inaudita Geometrarum vocabula & principia & ratiocinia prius addiscenda esse, quam ea intelligere valeret, quæ vellet. Quo tandem labore superato, ut aliis consuleret, pari ingenio præditis, primo quidem Jurisprudentiam quandam geometricam, sive Geometriam legalem, meditatus est, deinde vero, quod illi termini nimis angusti viderentur, ad universam Geometriam practicam, nova & facili methodo tradendam, atque adeo ad hoc ipsum Opus, quod nunc in manibus habemus, conscribendum, se applicuit.

G g g g

plicuit. In quo Opere id agitur, ut Geometria, tanquam puella, perpulchra illa quidem, sed variarum obscuritatum velo tecta, detracto isto velo, ab omni parte retegatur. Obscuritatum quinque potissimum genera Autor commemorat, quæ in vocabulorum insolentia, in schematismorum cum textu molesta collatione, in methodo extraordinaria, in abstrusis ratiociniis, ac postremo in spinis arithmeticiis, consistunt. Voces insolitæ ne legentes impendant, quo minus locum quemque etiam extra ordinem mox intelligere possint, definitiones, ad captum vulgi quam maxime accommodatæ, ubivis in margine comparent, ubi usus est, nec dubitavit Autor, unam & eandem definitionem, lineæ rectæ, verbi causa, perendiculi, parallelarum, trianguli, vel centies repetere, si voces illæ toties in Opere occurrant. Ut altera difficultas tollatur, adiutorem tibi addiscendum esse consulit Vir Consultissimus, qui textum distincte prælegat, dum tui sint in schematismos, singulari Volumine ob eam rem comprehensos, oculi defixi. Cum methodi mathematicæ brevitæ, & axiomatum, postulatorum, theorematum, lemmatum, corollariorum, vocabula non placeant; hunc fere ordinem in docendo Noster sequitur, ut in Problematum geometricorum pertractatione hypothesin, regulam, & praxin, porroque singula momenta, minutatim concisa, partim majusculis, partim minusculis, numerorum notis distinguat, rationemque geometricam, vel etiam legalem, cum monitis quibusdam, ubi opus videtur, adjiciat, interpositis passim asteriscis, ad quorum aspectum respirare fas sit. De cetero nihil magis, quam brevitatem, evitare conatur, semperque ante oculos habet lectores rudissimos, quibus vix Geometriæ nomen sit auditum. Quos ne abstrusis Mathematicorum ratiociniis terreat, quoties vulgariter rem quamque expedire non potest, in autoritate *Euclidis* acquiescendum docet. Denique, ut nihil relinquat spinarum arithmeticarum, novam quandam methodum commentus est, cujus ope quantitates quascunque, tum integras, tum fractas, addere, subtrahere, multiplicare, dividere, itemque radices extrahere, & regulam proportionis exercere, queas, etiamsi nulla plane operationum, immo vero ne notarum quidem arithmeticarum, cognitione fueris imbutus. De quo tamen ipso, perinde
ut

ut de ceteris suis inventis, doctorum judicia sibi quam modestissime expetit. Jam, quod ad distributionem totius Operis attinet, divisum illud est in *Partes tres*, quas rursus in *Libros, Capita, & Paragraphos*, Autor distinxit. *Prima Pars* Planimetriam complectitur, sive novas regulas dimetiendi plana cujusque generis. *Alter*a Geodæsiâ exponit, sive modum plana quæcunque dividendi. In *tertia* denique de Longimetria, Stereometria, Ichnographia, & Arithmetica absque Arithmetica, tractatur. De singulis pauca quædam delibabimus; unde etiam cetera poterunt æstimari. Ad circulum dimetiendum opus esse, Vir eximius faterur, ut de proportionem diametri ad peripheriam constet. Ob eam rem quadrantem, ex materia solida affabre factum, applicata regula, volvi super linea recta jubet, ut scilicet hinc appareat, quanta sit linea recta, circuli quadrantem, atque adeo totam peripheriam, æquans. Qua linea cum diametro, ope accuratissimæ scalæ, comparata, invenit, diametrum ad peripheriam se habere, ut 191 ad 600. De cetero, ut perspicue doceatur, hanc circuli dimensionem nihilo minus exactam esse, quam aliam quamque operationem Geometriæ practicæ, Dialogus hoc loco insertus est, in quo lector ea de re cum Autore colloquens inducitur. Ex *altera* libri *Parte* ea imprimis commemoranda putamus, quæ ad alluviones & insulas, in fluviis publicis exortas, secundum rationes geometricas & legales, inter possessores vicinorum agrorum rite dividendas, spectant. Et alluviones quidem ita dividit Autor, ut a confiniis accolarum, ad rectam, a puncto fluvii, ubi incipit, ad punctum, ubi definit alluvio, extensam, perpendiculara demittat, ripam attingentia. Per insulam, secundum directionem & longitudinem fluvii extensam, lineam rectam ducit, eamque pluribus perpendicularis secat, ad utramque ripam pertingentibus. Quibus singulis bifariam divis, per puncta illa perpendicularorum media lineam utcunque curvam designat, ex qua scilicet constare possit, quota insulæ pars ad alterutram ripam referenda sit. Denique per rectam, secundum longitudinem insulæ ita, ut diximus, extensam, a confiniis accolarum utriusque ripæ, alia ducit perpendiculara, quæ in commemorata curva finiantur, totamque insulam decenter dividant. Restat *tertia* libri *Pars*, ubi

nova ingeniosissimi Autoris methodus occurrit, operationes arithmeticas sine Arithmetica perficiendi. Quadratum scilicet satis magnum in centum quadrata æqualia, alternatim in-umbrata, horumque singula rursus in centum minora quadrata, dividit. Deinde docet, quomodo, ope normæ & regulæ, tot capi & connumerari quadrata possint, quot ad operationem quamque arithmeticam requiruntur.

DISSERTATIO ANATOMICO - PHILOSOPHICA
de Organo visorio, ejusque actione & objecto, nec non Discursus de Stibii natura, ejus operandi modo ac auxiliis, nonnullis humani corporis malis opportune succurrentibus.

Romæ, typis Jo. Baptistæ Caporali, 1738, 4.
 Plag. 10.

Autorem libelli *Placidum de Puzzolis* esse, Philosophiæ, Medicinæ, & Theologiæ, Doctorem, Panormitanæ Academiæ principem, ex subscriptione Dedicationis intelligimus. Is utrumque argumentum Orationum forma persequitur, neque tamen indicat, qua occasione easdem habuerit. Quamvis vero externam hanc Orationum faciem præ se ferant; tantum tamen abest, ut dicendi etiam copiam, decusque, & dignitatem, ejusmodi sermonum assequantur, ut strictim tantum leviterque singula attingant, & jejune arideque proponant, ac ne castitatem quidem indolemque Latini sermonis satis observent. Quid? quod, in ipsa scribendi ratione haud raro peccatum esse, inprimis quod ad voces Græcæ originis attinet, ut *phylosophus*, *ophthalmia*, *prothotypus*, *anathome*, &c. videamus. Utrique Orationi, forsitan propter juniores, Italica interpretio subjuncta fuit. In *prima* igitur fabricam oculi describit Autor, deinde visus objectum & colores persequitur, ubi quidem ratione colorum ad *Newtoni* sententiam accedere videtur. Subinde & morbos in hac illave parte denominat, sed omnia adeo imperfecte & cursim perstringit, ut, neminem hinc oculi visusque rationem perspecturum esse, facile credamus. Visionem perfectissimam objecti *pag. 19* fieri asserit, *quatenus radiorum & lucis conii, ab objectis per orbem*

orbem propagati, in ocularis sphaera superficiem incidentes, primam subeunt refractionem, post per novas & novas reflexiones a perpendiculari ad perpendicularum reflectentes, semper mutato angulo, per medium rarius & densius, oppositos humores raros, convexos, densos, penetrat, quoad usque ad tunicam retiformem deportati, illam lenissime feriunt, & omnia objecti puncta, paulo ante in lente crystallina recepta, in eadem colligunt, taliter, ut cuilibet puncto sua distincta fibrilla exacte correspondeat. Priori plane similis esse videtur altera de Antimonio Oratio. Refert in ea, potentissimum esse inter fossilia stibium, optimumque apud Germanos & Transylvanos reperiri, partibus constare sulphureis, arsenicalibus, hydrargyro terræque conjunctis, non esse venenum, veneno tamen proximum, variaeque ex eo parari medicamenta, quæ vi agant emetica, cathartica, diaphoretica, diuretica, gravibusque morbis, ut epilepsiæ, asthmatis, hydropi, lvi gallicæ, destillationibus contumacibus, tumoribus brachiorum, pedum, vulneribus recentibus molæ, cachexiæ, doloribus articularibus inveteratis, affectibus verminosis, apoplexiæ, quartanis, tertianisque diuturnis, externe autem carnis excrescentiis, ulcusculis in capitis summitate generari solitis, venenatorum animalium moribus, ulceribus a malo scorbutico genitis, oculorum fluxionibus, faciei maculis, &c. medeatur.

GEORGII ERHARDI HAMBERGERI, PHIL. ET
Med. Doctoris, *Elementa Physices, methodo mathematica
in usum Auditorii conscripta, cum Figuris æneis, atque
Indice. Editio tertia, aucta Præfatione de cautione in ex-
perientiis recte formandis & applicandis adhi-
benda, & responsione ad dubia objecta.*

Jenæ, sumtibus hæredum Meyeri, 1741, 8.

Alph. 1 plag. 6.

Tertia hæc Elementorum Physices editio nostram quoque attentionem meretur, licet prima Anno 1727 *Mense Decemb. pag. 540* in *Actis* nostris recensita fuerit. Nonnulla enim continet, quæ sententias Autoris magis explicant, & contra doctorum Viro-
rum objectiones defendunt. Ratio & experientia sunt principia

Gggg 3

phy-

physica; quapropter Cel. Autor in Præfatione exponit, quid ad certam experientiam requiratur. Præmittit itaque phænomeni, experimenti, & experientiæ, definitiones, & quid sit experientia constans, contingens, & falsa, declarat. In experientia constanti formandâ tres potissimum errores committi posse docet; nimirum 1) si circumstantiæ, plane ad phænomenon non pertinentes, recenseantur, & necessariæ omittantur; 2) si non omnes phænomeni circumstantiæ adducantur; 3) si phænomenorum quidem, non vero circumstantiarum, phænomenon-determinantium, exponatur quantitas determinata. Quomodo hi errores evitentur, Cel. Autor fusius exponit. Si idem phænomenon sub iisdem circumstantiis recurrit, adeoque propter hanc convenientiam una cum circumstantiis universaliter exprimitur; tunc oritur inductio primaria, quæ experientiis ipsis certitudine æquipollet. Ad talem inductionem formandam requiruntur 1) observatio ejusdem quidem phænomeni, sed in individuis diversæ corporum speciei; 2) indagatio circumstantiarum, necessario connexarum; 3) expositio phænomeni & circumstantiarum clararum per terminos generaliores, tales nempe, qui nullum individuum indicant. His per exempla dilucide explicatis, errores ex neglectu obortos indicat. Ostendit postea, falsam oriri experientiam, si judicium cum experientia confundatur, & eo ipso contra regulas logicas & contra Physicam peccetur. Cognoscitur hic error, si talibus phænomenon exprimitur verbis, quibus aliquid vel tanquam causa, vel tanquam subiectum causæ, vel tanquam effectus, prædicatur. Judicium vero, hisce verbis, cum experientia confundi demonstratur, & exempla adducuntur. Ad hæc ulterius illustranda, terminos attractionis & repulsionis ex mente *Newtoni* & recentiorum Physicorum explicat, & quales errores commiserint, indicare conatur. Evincit igitur, attractionis definitionem, seu potius descriptionem, contra regulas logicas formatam, terminosque artis receptos sine ratione sufficienti mutatos esse. Monet porro, illos Autores judicium cum experientia confundere, & ambigue loqui; attractionem item tanquam causam allegare, cum tamen promiserint, se tantum phænomena eodem verbo indigitaturos; & postquam varia exempla proposuit & refutavit,

tavit, concludit, ex ante dictis clarum esse, in illis phænomenis, ubi corpora sese contingant, attractionis terminum ita adhiberi, ut non experientiam ipsam, sed causam earundem, sive subjectum causæ, intelligatur, & hinc ob antea demonstratos errores adhiberi non posse. Nunc ad alteram attractionis speciem transit, ubi duo libera corpora, quæ a se invicem distant, ad se accedere dicuntur, modum disquisitionis tradit, & demonstrat, attractionis fautores statuere, corpora distantia in se mutuo agere posse absque ullo tertio intermedio, & annectit, attractionis fautores nullam directam responsionem ad dubia proposita dedisse. Demonstrat porro, actionem in distans vel esse tantum apparenter talem, vel involvere contradictionem, adeoque absurdam esse. Phænomena, quæ actionem remotorum corporum in se invicem docere debent, nunc sigillatim recenset, & ostendit, nec cohesionem duorum speculorum planorum, quanquam unum filum sericum sive simplex, sive ex duobus, vel tribus, simplicibus filis contortum, sit interpositum, nec majorem inflexionem ejus radii partis, quæ proxime juxta acumen corporis opaci transit, quam ejus radii partis, quæ magis ab acumine opaci corporis est remota, illam actionem demonstrare, nec magnetis phænomena, nisi apparenter, hanc actionem in distans ostendere, nec planetarum gravitationes versus solem attractionem demonstrare. Quo sensu vero repulsionis vocabulum valere possit, & quænam ejus sint phænomena, ulterius recenset, simulque probat, ea omnia repulsionem non demonstrare. Pauca tandem de experientia aliena addit, & brevissime exponit, quænam in hac tertia editione mutaverit. Dedit nimirum responsiones ad ea dubia, quæ *Cel. van Musschevbrack* contra leges adhesionis, & contra explicationem phænomenorum, in vasis capillaribus occurrentium, proposuit. Accesserunt quoque huic editioni responsiones tam ad argumenta, quibus spatii vacui realem existentiam probare conantur, quam ad argumenta contra legem tertiam adhesionis, ab Autore stabilitam, & contra theses, quod quantitas fluidorum, in vasis capillaribus adscendentium, sit guttulæ fluidorum æqualis, & quod dictus adscensus sit a vi fluidi, non vero vasis, prolata. In ipsis thesibus nihil mutavit, sed hinc inde tantum majoris perspicuitatis causa

quæ-

quædam addidit, vel aliis exposuit verbis, sequentem vero novam humidi definitionem dedit §. 166: Fluidum dicitur humidum, si sit liquidum, vel minimum ejus particulæ collectæ liquidum fluidum componere valeant, & pauca ejusdem particulæ alii cuidam corpori sensibilibiter adhæreant. Tandem monuit §. 684, quæ hodie de figura Telluris valeat sententia. Quibus omnibus Cel. Autor non solum summum studium & amorem in veritatem abunde declaravit, sed & sententias suas accuratius exposuit.

JOANNIS SIMONIS ONOMASTICUM VETERIS Testamenti, sive Tractatus philologicus, quo nomina Vet. Testamenti propria, ad appellativorum analogiam reducta, ex originibus & formis suis explicantur, cum aliarum gentium nominibus conferuntur, impositionis ratio, quantum fieri potuit, ubique ostenditur, atque adeo lingue originali nova lux affunditur. Accedit Appendix, continens Spicilegium Observationum & Additionum ad Arcanum formarum nominum Hebræicorum.

Halæ Magdeburgicæ, impensis Orphanotropei, 1741, 4.

Alph. 4 plag. 3.

Clariss. Autor, qui a multis retro annis omni cogitatione, cura, & industria, in id incubuit, ut lingue Ebrææ tum ex congenita indole, tum ex affinium dialectorum opibus, nova lux affunderetur, hujusque sui studii ac doctrinæ luculenta specimina cum orbe erudito communicavit, *Tabulas* scilicet *XIV in linguam sanctam*, Halæ Magdeburgicæ A. 1725 fol. editas, & *Arcanum formarum nominum Ebrææ lingue*, ibidem A. 1735, 4, divulgatum, quod ab eruditis multo cum plausu fuit exceptum, cujusque prioris *Partis* *Mense Dec. A. 1735 pag. 553 seq. posterioris* *Mense Mart. A. 1737 pag. 136 seq.* recensionem in his nostris Annalibus exhibuimus, nova eademque eximia Commentatione linguarum orientalium studiosos sibi devincit. Is, posteaquam molesto satis ac difficili labore significationem nominum *appellativorum*, quæ dicuntur, ex illorum formis determinaverat, id sibi negotii datum esse credidit, ut idem
in

in nominibus propriis tentaret. Nomina propria Ebræorum, aliarumque gentium, quæ in Codice sacro Vet. Testamenti occurrunt, *significativa* esse, omnes uno fatentur ore, sed, quæ illorum sit vis, quis sensus, indagatu admodum est difficile. Aliquando duæ vel plures radices in unum conflantur, literæ subinde transponuntur, adduntur, demuntur, formis comparent, quæ rariores sunt, vel ab illis, quæ usu vulgaræ, prorsus discedunt. Accedit linguæ Ebrææ, qualis quidem illa superat, defectus, historiæ priscæ, quibus passim hiat, lacunæ, quæ sola fontem significationis nominum propriorum indicare potest. Licet igitur labor, qui eruendæ potestati nominum priorum datur, multis difficultatibus sit septus ac impeditus; dubium tamen non est, quin rectus illorum intellectus ad linguæ Ebrææ ornamentum atque amplificationem faciat plurimum. Quare utroque pollice probamus verba Magnifici *Læscheri*: *Adjumentum non ignobile asserunt nomina propria, simplicia aque ac composita, quæ magno Ebraismi malo deserta hactenus neglectaque jacuere, etsi non minimam partem veteris linguæ conseruarent*, de causis linguæ Ebrææ pag. 367. Qui ante id tempus campum hunc sunt ingressi, in illo non ita defudarunt, ut metam attigisse, vel palmam meruisse, censerî queant. Ipso illo anno 1706, quo hæc *Læscherus* scribebat, in arenam prodiit, edito *Onomastico sacro*; *Matthæus Hillerus*, Philologus præstantissimus, qui, qua erat doctrina, ingenii sagacitate, judicii acie, ac laborum patientia, omnium, qui ipsum anteverterunt, industriam longissime post se reliquit. Cum vero eruditissimus *Simonis* noster cum aliis in egregio alias Opere nonnullos nævos deprehenderet, Autorem ingenio subinde nimium indulgere, novasque sæpe ac miras nominum explicationes procudere, in forma nominum quorundam definienda analogiæ rationem non habere, multa nomina perperam lecta falso interpretari, multa plane omittere, haud pauca confundere, ac polyonymiam citra necessitatem admittere, & quæ alia animadvertit, inque medium adductis exemplis in Præfatione docet, partem hanc eruditionis philologicæ nondum ita occupatam esse existimavit, ut non spicilegium, sed uberrima messis, relicta esset. Quare nullus omnino dubi-

Hhhh

dubitavit, tēlam hanc, non ut meritis ac celebritati *Hilleri* detraheret, sed ut publicæ utilitati confuleret, de novo exordiri. Quod negotium ut felicius succederet, nomina propria ad formas nominum appellativorum reduxit, ut sic ratione *ὁμογενίας* præfens hoc Opus *Arcano formarum nominum Ebrææ linguæ* prorsus respondeat, ratus, hac via internum illorum significatum facilius investigari posse. Radices, sicubi deperditæ sunt, vel restituit, vel ex affinis linguis orientalibus requisivit; in *compositis* partes simplices seorsim primum spectat, inde, quam toti composito significationem concilient, demonstrat; illorum vim ex historia eruit, &, ubi illa deficit, suspicionibus & conjecturis, *παραδοξαι* congruis, nititur, in subsidium devocatis Itinerariis & antiquioris & recentioris ævi. Peregrina nomina non in leges linguæ Ebrææ, qui multorum mos est, ire cogit, sed ex suis linguis, vel illarum reliquiis, quantum fieri potest, illustrare contendit, ac præcipuorum Philologorum autoritatibus firmat, interspersis passim observationibus, quæ oraculorum divinorum interpreti usui esse possunt. Opus *undecim* omnino absolvitur *Sectionibus*, quarum *prima* est *preliminaris*, quæ generalia momenta de nominibus propriis complectitur. *Sectio II* est *de formis nudis levibus*, *III de geminatis*, *IV de segolatis*, *V de imperfectis*, quæ *segolatis respondent*, *VI de dageffatis*, *VII de auctis ab initio*, *VIII de auctis a fine*, *IX de nominibus animalium*, & *verborum temporibus*, quæ *nominum priorum vicem obeunt*, *X de compositis*, *XI de peregrinis*. Subjicitur appendix, continens spicilegium observationum & additionum ad Arcanum formarum nominum Ebrææ linguæ. Hæc brevis est delineatio totius compagis hujus, ingeniose adornatæ, quam priusquam missam faciamus, observationes aliquas, quæ præ aliis ariserunt, quæque alibi non occurrunt, enotabimus. De nomine *תַּנְתַּן* notat, si illud peregrinum sit, prouti *A. Mul-*
Pag. 124. *tero* est visum, a Persica voce *تَنَن*, calefactio, & verbo *תַּנְתַּן*,
accendere, calefacere igne clibanum, comburere, arcessi posse.
 Vocem *תַּנְתַּן* *Chron. IV, 14*, per magos interpretatur, non
fabros. Rationem hanc dat, quoniam, vox hæc quoties poste-
 riorem sustinet significatum, semper *(τ)* *תַּנְתַּן* sit subiectum, &
 quoniam a verbis transitivis, quale est *תַּנְתַּן* in sensu *fabricandi*,

nun-

nunquam formetur nomen *alioris* hujus formæ. Huic demon-
 strationi id unum obest, quod vox hæc apud Ebræos semper
 significet *fabros*, non *magos*; nisi quis huc advocet locum
Jes. III, 3, ubi pariter non per (ר) sed (-) sub מ legitur, quo in
 loco *Ludovicus de Dieu*, forma nominis motus, vocem nostram per
magos interpretatur, contra nitente *Vitringa*. Vox לְבָנָה *Jos.*
XXI, 13, apud LXX interpretes exprimitur Δεσμός, aliter ac co-
 dex Alexandrinus atque *Aldina* editio habent, in quibus legitur
 Δεσμός; Abessinus interpret etiam *Cap. XII, 15*, *Cap. XV, 42*, exhibet
 Gemna, *Cap. XXI, 13*, *Gemna*, 2 *Sam. XXIV, 16*, in Keri est הַאֲרֹנָה
 in Kethib הַאֲרֹנָה, dictum forte pro הַאֲרֹנָה ab אֲרֹן, quod
 Jebusæi fortasse extulerint per הַאֲרֹנָה, adeo, ut i per au pro-
 nuntiarint. Natales nominis תְּבוֹר arcessi posse judicat ex radice
 Arabica בָּרַר, quæ in quarta Conjugatione significet *superior fuit*,
 ut sic designetur mons celsitudine conspicuus, quemadmodum et-
 iam re vera *altissimus* Galilææ mons fuit, quod testimoniis *Josephi*
B. S. Lib. IV Cap. 2, *Philippi a S. Trinitate Lib. X Cap. 9*, *Moc-*
queto Itin. Lib. V pag. 324, it probatum. תְּרוֹקָה 2 *Reg. XVII, 31*,
 deducit ex Chaldaico *circuivit, rediit, reversus est*, ut sic ex ipsius
 sententia sub hoc Deastro *sol*, qui in circulum usque volvitur,
 fuerit cultus. Quæ de נ, ejusdemque vi in nominum formatio-
 ne, disserit, ac exemplis firmat, & penitiorem sermonis Ebræi in-
 telligentiam arguunt, & notatu maxime sunt digna. Fluvium *Jor-*
danem nomen tulisse arbitratur ex גִּיט, *strepuit*, qui ipse a pri-
 ma statim scaturigine sua, teste *Mocqueto Itin. Lib. V pag. 308*,
 magno cum strepitu & murmure per saxa labatur. פָּרַן vi sua no-
 tare *campum late patentem* statuit, ex radice Arabica עָרַר, *metam*
excessit, & Æthiopica עָרַר, *amplus fuit*. חֶלְבוֹן *Ezech. XXVII, 18*,
 scriptoribus profanis *Chalybon*, hodie *Aleppo*, appellata, nomen
 habet a pinguedine vel soli fertilis, vel vini, quod profert, id-
 que testimoniis corroborat. נָן per syncopen esse pro נֶאֱנָן, se-
 mel נָן pro נֶאֱנָן, designat *habitationem*, sive *habitaculum exi-*
mium, a radice נָנָה, *habitaui*, unde ratio facile dari
 queat, quare interpret Græcus pro נָן ubique habeat *Ναῦν*, scili-
 cet ex Ebræo synonymo נָנָה, *habitaculum*. עֲבוֹ, exteris scriptori-
 bus dicta *Ace*, *Acra*, *Ptolemais*, ab *arenæ capia* nomen tulisse ipsi vi-

- detur, cum Arabibus **سك** sit *arena fervens solis astu*, arenæ
 Pag. 355. autem copia urbis fundum abundare, pluribus scriptorum &
 antiquorum & recentiorum fide adstruit. **סרן** explicat per
 roris sive aquæ copiam, ex radice Arabica **سد**, *rore adpersa fuit*
maduitque terra; totus quippe tractus ille, in quo Sodoma ali-
 363. quando stetit, maxime irriguus fuit *Gen. XIII, 10*. **ערינו העצני**,
 uti Keri habet & *Sam. XXIII, 8*, vulgo pro nomine proprio habetur;
 sed dissentit Noster, secutus kethib & locum parallelum i *Chron.*
 371.372. *II, 11*, appellativis accenset. **ערין** vertit *percussio* vel *jactus*, ex
 radice Arabica **عدن**, *instrumento mucronato percussit*, i, quod ei-
 dem adhæret, vel adfixum vel paragogicum esse posse cenlet Hinc
 verba hunc in modum vertit: *ad ipsum quod attinet, percussio*
sive jactus thyrsi ejus (fuit) in octingentos, &c. qui sensus
 omnino conveniat loco i *Chron. II, 11*. **ברמי** est ipsi natus ex pa-
 tre nobili & generoso, cum Arabibus **برم** in 4 Conjug. signi-
 ficet *generosam nobilemque prolem genuit*, indeque descendat
 386. **برم**, *generosus, nobilis*. **אבר**, quod occurrit i *Chron. XXVII,*
30, interpretatur per *pastorem camelorum, rei camelaria gnarum*,
 ex radice Arabica **أبل**, *rei camelaria gnarus fuit, pavit camelos*,
 quod ipsum convenit vitæ generi, cui homo hic addictus erat,
 411.412. *pastorem quippe camelorum regionum agens*. De **סופרת**
Neb. VII, 57, & cum **הסופרת** emphatico *Esr. III, 55*, notat,
 non esse nomen viri, quod nonnullis, invita licet analogia, pla-
 cet, sed scæminæ, cum insolitum non fuerit, ut filii a matribus
 sint denominati, quoties vel patres fuerint alienigenæ, vel ma-
 414. tres patres celebritate vicerint. **שרון** *Jos. XIX, 6*, ipso iudice,
 componitur vel ex radice Arabica **سرى**, *liberalis fuit*, & ex **רן**,
gratia, ut sic denotetur *locus ex munificentia datus*, vel constatur
 ex duobus synonymis **שרן**, quod Chaldæis & Syris significat
 483. *habitavit, resedit*, & **חנה** *castrametatus est*, Chaldæis *habitavit*,
 ut indicetur *habitatio commorationis*, id est, *habitatio tytissima*.
אשר, quem donat Dominus, ex antiquo **אש**, quod faciat in fu-
 turo **אש**, ut **אפה**, quodque apud Arabas adhuc supersit in
 532. **אפה**, *benefecit*, & ex **א**, quod idem cum **א**, nomine divino.
נחמיה *compassus sive misertus est Dominus*, quoniam verbum
נחם, quod compositionem ingreditur, vi punctuationis sue
 affe-

affectum arguat, & radix hac significatione apud Chaldaeos & Samaritanos, ipsos etiam Ebraeos *Deut. XXXII, 36, Ps. CXXXV, 14*, sit Pag. 539. usitata. Nominibus divinis accenser *הי, ה, הו, qui est*, quod separatim quidem non occurrit, nominibus tamen propriis a fine additur, *ה* extruso, ut in *עלתי הי* ex *עלתי*, illo permanente in nomine *כלותי* *Esr. X, 35*, secundum Kethib, quod tamen vulgo legitur *כלותי*. Hoc posito, nomina quaedam propria inde explicat, ut *נשי* *Chron. II, 13, donum Domini*, ex radice Arabica *נשי*, *donavit*, pro quo alibi semper scribitur *נשי* pro *נשי*. 550.
נשי, *beneficium Domini*, ex *נשי*, *beneficium*, quæ vox radicem agnoscit Arabicam *נשי* in 4 Conjug. *benefecit Deus*. Sed hoc exemplorum sit satis; juvabit etiam quædam nomina peregrina, eorundemque explicationes, in medium proferre. *מרר*, reddit 552.
sublimis, altus, ex significatione vocis Arabice *مارب* & *مرب* 572.
cum adjuncto *ר* formativo. *נסר*, *splendor*, vel *splendidus*, collatis radicibus Chaldaica & Syriaca *נסר*, *sequitur*, quod verbum ad colores acutos referatur, Arabica *نشر*, *renituit*, *نضر*, *nitore fulsit*, adjecto *ר* formativo, ut in *נשר*, *אשר*, *נשר*. Nomen 573.
נשר nonnulli exponunt per principem majestate præditum, ex *אשר*, *pretium, dignitas, gloria*, & *נשר* *caput, princeps*; alii illud *נשר* tantum pro mera terminatione, a Græcis oriunda, habent, quod cum doctissimo Autori ob rationes satis prægnantes minus probabile videatur, ipse potius illius natales repetit ex *אשר* & *נשר*, *dominus, princeps*, quod sine terminatione servili *נשר* esset *נשר*: unde jam emergat *נשר*, *majestas principis*, in *נשר* mutato, quod apud Persas haud infrequens esse, productis exemplis munit. 579-580.
Esr. IV, 8 11, 13, quod v. 7 pronuntiatione magis Chaldaica effertur *נשר*, qui scriptoribus profanis dicitur *Artaxerxes*, Herodoto Lib. VI explicatur *ἄρτης αἰετός*, Ammiano Lib. XIX *bellorum victor*. Quæ interpretatio ubi obtinet, nomen foret compositum ex *נשר* *אשר*, ut sic designetur *magnus gloria belli*. 583.
Nominis *נשר*, quod Græcis effertur *ἄρτης*,
Hhhh 3 *geios*,

eēos, ac *Hefychius* exponit *Φρόνιμος*, rationem ex hodierno Per-
 sarum sermone dari posse, desperat *Relandus*; aliter iudicat No-
 ster, existimans, illius magnam convenientiam esse cum verbo
 דַּרְיָסְטִין *darjasten*, intelligere, quod in imperativo ha-
 beat דַּרְיָבִין *darjab*, nosce, intellige. Inde ד & י permutatis,
 ac ו a fine addito, commode deduci posse דַּרְיָבִין. Quæ de-
 rivatio ubi locum habet, *Hefychii* expositio firmari & illustrari
 potest. Nomen divinum דַּרְיָבִין, ob (·) mutabile, non esse ab
 דַּרְיָבִין, sed ipsissimum pronomen דַּרְיָבִין, *ille*, asseverat, cum orien-
 talibus in more fuerit positum, ut, ubi de Deo loquantur, tan-
 tum pronomen tertiæ personæ adhibeant, quod alibi exemplo
 vocis דַּרְיָבִין demonstratum dederat. Equidem sibi obesse illud
 prospiciebat, esse tantum pronomen pluralis numeri, & acce-
 dente He paragogico דַּרְיָבִין לִי imprimi dages forte. Utrumque
 dubium ut removeret, observat, etiam singularis numeri esse arti-
 culum Arabicum *al*, Æthiopicum *ela*, Latinorum *ille*, quin, parti-
 culam דַּרְיָבִין subinde singularis esse numeri, locis ex *Gen. XXXVIII*,
25, *Num. IV, 15*, *1 Sam. II, 23*, *Ezech. XLVI, 24*, *Efr. I, 9*, *1 Chron.*
IV, 3, *XI, 11*, *2 Chron. III, 3*, *XVII, 14*, prolatis firmat. Quæ
 si non omnia, aliqua saltem illorum, probandi vim habere possunt.
 Impressum dages forte in דַּרְיָבִין non esse compensativum literæ
 628.629. exclusæ, ut radix sit דַּרְיָבִין, sed potius *euphonicum*, ad maiorem
 rei demonstrationem, ut in דַּרְיָבִין, דַּרְיָבִין, דַּרְיָבִין, aliis. In tota
 hac demonstratione, cui de valore suo nihil detractum cupi-
 mus, id pro certo ponitur, nomen דַּרְיָבִין ab hominibus profe-
 ctum esse, eodemque illo Deum; ad testandam summam ipsius
 excellentiam, qua דַּרְיָבִין *ille* appellari potest, insignivisse;
 aliter autem videtur ex *Gen. XVII, 1*, coll. *Exod. VI, 3*, ex quibus
 locis apparet, hoc nomine supremum Numen sese primum sui cul-
 toribus manifestasse; probabile autem non est, ipsum notione
 adeo vaga, non autem a virtute ac perfectione sibi propria, se
 illis notum reddere voluisse. Hæ sunt cupidæ illæ, quas ex
 tanta copia præstantissimarum observationum, passim per exi-
 mium hoc Opus sparfarum, enotare visum fuit, quæ si non
 omnibus probabuntur, (proui quis in hujus generis rebus, in
 quibus

quibus hariolationibus locus est relinquendus, ex diversis fontibus in alias itemque alias cogitationes incidere potest,) nemo tamen omnium diffitebitur, esse illas ex interiori linguarum orientalium noticia arcessitas, ad illarumque analogiam proxime accedere. In Opere hoc laboriosissimo Cel. Autor ingenium, iudicium, doctrinam, ac diffusam lectionem, satis demonstratam dedit, dum nomina propria omnia ordine adeo concinno ad modum formarum nominum appellativorum exhibet, diversas Orientis linguas inter se conflagit, quique significatus obtinere possit, imo debeat, declarat, nec aliquid facile prætermittit, quod a præstantioribus Philologis est notatum. Non possumus igitur, quin ipsi de adeo difficili labore, feliciter superato, publice gratulemur, simul vero suasores existamus, ut in laudabili illo studio, in quo multa cum laude adhuc desudavit, strenue pergat, & Deo fortunante, plures istiusmodi sætus nobis in posterum largiatur, quo Philologiæ sacræ facies nitidior usque ac splendidior evadat. Triplex Index, nominum propriorum *Ebraus*, inde *Latinus*, rerum denique *notatu digniorum*, insigni utilitati lectoribus esse potest.

S. PUFENDORFII DE OFFICIO HOMINIS ET Civis juxta Legem naturalem libri duo. Selectis variorum notis, maximeque propriis, illustravit, Cel. BUDDI Historiam Juris naturalis, notis adauctam, præmisit, Indicemque rerum subjunxit, THOMAS JOHNSON, A. M. Coll. Magd. Cant. Socius. Editio secunda, auctior & emendatior.

Londini, impensis Guil. Thurlbourn, 1737, 8 maj.

Alph. 1 plag. 12.

Post toties iteratas a Viris Celeberrimis, *Tizio, Barbeyracio, Otone, Webero, Treuero, Lehmanno*, & aliis, hujus libri præstantissimi editiones, aliam nobis, & admodum nitidam eam quidem, Clarissimus Editor paravit, & juventuti inde Academicæ, quæ naturali Juri navat operam, notitiam ejusdem faciliorem reddidit. Noluit is quidem, ut scribit in Præfatione, do-
cis

his harumque rerum peritis eadem prodesse, sed novitium modo, & parum in hoc literarum genere exercitatum, iussit fructum ex ea commodumque percipere; cui tamen modestia non possumus non asseverare, quod vel ab intelligentissimo quoque magnam sibi gratiam Vir doctissimus paraverit, cum librum utilissimum, & multis utique veritatibus instructum, commodiori forma & habitu exire e prelo fecerit, novaque facie & ornatu in publicum emisit. Neminem latet, hunc librum *Pufendorfii de Officio hominis & civis*, compendium esse majoris Operis *de Jure natura & gentium*, ante jam emissi, sed compendium ejusmodi, quod suo exemplo, quomodo tandem mitti aliquid absque scholasticorum barbarie in brevius possit, sufficientissime comprobatur. Neque locus nunc est de ipso libro verba faciendi, de quo tanta olim contentione, tantisque animorum motibus, concertatum fuisse, nemo tam rudis est, quin hoc tamen sciat. Et, si, certis & firmissimis principiis ab Autore Celeberrimo adstructum systema naturalis juris esse, diceremus, cum originem autoritatemque hujus juris ab ipso *natura* autore deduxerit, cum officia hominis a natura sociali *profluere* docuerit, & alia adhuc quædam monuerit, verendum nobis esset, ut magna Philosophorum, idem arbitrantium, auxilia haberemus. Non adeoque extra oleas vagandum, aut de libro perquam notissimo aliquid dicendum est; potius, quid præstiterit Editor, cum cura indicandum. Scilicet, cum non omnibus numeris absolutum hocce brevium, quod per munus publicum in collegio suo bonarum literarum docere & exponere susceperat, Clarissimus Editor intelligeret, cum multa & perquam necessaria extremis saltem attingi labiis, nonnulla omnino omitti, perperam vero & alia tradi hoc libello, experiretur, quas auditorum gratia notandas duxerat, & chartis commiserat, neque inutiles universitati publicæ arbitratus erat animadversiones, haud eas passus est delitescere, sed hujus doctrinæ ubertatem, qua & multis, idem tractare argumentum, integrum relinquitur, clarius ostendit, & fusius demonstravit. Hinc partim vel ex Commentariis *Barbeyracii* Gallicanis, vel ex probatissimis & peritissimis aliis Autoribus, utpote *Grotii*, *Sanderfonii*,

nii, immo & *Buddei*, animadversiones textui subjecit, partim vero ex proprio adeo penu multa, & ea lectu quidem non injucunda, nec inutilia, subministravit. Modo enim ex Jure Romano, modo ex veterum Philosophorum, *Aristotelis*, *Ciceronis*, *Seneca*, aliorumque, scriptis, quæ obscuriora penes *Pufendorsum* videbantur, lucem iis affundere conatus fuit, errores item, in quos incidit interdum Autor, & non exuta id quidem humanitate, notandos diligenter esse duxit, & loca parallela *Grotii* & *Pufendorfiani* majoris Operis per numeros in margine adscriptos a principio ad finem usque libri accurate indicavit, fecitque, ut, si quis velit, hos duos Autores in perlegendo hoc Opusculo perpetuos sibi, & latus claudentes, comites habere possit. Sunt igitur eruditissimi *Johnsoni* notæ historicis partim repletæ deliciis, partim ipsarum rerum gravitate conspicuæ; hinc aliæ illustrent Autoris præcepta, aliæ ea magis demonstrant, & tandem sunt aliæ, quæ & magis explicare nonnulla dicta, aut refutare perperam pronuntiata; aut defendere verissima ab aliorum obtreccionibus argumenta, conantur: quædam & elegantiae causa ex Autoribus Græcis & Latinis, & quæ lectionem divitem magis spirant, quam ut ad rem faciant, interdum adducta sunt. Videtur tamen & ipse Clarissimus Editor paucissimis in locis humani aliquid passus esse, & aut non urgente id necessitate *Pufendorsum* correxisse, aut, quæ cum ratione idonea a viris doctissimis monita sunt contra Autorem, sine causa rejecisse, aut denique quædam minus satis accurata proposuisse. Levisima ea tamen sunt, & vel uno verbo, pace cum bona Editoris, indicanda. Pag. 104, *Leibnitium* criminatum esse, sit, cum monuerit contra *Pufendorsum*, quod a jure naturæ omnem internum mentis habitum excluderet. Ex ipsis enim *Pufendorfii* verbis colligi aliud nihil potest. Ita enim §. 4 pag. 103 ait: *Juris naturalis scita ad forum duntaxat humanum adaptantur*, & §. 5 pag. 104: *Forum humanum circa externas tantum actiones hominis occupari*, affirmat. Inde vero statim sequitur illud tertium: ergo juris naturalis scita circa externas tantum actiones occupantur; adeoque, si tantum, hoc est, unice, ad externas actiones pertinent, excluditur omnino ex hypothesi *Pufendorfii*

omnis internus mentis habitus, & *Leibnitium* non criminatum esse patet. Pag. 116 disputatio illa de vocabulo *judicii* ad meram λογιστικήν redit; minus enim, secundum usum, ad voluntatem, quamvis ita quidem nonnullis *Cartesianis* placuerit, *judicium* refertur. Et, si haud prævia disquisitione aliquid suscipimus, aut alicui rei assentimur, assensus iste *judicium* nominari non potest. Ergo duplici modo *judicium*, ita, ut vel ad intellectum, vel ad voluntatem etiam, applicari possit, sumi non potest. Pag. 126 alias Clariss. *Johnsonus* τοῦ sponte & libere fieri definitiones, rejectis his, quas *Pufendorffius* habet, adducit. Sponte fieri dicuntur, ita ait, quæ sine deliberatione fiunt; libere, quæ cum deliberatione suscipimus; unde & sequi arbitrat: ergo mens nil nisi sponte saltem agere potest, & hac erepta, eripi una & voluntatem. Male tamen naturæ humanæ consultum esset, si omnia sponte, id est, secundum hanc suppeditatam finitionem, sine deliberatione, perficeret, quæ multam potius essentiae partem de animo nostro constituit, & melius certe *Pufendorffius* hæc vocabula definit pag. 124: Sponte fit, si nos per intrinsecam necessitatem ad aliquid agendum determinamus, & libere, si, objectis pluribus propositis, unum eligimus, quod maxime placet, cetera respuimus; quæ quare ab Editore doctissimo abjiciantur, non perspicere possumus. Pag. 152 male agere hos dicit, qui ex abstractis rerum relationibus, in se atque simpliciter consideratis, jus imponi hominibus aurumant, & seposito quidem penitus superioris mandato. Non sine justis tamen apposis rationibus optaremus, hanc recentiorum sententiam plane improbatam esse, quam ita ex ipsa hominis natura, ut arbitramur, demonstrant, ut dubium inde remanere ullum vix possit; ut taceamus, a *Pufendorffio* requiri ad legem quamlibet superiorem, demonstratum non fuisse. Pag. 157 ad verba Autoris: Cujuslibet legis perfectæ duæ partes sunt, dari etiam leges quasdam imperfectas monet, cujus rei demonstrandæ causâ ad legem *Valerianam* apud *Livium* provocat, cum lex ejusmodi vocari tamen in partes non possit, quippe quæ sensu Latino tantum lex vocatur. Pag. 195 inter petitiones principii refert hoc *Pufendorffii* argumentum: Qui mundum æternum asserit, aliquam ejus

ejus causam negat, & sic ipsum Deum negat. Scilicet, quatenus is autor sit hujus universi; non enim potest Deus intelligi alio modo, quam quo a consideratione hujus mundi, tanquam effectus ejusdem, ad causam colligitur. *Pag. 201* hæc Autoris verba: *Infinitas Dei non notat aliquid in ipsa re, sed impotentiam in animo nostro*; nimis esse incaute dicta, nec cum religione sincera constare posse, affirmat, quam tamen locutionem *Pufendorfius* statim explicat in sequentibus, cum per ejusmodi in animo impotentiam nihil aliud intelligat, ac si diceremus, *non capere nos magnitudinem divinae essentiae*, cujus rei veritatem vel ipse eruditissimus Editor concedet. *Pag. 205*, quæ adducta sunt pro unitate Dei, ex *Clarkio* potissimum desumpta argumenta, eam non satis probant. *Pag. 139* falsum arbitratur hoc assertum: pudicitiam neutiquam esse vitæ hominis æquiparandam, defendendique adeo violenter non debere. His vero non obstantibus, propria sua tamen manet huic editioni, & jure quidem summo, laus, animadversionibusque Viri docti sua abnegari gloria non potest, quippe quæ & subacta satis ingenio conscriptæ, multa & copiose & ornate dicta, nec ubique plane obvia, habent, magnamque inprimis populares ejus gratiam ipsi debent, quod hujus libri copiam penes eos omnium primus parabiliorem fecerit. Quam neque denegatam ipsi fuisse, subita admodum libri distributio satis superque loquitur, ita, ut ad alteram editionem mox progrediendum fuerit. In qua, ut nihil deficiat, quod ad studiosæ juventutis commoda pertinere possit, non tantum auctiores notas fecit, sed & integra Dissertatione *Buddei*, qua historiam Juris naturalis exposuit, locupletavit, notisque adauxit, & ad hanc nostram usque ætatem perduxit. Lectu admodum jucunda est hæc historia, & digna auctore suo, quæ lucem prima vice Lugduni Batavorum vidit A. 1692, *Phil. Reinh. Vitriarii Institutionibus Juris naturæ & gentium* adjecta, auctior vero multo, & ad auctoris ætatem pertexta, in lucem emissâ publicam Halæ est A. 1704 inter *Selecta quadam Juris naturæ & gentium*. Denique rerum indicem notabiliorum, cum quæ in textu *Pufendorfiano*, tum quæ in adjectis animadversionibus, occurrunt, & satis quidem sufficientem, sub-

junxit, & vel hac ipsa re libellum utilem majori usui accommodavit.

NOVUM SPECIMEN SUPPLEMENTORUM LEXICI GUSSETIANI, ex Notis ipsius Autoris MStis productum a J. C. C.

Cum, elapso jam aliquo temporis spatio, Specimen Supplementorum meorum, Lexici *Gussetiani* edendi, his *Actis* inseruerim, illius vero impressio huc usque ob varias non leves causas dilata fuerit, multos interea cupido incessit, excerptum breve Notarum videndi, quas ipse Col. Autor exemplari suo manu propria adjecisset. Huic ergo desiderio non improbando satisfacturus, observationem, vocabulo פֶּחַח ab illo additam, exhibeo, verbis sequentibus auctam:

Nempe, cum ex 2 *Reg. IX*, 30, & *Jerem. IV*, 30, constet, mulieres pulchritudinis studiosas eam ope hujus rei, פֶּחַח dictæ, augere, audimus, *Job. XLII*, 14, patrem vocasse unam filiarum *Cornu rû פֶּחַח* (קֶרֶן הַפֶּחַח) quasi copia omnis pulchritudinis in eam tanquam in pyxidem collata esset. Metonymia causæ pro effectu, nempe pulchritudine, vel metaphora aliqua, quod ipsa puella esset collectio omnis pulchritudinis. At interim inde infero, פֶּחַח non esse sibiium. Cum enim hoc sit coloris cæsi obscurioris, & præterea adhiberi solitum sit denigratum fuligine admixta, ut legitur apud *Ludolfum* in *Comm. ad Hist. Habess. Lib. I. n. 51, 10*, ideo non pertinet ad omnes, ne quidem ad multas pulchritudinis partes. Immo, ut ex ejusdem totius loci lectione discere possumus, inservit tantum oculis, 1) quod nigros efficiat pilos eorum in ciliis & in superciliis, qui erat color commendatissimus illis in regionibus, unde flavus exulabat; 2) quod sic oculos majores apparere faceret; 3) quod eos humore superfluo laborantes siccando & sanando, faceret apparere graciliores. Esto ergo sibiium fucus, sed una species erit, eaque angusti usus, in pilis oculorum restricti. Ita debuit nomen fuci esse generalius dicti פֶּחַח. Id enim requirit *Job. XLII*, 14, *sup. cit.* Nam non est probabile, illam, quæ perhibetur una ex pulcherrimis patriæ suæ, laudari tantum ab oculorum sanitate & amplitudine, & pilorum circa eos nigredine. Ceterum inter fucos insignis est cærusa secundum veteres Scriptores. Hæc cum ita sint, merito plerique interpretes 2 *Reg. IX*, 30, & *Jerem. IV*, 30, non dant vocem פֶּחַח strictam significationem sibi, sed utuntur generali nomine

ne fuci. Nam in his quoque omnigenæ pulchritudinis cura exquisita intenditur. Quod superest de phrasibus istorum locorum, quid innuat hoc in negotio הָשִׁיב, quid קָרַע, nescio; nam non quadrant, cum conceptibus nostris; & facile creditur est, mulieres circa hanc rem, ad se unas pertinentem, excogitasse & invenisse locutiones peculiares, quas nunc ex antiquitate erueri nullo indicio licet, ut accidit in plerisque artibus. Sufficit, quod fuci significatio certa est.

Has Autoris annotationes, in Specimine meo Lexici Hebraici selecti, quo *Gussetianum* aliaque supplere conabor, pluribus adjectis illustrabo, & de voce פֶּרֶךְ, verbisque הָשִׁיב & קָרַע, 2 Reg. IX, 30, & Jerem. IV, 30, cum illa constructis, disseram. Qua occasione simul in filiarum *Jobi* nomina, *Femina*, *Ketzia*, & *Keren happuch*, inquirere potero, quod *Celeb. Schultens*, ceu stili Arabum venusti peritissimus, in promissis *Dissertationibus Jobais* accuratius longe faciet. Interim obiter ea, quæ Autori videntur dubia, tangens, paucissimis observo, vocem פֶּרֶךְ *stibium* in quatuor, ubi tantum occurrit, locis posse intelligi, ab Ill. *Ludolpho* in *Comment. ad Hist. Æth. pag. 107-110* satis probabiliter ostensum fuisse; verbum vero קָרַע *stibii* usum exprimere, quia *lacerare* & *scalpere* notat, cuticulam scilicet supremam, ut fucus vel pulvis inspergendus aptius hæreat, quod *Ezech. XXIII, 40*, verbum כָּחַל constructum quoque, ut הָשִׁיב & קָרַע cum voce עֲנִיִּי confirmat. Inde etiam alterum locum, ex 2 Reg. IX, 30, allegatum, lucem accipere monstrabo, sed nunc ei haud immorabor, quia brevis hæc observatio sufficit ad judicandum, quod omissiones & hallucinationes, quas ipse *Gussetius* in *Prefatione* Lexici ab eo non in totum removere ausus est, supplere pariter, ac, ubi necesse est, corrigere, intendam. Nam ejusmodi notas haud paucas, ab Autore in margine collocatas, aliaque, in peculiari schedula jam exposita, complectetur nova editio, quam paramus, optantes, ut justus subscribentium numerus reliquis accedat, Opusque hoc paulo rarius & nimis pretiosum, minoribus impensis, quas circumcidere conati sumus, eo celerius ad plurimorum manus, ut maxime cupiunt, perveniat. Quo fine etiam literarum formam, quarum in Lexico imprimendo usus erit, singulari schedula exhibere

bere volumus, & Notam hanc, eodem loco Autoris manu adjectam, excerpimus.

NOVA LITERARIA.

Quam dare ad Viros omnium terrarum doctos e re sua duxit Epistolam præstantissimus Hagensium typographus, *Petrus de Hondt*, significantem publice liberale vendendi pretio æquissimo illustres illos rerum Italicarum Thesauros institutum, hanc, rogatu Viri optimi, cum Lectoribus nostris lubenter communicamus:

LECTORI BENEVOLO

S. P. D.

PETRUS DE HONDT.

Jo. Georgius Grævius, celebritate nominis, atque vera solideque doctrina laude, effulgens, post emissum XII Voluminibus in lucem Thesaurum Antiquitatum Romanarum, in animum suum induxerat, pulcherrima illi Collectioni adjungere alteram haud minus præstantem suo in genere, Antiquitatum & Historiarum Italiae, ut ita capiti suo reliquum conjungeretur corpus, & sicuti in denariis Cordi & Caleni, gentis Mucia & Fusia, post sopitum sociale bellum cussis, conjuncta simul conspicerentur regina orbis Roma, atque plurima bona frugis messe abundans Italia. Recte videlicet judicabat Vir summus, Romæ atque Italiae ita inter sese connexas esse res bello paceque gestas, ritus præterea sacros profanosque, ut altera alterius indigeret cognitione, neque minus utilem & jucundam fore lectionem rerum, quæ callapso imperio Romano iisdem in terris gesta sunt, quam quæ maxime florente contigerunt. Fuit enim Italia semper theatrum belli & crebrarum mutationum; unde neque ignorari potuit, neque debuit, quod principi illi terrarum omnium regioni per singula fere Secula, & in singulis regionibus atque terris urbibusque, contingerit. Justa igitur hæc causa Clariss. Grævium movit, ut, quamvis senex jam & ad metam vitæ vergeret, egregium illud atque magnificum aggregeretur Opus, suppeditante sanctius Bibliopola Petro van der Aa;

cui propter susceptas magno animo, nec minori constantia ad finem perductas, maximas præstantissimorum librorum Collectiones plurimum semper debebit eruditus orbis. Itaque, collectis undique in hunc finem rarissimis, iisque præstantissimis, libris, nullo vel laboris, vel sumtuum, respectu habito, prodierunt primum tres Tomi priores, singuli duabus constantes partibus, sive priora hujus Thesauri Volumina sex. Ætate & laboribus fessus diem supremum clauserat optimus Grævius, antequam fructum aliquem hujus sui perciperet laboris, atque hæc Volumina in lucem prodirent. Quare Vir summus, Jacobus Perizonius, vices ejus haud illubenter suscepit, & priora hæc sex Volumina æternitati, atque eruditorum usibus, doctissima consecravit Præfatione. Verum, cum & ipse Perizonius haud diu post cum summo omnium bonorum dolore rebus humanis eriperetur, felici fato novus, isque tertius, ex doctorum orchestra, qui susceptam pertexeret telam, accessit Petrus Burmannus, cujus vividum ingenium, indefessa industria, multisque annis & laboribus parta doctrina, notiora sunt, quam ut predicari necesse sit. Is itaque Lucinæ vicem reliquis omnibus Voluminibus hujus Thesauri Antiquitatum, Historiarum, Rerumque Italiæ, amplissimi, diligenter & feliciter præstitit, atque hoc immortale Opus, suis ornatum Præfationibus, ad finem perduxit. Abscissam olim undarum vi a sinibus Italiæ ferunt Siciliam; dissociari non possit ab antiquitatibus rebusque Italiæ fertilissimæ hujus Insulæ res atque antiquitates, judicarunt eruditi. Sicilia enim & fabulosis temporibus, & antiquis, seu medii etiam ævi, atque recentibus, fertilissima exstitit rebus cognitu dignissimis, quæque tantam cum Romanis Italicisque habent cognationem, ut divelli sine summa injuria rei, que literariæ jactura non possint. Quare, collectis rarissimis atque eruditissimis libris atque Opusculis eorum Scriptorum, qui erudite atque cum judicio res Siculas, ejusque Insulæ innumeras Antiquitates, non modo ex historiis, verum etiam lapidibus antiquis & nummis, erutas, persecuti sunt, novus quoque Antiquitatum Siciliæ Thesaurus Thesauri Italiæ fuit additus. Luculentas in eundem Præfationes addidit Petrus Burmannus, neque minorem operam huic Thesauri, & præsertim illis Autoribus, qui res Siculas ex nummis antiquis, &c. illustrarunt, præstitit doctis laboribus erudito or-

hi notus Sigebertus Havercampus, *cujus consilio in Thesauro praesertim Siculo, non minus quam labore, usum fuisse Bibliopolam, Petrum van der Aa, scimus, atque tot in illo Thesauro Siciliae, nonnulla quoque in Thesauro Italiae, versa Latine Opuscula, & notis illustrata, ostendunt, cujus generis praesertim sunt Mirabellæ & Bonanni Descriptiones Syracusarum antiquarum atque ejusdem Urbis Numismatum, imprimis vero Philippi Parutæ Sicilia numismatica, Commentario pererudito & laborioso exornata. Neque enim necesse ducimus, longum pertexere Catalogum multorum numero Scriptorum, quorum in hisce Thesauris monumenta continentur, cum & peculiare de iisdem essent Catalogi, & Thesaurus ipse aliquot abhinc annis in lucem editus in Bibliothecis publicis, ut & privatis quibusdam, invenitur. Merito diximus, in privatis quoque quibusdam inveniri. Grande videlicet pretium, quod pro laboribus sumptibusque, tam immenso Operi impensis, constituere coactus fuerat defunctus Bibliopola Petrus van der Aa, absterruit multos, fecitque, ut invici Antiquitatum harum carerent Thesauro, ne suos exhaurirent. Quare conducere egregie in publicum credidimus, si praestantissimis hisce Italiae & Siciliae Thesauris, quorum exemplarium possessio hodie ad nos pertinet, viam aperiremus etiam ad modicos eruditorum penates, quod fieri potuisse credidimus, si pro certo quodam temporis spatio dimidia fere partis justis eorundem pretii gratiam emtoribus faceremus, eo scilicet calculo, quem hic statim apponimus. Thesaurus hic universus Italiae & Siciliae comprehenditur Voluminibus quadraginta quinque, quibus pretium constitutum fuit hoc modo. Vendita fuerunt Volumina Thesauri Italiae & Siciliae XLV, charta minori, florenis 440, charta majori, florenis 580, nunc vero, ad dimidiam fere partem inminuto pretio, verum non longius protrahito hujus veluti subscriptionis tempore, quam usque ad diem primum Aprilis anni 1742, statuitur iisdem modicum hocce pretium: Thesauri universi Italiae atque Siciliae Voluminibus XLV, charta minori, 350, charta majori, 350 florenorum, quibus vero jam copia est VI priorum Voluminum, post obitum Graevii cum Praefatione Jacobi Perizonii editorum, poterunt sibi comparare reliqua horum Thesavorum Volumina XXXIX, charta minori, 210 florenis, charta majori, 310, verum, finito eodem tempore praesentato, post 1 Aprilis anni sequentis 1742, non minoris vendetur hoc Opus, quam hoc pretio: Volumina universi Thesauri Italiae & Siciliae XLV, charta minori, 400 florenis, charta majori, 540, at Volumina XXXIX, charta minori, 350, charta majori, 480.*



NOVA ACTA ERUDITORUM,

publicata Lipsiæ

Calendis Novembris Anno MDCCXLI.

CAROLI SIGONII OPERA OMNIA, EDITA ET inedita, cum Notis variorum illustrium Virorum, & ejusdem vita, a Clarissimo Viro, LUD. ANT. MURATORIO, Serenissimi Ducis Mutinæ Bibliothecario, conscripta. PHILIPPUS ARGELATUS, Bononiensis, nunc primum collegit, suasque Animadversiones in aliquot ipsius SIGONII Opuscula adjecit, nec non Indicibus locupletissimis exornavit.

Tomus VI.

Mediolani, in ædibus Palatinis, 1737, fol. maj.

Alph. 7 plag. 15.

Applaudente igitur universo literatorum ordine felicissimum nunc egregiis conatibus finem imposuit, qui Italorum gloriam pro virili sustinet, & Bononiæ præsertim suæ decus est, *Philippus Argelatus*, quandoquidem nunc *sextum*, eumque postremum, *Tomum* eorum Operum, quæ *Carolus* olim *Sigonius*, æternæ vir memoriæ, conscripserat, in dias luminis auras produxit. De qua ipsa splendidissima priorum *Voluminum* editione quo plura nos suo loco dicere meminimus, ex quibus lector eruditus, Musisque *Sigonianis* favens, cognoscere ejus præstantiam eximiasque dotes potuit, eo nunc breviores in recensendo ultimo hoc erimus, satis quippè gnari, commendatione nostra nec *Sigonio*, nec, qui tam præclare de eo promeritus est, doctissimo Editori, opus esse. Hic

Kkkk

sane

sane nullis sumtibus, laboribusque nullis, pepercit, non tantum in comparandis iis, quæ typis impressa per manus literatorum hominum circumferebantur, sed in illis etiam perquirendis, quæ huc usque in celebratissimarum Bibliothecarum scriniis longius a plurimorum conspectu remota delituerant. Inde magno reipublicæ literariæ bono evenit, ut non pauca Opuscula, tam publice exscripta, quam nunc primum ex tenebris protracta, in hanc editionem coniecta fuerint, quæ in Hanoviana frustra quærentur. Sed agè, inspiciamus paullulum eas, quæ ultimum *Tomum* complectuntur, lucubrationes. Agmen ducunt *Livianarum Emendationum Libri duo*, in quibus *Sigonius* contra necessarium suum, *Franciscum Robortellum*, qui antea eum perstrinxerat, acerbè nonnunquam dissertit, simul tamen complura *Livii*, & aliorum Auctorum, loca ab expositionibus ejus & correctionibus vindicavit. Locum alterum occupant *Disputationes Patavinae*, adversus eundem *Robortellum* duobus itidem Libris comprehensæ, in quibus varia Antiquitatum capita more suo, id est, eleganter, pertractavit *Sigonius*, nec quidquam prætermisit, quod ad infringenda adversarii tela pertinere videretur. Hunc ingenii fortum excipit posterior cum *Nicol. Gruchio* disputatio, de veterè binorum Comitiorum & legis curiatae consuetudine, in quo argumento, Cimmeriis quasi tenebris ac difficultatibus infinitis implicito, cum jam præclari illi *Sigonii de Jure antiquo civium Romanorum* libri occupati, & in his *Gruchii* sententiæ examinatae fuissent, hic nova objecerat dubia, ad quæ hac ipsa Dissertatione respondit Noster, & omnia, quantum fieri potuit, in clariori collocare luce studuit. Haud sane minorem fructum iis, qui antiquitatis studium amant, pollicetur *de Nominibus Romanorum libellus*, in quo *Sigonius* diligenter disquirat, cur Romani multis usi nominibus fuerint; quid sit nomen, prænomen, & cognomen; quot & quæ prænomina fuerint & unde ducta singula; cur gentilitia nomina in *lus* desinant; quid gens sit, & qua ratione differat a familia; quemadmodum usus cognominum & agnominum sit inventus; quidque de patriciis familiis & plebejis, nobilibus & novis, notari mereatur. Qui sequitur *de Dialogo liber*, elegantissimus est,

&

& varias complectitur quæstiones, solide pertractatas. Disserit scilicet Noster inter alia de causis, quæ Philosophos impulerint ad doctrinam in Dialogo tradendam; de eo, qui primus Dialogum in Philosophiam induxerit, & qui eum celebrarint; de artium subsidiis, quibus Dialogus sustineatur; de partibus Dialogi, præparatione & contentione; de decoro & verisimili servando in Dialogis; de personarum, quæ inducuntur, genere & officio; de loco & tempore colloquiis idoneo eligendo; de locis, ex quibus Dialogi præparatio deducatur; de duabus contentionis partibus, propositione & probatione; quot modis propositio in Dialogo constituatur; contentionem contineri imitatione decertationis, sententiæ, & morum; quæ sit sententiæ imitatio; de argumentis aptis, cuique rei adhibendis; de singulis Dialogorum generibus, *Platonis, Xenophontis, & Tullii*; de moribus in Dialogo servandis, & de risu facetiis in Dialogo quærendo. Masculæ eloquentiæ specimina dedit Noster in *Orationibus variis*, & olim editis, & nunc primum in lucem productis, quarum quatuor priores eloquentiæ studium commendant, reliquæ argumentis aliis excellunt. Modo enim disertus Orator pro Latine linguæ usu retinendo verba facit; modo *historiarum laudes* recenset; modo *studiorum, quæ ab humanitate nomen habent*, præconem agit; modo *de ingenio excolendo*, & *Bononiæ laudibus*, dicturus in medium prodit; modo *Hispano cuidam juveni susceptum in Academia Bononiensi regimen* gratulatur. Hisce subjuncti sunt *Aristotelis de Arte Rhetorica Libri tres*, a *Sigonio* in Latinam conversi linguam, & jam a compluribus mendis expurgati. Locum proximum tenent *Ciceronis cum Fragmenta*, passim dispersa, *Sigonii* diligentia collecta, ejusdemque & Clarissimi Editoris scholiis illustrata, tum *Consolatio*, seu *de luctu minuendo liber supposititius*, qui propterea, quod ex Criticorum quorundam conjectura *Sigonio* adjudicatur, relatus in hunc *Tomum* fuit, quamvis doctissimus *Argelatus*, Autoris nostri foetum non esse, persuasum sibi met habeat. Cognoscendæ omnis controversiæ causa præfixum est *Antonii Riccoboni de eodem Opusculo judicium*, nec non *Cotbolfredi Balch. Scharfsii*, Sacerdotis Suidnicensis, *de vero Autore Consolationis Ciceroniane*

Dissertatio, jam olim *Miscellaneis Lipsiensibus Tom. VI pag. 19* inserta. *Ciceroni* autem attribuere hanc *Consolationem* non dubitavit *Sigonius*, compositis duabus eam in rem *Orationibus*, & *Dialogo* quodam, *Accusator* inscripto, quæ omnia nunc emendatiora prodierunt. Brevia sunt, nec tamen sua laude fraudanda, de *Historicis*, qui res Romanas ab Urbe condita ad *Carolus M.* usque scripserunt, *judicia*; *Vita Onuphrii Zarrabini*, *Cotroneolensis Canonici Regularis e Congregatione Servatoris*, & de *donatione Constantini M.*, deque *Scholarum Bononiensium antiquitate*, *Opuscula duo*, adhuc inedita, cum *Præfatione Josephi Antonii Saxii*, Viri doctissimi, qui & ex *Bibliotheca*, cui præfectus est, *Ambrosiana* *MStis* *Italico* sermone exaratas *Sigonii* ad *Onuphrium Panvinium*, *Aldum Manutium*, & *Vincentium Pinellum*, *Epistolas*, antiquam *Historiam* hinc inde illustrantes, cum *Editore* nostro communicavit. Itidem nunc primum ex *MSto Codice Bononiensi* prodit *Sigonii Continuatio ad Historiam Bononiensem ab anno 1258 ad annum 1275*. Cum *Bononiensis* ejus *Historia* jam ante vulgata fuisset, hiante lacuna, quæ res gestas integro decennio absorbuerat, nec tamen credere posset *Clarissimus Argelatus*, adeo laboris hujus negligentem fuisse Autorem, ut *Historiæ* suæ filum ordine recto producere noluerit; *Codicem MStum* accurate comparavit cum edito, & non supplementum modo eorum temporum, quod nunquam comparuerat, sed & latiorē continuationem, nactus est, quam ideo loco parum opportuno proferre, quam lectoribus suis invidere prorsus, maluit. Coronidem huic ultimo *Tomo* imponunt *Anonymi Censura in varia Caroli Sigonii Opera*, nempe in *Occidentale Imperium*, in *regnum Italia*, in *Notas ad Historiam sacram Sulpicii Severi*, & in *Rempublicam Hebræorum*, una cum *responsionibus ad Censuras easdem Autoris etiam incerti*, quibus præmittitur *Opusculum Augustini Valerii*, *S. R. E. Cardinalis*, & *Veronensis Episcopi*, de *Utilitate capienda ex Historiis Caroli Sigonii de regno Italia*. Ex *MStis* *Codicibus Bibliothecæ Vaticanæ*, & ex quodam *Bononiensi*, primus hoc publicavit doctissimus *Argelatus*, qui ceteroquin spem haud inanem fovet, fore, ut nihil amplius supersit a tanti ingenii viro, *Carolo Sigonio*, quod possit in hisce *Operibus*

ribus jure desiderari. Nos Editori tam industrio gratulamur Opus dexterrime absolutum, & a pertinaci ejus ac plane ferrea industria plura ingenii ad promovendas literas parati monumenta exspectamus.

HISTOIRE LITERAIRE DE LA FRANCE &c.

hoc est,

HISTORIA LITERARIA GALLIÆ, IN QUA agitur de origine & progressu, decremento & instauratione scientiarum in Gallia & Franco-Gallia, de ingenio Gallorum, & studio, quo in literas quovis Seculo incubuerunt, de priscis scholis, de Academiis in Gallia institutione, de primariis Collegiis, de societatibus scientiarum literarumque elegantiorum, de præstantissimis Bibliothecis, veteribus & recentioribus, de typographiis celebrioribus, ac de rebus in universum omnibus, quæ ad literas spectant, una cum elogiis historicis Gallorum, Franco-Gallorumque, meritis in eas illustrium, enumeratione chronologica scriptorum, animadversionibus historicis ac criticis in alicujus momenti opera, editionumque recensione, Autoribus denique laudatis. Opera Monachorum Ordinis S. Benedicti ex Congregatione S. Mauri.

Tomus III.

Parisiis, apud Osmont, Huart, &c. 1735, 4 maj.

Alph. 4 plag. 2.

Quod jam inde a centum fere annis animo præfagiebant malum sapientiores, fore, ut frequentibus barbarorum incursionibus respublica literaria vel exstingueretur penitus, vel concussa saltem graviter ac labefacta, vix se sustineret; id vero malo ejus fato factum, sexto a C. N. Seculo dolebant omnes. Et quid aliud exspectari poterat, cum rerum potirentur homines, ab incorrupto Numinis cultu alieni, atque a bonarum studiis

diis literarum averſi, immo, quod majus eſt, iis propemodum inſeſti, quam ut ſœda cum iſſis, agmine velut factio, una ir-
 rumperet barbaries? *Vae diebus noſtris*, acerbiffimo correptus
 dolore exclamabat *Gregorius Turonenſis*, quia a nobis periit ſtu-
 dium literarum. Et habebat omnino, quod quereretur, quando
 tum Philoſophia, tum quicquid literarum erat humaniorum,
 prout exſtirpata videbantur. Equidem haud exiguum ſcripto-
 rum proventum hoc Seculum afferebat; at qualium, bone Deus,
 quantorumve hominum! ab arte critica, immo ab judicio, de-
 ſtitutorum, quibus nihil rectum commentationeque dignum
 erat, niſi quod prodigii quidquam miraculive haberet. Quo-
 rum cum hoc Seculo plurima vel re vera perpetrarentur, vel
 pia hominum credulitate fingerentur; ampla iis omnino mate-
 ries erat. Accedebat, quod permulti, qua de re ſcriberent,
 neſcientes, ad malas artes impiaſque delapſi fraudes, ſua de
 miraculis commenta augendis eccleſiarum bonis adhibebant.
 Hinc tantus fuci pigmentorumque apparatus, quo imponerent
 incautiſ, neglectum contra, quin immo ſordidum inquina-
 tumque, dicendi ſcribendique genus exortum, atque ex illo,
 quem Venuſinus commendat, ſcribendi recte principio & ſon-
 te minime hauſtum. Jacebant enim probati Latine ſcriben-
 di magiſtri, bonique Autores. Contra ea informiſ, hybridis-
 que deturpata, dicendi forma exſurgebat; denique Romana illa lin-
 gua ruſtica, verum linguæ nitorem exſtinguens, regnabat. Hæc dum
 dolent Autores, id ſimul commemorant, mores Francorum, ad
 omnem feritatem compoſitos, ad ipſos tranſiſſe Gallos, ac veluti
 contagione propagatos eſſe. Venandi enim, ferasque inſiſtendi,
 eamque in rem canes rapacesque alendi volucres, furor cor-
 ripiebat Episcopos, Presbyteros, Clerum omnem, gravibus
 Conciliorum decretis peſcendus. Haud ita multo poſt ſan-
 ctiſſimos homines in aciem prodire videas armatos; manumque
 conferentes cum hoſtibus; quos certe alia omnia decebant. Ex
 hoc omnium ſqualore literarum non poterant non plurima mala
 redundare. Vana hinc atque inutilia, immo ſæpe ridicula, in-
 ſtituta, quibus nomine *Sanctorum*, quod iis imponebant, au-
 roritas concilianda erat; ſortes nempe Sanctorum, divinationo-
 num

num alia genera, judicia Dei, modi probandi innocentiam, superstitiones infandæ. Sed mittamus hæc, atque ad literarum fata contemplanda cum Autoribus revertamur. Hic vero Latine linguae in precibus, aliisque sacris negotiis, locum relinquitur, iisque adeo, qui ad sacra adspirabant munera, ejusdem pro temporum ratione excolendæ necessitatem impositam videmus. Quin ipsi Reges barbari, ne ea extirparetur funditus, cavebant, quando in legibus sanctionibusque condendis eadem utebantur. Primi autem Francorum Reges, *Childebertus*, *Charibertus*, *Chilpericus*, non illud solum, quod ad rem spectabat publicam, hac lingua memoria prodi volebant, verum etiam pro se quisque singulari eam studio addiscebant. Quorum quidem primus quantum in eo operæ posuerit, ut alphabetum quatuor augeret literis, quamve elaborarit, ut & Theologus haberetur, & Poeta, id vero inter historiarum peritos æque constat, ac istud, parum hoc ei negotium successisse feliciter. Hæc, utcumque erant, eo saltem valebant, ut Regum ad exemplum sese componerent, qui apud eos gratiosi esse volebant, ac nobili quodam inter se æmulandi ardore incenderentur. Quo factum, ut literæ non interirent prorsus, quin & alii barbari Principes excitarentur, pari ut eas studio vel colerent, vel foverent. Neque publicas hoc Seculo scholas desideraveris, quas in ipsis iis invenias provinciis, quæ Visigothorum imperio parebant, qualis Claromonti in Arvernensibus erat. Quantum Juris profecerit prudentia Codice *Theodosiano*, *Alarici* jussu collecto, quantum *Justiniano*, res ipsa loquitur. Maximam tamen literis opem ferebant Monachi, ut qui in scholis, quæ ad cathedrales pertinebant ecclesias, in quibus Arelatensis celeberrima erat, Grammaticam, Dialecticam, Rhetoricam, Geometriam, Astrologiam, Arithmeticam, Musicamque; quodam etiam modo Poësi, docebant, quibus imbuti juvenes, ad Scripturæ Patrumve ecclesiæ lectionem admittebantur. Linguas tamen, quas vocant mortuas, traditas esse, veri non est simile. Harum, quas diximus, scholarum fama maximam partem ab eruditione gloriaque Episcoporum pendebat; quod tamen non ita capiendum est, ac si nec alii quandam ex literarum studiis nobilitatem

tatem acquirere conati fuerint. His certe tanto prospiciebatur melius, quanto magis Monasteriorum numerus adaugebatur. Huc enim, velut in asyla, confugiebant, eademque librorum apparatu, quo nullum facile carebat, quosve versandi Monachis quædam imposita necessitas, conservabantur. Scriptorum, hoc Seculo elaboratorum, magnam vim temporis injuria delevit. Restant pauca, ex quibus de reliquis judicium ferre queas, si modo hæc judicandi ratio quidquam valet. Id extra controversiam est, ruentis in deterius Seculi labem adpersam esse omnino omnibus, inprimis si ipsam dicendi rationem spectes. Nos jam, pro eo ac consuevimus, nomina eorum proferemus in medium, de quorum vita, scriptisque, Autores Historiæ, quam præ manibus habemus, exponunt. Sunt autem hi fere: *Eugenius*, Episcopus Carthaginiensis, & Confessor; Autor Actorum martyrii *S. Peregrini*, primi Antissiodorensium Episcopi; *Marcellinus*, primus Embroduni Episcopus, *S. Ruricius* I, Episcopus Lemovicensis; *Sedatus*, Nemaufensis Episcopus; *Anonymus*, Autor ecclesiasticus; *S. Eugendus*, Abbas Condatenfis; *Anonymus*, Monachus Lerinensis. Incidit in hæc tempora Concilium Aurelianense I; *Chlodoveus* I, Rex Francorum; *Anonymus*, Monachus Condatenfis; *S. Maxentius*, Abbas Picaviensis; *Gundebaldus*, Rex Burgundionum; celebratum Concilium Epaonense, & Lugdunense III; *Viventiolus*, Episcopus Lugdunensis; *Ennodius*, Episcopus Ticinensis; *Faustus*, Monachus Agaunensis; Concilium Arelatense VI convocatum; *S. Avitus*, Vienneſis Episcopus; *Anonymus*, Clericus ecclesiæ Valentiniæ. Incidunt Concilia Carpentoracense, Arausionense II, Valentinum III, Vasconense II; *S. Genoveva*, Patrona Panſiorum; *S. Eleutherius*, Episcopus Tornacensis; *S. Remigius*, Rhemenſis Episcopus, Gallorum Apostolus; Concilium Aurelianense II celebratum; variorum Martyrum, *Irenæi* Lugdunensis discipulorum, Acta; *Ruficus Elpidius*, Diaconus Lugdunensis; celebratum Concilium Claromontinum in Arvernſis I; *Felix*, Rhetor; *S. Pasſina*; Acta *S. Patrocli*, Martyris. Incidit Concilium Aurelianense III & IV; *S. Carileſus*, Abbas Cenomanensis; *S. Heptadius*, Presbyter & Eremita; *S. Gaingalvisius*; *Heraclius*, Episcopus Trium-

Castro-

Castroꝝ; *Cæsarius*, Arelatenſis Epiſcopus; *Cyprianus*, Epiſcopus Telone Martio; *Meſſienus*, Presbyter; *Stephanus*, Diaconus eccleſiæ Arelatenſis; *Leo*, Epiſcopus Senonenſis; *Theodebertus I*, Rex Gallorum; notanda regula monaſterii Tarnatenſis; *S. Aurelianus*, Epiſcopus Arelatenſis; habita Concilia Pariſina II, III, & Arelatenſe VII; *Maxentius*, Abbas Pictavienſis; *S. Firminus*, Epiſcopus Uticenſis; *Avitus*, Abbas Piciacenſis; *Childebertus I*, Rex Galliarum; *Hunibaldus*, Hiſtoricus, *Clotarius I*, Rex; *Gildas*, primus Abbas Ruiſenſis; *Joannes*, Reomenſis; celebrata Concilia, Lugdunenſe IV, Turonenſe II; *S. Niceas*, Epiſcopus Trevirenſis; *S. Fridolinus*, Abbas Pictavienſis; *S. Fortunatus*, Epiſcopus; *Eusebius*, Epiſcopus Antipolenſis; *Mapinius*, Epiſcopus Rhemenſis; *S. Germanus*, Epiſcopus Pariſienſis; *Mercurius*, Engoliſmenſis; *Florianus*, Abbas; *Mencinus*, Redonenſis; *Damnolus*, Cenomanenſis; *Felix*, Nannetenſis; *Gogon*, Prætor Pariſinus; habita Concilia Lugdunenſe V, Valentinum IV; *Chilpericus*, Rex; *Evancius*, Viennenſis Epiſcopus; *S. Radegundis*, Regina; *Januarinus*, Monachus Arelatenſis; *S. Prætextatus*, Epiſcopus Rothomagenſis; Concilium Narbonenſe I; *S. Veranus*, Cabilonenſis; *Lubinus*, Caſtrenſis; *Autmundus*, Tullenſis; *Nicerius*, Lugdunenſis Epiſcopus; *Stephanus*, Presbyter Antiſſiodorenſis; *Sedatus*, Epiſcopus Blitterrenſis; *S. Aridius*, Abbas Limolenſis; *S. Sequanus*, Abbas; *Gunthranus*, Rex; *Theodorus*, Maſſilienſis; *Gregorius*, Turonenſis; *Childebertus II*, Rex; *Marius*, Aventicenſis; *Rotberius*, Hiſtoricus; *Teterus*, Clericus Antiſſiodorenſis; *Joſephus Gorionides*.

Septimum a N. C. Seculum, quæ literas in Gallia affligebant, malorum ſexto erat multo feracius; ædumque proriſus de illis fuiſſet, niſi illic locorum tueri ſe quodammodo potuiſſent, quo, uti ſupra prædicavimus, veluti in portum, ſeſe receperant. Idem, quo ſuperiori eas tempore conſiſtantes vidimus, fatum hoc etiam eas Seculo manebat. Concilia legas coacta numero pauca, eoque facto peſtes literarum graſſari latius. Literis conſignabatur perparum, & ſi quid hoc tempore memorix proditum videas, id vero genere dicendi tam inficero, immo barbaro, deformatum, vix uti aſſequi poſſis, quæ voci ſit

subjecta sententia. Ab hoc tamen loco non alienum erit illud monere, cum Gallorum barbariem commemoramus, atque ignorantiam, id nos minime velle, literis qui tinctus fuerit, probabiliterque dicere potuerit, aut scribere, fuisse prorsus neminem. Habuit omnino literatos homines Gallia, ac ejusmodi auctores operum, quæ ætatem tulisse, merito letamur. Capellani, Castrenses pariter ac Palatini, a literarum studiis nequaquam relictæ sub *Lothario II*, ejusque successoribus, instituendæ juventuti, nobili genere natæ, regia autoritate operam impendebant. Neque diffitendum est, prodiisse ex illarum scholis plures, amplissimis, succedente tempore, muneribus admotos. Scholas, quas Episcopales dicunt, permultas, easdemque admodum florentes, mireris. Ut enim taceamus Pictavienses, celebratæ sunt scholæ, Parisiis, Castri, Cenemani, Biturice, Claromonte Arvernorum, Viennæ, Lugduni, Cabilloni, Vapinci, Ultrajecti, Trajecti ad Mosam, Treviris, Metis, alibi, institutæ. Nec minore gloria feruntur monasticæ, optimis quæ continebantur institutis, Luxuvienfis in tractu Vefontino, Fontenellana, Jumiegenfis, Sithuensis, Almontina, Verejenfis, Vicentina *Laoduni*, *Medardiana* Sueffione, Trecensis, Antiffiodorensis, Remiremontana, plures aliæ, quas nominatim percernere non attinet. Neque ea monasteria, quæ sequiori patebant sexui, studiis literarum conservandis operam denegabant suam. Quantum porro in illas emolumenti profectum sit ex eo, quod cum Britannicis insulis societatem veluti studiorum inierit Gallia, tantaque earum fuerit copula, ut ultro citroque viri propagandæ eruditioni pares iter fecerint, atque inter se communicarint, quicquid modo ad eam facere arbitrabantur, id quidem res ipsa loquitur. Id certum est exploratumque, Britannos Gallis plurimum hac in parte debere. At enim & hoc dubio caret, historiarumque monumentis consecratum est, ex hisce scholis homines existisse eruditione, sanctimonia, ardoreque in debellandis gentiliū superstitionibus, maximopere conspicuos; quorum opera ultimæ partes Galliæ incorruptæ sanctioris disciplinæ, mox, ita, uti fieri solet, literarum, lucē collustratæ fuerunt. In tanto autem eruditorum hominum numero perpauci scriptis inclaruerunt, quan-

quanquam negari nequit, quasdam Sanctorum vitas epistolasque nonnullas si exceperis, plurima deperdita esse. Ceterum, ut & hoc attingamus, Poësis hoc Seculo inficeta, ac fere nulla, fuit, si paucitatem eorum spectes, qui hac in parte quidquam lectu dignum excuderint. Disciplinas tradendi ratio eadem, quæ superiori, idem rerum mirabilium amor, eloquentia ampullis calamistrisque fœda, in epistolis mira titulorum profusio. Hæc fere imago literarum, generatim adumbrata ab Historiæ hujus conditoribus. Percenseamus nunc nomina literatorum, virorumque illustrium, de quorum vita, rebus gestis, scriptisque, commentantur, ac, quæ forte Concilia fuerint hoc tempore celebrata, commemoremus. Sequuntur nempe *Dynamius*, Patricius; *Fortunatus*, Pictaviensis; *Baldonivia*, monialis Pictaviensis; *S. Ahacarius*, Episcopus Antissiodorensis; *Fauslus*, monachus Glandifoliensis; congregatum Parisiense Concilium VI; *S. Columbanus*, primus Luxaviensis Episcopus; *Warnaharius*, Clericus Lingonensis; *Ceraunius*, Episcopus Parisiensis; *Bertehranus*, Cenomanensis; *S. Protadius*, Vefontinus; *Eustasius*, Luxaviensis; *Auremondus*, Abbas; *Sonnacius*, Episcopus Rhemensis; *Lotharius II*, Rex; *Anonymus*, Monachus Mermotenenensis; *S. Florens*, Presbyter ecclesiæ Trium-Castrorum; *Dagobertus I*, Rex; *S. Sulpicius Pius*, Episcopus Bituricensis; *S. Gallus*, Abbas; *Marculphus*; *S. Donatus*, Episcopus Vefontinus; *Magnobadus*, Episcopus Antverpinus; *S. Didierus*, Calahorritanus; *S. Livinus*, Brabantiae Apostolus; *Fredegarius*, Historicus; *S. Elo I*, Episcopus Noviodunensis; *Raimbertus*, Abbas Leuconensis; *Jonas*, Abbas Elnonensis; *S. Praejectus*, Episcopus Claromontii; *Leodegarius*, Episcopus Augustodunensis; *S. Arbogastus*, Argentoratensis, & *Ternacius*, Vefontinus Episcopus; *S. Orenus* & *S. Ansbertus*, Rothomagenses Episcopi; *S. Claudius*, Vefontinus; *Arculphus*, Episcopus; *Evancius*, Abbas Troclariensis; *Defensor*, Monachus Ligugensis.

CORPUS JURIS GERMANICI ANTIQUI, QUO continentur Leges Francorum Salicæ & Ripuariorum, Alamannorum, Bajuvariorum, Burgundionum, Frisionum,

*sionum, Angliorum & Werinorum, Saxonum, Lango-
bardorum, Wisigothorum, Ostgothorum, nec non Capi-
tularia Regum Francorum, una cum libris Capitularium,
ab ANSEGISO, Abbate, & BENEDICTO LEVITA
collectis. Opus in gratiam Juris Germanici studiosorum
post Clariss. Virorum, BAS. JO. HEROLDI, FRIDER.
LINDENBROGII, STEPH. BALUZII, JO. GEORG.
ECCARDI, LUD. ANT. MURATORII, aliorum-
que, præstantissimos labores diligentius recognitum, va-
riantibus lectionibus, & Indice uberrimo tam rerum,
quam verborum, instructum. Consilio JO. GOTTL.
HEINECCII, Juri, Pot. Pruss. Regi a Consil. Sanct. &
Jur. ac Philos. in illustri Frideric. Prof. Publ. Ord.
cujus & Præfatio præmissa est, adornavit PE-
TRUS GEORGISCH, J. U. D.*

Halæ Magdeburgicæ; impensis Orphanotropei, 1738, 4 maj.

Alph. 6 plag. 22.

Tandem aliquando recedit caligo, quæ Germanorum oculis satis diu offusa fuerat, &, quod præterito adhuc Seculo incultum fere neglectumque jacebat patrii Juris studium, tam feliciter nunc florescit, ut non possit non gaudere respublica literaria, civibusque nostris subsidia ex animo gratulari, quæ in nobilissima hac & utilissima Juris parte, indefessis doctorum virorum laboribus, nanciscuntur. Vidimus huc usque integra Juris Germanici Compendia, summo cum applausu ab eruditis excepta; vidimus peculiare Commentationes, unam tantummodo alteramve doctrinam illustrantes; at paucissimi in manibus habuerunt ipsas leges antiquæ Germaniæ, ex quibus, tanquam rivulis, defluxit, quicquid hujus Juris doctores tradiderunt. Laudem igitur meretur amplissimam Consultiss. Editor, quod Ill. Heineccii, nunc eheu! magno bonarum literarum detrimento vita hac defuncti, consilio locum relinquere, & hoc *Juris Germanici Corpus*, accurate & eleganter typis impressum, in lucem conspectumque publicum protulerit. Exornat autem
miri-

mirifice hoc Opus Celeb. *Heineccii* Præfatio, eodem æstima-
da pretio, quo ceteræ omnes, quas Vir summus aliorum
scriptis præmisit. Initio statim graviter dolet, Germanos
nostros, neglecto veterum Romanorum exemplo, in conser-
vandis & ab interitu vindicandis legibus suis nullam olim
adhibuisse diligentiam. Sorduit plerisque, quicquid est
Germanicum, quodque jam pridem *Juvenalis* risit in Roma-
norum mulieribus, quibus nihil elegans fatisque urbanum vi-
debatur, nisi quod Græcum aliquid redoleret, illud summo
quoque jure non de solis Germaniæ scæminis, sed de ipsis
viris, dicendum est, qui externa semper in deliciis habuerunt,
sua e contrario alto spreverunt supercilio. Nemo ergo mira-
ri debet, eorum etiam leges, quas olim, *Grotio* testè, univer-
sa propemodum Europa adoptaverat, apud posteros, recepto
semel jure peregrino, ita evulsiisse, ut eas facerent nihili, & in
angulos sordidissimos projicere non dubitarent. Notum abun-
de est, quam parum laudati fuerint egregii conatus *Amerba-
chii*, *Heroldi*, *Sichardi*, *Lindenbrogii*, virorum æneis statuis
dignissimorum. Imo, quod incredibile nonnullis videri posset,
tam infaustam sortem expertum est *Heroldi Originum & Antiqui-
tatum Germanicarum* volumen, ut Censores Romani omnes in
universam libros Autoris istius, quem ipsi ridiculo errore *He-
rold* vocant, in prohibitorum numerum retulerint. Quam pro-
fecto notam innoxium saltem illud Opus nullò alio mereri po-
tuit crimine, quam quod Romani Juris luminibus officere vi-
deretur. Nec benigniora fata polliceri sibi poterat vir exi-
mius, *Frid. Lindenbrogius*, dum nactus veterum Germanica-
rum legum Codicem, adhuc hodie in Bibliotheca Joannea Ham-
burgi obvium, novam jurium Germanicorum collectionem, una
cum Formularum veterum fasciculo, lectionibus variantibus, &
erudito Glossario, A. 1613 typis nitidissimis in lucem ederet. Et
fane ea, quæ acciderunt deinceps, suis verbis in Præfatione ce-
cinit ut vates. Pauci enim præstantissimo huic Opèri justum
statuerunt pretium; pauciores usum ejus perspexerunt; pau-
cissimi vero comprehensas illo leges studio quodam dignas ju-
dicarunt. Non sine nota dimissus fuit *Schilterus*, qui nimias,
quorundam opinione, laudes huic *Lindenbrogii* volumini tribue-
rat.

rat. Alii ne nomen quidem Germanici Juris ferre potuerunt, quod Ill. *Heineccius* exemplo *Taboris*, non contemnendi JCTi, comprobat, quippe qui *Hermannum Conringium*, edito incomparabili *de Origine Juris Germanici* Opusculo, in quo obiter tantum de usu Jurisprudentiæ patriæ forensi quædam monuerat, non solum scurrilibus excepit conviciis, sed & de eo impudentissime scribere non erubuit, *id Conringium potissimum dare operam, ut, omissa Juris Justiniani & Imperatorii relictione, in superiorum Seculorum barbariem, ab omnibus damnatam, homines relabantur.* Sed alia longe animo sedet sententia nostræ ætatis JCTis, qui grandi satis ære redimunt, quæ in tenebris olim delitescabant, Juris Germanici opera. Hæc procerum quasi loco disseruit præstantissimus *Heineccius*; in sequentibus de *Lege Salica*, qua Germania non habet antiquiorem, elegantissime commentatur. Constituerat quidem de ipsis, quæ hoc Opere continentur, legibus non vulgaria quædam in medium proferre; at intercessit difficilis morbus, qui eo tempore, quo scribenda fuit isthæc Præfatio, omnem fere ingenii aciem obtulerat. Quod ad originem attinet *Salicæ Legis*, ea quidem ad certum annum referri nequit propter Historicorum silentium; nihilo tamen minus & vere Germanica est, & antiquitate reliquis omnibus longe superior. Quæ ut rectius intelligantur, sciendum est, varias fuisse gentis Francorum tribus, quarum unaquæque sua initio libertate gaudebat, suo regebatur arbitrio. Eo solum casu vires conjungere solebant Franci, si communis hostis periculum minaretur. Hinc aliquando ducem, qui toti præesset exercitui, & virtute polleret, eligebant, quem scriptores Romani, ignari istius moris, plerumque, sed perperam, Regis nomine insigniverunt. Successu tamen temporis tot tribus diversæ in duos majores populos coaluerunt, & qui superiori Rheno ac Thuringiæ erant propiores, sive a Sala Franconica, sive aliunde, *Salii*; qui partim inferiorem accolabant Rhenum, partim Rhenum inter & Mosam sedem fixerant, a ripa Rheni *Ripuarii*,

VOCA-

vocabantur. Quando *Lex Salica* primum lata sit, ex ipso, quod in *Heroldi* editione obvium est, procemio patet, quod ut genuinum judicemus, tum Codicis Fuldensis vetustas persuadet, tum locus Autoris *de gestis Francorum* confirmat, qui circa annum 720 hujus legis originem ex eo ipso procemio depromsit. In eo vero procemio primum legimus, gentem Francorum hanc promulgasse legem, *dum adhuc teneretur barbarie*. Qua loquendi formula eorum temporum scriptores ad nihil aliud respiciunt, quam ad religionem paganam. Perspicuis hoc verbis *Childeberti*, Francorum Regis, illustratur, qui scribit: *De Chrenecruda lex, quam paganorum tempore observabant, deinceps nunquam valeat, &c.* Cum ergo *Chlodoveus* A. 496, die Christi natali, sacro baptismi fonte fuerit initiatus; consequens est, ut *Lex Salica* saltem ante hoc tempus exstiterit. Quomodo enim alias emendare, post susceptum baptismum, illam potuisset *Chlodoveus*? Porro ex eodem procemio discimus, Francos Salios eo tempore, quo de condenda hac lege cogitarunt, nondum sub ullius Regis vixisse imperio. Cum igitur constet, primum apud hanc gentem *Pharamundum* A. 421 regiam dignitatem familiæ suæ intulisse; non possumus non exinde conjicere, non modo *Chlodoveo*, sed & ipso *Pharamundo*, antiquiorem, ac sine dubio circa initium Seculi V perlatam esse *Legem Salicam*. De pagis illis, quorum mentio facta in sæpe adducto procemio, plura notatu digna disseruit Ill. *Heineccius*, recessitque a *Leibnitio* pariter & *Eccardo*, quorum alter pagos *Windogheve* & *Wisogheve* ad *Visurgim*, alter ad *Unstrutum* & *Werram*, quærendos esse putavit. Novam profert conjecturam, pagos istos pagi majoris Nordgaviensis partes fuisse. Ibi enim urbes imperiales *Weisenburgum* & *Winsbemiū* pagorum, in quibus sitæ olim fuerunt, nomina videntur servare, & aliunde constat, majorem illum pagum plures alios minores, quorum non omnium superest memoria, suo ambitu esse complexum. Sub finem primæ partis hujus scripti, in quo *de origine Legis Salicæ* disputatum, quæstionis illius mentionem injicit Celeb. Autor, *Germanicane, an Latina, lingua usi sint Salii in condenda hac Lege*. Quanquam ea res ita sit comparata, ut ad liquidum perducere

non possit, non dubitat tamen existimare, Latina lingua eam fuisse compositam, quia Germanica eo tempore nondum ita fuerat exulta, ut scribi posset: & Latinae linguae ignaros haud fuisse *Salios*, jam ab aliis est observatum. Et quid, quæsumus, opus fuisset Glossis Malbergicis Germanicis, si præter Latinum authenticus extitisset textus Germanicus? Glossas saltem has esse textus Germanici reliquias, uti *Wachteri* est sententia, nemo sibi facile persuaderi patietur. Ipsa autem *Lex Salica* hodie non sincera, sed interpolata passim, variisque laciniis a Regibus Francorum aucta, superest, quod ex eodem proœmio conspicitur. Altera hujus Præfationis pars agit de usu atque auctoritate *Salicæ Legis*. Ea sane non in Francia tantum & Italia, verum etiam in ipsa Germania, diutissime legis vigorem servavit, restantibus omnium, quæ subsecuta fuerunt, temporum annalibus. Toto illo tempore, ab imperio *Chlodovei* usque ad *Chlotarii*, filii, obitum, Francos *Salios* non alia norma in finiendis litibus, quam *Lege Salica*, usos esse, ex prioribus constat. Nec postea in defuetudinem abiisse hanc legem, vel ex eo perspicui facile potest, quod *Chlotarii* nepotes, *Chlotarius II* & *Childebertus II*, quorum ille A. 628, hic A. 596, fatis concessit, inter se A. 593 pacti sunt, ut fuita servorum ex *Lege Salica* coacerentur. Antiquissimus scriptor, *Marculphus*, qui Seculo VII probabiliter floruit, formulas suas non raro ad *Legis Salicæ* normam componit, ex quo non inepte colligitur, ejus usum tunc in foris præcipue frequentem fuisse. Seculo VIII & IX *Carolus M.* non emendavit modo isthanc legem, sed & nova quædam capita adjecit. Multo plura eidem Legi hoc nōno Seculo addiderunt *Ludovicus Pius* & *Carolus Calvus*. Seculo X *Uberrus*, Tusciæ Marchio, se vivere profiteretur *lege Salica*. De Seculo infrequenti luculentissimum extat testimonium *Car. Sigonii*, eorum temporum consuetudinem tulisse, ut omnes ederent, qua lege vivere vellent, Romana, Langobardica, an *Salica*, &c. Nec eam Legem non fuisse observatam Seculo XII & XIII, *Otto Frisingensis*, scriptor æquævus, & *Steph. Baluzius* confirmant. Quid? quod exemplis ostendere potuisset Ampliss. Autor, quasdam hujus *Salicæ Legis* Constitutiones, cœu consuetudines, adhuc nostra

nostra ætate in ipsis Germaniæ foris vigere, si valetudo Viro elegantissimo hoc permisisset.

DE LA MEILLEURE MANIERE DE MESURER SUR
mer le chemin d'un vaisseau &c.

id est,

DE OPTIMA RATIONE DIMETIENDI ITI-
neris, a navi confecti, absque ope observationum Astro-
nomicarum, Schediasma, quod præmium consecutum est,
ab Academiâ Scientiarum Regia propositum, ad annum
1733; Autore Marchione POLENI.

Parisiis, ex Typographia Regia, 1734, 4 maj.

Plag. 5, Tabb. æn. 2.

Celeberrimus Autor, postquam utilitatem & difficultatem pro-
positæ quæstionis breviter declaravit, ipsam tractationem
dividit in partes tres. In una de machinis nonnullis agit, aquæ
cursu, aut venti vi, agitatæ, quas varii Autores ad investiganda
navium itinera adhibuerunt. Nec solum harum constructio-
nem machinarum, sed etiam, quid earum utilitati impedimento
sit, succincte exponit, tandemque & novam machinam, cujus
ope vires venti accuratius æstimari queant, & tabulam, pro
singulis Quadrantis gradibus, vim venti respectivam & absolu-
tam ostendentem, conficere docet. Machina est hujusmodi:
Fiat diametro OI , $2\frac{1}{2}$ pedum circiter, semiannulus ferreus TAB. VI
 ILO , satis crassus, & qui tribus robustis ferreis pedibus Xu , Fig. 1.
 Zc , Yr , (qui etiam cochleis firmari possunt in c , r , u .) sustineat-
tur. Posticus autem per Xu ita inflexus ad posteriores partes
intelligatur, ut Tabellæ, paullo infra describendæ, motui ob-
sistere nequeat. Secundum vero ipsius semiannuli diametrum
posita sit virga ferrea mn , innixa prope suas extremitates (quæ
duo veluti cardines sunt) intra duas crenas, in superiore semian-
nuli parte incisæ, ut intra hæc liberrime converti possit, non
secus ac statera axis. Cum virga autem hac, ope quatuor lamina-
rum, t , t , firmiter copulata sit metallica tabella $QHMN$, cujus fa-
cies

M m m

cies

cies quadratæ figuræ sint, latus autem quadrati duos pedes adæquet. Porro tabella hæc, cum a sola sua gravitate urgebitur, ad finitorem perpendicularis semper erit; at, si a vi venti impelletur variè, variè etiã inclinabitur, & quasi rotabitur circa ferreæ virgæ cardines. Ex medio autem D ipsius virgæ mn assurgat index metallicus DF , cujus margo in rectam lineam DF designat; hæcque linea ita sit directæ, ut, si produceretur usque in g , transiret per mediam crassitiem, & per centrum gravitatis tabellæ C . Supra vero semiannulum ipsum existat semicirculus $BGAFP$, in cujus faciem sint gradus incisi, hæcque facies sit ad finitorem perpendicularis, atque positione sua a centro in D ita constituta, ut gradus inclinationis tabellæ ab indice DF hac in facie commonstrentur. Hæc machina super extimam puppis partem, ubi ventus liber omnino sit, ita in ventum obvertatur, ut is recta in tabellam incurrat. Quo factò, tabella urgebitur a vento & inclinabitur. Quare index DF indicabit angulum ADF inclinationis a linea perpendiculari AD , quæ usque ad S producta sit. Ponendo autem, (ut usu venit,) venti directionem esse ad finitorem quasi parallelum, si fingamus, a vi aliqua R , ope funiculi EC , applicata ad tabellæ centrum gravitatis C , detineri tabellam in eadem positione, in qua etiã a vento detineretur, erit vis, hoc est, pondus, tabellæ, quod dicatur K , ad vim R ; ut sinus anguli $FCE =$ sinui anguli $FDP =$ sinui complementi anguli ADF , ad sinum anguli $FCG =$ ang. ADF . Sed, cum quærat vis venti impingentis in vela, ponantur autem hæc tum constantis magnitudinis, tum perpendicularia ad finitorem, quærenda nunc est vis, quam ventus exereret in tabellam ad perpendicularum constitutam. Quoniam igitur, ubi tabella inclinata est sub angulo ADF , ventus in eam oblique impingit, & obliquitatis mensura est angulus FDP , idcirco erit vis venti absoluta (qua ageret in tabellam perpendiculararem) ad vim respectivam, (qua aget in tabellam inclinatam,) ut sinus totus ad sinum anguli FDP . Præterea, quia (ductis, ab extremis punctis a & g , lineis gs normali ad As , & ae perpendiculari ad gs), mensura altitudinis tabellæ inclinatæ sumi debet juxta perpendiculararem ae , erit mensura tabellæ perpendicularis ad mensuram tabellæ

tabellæ inclinatæ ut ag ad ae ; et, si ag sumatur pro sinu toto, ut sinus totus ad sinum anguli $age =$ anguli FDP . Igitur vis venti in tabellam juxta perpendicularum constitutam, ad vim venti in tabellam obliquam impingentis, erit in ratione composita ex ratione sinus totius ad sinum anguli FDP , & iterum ex ratione sinus totius ad sinum anguli FDP , hoc est, ut quadratum sinus totius ad quadratum sinus anguli FDP . Diximus de una parte præsentis Dissertationis. Progredimur nunc ad alteram; in qua de natura directionis cursus navium, & de hujusce cognitionis usu in mensuræ propositæ investigatione, doctissimus Autor disquirît. Et primo quidem postulat, ut liceat (dum agitur de navium motu) datas vires corporis, percussione agentis, exprimere, adhibitis viribus gravitatis. Deinde hæc potissimum Problemata solvit: dato corporis alicujus impetu, huic vim gravitatis æquivalentem invenire; data velocitate aquæ, impingentis ad perpendicularum in datam superficiem, invenire vim gravitatis, æquivalentem impetui, quo aqua in illam agit superficiem; si datum solidum parallelepipedum, quod secundum directionem sui axis moveretur, dato impetu absoluto, dataque velocitate absoluta, moveatur directione eadem per aquam, singaturque illud in aquam agere sola sua basi, oportet ejusdem velocitatem residuam invenire; si navis data velocitate per aquam moveatur secundum lineæ positione datæ directionem, invenire oportet directionem & rationem ejus impressionis, a qua particula zonæ navis ejusdem urgetur data illa velocitate, dataque illa directione. Sequuntur de navium figura variæ propositiones. Ac postremo agitur de principiis hætenus constitutis, aptandis ad constructionem tabularum, ex quibus itineris navi confecti haberi possit æstimatio. Restat Dissertationis pars tertia; in qua de tutoribus artificijs, ad mensuram itineris navi confecti investigandam, verba facit Illustris Autor. Atque hic primo de navis itinere, funiculi ope æstimando, ut fert Anglica praxis; de praxis hujus incommodis, quæ partim ab altitudine puppis, & curvatura funiculi, oriuntur, partim ab irregularibus motibus, funiculo, & huic annexo ligno, (quod ad figuram naviculæ formari, & inserto gravari plumbo, solet,) impressis;

& de incommodis illis, partim minuendis, partim tollendis, agit. Deinde novum artificium, pro navium velocitate æstima-
 TAB. VI manda, proponit, quod est hujusmodi: GZ est columella parallelepipedæ figuræ, satis crassa atque solida, desinens
 Fig. 2. in partem ZY cylindraceam. MNO est lignea basis, quæ quatuor cochleis, per imum scapum NDO trajectis, firmissime connecti debet cum tabulato in ea navis parte, in qua machina adhibebitur. Ideo autem columellæ pars ZY , quæ in hanc basis inferitur, teres facta est, ut, ope anasarum K & L , ipsa columella torqueri possit in gyrum. CBE est regula metallica, circa axem insertum in columellam ad B perfecte volubilis, instructa semicirculo ESN , cujus limbo insculpti gradus. Ad extremum autem C regulæ ejusdem, quod in ampliorem figuram extenditur, superpositum intelligatur haud exiguum pondus. Semicirculi diameter, & margo em portionis regulæ, congruant cum una eademque linea recta, in qua etiam sunt centrum B circumvolutionis regulæ, & centrum a semicirculi. AFB est circuli quadrans, cujus centrum in B , & cujus superficies in eodem plano est cum columellæ facie GZ , & cujus sunt in limbo signati gradus; ac est funiculus, hujusque una extremitas centro a semicirculi ESN firmiter (ut ita dicamus) infixa est; altera vero extremitas connexa est cum globo Q . Quod vero attinet ad harum partium mensuras, pars BE duorum pedum, pars BC trium pedum & amplius, diameter globi Q unius pedis, esse possent, & reliquæ partes (præter funiculum) partibus figuræ possent proportionem respondere. Sed plurimum in hujusmodi determinatione tribuendum erit experientiæ. Firmetur nunc, cochlearum ope, machina in navis situ, ex quo globus Q projecti in mare faciliter possit; quo autem humilior erit situs, hoc est, quo centri a altitudo supra summam superficiem maris minor erit, eo aptius ad usum machina erit collocata. Poni itaque posset e regione alicujus ex iis humilioribus fenestris, quæ bellicis tormentis excipiendis inserviunt. Ea constabilia, projiciatur in mare globus Q ; atque tanta sit funiculi longitudo, ut ejus pars ad superficiem maris accommodetur, & trahi globus commode possit. Columella autem circumvolvatur, usque dum
 funis

funis parum distet a semicirculi limbo. Dum machina, una cum navi, progreditur, trahetur globus Q , cui resistet aquæ columnæ $RTXV$, basin habens æqualem maximo globi circulo. Tantaque erit velocitas navis, quanta velocitas globi, & quanta etiam (si nihil extrinsecus accedat) velocitas aquæ globo resistentis. Itaque, si ope machinæ cognosci poterit velocitas aquæ, cognoscetur etiam navis velocitas. Patet autem, fieri oportere, ut ab aquæ resistentia contra globum trahatur funiculus, & ab hoc regula CE , quæ accommodabitur ad eum angulum, ut æquilibrium fiat inter vim aquæ resistentis, & pondus extremi regulæ C , cujus regulæ, demto pondere C , partes supra & infra B , Cel. Autor æqualium momentorum esse vult. At, ubi fiet æquilibrium, pondus C ad resistentiam aquæ, hoc est, ad actionem globi Q , ita se habebit, ut linea perpendicularis BI ad perpendicularem BP , quarum linearum ratio, ex datis, in triangulis rectangulis ABI , CBP , angulis & hypotenusis, facile cognosci potest. Modo ex iis, quæ supra dicta sunt, ostendere licet, vires aquæ resistentis futuras esse in duplicata velocitatum ratione. Ergo, ubi ex noto pondere C notæ fient vires aquæ resistentis, nota etiam fiet ratio inter velocitates, quæ erunt in subduplicata ratione virium earundem. Si igitur nonnullæ vires, & iisdem respondentes velocitates, ab experimentis notæ fiant, reliquæ etiam velocitates ex observationibus atque ex analogia cognoscuntur. Quin facili ratione construendæ essent ad plurium angulorum combinationes Tabulæ, quæ in actione ipsa pro simplicis usus commoditate haud exiguum momentum haberent.

VIRIUM, QUÆ TERREIS REMEDIIS GRATIS hæcenus adscriptæ sunt, examen rigorosius, quo simul multarum traditionum practicarum mythologia & vanitas dilucide declaratur, atque ad rationalem magis pharmacorum electionem, variorumque morborum sanationem, præeuntibus recentissimis artis principiis,

*via ostenditur, Autore BALTHASARE LUDOVICO
TRALLES, Medico Vratislaviensi.*

Vratislaviæ & Lipsiæ, apud Michaellem Hubertum, 1740, 4.
Alph. 3.

Herculeo prorsus conatu Cl. Autor materiam medicam velut Augiæ stabalum a sordibus suis repurgare, & exterminatis tot pulvisculis inertibus, numerum remediorum insigniter diminueret, aggreditur, quem alias commendato frequentiori Camphoræ, venæsectionisque jugularis, usu, non sine laude auxit, sicut ipse reliquis etiam libellis suis eos, qui rationalem & doctam Medicinam amant, non mediocriter sibi obstrinxit. Haud immerito enim is cum tot aliis cordatis viris queritur, Medicinam immensa insulforum atque futilium medicamentorum mole laborare adhuc, & ob hanc ipsam causam non exiguum splendoris sui ac decoris capere detrimentum, cui quippe paucorum, sed probatorum, accurato & prudenti usu magis consultum foret. Movit itaque rei indignitas, & conjunctum cum ea valetudinis humanæ damnum, Cl. Autorem, ut aliquam ejusmodi remediorum inutilium classem, quorum creber usus ne nostra quidem hac ætate desit, ad examen curatius acriusve revocare institueret. Quam suam provinciam tam egregie obiit, ut toto hoc libro acumen judicii, exquisita doctrina, ingenuus bene de re medica merendi animus, candor, veritatis amor, ab omni partium studio quam maxime alienus, aliæque dotes, exsplendescant. Scapham enim, ut ajunt, scapham cognominat, a compluribus celeberrimis superiorum temporum atque nostræ ætatis Medicis, modeste tamen, dissentit, interdum vero & durius vitia praxeos, quam vocant, hodiernæ reprehendit, multaque *παράδοξα*, & a communibus Medicorum placitis perquam remota, tuetur, ut, ipsum male apud non paucos exinde auditurum esse, & in jus hæreseos medicæ vocatum iri, non temere credamus. Alia erit prudentiorum sententia, qui Autoris curas & castigationes in rem suam convertent. Horum causa id tantum dolemus, quod, cum Noster sæpenumero *clariores* vel morborum, vel virtutum, quæ in remediis ad præstandas opera-

operationes quasdam necessario requiruntur, ideam docto copiosoque sermone tradiderit, sine quibus, præmissis, accurateque comprobatis, inertiam medicamentorum terrestrium demonstratu esse difficilem recte existimavit, ea omnia, quanquam præstantissimæ doctrinæ & bonæ frugis plenissima esse videmus, nisi limites nobis positi sint excedendi, ne breviter quidem stricimque reperti a nobis queant. Quoniam vero dignus hic liber nobis videtur, cujus non brevis tantum summa, sed totum quoque volumen, ab intelligentibus harum rerum hominibus diligenter perlegatur, nobis nunc satis erit, præcipua ejus capita more nostro brevissimis significare. Exstat in fronte libri Dissertatio de frequenti fatuorum remediorum in praxi quotidiana usu, ejusque causis potioribus, qua hoc argumentum Autor scite deduxit. Ineptissimis quippe remediis ob antiquas traditiones eximia sæpius in medendo vires tribuuntur. Quade re præ ceteris, etiam testantur compositiones officinales, maximam partem absurdæ, quibus omnia, etiam recentissima, dispensatoria adhuc abundant. Sicut vero lis illa, præstentne simplicia compositis, chemica Galenicis, an vero vicissim hæc illis, nullius usus est; ita futilitas quorundam remediorum, adhuc receptorum, tribus evincitur speciminibus, exemplo scilicet hepatis anguillæ, aquarum stillatitiarum officinalium plerarumque, & specifici cephalici, tum olim a *Michaelæ* confecti, tum ab aliis correcti. Et, cum hujus præcipua virtus Cinnabari in acceptis feratur, ejus quoque virtutem in corpore humano nullam esse ostenditur. Si qua enim esset, soli deberetur Mercurio, qui tamen non agit in corpus, nisi in subtiles moleculas solutus divisusque, & quando ipsi acidi quidquam adhærescit, quod tamen utrumque in æthiope & cinnabari non observatur, neque effectus, ut ab usu mercurialium, in corpore animadvertuntur, cum æthiops & cinnabaris nostris humoribus solvi haud queat, unde nec salivationem excitant, quæcunque dosi porrigantur, & quæcunque ratione præparentur. Quocirca Noster laudes cinnabaris inanes, & perfrigia, in quibus sibi aliquid præsidii ad explicandas operationes nonnulli invenire videntur, misera esse contendit. Ad causas vero, quare tam frequenter remedia in-

ertia.

§. 1.

2.

3.

4.

5.

6.

7.

8.

9.

10.

11.

12.

13.

14.

- §. 15. ertia in usum veniant, pertinent medicastro-
rum, & eorum, qui novas medicinas jactitant, impudentia, no-
16. 17. vitas & tituli remediorum, Chemiæ abusus & amor nimius, usus
18. 19. tyrannis, observationum & experientiæ inanis allegatio, theo-
20. riæ morborum mechanicæ neglectus, operationis remediorum
21. mechanicæ ignorantia. Nunc ad ipsum librum procedamus.

Cap. I. Terreorum medicamentorum nomine Cl. Autor complectitur
ea omnia, quæ formam pulverum præ se ferunt, aut in eum
facile rediguntur, simulque odore & sapore manifesto destitu-
untur, nullis menstruis, nec aqueis, nec oleosis, nec spirituosis,
obediunt, imo in ipso igne fixa perstant. Variis hæc pharmo-
copœorum artibus mutantur, & nunc simpliciter confusione ac
tritū tractantur, nunc in veram calcem vivam calcinatione con-
vertuntur, nunc philosophica, nunc corrosiva, calcinatione exer-
centur, nunc arcanis modis præparantur, nunc succo citri sine
fructu saturantur, ex quibus alii alia, ut plurimum sine ratione,
II. commendare solent. Quamvis vero ad nauseam usque ea lau-
dentur hodie, & crebriorem in usum veniant, id tamen fit sine
causa, quoniam tantum abest, ut aliquem insignem fructum
III. præstent, ut aliquando abusu insigne damnum afferant. Quod
ad primam crebri hujus usus originem attinet, illa a Patholo-
gia acida, quondam adeo adamata & exculta, repetitur, unde &
præcipui remediorum istorum fautores *Helmontius, Tachenius,*
Sylvius, Bontekoe, Gebema, Blancardus, Waldschmidtus, Cra-
IV. *nenius, Ettmüllerus, Langius, & Teichmeyerus,* fuerunt. Quando-
quidem vero Pathologia illa acida dudum tum ab aliis viris do-
ctissimis, tum ab *Hoffmanno, Bergero, Pitcarnio, Barbaave-*
nio, Baglivio, Valisnerio, fuit confutata; facile apparet, neuti-
quam his terreis & absorbentibus remediis tam amplum in praxi
relictum esse locum, quæcunque etiam ratiunculæ adducantur.
V. Id quidem certum est, ea ad acidum, in primis viis præsens, de-
struendum esse quam maxime accommodata, atque hinc adver-
sus varios morbos valere, maxime apud infantes, modo vera
absorbentia, atque ex ingenti farragine selecta, in usum veniant,
nec in morbis infantum, quibus absorbentia potissimum conve-
niant, negligantur, ineptis aliis medicinis, ut mos fert praxeos,

in illorum locum substitutis. Quam ob causam illorum usus in morbis infantilibus, a viris gravissimis tantopere inculcatus, hic graviter vindicatur. Ceterum vix probabile est, terrea solvi in ventriculo, & soluta ultra primas vias ad sanguinem ferri, id quod ipsi fautores terreorum intellectu difficile esse concedunt, licet usum illorum, qui sine transitu in sanguinem sæpe vanus est, fabellis quibusdam incrustare, nihilo minus annitantur. Communi fere consensu terrea diaphoreticis adscribi solent, quamvis etiam subinde discordes sententiæ observentur, quod vel exemplo antimonii diaphoretici patet. Virtutem hanc diaphoreticam inde repetunt, quod vel acidum, sanguinem ligans, absorbeant, vel sale suo volatili penetrent, vel villos vasorum roborent, vel orgasmum temperent. Quorum omnium ut vanæ sunt opiniones, nulloque nixæ fundamento; ita illæ ipsæ virtutes, quæ a remediis, diaphoresin moturis, exspectantur, terreis his nullo modo insunt, quanquam ea interdum per accidens, ut ajunt, diaphoretica evadant. Pari etiam ratione inter diuretica referuntur, quod acidum mitigent, sed frustra, quod ii facile intelligent, qui dotes, in remedio diuretico vero requisitas, perspectas habent, quæ in terreis nemo unus inveniet; quamvis aliquando itidem per accidens urinam aliquantum moveant. Perperam quoque ipsis virtus antispasmodica, vel ob gelatinosas particulas, terreis irretitas, vel ob sal volatile, ipsis insitum, tribuuntur. Ex theoria enim spasmodorum facile deducitur, quid agere debeat remedium, adversus istos profuturum, quod omne a familia terreorum, nominatim quoque pulv. Marchion. Antepileptico novo, & succino præparato, incassum exspectes. Quanquam infinitus est remedium antepilepticorum terrestres indolis numerus; ex theoria tamen convulsionum atque epilepsiæ satis liquet, utriusque medicationem per ejus generis remedia inertem & fatuam esse, ineptisque & inanibus causis niti. Parum vel nihil valent vires eorum tonica roborantes & constringentes, quæ hinc præposere etiam adversus dysenteriam, abortum, fluorem album, & gonorrhœam, prædicantur. Mirum in modum etiam nunc a nonnullis propter virtutem cardiacam efferrî solent, indeque

Cap. VI.

VII.

VIII.

IX.

X.

XL

- infinite propemodum medicamentorum compositorum hujus
furfuris numerus in officinis prostat. Si vera tamen virium &
debilitatis ratio eruitur, mox intelligitur insulsa harum lau-
dum vanitas, quæ lepidis hic se narratiunculis quam maxime
Cap. XII. tuetur. Quamvis inter antorgastica quoque & refrigerantia re-
ferantur terrea, id tamen non fit, quod ex natura caloris ge-
neratim, tum & sigillatim caloris in corpore humano, conse-
quatur, terrea iis esse viribus, quæ ad exstinguendum fervo-
rem corporis nimium requirantur, sed quod ex futilibus olim
XIV. rationibus huic remediorum classi fuerint adscripta. Neque
aliter se res habet cum hæmorrhagiis, quarum ingenium atque
medicatio vera terrea non admittit, sive ut pectoralia, sive
acrimoniam sanguinis corrigentia, sive antorgastica, sive in-
crassantia, sive adstringentia, adhibeantur, quod a Nostro hæ-
XV. mopteryseos exemplo præclare declaratum fuit. Veteres terrea
medicamenta adversus inflammationes, quod acidum corrige-
rent, recentiores autem, quod transpirationem moverent, col-
laudaverunt, ob quam etiam causam eorundem ad pleuritidem
usus adeo celebrari ab illis consuevit, quanquam ipsa inflam-
mationis indoles, recte evoluta, longe aliam medicationem re-
XVI. quirat. Varii generis terrea pro antinephriticis venduntur,
vel propter signaturam, vel propter vim diureticam, vel anti-
spasticam etiam, aut adstringentem. Quæ quam parum ob fi-
ctas has rationes valeant, ii satis intelligunt, qui veram calculi
theoriam perspectam tenent, atque ex hac, longe alia prophylaxi
XVII. & medicatione opus esse, concludunt. Pari etiam ratione,
quanquam creberrime terrea ad febres debellandas usurpantur,
id ob frustra excogitatas causas fit, ut scilicet vel acidum cor-
rigant, vel fermentationem motumque intestinum compescant,
vel diapnoen moveant, vel bilis acrimoniam & fervorem tem-
perent. Vera febrium cognitio alia longe remedia postulat.
Seorsim nonnullæ febres immerito biliosæ dicuntur, & febrium
æstusque febrilis causa minus recte a bile arcessitur, ipsæque
XVIII. febres ab iracundia natæ, febrisque ardens κατ' ἐξοχήν vulgo
biliosa dicta, neutiquam a bile proficiuntur. Ex anthema-
tibus febrium acutarum ordinariæ terrea destinantur, sed ine-
ptissime.

ptissime. Qui enim verum eorum ingenium, genuinasque causas, diligenter perquisiverunt, illi satis observarunt, longe aliud agendum esse in his morbis, quam quod ab ejusmodi medicamentis expectari queat. Varii autem Medicorum errores occurrere solent circa exanthematum causam, prognosin, & therapiam, quando in hac vel noxia remedia, vel nimis innoxia, adhibentur, vel vere congrua & accommodata, e. g. venæsectio, clysmata, nitrum, pro damnosis declarantur. Immensus Cap. XIX. terreorum numerus in febribus malignis, ut virtute sua bezoardica & alexipharmaca veneno harum febrium resistat, adhibetur, sed præter omnem rationem, sive causas aniles & fabulosas, sive qualitatem terreorum frigidam & siccam, sive acidum malignum, sive diaphoresin movendam, sive vim cardiacam, sive motum intestinum cohibendum, spectes. Longe alia postulat in his febribus venenum in aere contentum, acris, putridæ, & septicæ indolis, quando haustum vires prosternit, fibrillas nerveas irritat, adeoque stagnationes & inflammationes excitat, unde symptomata omnium malignarum proficiuntur. Quoniam igitur tunc ante omnia stimulum venenatum obtundere atque ejicere oportet, remedia alexipharmaca, eam ob causam usurpari solita, maxime nocere, terrea autem inutiliter dari, acida contra, & præcipue acetum, vere prodesse solent. Præterea vero effectus stimuli illius curentur, causæque, morbum generantes, avertantur. Agnoverunt hanc terreorum inertiam non pauci clarissimi Medici, adeoque ex illorum censu fere omnia, lapides bezoardicos, terras sigillatas, & bolar cornu cervinum, unicornu verum, marinum, & fossile, calces antimonialles omnes, rejecerunt. Quod vero generatim de exanthematicis valet, id sigillatim petechiis & purpuræ convenit, quibus frustra opponi pulveres terreos, earum indoles ac genius facile evincunt. Neque minus tum febrium intermittentium, tum catarrhorum, natura patitur, ut terrea hic aliquid laude dignum efficiant, quamvis eorum usum maxime pervulgatum esse constet. Ob vim acidum destruendi multi non exiguum auxilium in arthritide & rheumatismo a terreorum usu pollicentur, secus atque utriusque morbi ingenium permittit. Nec

XX.

XXI.

Cap. XXII. plures expectare licet in contusionibus ad sanguinis coagula dissolvenda, modo quis satis intellexerit, quibus remediis superandæ contusionum conditioni necessariis succurrere Medicus habeat. Ad extremum notat Cl. Autor & alios quosdam pulveres terreos inertes, ut osteocollam, pulveres ad strumas, cornu cervi ustum adversus vermes, pulveres ad lac generandum confectos, pulveres post animi affectus graviores dari solitos, magnesiæ albam, atque ita causam suam perorat. Ad quam oppugnandam si qui forte ex Medicis surrecturi, & nonnullorum remediorum virtutes crebra & accurata experientia cognitæ confirmatasque esse, quamvis earum operandi rationem nondum perfecte ingenium assequatur, causaturi essent, nos tamen eum ex tota hac tractatione fructum perceptum iri existimamus, ut maxima pars inutilium ejusmodi remediorum exturbetur merito, reliquorum vero amplæ & nimis laudes justis limitibus coerceantur.

PETRI ARTEDI, SUECI, MEDICI, ICHTHYologia, sive Opera omnia de Piscibus. Vindicavit, recognovit, coaptavit, & edidit, CAROLUS LINNÆUS, Med. Doct. & Acad. Imper. Nat. Cur.

Lugduni Batavorum, apud Conradum Wishoff, 1738, 8.

Alph. 1 plag. 11 $\frac{1}{2}$.

Quemadmodum Clarissimus *Linneus* propriis suis scriptis, Systemate scilicet naturæ, & Methodo plantas dividendi, orbem sibi obstrictum reddidit eruditum; ita non minorem eidem navavit operam, edendo amici sui, *Petri Artedi, Opera ichthyologica* posthuma, perfectiora in hoc argumento, quam antea ulla. Præmisit ipse Operi huic *Vitam Petri Artedi*, cujus potiora paucis delibabimus. Natus est ille naturæ mystes in Angermannia, Sueciæ provincia, ad templum *Anundsjö*, (utimur *Linnaei* verbis,) A. 1705 d. 22 Februarii. Patrem habuit *Olaum Artedum*, tum temporis ibidem verbi divini præconem, ac deinde Normalingensium pastorem. A teneris unguiculis puer, felici memoria & ingenio gaudens, ingenii

genii secutus impetum, Neptuni greges & Floræ delicias nosse cupiebat. A. 1716 in scholam Hernœsandensem ad bonarum artium mercaturum mittebatur, ubi assiduo studio in literas incumbens, horas succissivas in investigatione piscium & collectione florum consumebat. Destinatus a parente sanctioribus Theologiæ studiis, A. 1724 celebrem Sueciæ Academiæ Upsaliam adibat, sed captus Historiæ naturalis ac Alchemiæ dulcedine, medico se consecrabat studio. Erat statura proceriori, corpore macilento, crinibus longis ac nigris, facie *Joanni Rajo* (quantum ex icone ejus colligere licet) sat simili, animo humillimo, judicio firmo, antiqua virtute. In humanioribus literis & linguis Europæis erat exercitatissimus, in philosophicis doctus, in medicis solidus, in sermonibus blandus. Cum Cl. *Linneus* A. 1728 ex Academia Lundinensi in Upsaliensem concederet, cum hoc conterraneo suo amicitiam inibat integerrimam, & quanquam inter eos animorum quædam diversitas intercederet, ea tamen non obstante, sanctissimam uterque animorum conjunctionem servabant. Ambo varias excolebant in scientia naturali partes, donec alter alteri singulare quoddam in ea cederet pensum, studio singulari excolendum. *Linneus* scilicet *Artedo* committebat studium inquirendorum piscium & amphibiorum; hic vero illi avium & insectorum. In *Lithologia* autem & historia quadrupedum æquo sese exercebant labore. Discessuri tandem, & quidem *Linneus* in Lapponiam, *Artedus* in Angliam, uterque alterum per testamentum, si supremum alterutri diem obire contingeret, constituerebat hæredem omnium manuscriptorum & collectionum in historia naturali, post mortem alterius edendarum. *Artedus* A. 1734 Holmiam adibat, & acceptis ab affinibus suis sumtibus, ad iter, quod meditabatur, maxime necessariis, sub initium Septembris adscendebat navem, & discedebat Londinum Anglorum. Interea Cl. *Linneus*, visis Dalekarlia, Alpibus Norvegicis, Norvegia, inferiore Suecia, Dania, Germania, Lugdunum Batavorum in media ætate anni 1735 visitabat, ob interrupta commercia literarum, sæpiusque iteratam locorum variationem, plane ignarus, ubinam commoraretur *Artedus*; sed inopinato Lugduni videbat amicum *Artedum*, qui Londino

dino huc advenerat. Hic *Artedus* in Medicina Doctores honores meditatus est, sed, exhaustis fere, per factas in itinere expensas, sumptibus, suum ad patrios Lares reditum maturavit. Tum vero nova sese ipsi in Hollandia offerebat fors. Clarissimus senex, *Albertus Seba*, pharmacopæus Amstelædamensis, paulo ante Cl. *Linnaei* operam *Tomo III Theauri* sui rerum naturalium de Piscibus perficiendo postulaverat. Dum autem hic aliis implicitus negotiis erat, *Artedum Seba* commendabat, a quo Noster digna labore præmia expectare poterat. A. 1735 die 27 Septembris *Artedus* noster vocabatur ex hospitio suo, ut cum *Seba* cœnam sumeret, cumque domum tendens per tenebricosas minusque ipsi cognitatas plateas iret, infelici passu in fossam cadebat, & in elemento piscium, quorum vitam studio indefesso consideraverat, vitam finiebat, irreparabili rei ichthyologicæ damno! Vitam Auctoris sequitur ipsius Præfatio, in qua totius libri rationem reddit. Totus liber *quinque* absolvitur *Partibus*. *Pars I* exhibet *Bibliothecam ichthyologicam*, seu historiam literariam ichthyologicam, quam ideo toti tractationi præmisit, ut uno quasi intuitu præcipua Ichthyologiæ fata conspici queant. Recensuit in ea Auctorum, qui de piscibus scripserunt, libros; notavit eorum titulos, loca, & tempora editionum; commemoravit libros, capita, paginas, icones, stilum, & Autores, in quolibet scripto citatos. Addidit judicia, quid quivis Autor præstiterit, quali methodo & successu scripserit, & hanc partem secundum Secula disposuit, in quibus quisque Autor floruit. Reliquit autem hanc Bibliothecam imperfectam, additurus Auctorum vitas, nisi morte inopinata præventus fuisset. *Pars II* continet *Philosophiam ichthyologicam*, quam solam Autor absolutam reliquit. In hac absolvit fundamenta Ichthyologiæ, & theoriam characterum genericorum, differentiarum specificarum, varietatum & nominum, rationibus demonstrat, & exemplis comprobatur. Explicat

24 seq. omnes *piscium partes* externas & internas, easque secundum differentiam illarum in numero, figura, situ, proportionem, aliisque circumstantiis, ubi varias observationes, hæcenus ignotas, admiscuit. Pisces ipsos in *classes* vel *ordines* divisit, imprimis admo-

admonens, ejusmodi ordines debere esse naturales. Egit de *generibus piscium* naturalibus, & *characteribus generum* genuinis. *Nomina generica* barbara, minusque adæquata, aut exotica, reformavit, datis certis canonibus; & contra Latina ac Græca restituit, & *generibus piscium*, quæ nominibus carent, nova imposuit nomina. Explicavit etiam *species generum* distinctas, & quid variationes specierum sint. Porro *nomina specifica* reformavit, & indicavit, quænam sint falsa & spuria, vel vera. Certe in hac *Parte* doctissimus Autor magno judicii acumine Philosophum egit, ac ejusmodi regulas & observationes proposuit, quæ ceteris paribus etiam in aliis Zoologiæ doctrinis non sine usu insigni applicari ac usurpari possunt. *Pars III* hujus Ichthyologiæ describit *genera piscium*. Huic Clarissimus *Linnaeus* binas præmisit Epistolas dedicatorias. Prima scripta est ad Dom. *Georg. Cliffordium*, Juris utriusque Doctorem Amstelædamsensem. In hac Mæcenatem hunc literatum laudat, quod, eo sublevante, *Artedi* Opus prodire potuerit, de cujus illustris viri propenso in manuscripta *Artedi* animo Clarissimus *Linnaeus* pluribus egit in Autoris vita sub finem. Altera Epistola nuncupatoria data est ad Autoris affines, *Jonam Liunbergium*, in urbe Umoa verbi divini ministrum, & *Petrum Biur*, ibidem mercatorem, in qua laudat, quod hi duumviri nullis sumptibus pepercerint, ut perfici posset Autoris susceptum opus; quodque *Linnaeo* petenti veniam concefferint occupandi publicique juris faciendi manuscripta. Has Epistolas sequitur Præfatio *Linnaei* ad Lectorem, in qua animadvertit, Autorem in hac *Parte* integram Ichthyologiæ praxin in compendium retulisse, primumque esse, qui certa genera & species piscium constituerit. In ipsa tractatione statim sub initio *clavem ordinum Ichthyologiæ* ob oculos ponit, fundamento ordinum desumpto ex caudis, pinnarum radiis & branchiis. *Ordo primus* continet pisces *malacopterygios*, hoc est, pisces cauda perpendiculari, pinnarum radiis ossis, branchiis ossiculatis, pinnis inermibus. *Ordine secundo* exhibentur pisces *acanthopterygii*, id est, ejusmodi pisces cauda perpendiculari, pinnarum radiis ossis, branchiis ossiculatis, pinnis pungentibus. *Ordo tertius*

Pag. 50

seq.

64 seq.

74 seq.

80 seq.

5 seq.

44 seq.

Pag. 82 *tertius* ob oculos ponit *branchiostegos*, scilicet pisces cauda
 seq. perpendiculari, pinnarum radiis osseis, branchiis ossibus desti-
 89 seq. tutis. *Ordine quarto* recensentur *chondropterygii*, hoc est, pisces
 104 seq. cauda perpendiculari, pinnarum radiis cartilagineis. *Quin-
 tum* tandem *ordinem* constituunt *plagiuri*, id est, pisces cauda
 horizontali. Cuilibet nomini piscis addidit nomina exotica, at-
 que aliorum Autorum veterum & recentiorum, citando paginas
 vel folia, ubi ejusmodi nomina & descriptiones occurrunt. Ad-
 dita est huic Operi Appendix & index nominum 1) Latino-
 rum, 2) Suecicorum, 3) Danicorum, 4) Germanicorum,
 5) Belgicorum, 6) Anglicorum, 7) Gallicorum, 8) Itali-
 corum, 9) Hispanicorum, 10) miscellaneorum, 11) Græ-
 corum. Unicum id dolemus, Clarissimum Autorem non addi-
 disse nomina Hebraica piscium ejusmodi, qui in sacris literis
 occurrunt, quo facto, majori usui Theologis in Hermenevtica
 sacra esse potuisset. Excipit hanc Partem *Ichthyologiae Pars IV*,
 quæ agit de *synonymia piscium*, immensi laboris opus, quod
 Autor ex omnibus propemodum Autoribus, *Aldro*, *Æliano*, *Alber-
 to Magno*, *Aldrovando*, *Ambrosio Mediolanensi*, *Apulejo*, *Aristoteli*,
Affelene, *Athenæo*, *Avicenna*, *Ausonio*, Autore de natura rerum,
Byzantino, *Cassiodoro*, *Charletono*, *Columella*, *Columna*, *Publio Figulo*,
Carolo Figelo, *Gesnero*, *Grewi* Museo Societatis Anglicæ, *Gyllio*,
Hermolao Barbaro, *Hildegardi*, *Abbatissa*, *Imperato*, *Jonstono*,
Jovio, *Mangolto*, *Marcgravio*, *Massario*, *Oppiano*, *Ovidio*, *Plateario*,
Plinio, *Pisone*, *Raji* Synopsi piscium, *Rzaczynscho*, *Rondeletio*,
Salviano, *Sibbald* de Balænis, *Seasippo*, *Sloanii* Historia Jamaicae,
Schwenckfeldo, *Schönfeldo*, *Solino*, *Strabone*, *Varrone*, *Wil-
 loughbejo*, *Wottono*, collegit. *Pars V* hujus *Ichthyologiae* exhibet
 descriptiones specierum piscium, quos doctissimus Autor
 viuos præsertim dissecuit & examinavit, inter quos primario
 pisces regni Sueciæ facile omnes accuratissime describuntur cum
 non paucis aliis. In Præfatione hujus *Partis* Clarissimus *Linnaeus*
 refert, qua constantia & quam assiduo labore pisces suos descri-
 pserit Autor. Ipse vero Autor in tractatione interpretem naturæ
 solertissimum egit. Non solum enim omnes piscis cujuslibet par-
 tes, tam internas, quam externas, examinavit, & examinatas accu-
 ratori

ratori studio descripsit, sed etiam earundem longitudinem secundum uncias & lineas mathematica mensura emensus est. Nul- lum etiam piscem in hoc Opere descripsit, quem ipse non vi- derit, si solos cetaceos excipias, quos nullus fere Ichthyologo- rum vidit, præter doctissimum *Robertum Sibbaldum*, ex quo præcipua de cetis sumsit.

JO. ARNOLDI NOLTENII, S. S. THEOL. D.
Concion. Regii, & supremi Borussiae Senatus Ecclesiastici,
Societatisque Regiæ Scientiarum, Membri, Dissertationes
duæ: prima de Judicio sanctorum in mundum & angelos,
ad 1 Cor. VI, 2, 3, secunda de Miraculis, per se ve-
ritatem religionis Christianæ demon-
strantibus.

Amstelodami, apud Henricum Vieroort, 1739, 8.

Plag. 10½.

Quæ hic exhibentur Dissertationes, ab aliquot jamdum an- nis formis publicis descriptæ, ob præstantiam suam cupi- dos invenerunt lectores. Quare, cum in paucorum manibus versarentur, optimo consilio Cel. *Gerdesii* est factum, ut ipsæ il- læ typis fuerint iteratæ, eo maxime, quod Autor Summe Vene- randus, qui non multo post editionem hanc procuratam in vi- vis esse desiit, additamenta quædam cum ipso communicavit. Priorem Dissertationem consignavit, cum adhuc Hanoveræ Sere- nissimæ Electrici Brunsvico - Hanoveranz a Concionibus aulicis esset, & in procinquo staret, ut decretam sibi Professionem theo- logicam in Academia Viadrina adiret, specimen aliquod pro ca- pessendis summis in Theologia honoribus editurus, evulgatam Bremæ A. 1718, 4. Posteriores eodem anno per modum Disputa- tionis Academicæ Francofurti ad Viadrum luci dedit, ipso Præside publice defensam. Utraque, simul ac prodiit, virorum docto- rum applausum & probationem meruit. Priorem non sine laude recensuerunt Autores *Bibliotheca*, sic dictæ, *Bremenfis* *Class. 1 Fasc. IV pag. 578 seq.* eademque posthæc *Thesauro*
0000 theu-

theologico-philologico Haseo-Ikeniano est inserta; posterioris cum laude meminit Cel. Genevensium Theologus, Jo. Alphonfus Turretinus. Sed, ut brevibus illarum argumentum, & præcipua momenta, exhibeamus, instituti nostri ratio postulat. *Dissertatio I* in duas partita est *Sectiones*. *Prima* est ἀνακρινευστική, *secunda* κατακρινευστική. In *prima* proponuntur circa locum 1 Cor. VI, 2, 3, interpretum sententiæ diversæ, quorum alii ad iudicium *universale*, alii ad *particulare* quoddam *externum*, in hac vita, respici autumant. Qui de iudicio ultimo accipiunt, quod de sanctis dicitur, non uno modo explicant, aliis, ipsos tantum iudicium Christi *approbaturus*, aliis, tanquam *assesores* spectari debere, aliis denique, ipsos sua vita malos angelos condemnaturus, judicantibus. Sententiæ hæc antiquissimorum fere est Patrum, plurimumque recentium Theologorum; verum, cum olim omnes sistendi coram tribunali Christi, adeo, ut ad illos nullæ iudicii partes pertineant, neque ad scopum Apostoli aliquid faciat, hic locum eam habere

Pag. 13. non posse, argumentis in medium prolatis ostenditur. Qui ad iudicium aliquod *externum* particulare suis descedunt cogitationibus, illi rursus in duas secedunt factiones, aliis de iudicio aliquo *ecclesiastico*, aliis de iudicio ac regimine *politico*, cogitantibus. Pontificii ex verbis his temporalem ecclesiæ Romanæ monarchiam extundere nituntur, quod faciunt *Aneas Sylvius*, post ad fastigium Sedis Romanæ evectus, *Pius II* appellatus, & *Franciscus Bozzius*, Eugubinus. Hujus rei aliquid jamdum visum fuit Seculo II & III, ubi Episcopis potestas, lites, inter Christianos exortas, dirimendi, est data, ab Imperatoribus Christianis

19. post id tempus confirmata. Opinio hæc ferri non potest, 1) quia nominantur ἀγίοι; igitur ad omnes fideles, non speciatim ad ecclesiæ præfectos, est referendum. 2) Per ἐφ' ὧς ἐκρίθημεν v. 4 non intelligendi sunt *pagani*, sed Christiani, non multa sapientia præstantes; qua occasione quædam monentur contra *Lightfootum*, existimantem, respici ad iudiciorum Judaicorum ordinem, qui איןנו מומחין בית דין, *iudicium*, sive *confessus autorizans*, vel בית דין של הדייטות, *confessus idiotarum*, dicebatur. 3) Judicandi potestas inter munera Episcoporum & Presby-

Presbyterorum non recensetur. 4) *Ecclesia dominari* vetantur 1 *Petr. V, 3*, & negotiis hujus vitæ implicari; 2 *Tim. II, 4*, ipsis interdicatur. Chiliastræ in partes pariter suas verba *Pauli* devocant, sed invita Scriptura, quoniam regnum Christi non est de hoc mundo, nec illorum opinatio cum scopo Apostoli consistere potest. De politico exponit *Lightfootus*, quem sequitur *Vitringa*, fore aliquando, ut *sancti*, Christiani, orbem regerent, eundemque judicarent, cujus rei primordia facta, *Constantino M.* solium imperii Romani conscendente. Sed nec hæc sententia probatur, quia 1) hoc regimen non dici potest de omnibus Christianis, 2) non favet scopo hæc opinio, 3) *Paulo* sermo est de re jam facta, saltem quæ fieri jam cœperat, 4) non dici potest, Apostolum loqui de illa temporis felicitate, nisi constet, Christianos majore cum æquitate & justitia regimen administrasse. Aliorum igitur sententis examinatis, suam declarat Vir egregius *Sectione II.* Indicato scopo, notiones, quibus *Paulus* utitur, explicat. *Sancti* sunt vere *sanctificati*, κόσμος impii, ἄγγελοι satanas, qui cum mundo conjungitur *Jo. XVI, 11*, ἐν πονηρῷ κεκµένω 1 *Jo. V, 19*, cui ὁ πονηρὸς tanquam ἄρχων præest. Per κείτω intelligit cognitionem ac discretionem mundi atque spirituum, quos cum cognoscant, fieri nequit, quin & verbis & factis mundum, qui ἐν πονηρῷ κείται, redarguant, & satanam increpent, quod, quo modo ab ipsis effectui detur, in sequentibus explicat. Judicium hoc proponit Apostolus partim tanquam *præsens*, partim tanquam *futurum*, innuens, fore tempus, quo judicium illud latius sese sit protensurum. Christus jamdum mundum judicaverat doctrina sua, miraculis, morte, resurrectione, & abitu ad patrem; hinc spiritum judicii effudit, cujus participes facti internuntii regni ipsius, insederunt 12 solis, judicantes 12 tribus Israelis *Matth. XIX, 28*, qui Evangelium prædicarunt per totum mundum. Quoniam vero nondum pedibus conculcatus erat satanas *Rom. XVI, 20*, mundus adhuc in malo positus erat, ac suo tempore ὁ ἀνέµος conficiendus 2 *Thess. II, 8*, denique regna mundi domini nostri & Christi futura erant *Apoc. XI, 15*, & regnum dandum populo עַלְיִירַן *Dan. VII, 27*, *Apoc. XXI, 24*. *Paulus* illud tanquam futurum prænuntiat, monens, quid sancti secundum

- Pag. 67. promissiones facere debeant. De illo loquitur *Paulus* tanquam re haud ignota v.3. Scire illud poterant cum ex promissionibus de regno Christi, tum ex virtute meriti Christi, & regno ipsi a patre dato, denique ex munere Spiritus sancti speciali. Ex promissionibus *Pf. VIII, LXXII, CX, Jef. II, 4, XI, 4, XLII, 3, 4, Dan. VII, 22-27, Jo. XVI, 11*, quod ipsum ex virtute meriti Christi, & munere Spiritus Sancti, demonstrat. Nec sententiæ huic adversatur *Paulus*, prohibens, ne judicent τὸς ἕξω *Cap. V, v. 12, 13*. Verbum κείνῃ hic denotat *panam*, vel disciplinam ecclesiasticam, qua, qui extra ecclesiam sunt, non afficiendi. Porro non idem est subjectum *Cap. V & VI*. In priori est homo, qui incestus crimine se polluerat, in posteriori de litibus propter res βιωτικὰς agitur, adeoque pro diversitate subjecti verbum κείνῃ diversum obtinere debet significatum. Inde hanc summam sententiæ *Paulinæ* conficit: Cum Spiritus Sanctus ipsis sit promissus, ipsis data norma Evangelii, qua mundum judicent, & spiritualem πονηρίαν satanæ detegere possint, seque etiam ad prudentiam hanc spirituales acquirendam parare debeant, neque id difficile sit illis, qui sibi acquisiverint ἀνδριεῖα γεγυμνασμένον πρὸς δίκαιον καλῶς τε καὶ κακῶς; quanto magis idonei futuri essent ad judicandas res minoris longe momenti, res scilicet βιωτικὰς. Subjicit his monita quædam moralia. Negari nequit, B. Virum cogitationes suas, quibus forsitan *Coccejus* occasionem dedit, apte satis ac concinne connectere, easdemque sermone terfo expolire. Sed obijciat forsitan aliquis, a iudicio spirituali ad iudicium aliquod externum, quale illud est de rebus βιωτικαῖς, similitudinem minus commodè duci; porro videri Apostolum hic respicere ad prærogativam ecclesiæ Nov. Test. & quidem certi temporis privam atque peculiarem.
- Dissertatio II* versatur in argumento gravissimo de miraculis, ad confirmationem doctrinæ, coelitus manifestatæ, facientibus. Inter argumenta, quibus divinitas doctrinæ cœlestis adstruitur, jure meritoque refertur illud, quod a miraculis ducitur. Hoc autem enervant multum, qui, veri nominis miracula a dæmone, aut illius mancipiis, in confirmationem profani cultus atque errorum, Deo permittente, edi posse, concedunt. Ab horum senten-

sententia se alienum profitetur S. Rev. Autor, a qua tamen jam ante ipsum discessionem fecit subtilissimus *Werenfelsius Opusc. pag. 105-116.* Totam Dissertationem pariter in duas dividit *Partes.* Prior in adversæ sententiæ examine occupatur, *posterior* in eo vertitur, ut sententiam propriam proponat, eandemque confirmet. Potiora tantum ex elegantissima hac lucubratione enotabimus. Miraculum definit ex *Jo. III, 2,* esse *opus, ex quo colligi possit, Deum esse cum aliquo, quod non secundum ordinarias nature motusve leges, aut ulis creaturæ viribus, sed sola παντοκρατορος efficiatur potentia, ad confirmandum voluntatis sue testimonium.* Bene monet Noster, definitionem hanc ad Logicatorum regulas exactam non esse, nec *Nicodemus* in verbis *Joanneis* indolem miraculi declarare voluisse videtur. Ad opera Dei refert partim opera *intellectus*, partim *voluntatis.* Priora se potissimum exerunt in præscientia ac prædictione rerum futurarum contingentium. Esse hoc *δύχνημα* aliquod Dei, nec quemquam res illas prædicere posse, nisi quocum sit Deus, nemo inficiatur; sed, num illa speciatim pertineat ad providentiam Dei *extraordinariam*, quæ in miraculis obtinet, forsitan nonnulli ambigant. In vicem miraculorum, Christianismo firmato, ex aliquorum sententia magistratum Christianum concessisse, cum *Hoadlejo* negat. Ubi demonstraverat, Deum posse miracula patrare, posse ipsum etiam aliquando in illis opera rerum, a se creatarum, instrumentorum instar, uti, sed id fieri finibus virtute ac gloria divina dignis, nimirum ad demonstrationem gloriæ suæ, verbi Evangelici confirmationem, infidelium ac pertinacium convictionem; refutat illorum opinionem, qui audent, posse Deum facultatem patrandorum miraculorum elargiri creaturis, ad homines in errores inducendos, a Dei cultu avertendos, aut in pertinacia sua confirmandos, illos arguendo, multum derogare Dei sapientiæ, sanctitati, bonitati, constantiæ, hominem hoc ipso tentationi exponi, quam superare non possit, Deumque ipsum propterea juste punire non posse. In *Sectione II* expedit objectiones adversæ partis. In loco *Deut. XIII, 1 seq.* prædici tantum docet, fore, ut falsi vates prodigia edant, non declarari, Deum potentia sua extraordinaria ipsis adfuturum

Pag. 97.

98.

109-111.

115.

- esse, non nominari נפלאות, quæ soli Deo sint propria, non denique proponi illorum opera, ut ad ea attendant, eademque examinent, sed ut doctrinæ jam manifestatæ inhæreant.
- Pag. 122. *Matth. VII, 22*, non sermonem esse de dæmoniis mali ministris; sed illis, qui Christum κύριον externa oris confessione compellent,
124. ac dæmonia ejiciant. Σημεῖα μεγάλα non esse veri nominis miracula, *Matth. XXIV, 24, Apoc. XIII, 13*, sed imposturas, quæ ducant ad errorem, appellari μεγάλα, quia homines rudes
126. istiusmodi operibus in stuporem rapiantur. Ægyptiorum magos fuisse homines magiæ naturali deditos, qui fraudibus talia patrarent, quibus oculi hominum superstitiosorum fuerint fascinati; Clericum igitur rationes minus recte subducere, ubi, illos
137. vera miracula edidisse, pronuntiet. *Bileamus* suo raticinio neminem in errorem induxit, & potest Deus hominibus etiam malis uti, quo suæ serviant gloriæ. Totum negotium aniculæ
138. Endorensis 1 *Sam. XXV* imposturam sapit. Argumentum hoc ita tractavit Vir S. Reverendus, ut, qui totam demonstrationum seriem animo præjudicatis opinionibus vacuo legerit, assensum ipsi denegaturus non sit.

VIRI ILLUSTRIS, GODEFREDI LEIBNITII, Epistolarum ad diversos Volumen tertium. Edidit, atque præfatus est, CHRISTIANUS KORTHOLTUS, M. A. S. R. M. Daniae Legat. Viennensis V. D. M.

Lipsiæ, sumtu Bernh. Christoph. Breitkopfii, 1738, 8.

Alph. 1 plag. 10.

Viro Ill. & Excellentissimo, *Jo. Ludovico de Holfstein*, hoc *Volumen* fuit inscriptum a Cl. Editore, qui in Præfatione, ei præfixa, docet, potiolem hujus fasciculi partem e manu exaratis scriptis sumtam esse, nonnullas majoris momenti Epistolas e fasciculo Gallicarum Epistolarum, ab ipso Hamburgi luci commissarum, fuisse in hunc censum relatas. Primum hic Dissertationes argumenti philosophici invenias, deinde Commentationes sequuntur, quæ ad Historiam illuminandam spectant, tum, quæ ad Historiam

istoriam literariam spectant, scripta leguntur, quorum quidem major est numerus. Postremo Rev. Editor aliquot attexuit Epistolas, quæ argumenta philologica pertractant. Epistolas, quæ de Sinarum agunt philosophia, excipiunt literæ, ad *Jacobum Thomasium*, Philosophum olim Lipsiensem celeberrimum, & ipsius *Leibnitii* præceptorem, datæ, additis aliquot *Jacobi Thomasi* ad *Leibnitium* responsionibus. Sequitur Dissertatio epistolaris, ab Ill. Autore *Michaeli Gottlieb Hanschio*, Consiliario Cæsareo & Theol. Doctore, dicata, qua de *Platonis* philosophia cogitate disputatur, ita tamen, ut *Plato* ex ideis obscuris disseruerit obscure, *Leibnitius* ex distinctis clarius. *Leibnitius* pietatem in defunctum & modestiam prævit controversiarum tractatoribus in molliori sententiarum *Platoniarum* expositione. In Epistolis 25, ad Rev. *Hanschium* datis, ea attinguntur, quæ præcipue ad Philosophiam illustrandam pertinent. Prædicavit in eis *Leibnitius* Ven. *Valentini Ernesti Lascheri*, Viri summi, *Pramotiones theologicas*. Cum omnibus *Lutheri* discipulis *Leibnitius* tueretur, corpus Christi in sacra cœna præsens esse substantialiter, & dimensionalem, quam vocant, præsentiam removet, ne quis causetur, admitti in illa doctrina, quæ est mysterium, contradictionem. Hoc enim habet singulare, quod ex notione substantialis præsentia declarat, quomodo præsentia substantialis sine dimensionali esse queat. Ita enim argumentatur: *Ille res secundum substantiam suam sibi invicem sunt præsentis, quarum una in alteram agit, aut quarum una ab altera patitur. Quocirca necesse non est, ut substantialis præsentia simul sit dimensionalis*. Addimus hoc unicum, requiri id, ut passio & actio illa contingat immediate. Agit enim Rex in magistratus urbium suarum, & per eos in cives, sibi subditos. Sed quis eapropter, Regem civibus suis singulis esse præsentem, affirmabit? Qui per omnipotentem voluntatem in distans, si quod ei esse fingi posset, agere potest, eum dici præsentem, nemo abnuet. At, hoc admissio theoremate, latius divagamur fortassis, quam licet. Recudi fecit Cl. Editor Poema Gallicum, cujus index: *Fabula moralis de necessitate perseverantia in causa salutis publicæ*. Sequuntur, Epigrammate prætermisso, Dissertationes epistolares duæ,

duæ, quibus summa cum eruditione de Actorum publicorum usu, atque de principiis Juris naturæ & gentium, disputat, Codici Juris Gentium diplomatico, ejusque mantissa, quondam proœmii loco præfixæ, sed quæ sigillatim legi merentur. Addit Editor: *Non habeo, quod de hisce Dissertationibus moneam, nisi quod nimium nonnunquam Episcopi Romani auctoritati statuatur prætium. E re enim existimat rei publicæ Christianæ, ut, quemadmodum Imperator rebus politicis, sic Papa rebus ecclesiasticis, præsit.* Tuitus est idem in libro de Jure suprematus ac legationis Principum Germaniæ, quem sub *Cesarini Furstenerii* nomine edidit, atque in Epistolis, ad *Jo. Fabricium*, Abbatem, datis. Ad *Volumen primum* jam ea in contrarium monuit Editor, quæ ad illas *Leibnitii* opiniones erant monenda. In Epistolis historicis principatum tenet illa, in qua de superstitionibus quibusdam Slavorum agitur. Altera de nexu Domus Brunsvicensis & Estensis Hannoveræ quidem prodiit A. 1695, sed, quia raro obvia, hic recusa exstat. Nexus ille genealogicus evidenter demonstratus fuit tum a *Cel. Muratorio* in *Trattato delle Antichità Estensi ed Italiane*, tum a *Jo. Christoph. Harenbergio*, doctissimo Viro, in *Historia Ecclesiæ Gandershemensis diplomatica* pag. 1220 seq. nec non vuperrime a *Jo. Duv. Kalero* in *Historischen Müntzbelustigungen* ad A. 1736 - pag. 164 seq. *Muratorii* Epistolam, quæ de hoc argumento ad *Leibnitium* fuit exarata, ac *Tomo III Scriptorum Brunsvicensium* §. 28 præmissa, hic denuo apparèt edita. Sequuntur Epistolæ, ad *Jo. Frid. Pfeffingerum* datæ, antiquam Lüneburgensium historiam illustrantes. Excipiunt has Poematia *Betoulundii*, *Magdalene Scuderie*, & *Leibnitii*, quibus & Gallico & Latino sermone laudes *Ludovici XIV* certatim celebrare studuerunt. In tertia Epistolarum parte comparent Epistolæ & Commentationes *Leibnitii*, ad Historiam literariam referendæ. Præcedunt reliquas quatuor & decem, ad *Hemicum Ernestum Kestnerum*, Professore Rintelensem, datæ. In Epistola ad *Arnoldum Blumium* de Jure Canonico disputat, atque historiam Canonum rationalem exoptat. De Encyclopædia *Alstedii* augenda, de ludis inveniendis, & de insigni Bibliothecæ publicæ utilitate, porro differit in aliis Epistolis va-

stus

stus ille scientiæ Oceanus, *Leibnitius*. Et quidni egisset de suis Monadibus, atque de calculo infinitesimali, a se invento? Laboravit Viennæ, ut Academiam scientiarum, ibi conditam, posset conspiceret, eoque de argumento ultra LX Epistolas scripsit. Sequuntur aliæ, quibus de principiorum mechanicorum in Physica & Medicina usu, de artibus mechanicis antiquorum, de semieruditis, de digestionem, de comparatione scientiæ medicæ & bellicæ, de pace perpetua, de calculo differentiali, de *Sexto Empirico*, de *Joanne Jacobo Mascovio*, Lipsiensis & universæ reipublicæ literariæ ornamento insigni, de Professione Historiarum in Academia Helmstädiensi eruditissimo *la Crozio* oblata, & aliis rebus, observationes reperiuntur minus contemnendæ. In classe quartâ exstant literæ de rebus philologicis. Locum principem tenet commercium epistolare cum *Hermanno van der Hardt* de harmonia linguarum, & de *Francisco Mercurio Helmontio*, per aliquod tempus continuatum. Ex *Hardtii* literis patet, eum jam olim de diversis ante diluvium linguis sententiam suam propugnasse. *Leibnitius* in reliquis disseruit de insigni Græcarum literarum usu, de harmonia linguarum diversarum, de antiquitatibus linguæ Germanicæ, de arte steganographica, & de rebus ceteris, ad hosce corymbos referendis.

M. LAURENTII RHODOMANI VITA, ET IN
Græcas cumprimis literas merita. Recensuit M. CAROLUS HENRICUS LANGIUS, Gymn.

Lubec. Corrector.

Lubecæ, sumtibus Jonæ Schmidt, 1741, 8.

Alph. 1 plag. 4.

Tantum industriæ pariter ac diligentiae ostendit Clarissimus Autor in describenda *Rhodomani* vita, ut neminem putemus esse futurum, qui plus desideret. Congessit videlicet, quæcunque summo studio reperire potuit; nihil eorum, quæ tradit, non firmavit certissimæ fidei testimoniis, lucide expositis; ac singula persecutus est perspicuo juxta & nitido dicendi

Pppp

gene-

genere. Multa præterea alia ad illustrandam Historiam litera-
 riam oblati protulit occasionebus. Jam, cum *Melchior Adamus*
 vitam *Rhodomani* prorsus præterierit silentio in *Vitis Germano-
 rum*, magnum profecto operæ pretium fecisse Noster judican-
 dus est, orbi literato exhibens plenissimam virt suo in genere
 maximi historiam. Hæc dixisse sufficere poterat, nisi moris
 nostri esset, singulorum, quos recensemus, librorum exhibe-
 re *συναρτυρα*. Constat igitur hic liber *tribus Capitibus*, quo-
 rum in *primo* vita, res gestæ; ac mors, *Rhodomani* enarratur;
 in *secundo* studia ipsius literaria; mores item, amici denique
 & adversarii, commemorantur; in *tertio* scripta ejus laudantur
 singula, integro cujusque exhibito titulo, adjecta cujusque re-
 censione, nec omissis honorificis virorum doctissimorum præ-
 coniiis. Ac *primi* quidem *Capitis* hancce exhibemus epitomen.
 Natus est *Laur. Rhodomanus* in pago quodam non procul ur-
 be Nordhusa jacenti A. 1546 d. 5 Aug. parentibus rusticis.
 Cum plura per Gymnasia emensus esset curriculum scholasti-
 cum, usus inprimis magistro *Mich. Neandro*, clarissimo illo
 scholæ Ilfeldensis Rectore, operam literis navare perrexit in Ro-
 stochiensis Academia; ubi & creatus fuit Magister Philosophiæ
 & liberalium artium. Nondum autem uno ibi exacto anno, da-
 tus fuit scholæ Suerinensi Rector A. 1571; quæ tamen anno sub-
 secuto dimittere eum coacta est, cum scholæ præficeretur Lu-
 neburgensi, quam per duodecim rexit annos. Tum A. 1584
 factus est Walkenridensis (ita enim scribendum, non Walke-
 rodensis,) & scholæ Rector, & Ecclesiæ Pastor. Hinc A. 1591
 accepit in Academia Jenensi munus Professoris Græcæ linguæ
 & Historiarum; e qua A. 1598 evocatus, Rectoratum gessit
 Stralsundensis Gymnasii. Revertit autem A. 1605 in Acade-
 miam, & quidem Wittebergensem; in eaque Professor Histo-
 riarum diem obiit supremum d. 8 Januarii anni 1606. In
Cap. II §. 1 dubitat Noster, an sua ætate, imo etiam an se-
 cuto tempore, parem in literis Græcis habuerit *Rhodomanus*.
 Recte autem hoc *pag. 135* ita interpretatur, neminem fuisse, qui
 Græcæ & loquendo & scribendo eum superaret, quique *paris*
 boni-

bonitatis carmina conderet Græca. Quare & multorum honorificentissima profert de Græca ejus poesi testimonia. En Academia Wittebergenfis judicium e *pag. 135*: *Qui cum Rhodomano in Græcis, iisque poeticis, literis paria fecerit, homo omnino nemo fuit. Testari id sunt Neander, Chytraeus, Stephanus, Sylburgius, Lipsius, Casaubonus, Caselius, Scaliger. Nec proinde mirum, amicitiam cum ipso literatam coluisse sui temporis eruditissimum quemque. Ac §. VIII commemorat Noster inter tot Rhodomani amicos Casp. Barthium, Chytraeum, Caselium, Casaubonum, Lipsium, Melissum, Scaligerum, Frischlinum, Posselium, Leunclavium. Inimicum vero publicum natus est neminem; post mortem tamen adversarios ei se præbuerunt Claudius Dausquejus, & qui adhuc inter vivos est, Joannes Cornelius de Pauw; quorum uterque vehementer & contempsit & exagitavit Rhodomanum. Horum utrique graviter & erudite respondet Noster §. X, docens *pag. 276, in una Rhodomani linea plus sani coloris, quam in integra Pauwii pagina, contineri*, deque Dausquejo demonstrans, eum Rhodomanum surripuisse ultra nonaginta emendationes Q. Calabri. Magnam vero suam Græcæ linguæ peritiam in apicum hic profert Noster, cum, quam futes, quamque indoctæ, sint utriusque antagonistæ censuræ, a *pag. 226 ad 276* manifestum facit. Inter scripta ejus, in *Cap. III* recensita, eminent editio Poetæ Cointi Smyrnæi §. V, Vita Lutheri Græco carmine §. VI, Descriptio Ecclesiæ Veteris Testamenti §. VIII, Βικρογόν, hoc est, descriptio suæ ipsius vitæ, carmine Græco, §. XI, Argonautica, Thebaica, Troica, Ilias parva, §. XIV; quæ Poemata, cum prodissent ἀνώνυμα, plures Græce doctissimi viri crediderunt, præscripta fuisse ævo: adeo similia sunt optimis veterum Græciæ Poetarum carminibus; Historia sacra Palestinae Libris novem, Græco pariter & Latino carmine, §. XVI, Theologia Christiana tirocinia Libris quinque, carmine item Græco, juxtaque Latino, §. XX, editio Diodori Siculi cum versione Latina, cumque notis criticis, §. XXXIV, editio Quinti Calabri, cum Latina versione, & criticis item annotationibus, §. XXXV. Ceterum, quem-*

admodum Cl. *Langius* quondam etiam *Frischlini Vitam* luculenter expositam edidit, sic in Præfatione promittit *Historiam Scioppii*, dignam sane, quæ elaboretur, quamque ab eo & amplissime & accuratissime confectum iri, merito confidimus.

JO. CHRISTIANI BIEL, PAST. AD D. ULRIC. & Joan. Brunsvic. Exercitatio de Lignis ex Libano, ad templum Hierosolymitanum ædificandum petitis, quæ per ligna illa 2 Par. II, 8, cedrina, cupressina, & pinea, intelligenda esse, ostenditur, typus illorum exponitur, eaque occasione multa alia e sacris & profanis monumentis explicantur & illustrantur. Accedunt Specimina novi Thesauri philologici, sive Lexici in LXX & alios interpretes & Scriptores Apocryphos Vet. Test. cum Indicibus necessariis.

Brunsvigæ, sumtibus B. Schroederi viduæ, 1740, 4.

Plag. 17.

Temporis partem quandam olim Rev. Autor legendis scriptorum exterorum monumentis transmissit, ac cimelia eorum ad illustrandam S. Scripturam contulit, inde probe edoctus, nondum omnia vidisse omnes, nec pauca superesse, quæ nondum satis ab aliis sint declarata, immo minus recte exposita. Hinc Exercitationis hujus origo & natales. Distribuit eam in *Sensiones* duas. Priori variis argumentis comprobatum ivit, ligna, 2 Par. II, 8, memorata, עצי ארזים ואלנומים ברזים, esse cedrina, cupressina, & pinea, ratus, תרזר esse pinum, תאצור cedrum, & עץ שמן lignum pineum, atque שמים esse cedros. Exponemus nunc rationes, quibus Vir laudatissimus ad ita sentiendum fuerit adductus. Id præcipue memoratu dignum, in Libano affatim semper provenisse cedrorum, cupressorum, ac pinuum, teste *Diodoro Siculo Lib. XIX pag. 702*. Berytus, urbs Sidonem inter ac Biblum sita, videtur ex cyparisso dicta, quasi בררין. Digreditur Autor ad nomina urbium, ab arboribus exorta,

Pag. 4.

6.

exorta, recensenda, monens tamen, se majorem eis fidem habere, qui nomen Beryti urbis ex בארות, *puteis*, derivant. Libanum laudat ob copiam cedri, cupressi, ac pinus, *Cyrillus Alexandrinus in Comm. in Jes. Lib. V Tom. IV pag. 848*, nec non *Phocas in Descriptione Palestinae*. Alexandrinus Interpres Græcus in *Jes. LX, 13*, his accedit, reddens ברוש per κρυπτός, תרהר per πεύκελ, seu pinum, & תאשור per κέδρον, cedrum, quas Prophetæ *gloriam Libani* appellarunt. Vox תרהר ex תרהר Syriaco, seu זרהר Ebræorum, a *lucendo*, nomen traxisse videtur. Et sane, ex pinu olim faces fuisse paratas, nubes docet testium, quos in scenam producit Autor. Cognata ipsi huic voci est alia תרזה, quam Alexandrini *Jes. XLIV, 14*, πύτυον, & vulgatus interpres *pinum*, reddit. *Thyrsum* Bacchi ex hac voce deduxit *Heinsius*, qui erat *pinus*, pampinis ac ferro induta. Pinum *Baccho* fuisse sacram, docet quoque *Plutarchus Sympof. Lib. V Quest. 3 pag. 676*. Nûces *pineæ*, in mysteriis Liberi Patris frequentatæ, id ipsum loquuntur. *Suidas* in voce Κωνοφόρος conferendus. Cedrorum non unum fuisse genus, perspicitur ex *Plinio XIII, 5*; unde fit Autori verosimile, cedri species esse תאשור & שטח. Repudiat eos, qui arborem תאשור pro *buxo* habent. Alterum argumentum inde depromit Autor, quod cedrus, cupressus, & pinus, fuerint arbores, ædificiis, ætatem ferentibus, aptissimæ. Lectorem merito delegat ad *Theophrastum V, 5*, ac *Plinium XVI, 42*, & *Vitruvium II, 9*. Tertium in eo consistit, quod, ארזים cedros esse, nemo inficiatur; ארזים ברשים autem esse *cyparissos*, אלנומים *pinus*, Autor suscipit demonstrandum. Cretica certe cupressus, seu sabina, nostris *Sagebaum*, Latinorum est *bruta*, Græcorum βρύσην, & Ebræorum ברות. Quantopere hinc distet vox ברש, illico patescit. Hæc certe in locis Ver. Test. universis commodissime de cupresso potest exponi. Valvæ enim, ex *broscim* fabricatæ 1 *Reg. VI, 14*, congruunt valvis templi *Dianæ Ephesinæ*, pariter e cupresso fabrefactis. Cedris solent adjungi arbores *broscim*, 2 *Reg. XIX, 23*, *Jes. XXXVII, 24*, *Pf. CIV, 16, 17*, *Jes. XIV, 8*, *Ezech. XXVII, 5*, *XXXI, 8*, *Zach. XI, 2*. Al-

Pag. 7.

8.

9.

11.

13.

18.

- Pag. 20. titudo, quam *Ezechiel* arboribus *brofchim* tribuit, cypressis ad-
 scribitur a *Sirac. L. 10*, a *Pausania VIII, 24*, aliisque. **ברוש** arbor
 22. semper viret *Hof. IV, 9*. Nec minus ipsa cupressus, teste *Pli-
 nio XVI, 20*, ac *Ambrosio* in *Pf. CXVIII Serm. 4*, nec non *Pla-
 tarcho Sympof. Lib. III Quest. 2*. In loco *Nab. II, 4*, **ברש**
 25. esse *pericas cupressinas*, seu hastas ex cupressis factas, Autori vi-
 sum. Medorum milites tunicis puniceis fuisse indutos, osten-
 dit ex *Herodoti IX, 22*, ac *Xenophontis Lib. VI Pad. init.* atque;
 eosdem per **מתלעים**, *coccino vestitos*, designari, existimat.
 De loriceis squamatis nonnihil intexit. Id sane haud contem-
 nendum est argumentum: *Iosephus Ant. VIII, 2*, appellavit *cy-
 parissos*, quæ 2 *Par. II, 11*, **כרש** dicuntur. Accedit au-
 28. toritas Alexandrinorum, qui sapius voci illi Hebraicæ *cypressos*
 31. substituerunt. Multa pro opinionis hujus propugnandis ratio-
 nibus jam attulerat, idem sentiens, Celeberrimus quondam *Frid.
 Ad. Lampius* in *Diff. philol. theol. P. I pag. 576*. Pinus jam nos pro-
 vocant. Eas fuisse ab Hebræis dictas **אלגומים & אלגומים**,
 immo **עצי שטן**, 1 *Reg. VI, 22, 31, 32*, *Neb. VII, 15*, *Pl. Rev. Au-
 tor* ita conficere studet. Substituuntur sibi hæ voces in 1 *Reg.
 VI, 32*, & 2 *Par. II, 8*, scilicet **עצי שטן & אלגומים**. Si igitur
אלגומים sunt *pinus*, ergo & **עצי שטן** erunt *pinus*. Ac
 de arboribus seu lignis *algumim* verisimiliora jam olim exspecta-
 bamus, quibus adduci possemus, designari eis non nisi *pinus*.
 Veri speciem id habet, ligna *algumim* ex monte Libano ac ex
 regione Ophir (Hispania) fuisse allata, utrobique autem pinum
 35. provenire copiosam. Similitudinem veri id habet, ligna *algu-
 36. mim* ædificiis duraturis fuisse adhibita, nec in Palæstina reperiri.
 At verisimillimum est hoc, quod *Iosephus Ant. VIII, 7*, ligna
algumim plane & dilucide vocavit **ξύλα πεύκινæ**, ne quid de
 Interprete Græco Alexandrino meminerimus, qui lignis *algumim*
 2 *Par. II, 8, IX, 10, 11*, substituit **πεύκινæ**, *pineæ*. Quid vero-
 similis effingi possit, haud sane videmus. Est sane *pinus* spe-
 cies, cui *Muggo* est nomen. Per **כרותים** *Cant. I, 17*, in-
 telligit ligna cupressina cum *Luthero*, inductus *Vitruvii* loco *VII,*
 39. 3, ubi *cupressini camerarum asseres* commemorantur. Hæc *Sectione*

ne priori continentur. *Posteriori* exponitur lignorum eorum typus, Christum & ecclesiam Christianam, ex sententia Doctissimi Autoris, designans. In evolutione typi brevior est, respiciens ad diuturnitatem, altitudinem, corruptionis defectum, & firmitatem, perfectiones reliquas. Digreditur deinde ad lignum Schittim, ad nomen torrentis Kedronis, & affinia. Ex loco *Jes. XLI, 19, punam in deserto* אֶרֶז שִׁטָּה colligit, lignum Schittab esse cedri speciem. Nec obliviscitur loci *Joel. III, 18*, ubi fit mentio נַחַל שִׁטִּים vallis cedrorum, seu Kedron. Certe ex domo Jehovah prodiens aqua, quam ibi meminit *Joel*, exoneravit sese in omnem Kedron. De aquæ illius fonte nonnihil adjicit jucundum. Vallem Kedron a cedris fuisse appellatam, contendit, invito *Hadriano Relando*, cujus argumentum geminum it eversum. Instrumenta musica, *Dan. III, 5*, memorata, esse Græcis nominibus insignita, nobis non persuadet Vir laudatissimus, exposituris suo loco copiosius id argumenti. Pl. Rev. Autor disputat deinde adversus *Theodorum Haseum*, qui ligna Sittim de acacia Ægyptia & Arabica exposuit. De reliquo ipse in eo est, ut Novum Thesaurum philologicum, sive Lexicon in LXX & alios Interpretes & Scriptores Apocryphos V. T. longe plenius & auctius, quam Cl. *Jo. Andreas Kestlerus* in Appendice Criticæ sacræ *Eduardi Leigh*, aliique, a *Jo. Alb. Fabricio* in *Bibl. Gr. Vol. X pag. 94 seq.* laudati, ediderunt, condant; illudque prelo fere paratum habet. Specimina nonnulla notæ melioris ipse huic Exercitationi subjunxit. In illo autem Lexico ipse omnes voces, quæ apud Interpretes memoratos ac in Scriptoribus V. T. apocryphis inveniuntur, congruenter literarum seriei recenset, addito statim significato, & per sese spectato, & apud eosdem Interpretes obvio, ac insertis vocibus Hebraicis Chaldaicisque, quibus illæ respondent. In fine vocis cujusque subdit ea, quæ in *Aquila*, *Symmachii*, *Theodotionis*, ac ceterorum Interpretum, fragmentis, ac apocryphis scriptoribus, vel alio significato, vel constructione alia, impertita leguntur. Ad fragmenta illa excutienda, & in usum suum traducenda, adhibuit *Bernhardi de Montfaucon* Lexicon Græco-Hebraicum, Reliquiis

Pag. 48:

52:

55:

57:

Hexa-

Hexaplorum *Origenis* subiectum, & ad calcem Concordantiarum *Trommii* repetitum. Usus Thesauri illius redundabit ad intelligendum contextum Hebræum, ad illustrandos ac commodius intelligendos Alexandrinos Interpretes Græcos & Scriptores apocryphos, nec non ad formulas loquendi in Nov. Test. additas. Lexicōn *Paforis*, novissimamque ejus editionem, a Cel. *Schærgenio* procuratam, multis indigere supplementis, indicat PL. Rev. Autor, significans 98 voces, quæ in prima Lexici litera desiderantur. Ipse in usus suos adhibuit e Bodlejana Λεξικὸν αἰγίς Κυρίλλῳ Ἀλεξανδρείῃ, συντεθεὶν παρὰ τῷ Κυρίῳ Αὐτογίνῃ τῷ Φιλοσόφῳ, cui adjectæ sunt Λέξεις τῶν προφητῶν, λέξεις Ἰεζεκιήλ τῷ προφῆτῃ, ἐκ τῷ Ἡσαΐῃ καὶ Ἰερεμίῃ; ἐκ τῷ Ἐκκλησιαστικῷ, ex *Ecclesiaste Salomonis*; Λέξεις τῶν ὧδων τῷ Ψαλτῆρῳ; Λέξεις τῷ παναρέτῃ; Ὀνόματα τῶν Ἀποστόλων ἑρμηνευόμενα; Λέξεις τῶν πράξεων; ex *Epistola ad Hebræos*; ex quatuor *Libris Regum*. Usus fuit præterea ex Bibliotheca Senatus Bremensis, opera *Gerhardi de Mastrichte*, *Cyrilli* Lexico plane diverso, cui index: Κυρίλλῳ εἰς τὰς ἀπορρομένους λέξεις τῆς αἰγίᾳ γραφῆς. Addit Autor: Mirum in modum & me & alios, quorum usui idem Lexicon illud destinatum est, sibi obstrictos reddet, qui, si vel singulares observationes quasdam in voces & phrasas Græcorum Interpretum & Scriptorum Apocryphorum Vet. Test. habeat, vel glossas ineditas præter illas, quibus mihimet ipsi jam uti licet, possideat, illas mecum communicare haud fuerit gravatus. Operi ipsius pulchritudinem & utilitatem haud fore exiguam, perspiciunt omnes ex subjuncto specimine, quo voces duæ ex singulis alphabeti literis enucleantur. Si quid vota valent nostra, rogamus Autorem, ut voces Nov. Test. simul enarret, & hac ratione Thesaurum enitatur usquequaque salubrem, & vendibiliorem. Restant sane in vocibus & dictionibus Nov. Test. passim difficiliora, necdum satis extricata, quibus Lexicon ejusmodi inserviet solvendis ac illustrandis. Deus modo adspiret Viro diligentissimo vires corporis vegetas, animumque minus infractum. De reliquo valet hic illud: Πάντα καλῶς.



NOVA ACTA ERUDITORUM,

publicata Lipsiæ

Calendis Decembris Anno MDCCXLI.

NOVUS REI LITERARIÆ ORDINIS S. BENEDICTI *Conspectus*, Opus elucubratione dignissimum, ad perfectam Historiæ Benedictinæ cognitionem summe necessarium, & in commune non utile minus, quam scitu lectuque jucundum, Autore P. MAGNOALDO ZIEGELBAUR, Theologo Benedictino professo in Imperiali Monasterio ad duplices aquas. Pars I, præliminaris, vel generalis.

Volumen I.

Ratisbonæ, typis Joannis Caspari Memmel, 1739, fol.

Alph. 3.

Opus, in Partes II & Volumina IV distributum, in fronte Partis hujus prioris conspicuum repræsentat nomen Celsissimi ac Reverendissimi S. R. I. Principis ac Domini Amandi, principalis & immediatæ Ecclesiæ Fuldenfis Abbatis, per Germaniam & Galliam Primatis, Augustissimæ Romanorum Imperatricis Archicancellarii, qui lucidissimum gentis Benedictinæ est sidus, eminens in fastigio, quo in familia Benedicti nec illustrius, nec sublimius, habetur. Pars prior Operis pulcherrimi est generalis, & præcognita sex tradit Capitibus. Primo studium rei literariæ in Ordine Benedictino, ejusque origines, progressus, decrementa, instaurationes, & præsens status, per XIII Seculorum decursum exponuntur. Secundo edisseruntur præcipua ejus Ordinis per Italiam, Angliam, Galliam, Germaniam, Hispaniam, &c. monasteria, studiorum fulgore vel superiori

riori ævo, vel ætate nostra, nobilitata. *Tertio* exhibentur viri illustres, qui e scholis & magisterio *Benedictinorum* prodierunt. *Quarto* recensentur Mecanates rei literariæ *Benedictinæ*, tum exteri, tum domestici. *Quinto* exponuntur Bibliothecæ & Grammatophylaciæ, eorumque custodes. *Sexto* edisseruntur *Benedictinorum* cum veteris, tum præsertim recentioris, ævi itinera literaria. *Pars posterior* abibit in *Libros tres*. *Primus* complectetur historiam literariam Ordinis *Benedictini*, stricte sic dictam, ideoque historiam artium & scientiarum continebit, inde ab ætate *Benedicti Nursini* ad nostra usque tempora, & quidem apud *Benedictinos*, excultarum. *Secundus* erit bibliographicus, exhibiturus quippe notitiam Autorum. Facile patet, vitas ac scripta virorum illustrium & clarissimorum Ordinis *Benedictini*, inde ab origine ad nostram usque ætatem, inibi suppeditatum iri. *Tertius* repræsentabit notitiam librorum, seu *Bibliothecam Benedictinam historico-criticam realem, theologicam, ecclesiasticam, juridicam, medicam, philosophicam, mathematicam, historicam, Scriptorum elegantioris literaturæ, nec non miscellaneorum*. Hæc Operis universi est synopsis. In limine *Partis prioris* Autor *Benedictum* vocat *Monachorum in Occidente Patriarcham*, præeunte *Conringio*. Liceant vero monere, Seculo jam quarto per Italiam, Helvetiam, Galliam, aliasque Europæ terras, ante natales *Benedicti*, cœnobia, pro utroque sexu instructa, existisse. Ipse *Hermannum Conringium* notat, qui judicaverat, *Benedictum* bonas literas in monasterio conservare conatum fuisse, *sed infelici successu*. *Benedictum* curasse pueros, ad sese missos, disciplinis & omni scientiarum apparatu instruendos, Pl. Rev. Autor tradit, adjutus testimoniis *Ribade-neira* & *Cæsaris Egassii Bulei*, recentioris ævi scriptorum. Nihil vero ejusmodi legitur apud *S. Gregorium Dial. II, 3*. Disciplinam ac doctrinam in monasterio Sublacensi fuisse neglectam penitus, nemo nisi veritati inimicus profiteri auit. At, ultra Grammaticen, latinæ mediocriter studium, computationem, Calendario formando inservituram, ac Theologiæ elementa, alumnos in scholis *Benedicti* tum adspirasse ad ullas scientias, difficile videtur demonstratu. Libri, ab hîcce alumnis posthæc conscripti,

scripti, hoc historię momentum collocant extra dubitationem. *Joannes Diaconus in Vita Gregorii Magni Lib. II n. 13 pag. 49* agit panegyricum præconem, eoque scripturæ, quo ibi utitur, genere, quanta & qualis tum exstiterit sermonis Latini cultura, satis docet. In Cel. *Heumannum* Autor sic invehitur: *Eat nunc Christophorus Heumannus, recens, nec indoctus, aut ineruditus, sed heterodoxus, ac religioso nomini insensus, Autor, secumque animo reputes, qua fronte & veritate in propudiosa hæc eruperit verba, &c.* Addit deinde verba ex hujus *Conspectu reip. lit. Cap. 4 §. 25 pag. 89*, ac porro subdit: *In hoc Autore nunquam vel doctrinam, vel eruditionem, sed aliquando plus modestiæ, desideravi.* Tandem hunc ita dimittit: *Sed mittamus Heumanni convicia, quibus plus de sua, quam aliorum, detraxit existimatione. Quæ enim omnes contemnit, se ipse in majorem, quam alios, adducit contemtionem; neque verba, sed solus ipsi opponendus est contemptus.* Dedimus hæc exempli loco, ut Lector de ingenio & stilo historico Autoris ipse possit judicium ferre. Cum hic ad *Bonifacium*, quem Thuringiæ Apostolum vocant vulgo, progressus fuit, denique habet, quod in Cel. *Heumanno* sibi haud arideat. Scripserat enim *Heumannus*: *Non eruditio, sed religio, eum nobilem fecit.* Dedolat ille primo *Casparem Sagittarium*, qui in *Bonifacium* immite emiserat judicium. Tum vero ad *Heumannum* redit, hujusque vocem, qua tribuerat *Bonifacio* religionem, sensum in alienum trahit, scribens ita: *Sufficiat dixisse, quod Heumannus, licet Bonifacium fuisse eruditum insicias eat, eum tamen Sancti titulo non defraudet.* An hoc Cel. *Heumanno* in mentem venerit, admodum dubitamus. *Bonifacium* literis fuisse imbutum, doctrinisque excultum, nominatim peritia Grammatices, Poescos, Rhetorices, Historiæ, nec non Theologiæ, insiciari haud licet. Ex ejus Epistola ad *Fulradum* apud *Mabilonium Præf. ad Sec. III Act. Sanct. O. S. B. §. 4 n. 38 pag. 24* omnino intelligitur, ipsum in Germania excitasse monasteria, & in eis scholas instituisse. Seculo octavo Italiam illustrarunt duo *Benedictini* celebres, *Ambrosius Autpertus* & *Paulus Diaconus*. *Alcuinus*, quo consiliario *Carolus Magnus* fuit usus, Monachos ad studia meliora, signo quasi sublato, excitavit. Scholæ

Pag. 5.

97

12.

- Parisiensis origo eidem debetur, quam cum Autore *Academiam* appellare nobis est religioni. Notaverat Cel. *Heumannus* in *Ludovico Pio superstitiosam pietatem*, ac minorem literarum scientiarumque amplificandarum curam. Opponit ei Autor varia, sed quæ sic sunt comparata, ut, *Heumanni* auctoritatem ac iudicium haud violare videantur. Scholam *Fuldensem* Autor merita colit laude, cujus fuerunt æmulæ illæ, quæ florere S. Galli, Augiæ Divitis, Hirsaugiæ, Corbejæ novæ, S. Matthiæ Treveris, &c. *Abbonem*, Martyrem & Abbatem *Floriacensem*, a *Gerberto Remis* eruditum, scholæ *Floriacensi* gloriam conciliasse maximam, dubitat nemo. Floruere literarum studiis cœnobia tunc temporis varia, quorum principatum tenuerunt Corbeja nova ad Visurgim, Lobium in Belgio, Mediolacense in diœcesi Trevirensi, &c. Seculum X dici sterile a *Calixto*, obscurum & barbarum a Cel. *Heumanno*, moleste fert Autor, quippe quod illustratum fuerit a *Silvestro II*, *Constantino Porphyrogeneto*, *Roswita*, *Rathenio*, Monacho Veronepsi ex Lobienſi, *Olberto Gemblacensi*, *Reginone Prumiensi*, *Heriberto Epternacensi*, *Bernero Rhemigienſi*, *Frodoardo Remensi*, *Heremberto Casinenſi*, *Fridegorio Cantuariensi*, *Rotgero S. Pantaleonis*, *Fulcuino Laubiensi*, *Witichindo Corbejensi*, *Adſone Dervenſi*, *Ælfrico Malmesburienſi*, *Wolſtano Wintonienſi*, *Abbone Floriacensi*, *Uſſingo Werthinensi*, *Meginrado Hirsaugienſi*, *Adalberone Elvacensi*, *Othlone Fuldensi*, *Aimoino Floriacensi*, *Helperico*, *Hartmanno*, *Notkero Sangallensi*, *Odone & Odilone Cluniacensibus*, aliisque pluribus scriptoribus *Benedictinis*, qui Seculum decimum ab ignorantia nota satis superque vindicare possint. *Heumanno* etiam responsurum esse doctissimum *Amatum de Graveſon Hiſt. eccl. Sec. X Colloqu. V*, sibi persuadet. Abbas *Florentius (Fleury)* ex *Tomo V Actorum Ordinis S. Benedicti Mabillonianorum* Seculum decimum ita illustravit, ut in Præfatione, *Tomo XIII Hiſt. Eccl.* præmiſſa, illi notam obscuritatis detraxerit. *Christannus*, primus omnium inter Christianos in regno Bohemiæ scriptor, hoc Seculum, iudice Autore, potest a barbarie vindicare. Scripsit is *Acta S. Ludmille*, aviæ suæ, quæ sunt edita in *Bobuslæi Balbini Epiro-me rerum Bobemicarum I, 10, pag. 57*. *Joannes etiam Trisebmius*

in *Annalibus Hirsaugiensibus* luculente significavit, Seculum X in Ordine *Benedictino* aureum existisse. Stili tamen elegantiam a scriptoribus Seculi X abfuisse, nemo ignorat. Flebit Autor deinde orationis decursum ad foundationem Cœnobii S. *Michaelis* Hildeneshemensis, quod vix exortum fuit, cum viris dōctis abundare cœpit. *Notkerum* Sangallensem, literarum fautorem, idem celebrat. Initia scholarum cœnobialium, *Bergensis* & S. *Michaelis* Bambergæ, laudat. Addit scholas alias *Benedictinas*. Berengarii applausum peremit *Lanfranci* splendor. Hic enim in monasterio Beccensi docebat, probantibus cunctis institutum; scholasticam Philosophiam. Gemblacensis monasterii schola illustis fuit sub *Sigeberto Gemblacensi*, *Anselmo*, aliisque. *Lanfrancum* & *Irnerium* simul Bononiæ Juri docendo operam navasse, *Roberto de Monte*, qui ad A. 1032 sic tradidit, haud accredit Autor, rationibus chronologicis, cur non assentiat, impeditus. Idem delibat florem scholarum monasterii S. *Albani* in Anglia, *Tinecæ* in Polonia, aliarumque. Deinde sese accingit judicio *Heumanniano*, de statu Seculi X & XI literario, refellendo, memor *Guidonis Aretini*, Musici, *Lamberti* Schaffnaburgensis, & *Mecænatum*, *Henrici II*, Germaniæ Regis, *Roberti Sapientis*, Galliarum, atque *Guilielmi Conquestoris*, Angliæ Regis. Seculi XII res literarias dum exponit, ab *Henrico*, S. *Ægidii* Abbate Brunsvici, orditur; attingit deinde *Anselmum*, Abbatem Gemblacensem, *Æmilium*, Abbatem Braunwillerensem, *Henricum*, Abbatem S. *Ulrici*, *Rupertum*, Abbatem Ottoburanum, *Marquardum*, Abbatem novæ Corbejæ, atque Abbatem *Leonium*. Hinc progreditur ad doctos montis Casini viros, ac *Benedictinos* Galliæ literatos, ipsiusque Academiæ Cantabrigiensis originem. Theologiæ postea scholasticæ semina quærit in *Joanne Damasceno*, exordium in Beccensi schola, apicem in *Petro Lombardo* ac *Thoma Aquinate*. Tandem contendit, *Joannem Wicleffum* ob præfecturam collegii Cantuariensis sibi denegatam ad hæresin evomendam processisse. Redit inde ad cœnobium S. *Michaelis* Hildeneshemense, ejusque Lectorem, *Benedictum Stolte*, libris editis clarum, merito collaudat. Cautum quoque fuit Seculo XV de studiis amplificandis in Capitulo generali Congregationis Anglicanæ

Pag. 42.

45.

49.

52.

53.

54.

glicanæ Northamptonensi. Id omnino laudibus ducendum Benedictinis, quod artis typographicae initia in Angliam, Italiam, Augustam Vindelicorum, ac aliorum, transtulerunt. In cœnobio Sublacensi formis publicis descriptus fuit *Laſſantius Firmianus* A. 1465 antepenult. Octob. in fol. optimo, & quidem Romano, charactere, in Bibliotheca Vindobonensi solitus ostendi. Quantopere *Joannes Trithemius*, Abbas primo Spanheimensis, deinde Wirceburgensis, de ignorantia Monachorum ætatis suæ conquestus fuerit, & quantum impedimentorum Abbates ei, homines ad literas instaurandas adhortanti, objectaverint, Noster egregie exponit, hæc ratione confessus, tenebrosa existisse cœnobio ante *Lutheri* Reformationem. Medio ac exeunte Seculo XVI floruerunt *Benedictini* Ordinis Abbates, *Hieronymus Elchingang*, *Fridericus Gengenbacensis*, *Alexander Bantensis*, aliique. Ex hoc Ordine viri sane magni interfuerunt Concilio Tridentino. Inprimis inde a centum annis & ultra commemorabili literarum & scientiarum splendore effulget Congregatio S. *Mauri*, quam si *Benedictinorum* fastigium literarium appellaverimus, in veritatem non peccabimus. Autor non solum hæc recensuit, sed etiam concertationem, quæ feruit *Mabillonium* inter & *Armandum Buttilierium de Rance*, Abbatem Trapensem, strictioris observantiæ Cisterciensis, de studiis Monachorum. Prodiit *Mabillonii* liber de *Studiis monasticis* in lucem A. 1691 4, tribus Partibus insignis. Ediderat jam antea Abbas de *Trappa* librum de *sanctis monastica vitæ officiis*, quo studia Monachis & inutilia & pernicioſa contenderat. Cum modeste suo more *Mabillonius* nonnihil in contrarium monuisset, ac dicta refellisset, excanduit ille de *Trappa*, stiloque vehementiori, quasi ætum foret de disciplina monastica, in *Mabillonium* insurrexit in *Responsione ad librum de studiis monasticis*. Propere Abbat *Trappensis* responsioni *Animadversiones* opposuit *Mabillonius* anno 1692 ineunte. Controversiam hanc copiose enarravit D. *Josephus Porta*, Casinensis Theologus, in *Historia Univ. Salisb.* I, 4, pag. 62. De Academia Salisburgensi, quam *Benedictini* illustrent docendo, fuisse disserit Autor & copiose. *Marcus Siffricus*, Archiepiscopus Salisburgensis, conditum a se Gymnasium

sum A. 1617 ibi Patribus Benedictinis demandavit. *Leo Paris*, successor ejus, id A. 1622 in Academiam evexit. Primam ejus Rectorem egit *Albertus Keuslin*, Ottoburanus, paulo post in Abbatem monasterii ad *S. Petri* ibidem electus, quo ex tempore hoc monasterium coepit doctorum virorum ac doctrinae reddi officina atque seminarium. Sub finem porro superioris Seculi in Bavaria monasteria Ordinis Benedictini circiter viginti societatem religiosam, quam vocant Congregationem, tum ad concordata regularis disciplinae observantiam, tum ad studia literaria promovenda, magno cum incremento utriusque interunt. Leges, quas ipsa sibi praedestinaverant, & *Innocentius XI* A. 1686 approbavit, apud Autorem legendas esse, monemus. Frisingae novis scholis initium dedit *D. Romualdus*, Abbas Ettalensis, annuente Episcopo Frisingensi, *Joanne Francisco*. Fundatio ad annum 1720 est referenda. Scholam Roschacensem ad lacum Podamicum aperuit *Pius*, princeps & Abbas S. Galli A. 1657, abrogavit vero *Leodegarius*, Abbas, A. 1696 electus, ac A. 1717 Neo-Ravenspurgi in exilio defunctus. Gymnasium Rotwilanum, ab Abbatibus foederatis in Suecia A. 1673 apertum, brevi post desit. Principale Monasterium Einsiedlense in Helvetia, Gymnasio aperto, in Bellinzonensi oppido A. 1675 curam literarum in sese suscepit, praecunte Abbate & Principe *Augustino*. Seminarium scholae Benedictinae, in urbe Colonia A. 1617 conditum, autore gaudet *Joanne III*, Abbate Braunwillerensi, at posthac desit florere. *Placidus Buchauer*, monasterii Cremifanensis Abbas 56, scholam monasterii sui instauravit, & seminarium adauxit. Abbas coenobii Mellicensis, *Gregorius*, A. 1684 Theologiam speculativam & Philosophiam a duobus Professoribus jussit ibi doceri. Literarum cultura *Benedictina* persistit adhuc in Augia majore Brigantina. Academia *Benedictina* in Monasterio S. Michaelis ad Mosam intra dioecesin Virdunensem floret, quam Cel. Abbas *Calmetus*, ac *Matthaeus Petitdidier*, olim illustrarunt. Multis ante annis inter Hispanos Vallisoletani Patres decreverunt, ut in Congregatione perpetuo sint tria Collegia, in quibus artes liberales & Philosophia doceantur, & quartum, in quo Theologia praegatur. Philo-

Pag. 55.

56.

58.

59.

61.

62.

- Philosophiæ docendæ destinatum S. *Stephani del Ribas del Sil*, S. *Juliani de Samos*, & S. *Maria de Vrace*, Theologiæ tradendæ attributum S. *Vincentii Salmanticæ*, Collegium. Constitutiones instituti Barcinonensis formis publicis prodierunt descriptæ. Et quid dicemus de cœnobiis *Benedictinis*, per Italiam, Belgium, Galliam, ac Lotharingiam, spectabilibus? Inter Polonos in Plocensi monasterio Philosophia ac Theologia; in monasterio S. Crucis Jus Canonicum, docetur. Illud condidit A. 1670 *Joannes Carolus de Wierzbowice Kopec*, Palatinus Plocensis, hoc autem instituit *Casimirus Radziwius*, Dux in Olyka. Refellit Autor eos merito, qui credunt, cœnobia in primis sui initii nil nisi scholas exstitisse, secutus *Joannem Mabillonium* in *Tr. de Stud. monast. Part. I Cap. I pag. 3*. In describendo monasterio Casinensi ipse est satis longus, quantum ad scholam, in eo florentem, attinet, quam quippe *Benedictus XIII* A. 1725 in literis bullatis laudavit, olim inibi Monachus ipse. Prædicat Fuldensem scholam, & interiorem, & exteriorem, cujus moderatores dicti fuerunt *Scholastici*. Scholæ cœnobii S. *Galli*, cujus prima jecit fundamenta *Grimaldus*, Abbas, præconem agit justissimum; simulque adversus *Joannem Launojum* ac *Trithemium* ostendit, *Hermannum Contractum* semper fuisse Monachum Augiensem, nunquam Sangallensem, multo minus discipulum *Hilperici*, innixus fidei *Joannis Egonii*, qui de Viris Illustribus Augiæ Divitis *Part. II Cap. 28* scripsit. Gloriam scholæ cœnobialis, quæ floruit Augiæ Divitis in monasterio, adversus *Conringium* vindicare laborat, laudans *Heitonem*, qui, vivente *Carolo M.*, sacras ibi literas docuit, ac Abbas, immo postea Episcopus Basileensis, evasit. De celeberrimo quondam Augiensi asceterio nunc valet illud: *nunc desolatam perflant Zephyri*. Dicit deinde Autor de Floriacensi monasterio, ad Ligerim supra Aurelianos sito, de schola Corbejæ novæ ad Visurgim, ad S. *Anscharium* referenda, & ad annum fere 1343 florente, de ludo literario monasterii Hirsaugiensis, ejusque Scholasticis, eruditionis gloria magnis, nec non cœnobii Beccensis in Neustria, a B. *Herluino* fundari. Progreditur ad Prioratum S. *Benedicti de Oxonia*, qui vulgo adhuc Collegium Glocestrense vocatur. Hujus instituta,
- A. 1444

A. 1444 in Capitulo provinciali condita Northamptoni, ex *Reynero* profert. Exponit de Collegio Cluniacensi, quod A. 1269 Parisiis *Yvo de Vergy*, Abbas, condidit in usum scholarium monasterii Cluniacensis, qui Lutetiam ad scientias porro imbibendas mitterentur. Instituta & consuetudines ei præscripsit *Henricus de Fauteiis* ad A. 1308 circiter, posthæc Episcopus *S. Flori* in Arvernia. Haud prætermittit Autor Collegium *Anselmo-Benedictinum*, Romæ a *D. Andrea Deodato* constitutum, quod illustrarunt *Alexander Lellius* A. 1664, *Alphonfus Mariconda* A. 1687, *Josephus Porta* A. 1687, *Joannes Antonius Orsatus* A. 1700, *Joannes Baptista de Miro*, *Bonaventura Finardi*, *Nicolaus Maria de Tedeschis*, *Marianus Armellinus*, qui *Bibliothecam Benedictino-Casinensem, sive Scriptorum Casinensis Congregationis*, scripsit, *Leander* ex Comitibus *de Porzia*, *Georgius Thierri*, qui docendo hic operam ab A. 1726 usque ad A. 1732 navavit. Addit idem scholas monasterii Ettalensis, quas *Placidus*, Abbas, A. 1672 *Landspergæ* in Bavaria natus, A. 1709 id honoris consecutus, fundavit, ejusque successor, *Bernhardus*, auxit, ex *Carolo Meichelbeckio* satis notas, *Hist. Frising. T. II pag. 497*. Et hæc quidem recensentur Capizibus duobus. Tertio monumentum eis exigitur ære perennius, qui e scholis & institutione *Benedictinorum* prodierunt. *Gelasii II*, apud Casinenses formati, exhibetur tandem vita. Memorantur summi viri, qui a *Benedictinis* fuerunt literis ac virtutibus imbuti. *Bruno*, Archiepiscopus Colonienfis, usus fuit præceptore *Baldrico*, Episcopo Trajecti ad Rhenum, ubi regulæ Benedictinæ observatio, a *S. Willibrordo* instituta, vigeat. *Burchardus*, Episcopus Wormatiensis, profecit adolescens in literis præeunte *Olberto*, Monacho Gemblacensi. A *Benedictinis* instituti fuerunt *Adelbertus*, Archiepiscopus Magdeburgensis, *S. Benno*, Misnensis Episcopus, *Ditmarus* Merseburgensis, *Heribertus* Colonienfis, *Henricus* Trevirensis, *Wolfgangus* Ratisbonensis, *Dagino*, Archiepiscopus Magdeburgensis, *Fulco* Remensis, aliique complures. Huc referendi *Pipinus* ac *Carolus M.*, *Lotharius* & *Carolus Calvus*, Imperatores, *Robertus*, *Hugonis*, Regis, filius, isque discipulus *Gerberti*, *Ælfredus*, Rex Angliæ, scholæ Oxoniensis conditor, ac

- Pag. 163. operum uno plurium scriptor, *Otto II*, Imperator, cujus ad *Gerbertum*, præceptorem, adhuc Epistola exstat, nec non nomina aliorum summa auctoritate heroum. Intexit Autor postea commercium epistolare, quod *Joachimum*, Marchionem Brandeburgensium, inter & *Joannem Trithemium* intercessit. De eis, qui Ordinis *Benedictini* exstiterunt Mæcenates, nihil est, quod
221. moneamus. Specialiora sunt, quæ ad patronos *Edmundi Martene*, Autoris ac scriptoris ex eadem *S. Mauri* Congregatione celebratissimi, spectant. De Bibliotheca *S. Benedicti & Benedictinorum* primorum Autor nonnihil affert in medium, ingenue
224. tamen fassus, eam satis exigui numeri fuisse. Emicat inter ceteras hodie Bibliotheca Casinensis, in qua existant multi bonæ notæ Codices Græci præter Latinos. Bobiensem Bibliothecam, plurimis olim optimisque refertam Codicibus, qui inde in Bibliothecam Ambrosianam translati fuerunt, prædicant universi.
230. Juvat præterea significasse Pomposianam, circa A. 1093 prope Ravennæ oppidum florentem, Floriacensem, Corbejæ veteris, Antifiodorenses, Rhemenses, Cluniacensem, cujus MSti Codices Genevam deportati, Lotharingicas, Gemblacensem, incendio devastatam, San-Bertinianam, &c. Ne quidem Autor omittit Bibliothecam monasterii *S. Blasii* Northemenfis. Inde divertitur ad Grammatophylacia, Casinense, San-Dionysianum, cui contra *Bartholomæum Germonium* pro causa *Mabilionii* tuenda auxiliatur, Spanheimense, Hirsfeldense, Mellicense, &c. Autori lubuit vitas præfectorum Bibliothecis ac Archivis ita recensere, ut haud facile perspicere detur, unde istas, vel earum
241. partes, depromserit. Subtexuit ad hæc *Benedictinorum* itinera literaria, nominatim *S. Adonis*, *Gotscelini*, *Adelardi*, *Joannis Bossoni*, *Antonii Yepesii*, *Anselmi Pajoli*, *Angeli Mariae Quirini*, *Pauli Langii*, Monachi Zwicciavienfis, quo *Trithemius* fuit
255. usus, *Claudii Eriennot* ad annum 1673, *Joannis Mabilionii*, *Bernbardi Montfaucon*, *Edmundi Martene* ac *Ursini Durand*, *Peziorum* fratrum, *Bernhardi & Hieronymi*. Accedit tandem hisce Index, mediocri diligentia adornatus. Autorem expofuisse nihil de cœnobiis Lammespringe, S. Godehardi intra mœnia urbis Hildenesheimii, Ringelheim, Gandersheim, Huiseburg, &c.
289. videtur
- 294.

videtur nobis res similis portento. In coenobio certe Lamme-
springe, quod *Benedictini* Congregationis Anglicanæ, viri hu-
manissimi æque ac doctissimi; habitant, Grammatophylacium
& Bibliotheca visentibus gratissima præbent spectacula. Primus
Abbas hujus Congregationis Opera scripsit haud vilioris metalli,
nec de reliquo is negligendus fuit.

HISTOIRE DU PRINCE FRANCOIS EU-
gene de Savoie, &c.

id est,

*HISTORIA FRANCISCI EUGENII, SABAU-
diæ Principis, Imperatoris ac Imperii Ducis bellici
supremi, locupletata figuris, æri incisis, quæ deli-
neationes locorum pugnis illustrium exhibent, atque or-
nata numis, ad rem ipsam dextre intelligen-
dam necessariis.*

Tomus V.

Amstelodami, impensis Arkstei & Merkursi, librariorum Li-
psensium, 1740, 12.

Alph. 4 plag. 13.

Nitorem castitatemque dictionis, fidem notitiamque e fon-
tibus ipsis haustam, & æquabile digestumque tractationis
genus, ad Heroem, cœlitibus, virtutis ornamenta secutis, ad-
scribendum attulit Autor, quisquis sit, elegans & doctus, &
de his, qui maximi illius Ducis res gestas deducta orationis se-
rie expositas legere cupiunt, satis bene meritis. Exoptata ei
adspiravit occasio proficiendi ex Hungaro quodam, & per eum
Vindobona adipiscendi diversa manuscripta de illustribus Herois
sui factis ac dictis. Quo factum est, ut passim dissideat ab iis,
quæ *Du Mont* in *Historia militari* (*Histoire militaire*) *Eugeniana*
tradidit. Subinde consuluit ac testem appellavit Italum, qui
Vitam & pugnas Principis Eugenii literis memoriæque sermo-
ne vernaculo prodidit, & cujus e libro proxime ea decerpe-
mus, quæ e re fore publica existimamus. Autorem Historiæ,
qui Germanica lingua usus fuit ad *Eugenii* memoriæ omni cum

æternitate adæquandam, minus laudat, injuriis quippe & elo-
giis supra, quam par erat, onustum, artisque cogitandi non sa-
tis gnarum. Nec tamen ei fidem detrahit omnem, siquidem
ad eum nonnunquam respicit, ejusque testimonio sese firmat.
Chartæ nitor, typothetarum diligentia, & figuræ, ad pulcherri-
mum modum assabrefactæ, libris non possunt non singulis amœ-
Tom. I nitatem & pretium conciliare. Loca, in quibus prælium Zen-
pag. 220. tense ad Tibiscum, illud ad Clarios (*Chiari*), Cremonam, Lu-
zaram, & Hochstetensem, A. 1704 commissum, in æs incisa fue-
runt nitide & eleganter. Idem pronuntiandum est de prælio
Cassanensi anni 1705, de obsidione Augustæ Taurinorum, de pu-
gna Odenardenfensi anni 1708, de insultibus obsidentium *Insulam* seu
Lille, de prælio ad Malplaketum, in quo fœderatorum plures,
quam Gallorum, occiderunt A. 1709 d. 11 Sept., de pugna ad Pe-
trowaradinum A. 1716 d. 5 Aug., & de obsidione Bellogradi,
A. 1717 tentata, tabulis delineationibusque expressa. Non
est, quod tibi persuadeas, Lector, Autorem, in narratio-
nis planæ & vinculis adstrictæ carceribus conclusum, ab Actis
publicis abstinere, quin potius ipse Epistolas *Eugenii* nu-
merosas, pacta, fœderum condiciones, leges belli moderatri-
ces, ac momenta & verba transactionum, passim in lucem pro-
duxit, & nihil in diligentia sua desiderari passus fuit, ut sin-
cere & ornate veritatem apte & ordine expositam cum orbe li-
terato humanitatisque haud experte communicaret. Ni falli-
mur, Angli, exemplo ejus excitati, denuo Vitam Principis *Eu-
genii* sermone suo edisserendam sibi proposuerunt, ac formis cu-
rarunt publicis describendam. Nisi res *Eugenii* per ora hominum
volitarent: nisi etiam animus nobis esset, ex scriptore Italo pleni-
ora proxime apponere decerpta; in præsens fercula cœnæ dubiæ
compendiosa essemus apparatus. Verum quem usum habere
poterit gutta una & altera? Invitamus potius Lectorem ad quie-
tum illud æquor, quod Autor reclusit, in quo scopulorum
nihil, nihil acoris, metuendum, sed potius Nymphæ omnes
calum tempestatesque serenant.

HISTOIRE DU CHRISTIANISME D' ETHIOPIE

& d' Armenie &c.

hoc est,

HISTO-

*HISTORIA CHRISTIANÆ RELIGIONIS, PER
Æthiopiam & Armeniam florentis, Autore MATURI-
NO VEYSSIERIO LACROZIO, Professore Philoso-
phiæ emerito, Bibliothecario & Antiquario Re-
gis Prussorum.*

Hagæ Comitum, apud viduam Vieri & Petrum Paupie, 1739, 8.

Alph. 1 plag. 3.

Quemadmodum Amplissimus Autor aliquot abhinc annis Historiam *Nestorianismi* multo cum doctrinæ apparatu est persecutus; ita in præsentī Commentatione id agit, ut, qua ratione *Monophysitarum* doctrina per duas, conspicuas satis, propages inter Æthiopus atque Armenos se diffuderit, edoceat. Equidem frustra hic aliquis requirat continuam utriusque ecclesiæ historiam; observationes tantum aliquas, ad illius statum spectantes, exhibet Autor, subinde digressiones utiles ac eruditas instituens. Cum libellus hic ea lingua sit exaratus, quæ hodie no die nemini fere ex eruditis est ignota: prætereaque is ipse jàm dum in sermone vernaculum conversus; ab eo recensendo abstinere licuisset. Sed hic honor est habendus Viro vastâ eruditione ac meritorum in rem literariam magnitudine illustri, ut hujus ipsius eximii fœtus, quo vix excluso, non sine insigni literati orbis detrimento ipse mortalium numero est exemptus, aliquam in his Commentariis nostris mentionem faciamus. Opusculum in *quatuor* dispertitur *Partes*. *Prima* investigat originem atque progressum *Monophysismi* *pag. 1-88*; *altera* exhibet relationem de Æthiopia, quam *Jo. Bermuder* consignavit, *pag. 89-268*; *tertia* explicat progressum & interitum missionis Lusitanicæ in Æthiopia *pag. 269-326*; *quarta* destinata est historiæ ecclesiasticæ Armenicæ *pag. 327-402*. Potiora ex his, quantum instituti ratio permittet, enotabimus. Sub initium *Libri I* monuerat, controversias de incarnatione Jesu Christi, Seculo V exortas, quas non tam veritatis eruendæ defendendæque amor, sed ambitionis ac privati odii studium, excitaverit, in duas factiones discessisse, *Nestorianorum* ac *Monophysitarum*, logomachias multas admissas, & terminos perceptu adeo

Rrrr 3

diffi-

- difficiles adhibitos fuisse, ut aliquando *Nestoriani* pro recte sentientibus habiti, & Monophysitæ orthodoxis sint annumerati. Posterius probat exemplo scriptorum, quæ *Dionysii Areopagite* nomen mentiuntur, quorum Autorem Monophysitam fuisse pertendit. Generatim de illorum Autore pronuntiat, fuisse hominem ingenio non destitutum, disertum, & suo modo doctum, stilum esse affectatum, & si quis omnia pensculatius confligat, id apparere, Autorem dato studio se occultare & creditati lectorum imponere voluisse. Docet porro, mentionem illorum omnium primam factam fuisse in collatione Constantinopolitana, A. C. 532 inter Orthodoxos & Severianos instituta. Concinnata esse eum in finem, ut Monophysitarum opinionibus, per *Theophilum Alexandrinum* ac alios emollitis paululum, venerabili aliquo nomine præsidium quoddam pararetur. Huic negotio conficiendo per illam tempestatem aptiorem exstitisse neminem *Synesio*, *Theophili* amico, Episcopo Ptolemaidis, viro vasta quidem eruditione instructo, sed qui pudori sibi non duxerit, alios, etiam in religionis negotio, fraudibus circumvenire. Probat hoc *primum* ex convenientia dictionis tum commentitii *Dionysii*, tum *Synesii*, quæ potissimum inter hujus *Hymnos sacros* & illius librum *de Nominibus divinis* animadvertatur. *Hymno III* Deum patrem appellari *πατὴρ πατρῶν*, fontem fontium, in libro *de Nomin. div. πατρῶν θεότητα*. Cap. IX legi *βᾶδος ἀπερίληπτον*, quocum conveniat omnino *βῦδος ἀσπερτος* *Hymn. III pag. 323*. Nomina divina, commemorata *Dionysio*, eadem esse, quæ *Hymno I & II Synesii* occurrant. Orationem *Synesii*, quam patri *Osiridis Lib. I de Providentia* accommodet, eandem fere esse, quæ legatur in libris *de divina Hierarchia*. Monachos & *Dionysium* & *Synesium* appellare *θεοαπέυτας τῶ θεῷ*. Secundo ad Opera hæc effingenda requisitum fuisse virum vastæ eruditionis, nec vulgaris eloquentiæ, talem autem præter *Synesium* Sec. V appellari posse neminem. Cum autem non illico excitata legantur, probabile esse admodum, in Bibliotheca *Theophili* asservata fuisse, usque dum tempus commodius suppeteret. Quod autem *Cyrillus* ad scripta hæc provocaverit, ab ipsius genio alienum non esse, quæ
- sub

sub nomine *Athanasii* scripta quædam *Apollinaris* in causa *Nestoriana*, non dissimulante le *Quien*, appellavit, imo fidei propius esse, ipsum illa confinxisse. Inde digreditur ad controversias, agitatatas inter *Nestorium* & *Cyrillum*, quorum ille in Concilio Ephesino I fuit condemnatus, sacro munere exutus, inque exilium relegatus, restituendus, nisi mors intercessisset. Habito Concilio, Monophysitarum doctrina prævaluisse, quemadmodum *Jo. Cassiani* & *Marii Mercatoris* opera horum erroribus sunt inquinata, nisi *Eutyches* limites, quos posuerat *Cyrillus*, egressus esset, A. 448 in Concilio Constantinopolitano per *Flavianum*, summum sacrorum antistitem, condemnatus, quemadmodum vice versa *Flavianus* per illos, qui bene cupiebant *Eutychi*, in Ephesino sic dicto *λησρικῶ* anathematis fulmine percussus, itaque male verberibus est affectus, ut ex vulneribus non multo post decesserit. Qui motus ut componerentur, A. 451 novum aliquod Concilium Chalcedone est convocatum, nihilo tamen minus Monophysitarum errores per Ægyptum & Syriam non tam per doctrinæ suæ demonstrationem, quam crudelitatem & lanienas, quas natura humana horret, ingentia sumfere incrementa. Inde ostendit Cel. Autor, ex Monophysitis illustre nomen adeptum esse *Severum*, Patriarcham Alexandrinum, cujus Opera, Græco sermone exarata, olim quidem asservata fuerint in Bibliotheca *Coisliniana*, in præsentia fani S. Germani, mortuum A. 539, quem tanto dignentur honore sectatores, ut in Doxologia Coptica, quæ habeatur in memorata Bibliotheca, ipsum appellent *magnum propugnatorem, qui pro religione orthodoxa decertaverit, quique orbem terrarum gloria Dei repleverit*. Hunc eloquentia & eruditione superare *Philoxenum*, Episcopum Hierapolitanum, cui, *Assetano* iudice, primæ inter scriptores Syros debeantur, ab adversariis tum causa peculiarium hypothesium, tum quod sese imaginum cultui, jamjam obrepenti, opposuerit, calumniis oppressum, ut primum quidem in exilium ejiceretur, inde fumo suffocaretur, quod factum fuerit circa A. C. 528, cui ipsi in acceptis referenda versio Syriaca Nov. Test. quam ex exemplari *Mosis Meridinei* Iacobitæ primus vulgarit *Andr. Widmanstadius*, distincta ab antiqua illa, quam Syri *psitta, simplicem*, appel-

Pag. 20-
27.

27-29.

29-32.

32-34.

34-36.

36-39.

- Pag. 39. appellant, quamque ab Apostolis arcessunt. *Jacobum Zanzalum*, aut *Baradeum*, Episcopum Edessenum, multum ad errores illos per Orientem disseminandos contulisse, mortuum A. 578, a quo nomen *Jacobitarum* Monophysitæ adoptarint. Ex horum numero etiam existisse inclytum *Mosen Bar Cepham*. A. 999
40. *Phocam*, Imperatorem, Monophysitas multum exagitalle, *Joannem*, Episcopum Antiochenum, factionis Monophysitarum *Jacobitarum*, cum aliis sacrorum administris Constantinopolin abduxisse, inque carceres compegisse, de qua injuria graviter sint conque-
sti in literis synodicis, quas Arabice cum Latina interpretatione exhibeat *Assemannus Bibl. Orient. T. II pag. 133*, quocum con-
ferri queat *Renaudotius in Hist. patr. Alexandr. pag. 356*. Ex illis etiam nomen aliquod sibi peperisse *Dionysium Barsalibi*, Præfulem Amidenum, cujus stilum & eruditionem multum quidem com-
mendet *Assemannus*, sed ad elegantiam & doctrinam *Philoxeni* non accedere, eruditionem ejus esse superficialiariam, judicio sæpe eum labi, superstitioni nimium esse deditum, mortuum A. 1171, Commentarios in universam fere Scripturam, non excepta etiam
44.45. Apocalypsi, reliquisse. Qua occasione errorem *Assemanni* notat Au-
tor, ac si *Barsalibi Josephum*, Judæorum Historicum, Christianum
45.46. fecerit, cum voce *ettalmad* nihil aliud designare voluerit, quam
46.47. ipsum Græcis Latinisque literis eruditum fuisse. Commentarium illius in Liturgiam Syrorum esse jejunum. Statuisse quidem ipsum præsentiam aliquam realem in sacra Cœna, sed quæ a Pontificio-
rum transubstantiatione longe discedat, quam *Gregorius Abulpharagius* appellaverit opinionem novam & Syris inauditam. Sed
47-52. omnibus *Jacobitis* eruditione præfert Autor *Gregorium Abulpharagium*, primatem orientalium *Jacobitarum*, ætate sua eruditorum facile principem, natum in urbe Melitene ultra Euphratem A. 1226, dictum alias *Bar-Ebraum*, cujus parens *Aaron*, Medicus, superstitionem Judaicam, quod credibile sit, cum religione Christiana commutarit. Per diverticulum docet, ex Judæis conver-
52.53. sos in ecclesia Pontificia ad amplissimas dignitates ecclesiasticas evektos fuisse, v. c. *Paulum Burgensem* & *Joannem de Polanco*, sed spem hanc sequentibus temporibus ipsis eripuisse inquisitionem
54.60. Hispanicam. Inde regreditur ad *Abulpharagium*, cujus vitam

ac fata breviter recenset, doctrinam ipsius ac moderationem multis laudibus tollit, scripta speciatim nominat, tanta ipsum apud aliorum partium doctores exultatione fuisse refert, ut, cum exsequia ipsius ducerentur, Patriarcha *Nestorianus* cum suis Episcopis, Armeni & Græci omnes, qui civitatem Maragam incolebant, pietatem ipsi suam sint testati. Tractationem hanc finit observatione, existisse quidem inter Monophysitas viros doctrina magnos, sed, quod *Leonem Magnum*, ejusque Epistolam ad *Flavianum*, condemnaverint, Conciliumque Chalcedonenſe rejecerint, excusandos non esse; porro taxandos esse, quod suos non ad pietatem Christianam duxerint, sed rigida iis potius ac severa jejunia injunxerint, sicque eos ad crudelitatem excitaverint. Inde propius accedit ad historiam Ecclesiæ Æthiopicae. Docet, Monophysismum, in Ægypto natum, per Æthiopiam se diffudisse. Concilii Chalcedonenſis, instituti, ut turbæ sedarentur, eventum minus prosperum fuisse, *Dioscoro* quippe in exilium misso, ejusque successore *Proterio* in ipsa ecclesia obtruncato, binos semper Patriarchas Alexandriæ fuisse, alium ex partibus Græcorum orthodoxorum, alium ex Ægyptiis Monophysitis, quæ factiones mutuis contentionibus se labefactare sint amissæ, usque dum tandem A. 639 Ægyptus a Muhamedanis sit occupata. Cura *Alexandrini* Patriarchæ subfuisse Ecclesias Christianas in Æthiopia, ad quas demiserit Patriarcham, quem appellarint *Abuna*, patrem nostrum. Inde subjicit quasdam observationes de scaturigine Nili, quam Jesuitæ missionarii se reperisse cumprimis sint gloriati; docens etiam, qua ratione Lusitani omnium primum in Abyssinorum terras demigrarint, occasionem subministrante *Helena*, Imperatrice. Describit Abyssinos tum ratione corporis, tum ab indole animi; esse ipsos eximiis animi dotibus præditos, ad pietatem natura propendere, alienos a corruptelis Europæorum. In religione sectari instituta Monophysitarum, nisi quod nonnulli ad Lojolitarum præcepta declinent. Observare circumcisionem, quam tamen pro Sacramento non agnoscant, abstinere a cibis in lege *Mosaica* vetitis, Sabbatum aliosque ritus, Judaicis conformes, obire, unde colligit Autor, esse ipsos propaginem Christianorum Nazarenorum, nec causam habuisse Jesuitas, quare

- circumcisionem illorum ita exagitarint, cum forte qua tales sint vocati, quo in casu valeat monitum Apostoli *1 Cor. VII, 17-20.*
- Pag. 79-83. *Jobum Ludolfum* in *Historia sua Æthiopica* leviores quidem errores admisisse, sed illos adeo acrem reprehensionem *Renaudotii* non meruisse, nec causam fuisse, quare illam, repressam licet, recoxerit *le Grand*, Missionarius. Quinque ipsos numerare *Sacramenta*, sed hanc notionem more Græcorum sumi pro mysterio, coll. pag. *doctrinam* scilicet de *sacrosancta Trinitate*, *Inarnationem filii Dei*, *Baptismum*, *Eucharistiam*, *Resurrectionem* denique *mortuorum*. Hæc ad statum Ecclesiæ Abyssinæ spectant. Quod ad statum politicum, commemorat, qua ratione *David*, Abyssinorum Augustus, auxiliis Lusitanorum confusus, in animum induxerit suum, Muhammedanos terris, quas prope mare rubrum occuparint, exuere; quod cum illi intelligerent, copias in Æthiopiam misisse, qui, fuis aliquoties Abyssinis, integram terram suam redegerint potestatem, nisi Lusitani præsto ipsis fuissent. Hinc *Libro II* exhibet integram relationem expeditionis hujus, sermone Lusitano A. 1565 Ulyssipone autore *Jo. Bermudez* luci datam, quæ quoniam rarissima fuit & curiosa admodum, prætereaque Autor pluribus rebus non tam interfuit, quam præfuit, totam inferere, quam illius compendium tantum aliquod dare, maluit. Complectitur res in Æthiopia gestas ab A. 1520 usque ad A. 1559. Argumentum illius hoc est. Lusitanorum auxiliis Abyssini Muhammedanos diversis cladibus straverunt, omnesque terras, sibi ereptas, recuperarunt. Videntes autem Abyssini, *Joannem Bermudez* id agere, ut prisca ritus ac patria religio, introducta Romana, abolerentur, totumque imperium obsequio Pontificis Romani submitteretur, adhuc verentes, ne Lusitani ipsos aliquando sub jugum mitterent, eundem ab omni negotiorum, tum civilium, tum sacrorum, administratione removerunt, ut tandem, relicta Æthiopia, Ulyssiponem redire cogeretur. Relationem hanc Cel. *La Croze* potiore ducit recentiorum Jesuitarum narrationibus, cum illi plurimum dent odio, ipse vero *Bermudez* per tot annorum spatia in Æthiopia sit versatus, ac interiores illius provincias perreptarit, quas alii ne quidem attigerint. *Libro III* enarrat missionis Jesuitarum in
- Æthio-

Æthiopia initia, progressus, incrementa, tandemque inauspicatum exitum. Hanc moliti sunt, ex quo ordo est confirmatus. Ipse *Lojola* hoc in se negotium suscepisset, si per Pontificem licuisset. Illud igitur creditum est *Nunnez Barrero*, qui Ulyssiponæ Patriarcha Æthiopum consecrabatur, & instructus literis Regis Lusitanæ atque ipsius *Lojola*, quas tamen *Joannis de Polanco* fuisse existimat Noster, eo destinabatur, sed *Gox* substitit, ad Æthiopes ablegato *Andrea d' Oviedo*, ac aliis ejusdem familiæ sociis, qui ad Abyssinos accesserunt sub finem Martii A. 1557. Admittebatur ad Imp. *Claudium*, adversus quem cum disputando nihil valeret, diro execrationis carmine & Imperatorem & integram gentem perculit; nec res illorum felicius processerunt imperantibus *Adama Segued* & *Malac Saghed*, ut, paullatim exspirantibus missionis sociis, retro laberentur. Opus hoc renovatum est regnante apud Hispanos ac Lusitanos *Philippo II*, qui, Jesuitarum precibus motus, ad Imp. *Malac Saghed* literas dedit; sed eventus non respondebat, aliis in dueros carceres coniectis, alio capite truncato. Feliciorem esse licuit *Petro Pays*, qui, Æthiopiam ingressus, quoniam Imperatori *Seltam Segued* prudentia ac consilio difficilibus temporibus adfuerat, rem eo deduxit, ut legatio ad Pontificem Romanum & *Philippum* Hispanum A. 1613 decerneretur, religio Pontificia multa vi stabiliretur, *Alphonsus Mendefius* Patriarcha totius Æthiopix A. 1625 nominaretur, Imperator in publicis comitiis, præstito jurejurando, se ac imperium in Pont. Rom. obsequium A. 1626 d. 11 Febr. transcriberet, qui ritus Romanos sequi abnuebant, interficerentur, monachi ac anachoretæ partim neci darentur, partim, ubi in cavernas se abdiderant, fumo suffocarentur. Passim quidem Principes ac integræ nationes pro avita religione arma capiebant, illis autem feliciter prostratis, animus Jesuitarum, speciatim *Mendefii*, ita crescebat, ut in jura Augusti & imperii involare nulli dubitarent. Sed videns Imperator, novos usque motus ipsum excipere, tandem supplicibus procerum precibus de vi dejectus, edictum publicabat, quo cuicunque liberam optionem faciebat, cui sese parti addicere vellent. Incredibilem lætitiā agebat populus, a Jesuitis catervatim descebat, templa illo-

- rum magnifica occupabat, multa quidem in contrarium asserente *Mendefio*, sed furdas Imperatoris obrundente aures. Gra-
 Pag. 313- viora perpeffi sunt, *Seguedo* A. 1632 viventium numero ex-
 317. emto. *Basilides* quippe, qui succedebat, *Mendesium* omnesque
 Jesuitas ob tyrannidem exercitam Fremonam, ademtis prius ipsis
 omnibus armis, in exilium ire iussit. In via omnibus bonis
 317-320. exuebantur, cumque Fremonam venissent, novo mandato ipsis
 est injectum, ut omni regno Tigrensi, in quo Fremona sita
 erat, excederent, & ad Indos transmitterent, qui, ubi porta
 exirent, ingenti pecuniæ summa se redimere sunt coacti. A
 320. 321. quo tempore Romano-Catholicorum nomen adeo invisum red-
 ditum est Abyssinis, ut illud ne quidem auribus ferre possint.
 322. Sub finem de Abyssinorum antistitibus monet, esse ipsos fere
 monachos Ægyptios, omnis doctrinæ rudes, qui, externis reli-
 gionis ceremoniis occupati, instructionem gregis susque deque
 324. habeant. *Gregorium* Abbatem a calumniis *Renaudotii*, *Grandii*,
 325. aliorum, Autor vindicat. *Libro IV* describit statum ecclesiæ Arme-
 nicæ, præmopendo, inter linguam præscam Medorum & Armenicam
 affinitatis multum intercedere. Probat hoc exemplis nominum
 Medicorum, apud scriptores Græcos superstitum. *Διεύς* esse
 ipsum Armenicum *Diéak*, tutorem, nutritium; *Astyages* esse no-
 men divinum *Ast-vades*, d. ipsis esseri ut Græcorum γ. Per-
 fas autem Reges suos Deorum instar coluisse, inter omnes constare.
Satra, quæ vox occurrat apud *Aristophanem* in *Acharnen-
 sibus*, notare magnum regem, unde *satrapa* ortum suum du-
 cat, quæ vox in libro *de Mundo*, *Aristoteli* tributo, explicetur
 per *servum magni regis*; idem sentiendum de nominibus
 325-332. Medicis, apud *Danielem* & *Efram* occurrentibus. Falsum esse,
 quod *Chardinus* & *Thevenotius* perhibeant, a quatuor demum,
 vel ad summum septem, Seculis literas habere cœpisse, cum utan-
 tur versione totius S. Scripturæ præstantissima, Sæculo V circa A.
 404 confecta. Duos Græcos impostores, *Isaacum* & *Niconem*, qui
 sese Armenos conversos sint mentiti, labis multum suis ca-
 lumniis integræ genti adpersisse. His præmonitis, Autores no-
 332-338. minat, qui res Armenorum attigerunt. Sæculo X, autore mona-
 cho Græco, *Gregorio de Nareka*, imaginum cultum ad ipsos tran-
 sisse,

fuisse, XII & XIII conjunctionem cum Latinis constituisse; qua occasione numum aliquem illustrat Autor, memoratum jamdum *Cupero ad Lactantium*, cujus pleniorē sese explicationem in Pag. 338-
Dictionario Armenico dedisse asseverat. In religione alia a Græ- 344.
 cis, a Latinis alia, mutuatos. Controversiam *Monothelitarum* & 344-352.
Adoptianorum in meras fere verborum pugnas exire, in jejuniis
 nimis esse rigidos, crudelitates exercitas non tam gregi, quam
 gregis autoribus, esse adscribendas, a quibus tamen hodierno
 die abstineant. Ipsis Nestorianis & Monophysitis meliori jure Chri-
 stianorum nomen competere, quam quidem Hispanis atque Lu-
 sitanis, ob male sanam horum superstitionem & immanem sævitiam.
De Dioscoro, ejusquē cum scœmina quadam, *Irene*, consuetudine, in- 352-360.
 telligendum esse Epigramma *Anthol. Lib. II.* Orientales Christianos
 fundamenta Christianæ religionis servasse, de divinitate Christi, 360-362.
 ejusque redemptione, recte sentire, de processione Spiritus sancti
 facile consensuros, modo termini rite explicentur, doctrinas quas-
 dam Romanæ ecclesiæ adoptasse, a quo tempore expeditiones in
 Palæstinam instituta, transubstantionem ipsis fuisse ignotam prorsus,
 illam haberi debere pro sequela opinionis Monophysitarum,
 foram temporibus ignorantia, liturgias ipsis sub nomine missæ
 lium non venire. Quæ in fine Opusculi hujus affert de non
 speranda conjunctione ecclesiæ Orientalis cum Romana, remo-
 vendis anathematismis a religionis negotio, reducendo Chri-
 stianismo, ut excludantur contentiones, ad salutarem cognitio-
 nem & vivum amorem, de emissariorum Jesuitarum studio,
 non tam quærentium, ut animas Christo lucrentur, quam ut
 conversos populos Regibus suis subjiciant, talia sunt, quæ at-
 tentionem merentur. Ex lectione elegantissimi hujus libelli Le-
 ctor & utilitatem & voluptatem capiet. Multas novas observa-
 tiones ex vastæ eruditionis penu depromit eruditissimus Autor; si
 quid vero non justo loco positum inveniet Lector, vel præter ne-
 cessitatem repetitum, id, speramus, dabit extremæ ipsius sene-
 ctuti ac infirmitatibus, quibuscum jam tum conflictabatur.

Johann Jacob Mosers Heutige Staats-Verfassung
 des Deutschen Reichs, 2c.

hoc est,

Ssss 3

JOAN-

JOANNIS JACOBI MOSERI, POTENTISS.
Prussorum Regi & Elect. Brandenb. a Consiliis sanctiori-
bus, plenior Descriptio Juris publici S. R. Ger-
manici Imperii, & singularum ejus
partium.

Tomus I.

Ebersdorfii, apud Bernh. Ehrenfried Vollrathium, 1740
 & 1741, fol.

Alph. 12 plag. 16.

Grande, ac viginti aliquando *Tomos* excessurum, Opus moli-
 tur Celeberrimus *Moserus*, Vir natus ad libros scribendos,
 & inter nostræ ætatis JCtos, qui Juris sibi publici prudentiam
 præcipue excolendam sumserunt, locum, si non principem, ta-
 men principi proximum, occupans. Tanta est ejus in componen-
 dis ingenii sui monumentis dexteritas, ut non tam scribere, quam
 in chartam effundere, verba omnia videatur. Inde factum etiam,
 ut *primus* hic Juris publici particularis *Tomus* non sibi multorum
 annorum spatium vindicaverit. Nostrum est, ut, quæ hanc in rem
 consilia mente concepit, non patiamur ignorare Lectores no-
 stros. Haud adstringet sese doctissimus Vir exacti ordinis legi-
 bus, sed modo hunc, modo illum, Imperii Romano-Germa-
 nici Statum, ejusque jura, describet. Interim tamen in *Tomo*
 singulo tradere nonnihil, quantum fieri potest, constituit de
 Electoribus, ecclesiasticis pariter ac secularibus Principi-
 bus, Prælatibus, Comitibus, & Imperii Civitatibus. *Quam-*
primum elaboraverit partem aliquam, communicabit ejusdem
 summa capita, imo & integrum manuscripti operis exemplum,
 cum Statu illo, ad quem res pertinet, eum quidem in finem,
 ut adjiciantur, quæ prætermissa, utque deleantur & immuten-
 tur, quæ plane non, vel aliter saltem, dicta Status ille velit. Ne
 quis vero Statuum hac quasi benignitate sua abutatur, nonnullis
 eam legibus restringit Vir Celeberrimus. Primo enim haud
 facile se ait permissurum, ut vel alius imperetur ordo, vel
 integra capita limæ severiori subjiciantur. Deinceps, opus esse
 priva-

privatum, non publicum, monet, ideoque deprecatur censuram, si parum ad cujusquam mentem aut præjudicatas opiniones cesserit labor. Tum rogat, ne quis ab ipso postulet, ut adversas sibi summorum in Imperio Judiciorum sententias, documenta de gravaminibus, religionis præcipuæ causâ motis a civibus, & quæ sunt alia, sine magni momenti rationibus exulare ex Opere suo jubeat. Multo minus unus alterve Statuum impetrabit ab eo, ut controversiis sese illustribus immisceat, partisque inimicæ argumenta vel silentio prætereat, vel confutet. Hinc, si quid ipsi exhibitum fuerit, quod altioris videatur indaginis, brevi observatione indicabit, non se hujus rei esse autorem. Tandem non vult longam esse censuræ moram, sed, si justo necatur illa diutius, pergunt operæ in excudendo, nec id grave Statibus fore sperat, cum jure perfecto ab ipso exigere non possit, ut manuscripta sua volumina submittat examini aliorum. Quælibet Pars, quæ totam regiminis formam Status singuli delineabit, vendetur separatim, ut iis præstantissimus Autor commodet, quibus ad comparandas Partes omnes vel animus deest, vel nummi. Hæc de Opere dicta generatim sunt. Nunc, quid in *primo* ejus legatur *Tomo*, paucis significabimus. Principem tenet locum introductio universalis in Jus publicum particulare, quæ ipsa septem Capita complectitur. Hanc excipit Jus publicum Episcopi Augustani; Imperialis Abbatix Baindensis; Civitatis Imperialis Cellensis; Serenissimæ Domus Anhaltinæ, Abbatix Gernrode, Comitatus Holtzapfel, & Dynastiæ Jever; liberæ Imperialis Civitatis Aquisgrani; Episcopatus Constantiensis, vel Abbatix Reichenaviensis. Finem imponit labori Archiepiscopatus Trevirensis. Et his *Tomus* ille constat. Complura Vir Celeberrimus attulit, quæ non ingrata erunt amatoribus publici Juris; ideoque, si vino vendibili non opus est hédéra, auguramur, fore, ut haud pauci novum hoc, & ante a nemine tentatum, Opus sibi habeant commendatissimum. Optamus tantum singularis industriæ Autori ad perficienda, quæ cœpit, successus prosperos, ne in Bibliotheca scriptorum promissorum, vel affectorum, ejus aliquando nomen inveniatur.

JOANNIS VAN MUYDEN, JCTI ET ANTE-
 cessoris, *Compendiosa Institutionum tractatio, in usum*
Collegiorum. Editio sexta, prioribus emendatior, cum
additionibus EVERARDI OTTONIS, JCTi
& Antecessoris.

Trajecti ad Rhenum, ex officina Jacobi a Poolsum, 1737, 8 maj.

Alph. 1 plag. 9 $\frac{1}{2}$.

Dedit hoc memoriae & honori Collegæ quondam sui Cele-
 berrimus Otto, jam rei publicæ Bremensis ornamentum,
 ut præfens Institutionum *Justinianearum* Compendium per an-
 nos nonnullos in prælectionibus suis Academicis adhiberet. Nec
 sine prospero successu incepta res est. Quamquam enim alio-
 rum hoc in genere scripta essent luculentissima; hoc tamen
 per longam annorum seriem in Academia Trajectina cum plau-
 su fuit exceptum, sæpiusque typis reperitum, quod nihil se-
 cum ferret subtilitatis, sed ad captum tironum, augendosque
 industriæ fructus, accommodatum maxime videretur. Quod si
 porro Compendii hujus contextum & materiam spectemus, me-
 dia simplicique via, quæ utilia sunt, tradit, nec modum exce-
 dit, nec omittit potiora. Quædam tamen, ut fieri solet, bre-
 vius vel obscurius dicta supplevit & emendavit Illustris Edi-
 tor in additionibus, quas licet junioribus profuturas tantum as-
 serat, nos certissime tamen persuasi sumus, provedioris etiam
 ætatis hominis inventuros hic, quod suos convertere in usus pos-
 sint. Menda typographica & in numeris legum, margini ad-
 scriptis, & in ipso textu, plus centies correxit; quædam parum
 necessaria virgulis inclusit; alia, manifeste corrupta, immutavit.
 Præmisit simul elegantissimam Præfationem, in qua, pro insti-
 tuti ratione, de utilitate, præstantia, & necessitate, studii Juris
 Romani, & de methodo discendi Juris, quædam disseruit. Vir
 longe Celeberrimus. Multi quidem de studio Juris feliciter in-
 stituendo consilia dederunt, sed, lectis iis atque collatis, impla-
 cabilem laudatissimus Otto inter omnes discordiam deprehendit.
 Glossatorum ætate duplex vigeat methodus, altera ana-
 lytica,

lytica, altera synthetica. Utra pars melior, disceptatum in Academia Leidenſi fuit Seculo ſuperiori a *Crusio* atque *Bæckelmanno*. Ille Compendia ſtudiorum diſpendia, quibus corrumpatur Jurisprudentia, textusque e manibus ſtudioſorum juvenum excutitur, dicebat; hic urgebat contra, artis nullius eſſe ſtudium ſine ordine, modo, & ratione: facilius adſcendi per gradus, multisque definitionibus & diviſionibus opus eſſe, ut diſtincte intelligamus, quid ſit hoc, de quo diſſeratur. Uſum ab abuſu probe diſtinguendum cenſet Ampliſſimus *Otto*. Probat *Crusii* ſententiam, ſi quis ſolis Compendiis, optimæ licet notæ, inhæreat; nec tamen, ejus judicio, cauſa cadit *Bæckelmannus*, ſi a docentibus Auditores, in ipſo ſtudiorum limine, ad ipſos textus, titulosque longiores, ducantur, & in vaſtum quaſi pelagum, ſine pyxide nautica, mittantur. His uberiore ſermonis apparatu illuſtratis, methodi mathematicæ injicit mentionem. Vix permittere naturam Jurisprudentiæ & ambitum putat, ut tota in Academiis methodo ſcientifica exponatur. Nam, ut præteream, ait, honeſti magis, quam juris poſitivi, præcepta ſub demonſtrationem cadere, cui bono Propositionis, Theorematis, Demonſtrationis, Corollarii, Problematis, & Scholii, obſcura plerisque vocabula, ſi legum ſcientia clare poſita ex principio recte firmato demonſtretur, dubiisque ſublatis, conſectaria adjiciantur? *Cicero* dixit olim, omnia facile diſci, ſi tantum ſumas, quantum opus eſt, nec ſupervacuis Auditorem oneres; at ſtribligine illa mathematica, in tot millenis articulis conſtituti vel recepti juris, rudes & infirmos animos obrui magis, quam juvari, continget; nec prodeſt quidquam vulgare epiſphonema: *id quod erat demonſtrandum*, ſi nexus inter veritates & earum principia jam ſit perſpicue oſtenſus. Hæc de mathematica methodo acuti ingenii Jctus, cujus doctrinam, ex hac etiam Præſatione mirifice elucentem, ſuſpicimus, & meritiſſimis laudibus proſequimur.

TRAITE' DES EAUX MINERALES, BAINS, ET

Douches de Vichy, &c.

hoc eſt,

TRACTATIO DE AQUIS MINERALIBUS, BAL-

NEIS,

neis,

neis, atque Embrocationibus Vichii, seu Vici calidi; aucta Dissertatione præliminari, de aquis mineralibus generatim, cum observationibus de plerisque aquis mineralibus Galliae, & sigillatim de ejusmodi aquis Bourbonii Arcimbaldi, & Montis aurei in Alvernia, per JACOBUM FRANCISCUM CHOMELIUM, Consiliarium atque Medicum Regium, & Inspectorem aquarum mineralium Vici calidi.

Claramontii, ex officina P. Boutaudon, 1734, 8.

Alph. 1 plag. 16.

Ex ipsa hujus Opusculi inscriptione cognoscitur, non illud de solis Vici calidi mineralibus aquis, sed de plerisque, quæ in Gallia universa reperiuntur, agere, adeoque non contemnendam Historiæ naturalis, ad amplissimum istud regnum pertinentis, partem complecti. Cel. Autor jam inde a triginta annis aquas Vici calidi cognitās habuit atque perspectas, & proinde bene instructus ad eas describendas accessit. Initio aquas minerales generatim contemplatur, earumque dotes & virtutes eleganti oratione prædicat. Præter alia calorem thermarum a salibus diversis, quæ in substantiam sulphuris penetrent, derivat, ostenditque simul, fontes ejusmodi salutares omnibus fere gentibus, quæ rem medicam curæ cordique habuerunt, in magno fuisse pretio, similes vero effectus a sola aqua simplici pariter atque ab aquis per imitationem arte præparatis, ope scilicet mineralium, frustra expectari; multis quoque gentibus, aquæ divini quidpiam inesse, atque Philosophorum etiam hauri paucis, ex aqua tanquam elemento coaluisse omnia, fuisse persuasum; ac denique varias de origine fontium, & fluviorum, atque aquarum etiam mineralium, opiniones recenset. Quanquam vero terræ & salia in omnibus insunt fontibus; non adeo clara tamen & distincta illorum est notitia, ut semper species & singulares proprietates cujusvis definire liceat; tantum abest, ut omnia ad quatuor illa pervulgata salium mineralium genera, sal commune, alumen, nitrum, & vitriolum, referri queant. Multa, quæ adhuc in primis suis initiis embryo-

num

num instar continentur, cum non concrecant, eo quidem in statu vix ac ne vix quidem cognoscas. Alia vero perfecta jam & elaborata, cum jam concreverunt, vel ad concretionem apta existunt, in singulis speciebus non simplices & homogeneas, seu unius generis, substantias esse, experimenta satis evincunt. His ita disputatis, observationes *Duclosii*, Consilarii atque Medici Regii, & Academia Scientiarum Parisiensis Socii, expromit, quibus analysis plerarumque aquarum mineralium in Galliis, prout in eadem Academia variis experimentis chemicis aliisque eruta fuit, continetur. Dividuntur autem hæ ipsæ in octo classes. Velut agmen in prima ducunt aquæ calidæ, in quibus sal detectum fuit, sal commune simile. Quo pertinent aquæ *de Bourbon-Lancy en Bourgogne; de la Bourboule Paroisse de Murat de Quairs; d'Evahon, ou Evos en Combrailles; de Balleruc en Languedoc; de Barbazan dans le Commingeois; de Baresges dans la Bigorre; de Bagnieres dans la Bigorre; de Digne en Provence; de Bourbonne en Champagne*. Gallicas has denominationes in omni hac aquarum mineralium serie perspicuitatis causâ retinendas putavimus, cum loca, in quibus earum est scaturigo, & a quibus nomen acceperunt, alias maximam partem incognita, reddi non satis commode Latina interpretatione possint. In secunda classe aquæ obveniunt calidæ, in quibus sal inest, nitro, quale a veteribus descriptum fuit, simile, ut aquæ *de Bourbon-l'Archambault en Bourbonnois; de Chaudesaignes au Haut Pays d'Auvergne; du Mont d'or en Auvergne; de Neris en Bourbonnois; d'Esvalon de la petite source de la Ville; de la Grille de Vichy en Bourbonnois; de Sail lez-Château-Morand*. Tertiæ classi destinantur aquæ tepidæ insipidæ, quarum aliæ sal vel commune, vel nitrosum, aliæ nihil ejusdem, continent. Huc referuntur aquæ *d'Encause dans le Commingeois; de Premeau en Bourgogne près de Nuits; de Bardon, proche Moulins; des Sources tièdes de Vichy en Bourbonnois*. In quarta classe collocantur aquæ acidulæ, sive vinosæ, veri nitri participes. Quo nomine commemorantur aquæ *de Vic-le-Comte en Auvergne; de Vic en Carladou; des Martres de Vaire en Auvergne; de Jaude à Clermont en Auvergne*. Classem quintam constituunt aquæ frigidæ insi-

Tert. 2

pidæ,

pidæ, cum eæ, quibus sal quoddam inest, sali communi simile, tum illæ, quæ ejusmodi sale destituuntur. In quem censum veniunt aquæ *de Capuerti dans la Bigorre; d'Anailles en Poitou; de Jonas à Bourbon l'Archambault; de Sainte Reine en Bourgogne; d'Auteuil proche de Paris; de Passy proche de Paris; de Bievre proche de Paris; de Château-Gontier en Anjou; de Vaujour au Duché de Valliere; de la Rocheposay en Touraine; de Pons en Saintonge; de Montendre; de la Fonroüilleuse; du Mans; de Belesme en Normandie; de Verberie proche de Compiègne.* Sextæ classi adscribuntur aquæ frigidæ saporis martialis, sive austeri, ut aquæ *de Forges en Normandie; de Saint Paul de Roien; de Bourberouge, de Menitoüe, & de Pont-Normand, proche de Mortain en Normandie; de Montbosq en l'Election de Bayeux; d'Hebecrevon, près Saint Lo en l'Election de Carantan; de Provins; d'Apougny proche Auxerre; de Vahls en Dauphiné, & scaturigo vocata la Dominique.* Septima classis complectitur aquas frigidas saporis aciduli, sive vinosi, sale communi vel gravidas, vel destitutas, aquas nimirum *de Châtelguyon proche de Riom en Auvergne; de Besse proche de Mont d'Or en Auvergne; de Saint Pierre de Clermont en Auvergne; de Chanonat près de Clermont en Auvergne; du Vernet près Saint Nectaire en Auvergne; de Chartres en Beausse; de S. Pardoux en Bourbonnois; de la Trauliere près S. Pardoux; de S. Parise en Nivernois.* Octavæ demum classi servantur aquæ frigidæ, saporis itidem aciduli vel vinosi, quæ sal continent, nitro veterum simile. Quo nomine huc referuntur aquæ *de Pougues en Nivernois; de S. Mion en Auvergne; de Saint Floret près Saint Cirgues en Auvergne; de Pontgibault en Auvergne; de Josse lez Maringues; de S. Arban en Forêt; du Pont de Camarets en Languedoc; de Vahls; scaturigo de la Marquise, & de la Marie; aquæ du Rocher sous le Convent de Celestins de Vichy.* Quibus additamentum de aquis mineralibus Spadanis accedit. Progressus hinc Noster ad fontes Vici calidi sigillatim, ut instituti exposcit ratio, describendos, *Cap. I* de ipso oppido agit, fontiumque situm exponit; *Cap. II* principia atque terminos artis singulares, quibus in posterum in hac tractatione utetur, explicat, ut aliquam eorum notitiam sibi in tempore comparent, atque hac ratione eo facilius omnem doctrinam

Arinam suam capiant lectores, quos in ejusmodi rebus non ad unum omnes satis fore exercitatos suspicatur; *Capite III*, analysin harum aquarum complexo, post varia tentamina accurate instituta, concludit, esse in his fontibus sal quoddam alcalinum naturale; *Cap. IV* varias de causis caloris, quo aquæ ejusmodi minerales fervent, opiniones denuo perceruset, atque ad examen revocat, ipse autem ejus rationem ab Igne subterraneo, qui a sulphure atque bitumine perpetim alatur, arcessit; *Cap. V* in naturam salis alcalini, ex his thermis prolekti, inquirens, nullis plane experimentis, sal alcali vel fixum, vel volatile, provenire, perspexit, quod huic esset simile, idque hinc nitrum esse veterum contendit. Quod in argumentum postquam incidit, *Cap. VI* de hujus nitri ortu atque proprietatibus, item diversitate a sale Petræ, quod nostris temporibus nitrum appellatur, de ejusdem effectibus in corpore humano, ex observatione *Hippocratis, Galeni, Dioscoridis*, aliorumque, pluribus disquirat, atque omnes eos effectus, quos veteres suo tribuerunt nitro, ab his quoque Vici calidi aquis proficisci ostendit, nixus simul auctoritate atque consensu præstantissimorum Medicorum *Duclosii* atque *Spondii*, qui pariter in his aquis nitrum antiquorum agnovērunt. *Cap. VII* effectus harum aquarum in genere edisserit, qui omnes eo redeunt, ut aperiant, obstructions referent, atque eluant, partes naturales, omnemque pravorum humorum faburram, e suis veluti latibulis excitatam, expurgent. Cum vero varii in isto oppido reperiantur fontes, alia etiam in aliis virtus observari solet. Quare de singulis nominatim agens, *Cap. VIII* effectus fontium calidorum, recens inventorum, & putei grandis quadrati, qui a Capucinis nomen habet, quoniam hac aqua in balneis suis utuntur religiosi isti homines, exponit. Alvum ea non admodum perpurgat. Contra vero magis est balsamica, dulcis, & pectori ventriculoque hominum delicatiorum magis amica, ut ferri ab iis facilius queant. *Cap. IX* eosdem fere effectus aquis, quæ a cancellis denominantur, adscribit, nisi quod eas aliquantum calidiores, & majori purgandi virtute instructas, esse commemoret. *Cap. X*, aquas, quæ a globo tormentario majori nomen habent, penetrare magis, ape-

rire, agitare, præcipitare, obstruções imi ventris viscerum inveteratas atque pertinaces tollere, fundere etiam, humedare, educere, & febrem quartanam non secus ac chlorosin mirifice profligare, contendit. Aquas vero, quæ a globo tormentario minori dicuntur, tanquam magis temperatas & mediæ naturæ, collaudat, quod impuros succos alvo atque urina, sine ullo tamen stomachi & pectoris incommodo, educant. Fontem, cui a Coelestinis nomen est, virtute admodum penetranti & diuretica excellere, & cum multum pravi corruptique humoris per urinam proscribat, magno in malis renum & vesicæ esse præsidio, & aquis, quæ a globo tormentario majori denominantur, neutiquam cedere, quin potius, quoniam actu frigidus est, promtius adhuc recreare atque reficere, observat. *Cap. XI* ad fontem, qui Burbonius minor, seu fons Chomelii, vocatur, accedit, ejusque eam sigillatim virtutem esse memorat, quod pectoris & stomachi omniumque imi ventris viscerum consoletur morbos, & omnis generis colicos dolores persanet. *Cap. XII* objectionibus, quæ ratione elementorum pariter atque effectuum, his fontibus attributorum, Autoris placitis opponendæ forsitan essent, occurrit, & tempestive respondet. *Cap. XIII* omnem iis utendi rationem, sive universum corpus in balneo lavetur, sive aqua per stillicidia, vel, ut vulgò dici solent, per embrocationes, super hanc illamque partem deriventur, sive denique in modum vaporationum in vaporario adhibeantur, pertractat, eademque occasione usum balneorum atque stillicidiorum amplissimum apud omnes fere gentes antiquas docte exponit. *Cap. XIV* transportationem harum aquarum, & modum eas sine elementi atque virium suarum detrimento e loco natali in alia loca transvehendi, persequitur. *Cap. XV* regimen sub harum aquarum usu exacte custodiendum inculcat. *Cap. XVI* pluribus discepat; sine absolute necessarium, ut aquæ prompte, facile, & expedite, sine longa mora expurgent corpus, siquidem in morbis, quibus depellendis inserviunt, spem conceptam expecturæ esse videantur, ostenditque, quoniam ut plurimum adversus morbos chronicos & obstinatos in usum trahantur, satius omnino esse, siquidem aliquamdiu ferantur & circumeant per viscera,

viscera, & causas morborum recte expediant, atque exsolvant. *Cap. XVII* de venæsectione satis prudenter & circumspecte, atque item de scarificatione per cucurbitulas, præcipit, quoniam utroque modo sanguis sæpenumero sub ejusmodi aquarum usu mitti consuevit. Ad calcem denique observationes quasdam curationum, quæ beneficio harum aquarum debentur, subnectit. In Commentatione de aquis medicatis ad Burbonium Arcimbaldi obviis, multa, quæ ad has aquas attinent, & experimenta, cum illis instituta, commemorat, conscribitque, has ex iisdem, ac Vici calidi aquas, constare elementis, & utrasque gradu tantum inter se differre; calidiores nimirum aquas esse Burbonienses, sed minorem copiam salis alcalini seu nitri continere, quam Vichienses, quam ob causam & hæ potationi magis aptæ existant. Aquæ hæ Burbonienses succos ventriculi crudos & acres subigunt, acidum destruunt, viscidum dissolvunt, fibras stomachi roborant, humores tenaces fundunt & resolvunt, sanguini & fluiditatem & agilitatem impetumque conciliant, per urinam expurgant copiose, adeoque multis morbis congruunt. Externe etiam vel balnei vel stillicidii instar adhibita penetrant & resolvunt, partesque relaxatas, & nervos resolutos, roborant, gravesque idcirco morbos consolantur. Utrumque & interne & externe eas adhibendi modum Noster luculente enarrat. Ex Dissertatione de aquis Montis aurei diversorumque locorum Alvernæ, hic ratione loci natalis, notatur, altos illos montes Alvernæ inferioris communi nomine propter lætum herbarum suarum proventum, & aquarum, quas fundunt, gratiam, vocari Montem aureum, & ad hunc situm esse oppidum *Bain*, seu Balneum, ob balnea ibi exstructa ita dictum, ex quibus hic Balneum Cæsaris, Balneum magnum, seu Magdalenæ, & Balneum equorum, prædicantur. De singulis his seorsim refert Noster, atque analysin chymicam, variis experimentis tentatam, exponit, judicium vero de eorum causis atque proprietatibus ferre non audet. Quamvis Balneum magnum, seu Magdalenæ, commoditatis minorisque fervoris causa potissimum frequentetur; Noster tamen annotat, Balneum Cæsaris paralyticis magis, atque nervorum relaxatione affectis, & interno usu asthmaticis quo-

quoque, ac pulmonum vitio laborantibus, opem ferre, nec tam per alvum, quam per urinam, purgare. Balneum equorum alvum quondam movisse dicitur. Nunc vero ea hujus virtus periit. Subjungit his Autor candidas morborum, his aquis curatorum, observationes, ex quibus longe accuratius de earum viribus judicatum iri opinatur, quam si ipsè conjecturas suas liberalius afferat. Demum ad eundem Montem aureum, variis juxta vias, & sana minoris famæ, scaturiunt complures medicatæ aquæ aliæ, quarum analysin & indolem Noster brevissimis attingit, nobis vero illarum tantum nomina, eaque Gallica, indicare satis erit. Vocantur autem *la Bourboule*, seu *nitaire*, ou *S. Nectaire*, *le Vernet Sainte Marguerite*, *Chanonat*, *Besse*, *Source de Jaude du Champ des Pauvres*, & *de Baurepaire près Clermont*, *S. Pierre de Clermont*, *Eaux de St. Marc*. Ceterum tam bene doctæque omne hoc argumentum excussit Cel. Autor, ut, non eos solum, qui in Gallia his aquis uti cupiunt, sed extra eandem quoque aliarum provinciarum Medicos, magnum ex eo fructum esse percepturos, confidamus.

D. JO. JACOB RAMBACHII, S. S. THEOL.
 Prof. Primarii in Acad. Gießensi, ibidemque Superint.
 & Consistorii Assessoris, *Exercitationes Hermeneuticæ,*
sive Pars altera Institutionum Hermeneutica-
rum sacrarum. Editio altera, auctior
& emendatior.

Bremæ, apud Nathanaelem Saurmann, 1741, 8.

Alph. 1 plâg. 7.

Ipsum qui nomen *Rambachii* leget, Virum colet & suspiciet, qui, dum vixit, præclare de sacra civitate promeritus est. Inprimis *Institutiones* ejus *Hermeneutica sacra*, quæ jam A. 1723 Jenæ primum in lucem exierunt, tanto cum plausu exceptæ sunt, ut anno jam 1732 quarta earum editio orbi tradita fuerit. In harum *Prolegomenis natura Hermeneutica sacra* exponitur, *fata* ejus, & *autores* alii, qui de illa præceperunt, recitantur. Tota vero *tractatio Libris quatuor* ab-

solvitur,

solvitur, quorum <i>I Fundamenta Hermeneutica S. declarat</i> , tum	Pag. 9 seq.
<i>Cap. I</i> de legitima interpretis sacri dispositione, <i>Cap. II</i> de textu	21.
interpretaudo, & <i>Cap. III</i> de textus interpretandi sensu, agit.	53.
<i>Lib. II</i> de mediis <i>Hermeneutica S. domesticis</i> exponit, & quidem	87.
<i>Cap. I</i> de analogia fidei, <i>Cap. II</i> de exegetica circumstantiarum	107.
consideratione, <i>Cap. III</i> de indagatione affectuum, <i>Cap. IV</i> de in-	122.
vestigatione scopi, <i>Cap. V</i> de instituenda cum antecedentibus &	147.
consequentibus collatione, <i>Cap. VI</i> de scrutinio ordinis, textuum-	197.
que sacrorum analysi, <i>Cap. VII</i> de consideratione vocum ac	217. 253.
phrasium singularum, <i>Cap. VIII</i> de eruendis stili sacri emphasi-	317.
bis, <i>Cap. IX</i> de parallelismo Scripturæ. <i>Lib. III media externa</i>	362.
<i>& literaria</i> tradit, & quidem <i>Cap. I</i> adminicula grammatica &	385.
critica, <i>Cap. II</i> rhetorica, <i>Cap. III</i> logica, <i>Cap. IV</i> disciplina-	429. 440.
rum realium, Theologiæ, Philosophiæ moralis, Matheseos, Phy-	456.
sices, artis medicæ, & Jurisprudentiæ, <i>Cap. V</i> historica, chro-	498.
nologica, geographica, genealogica, <i>Cap. VI</i> scriptorum Rabbi-	530.
nicorum, <i>Cap. VII</i> Autorum profanorum, <i>Cap. VIII</i> versionum	554. 602.
sacrarum, <i>Cap. IX</i> Commentariorum. In <i>Libro</i> denique <i>IV</i>	663.
<i>de sensus inventi legitima tractatione</i> agitur, sigillatim <i>Cap. I</i> de	727.
eius cum aliis communicatione, <i>Cap. II</i> de illius demonstratione,	745.
& <i>Cap. III</i> de sensus applicatione porismatica & practica.	804 seq.
Atque hæc sunt illæ <i>Institutiones</i> , quarum <i>Partem alteram</i> indicat	
catas <i>Exercitationes</i> constituere Editor voluit, qui nos præterit.	
Quo liberius præ nobis ferimus, hunc ejus conatum vix ullam	
excusationem admittere. Quod in <i>Præfatione</i> affert, Beatum	
Virum in <i>Disp. de idoneo sacrarum literarum interprete</i> ipsum	
suavisse, uti hæc cum illis in unum compingi possint volumen,	
id quidem leve & exigui momenti esse videtur. Multi exstant	
libri, qui cum aliis in unum compingi volumen possunt. Hinc	
vero non sequitur, ut hi partem illorum secundam efficere	
debeant. Beatus Autor similitudinem argumenti ante oculos	
unice positam habuit & commoditatem. <i>Institutiones</i> enim ea	
continent, quæ ad <i>contemplationem</i> pertinent. <i>Exercitationes</i>	
contra nonnulla exhibent specimina, quæ ostendunt, quemad-	
modum in <i>actione</i> versandum sit. Tunc quidem <i>altera Pars</i> hæc	
majori jure nominari possent, si usum regularum hermeneuti-	
Uuuu	carum

carum expressis verbis declararent, easdemque data indicarent exempla. Dicimus, re bene putata, *majori jure*. Sapientissime autem Cel. *Rambachius* autor fuit, ut utrumque scriptum compingeretur, quo exempla non deessent, quæ lucem legibus spondeant. Ut Ill. *Heineccius* suis *filii cultioris Fundamenti Syllogen exemplorum, præcepta superiora illustrantium*, adjunxit, quam ideo Partis secundæ loco haberi noluit.

- His quidem explanatis, *Exercitationes* breviter strictimque enarrabimus, quarum hinc indicem dedimus. Sunt illæ *sex Dissertationes*, cum Halæ, tum etiam Jenæ, antehac habitæ, quarum tres, in unum faciculum collectas, ipse jam Beatus Autor in lucem emiserat. *Prima* inscribitur *de idoneo sacrarum literarum interprete*, in qua dona & naturæ & artis, ei necessaria, commendantur. *Altera* est *de Salomonis ad esum potumque exhortationibus*, quas libro *Cobeletb* interspersit. Ubi ex scopo scriptoris, a Deo acti, efficitur hic sensus: homo, qui Deum ex animo reveretur, debet bonis, divinitus concessis, placide, inter has vitæ humanæ ærumnas, perfrui, ac a Dei nutu consilioque totus pendere. *Tertia* agit *de Parallelismo Scripturæ Sacræ*, & multas haud inutiles, quæ illuc pertinent, observationes proponit. *Quarta* inscripta est *de libro Cobeletb*, in qua nihil eorum, quæ ad hujus historiam & explanationem scitu necessaria sunt, prætermittitur. In *quinta Hypothesis de Scripturæ Sacræ*, ad erroneas vulgi conceptus accommodata, modesto examini subijcitur. Rejcta nimirum hic fuit ista divinatio, cui nonnulla hac nostra faverunt ætate. *Sexta de Jesu Christi summa divinitate ex ejus juramentis per se ipsum demonstrata* scripta est. Per se patet, hanc *Arianis* & *Socinianis* oppositam esse *Commentationem*. Argumentum, quo hic usus est *Rambachius*, ita se habet: *Quisquis per se ipsum legitime jurat, is est verus Deus*. At vero quid hoc est, *legitime*? Quodsi res clarius exprimenda est, sensus hic erit: *ut verus Deus*. Jam expende, qualis ista sit argumentatio: *Quisquis per se ipsum, ut verus Deus, jurat, is est verus Deus*. Ratio hæc esse debuit: *Quicumque in sacris literis per se ipsum jurasse dicitur, ille est verus Deus*. Nam sacræ literæ sunt per se ipsæ ἀξίονιστοι, & Deus Q. M. non potest
- per

per superiorem jurare, Hebr. VI, 13. Ipsa hoc scitum ratio probat ac tuetur purgata. Atqui Jesus Christus in sacris literis per se ipsum jurasse dicitur, Gen. XXII, 15-18, Ef. XLV, 23. Ergo &c. Pag. 407
seq.
Quin etiam ad dubia, quæ ex locis Dan. XII, 7, Apoc. X, 4, 5, 425 seq.
moventur, & alia, commode respondetur. Agmen claudunt 440 seq.
Cogitationes exegeticae de homine, cujus causa Deus non amplius est terra male dicturus, Gen. VIII, 21. B. Autor per hunc hominem intelligit Christum, iis rationibus fretus, quæ ex ingenio manarunt. Nobis quidem in hac nihil placet Commentatione, præter nomen, quod *Cogitationes* dicantur. Pie nimirum, non vero *exegeticae, cogitationes, ac solide veritates*, oculis hic expositæ leguntur. Qui enim verba Dei sine antecepta opinione contemplatur, is facile, hanc eorum sententiam esse, dabit: „Malitia hominum non amplius causa erit, quæ me impellat, ut novum in orbem universum diluvium iterum inducam, eumque radicitus evertam. Conf. Cap. IX, 15, XVIII, 29, 31, 32. Ceterum cum Viro docto, qui præfatus est, & nos Rambachianos manes, ut fas est, suspicimus, iisdemque bene precamur.

PAULI THEODORI CARPOVII, PHILOS.
Mag. & in Acad. Rostoch. literar. Ebraic. ac Theol. Catech. Prof. Ducal. P. O. *Animadversiones philologico-critico-sacrae. Accedunt DONIS. ABARBANELIS de Creatione Angelorum, & SAULIS LEVI MORTE- RÆ de æterno ac indissolubili legis Mosaicæ cum gente Israhelica nexu, ex Ebræo Latine factæ Dissertationes.*

Lipsiæ, impensis Jonæ Schmidlii, bibliopolæ Lubecensis, 1740, 4.

Alph. 1 plag. 4.

CL. Autor, qui aliis jamdum eruditionis philologicæ, cum sanioris Philosophiæ usu conjunctæ, speciminibus orbi erudito innotuit, novum aliquod, idemque luculentum, doctrinæ, Rabbiniæ potissimum, documentum exhibet; quod, uti

Vuuu 2

ad

- ad rem literariam linguæ Ebraicæ ac dialecti Rabbiniçæ haud parum facit, ita lectori, ob argumentorum varietatem, non ingratum fore confidimus. Commentationem hanc inscripfit Celsissimo Meclenburgensium Duci regnanti, *Carolo Leopoldo*. In priore illius parte totus est in eo, ut virorum eruditorum errores, in rebus Rabbiniçis vel maxime admissos, notet, emendet, & si quæ alicubi omiſſa sunt, suppleat. Initium facit a *Bibliis Ebrao-Rabbiniçis*, quæ cura *Mosis* Francofurtensis Amstelodami ab A. 1724 ad 1727 quatuor Voluminibus in fol. lucem adspexerunt. Editionem hanc Vener. *Wolſius* nominat *omnium plenissimam & luculentissimam, in qua exſtent, quæ Buxtorſius ex Bibliis Bombergianis omiſerit*. Eſſe opus eximium, non diffitetur doctissimus *Carpovius*, ſed, magna imperfectione laborare, ſubjungit. Textum Biblicum ſatis eſſe accuratum, ſed Maſoram paſſim miſcere conculcatam, in Rabbiorum Commentariis multa hinc inde omiſſa, multas mendas operarum irrepiſſe. Ad errata refert vocem דמור in Comm. *Aben-Eſra* ad Gen. XVI, 14, (non, uti hic legitur, Gen. XVII,) pro qua legendum דמו, cum ſons iſte Arabicus hodierno adhuc die appelletur دموم.
- Pag. 2. Volum. IV fol. 292 in Comm. *Kimchii* haberi אלכרוע, ſed male pro אלכרוע eſſe Arabicum الحروع, *elcherva*. Corrupta eſſe loca nonnulla, maxime quæ reſpiciant Chriſtianos, quæ aliquando integriora exhibeantur in Bibliis *Buxtorſianis*. In Comm. *Kimchii* ad *Jef. 11, 18*, deſiderari verba דעכריים לצלם, uſque ad ויערר יחשכו, in *Buxtorſianis* poſt vocem יחשכו deeſſe הנוצרים, & poſt לצלם deficere הנוצרי docuit *Pocockius* *Not. miſcell. pag. 322 ed. Oxon. (Lipſ. pag. 309, 310,)*. Lacuna pariter eſt in *Kimchio* ad *Jef. VII, 14*, ex Bibliis *Buxtorſianis* ſarcienda. Hinc luſtrat Autor *Biblia Ebraica*, quæ cum notis *R. Jacobi l'Umbroſo* Venetiis A. 1639, 4, lucem adſpexerunt, reſenſita *Wolſio* *Bibl. Ebr. Vol. I pag. 604 ſeq.* de quibus obſervat, adjectum quidem eſſe erratorum indicem, illorum tamen haud pauca, quæ reſenſet, prætermiſſa eſſe. *Biblia Ebraica non punctata*, curante *R. Men. ben Iſrael* Amſtelodami A. 1631, 8, formis exſcripta, mendis ſcatere, exemplis in medium prolatis, demonſtrat. Miſſis Bibliis, ad alios libros, philologicos cum-

cumprimis, se convertit. Contra Cl. Maji Diss. de Jure anni septimi observat, annum septimum, quo servus dimittendus, non præcise esse annum Sabbathicum, sed servitutis, ex Deut. XV, 12, eandemque esse sententiam doctorum gentis Judææ præstantissimorum, *Aben-Esra, Maimonidis, R. Chiskia, Gersonidis, Abarbanelis*, ac illam exprimi in *Talkut*, loco a Majo minus feliciter verso. Sensum verborum *Talkut fol. 84 pag. 312 ad Exod. XXI, 4*, *סומטו ומטו* Majus minus est affectus. Non enim quæritur, quid de genitili parte clausis & androgynis sit censendum, sed num inter liberos referendi. De versione *Maimonidis* de anno septimo, parata a Majo, judicat Autor, multis illam fœdatam esse mendis, quam ipse forte emendatam aliquando sit daturus. Ad *Franc. Wokenii* Commentationem in *Esteræ* libellum notat, ipsum in loco R. *Salom. ben Melech*, quem ex *Miclat Jophi* excitat, infeliciter versatum esse, asseverantem, *כפא רפא* esse Persicum, cum nihil aliud dicere velit verpa, quam quidem esse ו illud instar *pe raphati* apud Arabas. In verbis, adductis ex R. *Lew chibbur or chadafch fol. 10 Cap. 4* ipsum ex *ושמאל* facere *Ismaelem*, ex *חד* pro *אחר* fingere hominem, nomine *Chad*. Istius generis errores etiam Autori obvennerunt in illius *Pietate critica contra enallagas*. Ubi ad *Gen. II, 15*, observat, *Aben-Esra* male legisse *אין יתכן* pro *יתכן אין*, וכבר pro *וכבר*, idemque illud convertere per & difficile est. In Dissertatione de locis & temporibus, quæ fideles ante legem ceremoniale precibus destinaverunt, habita *Rostochii A. 1720, pag. 7* in verbis, quæ ex R. *S. ben Melech* profert, non unum commisit errorem. לפנינו legit & vertit in lingua nostra, cum sit לפנינו ante nos, infra; verba להגיד חוקי של יעקוב in sensum prorsus alium detorsit, cum reddi debeant ad indicandas vires *Jacobi*; צנאה, ubi de moribundis adhibetur, significat testamentum, den letzten Willen, uti Germani loquuntur; בישויב cum *Wokenio* non est reddenda, cum rediret, sed potius legendum בשיבה, in sessione, sedens. Pag. 8 vocem מנטה in verbis R. *Sal. ben Melech* ad *Gen. XLVII, 31*, non recte interpretatur per se extendere, cum tantum indicetur, esse ex radice מטה, ut sic מטה sit pro מנטה. Verba *Aben-Esra* ad

Pag. 17.

19.

21.

24.

27.

31.

- Deut. XXIII, 12*, non solum obscure reddit *pag. 14*, verum etiam a recto sensu verborum לפנות הערב prorsus aberrat, cum per illa indicetur *tempus lotioni aptum*, per כיום השמש כיום tempus, quo mundo in castra redire integrum erat. *Pag. 15* in verbo לטעת, quod per latere exponit, ipse forte deceptus est sono verbi Latini, cum sit infinitivus ex radice בטע, quale quid pariter Paulo Slevogtio in Diss. de Creatione primi hominis evenit, vocem רמות legendo Germanice *Demuth*, castigato propterea a
- Pag. 36. *Rittangelio*. Alia mittimus. Hinc virgulam Autor censoriam stringit in *Benedictum de Spinoza*, quem in Tractatu suo theologico-politico mala fide agere arguit, provocando ad *Aben-Esfram*, ac si in ea fuisset sententia, *Mosen Pentateuchi* autorem non esse. Ex *Ant.*
40. *Hulsii Theol. Judaica pag. 245* observat, ipsum vocem שרץ minus recte interpretari per *fatum*, potius per *reptile*, & speciatim *serpentem*, reddendam esse, pro סופר legendum esse קופר, vel קפור, *hericus, ein Igel, Stachelschwein*, porro מומחה in eadem *pag.* interpretandum esse per *probatum, peritus*, *pag. 263* vocem כורר vertendam esse *sicut rosa*. In Summe Vener. Val. Ernesti *Läsfcheri Causis Ebr. Ling. pag. 44* sibi minus probari affirmat, quod ex ipsius sententia Arabes, addito a fine *kes*, forment diminutiva & blandientia, cum id non apud Arabes, sed Persas, obtineat, quibuscum convenient Belgæ, formantes *Vadercke, Manneke, vel Mannetje*. Ibidem *pag. 113* non satis recte negari contra *R. Simonium, Contr. Pellicanum* discipulum *Seb. Munsteri* fuisse, cum
45. illo omnino præceptore sit usus. Supplet præterea notitiam librorum grammaticorum, a *pag. 151* ad *153* exhibitorum, Lexicographorum *pag. 165*. *Lutherum* sententiam suam de punctorum vocalium novitate, expositam in libro *Schemhamphorash*, in Commentario suo in *Genesin* mutasse, demonstrari posse negat; contrarium enim ex *Comm. in Genesin Cap. XLVII* ad verba: *inclinauit ergo Israël &c.* apparere. Quæ disserat *pag. 322* de *dages fortis* divisione, adscribenda *Danizio*, ab aliis jamdum exposita esse. Ad *pag. 332* quosdam memorat, qui de accentibus Ebraeorum recentius scripserunt. Linguam Ebraicam dialectis carere, quod
55. affirmaverat *Magnif. Läsfcherus*, negat. Ad ea, quæ idem *pag. 433*
56. de *vau* *converso*, & *connexivo* tradit, quædam notat. Progre-
58. ditur

ditur ad *Dionysii Vossii* interpretationem ac notas in *Maimonidem de Idololatria*. Videtur is pag. 4 in Comm. *Jarchii* ad Gen. IV, 27, legisse עֲצָבִים, *idola*, pro עֲשִׂבִים, *herbis*, quam lectionem abs se pariter in antiquo MSto *Wolfiano* deprehensam fuisse testatur, ipsam illam lectionem etiam probatam esse *Breithauptio* docens. Locum *Dav. de Pomis* de voce כֶּרֶךְ pag. 53 infeliciter ab ipso versum esse. Ex *Carpzovii Collegio Rabbinico in Ruth παρορματὰ* quædam adducit, ex quibus tantum producemus, quæ habet pag. 150, ubi ad voces פִּלְרוֹנִי אֶלְמוֹנִי profert verba *Raschii* כְּסִי וְטַסִּיר בְּנִי אֵיִם מִתּוֹרוֹנִים, quæ Latine ita transfert: nomina autem *Ploni Almoni* exposita sunt a me in Comm. super Prophetas (1 Sam. XXI, 3,) notare absconditum & testum, cum potius ita convertenda sint: *Ploni Almoni a Chaldo interprete* redditur כְּסִי וְטַסִּיר, id est, testus & absconditus, sive latens. In *Empereurii Clave Talmudica* pag. 54 verba שְׂכוֹר מֶלֶכָא minus recte exposita esse putat *fracturam regis*, cum שְׂכוֹר hic sit nomen proprium *Saporis*, *Perfarum Regis*. Divertit inde ad *Capitula patrum*, per *Guil. Henr. Vorstium* veste Latina donata, quam interpretationem dicit esse obscuram, imo prodigiose ipsum errasse, ut illius misereatur. Affirmat *Vorstius* pag. 151, *Elie* apparitiones post obsignationem Talmudis evanuisse, quod aliter longe sese habere, nube testium Rabbinarum & Christianorum evincit. Cap. III pag. 3 sensum verborum R. *Eliezeris*, filii *Hyrani*, non percepisse, ingeniose ostendit. Verbum הָרִיר exposuit per *calavit*, *exsculpit*, *tornavit*, quod quidem secundum significationem verbi hujus apud Arabas ferri possit; addit tamen, posse etiam, & quidem aptius, hic notare *delineavit*, ex הָרַט *calo*, *stilo*, *calamo*. Num vero R. *Eliezer* *Secula XVII* ante *Leibnizium* & *Wolffium* de mundo optimo, ex innumerabilibus mundis possibilibus electo, jamdum cogitavit, quod Cl. Autor sibi persuadet, ipsi relinquimus. Nobis ex verbis prolatis nihil aliud videtur posse confici, quam quidem magistrum statuisse, Deum ante productionem totius hujus universi illius formam in infinita mente sua delineasse. Quæ *Judzi* docent de septem rebus, ante mundum creatum productis, de decreto divino, de iisdem constituto, explicanda esse, putat. Cap. V pag. 8

Pag. 59.

60.

63.

66.

67.

71.

73.

75.

78.

- pag. 8 pro כְּבָרָעָה legisse נְבָרָעָה, quod de aquis adscenden-
tibus & diffusis super faciem universæ terræ sit accipiendum,
יָמִי inepte vertere in מִי; qua occasione quædam differit
Pag. 85. Autor de montibus, in prima creatione a Deo factis, inque altum
87. elatis. Vocem אָרֶץ aliquando אֶרֶץ ἐξ ἁρχῆς pro terra Israeli-
tica poni, luculentis adstruit testimoniis. Pag. 20 quam gra-
viter erraverit *Vorstius*, ad oculum demonstrat, ubi מִשְׁבְּעִים
reddit per execrari, cum tamen sit מִשְׁבְּעִים, ex *septuaginta*,
præterea שְׂקִיצוֹר exponit per abominari, cum tamen non sit
שְׂקִיצוֹר, sed שְׂקִיצָה, abominatio, res abominabilis, idolum. Quantum
88. denique in verbis R. *Eliezeris* מִן הָעֹכֹרִים מִן מַכְרִיִּין זָכָה אֶת מַכְרִיִּין
91. vacillarit, indicat. Occasione hac preces, a *Jona*, ex ma-
gistrorum sententia, fufas, recitat, rationemque elogii divini,
quo Deus רַבּוֹן עֲלֵימִים dicitur, reddit, illudque non tam
per dominum hominum, sed mundorum, explicandum esse osten-
95. dit. Disputat etiam contra *Reinesium*, voculam נָא apud *Ebræos*
non in orationis initio locari. Quæ *Judei* jactitant de epulo,
ex *Leviathane* parando, allegorice sunt accipienda. Reliquos
96. errores, quos deinde perstringit, intactos relinquimus. De
statua salis uxoris *Lôthi*, quodsi quid illi abradatur, aliud illico
succedat, quædam in medium adducit testimonia. Sequitur
102. Epistola Poloni cujusdam, Germanico idiomate exarata, in qua
ignorantia hominis, qui sub nomine *Philoglotti* *Freibergæ* A.
1738, 8, publicari curavit *kurtze und gründliche Anweisung zur*
Deutsch-Jüdischen Sprache, quam *Lipsienses* in *Relationibus* suis
eruditiss satis honorifice nominarint, acri censura notatur, Au-
119. torisque inscitia falsè admodum datur depexa. Ab hac proxi-
ma est interpretatio Latina disputationis *Abarbanelis*, celeberr-
& sagacis inter *Judæos* Scripturæ interpretis, de creatione ange-
140. lorum, quam passim eruditiss adspersit annotationibus. Huic
ordine succedit R. *Saul. Levi Mortera* Homilia in *Deut. XXXIII*,
4, in qua legem considerat tanquam pretiosum aliquem thesau-
rum, ejusdemque æternitatem, cum perpetua *Israelitarum* con-
servatione conjunctam, stabilire allaborat. Ex subjectis anno-
142. tationibus quædam enotabimus. Locum *Levit. XXVII*, 32, 3
שֶׁבְדָּוָתֶיךָ interpretis *Werthemien* vindicat. In verbis 1 *Reg.*
XIX, 24,

XIX, 24, כְּשֶׁלֶם הַבָּשָׂר, adfixum מ non interpretatur per Pag. 144.
145.
 וְהָרֶמֶס, sed ad boves refert, de quibus sermo. Vocem אֲנֹכִי
 ipsi Ægyptiacæ originis esse videtur, cum Ebræi alias habeant
 אֲנִי. Antiphrases non omnino ex Scriptura eliminandas esse, &
 rationibus & exemplis probat. Agmen claudit disquisitio, de
 eo, num jure de Judæis dicatur, ipsos statuere, Deum orare.
 Ineptam hanc opinionem ipsis a multis non infimæ cavæ Theo-
 logis & Philologis adscribi, satis constat, nec diffitendum est,
 ipsos allegoricis suis locutionibus, inductos loco *Jes. LVI, 7,*
 in *Cod. Berach. Cap. I f. 7* suspicionem aliis iniecisse. Demon-
 strat vero Noster ex propria ipsorum sententia, quam de Dei
 ἀνταρθεῖα fovet, ipsaque illa formula, מִלְפָּנֵי רַצוֹן יְהוָה, qua
 Deus in dicto *Berachot* loco precatus fuisse dicitur, non nisi
 improprie id de Deo affirmari. Annectit Rev. *Hechtii*, Inspe-
 ctoris Laubacensis, Dissertationem, Germanico sermone de ipso
 hoc argumento consignatam, demonstrantis, Judæos allegoria illa
 indicare velle promittitudinem Dei annuendi votis illorum, qui
 ad ipsum precibus se suis convertunt, vel ex ipsa illa prisca Ju-
 dæorum Theologia intercessionem Messię, qua apud Deum de-
 fungatur, indicari. Vir eruditissimus in tota hac Commenta-
 tione haud vulgarem linguarum, potissimum dialecti Rabbini-
 cæ, notitiam prodit, & ubique tutissimam interpretandi viam, sa-
 nioris Philosophiæ principiis innixam, sequitur. Optamus ipsi
 ex animo valetudinem & vitam, quo rem criticam & philologi-
 cam porro ornare possit. Nec vitio ipsi adeo est vertendum,
 quod Præfationem ita finierit: *Dabam in Cel. ad Var-*
nam ipso F. Purim, XIV mensis Adar, A. ab O. C. 5499, O. R.
1739, Lectoremque suum compellet קוֹרָא נְעִי. Id enim
 illis, qui peregrinas linguas continuo tractant, usu venit, quod
 peregrinantibus, ut insciis ipsis nonnunquam alienæ voces ac
 loquendi formæ excidant.

GOTTLOB FRIDERICI GUDII, ART. M. V. D.
 Ministri apud Laubanos, Paganus Christianorum lauda-
 tor & fautor. Præfatus est Autor de causis odii paga-
 norum in Christianos, & decem persecutionum origini-
 bus. Adjecit idem quinque Dissertationes, ad Historiam
 Eccle-

*Ecclesiasticam & Antiquitates profanas in sacris
obvias pertinentes.*

Lipsiæ, ex officina Langenhemiana, 1741, 4.

Alpli. 1 plag. 19.

Habet Historia ecclesiasticæ diligens tractatio inter insignes utilitates & hunc usum, quod nobis veritatis Christianæ victoriam, in hostes acerrimos reportatam, dilucide monstrer. Bona enim causa tandem triumphat, nec potest vera ecclesia opprimi, quamvis sæpius prematur; quid? quod ista media, quæ adhibentur ad ejus interitum, promovent sæpe illius incrementum. Luculentissima hujus rei specimina nobis sistit Rev. Autor hujus libelli, qui in Historia ecclesiastica non mediocriter versatus, *Kortbolzi* vestigiis strenue insistit, qui paganorum calumnias, in Christianos conjectas, uno volumine legendas exhibuit. Alia via incedit Cl. Autor, demonstraturus, gentiles etiam favisse causæ Christianorum, & sæpe illos laudasse vel directe, vel indirecte. Præmisit suæ tractationi Præfationem de causis odii paganorum in Christianos, & decem persecutionum originibus. *Lactantio* subscribit, existimanti, demonum instinctu potissimum incitatos fuisse persecutores. Accedebant gravissima Christianis objecta scelera & flagitia, calumniatores gravissimi, quibus faciles præbebant aures Imperatores, pessimi suasores & autores, ut proscriberentur Christiani, in primis in autoritate constitui, homines. Maxime vero magi & sacrificuli in causa erant, cur Christianorum cervices gladio subjicerentur, nec non zelus imprudens Christianorum, & studium martyrii, denique eorundem bella & jurgia intestina. Ipsa tractatio, qua paganus Christianorum laudator & fautor sistitur, duabus absolvitur Sectionibus, quarum prior de laudatione Christianorum indirecta agit. Docet hic *Cap. I* Rev. Autor, obtrusionem innumerabiles effinxisse ethnicos contra Christianos, quas omnium optime collegit *Christ. Kortböltus*. Non vero tantum flagitia hæreticorum illis imputabant, sed etiam ex doctrina morumque integritate calumniandi materiam arripiebant. Inde Jæssæos & Christianos illos vocabant, quia crederent in Christum, qui ortus erat ex gente *Davidis*, filii *Jesse*. Inde Galilæorum, Nazaræorum, & τῶν ἐλληνικῶν, nomen. Ad alias calumnias progreditur Rev. Autor, ostendens, accusatos esse

Fig. 4.

esse

esse Christianos a gentilibus uranolatrias & heliolatrias, stavrolatrias & ἀνθρωπολατρείας, clam & noctu institutorum, ut flagitia sua eo liberius committerent, & eo melius occultarent, conventuum, communionis cum improbis, & odii in universum genus humanum. Provocat porro ad Thyesteas epulas, ad contumaciam Christianorum gloriæque studium, ad sordidas artes, ipsis objectas, ad baptismi & poenitentiae efficaciam, a *Juliano* derisam. His omnibus uberius deducis, recte inde concludit, omnia hæc convicia ita comparata fuisse, ut potius testes fuerint omni exceptione majores morum incorruptorum; quibus accedit impietas adversariorum, & poenæ divinæ, illis inflictæ. *Cap. II* laudationem sistit indirectam Christianorum per testimonia de Christianorum rebus, in gentilium scriptis obvia. Superfunt enim varia gentilium testimonia de rebus Christianorum, ea tamen cum cautione admittenda, ne veritas religionis Christianæ magis destruat, quam confirmetur. Horum varia jam alii collegerant, quos studiose nominat Rev. Autor, adducens *Luciani*, nasuti Christianorum irrisoris, testimonia, quibus ridendo confirmat fiduciam Christianorum in Christianis, mutuum inter se amorem, studium martyribus inserviendi, doctrinam de ascensione Christi in cœlos, de regeneratione per baptismum, de mundi origine, & de judicio extremo. *Sessione II* de laudatione Christianorum directa, & favore paganorum in Christianos, disserit. Et quidem *Cap. I* varia specimina favoris sistit, quo Christianos dignati fuerunt ethnici generatim. Humanitatis officia varia ethnici nonnunquam Christianis exhibuerunt, ex Imperatoribus etiam nonnulli causæ Christianæ faverunt, v. g. *Vespasianus*, *Antoninus Pius*, *Commodus*, & *Constantius Chlorus*. Idem favor gentiliū in Christianos colligi potest ex *Plinii* Epistola ad *Trajanum* pro Christianis, ex *Grannii*, Asiæ Proconsulis, ad *Hadrianum*, Imperatorem, Epistola, ex *Sallustii* studio pro Christianis, qui sæpe dissuasit Imperatori, ne Christianos suppliciiis afficeret, ex venia Christianis concessa, apologias Imperatori exhibendi, ex beneficiis in Christianos collatis, jure hospitii & civitatis, publicisque officiis, ex commerciis Philosophorum gentiliū cum Christianis, ex Præsidum studio Christianos a suppliciis liberandi, tandem ex religionis Christianæ professione illorum, qui natalium splendore alios superabant. *Cap. II* favorem paganorum in Christianos ex imitatione eorum demonstrat.

Pag. 27.

41.

Pag. 63

- Cel. *Mosheimius* ex instituto de hoc argumento egerat, ex quo varia delibatur Rev. Autor, & ad illius mentem in tria capita dividit hanc imitationem. Initio enim dicendi genus Christianis solenne adoptarunt ethnici, v. g. voce *δαίμων* ex mente Christianorum usi. Deinde dogmata quædam Christianorum sua fecerunt Philosophi, v. g. de Dei unitate, de Christo, de Trinitate, de creatione, &c. nec non in moralibus multa a Christianis acceperunt gentiles, siquidem ipse *Julianus* iudicavit, Christianorum mores in causa fuisse, cur eorū religio sereno vultu ubivis reciperetur, in Epistola ad *Arfacium Maximum*, Galatiæ Pontificem, quæ hic inserta legitur. *Tauroboium* & miracula gentilium eandem imitationem confirmant. *Cap. III* de privilegiis & dictis ab Imperatoribus ethnicis pro Christi cultoribus exponit, ex quibus idem favor liquido apparet. Dividuntur edicta hæc in ea, quæ per temporis injuriam perierunt, & quæ hodie supersunt integra. Ad deperdita refert Autor edicta *Tiberii*, *Hadriani* & *Antonini Pii*, *Domitiani*, *Nervæ*, *Aureliani*, & *Alexandri Severi*. Ex illis vero, quæ supersunt, recensentur *Trajani* edictum, *Hadriani* Epistola, *Antonini Philosophi* Epistola ad Græciæ urbes, ejusdem Epistola ad Senatum Romanum, *Gallieni* edictum, *Maximini*, *Constantini*, & *Liciniani*, edictum, *Sabini* & *Maximini* Epistolæ duæ, quibus omnibus benevolus in Christianis animus declaratur. Tandem *Maxentii* & *Juliani* leges memorantur in eandem causam, quas pro Christianis sanciverunt, ut suum odium simularent. *Cap. IV* causas enarrat favoris, quo Christianos persecuti sunt ethnici. Providentia divina ante omnia laudanda & inter causas referenda est, quæ animos gentilium benevolos reddiderunt Christianis. Si ab hac discesseris, aliæ etiam possunt nominari causæ secundariæ, inter quas numerari debet cognitio & inquisitio rei Christianæ, ab ethnicis instituta, ubi melius instruebantur de rebus Christianis, quam fama referebat, ex invidia multa fingens. Huc pertinet etiam constantia Christianorum in perferendis cruciatibus, quam ethnici omnino mirari debebant, porro miracula a Christianis patrata, ex quibus inprimis legio fulminans memorabilis, pœnæ, quas Christianorum hostes Deo dederunt, & temporis inferendi studium, matres, conjuges, & cognati Imperatorum Christianis faventes, studium paganam religionem revocandi & instaurandi, & spes Christianos ad sententiam mutandam, & Deorum

rum cultum prosequendum, commovendi. Ex omnibus his, paganos Christianorum laudatores & fautores fuisse, satis doctæ & erudite demonstrat Rev. Autor. Adjunxit huic Commentationi Pag. 123.
 quinque Dissertationes Historiæ ecclesiasticæ & Antiquitarum, jam olim excusas, de quibus etiam nostrum est non plane tacere. *Prima* Martyres divinitatis Spiritus S. testes & vindices sistit contra *Guil. Whistonum*, quam pro suggestu ædis Paulinæ Lipsiensis festo Pentecostes A. 1723 recitavit, & typis exscribendam jam curavit A. 1726. Contra *Whistonum*, Anglum illum, potissimum disputat, qui, Spiritus S. divinitatem in dubium vocans, ad Scripturæ & primævæ ecclesiæ membrorum de divinitate Spiritus S. essentia silentium audacter provocat. Noster vero Autor *Whistoni* temeritatem ita retundit, ut illam contra clarissima Scripturæ Sacræ loca, ab illo dissimulata, impingere monstret; deinde permultos ex veteris ecclesiæ Martyribus adducit, qui testantur divinitatem Spiritus S., ut adeo *Whistoni* sententia his ipsis exemplis confutetur. *Secunda* Dissertatio hic Lipsiæ habitata est A. 1726 de felici Christianæ religionis propagatione per conjugia. Varia media initio recenset propagandæ religionis Christianæ, tam extraordinaria, quam ordinaria, qualia sunt beneficia divina. Huc refert Rev. Autor navigationem, mercaturam & commercia, divina supplicia, &c. Ad ordinaria, & quidem rariora, referuntur etiam conjugia, ubi variis exemplis & Biblicis & profanis docetur, qua ratione propagata fuerit religio Christiana per conjugia, & tandem locus *Gen. IX, 27*, illustratur. *Tertia* de mortibus persecutorum Reformationis, 193.
 a *Luthero* susceptæ, agitur. Recensentur hoc in loco potissimum ii Reformationis adversarii, qui ante mortem non ad meliorem frugem redierunt, quo refertur *Jo. Tezelius*, *Hier. Emserus*, *Jo. Eccius*, *Felix de Wertenberg*, *Balthas. Masco*, *Jo. Agricola*, *Gosmannus*, aliique. *Quarta*, de artibus *Juliani* Apostatæ paganam superstitionem instaurandi, Jenæ emissâ est Epistola ad *Jo. Guil. Hoffmannum*, affinem. Memoratur non solum in genere *Juliani* studium in paganam superstitionem, & qua ratione sub initium imperii mitis in Christianos fuerit, sed etiam callidiores artes, quibus paganam religionem instaurare & propagare studuit, recensentur. *Quinta* est Dissertatio antiquario-exegetica, etiam 207.
 jam antea edita, de ritu liberos recens natos in terram sistendi, & de terra levandi. *Duabus Sectionibus* hæc absolvitur, quarum 263.

rum prima ritus sistendi liberos in terram tractatur, qui fiebat ab ethnicis eo momento, quo in lucem erant editi, ut terræ eos consecrarent, & judicarent, utrum alendi essent, an projiciendi; altera exponitur levatio liberorum ex terra, quæ fiebat a patre infantis, quando secum constituerat infantem educare, quod vel ipse peragebat, vel per servum aut obstetricem, ut declararet, se hunc infantem pro suo agnoscere. Varia Scripturæ Sacræ loca hac occasione illustrantur atque explicantur. Omnibus his Commentationibus Rev. Autor satis superque demonstrat, se non mediocriter in Historia & antiquitate ecclesiastica esse versatum. Quapropter laudem omnino meretur, quod hæc argumenta non minus erudite, quam dextre & accurate, tractaverit, nec sine cura exposuerit, utque plures ejusmodi ingenii foris cum orbe literato communicet, optamus.

J. C. S. ADDITAMENTUM AD EMENDATIONES Taciti & Velleji in Actis Erudit. Lips. Mens. Septembr. A. 1733 pag. 431.

I. **E**mendatio est proprie restitutio sententiæ germanæ scriptoris cujusque e vestigiis literarum corruptarum. Quæ ars & cura Criticorum est. Corruptela vero Critici versatur in neglectione verborum ineptorum, & depravatione sanorum, distractione coherentium, admistione alienorum, similibusque vitiis. Jam Taciti locus est *Annal. XII Cap. 53 §. 1: Inter quæ refertur ad patres de pœna seminarum, quæ servis conjungerentur. Statuiturque, ut ignaro domino ad id prolapsa in servitutem sui consensisset, & , qui nati essent, pro libertis haberentur. Hic ut atque & ponuntur pro uti — sic etiam, quemadmodum apud Græcos ὅς — ὅτω καί. Proinde conjunctio ut, quam verbum statuitur requirit, scienter & commode prætermittitur, ne oratio contemneretur. Qua de re in ellipsi agunt Grammatici. Necessè est igitur, ut corruptio verborum *Cornelianorum* in vocabulis *pro libertis* consistat. Nam, si ista integra esse putentur, naturalis illa æquitas foret, non pœna protervæ & impudicæ feminae. Hæc enim tum demum pœnam sentit, cum & ipsa e libera sit serva, & liberos suos misera servitute itidem consistari videt. Ergo vocabula illa duo *pro libertis* commutanda sunt cum *prole patris*. Si quis igitur Tacitum opinetur scripsisse, *statuitur-**

tuiturque, ut, quæ ignaro domino ad id prolapsa, in servitutem sui consensisset, ei qui nati essent, pro libertis haberentur; is pœnam improbæ & facinorosæ fœminæ omnem evertit, aliena temere admisceat, sana distorquet, vitiosa relinquit, antiquitati denique refragatur, quippe cujus moribus e servo & serva libertus nasci non poterat.

II. Est *Velleji Lib. II Cap. 31* locus iste Criticorum dubitationibus divexatus: Converterat Cn. Pompeji persona totum in se terrarum orbem, & per omnia majore vi habebatur. Cellariana editio legi vult major cive. Quid igitur? Civi major cive datur? Ergo Camillus ille, Fabricius, Fabius Maximus, Scipiones, cives non fuerunt? Aut, si fuerunt, at Pompejus tamen illis major fuit per omnia? Quid? Marcus Porcius, miraculum illud fortunæ & artis, L. Æmilius Paulus, Sulla ipse, victor ille & triumphator Mithridatis & Coji Marii, victoris Numidarum, & Cimbrorum Teutonumque triumphatoris, cives non fuerunt, atque iis per omnia major Cn. Pompejus? Triumphus igitur geminus equitem Romanum in felicissimis reipublicæ temporibus maximo cuique civi non modo exæquavit, sed etiam superiorem effecit? Nihili ergo virtus, nihili gradus magistratum, meritis in rempublicam parti, nihili Consulatus ille, nihili debellatus iste Pyrrbus, debellatus Annibal & Antiochus, nihili Perseus & Hispani, fuerunt ad faciendam civibus auctoritatem? Una fortuna in pellendis hominibus turbulentis & meticulosis ac non satis paratis equitem Romanum ad summam nominis majestatem & admirationem exulit, ut cive jam augustior & Deo proximus videretur? Equidem non puto, non conscisco, non consentio. Homines subita felicitate magni & in adolescentia jam admirandi non cum maximis vel antiquitatis vel ætatis suæ viris ac civibus comparantur; sed cum parentibus vel majoribus suis contenduntur. Cum avis igitur vel avo Pompejus adolescens componebatur, & per omnia major avi (scilicet persona) vel avo habebatur. Sin avos superare Pompejo nimium facile fuit; at Catulo tamen & Metello et ipso Sulla certe major non fuit. Atqui cives hi erant, qui cives jure pares dignitate superabant, ad quorum fastigium Pompejus adolescens certe nondum adscenderat. Inane est igitur commentum de Pompeji magnitudine civilem exsuperante. Ex plebeja is quidem familia natus, & sola belli fortuna nobilitatus, ne ad unius quidem e nobilibus & patriciis familiis splendorem, quamvis adspiraret, pervenerat. Triumphus certe primus, qui equiti Romano contigerat, singularis fuit honos & novus & pene inauditus; sed quis non simul videt, in senatu Syllanis partibus dedito

dedito & populo *Syllanis* infantiis scvitiisque domito non tam virtutem, quam vim, valuisse? An igitur is, qui tereterrimis artibus crevit, & tereterrima mala minatur, idcirco major cive habetur? Scelestissimus civis est talis & detestabilis, nequaquam dignitate verendus. Ubi dignitas autem non est, ibi major cive persona cogitari non potest. Neque vero alter *Pompeji* triumphus ad dignitatem hominis præstantior erat, victoria malis artibus parata, præmio per *Syllanos* partim, partim per homines cladibus & infinitis cædibus perterritos, impertito. Non igitur video, cum major civi tantum dignissimus quisque dicatur, quemadmodum *Pompejus major cive* jam tum habitus esse dicatur. Manet igitur id, quod dudum statui, major e vi legendum esse. Vis enim fuit, paternis clientibus ad *Sullanas* partes defensionandas abuti, cives dissentientes trucidare, crudelitatem alienam adjuvare, temporis ac fortunæ civitatem affligenti, male deservire, incendia bellorum sanguine civium exstinguere. Hæc vis primordii rerum *Pompeji* a fortuna prosperata in omne posterum tempus valitura videbatur & valebat. *Vellejus, Lib. II Cap. 31 §. 4* de commissa *Pompejo* in prædones maritimos potestate locutus, ita pergit: *Idem hoc (imperium) ante biennium in M. Antonii Pratura decretum erat. Sed interdum persona, ut exemplo nocet, ita invidiam angit aut levat. In Antonio homines æquo animo passerant. Raro enim invidetur eorum honoribus, quorum vis non timetur. Contra in iis homines extraordinaria reformidant, qui ea suo arbitrio aut deposituri, aut retenturi, videntur, & modum in voluntate habent. Dissuadebant optimates; sed consilia impetu victa sunt. Vides, quid de Pompejo senserint cives Romani. Eandem vim Vellejus innuit Lib. II Cap. 40 §. 2, 3: Plerique, Pompejum non sine exercitu venturum in urbem, affirmabant, & libertati publica statuturum arbitrio suo modum. Quo magis hoc homines timebant, eo gratior civilis tanti imperatoris reditus fuit. Adde huc *Dionem Cass. Lib. XXXVII pag. 55 E. & 56 A. edit. Stephan. Ac, ne dubites, quid Vellejo vis sit, & an ad locum, de quo quaeritur, potestas ejus quadret, velim, perpendas illa Libri II Cap. 72 §. 2: Brutum amicum habere mallet, inimicum magis timeres Cassium. In altero major vis, in altero virtus. Salva igitur & integra & bona contraria multis incommodis. Ultra igitur sit præferenda, satis apparet.**

III. Venimus ad tertiam, quam *Cel. Heumannus* opinatur emendationis emendationem, quæ ad *Velleji Lib. II Cap. 45 §. 3* pertinet: *Idem Cicero intra biennium sera Cn. Pompeji cura, verum & cupiti interrita, votisque Italia ac decretis senatus, virtute atque actione Annii Milonis trib. pleb. dignitati patriæque restitutus est.* Hic facile omnes intelligunt, quia *cupiti* verbum rarius est, *capiti* potiore esse rationem. Si legerimus, ut *capiti*, friget oratio, & præterea nulla necessitas apparet, cur & in ut convertatur. Nam, immutare vocabula, ut habeas, quod corrigas, sane mali est Critici, ac proinde cavendum. Nulla est igitur rursus emendationis emendatio. Lærandi ergo materiam, si quis eo nomine frui se posse putet, integram relinquimus.



INDEX AUTORUM, quorum Libri, aut Inventa, in hoc Volumine recensentur.

I. *Libri Theologici, & ad Historiam Ecclesiasticam spectantes.*

A barbanelis (Donis,) <i>Diff. de Creatione angelorum.</i>	707
<i>Anonymi Philosophus, veritati morali innitens. Volumen I.</i>	534
<i>Biblia sacra tam Veteris, quam Novi, Testamenti, cum Præfat.</i>	
Christiani Bened. Michaelis.	529
<i>Germanice reddita, cum Præfat. Jo. Muthmianni.</i>	ibid.
Biel (Jo. Christiani) <i>Exercitatio de Lignis ex Libano, ad templum Hierosolymitanum adificandum peritis.</i>	668
<i>Specimina novi Thesauri philologici.</i>	ibid.
Carpovii (Pauli Theodori) <i>Animadversiones philologico-critico-sacræ.</i>	707
h Crozii (Maturini Veyssierii) <i>Historia Christiana religionis, per Æthiopiâ & Armeniam florentis.</i>	685
Carteis (T.) <i>Cogitationes de Naturali & revelata religione.</i>	527
Gruner (Jo. Rodolphi) <i>Diatriba de Primitiarum oblatione ac consecratione.</i>	278
Gudii (Gottlob Frid.) <i>Paganus Christianorum laudator & fautor.</i>	713
Laëtantii (L. Calii Firmiani) <i>Opera omnia, cum Notis variorum, ex editione Jo. Ludolphi Bünemann.</i>	103
de Lambertiniis (Prosperi) S. R. E. Cardinalis, <i>de Servorum Dei Beatificatione, & Beatorum Canonizatione, Liber secundus.</i>	12
<i>Liber tertius.</i>	433
<i>Miscellanea Groningana. Tomus II.</i>	142
Mongitoris (Antonii) <i>Bulle, privilegia, & instrumenta Panormitana Metropolitana ecclesiæ, regni Sicilia primaria.</i>	337
Y y y	Mar-

I N D E X

Monterz (Sauls Levi) <i>Diff. de Aeterno ac indissolubili legis Mo- saica cum gente Israelitica nexu.</i>	707
Naudæi (Phil.) <i>Tractatus de Justificatione hominis peccatoris co- ram Deo.</i>	552
Nokenii (Jo. Arnoldi) <i>Dissertationes duæ: 1) de Judicio sancto- rum in mundum & angelos; 2) de Miraculis, per se verita- tem religionis Christiana demonstrantibus.</i>	657
Ode (Jacobi) <i>Commentarius de Angelis.</i>	76
Rambachii (Jo. Jac.) <i>Exercitationes Hermeneutica, sive Pars al- tera Institutionum Hermeneuticarum sacrarum.</i>	704
Saurini <i>Expositiones historica, critica, theologica, & morales, factorum quam maxime commemorabilium V. & N. Testa- menti.</i>	176
Tomus II & III.	341
Tomus IV & V.	608
Simonis (Jo.) <i>Onomasticum Veteris Testamenti.</i>	421
Stokmans (Ægidii) <i>Miscellanea sacra. Partes II.</i>	324
Telleri (Romani) <i>Dissertationum sacrarum, ad causas hermeneu- ticas spectantium, Decas.</i>	108
Turretini (Jo. Alphonsi) <i>Cogitationes & Dissertationes theologicae.</i>	242
Vogtii (Jo.) <i>Historia fistulae eucharistica, cujus ope sugi solet & calice vinum benedictum.</i>	523
Winckleri (Jo. Dieterici) <i>Disquisitiones philologicae, Scriptura S. quedam loca, & Antiquitatis momenta, illustrantes.</i>	

II. Libri Juridici.

Alberti (Mich.) <i>Commentatio in Constitutionem Criminalem Ca- rolinam medica.</i>	263
Chiusole (Ant.) <i>Geometria communis, legalis, & arithmetica.</i>	601
Georgisch (Petri) <i>Corpus Juris Germanici antiqui.</i>	633
Heineccii (Jo. Gottlieb) <i>Opuscula minora varii argumenti.</i>	114
Hentii (Jo. Nic.) <i>Commentationum atque Opusculorum de selectis & varioribus ex Jurisprudentia universali, publica, feudali, & Romana, argumentis, Volumina tria, edita a Jo. Jac. Hombergk.</i>	348
Marani	

A U T O R U M.

Marani (Guil.) <i>Opera omnia, cum Praefatione Christiani Henr. Trotzii.</i>	255
Moseri (Jo. Jacobi) <i>plenior Descriptio Juris publici S. R. Germanici Imperii, & singularum ejus partium. Tomus I.</i>	694
van Muyden (Jo.) <i>Compendiosa Institutionum tractatio. Editio sexta, cum additionibus Everh. Ottonis.</i>	696
de Piermont (Frid. Henr. Strube) <i>Investigatio nova originis ac fundamentorum Juris Naturæ.</i>	209
Pufendorffii (Sam.) <i>de Officio hominis & civis juxta legem naturalem Libri duo, editi a Thoma Johnson.</i>	615
Schmauffii (Jo. Jac.) <i>Dissertationes Juris naturalis, quibus principia novi Systematis, ex ipsis natura humana instinctibus extruendi, proponuntur.</i>	351
Strube, <i>vid. de Piermont.</i>	
Westenbergii (Jo. Orrwini) <i>Divus Marcus, seu Dissertationes ad Constitutiones M. Aur. Antonini, Imperatoris.</i>	458
Wieling (Abrahami) <i>Lectionum Juris Civilis Libri II:</i>	88

III. Libri Medici & Physici.

<i>Acta physico-medica Academiae Cæsareæ Leopoldino-Carolina Naturæ curiosorum. Volumen IV.</i>	362
Alberti (Mich.) <i>Commentatio in Constitutionem criminalem Carolinam medicam.</i>	263
Alethophili <i>Meditationes de Regno florum.</i>	376
Artedi (Petri) <i>Ichthyologia, sive Opera omnia de Piscibus.</i>	652
Bacchettoni (Hier. Leopoldi) <i>Anatomia, Medicina theoretica & practica ministræ.</i>	465
Cappeller (Maur. Ant.) <i>Epistola de Studio Lithographico, de Entrochis & Belemnitis.</i>	233
Cheyne (Georg.) <i>Tentamen diæteticum.</i>	268
Chomelii (Jac. Francisci) <i>Tractatio de Aquis mineralibus, balneis, atque embrocationibus Vichii, seu Vici calidi.</i>	698
Gerike (Petri) <i>Fundamenta Chymia rationalis.</i>	560
Gunzii (Juss. Godofr.) <i>Observationum chirurgicarum de calculum curandi viis, quas Foubert, Garengot, Perchett, le Dran, & le Cat, Chirurgi Galli, repoterunt, Liber unus.</i>	372

Y Y Y Y 2

Ham-

Hambergeri (Georg. Erhardi) <i>Elementa Physices. Editio tertia.</i>	605
Hoffmanni (Frid.) <i>Opuscula theologico-physico-medica.</i>	37
Opera omnia physico-medica. Tomi VI.	385
Huberi (Jo. Jac.) de <i>Medulla spinali, speciatim de nervis, ex ea provenientes, Commentatio.</i>	417
Kleinii (Jac. Theodori) <i>Sciagraphia Lithologica curiosa, seu Lapidum figuratorum Nomenclator.</i>	233
Lobb (Theophili) <i>Tractatus de Lithontripticis.</i>	90
<i>Tractatus practicus de Morbis dolorosis.</i>	236
Logan (Jacobi) <i>Experimenta & Meletemata de Plantarum generatione.</i>	563
Manninghami (Richardi) <i>Artis obstetricariae compendium.</i>	516
de la Metrie <i>de Variolis Liber.</i>	468
Pisonis (Homoboni) <i>de Regimine magnorum auxiliorum in curationibus morborum Dissertationes quatuor.</i>	180
<i>de Offensionibus Medici operosi Diff. singularis.</i>	ibid.
de Puzzolis (Placidi) <i>Diff. Anatomico-philosophica de Organo visorio, ejusque actione & objecto, nec non Discursus de Stribi natura.</i>	604
de Reaumur <i>Observationes rerum, quae ad Historiam Insectorum faciunt. Tomus IV.</i>	591
Searso (Jo. Chrysost.) <i>Epistola physica.</i>	137
Seguer (Mariani) <i>Observatio de Jufculo pulli lienteriae specifico.</i>	318
Semmedi (Jo. Curvi) <i>Observationes egritudinum fere incurabilium.</i>	129
Siegesbeck (Jo. Georg.) <i>Primitiae Florae Petropolitanae.</i>	518
Tacconi (Cajetani) <i>de variis quibusdam Hepatis aliorumque viscerum affectibus Observationes.</i>	35
Tralles (Balthas. Lud.) <i>Virium, quae terreis remediis gratis battentibus adscriptae sunt, examen rigorosus.</i>	645
Tri-	

Trilleri (Dan. Will.) *succincta Commentatio de Pleuritide, ejusque curatione.* 312

Selecta quedam capita de Pleuritide, e C.

Celfo, C. Aureliano, & Th. Prisciano, excerpta. 317

van Zelft (Theodori) de Podagra & dolore colico, scorbutico simili, Pictonico amulo, per sex annos durante, subito in podagram mutato, victo & curato, Libellus singularis. 131

Zinanni (Josephi) de Ovis & nidis avium Liber primus. 415

IV. Libri Mathematici.

Anonymi Operum diversorum, quæ spectant ad figuram Telluris definiendam, Examen. 520

Belidori Architectura hydraulica. Tomus II. 216

Chiusole (Anton.) Geometria communis, legalis, & arithmetica. 601

Colsoni (Jo.) Commentarius in Is. Newtoni Methodum fluxionum & infinitarum serierum. 401

Hales (Steph.) Experimenta philosophica, quæ continent instructiones peritiles & necessarias iis, qui longa mari itinera suscipiunt. 471

Kœnigii (Sam.) Theorematis Cotesiani Demonstratio brevis. 33

Milleri (Gerh. Andr.) Problema physico-mathematicum, veram assignare causam gravitatis corporum cælestium, quæ quidem versus se invicem tendant viribus, quæ sint in ratione inversa quadratorum distantiarum quam proxime. 474

Newtoni (Is.) Methodus fluxionum & infinitarum serierum. 401

Poleni (Jo.) de Optima ratione dimetiendi itineris a navi confecti, absque ope observationum Astronomicarum, Schediasma. 641

Smith (Roberti) Optices Systema completum. 19. 119

Walzii (Jo. Theophili) Disquisitio de Curva Loxodromica in superficie solidi cujuscunque, rotatione Curvæ circa axem suum geniti, præsertim vero Sphæroidis Elliptici, quæ veram globi terræque figuram refert, describenda. 270

V. Libri Historici, Geographici, &c.

Adlerfeld (<i>Gustavi</i>) <i>Historia militaris Caroli XII, Regis Sueciae.</i>	454
Tomi IV.	205
Anonymi <i>Persepolis illustrata.</i>	145
<i>Thuringia sacra, seu Historia Monasteriorum, quae olim</i>	629
<i>in Thuringia floruerunt.</i>	683
<i>Historia literaria Galliae. Tomus III.</i>	303
<i>Historia Francisci Eugenii, Sabaudiae Principis.</i>	579
B. (<i>L. D.</i>) <i>Dissertatio de eo, quod incertum est in Historia Ro-</i>	238
<i>mana priorum quinque Seculorum.</i>	130
Beyeri (<i>Theoph. Sigestr.</i>) <i>Historia regni Graecorum Bassiani.</i>	289
<i>le Beaumarchais (de la Barre) Elogium historicum Schannati.</i>	391
Cragii (<i>Nic.</i>) <i>Annalium Libri VI, quibus res Danica ab excessu</i>	149
<i>Regis Friderici I gesta ad annum usque 1550 enarrantur.</i>	295
Gessneri (<i>Jo. Jac.</i>) <i>Numismata Regum Macedoniae.</i>	139
Gronovii (<i>Jo. Frid.</i>) <i>Diss. de Gothorum sede originaria.</i>	149
(<i>Laur. Theodori</i>) <i>Animadversiones in Vibium Seque-</i>	348
<i>strem.</i>	161
Gruberi (<i>Jo. Dan.</i>) <i>Origines Livoniae sacrae & civilis.</i>	348
Hagenbuchii (<i>Jo. Casp.</i>) <i>Exercitatio geographico-critica, qua,</i>	251
<i>Opiones nec Germania, nec Britannia, populum, sed Galliae</i>	249
<i>Celticae Ossismios, esse, conjicitur.</i>	Juliani
Harenbergii (<i>Jo. Christoph.</i>) <i>Paregon de Pagis antiquis diace-</i>	
<i>seos Episcopalis Hildeneshemensis.</i>	
Hertii (<i>Jo. Nic.</i>) <i>Commentationum atque Opusculorum de selectis</i>	
<i>& rarioribus ex Jurisprudentia universali, nec non Hist-</i>	
<i>oria Germanica, argumentis, Volumina tria, edita a Jo. Jac.</i>	
Hombergk.	
Heumanni (<i>Christoph. Aug.</i>) <i>Historiae Göttingensis Pars tertia.</i>	
Hooke (<i>N.</i>) <i>Romana Historia ab Urbe condita usque ad occisum</i>	
<i>Reipublicae. Volumen I.</i>	

A U T O R U M.

Juliani <i>Imp. Cæsares, cum Notis Ez. Spanhennii, ex ed. C. S. Liebri & J. M. Heusingeri.</i>	462
Kestneri (Christiani Wilh.) <i>Lexicon medicum, in quo vitæ clarorum scriptis Medicorum describuntur.</i>	419
Langii (Caroli Henr.) <i>M. Laurentii Rhodomani vita, & in Græcas cumprimis literas merita.</i>	665
Lauensteinii (Joach. Barwardi) <i>Historia diplomatica Episcopatus Hildesensis.</i>	152
Leichii (Jo. Henr.) <i>de Origine & incrementis Typographia Lipsiensis Liber singularis.</i>	185
<i>Librorum, Sec. XV excusorum, ad Mattairii Annales Supplementum.</i>	ibid.
Livii (Titi) <i>Historiarum ab U. C. Libri, qui supersunt, omnes, cum Notis variorum, ex editione Arn. Drakenborch. Tomus III.</i>	193
van Loon (Gerhardi) <i>Historia numismatica XVII Provinciarum Belgii. Tomus IV & V.</i>	577
Maupertuisii <i>Elementa Geographiæ.</i>	321
Mongitoris (Antonini) <i>Bulle, privilegia, & instrumenta Panormitana Metropolitana ecclesiæ, regni Sicilia primariæ.</i>	337
Muratorii (Lud. Ant.) <i>Antiquitates Italicæ mediæ ævi. Tomus I.</i>	1
Niceronii <i>Commentarii, historie celeberrimorum in Rep. literaria Virorum inservientes. Tomus XXXVII.</i>	188
<i>Tomus XXXVIII.</i>	379
<i>Tomus XXXIX.</i>	575
Paitoni (Jo. Bapt.) <i>de Vita ac scriptis Fabricii Bartholeti, Medici Bononiensis, Commentarius.</i>	381
Pesleri (Jo. Christoph.) <i>Series Ducum Carinthiæ Seculi IX, X, XI, XII, XIII, & XIV, e documentis præci ævi concinnata.</i>	92
Reyheri (Sam.) <i>Monumenta Landgraviorum Thuringiæ, & Marchionum Misniæ, aucta & emendata.</i>	145
Rollini <i>Historia Romana, ab Urbe condita usque ad prælium Actiacum. Tomus I.</i>	17
Schwarzii (Jo. Conrad) <i>Observatio de Situ oppidi Situntis.</i>	383
Schaunati <i>Historia compendiosa Domus Serenissima Palatina.</i>	238
	Sigonii

I N D E X

Sigonii (Caroli) Opera omnia, ex ed. Phil. Argelati. Tomus VI.	625
Stephanii (Steph. Jo.) Historia Danica Libri II.	289
Varia Geographica variorum doctorum virorum.	139
Waltheri (Christoph. Theodosii) Doctrina temporum Indica.	579
de Westphalen (Ern. Joach.) Monumenta inedita rerum Germanicarum, præcipue Cimbricarum & Megapolensium. Tomus II.	49
Ziegelbaur (Magnoaldi) Novus rei literariae Ordinis S. Benedicti Conspectus. Volumen I.	673

VI. Libri Philosophici, & Miscellanei.

Alethophili Meditationes de Regno florum.	376
Anonymi Fasti divini pro Anno 1738.	45
Specimina Dissertationum Academicarum, publice lectarum in Academica Etrusca civitatis Cortona.	510
Philosophus, veritati morali innitens. Volumen I.	534
Carpovii (Pauli Theodori) Animadversiones philologico-criticæ sacra.	707
Clodii (Jo. Christiani) Novum Specimen Supplementorum Lexicii Gussertiani, ex Notis ipsius Autoris MSis productum.	620
Conradi (Dan. Arnoldi) Cryptographia denudata, sive ars decifrandi.	432
Cortesei (Pauli) De Hominibus doctis Dialogus.	41
Franzoni (Sebast.) Orationes.	478
Gessneri (Jo. Jac.) Numismata Regum Macedonia.	391
Heineccii (Jo. Gottlieb) Opuscula minora varii argumenti.	114
Hoffmanni (Frid.) Exercitatio de Optima philosophandi ratione, ex solertiori Dei, ejusque admirabilium in natura operum, & præcipue ipsius hominis, cognitione petenda.	572
Jacobetti (Jacobi) Opuscula politioris literaturæ.	476
Laſtantii (L. Cæli Firmiani) Opera omnia, cum Notis variorum, ex editione Jo. Ludolphi Bünemann.	103
Leibnizii (Godofr. Guil.) Epistolarum ad diversos Volumen tertium, editum a Christiano Kortholæo.	662
	Livii

A U T O R U M.

Livii (Titi) <i>Historiarum ab U. C. Libri, qui supersunt, omnes, cum Notis variorum, ex editione Arn. Drakenborch. Tomus III.</i>	193
Longini (Dionysii) <i>Liber de Sublimi, ex Græco Anglice conversus, cum notis Guil. Smith.</i>	397
Lysiae <i>Orationes & Fragmenta, Græce & Latine, ex ed. Jo. Taylori.</i>	481
<i>Miscellanea Groningana. Tomus II.</i>	142
Oliverii (Hannib. Camilli) <i>Marmora Pisarenfis, Notis illustrata.</i>	241
Pufendorffii (Sam.) <i>de Officio hominis & civis juxta legem naturalem Libri duo, editi a Thoma Johnson.</i>	615
Quirini (Angeli Mariæ) <i>Cardinalis, Specimen variae literaturæ, quæ in urbe Brixia, ejusque ditone, paulo post typographiæ incunabula floruit.</i>	498
Rambachii (Jo. Jac.) <i>Exercitationes Hermenevticæ, sive Pars altera Institutionum Hermenevticarum sacrarum.</i>	704
Scarfo (Jo. Chrysostomi) <i>Neosophus, Dialogus, in quo novum & speciosissimum Systema scientificum stabilitur.</i>	136
Schultens (Alberti) <i>Excursus tres ad Caput primum Via veteris & regie hebraizandi, continentes Stricuras ad Dissertationem historicam de Lingua primæva.</i>	565
Schwarzii (Jo. Conr.) <i>Additamentum ad emendationes Taciti & Velleji in Actis Erud. Lips. M. Sept. A. 1733 pag. 431.</i>	718
Sigonii (Caroli) <i>Opera omniâ, ex ed. Phil. Argelati. Tomus VI.</i>	625
Simonis (Jo.) <i>Onomasticum Veteris Testamenti.</i>	608
Sponii (Jac.) <i>Diff. de Ufu numorum in Physiognomia.</i>	462
Theupolorum (Laurentii & Federici) <i>Musei Theupoli antiqua Numismata.</i>	97
Valesii (Henrici) <i>Emendationum Libri quinque, & de Critica Libri duo, editi a Petro Burmanno.</i>	64

* * *

I N D E X

RERUM NOTABILIORUM.

- A.**
- A**berrationes *radiorum*. 119
- Abortus a Medico an spe servan-**
dæ matris procurari debeat? 267
- Abrahami annus natalis defini-**
tus. 422 seq.
- Abulpharagii (Gregorii) vita &**
scripta. 688
- Academix Naturæ Curiosorum**
incrementa. 362
- Etrusca Cortonenfis**
Commentarii editi. 510
- Salisburgensis incre-**
menta. 678
- Accolti (Benedicti) vita & scri-**
pta. 380
- Adami Bremensis locus illustra-**
tus. 300
- Adlerfeld (Gustav.) laudatus.** 455
- Adolphi IV, Comitæ Holsatiæ,**
memoria renovata. 58
- Ægypti novum ezymon.** 524
- urbs Idmæi descripta.** 525
- Æliani duo diversi.** 71
- Aeris proprietates explicata.** 217
- Æs alienum an sit pecunia aliis**
credita? 262
- Æthiopix ecclesiæ fata descri-**
pta. 689 seq.
- Æthiopix ecclesiæ quantum in-**
crementi venerit per missiones
Jesuitarum? 691
- Alberti, Livoniensis Episcopi, ge-**
nealogia materna. 302
- Aldii, medium inter liberos &**
servos genus. 10
- Aldrovandi (Ulyss.) aves descri-**
bendi ratio. 415
- Alluviones & insule quomodo in-**
ter possessores proximorum di-
videnda? 603
- Alphabetum Etruscum an disse-**
rat ab alphabeto Pelasgorum? 511
- cum Hebræo,**
Samaritano, Arcadico, & Pelas-
go, in comparisonem addu-
ctum. ibid.
- Altingii (Mensoni) Observatio-**
nes sacre editæ. 143
- De Amazonibus singularia.** 496
- Ameloti (Dionysii) vita & scri-**
pta. 189
- Amesii (Guil.) vita & scripta.** 189
- Anatomia aliis scientiis lucem ac-**
cendit. 466
- De Andocidis Orationibus va-**
ria. 496 seq.
- Andræ Presbyteri breve Chroni-**

INDEX RERUM NOTABILIORUM.

<i>con historia Gotthoruni editum.</i>	4	<i>Aqua per ignem elevanda. ibid.</i>	
<i>Angelis an sit cultus tribuendus?</i>	87	<i>marina quomodo reddenda potabilis?</i>	471
<i>Angelorum nomina illustrata.</i>	77	<i>Aquarum mineralium Gallie analysi.</i>	699
<i>seq. quæ symbola?</i>	79	<i>Archelai, Macedonum Regis, numus singularis.</i>	397
<i>existentia demonstrata.</i>	81. 84	<i>Architectura hydraulica explicata.</i>	216
<i>creatio evicta.</i>	83	<i>Argoli (Andreae) vita & scripta.</i>	576
<i>essentia in quo consistat?</i>	ibid.	<i>(Jo.) vita & scripta. ibid.</i>	
<i>creatio illustrata.</i>	712	<i>Arimanni in Italia cujus generis olim homines fuerint?</i>	9
<i>Angelus est lux spiritualis.</i>	138	<i>Arithmetica sine Arithmetica.</i>	604
<i>Anima humana luminosa. ibid.</i>			
<i>Animalia marina ex fossilibus dignoscenda.</i>	234	<i>Armenicæ ecclesiæ status descriptus.</i>	692
<i>Anni Indorum quæ ratio?</i>	590	<i>Arnaldi (Angelici) vita.</i>	45
<i>Antimonii usus in Medicina.</i>	605	<i>Artedi (Petri) vita.</i>	652
<i>Antiquitatum in Jurisprudencia usus.</i>	115	<i>Aruspicina veterum Tuscorum illustrata.</i>	514
<i>Antliarum hydraulicarum theoria.</i>	217	<i>Atheus ex machina humane structura convincendus.</i>	38
<i>Antonino (M. Aur.) de impetratu per Christianos victoria Epistola temere afficta.</i>	459	<i>Atticus apud Hieronymum quid notet?</i>	68
<i>ejus Constitutiones explicata.</i>	459	<i>Attractionis ratio explicata.</i>	606
<i>Apocalypseos nova explicatio.</i>	526	<i>seq. 380</i>	
<i>Apparitiones divina a diabolicis distinguenda.</i>	453	<i>Aventini (Jo.) vita & scripta.</i>	380
<i>Aqua ex profundo magna copia & facile evebenda.</i>	221	<i>Avium ordines describendi modi varii.</i>	415
		<i>ova & modi descripti.</i>	417
		<i>Auxiliorum magnorum in Medicina indoles explicata.</i>	181

<p>Bactriani regni historia illu- strata. 580 limites. 581</p>	<p>Bellia gens antiqua ex nummo detecta. 99 Benedicti XIII, P. M. virtutes recensita. 433 seq.</p>
<p>Bactrii an fuerint Scythæ? 583</p>	<p>Benedictinorum Ordinis historia literaria. 673 seq.</p>
<p>Baieri (Jo. Jac.) vita & scri- pta. 368</p>	<p>S. Benedictus quantum attulerit ad incrementa literarum? 674</p>
<p>Bairstii (Jo.) vita. 421</p>	<p>Beneventanum Chronicon edi- tum. 6</p>
<p>Baldi (Bernardini) vita & scri- pta. 576</p>	<p>Belemonitæ ad quod genus refe- rendi? 234</p>
<p>Balneorum in variis morbis sa- lutaris efficacia. 130</p>	<p>Berckelmanni (Theodori) vita & scripta. 253</p>
<p>Baptismus per immersionem quo tempore in Livonia fuerit solemnis? 301</p>	<p>Bermudez (Jo.) rerum in Abyss- inia gestarum historia. 690</p>
<p>Bardesholmiæ, nominis, origo unde? 53</p>	<p>Bibliorum duplex editio nova cu- rata. 530 seq.</p>
<p>Barkey (Nic.) Conjectura de duo- bus viris, qui discipulis Chri- sti adstiterunt, edita. 143</p>	<p>authenticus textus versionibus preferendus. 530</p>
<p>Diff. quare Eze- chiel filius hominis dicatur, edita. ibid.</p>	<p>versio Lutheri Ger- manica commendata. 531</p>
<p>Barptolomæi (Nic.) vita & scri- pta. 380</p>	<p>Bibliothecæ Benedictinorum de- scripta. 682</p>
<p>Bartholeti (Fabricii) vita & scripta. 381 seq.</p>	<p>Bibliothèque raisonnée, Diarii, Auteurs refutati. 197 seq.</p>
<p>Ad Beatificationem testes qui re- quirantur? 438</p>	<p>Bielii (Jo. Christ.) institutum, novum edendi Thesaurum philologicum. 671 seq.</p>
<p>Beatificationis judicium penes quem? 13 seq.</p>	<p>Bilances a Romanis in loco publi- co conservata. 516 seq.</p>
<p>Bede, vocabulum Germanicum, unde derivandum? 60</p>	<p>Bilis ad vesiculam felleam via descripta. 36</p>
<p>Belgica Historia ex numis illu- strata. 577 seq.</p>	<p>Bissendorffii (Jo.) fata suprema descripta. 159</p>
	<p>Blondi</p>

Blondi (Jo. Franc.) <i>vita & scripta.</i>	189	Brunneriana <i>memoria instaurata.</i>	368
Boehmeri (Phil. Lud.) <i>vita & scripta.</i>	253	Brunsvicensis domus & <i>Essensis Hannoveranae nexus genealogicus.</i>	664
Bodereji (Rodolphi) <i>vita & scripta.</i>	188	Büchneri in <i>Academiam Naturae curiosorum merita.</i>	362
Boderiani (Guidonis Francisci) <i>vita & scripta.</i>	381	Buddæi (Jo. Franc.) <i>Historia Juris Naturæ denuo edita.</i>	619
S. Bolonii, seu Bononii, <i>vita edita.</i>	16	Bullialdi (Herm.) <i>Diff. de Populis fundis edita.</i>	74
Bonamici (Lazari) <i>vita & scripta.</i>	576	Bunemanni (Jo. Ludolphi) in <i>Lactantium merita.</i>	104 seq.
Bordingii (Jac.) <i>Laudatio Christiani III, R. Daniæ, edita.</i>	294	Burmamnus (Petrus) <i>junior, laudatus.</i>	65
Bordisholmenfis <i>Monasterii Diplomata edita.</i>	50	C.	
<i>antiquitates illustrata.</i>	52		
Bóvilli (Caroli) <i>vita & scripta.</i>	576	Cabassutii (Jo.) <i>vita & scripta.</i>	380
Bourgueti, <i>Professoris Neocastellani, liber novus promissus.</i>	192	Calculorum in <i>hepate qua ratio?</i>	36
Bremii (Wolfg. Sig.) <i>vita.</i>	421	<i>remedia commentata.</i>	91 seq.
Brixienfis <i>urbis historia literaria illustrata.</i>	498 seq.	Calculus <i>curandi modi Gallorum quorundam sub judicium vocati.</i>	372 seq.
Bruiningii (Herm.) <i>Commentatio ad Ps. LXXXIV, 4, edita.</i>	143	Callidius, <i>vid. Loofius.</i>	
<i>Observationes ad varia Scripturae loca edita.</i>	ibid.	Calphurnius (Jo.) <i>quis fuerit?</i>	501
<i>Observationes ad Matth. III, 9, edita.</i>	144	<i>ejus cum Raph. Regio contentio.</i>	502 seq.
	Z	Camerae, seu <i>fisci, jus veterum Italiae Regum descriptum.</i>	11
	z z z 3	De Camoens (Lud.) <i>vita & scripta.</i>	189
		B. Canneti (Archangeli) <i>vita.</i>	16
		Ad	

<i>Ad Canonizationem testes qui requirantur?</i>	438 seq.	Chappuys (Claudii) <i>vita & scripta.</i>	575
<i>Canonizationis iudicium cui competat?</i>	12 seq.	(Gabrielis) <i>vita & scripta.</i>	ibid.
<i>Capitis dolor unde?</i>	237	Du Chastelet (Pauli Hay) <i>vita & scripta.</i>	380
<i>quomodo pellen-</i>	ibid.	De Chaulieu (Guil. Amfrye) <i>vita & scripta.</i>	189
<i>dus?</i>	40	Chemnitii (Jo. Frid.) <i>Genealogia Regum & Ducum Megapolensium edita.</i>	60
<i>Carbonum fumus noxius.</i>	40		vita. ibid.
<i>Carinthiæ Ducum veterum nomina collecta.</i>	92 seq.	Christi <i>divinitas ex juramentis per se ipsum demonstrata.</i>	706
<i>Caroli, Ducis Longevillensis, vita.</i>	46	De Christi <i>redemptione sententia hominis Angli improba.</i>	549
	XII, R. Suecia, <i>res bellica descriptæ.</i>		satisfactione doctrina perversa. 551
	457	Christianæ religionis <i>præcipua capita explicata,</i>	37
<i>Caroloftadii (Andrea) scripta recensita.</i>	144		demonstrande ratio quæ optima? 109
<i>Casellii (Jo.) de Ducum Megapolensium originibus libellus editus.</i>	61		cum ratione convenientia demonstrata. 528
	vita. ibid.		an sit a naturali differentia? 536
	pater quis? 254		propagatio per conjugia. 717
<i>le Cat, Chirurgi Galli, methodus curandi calculum descripta.</i>	375	In Christianos odii paganorum causa. 714	
	250	Christianum III, R. Daniæ, ad faciendum	
<i>Catrouius refutatus.</i>	501		
<i>In Catullum merita doctorum Brixienfium.</i>	118		
<i>Cautionum apud JCtos antiquos modi tres.</i>	30		
<i>Cauticarum linearum proprietates.</i>	669		
<i>Cedri arboris antiquitas illustrata.</i>	71		
<i>Censorini Fragmentum emendatum.</i>	89		
<i>Ceterum in Jure quid notet?</i>			

RERUM NOTABILIORUM.

<i>fœdus Smalcaldicum accessisse, probatur.</i>	291	Comitum & Vice-Comitum Italiae dignitas descripta.	7 seq.
<i>Chymia rationalis in Compendio tradita.</i>	560 seq.	Palatinorum Italiae qua fuerit dignitas?	6 seq.
<i>Ciceronis an sit liber, Consolatio inscriptus?</i>	627 seq.	avi medii dignitas descripta.	241
<i>Cimbricae origines & antiquitates illustratae.</i>	54	Commerciorum per Livoniam initia qua?	298
<i>Circuli diametri & peripheriae proportio.</i>	603	Ex Compendiis an Jus Civile discendum?	697
<i>Cistæ mystica veterum illustratae.</i>	515	Conduma in Diplomatis medii ævi quid notet?	9
<i>Clementis XII, P. M. per gradus ad Pontificale fastigium adscensio.</i>	12	Confessorum fidei qua sint requisita?	448 seq.
<i>laudes, ibid.</i>		Per Conjugia felix propagatio religionis Christianæ.	717
<i>De Clerici (Jo.) Arte critica judicium.</i>	72	Constantinæ (Jac.) mali in Marianum animi accusatus.	259 seq.
<i>Cæcus quid visu restituto discernere valeat?</i>	21	De Contradictoriis controversia inter Turretinum & Pfaßium.	112
<i>Cœli figura apparens.</i>	23	Copernicana mundi hypothesis asserta.	179
<i>Cœlum ex quibus partibus constet?</i>	139	Corbini (Jacobi) vita & scripta.	189
<i>In S. Cœna quomodo corporis Christi præsentia substantialis sine dimensionaliter esse possit?</i>	663	De Cordemoy (Gerald) vita & scripta.	ibid.
<i>Colica scorbutica in podagram mutata.</i>	132	(Lud. Gerald) vita & scripta.	ibid.
<i>Pictonum descripta.</i>	133	Cordi (Eurycii) vita & scripta.	ibid.
<i>ejus historia & vera ratio.</i>	133 seq.	(Valerii) vita & scripta.	ibid.
<i>Coli vinarii antiquitas illustrata.</i>	515	Corinthii generis columna unde orta?	209
<i>Cometa unde oriatur?</i>	138	Corporis	

- Corporis humani partes anatomi-
ce descriptæ. 466 seq.
- Corporum elementa quæ? 561
- Cortesii (Pauli) vita & scripta. 42
- Cortonensis Academia Etruscæ
Commentarii editi. 510
- De Costes (Gualteri) vita &
scripta. 189
- Cotesiani theorematibus demon-
stratio brevis. 33
- Cragii (Nic.) vita & scripta. 289 seq.
- De Creatione tentamen novum. 139
- Cremeri (Bern. Sebast.) Diss. de
Comestione rerum sacrarum
duplici edita. 143
- Criminalis Constitutio Carolina
ex doctrinis medicis illustrata. 264 seq.
- Criticæ artis origo & incremen-
ta. 72
- genus quotuplex? 72. 73. 116
- principes qui? 73
- definitio. ibid.
- in Jurisprudentia
utilitas. 115 seq.
- Critici boni officium. 115 seq.
- Critobulus apud Hieronymum
quid notet? 89
- Crittonii (Georg.) vita & scri-
pta. 189
- Criticis signum cur immortale vo-
cetur? 107
- Cryptographia in systema reda-
cta. 432
- Culicis historia naturalis. 600
- Cuperi (Gisberti) Epistolæ con-
junctim edendi consilium. 46
seq.
- Cupressi arboris antiquitas illu-
strata. 669
- Curvarum quadratura secun-
dum doctrinam Newtoni. 411
- rectificationes se-
cundum doctrinam Newtoni. 412
- Curvedinis quantitas & quali-
tas in quovis curvæ puncto. 408. 410
- D.
- Dæmon & demonia quid sint? 89
- Danicarum rerum Historia re-
centior edita. 291
- Danorum Jurisprudentia apud
Episcopos maxime querenda. 299
- De Dante judicium. 44
- Dathi (Nicolai) vita & scripta. 576
- Davides cur in aula Regis Achiz
finxerit delirium? 347
- Davilæ (Henr. Catharini) vita
& scripta. 576
- Decifrandi ars in systema reda-
cta. 432
- Deus an a Jure Naturæ remo-
veri possit? 215
- Dei

RERUM NOTABILIORUM.

Dei sanctitas in quo consistat?	111	Diplomaticæ artis scriptores recensiti.	50
filius in N. Test. quis?	427	Distantia apparens objecti per systema quotcunque mediolorum conspecti.	29
Ex Dei, ejusque operum, cognitione optima philosophandi ratio petenda.	572 seq.	Distantiæ apparentes objectorum.	22
Demosthenis nova editio promissa.	498	idea quomodo generetur?	ibid.
Diaboli in corpora quæ potentia?	39	Dlugoffi (Jo.) seu Longini, vita & scripta.	380
operationes a divinis probe distinguende.	453	Dolorosi morbi unde oriantur?	236
Dietæ ad facilitanda studia usus.	40	Domestici olim qui dicti?	107
Dieteticæ regula præscripta.	268 seq.	Drakenborch (Arn.) laudatus.	193
Dialogi ratio quæ?	627	Dræ, Medici Gallici, methodus curandi calculum describita.	374
Dicis causa, formula, originem unde ducat?	89	Dransfeld (Justi) vita & scripta.	253
Diei quæ ratio apud Indos?	589	Druessenius refutatus.	565 seq.
Dio Chrysostomus explicatus & illustratus.	69	Ducæi (Frontonis) vita & scripta.	380
ejus vita & scripta.	ibid.	Ducenarii unde appellati?	244
Diocletianus Imp. an sponte se abdicaverit imperio?	107	Duchatii (Jacobi) vita & scripta.	575
Dionysii (Jo. Bapt.) vita & scripta.	189	E.	
Halicarnassensis fides suspecta.	311	Eberhausii (Jo.) vita.	254
Areopagita nomine editi libri quem habeant Auctoritatem?	686	Ad Elisabethæ, Angliæ Reginæ, historiam Supplementa quædam edita.	144
Diplomata legendi & explicandi ratio quæ?	50	Eloquentia ad judicium referenda.	477
		& Poetica an sint præceptis tradenda?	479.
	A a a a		an.

I N D E X

- Eloquentia *an tantum in orate*
dicendo consistat? 479
- Emeticorum *in variis morbis sa-*
lutaris efficacia. 130
- Ensisferorum Ordo *in Livonia in-*
stitutus. 300
- Entrochi & Trochita *cujus na-*
tura? 234
- Etruscum Alphabetum *an disse-*
rat ab Alphabeto Pelasgorum?
511
- cum Ebreo,
Samaritano, Arcadico, & Pe-
lasgo, *in comparationem addu-*
ctum. ibid.
- Ettmulleriana memoria *instaura-*
ta. 368
- Eugenii (Francisci) Sabaudia
Ducis, *vita & res gesta de-*
scripta. 683
- Ad Experientiam *certam quid*
requiratur? 606
- F.
- Fabii Pictoris ingenium & stu-
dia. 310 seq.
- Fabricii (Franc.) *vita. 143*
(Georg. Andr.) *vita &*
scripta. 252
(Theodosii) *vita & scri-*
pta. 253
- Falsiloquium *a mendacio quo-*
modo differat? 346
- Fatum *physicum & medicum in*
quo consistat? 39
- Febres *an terreis remediis cura-*
ri possint? 650 seq.
- Felix *vita qua dicenda? 353*
- Fenelon, *vid. de la Motte.*
- Fermentatio *omnis generationis*
causa. 138
- Feuardentii (Francisci) *vita &*
scripta. 576
- Feudi *apertura exemplum. 351*
- Fidei *in Christum definitio. 332*
ad salutem necessitas. 334
justificantis ratio expli-
cata. 556
- Figurae *apparentes obiectorum*
conspicuum in speculis, juxta
sectiones conicas formatas. 32
- Finxi (Orontii) *vita & scripta.*
380
- Firenzuolæ (Angeli) *vita & scri-*
pta. 381
- Fisci *jus an habuerint veteres*
Italiae Reges? 11
- Fistulae *eucharistica antiquitates*
illustrat. 243 seq.
- Flagellationis *usus in ecclesia*
unde? 449 seq.
- Florens (Franc.) *plagii probabi-*
liter accusatus. 258
- Florum *natura; partes, suavita-*
tes, explicatæ. 376 seq.
- a Flurantia *vid. Rivalent.*
- Fluxionum *metodus. 401*
- Focus *speculorum lentiumque*
quemodo determinandus? 24
- Fossilium & petresfactorum *sy-*
stema promissum. 192
disquisitio quantum
conferat ad animalium mari-
norum historiam? 233
- Fouberri

RERUM NOTABILIORUM.

- Fouberti *methodus curandi calculum descripta.* 373
 Franzoni (Sebast.) *Orationes laudata.* 478
 Frencelii (Abrah.) *Etymologica Vandalica & Slavica Megapolitana edita.* 63
 Frey (Jani Cæcilii) *vita & scripta.* 575
 Friedliebii a Fridensberg *Jus Feudale Pomeranicum editum.* 61
 Frisii (Tilemanni) *scripta.* 255
 Frontæ *vox unde originem ducit?* 246
 Fruterii (Luca) *vita & scripta.* 575
 Fundorum *appellatione qui nosentur?* 74
 G.
 Gaconii (Franc.) *vita & scripta.* 380
 In Gallia *quæ literarum facies Seculo sexto & septimo?* 629
 seq. 633 seq.
 Gallinfectorum *historia naturalis.* 591 seq.
 Garengoti *methodus curandi calculum descripta.* 374
 Gazæ (Théod.) *elogium.* 44
 Geigeri (Malachia) *vita.* 421
 Generatio *per fermentationem.* 138
 Geneviezæ (Anna) *vita.* 45
 Geometria *communis, legalis, & arithmetica.* 601
 Geometria *an obscura?* 602
 Germanici *Juris veteris Corpus collectum.* 636 seq.
 Gessneri (Jo. Jac.) *Thesaurum numismaticum colligendi institutum.* 394 seq.
 Getæ *nomien an a Caracalla in monumentis erasum?* 245
 Gevartii (Jo. Casp.) *vita & scripta.* 379
 Ghilini (Hieron.) *vita & scripta.* 575
 Giseleri (Jo.) *vita.* 254
 Glandorpîi (Matthia) *vita & scripta.* ibid.
 Gombervillæi (Marini Regis) *vita & scripta.* 380
 Gothi *quando primum in Ostro- & Visi-Gothos dividi cæpti?* 140
 A Gothis in Italia *gestarum rerum Chronica duo edita.* 4
 Gottinga a pago Guotinga, & Goddinga *villa, diversa.* 255
 Gottingensis *urbis & Gymnasii historia literaria descripta.* 251 seq.
 Græcorum *lingua olim in India celebrata.* 587
 De Grævii (Jo. Georg.) *variis Theauris singularia.* 622 seq.
 Grammatica *quæ incrementa cepit per doctos Brixienfes?* 504
 Grangerii (Jo.) *vita & scripta.* 189

I N D E X

Gravesandii <i>de Systemate mundi</i> Epistola edita.	179	Haruspicum triplex olim officium.	246
Gravitationis causa.	474	Hassia Landgraviorum origines & res gesta illustrata.	57
Gronovii (Laur. Theod.) in <i>Vibium Sequestrem Animadversiones</i> editæ.	140	Hebræa lingua an Judeis fuerit vernacula?	568
(Abrab.) in <i>Strabonem Animadversiones</i> editæ.	142	Hebræa linguæ cognitio Jurisprudenti utilis.	117 seq.
Grunerus (Jo. Dan.) laudatus.	295	præ aliis orientalibus prærogativa vindicata.	566 seq.
Grynæi (Jo. Jac.) vita & scripta.	189	Hederici (Bernardi) <i>Megapolis</i> divisa & reunita edita.	61
Gudenii (Henr. Phil.) vita & scripta.	253	Heineccius (Jo. Gottlieb) laudatus.	114
Guffertiani <i>Lexici Supplementorum specimen</i> .	620 seq.	ejus & Pagenstecheri <i>Epistola mutua</i> edita.	117
De Gultrow (Jani Henrici Schræteri) <i>Origines Hassia Landgraviorum</i> editæ.	57	scripta novæ promissa.	119
Guyardi (Bernardi) vita & scripta.	381	Hemmingii (Nic.) <i>Laudatio Christiani III, R. Daniæ</i> edita.	294
H.		Hepatis & aliorum viscerum rariores quidam affectus descripti.	35 seq.
H æreditatis & bonorum hæreditariorum discrimen.	460	De Herberay (Nic.) vita & scripta.	576
Cum Hæreticis quomodo agendum?	448	Heresbachii (Conr.) vita & scripta.	189
Halones cur figura elliptica appareant?	31	Hermeneticæ sacræ præcepta tradita.	704 seq.
Hamburgensæ <i>Chronicon</i> editum.	55	Herniæ, bubonem mentientis, singularis historia.	37
Hanckii (Martini) vita & scripta.	380	Herodoti locus illustratus.	496
De Harmonia præstabilita judicium.	40	Hertius (Jo. Nic.) laudatus.	348
		seq.	
		Hertii	

RERUM NOTABILIORUM.

Hertii (Jo. Nic.) <i>Opuscula collecta.</i>	349	Hoffmanni (Frid.) <i>Opera conjunctim edita.</i>	385 seq.
In Hesychii <i>Glossario mendae indicata.</i>	498		vita. 386
Heumanni (Christ. Aug.) <i>ad Tertulliani Apologeticum, & Cap. I libri adversus Valentinianos, Observationes edita.</i>	143	Hombergkii (Jo. Jac.) <i>in Hertiana Opuscula merita.</i>	349
	in Gy	Hominis partes tres an statuerit Lactantius?	107
<i>mnasium Göttingense merita, & scripta.</i>	253	Honertius <i>refutatus.</i>	566
	ab acro-	In Horatium <i>merita doctorum Brixien- sium.</i>	502
<i>ri Ziegelbauri censura vindicia.</i>	675 seq.	Hordei <i>antiquitates illustrata.</i>	281 seq.
Hevrematicæ <i>Jurisprudentia ratio quæ?</i>	118	Hospiniani (Rudolphi) <i>vita & scripta.</i>	381
Heurnii (Jo.) <i>vita & scripta.</i>	189	Hottingeri (Jo. Jac.) <i>vita.</i>	143
Heusingeri (Jo. Mich.) <i>in Juliani Casares merita.</i>	463 seq.	Howellii (Jac.) <i>vita & scripta.</i>	576
Hierocles <i>an unus, an duo fuerint?</i>	68	Hubmeieri (Hippolyti) <i>vita & scripta.</i>	252
Hildefiensis <i>Episcopatus historia descripta.</i>	153 seq.	Hugeniani <i>Canones pro irveniendis refractionum focus demonstrati.</i>	564
	pagi an-	Hydrargyri <i>ad salivam movendam usus.</i>	185
<i>niqui descripti.</i>	161 seq.	Hydraulica <i>Architectura explicata.</i>	216
Hippocratis <i>Operum nova editio promissa.</i>	286	I.	
Historiæ <i>veteris ævi certitudo impugnata.</i>	306	Iacobettus (Jac.) <i>laudatus.</i>	476
	Romane quinque priorum		ejus <i>vita & studia.</i>
<i>Seculorum certitudo impugnata.</i>	307	Jansenii (Cornelii) <i>vita.</i>	45
Hoffmannus (Frid.) <i>laudatus.</i>	385	De Januario (Josephus Aurel.) <i>refutatus.</i>	260
		Ignis <i>ad machinas hydraulicas applicatus.</i>	221

Ex Imola (Benevenuti) Commentariis in Dantis Comœdiam	Italia fines descripti.	4
Excerpta historica.	Regum electio illustrata.	5
Imperatorum Romanorum electio olim quæ?	munera aulica illustrata.	ibid.
Indorum lingua unde conflata?	Duces ac Principes olim qui fuerint?	ibid.
que scientia literarum & artium?	Italiam quæ gentes post declinationem imperii Romani affligerint?	4
ratio temporis computandi.	Judæi Medici an in causis forensibus testimonium dicere possint?	266
De ab Inghen (Marfilio) singularia.	Judices & Judicia Italia mediæ descripta.	8
Inscriptio partim Punica, partim Græca, explicata.	Judicium an sit duplex?	618
Romana explicata.	Juliani Apostata artes paganam superstitionem instaurandi.	717
Inscriptiones urbis Pisaurensis collectæ.	In Juliani Cæsares merita Liebigi & Heusingeri.	462
Instinctus naturalis an sit norma Juris Naturæ?	Juramenta Christi per se ipsum quantum valeant?	706
Instrumentorum optimorum accuratior fabrica.	Juris Naturæ Systema novum.	210 seq.
De Joanna Papissa fabula refutata.	principium quale?	211. 213
Jodocus & Justus idem nomen.	unicum fundamentum an sit ratio?	352
Johnsoni (Tb.) in Puffendorsum de Off. hom. & civ. annotationes.	an sit origo divina?	360 seq.
Jonstoni (Jo.) avium ordines describendi ratio.	vera ratio & origo.	361
Jordani (Hieron.) scripta.	Germanici veteris Corpus collectum.	636 seq.
Iridis phenomena explicata.	discendi methodus quæ optima?	696 seq.
Iselii (Jac. Christoph.) vita.	Juris	
Italix antiquitates mediæ ævi illustrata.		

RERUM NOTABILIORUM.

Jurisprudentia Danorum apud Episcopos maxime reclusa.	299	Krey (Martini) Antiquitates Bor- disbolmensis edita.	52
geometrica.	601	L.	
Jurisprudentiæ hebreumatica ra- tio quæ?	118	Lactantii loca quadam emen- data & illustrata.	105 seq.
Jus quid?	362	In Lactantium merita Büneman- niana.	104 seq.
publicum particulare Germa- nia scribendi institutum.	694	Lactantius an tres hominis par- tes statuerit?	107
seq.		Lactis usus commendatus.	131
Jusculum pulli, lienteria specifi- cum.	318 seq.	De Laet (Jo.) vita & scripta.	381
Justificatio quid?	553	Lalluettii (Ambrosii) vita & scri- pta.	575
peccatoris coram Deo		Lamberti (Francisci) vita & scripta.	576
explicata.	554 seq.	De Lampridio (Paulo) singula- ria.	44
Justiniani (Fabiani) vita & scri- pta.	380	Lapidum figuratorum specimi- na.	235
Imp. adversus ejus ob- tretractatores defensio.	118	De Laval (Antonii) vita & scri- pta.	189
In Juvenalem merita doctorum Brixienfum.	504	De Lavaur (Guilielmi) vita & scripta.	ibid.
K.		Ad Lauensteinii (Joach. Berwar- di) Historiam diplomaticam Episc. Hides. Supplementa edita.	161 seq.
Kepleri (Jo.) vita & scripta.	381	Lauri (Jo. Bapt.) vita & scri- pta.	189
(Ludov.) vita & scripta.	382	De Lauriere (Eusebii) vita & scripta.	ibid.
Kestnerus (Christ. Wilh.) lauda- tus.	420	Leclti genialis antiquitas.	464
Kœpkenii (Henr. Dav.) Solennia Martinalia Sucrinensia edita.	63	Legis natura explicata.	211
Kohlhausii (Jo. Christoph.) vita & scripta.	254	vox triplici sensu a Pau- lo usurpata.	537 seq.
Krantzii (Alberti) vita & scripta.	381	Legis	

- Legis Salica origo.** 638 seq.
Legum moralis ac ceremonialis
usus ac finis. 545
Leibnitius (G. G.) an criminatus
sit Puffendorfium? 617
Leibnitii doctrina a Turretino
adoptata. 110
aliquot ad Hoffmannum
Epistolæ editæ. 575
de præstantia corporis
Christi in S. Cæna sententia. 663
nimum in Pontificem
Rom. studium. 664
Lemos (Thoma) vita. 45
De Leonis X morte Epistola edita. 143
Libani lignum ejus fuerit generis? 668 seq.
Libella telescopica. 128
Libere & sponte fieri quomodo differat? 618
Liberos recens natos in terram
fissendi ritus antiquus. 717
Libertas in quo consistat? 112
Librorum variorum indiculus. 144
Liebi (Christ. Sig.) in Juliano
Cæsares merita. 463 seq.
Lienteriæ remedium novum propositum. 318 seq.
Lignum Libani. ejus fuerit generis? 668 seq.
Linnæi (Caroli) cum Petro Ar-
tedi amicicia. 653
in Artedi Ichthyologiam merita. 655
Lipsiensis Typographia origo &
incrementa. 185
Literarum facies Seculo sexto &
septimo quæ? 629 seq. 633
seq.
Liti olim qui? 10
Livii (T.) loca quædam illustrata. 194 seq.
Livonicum vetus Chronicon editum. 295
Livoniam quando primum commercia nobilitaverint? 298
Locustarum genesis descripta. 417
Loescheri (Val. Ern.) Obs. de
Sphæmate insigni Geographia
sacra edita. 144
ei de variis Philologia Hebraica capitibus dubia quædam mora. 710
Longini versiones in varias linguas varie recensite. 398
vita, scripta, & character. 399
de Mose & ejus verbis præclarum judicium. ibid.
de Sublimi liber a Smithio illustratus. 400
ex di-
stis Scriptura S. explanatus. ibid.
Longobardici regni fines descripti. 4
Loosii (Cornelii) seu Callidii, vita & scripta. 380
Loxo-

RERUM NOTABILIORUM.

Loxodromia in superficie solidi, rotatione curva circa axem geniti, describenda. 270	Machinarum vento motorum theoria. 217
Lucæ Evangelistæ vita & studia descripta. 476 seq.	Mackii (Stephani) nova Operum Hippocratis editio promissa. 286 seq.
In Lucanum merita doctorum Brixienſium. 503	Magnes quomodo cum ferro cohaereſcat? 138
Luteii (Cyriaci) vita. 421	Ad Maitairii (Mich.) Annales typographicos Supplementum. 185
Lutheri verſio Bibliorum Germanica commendata. 531	Mancinelli (Ant.) vita & ſcripta. 381
Lux & gleboſitas, naturæ principia. 137	Manumiffiones ſervorum veterum descripta. 10
vegetabilium & ſenſibilium. ibid.	De Maphæis (Jo. Jac.) vita. 421
Lyſchandri (Claud. Chriſtoph.) Origines & antiquitates Cimbrica edita. 54	Marani (Guil.) ſcripta laudata. 257
Origines & antiquitates Megapolenſes edita. 61	opera olim promiſſa. ibid.
Lyſeri (Jo.) vita & ſcripta. 576	discipuli. 259
Lyſiæ Orationes commendata. 481	deſenſio adverſus Conſtantinæum. ibid.
conjunctim edita. ibid.	adverſus alios ſcriptores. 260 ſeq.
vita. 484	Marchionum Italia qua olim dignitas fuerit? 6
loca quedam emendata. 485 ſeq.	Marina aqua quomodo reddenda potabilis? 471
M.	Marklandi (Jer.) in Lyſiæ Orationes merita. 485 490 ſeq.
M acedo, a quo dictum Scitum Macedoniañum, quis fuerit? 261	De Marſo (Paulo) ſingularia. 44
Macedoniæ Regum Numiſmata collecta & illuſtrata. 392 ſeq.	Martyriorum quot ſint genera? 446 ſeq.
Machina nova ad vim venti æſtimandam. 641	Marulli (Mich. Tarchaniota) vita & ſcripta. 576
	B b b b b De

De Maspada <i>dicti homines qui olim fuerint in Italia?</i>	10	Meieri (Joach.) <i>vita & scripta.</i>	254
Mathematica <i>methodus an in Jure adhiberi possit?</i>	697	De Meistero (Joach.) <i>singularia.</i>	251
Matthias (Jodocus) <i>laudatus.</i>	254	Melchioris (Alb. Willb.) <i>vita.</i>	143
Maurolyci (Franc.) <i>vita & scripta.</i>	189	Menagius (Ægid.) <i>refutatus.</i>	261
Mechanica <i>necessitas an homines ad actiones impellat?</i>	356	Mendacium a <i>falsiloquio quomodo differat?</i>	346 seq.
Medicamenta <i>terrea ex Medicina profligata.</i>	648 seq.	Menzelii (Alb.) <i>vita.</i>	421
Medici <i>veri a falso differentia.</i>	386 seq.	(Phil.) <i>vita.</i>	ibid.
Medicina <i>dietetica in sacra Scriptura tradita.</i>	39	Mercati (Mich.) <i>vita & scripta.</i>	380
remediis <i>quibusdam fatuis purgata.</i>	647	Mercurii <i>vivi imprudenter trati atrox effectus.</i>	370
Medicis <i>Philosophia, Physices, & Anatomia, studium commendatum.</i>	266	Merilli (Edmundi) <i>vita & scripta.</i>	188
Medicorum <i>anima & corporis ratio pane eadem.</i>	38	Meyeri (Jac.) <i>vita & scripta.</i>	575
errores <i>varii indicati.</i>	184	Michel (Jo.) <i>vita & scripta.</i>	189
omnis <i>ævi vita descripta.</i>	420 seq.	Microscopia <i>quomodo perficienda?</i>	121
Medicus <i>sui ipsius ut esse quis possit?</i>	41	Microscopiorum <i>reflecentium theoria.</i>	ibid.
Medonius, <i>vita Marani scriptor, quis fueris?</i>	259	Miracula <i>divina ab operationibus diaboli quomodo differant?</i>	176 seq.
Medullæ <i>spinalis nervi descripti.</i>	418 seq.	quantum <i>faciant ad confirmationem doctrinæ celestis?</i>	660 seq.
Megapolensium <i>Regum & Ducum Genealogia edita.</i>	60	quid <i>sint?</i>	661
rerum <i>libri varii editi.</i>	61	Missi <i>regii in Italia qui fuerint?</i>	8

RERUM NOTABILIORUM.

De Monachorum studiis contro- versa literaria. 678	tatio. ad 1 Cor. VIII, 1, 2, 3, edita. 143
Monarchia Solipforum, liber, quo Autore scriptus? 575	vita & scripta. 254
Monasteria olim literis florentis- sima. 676	De Mundo optimo ex innumera- bilibus electo doctrina an pri- mum a R. Eliesere sit tradi- ta? 711
Monasteriorum Thuringiae vete- rum historia. 146 seq.	Municipium aliquando pro colo- nia dictum. 248
Ex Monasteriorum historia mul- tum lucis ceteris Historiæ par- tibus expectandum. 146	Muntingii (Abrab.) vita & scri- pta. 379
Monophysitæ illustres recensiti. 687 seq.	Muratorius (Lud. Ant.) lauda- tus. 1 seq.
Monophysitarum doctrina per Æthiopas & Armenos diffusa. 685 seq.	Muscarum historia naturalis. 593 seq.
orta? 686	natura descripta. 597. 599
Montalbani (Ovidii) vita & scri- pta. 189	vivipararum natu- ra. 598
De Montreux (Nicolai) vita & scripta. 576	fuci forma, descri- ptio. ibid.
Morborum dolorosorum ratio explicata. 236 seq.	Musica olim inter disciplinas re- lata. 526
Morbus quidam singularis de- scriptus. 132	N.
Morelli (Andreae) Thesaurum nu- mismaticum edendi institu- tum. 394	Nancelii (Nic.) vita & scri- pta. 576
Moseri (Jo. Jac.) institutum, Jus publicum particulare Ger- maniae scribendi, commenda- tum. 694	Nannii (Petri) vita & scripta. 189
De la Motte Fenelon (Franc. de Salignac) vita & scripta. 381	Natura quid sit? 211
Mündemii (Christiani) Commem- oratio. 143	universi novo modo ex- plicata. 139
	Naturæ Jus in Systema novum re- ductum. 210 seq.
	ejus principium. 211. 213
	Naturæ

Naturæ Jus num unica rationi innitatur?	352	Numi quidam Melitenses explicati.	513
an sit divinum?	360	Historiam Belgicam illustrantes.	577
principia duo, lux & glebositas.	137	Numismata Musei Theopoli rariora recensita.	98 seq.
Naturalem religionem prærevelata stabilendi, hominis Angli conatus.	536 seq.	Regum Macedoniae collecta & illustrata.	392 seq.
Naturalis instinctus an in omnibus hominibus idem?	352 seq.	Numismatum omnium thesaurus luci destinatus.	392
Navis iter quomodo accurate aestimandum?	641	Numus Archelai, Macedonum Regis, singularis.	397
Navium velocitas quomodo aestimanda?	644	Eucratidis senioris.	586
Naziræarus votum illustratum.	343	O.	
Neomonafteriensis Canonii Diplomata edita.	50	Obligationis moralis & legalis origo & natura.	359
Nervi medulle spinæ descripti.	418 seq.	Obstetricariæ artis incrementa in Anglia.	517
De la Neufville (Jac. Quien) vita & scripta.	380	præcepta tradita.	ibid.
Nicolii (Petri) vita.	46	Oculus quas variationes subire debeat, ut ad diversas distantias distincte videat?	21
A Nicoloto an Principes Megapolitani originem trahant?	59	Oculi fabrica descripta.	604
Nigidii (Petri) vita.	251	Oculis duobus cur objecta simplicia cernamus?	22
Nomina propria V. Test. collecta & explicata.	604 seq.	Oethei (Jac.) vita.	421
Nominum Romanorum ratio quæ?	626	Oleneschlagerus (Jo. Dan.) laudatus.	238
Noodtius (Gerh.) refutatus.	90	Oleum olim a quo primum populo ad voluptatem datum?	247
Nortmannorum origo unde?	4	Oliverius (Hannib. Camillus) laudatus.	241
Notariorum in Italia quæ olim dignitas fuerit?	9	ejus Opera promissa.	249
		Oporini	

RERUM NOTABILIORUM.

Oporini (Joach.) <i>Meditationes exegeticae ad Jer. XXX & XXXI edita.</i>	144	Paganorum in Christianos veteres favor.	715	seq.
Opfopœi (Jo.) <i>vita & scripta.</i>	189	Pagenstecheri (E. O. A. G.) & Heineccii <i>Epistola mutua.</i>	117	
Optices <i>Systema completum.</i>	19	Pagi antiqui <i>Episcopatus Hildesienfis descripti.</i>	161	seq.
Opticorum <i>instrumentorum accuratior fabrica.</i>	125	Palatina Domus <i>historia in compendio descripta.</i>	242	
Oratori <i>quanta opus sit eruditio-ne?</i>	480	Panormitanae ecclesiae <i>metropolitanae Bulla & privilegia collecta.</i>	337	seq.
Oratoria <i>ars quæ incrementa ceperit per doctos Brixienfes?</i>	506	rogativa.	338	seq.
Ordinarii <i>apud Pontificios quæ dignitas?</i>	12	Papiriani <i>juris antiquitates illustrata.</i>	115	
Orientalium <i>literarum in Jurisprudencia usus.</i>	117	Parallaxis <i>fixarum annua.</i>	128	
Origenis <i>locus illustratus.</i>	68	Pascalii (Blasii) <i>vita.</i>	45	
Ornatus <i>orationis qualis esse debeat?</i>	479	Passiones <i>humanae quantum ad Jus Naturæ conferant?</i>	212	seq.
Ossium <i>doctrina explicata.</i>	467	earum <i>natura descripta.</i>	213	
Ostiones, Stephano Byzantino <i>memorati, qui fuerint?</i>	141	De Pauli, Apostoli, <i>religione improbum hominis Angli judicium.</i>	541	
Ottonis (Henr. Frid.) <i>conatus, monasteria Thuringiæ illustrandi.</i>	146	Pearsoni (Jo.) <i>vita & scripta.</i>	576	
Ova & <i>nidi avium descripti.</i>	417	Pentecostes <i>festi præcipua memorabilia.</i>	527	
In Ovidium <i>merita doctorum Brixienfium.</i>	502	Percheti <i>methodus curandi calculum descripta.</i>	374	
P.		Perfectio <i>rerum interna & externa.</i>	138	
Pacii (Julii) <i>vita & scripta.</i>	576	Persepolis <i>antiquæ facies descripta.</i>	205	seq.
Pastorum <i>obligatio quæ?</i>	361			
Paganorum <i>odii in Christianos causa.</i>	714			

<i>In Persium merita doctorum Brixien- sium.</i>	503	<i>Piscium natura & genera de- scripta.</i>	654 seq.
<i>Petavii (Dionysii) vita & scri- pta.</i>	189	<i>Plagia veterum Scriptorum varia notata.</i>	495
<i>De Petrarcha (Franc.) judicium.</i>	44	<i>Plagiarii exemplum.</i>	291
<i>Petrei (Henr.) vita & scripta.</i>	252	<i>Plagii an reus Maranus?</i>	259
<i>Petri Romam adventus duplex refutatus.</i>	106	<i>Plagium in scriptis Marani com- missum.</i>	258
<i>Petropolitanæ Scientiarum Aca- demie libri huc usque editi.</i>	246 seq.	<i>Planetæ ex diversis salibus con- stant.</i>	139
<i>planta collectæ.</i>	518 seq.	<i>Plantæ Petropolitane collectæ.</i>	518 seq.
<i>De Philelpho (Franc.) judicium.</i>	44	<i>In Plautum merita doctorum Brixien- sium.</i>	499
<i>Philippi, numisma regale, descri- pti.</i>	393	<i>Plantarum generatio explicata.</i>	563
<i>Philosophandi vera ratio quæ?</i>	572	<i>De Platonis philosophia judicium.</i>	663
<i>Philostratus multis in locis emen- datus.</i>	70	<i>Pleuriticorum varie historia.</i>	317
<i>Picinelli (Philippi) vita & scri- pta.</i>	575	<i>De Pleuritide. Autorum veterum sententiæ collectæ.</i>	ibid.
<i>Pighii (Alb.) vita & scripta.</i>	576	<i>Pleuritis vera descripta.</i>	312
<i>Pini arboris antiquitas illustrata.</i>	669	<i>ejus varia genera, & curatio.</i>	312 seq.
<i>Pisauren- sis urbis inscriptiones collectæ.</i>	242 seq.	<i>Podagra in quo consistat?</i>	134 seq.
<i>Pisa-urum olim colonie deductæ a Romanis.</i>	247 seq.	<i>ex Colica Pissonum or- ta.</i>	132
<i>an olim terræ concus- sione absorptum?</i>	248	<i>quomodo curanda?</i>	135
<i>cur municipium olim dictum?</i>	ibid.	<i>Poetica ars quæ incrementa cepe- rit per doctos Brixien- ses?</i>	507
		<i>Politus (Alexander) laudatus.</i>	41
		<i>Pollucis (Julii) Onomasticon ex- plicatum & illustratum.</i>	69
			Pome-

RERUM NOTABILIORUM.

- Pomeranicum *Jus Feudale editum.* 61
 Pontani (Jo. If.) *rerum Danicarum Tomus novus editus.* 54
vita. 55
 De la Popelinier. (Lanceloti du Voefin) *vita & scripta.* 576
 De Populis *fundis Dissertationes editae.* 74
 Prevotii (Jo.) *vita & scripta.* 576
 Primitias Diis offerendi ritus veterum illustratus. 284
 De Primitiis offerendis *lex divina illustrata.* 278 seq.
 Prioli (Benjam.) *vita & scripta.* 576
 Proboscis *muscarum descripta.* 595
 Progallinsectorum *historia naturalis.* 593
 Prophetis unde vis competat cognoscendi futura? 452
 Prusa & Prusias, *urbes diversae.* 69
 Puccinellii (Placidi) *vita & scripta.* 189
 In Puffendorffii (Sam.) *librum de Off. hom. & civ. annotationes.* 616
 Pulchritudo est *radius divinae bonitatis.* 138
 Purgantium in *Medicina regimen quale?* 182
 Q.
 Quadrans *astronomicus telescopicus Grenovici.* 126
 Quesnellii (Paschierii) *vita.* 46
 Quinquarborei (Jo.) *vita & scripta.* 576
 Quinquennialitatis, *municipalis magistratus, ratio explicata.* 246
 R.
 Raceburgensia *Diplomata edita.* 62
 Radiantis puncti *imago ubi per reflexionem vel refractionem appareat?* 23
objecti per plura vitra magnitudo, claritas, &c. 25
 Radiorum a *foco geometrico aberratio.* 26. 119
 Rationis *instructa in rebus divinis excellentia.* 38
humana vires descriptae. 358 seq.
cum revelatione convenientia demonstrata. 528
 De Redemptione Christi *sententia hominis Angli improba.* 549
 Reflexionis & *refractionis causa.* 24
 Reformationis *Lutheranae persecutores qua morte perierint?* 717
 Refractionis & *reflexionis causa.* 24
 Pro Refractionum *focis inveniendis Canones Hugeniani.* 564
 Regiomontani (Jo.) *vita & scripta.* 381
 Reitzeri

Reitzeri (<i>Christiani</i>) <i>vita & mors.</i>	294	Sacramenta <i>an a solis Theologis</i>	545
Religio <i>revelata quid sit?</i>	548	adminiſtranda?	545
Remedia <i>quædam fatua in praxi</i>	647	quem in finem inſti-	545 ſeq.
medica notata.	647	tuta?	545 ſeq.
terrea ex Medicina	648	De Saguntino (<i>Nic.</i>) <i>judicium.</i>	44
proſtigata.	648	Sal imperſectum & noxium aqua	472
Revelationis <i>ſacræ autoritatem</i>	543 ſeq.	marina.	472
<i>infringendi, improbus hominis</i>	543 ſeq.	Salica <i>lex utrum Germanica, an</i>	639
<i>Angli conatus.</i>	543 ſeq.	Latina, <i>lingua ſit conſcripta?</i>	638 ſeq.
Reyheri (<i>Sam.</i>) <i>Monumenta</i>	148	ejus origo.	640
<i>Landgraviorum Thuringiæ</i>	380	uſus atque auto-	640
<i>edita.</i>	380	ritas.	640
Rhenani (<i>Beati</i>) <i>vita & ſcripta.</i>	665 ſeq.	Salisburgenſis <i>Academiæ incre-</i>	678 ſeq.
Rhodii (<i>Jo.</i>) <i>vita & ſcripta.</i>	665 ſeq.	menta.	678 ſeq.
Rhodomani (<i>Laurentii</i>) <i>vita &</i>	151	Pro Sanctis <i>qui habeantur a Pon-</i>	14 ſeq.
<i>ſcripta.</i>	151	tificiis?	14 ſeq.
Ricdagi, <i>Mifnia Marchionis, pa-</i>	45	De Satisfactione <i>Chriſti doctrina</i>	551
<i>ter quis fuerit?</i>	45	<i>miſere corrupta.</i>	551
Richerii (<i>Edmundi</i>) <i>vita.</i>	74	Sauſſeji (<i>Claudii</i>) <i>vita & ſcri-</i>	576
Rigaltii (<i>Nic.</i>) <i>Diff. de Populis</i>	189	pta.	576
<i>fundis edita.</i>	189	Saxii (<i>Petri</i>) <i>Exercitationes bi-</i>	55
Rivalti a <i>Flurantia</i> (<i>Davidis</i>)	576	ſtorica <i>edita.</i>	55
<i>vita & ſcripta.</i>	576	Scaligeri (<i>Jul. Caſ.</i>) <i>elogium.</i>	142
De la Rochemaillet (<i>Jo. Mich.</i>)	143	<i>in N. Teſt. Animad-</i>	143
<i>vita & ſcripta.</i>	143	verſiones <i>editæ.</i>	143
Romanæ <i>gentis antiquiſſima bi-</i>	576	Schaafii (<i>Caroli</i>) <i>vita & ſcripta.</i>	576
<i>ſtoria deſcripta.</i>	576	Schannati (<i>Jo. Frid.</i>) <i>vita & ſcri-</i>	238 ſeq.
<i>Hiſtorie novum Corpus</i>	249 ſeq.	pta.	238 ſeq.
<i>editum.</i>	249 ſeq.	Scheffleri (<i>Jo.</i>) <i>vita & ſcripta.</i>	576
Romani imperii <i>quæ olim fun-</i>	17	Schenfelderi (<i>Phil. Jac.</i>) <i>vita.</i>	421
<i>damenta fuerint?</i>	17	Schmaufii (<i>Jo. Jac.</i>) <i>Systema Ju-</i>	421
Roquius <i>laudatus.</i>	342		421
S.			
Sabbatum <i>an tantum ſeptimus</i>	281		
<i>quisque dies dicatur?</i>	281		

RERUM NOTABILIORUM.

<i>ris naturæ sub judicium vocatum.</i>	<i>Gen. IX, 12, 13.</i>	326
<i>352 seq.</i>	15.	707
Schrœterus, <i>vid. de Gustrow.</i>	27.	717
Scorbutus <i>unde existat?</i>	28, 29.	423
Scotationis <i>formula quid notet?</i>	X, 19.	ibid.
51	31.	ibid.
Scotti (Julii Clementis) <i>vita & scripta.</i>	XI, 1.	422
575	10.	ibid.
Scottus, <i>Anglus, refutatus.</i>	24.	423
Scribendi <i>occulte ars in systema redacta.</i>	26.	422, 423
432	32.	422
Scriptura S. <i>quas regulas diæticas proponat?</i>	XII, 1-3.	424
39	4.	422, 424
<i>ejus authenticus textus versionibus præferendus.</i>	5.	425
530 seq	7.	428
<i>versio Lutheri Germanica commendata.</i>	26.	422
531	XIII, 10.	612
<i>autoritatem infringendi improbus Angli cujusdam conatus.</i>	15.	428
536 seq	XV, 5.	ibid.
<i>loca explicata aut illustrata:</i>	13, 14.	424
<i>Gen. I, 14.</i>	XVI, 14.	708
16.	XVII.	ibid.
II, 23.	7, 8.	428
III.	XVIII.	614
1.	2.	82
2-5.	10 seq.	77
24.	29.	707
IV.	31, 32.	ibid.
15.	IX, 14.	423
27.	31.	ibid.
V, 32.	XX, 12.	ibid.
VI, 10.	XXI, 12.	429
VIII, 21.	17, 18.	82
707	XXII, 15, 16.	707
	17.	428, 707
	18.	428, 429, 707
	C c c c c	Gen.

I N D E X

<i>Gen.</i> XXIII, 17-29.	425	<i>Exod.</i> XXXII, 34.	82
XXIV, 7.	82	XXXIII, 2.	ibid.
40.	ibid.	<i>Levit.</i> II, 14.	282
67.	430	IX, 3.	422
XXVI, 4.	429	XVI, 31.	280
XXVIII, 12, 13.	82	XVII, 7.	80
XXXI, 11.	77	XXI, 21-23.	143
13.	ibid.	XXIII, 10 <i>seq.</i>	279 <i>seq.</i>
30.	177	39.	280
XXXII, 1, 2.	82	XXV, .	344
17, 18.	429	XXVII, 32.	712
XXXVIII, 25.	614	<i>Num.</i> IV, 15.	614
XL, 1.	422	V, 15.	282
XLVII.	710	XV, 20.	ibid.
31.	709	XXII, 22-35.	82
XLVIII, 16.	77. 82	XXVII, 21.	345
<i>Exod.</i> III, 2.	82	XXXIII, 4.	177
IV, 17.	326	<i>Deut.</i> V, 19-24.	569
20.	176	29.	326
30.	326	VII, 3.	428
72.	285	VIII, 23.	178
VI, 3.	614	XIII, 1 <i>seq.</i>	661
VII, 7.	424	8.	329
XII, 15.	280	XV, 12.	426. 709
40.	425	XVI, 8.	280
41.	424. 425	XVII, 11.	326
XIV, 19.	82	20.	ibid.
XV, 1-19.	569	XXIII, 3.	344
XIX.	ibid.	12.	710
XX.	ibid.	16.	176
4.	178	26.	283
XXI, 4.	709	XXV, 5.	344. 431
29.	426	6.	431
XXIII, 20.	82	XXVI, 1-15.	570
23.	ibid.	XXVIII, 2-8.	ibid.
XXX, 14.	422	12, 13.	ibid.
			<i>Deut.</i>

RERUM NOTABILIORUM.

<i>Deut.</i> XXVIII, 14.	326.	570	<i>1 Sam.</i> XVI, 15.	347
	15-26.	570	XXI, 3.	711
XXXII.		ibid.	XXV.	662
	36.	613	XXIX, 9.	82
XXXIII, 4.		712	<i>2 Sam.</i> XIV, 20.	ibid.
	22.	344	XIX, 27.	ibid.
<i>Jos.</i> I, 17.		326	XXIII, 8.	612
V, 11.		280	XXIV, 16.	82. 611
VIII, 30-35.		570		82
X, 12.		179	<i>1 Reg.</i> VI, 14.	669
XIX, 6.		612		22.
XXI, 13.		611		31, 32.
XXIII, 6.		326	VIII.	570
XXIV, 2.		423	XIX, 24.	712
<i>Judic.</i> II, 1-4.		82	XXII, 19.	86
VII, 13.		282		21, 22.
VIII, 22, 23.		345	<i>2 Reg.</i> IX, 30.	620. 621
XII, 6.		569	XVII, 31.	611
XIII, 3-21.		82	XIX, 23.	669
XVII, 3.		344	XXII, 2.	326
XVIII, 30, 31.		ibid.	<i>1 Par.</i> II, 11.	612
XX, 16.		ibid.		13.
XXI, 19.		383	IV, 3.	614
<i>Ruth</i> II, 14.		344		14.
		279	X, 13.	348
<i>1 Sam.</i> II, 23.		614	XI, 11.	614
		344	XXI, 15 seq.	82
V, 3.		177	XXVII, 30.	612
VI, 20.		345	<i>2 Par.</i> II, 8.	668. 670
X, 3.		346		11.
		ibid.	III, 3.	614
XII, 12.		345	IX, 10, 11.	670
XIII, 1.		346	XVII, 14.	614
XIV, 10.		326	XXXII, 20, 21.	82
XV, 7.		ibid.	<i>Efr.</i> I, 9.	614
XVI, 2.		347	III, 55.	612
		C c c c c 2		<i>Efr.</i>

I N D E X

<i>Esf.</i> IV, 7, 8.	613	<i>Prov.</i> IV, 27.	326
II.	ibid.	<i>Cant.</i> I, 17.	670
13.	ibid.	VII, 7.	329
X, 35.	613	17.	ibid.
<i>Nehem.</i> VII, 15.	670	<i>Esf.</i> I, 13.	426
57.	612	II, 4.	660
IX, 10.	326	18.	708
<i>Job.</i> I, 6.	78. 86	III, 3.	611
II, 1.	78. 86	VII, 14.	326
XXIV, 10.	279	VIII, 19.	583
XXXVII, 28.	179	XI, 4.	660
XLII, 14.	620	XIV, 8.	669
<i>Pf.</i> VIII.	660	XXIX, 4.	583
XIX, 7.	179	XXX, 21.	326
XXII.	508	XXXVII, 24.	669
XXIII, 1, 2.	326	XLI, 19.	671
XXXI.	347	XLII, 3, 4.	660
XXXIV.	ibid.	XLIV, 14.	669
8.	82	XLV, 23.	707
LVI.	347	LIII, 10.	430
LXVIII, 17.	79	LIV.	421. 430
LXXII.	660	LVI, 7.	713
17.	429	LVII, 10.	583
LXXVIII, 25.	87	LX, 13.	669
43.	326	LXV, 11.	80
LXXXIV, 4.	143	16.	429
LXXXVI, 17.	326	<i>Jer.</i> II, 3.	285
LXXXVIII, 1.	329	IV, 2.	429
XCI, 5.	86	30.	620. 621
CIV, 16, 17.	669	IX, 21.	279
CV, 37.	331	XXX.	144
CVII, 18.	ibid.	XXXI, 22.	ibid.
CX.	660	XLIII, 12, 13.	177
CXVI.	347	L, 1.	ibid.
CXVIII.	670	<i>Ezech.</i> I.	525
CXXXV, 14.	613	10.	78
CXXXVII.	508		<i>Ezech.</i>

RERUM NOTABILIORUM.

<i>Ezech.</i> IV, 12.	282	<i>Matth.</i> XXV, 31.	558
X, 14.	78	<i>Marc.</i> II, 23.	283
XVI, 46.	329	III, 21.	68
XXIII, 40.	621	<i>Luc.</i> I, 35.	78
XXVII, 5.	669	II, 15.	143
18.	611	III.	430
XXXI, 8.	669	VI, 1.	283
XLVI, 24.	614	X, 18.	87
<i>Dan.</i> VII, 22-26.	660	XI, 36.	325
27.	659. 660	XIV, 27.	330
XII, 7.	707	XXIV, 49.	78
<i>Hof.</i> IV, 9.	670	<i>Jo.</i> I, 12, 13.	426
IX, 10.	285	III, 2.	661
XIII, 19.	345	IV, 22.	330
<i>Joel</i> III, 18.	671	V, 4.	87
<i>Amos</i> II, 11.	343	VI, 9.	282
13.	279	VI, 27.	331
<i>Micb.</i> IV, 12.	279	VIII, 7.	494
<i>Nab.</i> II, 4.	670	X, 7.	432
<i>Zach.</i> III, 1.	86	32, 33.	493
8.	525	XVI, 2.	330
VI, 1 seq.	79	II.	659
XI, 2.	659	XVII, 11.	660
XII, 6.	279	<i>Act.</i> I, 4, 5.	78
<i>Sirac.</i> XVI, 20.	348	10.	143
L, 10.	670	IV, 12.	332
<i>Matth.</i> I.	430	V, 15.	143
II, 15.	109	VI, 5.	78
III, 9.	144	8.	ibid.
V, 6.	326	VII.	422
9.	325	4.	423 424
VII, 22.	451. 662	6.	424
23.	451	58.	493
X, 10.	525	XV.	541
16.	85	II.	332
XI, 15.	329	XXI.	541
XII, 1.	281. 283	XXIII, 8.	81
XIX, 28.	659	<i>Rom.</i> III, 12-18.	330
XXII, 23.	81	IV, 17.	334
XXIII, 9.	143	VIII, 19 seq.	330
XXIV, 24.	652	23.	285
27.	325	IX, 3.	330
		C c c c c 3	<i>Rom.</i>

I N D E X

<i>Rom.</i> XI, 13, 14.	330	<i>Jo.</i> IV, 1, 2.	78
16.	285	V.	445
XV, 8-12.	330	19.	659
XVI, 20.	659	<i>Hebr.</i> I, 2.	333
XIX, 24.	330	3.	329
<i>1 Cor.</i> I, 21.	112	5.	ibid.
30.	334	9-13.	ibid.
VI, 2, 3.	658	II, 11.	334
VII, 17, 18.	690	14.	87. 427
19.	III. 690	18.	334
X, 13.	330	VI, 1, 2.	330
XI, 10.	87	13.	707
XII, 13.	330	IX, 1.	492
XIII, 2, 3.	451	11.	331
13.	426	13, 14.	334
XV.	453	26.	331
20.	285	X, 10.	334
<i>2 Cor.</i> I, 20.	332	14.	ibid.
II, 4.	432	XI.	112. 332
IV, 3, 4.	143	1.	332
XI, 3.	85	3.	333
<i>Gal.</i> III, 16.	428	19.	332
17.	424. 425	40.	331
IV, 3.	331	XII, 1.	332
21-31.	430	14.	334
VI, 15.	111	23, 24.	331
<i>Eph.</i> I, 10, 11.	331	XIII, 8.	332
II, 2.	428	10.	428
4.	ibid.	12.	334
18.	432	<i>Jac.</i> I, 18.	285
V, 28.	427	26.	325
VI, 16.	432	K, 16.	111
<i>Phil.</i> III, 5.	330. 427	<i>Apoc.</i> I, 5.	285
<i>Col.</i> I, 18.	285	IV, 8 seq.	79
11, 18.	77. 87	V, 6-9.	ibid.
<i>1 Thess.</i> II, 17.	143	VI, 1.	ibid.
<i>2 Thess.</i> II, 8.	659	3.	ibid.
13.	334	5.	ibid.
<i>1 Tim.</i> I, 7.	523	7.	ibid.
II, 4.	659	X, 4, 5.	707
<i>1 Pet.</i> I, 2.	334	XI, 15.	659
V, 3.	659	XII, 7-10.	87
		<i>Apoc.</i>	

RERUM NOTABILIORUM.

<i>Apoc. XIII, 13.</i>	662	Simonis (Jo.) laudatus.	615
<i>XIV, 4.</i>	285	Simsonis historia illustrata.	344
<i>10.</i>	279	Sixia gens antiqua ex numo de-	
<i>XV, 7.</i>	79	tecta.	99
<i>XVIII, 6.</i>	280	Slavi an olim in Megapoli pra-	
<i>XXI.</i>	431	dia libera tenuerint? 59 seq.	
<i>24.</i>	659	Sleidani (Jo.) vita & scripta.	
<i>Sector astronomicus Grahani.</i>	126		575
<i>Sellandia in antiquis Diplomatibus quid notet?</i>	51	Smithi (Guil.) in Longinum merita.	480
<i>Sepulcra Regum vetera descripta.</i>	208	Socialitatis fundamentum quale?	354
<i>In Seriebus infinitis Supplementum.</i>	413	Sogdianes regionis limites descripti.	583
<i>Serierum infinitarum methodus.</i>	401	Spanhemii (Ezech.) in rem literariam merita laudata.	117
<i>De Serpente deceptore doctrina demonstrata.</i>	84	nonnulla	
<i>Servi Italorum quales olim fuerint?</i>	9	perperam dicta notata. ibid.	
<i>horum manumissiones descriptae.</i>	10	Spechtius (Christian.) laudatus.	254
<i>Sidera cur ab horizonte majora appareant?</i>	24	Specula juxta sectiones conicas formata quales imagines exhibeant?	32
<i>Siderum in corpus humanum influxus qualis?</i>	40	Sperlingii (Ottonis) Nota in Adamum Breimensem edita.	53
<i>Sigilla quaedam singularia notata.</i>	341	Speronii (Speronis) vita & scripta.	575
<i>Sigillum interdum chartam medicae aetatis notat.</i>	ibid.	Spinoza (Bened.) notatus.	710
<i>Sigonii (Caroli) cum Robortello & Gruchio controversia.</i>	626	Spiritus S. divinitas confirmata.	717
<i>Siluntis oppidi situs descriptus.</i>	383	Sponte & libere fieri quomodo differant?	613
<i>De Simeonis Metaphrasta vitis Sanctorum judicium.</i>	445	Stapletoni (Thoma) vita & scripta.	576
		Stephani Byzantini locus illustratus.	141
		Stephani	

INDEX

Stephanii (Steph. Jo.) <i>vita & scripta.</i>	293	Telescopii <i>catopitrici inventor.</i>	21
<i>ria Danica edita.</i>	ibid.	Telescopiorum <i>proprietates quas simplicissime & generalissime demonstratae.</i>	26
Stibii <i>natura descripta.</i>	605	De Telesphoro <i>Diff. edita.</i>	143
Strabonis <i>locus emendatus.</i>	142	Tellerus (Romanus) <i>laudatus.</i>	324 seq.
<i>Geographia illustrata.</i>	ibid.	Telluris <i>figura qualis?</i>	521
De Strozza (Pallade) <i>judicium.</i>	44		322
Studia <i>per regulas diateticas facilianda.</i>	40	In Terentium <i>merita Jo. Calphurnii.</i>	501
Succini, <i>prope Schmidebergam detecti, historia & natura.</i>	368 seq.	Terra <i>ex infinitis salium generibus constat.</i>	139
Sudorifica <i>in Medicina quem usum praebeant?</i>	183	Terra <i>figura qualis?</i>	322. 521
Suslanæ (Huberti) <i>vita & scripta.</i>	381	Terrea <i>remedia ex Medicina profligata.</i>	648 seq.
Synesius, <i>Ptolemaidis Ep. probabilis Autor librorum, qui Dionysio Arcopagita tribuuntur.</i>	686	Ad Tertulliani <i>Apologeticum & librum adversus Valentinianos Observationes edita.</i>	143
		Testium <i>in Beatificationis & Canonizationis judicio quae sint requisita?</i>	438 seq.
		A Teteleben (Valentini) <i>de morte Leonis X epistola edita.</i>	143
			de Pa-
			pa Hadriano VI <i>Epistola edita.</i>
			144
			Theophylacti <i>locus explicatus.</i>
			71
			Theupoli <i>Musei Numismata rariora recensita.</i>
			98 seq.
			Thirmairii (Thomae) <i>vita.</i>
			421
			Thmui, <i>urbs Aegypti, descripta.</i>
			525
			Thomae

RERUM NOTABILIORUM

Thomæ (Jo.) Oratio in laudem Christiani III, R. Daniz, edita. 294	Typographiæ Lipsiensis origo & incrementa. 185 seq.
Thomasius (Christianus) refutatus. 89	V. Vadiani (Joach.) vita & scripta. 188
Thurii (Nic. Mareſchalci) Vita Obetritarum, & in eas Commentarii, editi. 57	Vagetii (Augustini) vita & scripta. 254
Thuringiæ veteris Monasteria descripta. 148 seq.	Valcarengi (Pauli) scripta promissa. 384
Tillemontii (Nani) vita. 46	Valeſii (Hadr.) de vita Henr. Valesii liber denuo editus. 66
Tillotſoni (Jo.) vita & scripta. 381	Orationes & Carmina edita. 75
Tollii (Henr.) vita & scripta. 253	(Henr.) vita & scripta. ibid.
Tonitrua quomodo fiant? 138	Orationes denuo editæ. ibid.
Tralles (Balth. Lud.) laudatus 646	De Valla (Laur.) judicium. 44
Transubſtantiatiõis dogma refutatum. 110	Valvi apud veteres Germanos qui? 298
Trazigeri (Adami) Chronicon Flamburgense editum. 55	Vareti (Alexandri) vita & scripta. 189
vita. 56	Variolarum morbus num antiquis cognitus? 469
Tribonianus deſenſus. 118	descriptus. ibid.
Trithemii (Jo.) vita & scripta. 380	inſitio quibus in terris uſitata? ibid.
Tronchini (Lud.) vita. 114	curatio. 469 seq.
Trotzius (Christian. Henr.) laudatus. 256	Vegetabile quomodo creſcat, conſervetur, & intereat? 137
Opera promiſſa. 263	Velleji loci emendati. 719 seq.
Turnebi (Adriani) vita & scripta. 576	Venæſectio quomodo adminiſtranda? 183
Turretini (Jo. Alph.) cum Pfaffio controverſia. 112	Venti percuffio quomodo aſtimanda? 217
vita. 143	
Tuttiliana gens in veteri luſcriptione. 516	D d d d d Venti

INDEX RERUM NOTABILIORUM.

Venti vires quomodo accuratius aestimande?	641	W.	
Ventorum natura & in corpus humanum effectus explicati.	40	W	atmal, vox antiqua Germanica, quid notet? 297
Ventus quid?	138		seq.
Vergerii (Petri Pauli) senioris, vita & scripta.	380	Westenbergius (Jo. Ortwin.)	laudatus. 459
junioris, vita & scripta.	ibid.	Whistonus refutatus.	717
Vermium, ex quibus musca fiunt, historia naturalis.	594	Wicquefortii (Abrah.) vita & scripta.	380
seq.		Wilischiana memoria instaurata.	368
prima, secunda, & tertia metamorphosis.	596	Wilugbeji (Franc.) avium ordinis describendi ratio.	416
Vertotius notatus.	250	Wimphelingii (Jacobi) vita & scripta.	379
In Vibium Sequestrem Animadversiones editae.	140	Wimpinæi (Jo. Alb.) vita.	421
Vici calidi aque descripta.	698	Wincklerus (Jo. Diet.) laudatus.	524
seq.		Wokenius (Franc.) notatus.	709
De la Vigne (Mich.) vita & scripta.	576	Z.	
Virgilii Carminum nova editio promissa.	335	Z	iegelbaur (Magnoaldus) in Heumanum iniquior. 675
Visio distincta in variis objectorum distantis.	21		seq.
Visorium organon descriptum.	604	Zornii (Petri) Diff. de Telesphoro edita.	143
Visus defectus & medela.	21		de umbra S. Petri sananti edita. ibid.
Vivaria quid sint in legibus?	89		de veritate miraculi in martyribus elinguibz cognita. ibid.
Ad Vogtii Catalogum librorum rariorum Supplementa edita.	144		de capistris capite damnatorum apud veteres edita. 144
De Vorwaltern (Jo. Menradi) vita.	421		

Pag. 106 lin. 21 pro Cauco legendum est Caveo; & lin. 31 pro Causus, Caveus.





